

Namo tassa bhagavato arahato sammāsambuddhassa

# Abhidhammapiṭake

Sammohavinodanī nāma

## Vibhaṅga-aṭṭhakathā

### 1. Khandhavibhaṅgo

#### 1. Suttantabhājanīyaṅṅaṇā

Catusaccadaso nātho, catudhā dhammasaṅgaṇiṃ;  
Pakāsavitvā sambuddho, tasseva samanantaram.

Upeto buddhadhammehi, aṭṭhārasahi nāyako;  
Aṭṭhārasannaṃ khandhādi-vibhaṅgānaṃ vasena yaṃ.

Vibhaṅgaṃ desayī sathā, tassa saṃvaṅṅanaṅkamo;  
Idāni yasmā sampatto, tasmā tassatthavaṅṅanaṃ.

Karissāmi vigāhetvā, porāṇaṭṭhakathānaṃ;  
Saddhamme gāraṃ katvā, taṃ suṇātha samāhitāti.

**1. Pañcakkhandhā – rūpakkhandho...pe... viññāṇakkhandhoti** idaṃ vibhaṅgappakaraṇassa ādibhūte khandhavibhaṅge suttantabhājanīyaṃ nāma. Tattha **pañcā**ti gaṇanaparicchedo. Tena na tato heṭṭhā na uddhanti dasseti. **Khandhā**ti paricchinnadhammanidassanaṃ. Tatrāyaṃ khandha-saddo sambahulesu ṭhānesu dissati – rāsīmhi, guṇe, paṇṇattiyam, ruḷhiyanti. “Seyyathāpi, bhikkhave, mahāsamudde na sukaram udakassa pamāṇam gahetum – ettakāni udakāḷhakānīti vā ettakāni udakāḷhakasatānīti vā ettakāni udakāḷhakasahasānīti vā ettakāni udakāḷhakasatasahasānīti vā, atha kho asaṅkhyeyyo appameyyo mahāudakakkhandhotveva saṅkhyam gacchatī”tiādīsu (a. ni. 4.51; 6.37) hi rāsīto khandho nāma. Nahi parittakam udakam udakakkhandhoti vuccati, bahukameva vuccati. Tathā na parittako rajo rajakkhandho, na appamattakā gāvo gavakkhandho, na appamattakam balam balakkhandho, na appamattakam puññam puññakkhandhoti vuccati. Bahukameva hi rajo rajakkhandho, bahukāva gavādayo gavakkhandho, balakkhandho, puññakkhandhoti vuccanti. “Sīlakkhandho samādhikkhandho”tiādīsu (dī. ni. 3.355) pana guṇato khandho nāma. “Addasā kho bhagavā mahantaṃ dārūkkhandham gaṅgāya nadiyā sotena vuyhamāna”nti (saṃ. ni. 4.241). Ettha paṇṇattito khandho nāma. “Yaṃ cittaṃ mano mānasam...pe... viññāṇam viññāṇakkhandho”tiādīsu (dha. sa. 63, 65) ruḷhito khandho nāma. Svāyamidha rāsīto adhippeto. Ayaṃhi khandhaṭṭho nāma piṇḍaṭṭho pūgaṭṭho ghaṭaṭṭho rāsaṭṭho. Tasmā ‘rāsīlakkhaṇā khandhā’ti veditabbā. Koṭṭhāsaṭṭhotipi vattum vaṭṭati; lokasmiṃhi iṇam gahetvā codiyamānā ‘dvīhi khandhehi dassāma, tīhi khandhehi dassāmā’ti vadanti. Iti ‘koṭṭhāsalakkhaṇā khandhā’tipi vattum vaṭṭati. Evamettha **rūpakkhandhoti** rūparāsi rūpakoṭṭhāso, **vedanākkhandhoti** vedanārāsi vedanākoṭṭhāsoti iminā nayena saññākkhandhādīnaṃ attho veditabbo.

Ettāvatā sammāsambuddho yvāyaṃ “cattāro ca mahābhūtā catunnaṅca mahābhūtānaṃ upādāyarūpa”nti atītānāgatapaccuppannādīsu ekādasasu okāsesu vibhatto ‘pañcavīsati rūpakoṭṭhāsā’ti ca ‘channavuti rūpakoṭṭhāsā’ti ca evampabhedo rūparāsi, taṃ sabbaṃ paripiṇḍetvā rūpakkhandho nāmāti dassesi. Yo panāyaṃ “sukhā vedanā, dukkhā vedanā, adukkhamasukhā vedanā”ti tesuyeva ekādasasu okāsesu vibhatto catubhūmikavedanārāsi, taṃ sabbaṃ paripiṇḍetvā vedanākkhandho nāmāti dassesi. Yo panāyaṃ “cakkhusamphassajā saññā...pe... manosamphassajā saññā”ti tesuyeva ekādasasu okāsesu vibhatto catubhūmikasaññārāsi, taṃ sabbaṃ paripiṇḍetvā saññākkhandho nāmāti dassesi. Yo panāyaṃ “cakkhusamphassajā cetanā...pe... manosamphassajā cetanā”ti tesuyeva ekādasasu okāsesu vibhatto catubhūmikacetanārāsi, taṃ sabbaṃ paripiṇḍetvā saṅkhārakkhandho nāmāti dassesi. Yo panāyaṃ “cakkhuvīññāṇam, sotaghānājavhākāyaviññāṇam, manodhātu, manovīññāṇadhātu”ti tesuyeva ekādasasu okāsesu vibhatto catubhūmikacittarāsi, taṃ sabbaṃ paripiṇḍetvā viññāṇakkhandho nāmāti dassesi.

Apicettha sabbampi catusamuṭṭhānikaṃ rūpaṃ rūpakkhandho, kāmāvacaraaṭṭhakusalacittādīhi ekūnanavuticittehi sahaṅgāta vedanā vedanākkhandho, saññā saññākkhandho, phassādayo dhammā saṅkhārakkhandho, ekūnanavuti cittāni

viññāṇakkhandhoti. Evampi pañcasu khandhesu dhammaparicchedo veditabbo.

## 1. Rūpakkhandaṇḍeso

2. Idāni te rūpakkhandaḍayo vibhajitvā dassetuṃ **tattha katamo rūpakkhandaḍo**tiādimāha. Tattha **tatthā**ti tesu pañcasu khandhesu. **Katamo**ti kathetukamyatāpucchā. **Rūpakkhandaḍo**ti pucchitadhammanidassanaṃ. Idāni taṃ vibhajanto **yaṃ kiñci rūpanti**tiādimāha. Tattha **yaṃ kiñcī**ti anavasesapariyādānaṃ. **Rūpanti**ti atippasaṅganiyamaṃ. Evaṃ padadvayenāpi rūpassa anavasesapariggaḥo kato hoti.

Tattha kenaṭṭhena rūpanti? Ruppanaṭṭhena rūpaṃ. Vuttañhetuṃ bhagavatā –

“Kiñca, bhikkhave, rūpaṃ vadetha? Ruppattīti kho, bhikkhave, tasmā rūpanti vuccati. Kena ruppanti? Sītenapi ruppanti, uñhenapi ruppanti, jighacchāyapi ruppanti, pipāsāyapi ruppanti, ḍaṃsamakasavātātapasarisapasamphassenapi ruppanti. Ruppattīti kho, bhikkhave, tasmā rūpanti vuccati”ti (saṃ. nī. 3.79).

Tattha **kinti**ti kāraṇapucchā; kena kāraṇena rūpaṃ vadetha, kena kāraṇena taṃ rūpaṃ nāmāti attho. Ruppattīti ettha **itīti**ti kāraṇuddeso. Yasmā ruppanti tasmā rūpanti vuccatīti attho. **Ruppattīti**ti kuppanti ghaṭṭiyati piḷiyati bhijjattīti attho. Evaṃ iminā ettakena ṭhānena ruppanaṭṭhena rūpaṃ vuttaṃ. Ruppanaḷakkhaṇena rūpantiṭi vattuṃ vaṭṭati. Ruppanaḷakkhaṇaṭṭhenaṃ.

**Sītenapi ruppattīti**tiādisu pana **sītena** tāva **ruppanaṃ lokantarikaniraye**ti pākaṭaṃ. Tiṇṇaṃ tiṇṇaṇhi cakkavāḷānaṃ antare ekeko lokantarikanirayo nāma hoti aṭṭhayanāsaḥassappamaṇo, yassa neva hetthā pathavī atthi, na upari candimasūriyadīpamaṇiāloko, niccandhakāro. Tattha nibbattasattānaṃ tigāvuto attabhāvo hoti. Te vagguliyo viya pabbatapāde dīghaputhulehi nakhehi laggitvā avamsirā olambanti. Yadā saṃsappantā aññamaññassa hatthapāsagatā honti atha ‘bhakkho no laddho’ti maññamānā tattha byāvaṭṭa viparivattitvā lokasandhāraḥe udake patanti, sītavāte paharantepi pakkamadhukaphalāni viya chijjivā udake patanti. Patitamattāva accantakhārena sītodakena chinnacammaṃsaṭṭhīhi bhijjamānehi tattatele patitapiṭṭhapiṇḍi viya paṭapaṭāyamānā vilīyanti. Evaṃ sītena ruppanaṃ lokantarikaniraye pākaṭaṃ. Mahimsakaraṭṭhādīsupi himapātasītalesu padesesu etaṃ pākaṭameva. Tattha hi sattā sītena bhinnacchinnasarīrā jīvitaḷakkhayampi pāpuṇanti.

**Uñhena ruppanaṃ avīcimahāniraye**ti pākaṭaṃ. Tattha hi tattāya lohapathaviyā nipajjāpetvā pañcavidhabandhanādikaraṇakāle sattā mahādukkhaṃ anubhavanti.

**Jighacchāya ruppanaṃ**ti pettivisaye ceva dubbhikkhakāle ca pākaṭaṃ. Pettivisayasmīhi sattā dve tiṇi buddhantarāni kiñcīdeva āmisāṃ hatthena gahetvā mukhe pakkhipantā nāma na honti. Antoudaraṃ ādittasusirarukkho viya hoti. Dubbhikkhe kañjikamattampi alabhitvā maraṇappattānaṃ pamāṇaṃ nāma natthi.

**Pipāsāya ruppanaṃ kālakañjikādīsū**ti pākaṭaṃ. Tattha hi sattā dve tiṇi buddhantarāni hadayatemanamattaṃ vā jivhātemanamattaṃ vā udakabinduṃ laddhuṃ na sakkonti. ‘Pānīyaṃ pivissāmā’ti nadiṃ gatānampi nadī vālikātalaṃ sampajjati. Mahāsamuddaṃ pakkhantānampi mahāsamuddo piṭṭhipāsāṇo hoti. Te sussantā balavadukkhapīṭiā vicaranti.

Eko kira kālakañjikaasuro pipāsaṃ adhivāsetuṃ asakkonto yojanagambhīravittāraṃ mahāgaṅgaṃ otari. Tassa gatagataṭṭhāne udakaṃ chijjati, dhūmo uggacchati, tatte piṭṭhipāsāṇe caṅkamanakālo viya hoti. Tassa udakasaddaṃ sutvā ito cito ca vicarantasseva ratti vibhāyi. Atha naṃ pātova bhikkhācāraṃ gacchantā tiṃsamattā piṇḍacārikabhikkhū disvā – “ko nāma tvaṃ, sappurisā”ti pucchimsu. “Petohamasmi, bhante”ti. “Kiṃ pariyesā”ti? “Pānīyaṃ, bhante”ti. “Ayaṃ gaṅgā paripuṇṇā, kiṃ tvaṃ na passasī”ti? “Na upakappati, bhante”ti. “Tena hi gaṅgāpiṭṭhe nipajja, mukhe te pānīyaṃ āsiñcissāmā”ti. So vālikāpuḷine uttāno nipajji. Bhikkhū tiṃsamatte patte nīharitvā udakaṃ āharitvā āharitvā tassa mukhe āsiñcimsu. Tesāṃ tathā karontānaṃyeva velā upakaṭṭhā jātā. Tato “bhikkhācāraḥakālo amhākaṃ, sappurisa; kacci te assādamattā laddhā”ti āhaṃsu. Peto “sace me, bhante, tiṃsamattānaṃ ayyānaṃ tiṃsamattehi pattehi āsittaḍakato aḍḍhapasatamattampi paragalagataṃ, petattabhāvato makkho mā hotū”ti āha. Evaṃ pipāsāya ruppanaṃ pettivisaye pākaṭaṃ.

**Ḍaṃsādīhi ruppanaṃ**ti ḍaṃsamakkhikādisambabahulesu padesesu pākaṭaṃ. Ettha ca **ḍaṃsāti**ti piṅgalamakkhikā, **makasāti**ti makasāva **vātāti**ti kucchivātapīṭṭhivātādivasena veditabbā. Sarīrasmiñhi vātarogo uppajjivā hatthapādapiṭṭhiādinī bhindati, kāṇaṃ karoti, khujjaṃ karoti, pīṭṭhasappiṃ karoti. **Ātapoti**ti sūriyātapo. Tena ruppanaṃ **marukantārādīsū**ti pākaṭaṃ. Ekā kira itthī marukantāre rattiṃ satthato ohīnā divā sūriye uggacchante vālikāya

tappamānāya pāde t̥hapetum asakkontī sīsato pacchīm otāretvā akkami. Kamena pacchīyā uñhābhittāyā t̥hātum asakkontī tassā upari sātakaṃ t̥hapetvā akkami. Tasmimpi santatte añkena gahitaṃ puttakaṃ adhomukhaṃ nipajjāpetvā kandantaṃ kandantaṃ akkamitvā saddhīm tena tasmimyeva t̥hāne uñhābhittā kālamakāsi.

**Sarīsapāti** ye keci dīghajātīkā sarantā gacchanti. Tesam samphassena ruppanaṃ āsīvisadaṭṭhādīnaṃ vasena veditabbaṃ.

Idāni ‘yaṃ kiñci rūpa’nti padena saṃgahitaṃ pañcavīsatiakoṭṭhāsachannavutikoṭṭhāsappabhedam sabbampi rūpaṃ atītādikoṭṭhāsesu pakkhipitvā dassetuṃ **atītānāgatapaccuppananti** āha. Tato paraṃ tadeva ajjhataḍḍakādīsū catūsū dukesu pakkhipitvā dassetuṃ **ajjhataṃ vā bahiddhā vā**tiādi vuttaṃ. Tato paraṃ sabbametaṃ ekādasasu padeseu pariyādiyitvā dassitaṃ rūpaṃ ekato piṇḍaṃ katvā dassetuṃ **tadekajjhanti**ādi vuttaṃ.

Tattha **tadekajjhanti** taṃ ekajjhaṃ; **abhisaññūhītvā**ti abhisamharitvā; **abhisañkhipitvā**ti sañkhepaṃ katvā; idaṃ vuttaṃ hoti – sabbametaṃ vuttapakāraṃ rūpaṃ ruppanalakkhaṇasañkhāte ekavidhabhāve paññāya rāsīm katvā rūpakkhando nāmāti vuccatīti. Etena sabbampi rūpaṃ ruppanalakkhaṇe rāsibhāvūpagamanena rūpakkhandoṃ dassitaṃ hoti. Na hi rūpato añño rūpakkhando nāma atthi. Yathā ca rūpaṃ, evaṃ vedanādayopi vedayitalakkhaṇādīsū rāsibhāvūpagamanena. Na hi vedanādīhi aññe vedanākkhandhādayo nāma atthi.

3. Idāni ekekaṃ okāse pakkhittaṃ rūpaṃ viṣuṃ viṣuṃ bhājetvā dassento **tattha katamaṃ rūpaṃ atītanti**ādīmāha. Tattha **tatthāti** ekādasasu okāsesu pakkhipitvā t̥hapitamātikāya bhummaṃ. Idaṃ vuttaṃ hoti – atītānāgatapaccuppanantiādīnaṃ nayena t̥hapitāya mātīkāya yaṃ atītaṃ rūpanti vuttaṃ, taṃ katamanti? Iminā upāyena sabbapucchāsū attho veditabbo. **Atītaṃ niruddhanti**ādīni padāni nikkhepaṇḍassa atītattikabhājanīyavañṇanāyaṃ (dha. sa. aṭṭha. 1044) vuttāneva. **Cattāro ca mahābhūtā**ti idaṃ atītanti vuttarūpassa sabhāvadassanaṃ. Yathā cettha evaṃ sabbattha attho veditabbo. Iminā idaṃ dasseti – atītarūpampi bhūtāni ceva bhūtāni upādāya nibbatarūpaṇca, anāgatampi...pe... dūrasantikampi. Na hi bhūtehi ceva bhūtāni upādāya pavattarūpato ca aññaṃ rūpaṃ nāma atthīti.

Aparo nayo – **atītaṃsena sañgahitanti** atītakoṭṭhāseva sañgahitaṃ, ettheva gaṇanaṃ gataṃ. Kinti? Cattāro ca mahābhūtā catunnaṃca mahābhūtānaṃ upādāyarūpanti. Evaṃ sabbattha attho veditabbo. Anāgatapaccuppananiddesapadānīpi heṭṭhā vuttatthāneva.

Idaṃ pana atītānāgatapaccuppanaṃ nāma suttantapariyāyato abhidhammaniddesatoti duvidhaṃ. Taṃ suttantapariyāye bhavena paricchinnaṃ. Paṭisandhito hi paṭṭhāya atītabhavesu nibbattaṃ rūpaṃ, anantarabhāve vā nibbattaṃ hotu kappakoṭṭisatasahassamatthake vā, sabbam atītameva nāma. Cutito paṭṭhāya anāgatabhavesu nibbattanakarūpaṃ, anantarabhāve vā nibbattaṃ hotu kappakoṭṭisatasahassamatthake vā, sabbam anāgatameva nāma. Cutipaṭisandhianantare pavattarūpaṃ paccuppanaṃ nāma. Abhidhammaniddese pana khaṇena paricchinnaṃ. Tayo hi rūpassa khaṇā – uppādo, t̥hiti, bhaṅgoti. Ime tayo khaṇe patvā niruddhaṃ rūpaṃ, samanantaraniruddhaṃ vā hotu atīte kappakoṭṭisatasahassamatthake vā, sabbam atītameva nāma. Tayo khaṇe asamattaṃ rūpaṃ, ekacittakkhaṇamattena vā asamattaṃ hotu anāgate kappakoṭṭisatasahassamatthake vā, sabbam anāgatameva nāma. Ime tayo khaṇe sampattaṃ rūpaṃ pana paccuppanaṃ nāma. Tattha kiñcāpi idaṃ suttantabhājanīyaṃ, evaṃ santepi abhidhammaniddeseneva atītānāgatapaccuppanarūpaṃ niddiṭṭhanti veditabbaṃ.

Aparo nayo – idaṃhi rūpaṃ addhāsantatisamayakhaṇavasena catudhā atītaṃ nāma hoti. Tathā anāgatapaccuppanaṃ. Addhāvasena tāva ekassa ekasmiṃ bhāve paṭisandhito pubbe atītaṃ, cutito uddhaṃ anāgataṃ, ubhinnamantare paccuppanaṃ. Santativasena sabhāgaekautusamuṭṭhānaṃ ekāhārasamuṭṭhānaṃca pubbāpariyavasena pavattamānampi paccuppanaṃ. Tato pubbe visabhāgaūtuāhārasamuṭṭhānaṃ atītaṃ, pacchā anāgataṃ. Cittajaṃ ekavīthiekajavanaekasamāpattisamuṭṭhānaṃ paccuppanaṃ. Tato pubbe atītaṃ, pacchā anāgataṃ. Kammasamuṭṭhānaṃca pāṭiyekkaṃ santativasena atītādibhedo natthi. Tesaññeva pana utuāhāracittasamuṭṭhānaṃ upatthambhākasena tassa atītādibhedo veditabbo. Samayavasena ekamuhuttapubbaṇhasāyanharattidivādīsū samayesu santānavasena pavattamānaṃ taṃ taṃ samayaṃ paccuppanaṃ nāma. Tato pubbe atītaṃ, pacchā anāgataṃ. Khaṇavasena uppādādikkhāṇattapariyāpanaṃ paccuppanaṃ nāma. Tato pubbe atītaṃ, pacchā anāgataṃ.

Apica atikkahetupaccayakiccaṃ atītaṃ. Niṭṭhitahetukiccaṃ anīṭṭhitapaccayakiccaṃ paccuppanaṃ. Ubhayakiccamasampattaṃ anāgataṃ. Sakiccakhaṇe vā paccuppanaṃ. Tato pubbe atītaṃ, pacchā anāgataṃ. Ettha ca khaṇādīkathāva nīppariyāyā, sesā sapariyāyā. Tāsu nīppariyāyakathā idha adhippetā. Ajjhataḍḍakassāpi niddesapadāni heṭṭhā ajjhataṭṭikaniddese (dha. sa. aṭṭha. 1050) vuttatthāneva. Oḷārikādīni rūpakaṇḍavañṇanāyaṃ (dha. sa. aṭṭha. 674) vuttatthāneva.

6. Hīnadukaniddese **tesam tesam sattānanti** bahūsū sattesu sāmivacanaṃ. Aparassāpi aparassāpīti hi vuccamāne

dīvasampi kappasatasahassampi vadanto ettakameva vadeyya. Iti satthā dvīheva padehi anavasese satte pariyādiyanto ‘tesaṃ tesaṃ sattāna’nti āha. Ettakena hi sabbampi aparādīpanaṃ siddhaṃ hoti. **Uññātanti** avamataṃ. **Avaññātanti** vambhetvā ñātaṃ. Rūpantipi na viditaṃ. **Hīlitanti** agahetabbaṭṭhena khittaṃ chaḍḍitaṃ, jigucchitanti vadanti. **Paribhūtanti** kimetenāti vācāya paribhaviṃ. **Acittikatanti** na garukataṃ. **Hīnanti** lāmakāṃ. **Hīnamatanti** hīnanti mataṃ, lāmakāṃ katvā ñātaṃ. **Hīnasammatanti** hīnanti loke sammataṃ, hīnehi vā sammataṃ, gūṭhabhakkhehi gūṭho viya. **Aniṭṭhanti** appiyaṃ, paṭilābhatthāya vā apariyesitaṃ. Sacepi naṃ koci pariyeseyya, pariyesatu. Etassa pana ārammaṇassa etadeva nāmaṃ. **Akantanti** akāmitaṃ, nissirikaṃ vā. **Amanāpanti** manasmim̃ na appitaṃ. Tādīsañhi ārammaṇaṃ manasmim̃ na appiyati. Atha vā manaṃ appāyati vaḍḍhetīti manāpaṃ, na manāpaṃ amanāpaṃ.

Aparo nayo – **aniṭṭhaṃ** sampattivirahato. Taṃ ekantena kammaṣamuṭṭhānesu akusalakammaṣamuṭṭhānaṃ. **Akantam̃** sukhasa ahētubhāvato. **Amanāpaṃ** dukkhasa hetubhāvato. **Rūpā saddāti** idamassa sabhāvadīpanaṃ. Imasmim̃hi pade akusalakammajavasena aniṭṭhā pañca kāmagaṇā vibhattā. Kusalakammajaṃ pana aniṭṭhaṃ nāma natthi, sabbam̃ iṭṭhameva.

Paṇītapadaniddeso vuttapaṭipakkhanayena veditaṃ. Imasmim̃ pana pade kusalakammajavasena iṭṭhā pañca kāmagaṇā vibhattā. Kusalakammajañhi aniṭṭhaṃ nāma natthi, sabbam̃ iṭṭhameva. Yathā ca kammajesu evaṃ utusamuṭṭhānādīsipi iṭṭhāniṭṭhatā atthi evāti imasmim̃ duke iṭṭhāniṭṭhārammaṇaṃ paṭivibhattanti veditaṃ. Ayaṃ tāva ācariyānaṃ samānatthakathā. Vītaṇḍavādī panāha – **iṭṭhāniṭṭhaṃ** nāma pāṭiyekkaṃ paṭivibhattaṃ natthi, tesaṃ tesaṃ rucivasena kathitaṃ.

Yathāha –

“Manāpapariyantaṃ khvāhaṃ, mahārāja, pañcasu kāmagaṇesu agganti vadāmi. Teva, mahārāja, rūpā ekaccassa manāpā honti, ekaccassa amanāpā honti. Teva, mahārāja, saddā, gandhā, rasā, phoṭṭhabbā ekaccassa manāpā honti, ekaccassa amanāpā honti”’ti (saṃ. ni. 1.123).

Evaṃ yasmā teyeva rūpādayo eko assādeti abhinandati, tattha lobhaṃ uppādeti. Eko kujjhati paṭihaññati, tattha dosaṃ uppādeti. Ekassa iṭṭhā honti kantā manāpā, ekassa aniṭṭhā akantā amanāpā. Eko cete ‘iṭṭhā kantā manāpā’ti dakkhiṇato gaṇhāti, eko ‘aniṭṭhā akantā amanāpā’ti vāmato. Tasmā iṭṭhāniṭṭhaṃ nāma pāṭiyekkaṃ paṭivibhattaṃ nāma natthi. Paccantavāsīnañhi gaṇḍuppādāpi iṭṭhā honti kantā manāpā, majjhimadesavāsīnaṃ atijegucchā. Tesañca moramaṃsādīni iṭṭhāni honti, itaresaṃ tāni atijegucchānti.

So vattabbo – ‘kiṃ pana tvaṃ iṭṭhāniṭṭhārammaṇaṃ pāṭiyekkaṃ paṭivibhattaṃ nāma natthīti vadesī’? ‘Āma natthī’?ti vadāmi. Puna tatheva yāvataiyam̃ patiṭṭhāpetvā pañho pucchitabbo – ‘nibbānaṃ nāma iṭṭhaṃ udāhu aniṭṭha’nti? Jānaṃāno ‘iṭṭha’nti vakkhati. Sacepi na vadeyya, mā vadatu. Nibbānaṃ pana ekantaṭṭhameva. ‘Nanu eko nibbānassa vaṇṇe kathiyamāne kujjhivā – ‘tvaṃ nibbānassa vaṇṇaṃ kathesi, kiṃ tattha annapānamālāgandhavilepanasayanacchādanasamiddhā pañca kāmagaṇā atthī’ti vatvā ‘natthī’ti vutte ‘alam̃ tava nibbānenā’ti nibbānassa vaṇṇe kathiyamāne kujjhivā ubho kaṇṇe thaketīti iṭṭhetam̃. Etassa pana vasena tava vāde nibbānaṃ aniṭṭhaṃ nāma hoti. Na panetaṃ evaṃ gahetabbaṃ. Eso hi viparītasāññāya katheti. Saññāvīpallāsena ca tadeva ārammaṇaṃ ekassa iṭṭhaṃ hoti, ekassa aniṭṭhaṃ’.

Iṭṭhāniṭṭhārammaṇaṃ pana pāṭiyekkaṃ vibhattaṃ atthīti. Kassa vasena vibhattanti? Majjhimakasattassa. Idañhi na atīssarānaṃ mahāsammatamahāsudassanadhammāsokādīnaṃ vasena vibhattaṃ. Tesañhi dibbakappampi ārammaṇaṃ amanāpaṃ upaṭṭhāti. Na atiduggatānaṃ dullabhannapānānaṃ vasena vibhattaṃ. Tesañhi kaṇḍjakabhattasitthānīpi pūtimāṃsarasopi atimadhuro amatasadiso ca hoti. Majjhimakānaṃ pana gaṇakamahāmattasetṭhikuṭumbikavāññādīnaṃ kālena iṭṭhaṃ kālena aniṭṭhaṃ labhamānānaṃ vasena vibhattaṃ. Evarūpā hi iṭṭhāniṭṭhaṃ paricchinditum̃ sakkontīti.

Tiṭṭakacūlanāgathero panāha – ‘iṭṭhāniṭṭhaṃ nāma vipākavaseneva paricchinnam̃, na javanasena. Javanaṃ pana saññāvīpallāsavasena iṭṭhasmim̃yeva rajjati, iṭṭhasmim̃yeva dussati; aniṭṭhasmim̃yeva rajjati, aniṭṭhasmim̃yeva dussati’?ti. Vipākavaseneva panetaṃ ekantato paricchijjati. Na hi sakkā vipākacittaṃ vañcetuṃ. Sace ārammaṇaṃ iṭṭhaṃ hoti, kusalavipākam̃ uppajjati. Sace aniṭṭhaṃ, akusalavipākam̃ uppajjati. Kiñcāpi hi micchādīṭṭhikā buddhaṃ vā saṅghaṃ vā mahācetiyaḍḍīni vā uḷārāni ārammaṇāni disvā akkhīni pidahanti, domanassaṃ āpajjanti, dhammasaddam̃ sutvā kaṇṇe thakenti, cakkhuvīññānasotavīññānāni pana nesam̃ kusalavipākāneva honti.

Kiñcāpi gūthasūkarādayo gūthagandhaṃ ghāyitvā ‘khādītum̃ labhissāmā’?ti somanassajātā honti, gūthadassane pana tesaṃ cakkhuvīññānaṃ, tassa gandhaghāyane ghānavīññānaṃ, rāsasāyane jivhāvīññānañca akusalavipākameva

hoti. Bandhitvā varasayane sayāpitasūkaro ca kiñcāpi viravati, saññāvīpallāsena panassa javanasmiṃyeva domanassaṃ uppajjati, kāyaviññāṇaṃ kusalavipākameva. Kasmā? Ārammaṇassa iṭṭhatāya.

Apica dvāravasenāpi iṭṭhāniṭṭhatā veditabbā. Sukhasamphassañhi gūthakalalaṃ cakkhudvāraghānadvāresu aniṭṭhaṃ, kāyadvāre iṭṭhaṃ hoti. Cakkavattino maṇīratana pothiyamānassa, suvaṇṇasūle uttāsītassa ca maṇīratanasuvaṇṇasūlāni cakkhudvāre iṭṭhāni honti, kāyadvāre aniṭṭhāni. Kasmā? Mahādukkhassa uppādanato. Evaṃ iṭṭhāniṭṭhaṃ ekantato vipākeneva paricchijjatīti veditabbam.

**Taṃ taṃ vā panāti** ettha na heṭṭhimanayo oloketabbo. Na hi bhagavā sammutimanāpaṃ bhindati, puggalamanāpaṃ pana bhindati. Tasmā taṃtaṃvāpanavaseneva upādāyupādāya hīnappaṇītatā veditabbā. Nerayikānañhi rūpaṃ koṭippattaṃ **hīnaṃ** nāma; taṃ upādāya tīracchānesu nāgasupaṇṇānaṃ rūpaṃ **paṇītaṃ** nāma. Tesam rūpaṃ hīnaṃ; taṃ upādāya petānaṃ rūpaṃ paṇītaṃ nāma. Tesampi hīnaṃ; taṃ upādāya jānapadānaṃ rūpaṃ paṇītaṃ nāma. Tesampi hīnaṃ; taṃ upādāya gāmahojakānaṃ rūpaṃ paṇītaṃ nāma. Tesampi hīnaṃ; taṃ upādāya janapadasāmīkānaṃ rūpaṃ paṇītaṃ nāma. Tesampi hīnaṃ; taṃ upādāya padesarājūnaṃ rūpaṃ paṇītaṃ nāma. Tesampi hīnaṃ; taṃ upādāya cakkavattirañño rūpaṃ paṇītaṃ nāma. Tassāpi hīnaṃ; taṃ upādāya bhummadevānaṃ rūpaṃ paṇītaṃ nāma. Tesampi hīnaṃ; taṃ upādāya cātumahārājīkānaṃ devānaṃ rūpaṃ paṇītaṃ nāma. Tesampi hīnaṃ; taṃ upādāya tāvatimsānaṃ devānaṃ rūpaṃ paṇītaṃ nāma...pe... akaniṭṭhadevānaṃ pana rūpaṃ matthakappattaṃ paṇītaṃ nāma.

7. Dūradukaniddese **itthindriyādīni** heṭṭhā vibhattāneva. Imasmiṃ pana duke duppariggahaṭṭhena lakkhaṇaduppaṭṭivijjhātāya sukhumarūpaṃ **dūreti** kathitaṃ. Sukhapariggahaṭṭhena lakkhaṇaduppaṭṭivijjhātāya oḷārikarūpaṃ **santiketi**. Kabaḷīkārahārapariyosāne ca niyyātanaṭṭhānēpi ‘idaṃ vuccati rūpaṃ dūre’ti na nīyyātitaṃ. Kasmā? Duvidhañhi dūre nāma – lakkhaṇato ca okāsato cāti. Tattha lakkhaṇato dūreti na kathitaṃ, taṃ okāsato kathetabbam. Tasmā dūreti akathitaṃ. Oḷārikarūpaṃ okāsato dūreti dassetuṃ aniyyātetvāva **yaṃ vā panaññampīti**ādīmāha. Santikapadaniddeseṇi eseva nayo. Tattha **anāsanneti** na āsanne, **anupakaṭṭheti** nissaṭe, **dūreti** dūramhi, **asantiketī** na santike. **Idaṃ vuccati rūpaṃ dūreti** idaṃ paṇṇarasavidhaṃ sukhumarūpaṃ lakkhaṇato dūre, dasavidhaṃ pana oḷārikarūpaṃ yevāpanakavasena okāsato dūreti vuccati. Santikapadaniddeso uttānathoyeva.

**Idaṃ vuccati rūpaṃ santiketī** idaṃ dasavidhaṃ oḷārikarūpaṃ lakkhaṇato santike, pañcadasavidhaṃ pana sukhumarūpaṃ yevāpanakavasena okāsato santiketī vuccati. Kittakato paṭṭhāya pana rūpaṃ okāsavasena santike nāma? Kittakato paṭṭhāya dūre nāmāti? Pakatikathāya kathentānaṃ dvādasahattho savanūpacāro nāma hoti. Tassa orato rūpaṃ santike, parato dūre. Tattha sukhumarūpaṃ dūre hontaṃ lakkhaṇatopi okāsatopi dūre hoti; santike hontaṃ pana okāsatova santike hoti, na lakkhaṇato. Oḷārikarūpaṃ santike hontaṃ lakkhaṇatopi okāsatopi santike hoti; dūre hontaṃ okāsatova dūre hoti, na lakkhaṇato.

**Taṃ taṃ vā panāti** ettha na heṭṭhimanayo oloketabbo. Heṭṭhā hi bhindamāno gato. Idha pana na lakkhaṇato dūraṃ bhindati, okāsato dūrameva bhindati. Upādāyupādāya dūrasantikañhi ettha dassitaṃ. Attano hi rūpaṃ santike nāma; antokucchigatassāpi parassa dūre. Antokucchigatassa santike; bahiṭṭhitaṃ dūre. Ekamañce sayitassa santike; bahipamukhe ṭhitassa dūre. Antopariveṇe rūpaṃ santike; bahipariveṇe dūre. Antosaṅghārāme rūpaṃ santike; bahisaṅghārāme dūre. Antosīmāya rūpaṃ santike; bahisīmāya dūre. Antogāmakhette rūpaṃ santike; bahigāmakkhette dūre. Antojanapade rūpaṃ santike; bahijanapade dūre. Antorajjasīmāya rūpaṃ santike; bahirajjasīmāya dūre. Antosamudde rūpaṃ santike; bahisamudderūpaṃ dūre. Antocakkavāle rūpaṃ santike; bahicakkavāle dūreti.

Ayaṃ rūpakkhandaṇiddeso.

## 2. Vedanākkhandhaniddeso

8. Vedanākkhandhaniddesādīsu heṭṭhā vuttasadiṣaṃ pahāya apubbameva vaṇṇayissāma. **Yā kāci vedanāti** catubhūmikavedanaṃ pariyādiyati. **Sukhā vedanāti**ādīni atītādivasena niddiṭṭhavedanaṃ sabhāvato dassetuṃ vuttāni. Tattha sukhā vedanā atthi kāyikā, atthi cetasikā. Tathā dukkhā vedanā. Adukkhamasukhā pana cakkhādayo pasādakāye sandhāya pariyāyena ‘atthi kāyikā, atthi cetasikā’. Tattha sabbāpi kāyikā kāmāvacarā. Tathā cetasikā dukkhā vedanā. Cetasikā sukhā pana tebhūmikā. Adukkhamasukhā catubhūmikā. Tassā sabbappakārayapi santativasena, khaṇādivasena ca atītādibhāvo veditabbo.

Tattha santativasena ekavīthiekajavanaekasamāpattipariyāpannā, ekavidhavisayasamāyogappavattā ca paccuppannā. Tato pubbe atītā, pacchā anāgatā. Khaṇādivasena khaṇattayapariyāpannā pubbantāparantamajjhagatā sakiccaṇa kurumānā vedanā paccuppannā. Tato pubbe atītā, pacchā anāgatā. Tattha khaṇādivasena atītādibhāvaṃ sandhāya ayaṃ niddeso katotī veditabbo.

**11.** Oḷārikasukhumaniddese **akusalā vedanā**tiādīni jātito oḷārikasukhumabhāvaṃ dassetuṃ vuttāni. **Dukkhā vedanā oḷārikā**tiādīni sabhāvato. **Asamāpannassa vedanā**tiādīni puggalato. **Sāsavā**tiādīni lokiya lokuttarato oḷārikasukhumabhāvaṃ dassetuṃ vuttāni. Tattha akusalā tāva sadarathaṭṭhena dukkhavipākaṭṭhena ca oḷārikā. Kusalā niddarathaṭṭhena sukhavipākaṭṭhena ca sukhumā. Abyākatā nirussāhaṭṭhena avipākaṭṭhena ca sukhumā. Kusalākusalā saussāhaṭṭhena savipākaṭṭhena ca oḷārikā. Abyākatā vuttanayeneva sukhumā.

Dukkhā asātaṭṭhena dukkhaṭṭhena ca oḷārikā. Sukhā sātāṭṭhena sukhaṭṭhena ca sukhumā. Adukkhamasukhā santaṭṭhena pañītaṭṭhena ca sukhumā. Sukhadukkhā khobhanaṭṭhena pharaṇaṭṭhena ca oḷārikā. Sukhavedanāpi hi khobheti pharati. Tathā dukkhavedanāpi. Sukhañhi uppajjamānaṃ sakalasarīraṃ khobhentaṃ āluḷentaṃ abhisandayamānaṃ maddayamānaṃ chādayamānaṃ sītodakaghaṭṭhena āsiñcayamānaṃ viya uppajjati. Dukkhaṃ uppajjamānaṃ tattaphālaṃ anto pavesantaṃ viya tiṇukkāya bahi jhāpayamānaṃ viya uppajjati. Adukkhamasukhā pana vuttanayeneva sukhumā. Asamāpannassa vedanā nānārammaṇe vikkhittabhāvato oḷārikā. Samāpannassa vedanā ekattanimitteyeva caratīti sukhumā. Sāsavā āsavuppattihetuto oḷārikā. Āsavacāro nāma ekantaoḷāriko. Anāsavā vuttavipariyāyena sukhumā.

Tattha eko neva kusalattike kovido hoti, na vedanāttike. So ‘kusalattikaṃ rakkhāmī’ti vedanāttikaṃ bhindati; ‘vedanāttikaṃ rakkhāmī’ti kusalattikaṃ bhindati. Eko ‘tikaṃ rakkhāmī’ti bhūmantaraṃ bhindati. Eko na bhindati. Kathaṃ? ‘Sukhadukkhā vedanā oḷārikā, adukkhamasukhā vedanā sukhumā’ti hi vedanāttike vuttaṃ. Taṃ eko paṭikkhipati – na sabbā adukkhamasukhā sukhumā. Sā hi kusalāpi atthi akusalāpi abyākatāpi. Tattha kusalākusalā oḷārikā, abyākatā sukhumā. Kasmā? Kusalattike pāḷiyaṃ āgatattāti. Evaṃ kusalattiko rakkhito hoti, vedanāttiko pana bhinno.

Kusalākusalā vedanā oḷārikā, abyākatā vedanā sukhumā’ti yaṃ pana kusalattike vuttaṃ, taṃ eko paṭikkhipati – na sabbā abyākatā sukhumā. Sā hi sukhāpi atthi dukkhāpi adukkhamasukhāpi. Tattha sukhadukkhā oḷārikā, adukkhamasukhā sukhumā. Kasmā? Vedanāttike pāḷiyaṃ āgatattāti. Evaṃ vedanāttiko rakkhito hoti, kusalattiko pana bhinno. Kusalattikassa pana āgataṭṭhāne vedanāttikaṃ anoloketvā vedanāttikassa āgataṭṭhāne kusalattikaṃ anoloketvā kusalādīnaṃ kusalattikalakkaṇaṇa, sukhādīnaṃ vedanāttikalakkaṇaṇa oḷārikasukhumataṃ kathento na bhindati nāma.

Yampi ‘kusalākusalā vedanā oḷārikā, abyākatā vedanā sukhumā’ti kusalattike vuttaṃ, tattheko ‘kusalā lokuttaravedanāpi samānā oḷārikā nāma, vipākā antamaso dvipañcaviññāṇasahajātāpi samānā sukhumā nāma hotī’ti vadati. So evarūpaṃ santaṃ pañītaṃ lokuttaravedanaṃ oḷārikaṃ nāma karonto, dvipañcaviññāṇasampayuttaṃ ahetaṃ hīnaṃ jaḷaṃ vedanaṃ sukhumaṃ nāma karonto ‘tikaṃ rakkhissāmī’ti bhūmantaraṃ bhindati nāma. Tattha tattha bhūmiyaṃ kusalaṃ pana taṃtaṃbhūmivipākeneva saddhiṃ yojetvā kathento na bhindati nāma. Tatrāyaṃ nayo – kāmāvacarakusalā hi oḷārikā; kāmāvacaravipākā sukhumā. Rūpāvacarārūpāvacaralokuttarakusalā oḷārikā; rūpāvacarārūpāvacaralokuttaravipākā sukhumāti. Iminā nīhārena kathento na bhindati nāma.

**Tipiṭakacūlanāgattthero** panāha – ‘akusale oḷārikasukhumatā nāma na uddharitabbā. Tañhi ekantaoḷārikameva. Lokuttarepi oḷārikasukhumatā na uddharitabbā. Tañhi ekantasukhuma’nti. Imaṃ kathaṃ āharitvā tipiṭakacūlābhayattherassa kathayimsu – evaṃ therena kathitanti. Tipiṭakacūlābhayatthero āha – ‘sammāsambuddhena abhidhammaṃ patvā ekapadassāpi dvinnampi padānaṃ āgataṭṭhāne nayaṃ dātuṃ yuttaṭṭhāne nayo adinno nāma natthi, nayaṃ kātuṃ yuttaṭṭhāne nayo akato nāma natthi. Idha panekacco ‘ācariyo asmī’ti vicaranto akusale oḷārikasukhumataṃ uddharamāno kukkucāyati. Sammāsambuddhena pana lokuttarepi oḷārikasukhumatā uddharitā’ti. Evañca pana vatvā idaṃ suttaṃ āhari – ‘tatra, bhante, yāyaṃ paṭipadā dukkhā dandhābhīññā, ayaṃ, bhante, paṭipadā ubhayeneva hīnā akkhāyati – dukkhattā dandhattā cā’ti (dī. ni. 3.152). Ettha hi catasso paṭipadā lokiya lokuttaramissakā kathitā.

**Taṃ taṃ vā panāti** ettha na heṭṭhimanayo oloketabbo. Taṃtaṃvāpanavaseneva kathetabbaṃ. Duvidhā hi akusalā – lobhasahagatā dosasahagatā ca. Tattha dosasahagatā oḷārikā, lobhasahagatā sukhumā. Dosasahagatāpi duvidhā – niyatā aniyatā ca. Tattha niyatā oḷārikā, aniyatā sukhumā. Niyatāpi kappatṭhitikā oḷārikā, nokappatṭhitikā sukhumā. Kappatṭhitikāpi asaṅkhārikā oḷārikā, asaṅkhārikā sukhumā. Lobhasahagatāpi dvidhā – diṭṭhisampayuttā diṭṭhivippayuttā ca. Tattha diṭṭhisampayuttā oḷārikā, diṭṭhivippayuttā sukhumā. Diṭṭhisampayuttāpi niyatā oḷārikā, aniyatā sukhumā. Sāpi asaṅkhārikā oḷārikā, asaṅkhārikā sukhumā.

Saṅkhepato akusalaṃ patvā yā vipākaṃ bahuṃ deti sā oḷārikā, yā appaṃ sā sukhumā. Kusalaṃ patvā pana appavipākā oḷārikā, bahuvipākā sukhumā. Catubbidhe kusale kāmāvacarakusalā oḷārikā, rūpāvacarakusalā sukhumā. Sāpi oḷārikā, arūpāvacarakusalā sukhumā. Sāpi oḷārikā, lokuttarakusalā sukhumā. Ayaṃ tāva bhūmīsu abhedato nayo.

Bhedato pana kāmāvacarā dānasīlabhāvanāmayavasena tividhā. Tattha dānamayā oḷārikā, sīlamayā sukhumā. Sāpi oḷārikā, bhāvanāmayā sukhumā. Sāpi duhetukā tihetukāti duvidhā. Tattha duhetukā oḷārikā, tihetukā sukhumā. Tihetukāpi sasaṅkhārikaasaṅkhārikabhedato duvidhā. Tattha sasaṅkhārikā oḷārikā, asaṅkhārikā sukhumā. Rūpāvacare paṭhamajjhānakusalavedanā oḷārikā, dutiyajjhānakusalavedanā sukhumā...pe... catutthajjhānakusalavedanā sukhumā. Sāpi oḷārikā, ākāsānañcāyatanakusalavedanā sukhumā...pe... nevasaññānāsaññāyatanakusalavedanā sukhumā. Sāpi oḷārikā, vipassanāsahajātā sukhumā. Sāpi oḷārikā, sotāpattimaggasahajātā sukhumā. Sāpi oḷārikā...pe... arahattamaggasahajātā sukhumā.

Catubbidhe vipāke kāmāvacaravipākavedanā oḷārikā, rūpāvacaravipākavedanā sukhumā. Sāpi oḷārikā...pe... lokuttaravipākavedanā sukhumā. Evaṃ tāva abhedato.

Bhedato pana kāmāvacaravipākā atthi ahetukā, atthi sahetukā. Sahetukāpi atthi duhetukā, atthi tihetukā. Tattha ahetukā oḷārikā, sahetukā sukhumā. Sāpi duhetukā oḷārikā, tihetukā sukhumā. Tatthāpi sasaṅkhārikā oḷārikā, asaṅkhārikā sukhumā. Paṭhamajjhānavipākā oḷārikā, dutiyajjhānavipākā sukhumā...pe... catutthajjhānavipākā sukhumā. Sāpi oḷārikā, ākāsānañcāyatanavipākā sukhumā. Sāpi oḷārikā...pe... nevasaññānāsaññāyatanavipākā sukhumā. Sāpi oḷārikā, sotāpattiphalavedanā sukhumā. Sāpi oḷārikā, sakadāgāmi...pe... arahattaphalavedanā sukhumā.

Tīsu kiriyāsu kāmāvacarakiriyavedanā oḷārikā, rūpāvacarakiriyavedanā sukhumā. Sāpi oḷārikā, arūpāvacarakiriyavedanā sukhumā. Evaṃ tāva abhedato. Bhedato pana ahetukādivasena bhinnāya kāmāvacarakiriyāya ahetukakiriyavedanā oḷārikā, sahetukā sukhumā. Sāpi duhetukā oḷārikā, tihetukā sukhumā. Tatthāpi sasaṅkhārikā oḷārikā, asaṅkhārikā sukhumā. Paṭhamajjhāne kiriyavedanā oḷārikā, dutiyajjhāne sukhumā. Sāpi oḷārikā, tatiye...pe... catutthe sukhumā. Sāpi oḷārikā, ākāsānañcāyatanakiriyavedanā sukhumā. Sāpi oḷārikā, viññāṇañcā...pe... nevasaññānāsaññāyatanakiriyavedanā sukhumā. Yā oḷārikā sā hīnā. Yā sukhumā sā paṇītā.

**13.** Dūradukaniddese akusalavedanā visabhāgaṭṭhena viṣaṃsaṭṭhena ca kusalābyākātāhi dūre. Iminā nayena sabbapadesu dūrātā veditabbā. Sacepi hi akusalādivedanāsamaṅgino dukkhādivedanāsamaṅgino ca tayo tayo janā ekamañce nisinnā hontī, tesampi tā vedanā visabhāgaṭṭhena viṣaṃsaṭṭhena ca dūreyeva nāma. Samāpannavedanādisamaṅgīsupi eseva nayo. Akusalā pana akusalāya sabhāgaṭṭhena sarikkhaṭṭhena ca santike nāma. Iminā nayena sabbapadesu santikatā veditabbā. Sacepi hi akusalādivedanāsamaṅgīsu tīsu janesu eko kāmabhava, eko rūpabhava, eko arūpabhava, tesampi tā vedanā sabhāgaṭṭhena sarikkhaṭṭhena ca santikeyeva nāma. Kusalādivedanāsamaṅgīsupi eseva nayo.

**Taṃ taṃ vā panāti** ettha heṭṭhimanayaṃ anoloketvā taṃ taṃ vāpanavaseneva kathetabbaṃ. Kathentena ca na dūrato santikaṃ uddharitabbaṃ, santikato pana dūraṃ uddharitabbaṃ. Duvidhā hi akusalā – lobhasahagatā dosasahagatā ca. Tattha lobhasahagatā lobhasahagatāya santike nāma, dosasahagatāya dūre nāma. Dosasahagatā dosasahagatāya santike nāma, lobhasahagatāya dūre nāma. Dosasahagatāpi niyatā niyatāya santike nāmāti. Evaṃ aniyatā. Kappaṭṭhitikaasaṅkhārikasasaṅkhārikabhedam lobhasahagatādisu ca diṭṭhisampayuttādibhedam sabbam oḷārikadukaniddese vitthāritavasena anugantvā ekekakoṭṭhāsavedanā taṃtaṃkoṭṭhāsavedanāya eva santike, itarā itarāya dūreti veditabbāti.

Ayaṃ vedanākkhandhaniddeso.

### 3. Saññākkhandhaniddeso

**14.** Saññākkhandhaniddese yā kāci saññāti catubhūmikasaññaṃ pariyādiyati. **Cakkhusamphassajā saññāti**ādīni atītādivasena niddiṭṭhasaññaṃ sabhāvato dassetuṃ vuttāni. Tattha cakkhusamphassato cakkhusamphassasmiṃ vā jātā cakkhusamphassajā nāma. Sesāsupi eseva nayo. Ettha ca purimā pañca cakkhupasādādivatthukāva. Manosamphassajā hadayavatthukāpi avatthukāpi. Sabbā catubhūmikasaññā.

**17.** Oḷārikadukaniddese **paṭighasamphassajāti** sappaṭighe cakkhupasādādayo vatthuṃ katvā sappaṭighe rūpādayo ārabha uppanno phasso paṭighasamphasso nāma. Tato tasmim vā jātā paṭighasamphassajā nāma. Cakkhusamphassajā saññā...pe... kāyasamphassajā saññātiipi tassāyeva vatthuto nāmaṃ. Rūpasaññā...pe... phoṭṭhabbasaññātiipi tassāyeva ārammaṇato nāmaṃ. Idam pana vatthārammaṇato nāmaṃ. Sappaṭighāni hi vatthūni nissāya, sappaṭighāni ca ārammaṇāni ārabha uppattito esā paṭighasamphassajā saññāti vuttā. Manosamphassajātiipi pariyāyena etissā nāmaṃ hotiyeva. Cakkhuvīññāṇāhi mano nāma. Tena sahajāto phasso manosamphasso nāma. Tasmim manosamphasse, tasmā vā manosamphassā jātāti manosamphassajā. Tathā sotaghānajivhākāyavīññāṇam mano nāma. Tena sahajāto phasso manosamphasso nāma. Tasmim manosamphasse, tasmā vā manosamphassā jātāti manosamphassajā.

Adhivacanasamphassajā saññātipi pariyāyena etissā nāmaṃ hotiyeva. Tayo hi arūpino khandhā sayam piṭṭhivaṭṭakā hutvā attanā sahaṃjātāya saññāya adhivacanasamphassajā saññātipi nāmaṃ karonti. Nippariyāyena pana paṭighasamphassajā saññā nāma pañcadvārikasaññā, adhivacanasamphassajā saññā nāma manodvārikasaññā. Tattha pañcadvārikasaññā oloketvāpi jānituṃ sakkāti oḷārikā. Rajjītvā upanijjhāyantañhi ‘rajjītvā upanijjhāyatī’ ti, kujjhitvā upanijjhāyantaṃ ‘kujjhitvā upanijjhāyatī’ ti oloketvā jānanti.

Tatridaṃ vatthu – dve kira itthiyo nisīditvā suttaṃ kantanti. Dvīsu daharesu gāme carantesu eko purato gacchanto ekaṃ itthiṃ olokesi. Itarā taṃ pucchi ‘kasmā nu kho taṃ eso olokesī’ ti? ‘Na eso bhikkhu maṃ visabhāgacittena olokesi, kaniṭṭhabhaginīsaññāya pana olokesī’ ti. Tesupi gāme caritvā āsanāsālāya nisinnesu itaro bhikkhu taṃ bhikkhuṃ pucchi – ‘tayā sā itthī olokītā’ ti? ‘Āma olokītā’. ‘Kimatthāyā’ ti? ‘Mayhaṃ bhaginīsarikkhattā taṃ olokesi’ nti āha. Evaṃ pañcadvārikasaññā oloketvāpi jānituṃ sakkāti veditabbā. Sā panesā pasādavattukā eva. Keci pana javanappavattāti dīpentī. Manodvārikasaññā pana ekamañce vā ekapīthe vā nisīditvāpi aññaṃ cintentaṃ vitakkentañca ‘kiṃ cintesi, kiṃ vitakkesi’ ti pucchitvā tassa vacanavaseneva jānitabbato sukhumā. Sesam vedanākkhandhasadisamevāti.

Ayaṃ saññākkhandhaniddeso.

#### 4. Sañkhārakkhandhaniddeso

20. Sañkhārakkhandhaniddese **ye keci sañkhārā**ti catubhūmikasañkhāre pariyādiyati. **Cakkhūsamphassajā cetanā**tiādīni atītādivasena niddiṭṭhasañkhāre sabhāvato dassetuṃ vuttāni. **Cakkhūsamphassajā**tiādīni vuttatthāneva. **Cetanā**ti heṭṭhimakoṭṭiyā padhānasañkhāravasena vuttaṃ. Heṭṭhimakoṭṭiyā hi antamaso cakkhuvīññāneva saddhiṃ pāliyaṃ āgatā cattāro sañkhārā uppajjanti. Tesu cetanā padhānā āyūhanaṭṭhena pākaṭattā. Tasmā ayameva gahitā. Taṃsampayuttasañkhārā pana tāya gahitāya gahitāva honti. Idhāpi purimā pañca cakkhupasādādivattukāva. Manosamphassajā hadayavattukāpi avattukāpi. Sabbā catubhūmikacetanā. Sesam vedanākkhandhasadisamevāti.

Ayaṃ sañkhārakkhandhaniddeso.

#### 5. Viññāṇakkhandhaniddeso

26. Viññāṇakkhandhaniddese **yaṃ kiñci viññāṇanti** catubhūmakaviññāṇaṃ pariyādiyati. **Cakkhuvīññāṇanti**ādīni atītādivasena niddiṭṭhaviññāṇaṃ sabhāvato dassetuṃ vuttāni. Tattha cakkhuvīññāṇādiṃ pañca cakkhupasādādivattukāneva, manovīññāṇaṃ hadayavattukampi avattukampi. Sabbaṃ catubhūmakaviññāṇaṃ. Sesam vedanākkhandhasadisamevāti.

Ayaṃ viññāṇakkhandhaniddeso.

#### Pakiṇṇakakathā

Idāni pañcasupi khandhesu samuggamato, pubbāparato, addhānaparicchedato, ekuppādanānānirodhato, nānuppādaekanirodhato, ekuppādaekanirodhato, nānuppādanānānirodhato, atītānāgatapaccuppanato, ajjhātikabāhirato, oḷārikasukhumato, hīnapaṇītato, dūrasantikato, paccayato, samuṭṭhānato, parinipphannato, sañkhatatoti soḷasahākārehi pakiṇṇakaṃ veditabbam.

Tattha duvidho **samuggamo** – gabbhaseyyakasamuggamo, opapātikasamuggamoti. Tattha **gabbhaseyyakasamuggamo** evaṃ veditabbo – gabbhaseyyakasattānañhi paṭisandhikkhaṇe pañcakkhandhā apacchāpure ekato pātubhavanti. Tasmim̄ khaṇe pātubhūtā kalasāñkhātā rūpasantati parittā hoti. Khuddakamakkhikāya ekavāyāmena pātabbamattāti vatvā puna ‘atibahuṃ etaṃ, saṃhasūciyā tele pakkhipitvā ukkhittāya paggharivā agge ṭhitabindumatta’ nti vuttaṃ. Tampi paṭikkhipitvā ‘ekakese telato uddharitvā gahite tassa paggharivā agge ṭhitabindumatta’ nti vuttaṃ. Tampi paṭikkhipitvā ‘imasim̄ janapade manussānaṃ kese aṭṭhadhā phālite tato ekakoṭṭhāsappamāṇo uttarakurukānaṃ keso; tassa pasannatilatelato uddhaṭassa agge ṭhitabindumatta’ nti vuttaṃ. Tampi paṭikkhipitvā ‘etaṃ bahu, jātiunṇā nāma sukhumā; tassā ekaṃsuno pasannatilatele pakkhipitvā uddhaṭassa paggharivā agge ṭhitabindumatta’ nti vuttaṃ. Taṃ panetaṃ acchaṃ hoti vippasannaṃ anāvilaṃ parisuddhaṃ pasannatilatelabindusamānaṇṇaṃ. Vuttampi cetam –

Tilatelassa yathā bindu, sappimaṇḍo anāvilo;  
Evaṃ vaṇṇapaṭibhāgaṃ, kalalanti pavuccatīti.



Evam parittāya rūpasantatiyā tīṇi santatisīsāni honti – vatthudasakaṃ, kāyadasakaṃ, itthiyā itthindriyavasena purisassa purisindriyavasena bhāvadasakanti. Tattha vatthurūpaṃ, tassa nissayāni cattāri mahābhūtāni, taṃnissitā vaṇṇagandharasoḷā, jīvitanti – idaṃ vatthudasakaṃ nāma. Kāyapasādo, tassa nissayāni cattāri mahābhūtāni, taṃnissitā vaṇṇagandharasoḷā, jīvitanti – idaṃ kāyadasakaṃ nāma. Itthiyā itthibhāvo, purisassa purisabhāvo, tassa nissayāni cattāri mahābhūtāni, taṃnissitā vaṇṇagandharasoḷā, jīvitanti – idaṃ bhāvadasakaṃ nāma.

Evam gabbhaseyyakānaṃ paṭisandhiyaṃ ukkaṭṭhaparicchedena samatiṃsa kammajarūpāni rūpakkhando nāma hoti. Paṭisandhicittena pana sahaḷatā vedanā vedanākkhandho, saññā saññākkhandho, saṅkhārā saṅkhārakkhandho, paṭisandhicittaṃ viññāṇakkhandhoti. Evam gabbhaseyyakānaṃ paṭisandhikkhaṇe pañcakkhandhā paripuṇṇā honti. Sace pana napuṃsakapaṭisandhi hoti, bhāvadasakaṃ hāyati. Dvinnāṃ dasakānaṃ vasena samavīsati kammajarūpāni rūpakkhando nāma hoti. Vedanākkhandhādayo vuttappakārā evāti. Evampi gabbhaseyyakānaṃ paṭisandhikkhaṇe pañcakkhandhā paripuṇṇā honti.

Imasmiṃ ṭhāne tisamuṭṭhānikappaveṇī kathetabbā bhaveyya. Taṃ pana akathetvā ‘**opapātikasamuggamo**’ nāma dassito. Opapātikānaṃ paripuṇṇāyatanānaṃ paṭisandhikkhaṇe heṭṭhā vuttāni tīṇi, cakkhusotaghānajiṃhādasakāni cāti satta rūpasantatisīsāni pātubhavanti. Tattha cakkhudasakādīni kāyadasakasadisāneva. Napuṃsakassa pana bhāvadasakaṃ natthi. Evam paripuṇṇāyatanānaṃ opapātikānaṃ samasattati ceva samasaṭṭhi ca kammajarūpāni rūpakkhando nāma. Vedanākkhandhādayo vuttappakārā evāti. Evam opapātikānaṃ paṭisandhikkhaṇe pañcakkhandhā paripuṇṇā honti. Ayam ‘opapātikasamuggamo’ nāma. Evam tāva pañcakkhandhā ‘**samuggamato**’ veditabbā.

‘**Pubbāparato**’ti evam pana gabbhaseyyakānaṃ apacchāpure uppanesu pañcasu khandhesu kiṃ rūpaṃ paṭhamam rūpaṃ samuṭṭhāpeti udāhu arūpanti? Rūpaṃ rūpameva samuṭṭhāpeti, na arūpaṃ. Kasmā? Paṭisandhicittassa na rūpajanakattā. Sabbasattānaṃhi paṭisandhicittaṃ, khīṇāsavassa cuticittaṃ, dvipaṇcaviññāṇāni, cattāri arūppavipākānīti soḷasa cittāni rūpaṃ na samuṭṭhāpeti. Tattha paṭisandhicittaṃ tāva vatthuno dubbalatāya appatīṭhitatāya paccayavekallatāya āgantukatāya ca rūpaṃ na samuṭṭhāpeti. Tattha hi sahaḷatam vatthu uppādakkhaṇe dubbalaṃ hotīti vatthuno dubbalatāya rūpaṃ na samuṭṭhāpeti. Yathā ca papāte patanto puriso aññassa nissayo bhavitum na sakkoti, evam etampi kammavegakkhittatā papāte patamānaṃ viya appatīṭhitam. Iti kammavegakkhittatā, appatīṭhitatāyapi rūpaṃ na samuṭṭhāpeti.

Paṭisandhicittaṃca vatthunā saddhiṃ apacchāpure uppanam. Tassa vatthu purejātam hutvā paccayo bhavitum na sakkoti. Sace sakuṇeyya, rūpaṃ samuṭṭhāpeyya. Yatrāpi vatthu purejātam hutvā paccayo bhavitum sakkoti, paveṇī ghaṭiyati, tatrāpi cittaṃ aṅgato aparihīnaṃyeva rūpaṃ samuṭṭhāpeti. Yadi hi cittaṃ ṭhānakkhaṇe vā bhaṅgakkhaṇe vā rūpaṃ samuṭṭhāpeyya, paṭisandhicittampi rūpaṃ samuṭṭhāpeyya. Na pana cittaṃ tasmim khaṇadvaye rūpaṃ samuṭṭhāpeti. Yathā pana ahicchattakamakulaṃ pathavito utṭhahantaṃ paṃsucuṇṇam gahetvāva utṭhahati, evam cittaṃ purejātam vatthum nissāya uppādakkhaṇe aṭṭha rūpāni gahetvāva utṭhahati. Paṭisandhikkhaṇe ca vatthu purejātam hutvā paccayo bhavitum na sakkotīti paccayavekallatāyapi paṭisandhicittaṃ rūpaṃ na samuṭṭhāpeti.

Yathā ca āgantukapuriso agatapubbaṃ padesam gato aññesaṃ – ‘etha bho, antogāme vo annapānagandhamālādīni dassamī’ti vattum na sakkoti, attano avisayatāya appahutatāya, evameva paṭisandhicittaṃ āgantukanti attano āgantukatāyapi rūpaṃ na samuṭṭhāpeti. Apica samatiṃsa kammajarūpāni cittasamuṭṭhānarūpānaṃ ṭhānaṃ gahetvā ṭhitānītipi paṭisandhicittaṃ rūpaṃ na samuṭṭhāpeti.

Khīṇāsavassa pana cuticittaṃ vaṭṭamūlassa vūpasantattā na samuṭṭhāpeti. Tassa hi sabbabhavesu vaṭṭamūlam vūpasantaṃ abhabbuppattikaṃ punabbhave paveṇī nāma natthi. Sotāpannassa pana satta bhava ṭhapetvā aṭṭhameva vaṭṭamūlam vūpasantaṃ. Tasmā tassa cuticittaṃ sattasu bhavesu rūpaṃ samuṭṭhāpeti, sakadāgāmino dvīsu, anāgāmino ekasmiṃ. Khīṇāsavassa sabbabhavesu vaṭṭamūlassa vūpasantattā neva samuṭṭhāpeti.

Dvipaṇcaviññāṇesu pana jhānaṅgaṃ natthi, maggaṅgaṃ natthi, hetu natthīti cittaṅgaṃ dubbalaṃ hotīti cittaṅgadubbalaṭṭhāya tāni rūpaṃ na samuṭṭhāpeti. Cattāri arūppavipākāni tasmim bhava rūpassa natthitāya rūpaṃ na samuṭṭhāpeti. Na kevalaṇca tāneva, yāni aññānīpi tasmim bhava aṭṭha kāmāvacarakusalāni, dasa akusalāni, nava kiriyacittāni, cattāri āruppakusalāni, catasso āruppakiriyā, tīṇi maggacittāni, cattāri phalacittānīti dvecattālīsa cittāni uppajjanti, tānīpi tattha rūpassa natthitāya eva rūpaṃ na samuṭṭhāpeti. Evam paṭisandhicittaṃ rūpaṃ na samuṭṭhāpeti.

Utu pana paṭhamam rūpaṃ samuṭṭhāpeti. Ko esa utu nāmāti? Paṭisandhikkhaṇe uppanānaṃ samatiṃsakammajarūpānaṃ abbhantarā tejodhātu. Sā ṭhānaṃ patvā aṭṭha rūpāni samuṭṭhāpeti. Utu nāma cesa dandhanirodho; cittaṃ khippanirodham. Tasmim dharanteyeva soḷasa cittāni uppajjivā nirujjhanti. Tesu paṭisandhianantaram paṭhamabhavaṅgacittaṃ uppādakkhaṇeyeva aṭṭha rūpāni samuṭṭhāpeti. Yadā pana saddassa uppattikālo bhavissati, tadā utucittāni saddanavakaṃ nāma samuṭṭhāpessanti. Kabaḷikārāhāropi ṭhānaṃ patvā aṭṭha

rūpāni samuṭṭhāpeti. Kuto panassa kabaḷīkārāhāroti? Mātito. Vuttampi cetam –

“Yañcassa bhuñjatī mātā, annam pānañca bhojanam;  
Tena so tattha yāpeti, mātukucchigato naro”ti. (saṃ. ni. 1.235);

Evaṃ kucchigato dārako mātārā ajjhohaṭṭaannapānoajāya yāpeti. Sāva ṭhānappattā aṭṭha rūpāni samuṭṭhāpeti. Nanu ca sā oḷā kharā? Vatthu sukhumam? Katham tattha patiṭṭhātī? Paṭhamam tāva na patiṭṭhātī; ekassa vā dvinnam vā sattāhānam gatakāle patiṭṭhātī. Tato pana pure vā patiṭṭhātu pacchā vā; yadā mātārā ajjhohaṭṭaannapānoajā dārakassa sarīre patiṭṭhātī, tadā aṭṭha rūpāni samuṭṭhāpeti.

Opaṭīkassāpi pakatipaṭiyattānam khādanīyabhojanīyānam atthiṭṭhāne nibbattassa tāni gahetvā ajjhoharato ṭhānappattā oḷā rūpam samuṭṭhāpeti. Eko annapānarāhite araññe nibbattati, mahāchātako hoti, attanova jivhāya kheḷam parivattetvā gilati. Tatrāpissa ṭhānappattā oḷā rūpam samuṭṭhāpeti.

Evaṃ pañcavīsatiyā koṭṭhāsesu dveva rūpāni rūpam samuṭṭhāpentī – tejodhātu ca kabaḷīkārāhāro ca. Arūpepi dveyeva dhammā rūpam samuṭṭhāpentī – cittañceva kammacetanā ca. Tattha rūpam uppādakkhaṇe ca bhaṅgakkhaṇe ca dubbalaṃ, ṭhānakkhaṇe balavanti ṭhānakkhaṇe rūpam samuṭṭhāpeti. Cittam ṭhānakkhaṇe ca bhaṅgakkhaṇe ca dubbalaṃ, uppādakkhaṇeyeva balavanti uppādakkhaṇeyeva rūpam samuṭṭhāpeti. Kammacetanā niruddhāva paccayo hoti. Atīte kappakoṭṭisatasahassamatthakepi hi āyūhitam kammam etarahi paccayo hoti. Etarahi āyūhitam anāgate kappakoṭṭisatasahassapariyosānepi paccayo hotīti. Evaṃ ‘**pubbāparato**’ veditabbā.

‘**Addhānaparicchedato**’ti rūpam kittakam addhānam tiṭṭhati? Arūpam kittakanti? Rūpam garupariṇāmam dandhanirodham. Arūpam lahupariṇāmam khippanirodham. Rūpe dharanteyeva soḷasa cittāni uppajjitvā nirujjhanti. Tam pana sattarasamena cittena saddhim nirujjhanti. Yathā hi puriso ‘phalam pātesamī’ti muggarena rukkasākham pahareyya, phalāni ca pattāni ca ekakkhaṇeyeva vaṇṭato mucceyyum. Tattha phalāni attano bhārikatāya paṭhamataram pathaviyam patanti, pattāni lahukatāya pacchā. Evameva muggarappahārena pattānañca phalānañca ekakkhaṇe vaṇṭato muttakālo viya paṭisandhikkhaṇe rūpārūpadhammānam ekakkhaṇe pātubhāvo; phalānam bhārikatāya paṭhamataram pathaviyam patanam viya rūpe dharanteyeva soḷasannam cittānam uppajjitvā nirujjhanam; pattānam lahukatāya pacchā pathaviyam patanam viya rūpassa sattarasamena cittena saha nirujjhanam.

Tattha kiñcāpi rūpam dandhanirodham garupariṇāmam, cittam khippanirodham lahupariṇāmam, rūpam pana arūpam arūpam vā rūpam ohāya pavattitum na sakkonti. Dvinnampi ekappamāṇāva pavatti. Tatrāyam upamā – eko puriso lakuṇṭakapādo, eko dīghapādo. Tesu ekato maggaṃ gacchantesu yāva dīghapādo ekapadavāram akkamati, tāva itaro pade padaṃ akkamitvā soḷasapadavārena gacchati. Dīghapādo lakuṇṭakapādassa soḷasa padavāre attano padaṃ añchitvā ākaḍḍhitvā ekameva padavāram karoti. Iti ekopi ekam atikkamitum na sakkoti. Dvinnampi gamanam ekappamāṇameva hoti. Evaṃsappadamidaṃ daṭṭhabbam. Lakuṇṭakapādapuriso viya arūpam; dīghapādapuriso viya rūpam; dīghapādassa ekam padavāram akkamañakāle itarassa soḷasapadavāraakkamanam viya rūpe dharanteyeva arūpadhammesu soḷasannam cittānam uppajjitvā nirujjhanam; dvinnam purisānam lakuṇṭakapādapurissassa soḷasa padavāre itarassa attano padaṃ añchitvā ākaḍḍhitvā ekapadavārakaramam viya rūpassa sattarasamena cittena saddhim nirujjhanam; dvinnam purisānam aññamaññam anohāya ekappamāṇeneva gamanam viya arūpassa rūpam rūpassa arūpam anohāya ekappamāṇeneva pavattananti. Evaṃ ‘**addhānaparicchedato**’ veditabbā.

‘**Ekuppādanānānirodhato**’ti idaṃ pacchimakkammajam ṭhapetvā dīpetabbam. Paṭhamañhi paṭisandhicittam, dutiyam bhavaṅgam, tatiyam bhavaṅgam...pe... soḷasamam bhavaṅgam. Tesu ekekassa uppādaṭṭhitibhaṅgavasena tayo tayo khāṇā. Tattha ekekassa cittassa tīsu tīsu khaṇesu samatimsa samatimsa kammajarūpāni uppajjanti. Tesu paṭisandhicittassa uppādakkhaṇe samuṭṭhitam kammajarūpam sattarasamassa bhavaṅgacittassa uppādakkhaṇeyeva nirujjhanti; ṭhitikkhaṇe samuṭṭhitam ṭhitikkhaṇeyeva; bhaṅgakkhaṇe samuṭṭhitam bhaṅgakkhaṇeyeva nirujjhanti. Evaṃ dutiyabhavaṅgacittam ādiṃ katvā attano sattarasamena cittena saddhim yojetvā nayo netabbo. Iti soḷasa tikā aṭṭhacattālīsa honti. Ayam aṭṭhacattālīsakammajarūpapaveṇī nāma. Sā panesā rattiñca divā ca khādantānampi bhuñjantānampi sutānampi pamattānampi nadīsoto viya ekantam pavattati yevāti. Evaṃ ‘**ekuppādanānānirodhato**’ veditabbā.

‘**Nānuppādaekanirodhatā**’ pacchimakkammajena dīpetabbā. Tattha āyusamkhārapariyosāne soḷasannam cittānam vāre sati heṭṭhāsoḷasakam upariḷasakanti dve ekato yojetabbāni. Heṭṭhāsoḷasakasmīñhi paṭhamacittassa uppādakkhaṇe samuṭṭhitam samatimsakammajarūpam upariḷasakasmim paṭhamacittassa uppādakkhaṇeyeva nirujjhanti; ṭhitikkhaṇe samuṭṭhitam tassa ṭhitikkhaṇeyeva bhaṅgakkhaṇe samuṭṭhitam tassa bhaṅgakkhaṇeyeva nirujjhanti. Heṭṭhīmasoḷasakasmim pana dutiyacittassa...pe... soḷasamacittassa uppādakkhaṇe samuṭṭhitam samatimsakammajarūpam cuticittassa uppādakkhaṇeyeva nirujjhanti; tassa ṭhitikkhaṇe samuṭṭhitam cuticittassa

ṭhitikkhaṇeyeva; bhaṅgakkhaṇe samuṭṭhitam cuticittassa bhaṅgakkhaṇeyeva nirujjhati. Tato paṭṭhāya kammajarūpapaveṇī na pavattati. Yadi pavatteyya, sattā akkhayā avayā ajarā amarā nāma bhaveyyum.

Ettha pana yadetam ‘sattarasamassa bhavaṅgacittassa uppādakkhaṇeyeva nirujjhati’ tiādinā nayena ‘ekassa cittassa uppādakkhaṇe uppannaṃ rūpaṃ aññassa uppādakkhaṇe nirujjhati’ ti aṭṭhakathāyaṃ āgatattā vuttam, tam ‘yassa kāyasaṅkhāro nirujjhati, tassa cittasaṅkhāro nirujjhati’ ti? “Āmantā” ti (yama. 2.saṅkhārayamaka.79) imāya pāliya virujjhati. Katham? Kāyasaṅkhāro hi cittasamuṭṭhāno assāsapassāsavāto. Cittasamuṭṭhānarūpaṇca cittassa uppādakkhaṇe uppajjitvā yāva aññāni soḷasa cittāni uppajjanti tāva tiṭṭhati. Tesam soḷasannaṃ sabbapaccchimena saddhim nirujjhati. Iti yena cittena saddhim uppajjati, tato paṭṭhāya sattarasamena saddhim nirujjhati; na kassaci cittassa uppādakkhaṇe vā ṭhitikkhaṇe vā nirujjhati, nāpi ṭhitikkhaṇe vā bhaṅgakkhaṇe vā uppajjati. Esā cittasamuṭṭhānarūpassa dhammatāti niyamato cittasaṅkhārena saddhim ekakkhaṇe nirujjhanato “āmantā” ti vuttam.

Yo cāyam cittasamuṭṭhānassa khaṇaniyamo vutto kammādisamuṭṭhānassāpi ayameva khaṇaniyamo. Tasmā paṭisandhicittena sahuppannaṃ kammajarūpaṃ tato paṭṭhāya sattarasamena saddhim nirujjhati. Paṭisandhicittassa ṭhitikkhaṇe uppannaṃ aṭṭhārasamassa uppādakkhaṇe nirujjhati. Paṭisandhicittassa bhaṅgakkhaṇe uppannaṃ aṭṭhārasamassa ṭhānakkhaṇe nirujjhatīti iminā nāyenettha yojanā kātabbā. Tato param pana utusamuṭṭhānikapaveṇīyeva tiṭṭhati. ‘Nīharitvā jhāpethā’ ti vattabbaṃ hoti. Evaṃ ‘**nānuppādaekanirodhato**’ veditabbā.

‘**Ekuppādaekanirodhato**’ ti rūpaṃ pana rūpena saha ekuppādaṃ ekanirodhaṃ. Arūpaṃ arūpena saha ekuppādaṃ ekanirodhaṃ. Evaṃ ‘**ekuppādaekanirodhato**’ veditabbā.

‘**Nānuppādanānānirodhatā**’ pana catusantirūpena dīpetabbā. Imassa hi uddhaṃ pādatalā adho kesamatthakā tacapariyantassa sarīrassa tattha tattha catusantirūpaṃ ghanapuñjabhāvena vattati. Evaṃ vattamānassāpissa na ekuppādādītā sallakkhetabbā. Yathā pana upacikarāji vā kipillikarāji vā olokiyamānā ekābaddhā viya hoti, na pana ekābaddhā. Aññissā hi sīsasantike aññissā sīsampi udarampi pādāpi, aññissā udarasantike aññissā sīsampi udarampi pādāpi, aññissā pādasantike aññissā sīsampi udarampi pādāpi honti. Evameva catusantirūpānampi aññassa uppādakkhaṇe aññassa uppādopi hoti ṭhitipi bhaṅgopi, aññassa ṭhitikkhaṇe aññassa uppādopi hoti ṭhitipi bhaṅgopi, aññassa bhaṅgakkhaṇe aññassa uppādopi hoti ṭhitipi bhaṅgopi. Evamettha ‘**nānuppādanānānirodhatā**’ veditabbā.

‘**Atitādīni**’ pana dūradukapariyosānāni pāliyaṃ āgatāneva. ‘**Paccayasamuṭṭhānāni**’ pi ‘kammajaṃ, kammapaccayaṃ, kammapaccaya utusamuṭṭhāna’ ntiādinā (dha. sa. aṭṭha. 975) nayena heṭṭhā kathitāniyeva. Pañcapi pana khandhā **parinipphannāva** honti, no aparinipphannā; **saṅkhatāva** no asaṅkhatā; apica nipphannāpi hontiyeva. Sabhāvadhammesu hi nibbānamevekaṃ aparinipphannaṃ anipphannaṇca. Nirodhasamāpatti pana nāmapaññatti ca kathanti? Nirodhasamāpatti lokiyalokuttarāti vā saṅkhatāsaṅkhatāti vā parinipphannāparinipphannāti vā na vattabbā. Nipphannā pana hoti samāpajantena samāpajjittabato. Tathā nāmapaññatti. Sāpi hi lokiyādibhedam na labhati; nipphannā pana hoti no anipphannā; nāmaggaṇaṇhi gaṇhantova gaṇhātīti.

### Kamādivinicchayakathā

Evaṃ pakiṇṇakato khandhe viditvā puna etesuyeva –

Khandhesu ñāṇabhedattham, kamatotha visesato;  
Anūnādhikato ceva, upamāto tatheva ca.

Daṭṭhabbato dvidhā evaṃ, passantassatthasiddhito;  
Vinicchayanayo sammā, viññātabbo vibhāvinā.

Tattha ‘**kamato**’ ti idha uppattikkamo, pahānakkamo, paṭipattikkamo, bhūmikkamo, desanākkamoti bahuvidho kamo.

Tattha “paṭhamam kalalam hoti, kalalā hoti abbuda” nti (sam. ni. 1.235) evamādi uppattikkamo. “Dassanena pahātābbā dhammā, bhāvanāya pahātābbā dhammā” ti (dha. sa. tikamātikā 8) evamādi pahānakkamo. “Sīlavissuddhi, cittavisuddhī” ti (ma. ni. 1.259; paṭi. ma. 3.41) evamādi paṭipattikkamo. “Kāmāvacarā, rūpāvacarā” ti evamādi bhūmikkamo. “Cattāro satipaṭṭhānā, cattāro sammappadhānā” ti (dī. ni. 3.145) vā “dānakathaṃ sīlakatha” nti (ma. ni. 2.69; dī. ni. 1.298) vā evamādi desanākkamo. Tesu idha uppattikkamo tāva na yujjati, kalalādīnam viya khandhānam pubbāpariyavavattāhānena anuppattito; na pahānakkamo kusalābyākatānam appahātābbato; na paṭipattikkamo akusalānam appaṭipajjanīyato; na bhūmikkamo vedanādīnam catubhūmakapariyāpannattā.

Desanākkamo pana yujjati. Abhedena hi yaṃ pañcasu khandhesu attaggāhatitaṃ veneyyajānaṃ samūhaghanavinibbhogadassanena attaggāhato mocetukāmo bhagavā hitakāmo tassa janassa sukhaḅḅhāṇatthaṃ cakkhuādīnaṃpi visayabhūtaṃ oḷārikaṃ paṭhamāṃ rūpakkhandaṃ desesi. Tato iṭṭhāniṭṭharūpasamveditaṃ vedanaṃ, yaṃ vedayati taṃ saññānāṭṭi evaṃ vedanāvisayassa ākaraggāhikaṃ saññaṃ, saññāvasena abhisāṅkhārake saṅkhāre, tesāṃ vedanādīnaṃ nissayaṃ adhipatibhūtaṃca viññāṇanti evaṃ tāva ‘kamato’ vinicchayanayo viññātabbo.

‘**Visesato**’ti khandhānaṃca upādānakkhandhānaṃca visesato. Ko pana tesāṃ viseso? Khandhā tāva avisesato vuttā, upādānakkhandhā sāsavaupādānīyabhāvena visesetvā. Yathāha –

“Pañca, bhikkhave, khandhe desessāmi pañcupādānakkhandhe ca, taṃ suṇātha. Katame ca, bhikkhave, pañcakkhandhā? Yaṃ kiñci, bhikkhave, rūpaṃ atītānāgatapaccuppannaṃ...pe... santike vā – ayaṃ vuccati, rūpakkhando. Yā kāci vedanā...pe... yā kāci saññā...pe... ye keci saṅkhārā...pe... yaṃ kiñci viññāṇaṃ ... pe... santike vā – ayaṃ vuccati, viññāṇakkhandho. Ime vuccanti, bhikkhave, pañcakkhandhā. Katame ca, bhikkhave, pañcupādānakkhandhā? Yaṃ kiñci, bhikkhave, rūpaṃ...pe... santike vā sāsavaṃ upādāniyaṃ – ayaṃ vuccati, rūpupādānakkhandho. Yā kāci vedanā...pe... yaṃ kiñci viññāṇaṃ...pe... santike vā sāsavaṃ upādāniyaṃ – ayaṃ vuccati, bhikkhave, viññāṇupādānakkhandho. Ime vuccanti, bhikkhave, pañcupādānakkhandhā”ti (saṃ. ni. 3.48).

Ettha ca yathā vedanādayo anāsavāpi sāsavāpi atthi, na evaṃ rūpaṃ. Yasmā panassa rāsaṭṭhena khandhabhāvo yujjati tasmā khandhesu vuttaṃ. Yasmā rāsaṭṭhena ca sāsavaṭṭhena ca upādānakkhandhabhāvo yujjati tasmā upādānakkhandhesu vuttaṃ. Vedanādayo pana anāsavāva khandhesu vuttā, sāsavā upādānakkhandhesu. ‘**Upādānakkhandhā**’ti ettha ca upādānagocarā khandhā upādānakkhandhāti evamattho daṭṭhabbo. Idha pana sabbepete ekajjhaṃ katvā khandhāti adhippetā.

‘**Anūnādhikato**’ti kasmā pana bhagavatā pañceva khandhā vuttā anūnā anadhikāti?

Sabbasaṅkhatasabhāgekaṅgahato, attattaniyaggāhavatthussa etapparamato, aññesaṅca tadavarodhato. Anekappabhedesu hi saṅkhatadhammesu sabhāgavasena saṅgayhamānesu rūpaṃ rūpasabhāgasaṅgahavasena eko khandho hoti, vedanā vedanāsabhāgasaṅgahavasena eko khandho hoti. Esa nayo saññādīsipi. Tasmā sabbasaṅkhatasabhāgasaṅgahato pañceva vuttā. Etaparamaṅcetam attattaniyaggāhavatthu yadidaṃ rūpādayo pañca. Vuttañhetam – “rūpe kho, bhikkhave, sati rūpaṃ upādāya rūpaṃ abhinivissa evaṃ diṭṭhi uppajjati – ‘etaṃ mama, esohamasmi, eso me attā’ti (saṃ. ni. 3.207). Vedanāya... saññāya... saṅkhāresu... Viññāṇe sati viññāṇaṃ upādāya viññāṇaṃ abhinivissa evaṃ diṭṭhi uppajjati – ‘etaṃ mama, esohamasmi, eso me attā’”ti. Tasmā attattaniyaggāhavatthussa etaparamatopi pañceva vuttā. Yepi caññe sīlādayo pañca dhammakkhandaṃ vuttā, tepi saṅkhārakkhandhāpariyāpannattā ettheva avarodham gacchanti. Tasmā aññesaṃ tadavarodhatopi pañceva vuttāti. Evaṃ ‘anūnādhikato’ vinicchayanayo viññātabbo.

‘**Upamāto**’ti ettha hi gilānasālūpamo rūpupādānakkhandho gilānūpamassa viññāṇupādānakkhandhassa vatthudvārāmmaṇavasena nivāsanaṭṭhānato, gelaññūpamo vedanupādānakkhandho ābādhakattā, gelaññasamuṭṭhānūpamo saññupādānakkhandho kāmasaññādivasena rāgādisampayuttavedanāsambhavā, asappāyasevanūpamo saṅkhārūpādānakkhandho vedanāgelaññassa nidānattā. “Vedanaṃ vedanattāya saṅkhatamabhisāṅkharontī”ti (saṃ. ni. 3.79) hi vuttaṃ. Tathā “akusalassa kammassa katattā upacitattā vipākaṃ kāyaviññāṇaṃ uppannaṃ hoti dukkhasahagata”nti (dha. sa. 556). Gilānūpamo viññāṇupādānakkhandho vedanāgelaññena aparimuttattā. Apica cārakāraṇaaparādhakāraṇakāraṇaaparādhikūpamā ete bhājanabhojanabyañjanaparivesakabhuñjakūpamā cāti, evaṃ ‘upamāto’ vinicchayanayo viññātabbo.

‘**Daṭṭhabbato dvidhā**’ti saṅkhepato vitthārato cāti evaṃ dvidhā daṭṭhabbato pettha vinicchayanayo viññātabbo. Saṅkhepato hi pañcupādānakkhandhā āsivisūpame (saṃ. ni. 4.238) vuttanayena ukkhittāsikapaccatthikato, bhārasuttavasena (saṃ. ni. 3.22) bhārato, khajjanīyapariyāyavasena (saṃ. ni. 3.79) khādakato, yamakasuttavasena (saṃ. ni. 3.85) aniccadukkhānattasaṅkhatavadhakato daṭṭhabbā.

Vitthārato panettha pheṇapiṇḍo viya rūpaṃ daṭṭhabbam, udakapubbulo viya vedanā, marīcikā viya saññā, kadalikkhandho viya saṅkhārā, māyā viya viññāṇaṃ. Vuttañhetam –

“Pheṇapiṇḍūpamaṃ rūpaṃ, vedanā pubbulūpamā;  
Marīcikūpamā saññā, saṅkhārā kadalūpamā;  
Māyūpamaṅca viññāṇaṃ, desitādiccabandhunā”ti. (saṃ. ni. 3.95);

Tattha rūpādīnaṃ pheṇapiṇḍādīhi evaṃ sadisatā veditabbā – yathā hi pheṇapiṇḍo nissārova evaṃ rūpampi

niccāsārādhivasāraattasāravirahena nissārameva. Yathā ca so ‘iminā pattam vā thālakaṃ vā karissām’ti gahetuṃ na sakkā, gahitopi tamatthaṃ na sādheti bhijjateva; evaṃ rūpampi ‘nicca’nti vā ‘dhuva’nti vā ‘aha’nti vā ‘mama’nti vā gahetuṃ na sakkā, gahitampi na tathā tiṭṭhati, aniccaṃ dukkhaṃ anattā asubhaññeva hotīti. Evaṃ **‘phenapiṇḍasadisameva’** hoti.

Yathā vā pana phenapiṇḍo chiddāvachiddo anekasandhighaṭṭito bahūnnaṃ udakasappādīnaṃ pāṇānaṃ āvāso, evaṃ rūpampi chiddāvachiddaṃ anekasandhighaṭṭitaṃ. Kulavasena cettha asīti kimikulāni vasanti. Tadeva tesam sūtiḡharampi vaccakuṭīpi gilānasālāpi susānampi. Na te aññattha gantvā gabbhavuṭṭhānādīni karonti. Evampi phenapiṇḍasadisam. Yathā ca phenapiṇḍo āditova badarapakkamatto hutvā anupubbena pabbatakūṭamattopi hoti, evaṃ rūpampi ādito kalalamattaṃ hutvā anupubbena byāmamattampi gomahiṃsahatthiādīnaṃ vasena pabbatakūṭamattampi hoti, macchakacchapādīnaṃ vasena anekayojanasatappamāṇampi. Evampi phenapiṇḍasadisam. Yathā ca phenapiṇḍo utṭhitamattopi bhijjati, thokaṃ gantvāpi, samuddaṃ patvā pana avassameva bhijjati; evameva rūpampi kalalabhāvepi bhijjati, abbudādibhāve, antarā pana abhejjamānampi vassasatāyukānaṃ vassasataṃ patvā avassameva bhijjati, maraṇamukhe cuṇṇavicuṇṇaṃ hoti. Evampi phenapiṇḍasadisam.

Yathā pana pubbuḷo asāro, evaṃ vedanāpi. Yathā ca so abalo, agayhupago, na sakkā taṃ gahetvā phalakaṃ vā āsanaṃ vā kātuṃ, gahitaggahitopi bhijjateva; evaṃ vedanāpi abalā, agayhupagā, na sakkā ‘niccā’ti vā ‘dhuva’ti vā gahetuṃ, gahitāpi na tathā tiṭṭhati. Evaṃ agayhupagatāyapi vedanā **‘pubbuḷasadisā’**. Yathā pana tasmim tasmim udakabindumhi pubbuḷo uppajjati ceva nirujjhati ca, na ciraṭṭhitiko hoti; evaṃ vedanāpi uppajjati ceva nirujjhati ca, na ciraṭṭhitikā hoti, ekaccharakkhaṇe koṭisatasahassasaṅkhyā uppajjivā nirujjhati. Yathā ca pubbuḷo udakatalaṃ, udakabinduṃ, udakajallakaṃ saṅkaḍḍhitvā puṭaṃ katvā gahaṇavātañcāti cattāri kāraṇāni paṭicca uppajjati; evaṃ vedanāpi vatthum, ārammaṇaṃ, kilesajālaṃ, phassasaṅghaṭṭanañcāti cattāri kāraṇāni paṭicca uppajjati. Evampi vedanā pubbuḷasadisā.

Saññāpi asāraḱaṭṭhena **‘marīcisadisā’**. Tathā agayhupagaṭṭhena; na hi sakkā taṃ gahetvā pivituṃ vā nhāyituṃ vā bhājanaṃ vā pūretuṃ. Apica yathā marīci vipphandati, sañjātūmivego viya khāyati; evaṃ nīlasaññādibhedā saññāpi nīlāḍianubhavanatthāya phandati vipphandati. Yathā ca marīci mahājanaṃ vippalambheti, ‘paripuṇṇavāpī viya paripuṇṇanadī viya dīssatī’ti vadāpeti; evaṃ saññāpi vippalambheti, ‘idaṃ nīlakaṃ subhaṃ sukhaṃ nicca’nti vadāpeti. Pītakādīsupi eseva nayo. Evaṃ vippalambhanenāpi marīcisadisā.

Saṅkhārāpi asāraḱaṭṭhena **‘kadalikkhandhasadisā’**. Tathā agayhupagaṭṭhena. Yatheva hi kadalikkhandhato kiñci gahetvā na sakkā gopānasīḍīnamatthāya upanetuṃ, upanītampi na tathā hoti; evaṃ saṅkhārāpi na sakkā niccādivasena gahetuṃ, gahitāpi na tathā honti. Yathā ca kadalikkhandho bahuvaṭṭisamodhāno hoti, evaṃ saṅkhārakkhandhopi bahudhammasamodhāno. Yathā ca kadalikkhandho nānālakkhaṇo, aññoyeva hi bāhirāya pattavaṭṭiyā vaṇṇo, añño tato abbhantarabbhantarānaṃ; evameva saṅkhārakkhandhopi aññadeva phassassa lakkhaṇaṃ, aññaṃ cetanādīnaṃ. Samodhānetvā pana saṅkhārakkhandhotveva vuccatīti. Evampi saṅkhārakkhandho kadalikkhandhasadisā.

Viññānampi asāraḱaṭṭhena **‘māyāsadisam’**. Tathā agayhupagaṭṭhena. Yathā ca māyā ittarā lahupaccupaṭṭhānā, evaṃ viññānaṃ. Tañhi tatopi ittaratarañceva lahupaccupaṭṭhānatarañca. Teneva hi cittena puriso āgato viya, gato viya, ṭhito viya, nisinno viya hoti. Aññadeva cāgamanakāle cittaṃ, aññaṃ gamanakālādīsu. Evampi viññānaṃ māyāsadisam. Māyā ca mahājanaṃ vañceti, yaṃ kiñcideva ‘idaṃ suvaṇṇaṃ rajataṃ muttā’tipi gahāpeti. Viññānampi mahājanaṃ vañceti, teneva cittena āgacchantam viya, gacchantam viya, ṭhitaṃ viya, nisinnaṃ viya katvā gāhāpeti. Aññadeva ca āgamane cittaṃ, aññaṃ gamanādīsu. Evampi viññānaṃ māyāsadisam. Visesato ca subhārammaṇampi oḷārikampi ajjhattikarūpaṃ asubhanti daṭṭhabbaṃ. Vedanā tīhi dukkhātāhi avinimuttato dukkhāti saññāsāṅkhārā avidheyato anattāti viññānaṃ udayabbayadhammato aniccanti daṭṭhabbaṃ.

**‘Evaṃ passantassatthasiddhito’**ti evaṇca saṅkhepavittāravasena dvidhā passato yā atthasiddhi hoti, tatopi vinicchayanayo viññātabbo, seyyathidaṃ – saṅkhepato tāva pañcupādānakkhandhesu ukkhittāsikapaccatthikādibhāvena passanto khandhehi na vihaññāti. Vittārato pana rūpādīni phenapiṇḍādisadisabhāvena passanto na asāresu sāradasī hoti. Visesato ca ajjhattikarūpaṃ asubhato passanto kabaḷīkārāhāraṃ parijānāti, asubhe subhanti vipallāsaṃ pajahati, kāmoghaṃ uttarati, kāmayogena viṣaṃyujjati, kāmasavena anāsavo hoti, abhijjhākāyaganthaṃ bhindati, kāmupādānaṃ na upādiyati. Vedanaṃ dukkhato passanto phassāhāraṃ parijānāti, dukkhe sukhamti vipallāsaṃ pajahati, bhavoghaṃ uttarati, bhavayogena viṣaṃyujjati, bhavāsavena anāsavo hoti, byāpādakāyaganthaṃ bhindati, sīlabbatupādānaṃ na upādiyati. Saññaṃ saṅkhāre ca anattato passanto manosañcetanāhāraṃ parijānāti, anattani attāti vipallāsaṃ pajahati, diṭṭhoghaṃ uttarati, diṭṭhiyogena viṣaṃyujjati, diṭṭhāsavena anāsavo hoti, idaṃ saccābhiniवेशakāyaganthaṃ bhindati, attavādūpādānaṃ na upādiyati. Viññānaṃ aniccato passanto viññānāhāraṃ parijānāti, anicce niccanti vipallāsaṃ pajahati, avijjoghaṃ uttarati, avijjāyogena viṣaṃyujjati, avijjāsavena anāsavo hoti, sīlabbataparāmāsakāyaganthaṃ bhindati, diṭṭhupādānaṃ na

upādiyati.

Evam mahānisamsaṃ, vadhakādivasena dassanaṃ yasmā;  
Tasmā khandhe dhīro, vadhakādivasena passeyyāti.

Suttantabhājanīyavaṇṇanā.

## 2. Abhidhammabhājanīyavaṇṇanā

**32.** Idāni abhidhammabhājanīyaṃ hoti. Tattha rūpakkhandhaniddeso heṭṭhā rūpakaṇḍe vitthāritanayeneva veditabbo.

**34.** Vedanākkhandhaniddese **ekavidhenā**ti ekakoṭṭhāsena. **Phassasampayuttoti** phassena sampayutto. Sabbāpi catubhūmikavedanā. Sahetukaduke sahetukā catubhūmikavedanā, ahetikā kāmāvacarāva. Iminā upāyena kusalapadādīhi vuttā vedanā jānitabbā. Apicāyaṃ vedanākkhandho ekavidhena phassasampayuttato dassito, duvidhena sahetukāhetukato, tividhena jātito, catubbidhena bhūmantarato, pañcavidhena indriyato. Tattha sukhindriyadukkhindriyāni kāyappasādavatthukāni kāmāvacarāneva. Somanassindriyaṃ chaṭṭhavatthukaṃ vā avatthukaṃ vā tebhūmakaṃ. Domanassindriyaṃ chaṭṭhavatthukaṃ kāmāvacaraṃ. Upekkhindriyaṃ cakkhādicatuppasādavatthukaṃ chaṭṭhavatthukaṃ avatthukaṃca catubhūmakaṃ. Chabbidhena vatthuto dassito. Tattha purimā pañca vedanā pañcappasādavatthukā kāmāvacarāva chaṭṭhā avatthukā vā savatthukā vā catubhūmikā.

Sattavidhena tattha manosamphassajā bhedato dassitā, aṭṭhavidhena tattha kāyasamphassajā bhedato, navavidhena sattavidhabhede manoviññādhātusamphassajā bhedato, dasavidhena aṭṭhavidhabhede manoviññādhātusamphassajā bhedato. Etesu hi sattavidhabhede manosamphassajā manodhātusamphassajā, manoviññādhātusamphassajāti dvidhā bhinnā. Aṭṭhavidhabhede tāya saddhiṃ kāyasamphassajāpi sukhā dukkhāti dvidhā bhinnā. Navavidhabhede sattavidhe vuttā manoviññādhātusamphassajā kusalādivasena tidhā bhinnā. Dasavidhabhede aṭṭhavidhe vuttā manoviññādhātusamphassajā kusalādivaseneva tidhā bhinnā.

Kusalattiko cettha kevalaṃ pūraṇatthameva vutto. Sattavidhaaṭṭhavidhanavavidhabhedesu pana nayaṃ dātuṃ yuttaṭṭhāne nayo dinno. Abhidhammañhi patvā tathāgatena nayaṃ dātuṃ yuttaṭṭhāne nayo adinno nāma natthi. Ayaṃ tāva dukamūlake eko vāro.

Satthā hi imasmiṃ abhidhammabhājanīye vedanākkhandhaṃ bhājento tike gahetvā dukesu pakkhipi, duke gahetvā tikesu pakkhipi, tike ca duke ca ubhatovaḍḍhananīhārena āhari; sattavidhena, catuvīsatividhena, tiṃsavidhena, bahuvidhenāti sabbathāpi bahuvidhena vedanākkhandhaṃ dassesi. Kasmā? Puggalajjhāsayena ceva desanāvilāsena ca. Dhammaṃ sotuṃ nisinnadevaparīsāya hi ye devaputtā tike ādāya dukesu pakkhipitvā kathiyamānaṃ paṭivijjhitaṃ sakkonti, tesam sappāyavasena tathā katvā desesi. Ye itarehi ākārehi kathiyamānaṃ paṭivijjhitaṃ sakkonti, tesam tehākārehi desesīti. Ayamettha **‘puggalajjhāsayo’**. Sammāsambuddho pana attano mahāvisayatāya tike vā dukesu pakkhipitvā, duke vā tikesu ubhatovaḍḍhanena vā, sattavidhādinayena vā, yathā yathā icchatī tathā tathā desetum sakkoti. Tasmāpi imehākārehi desesīti ayamassa **‘desanāvilāso’**.

Tattha tike ādāya dukesu pakkhipitvā desitavāro dukamūlako nāma. Duke ādāya tikesu pakkhipitvā desitavāro tikamūlako nāma. Tike ca duke ca ubhato vaḍḍhetvā desitavāro ubhatovaḍḍhitako nāma. Avasāne sattavidhenātiādivāro bahuvidhavāro nāmāti ime tāva cattāro mahāvārā.

Tattha **dukamūlake** dukesu labbhamānena ekekena dukena saddhiṃ tikesu alabbhamāne vedanāttikapīttikasanidassanattike apanetvā, sese labbhamānake ekūnavīsati tike yojetvā, dutiyadukapaṭhamattikayojanavārādīni navavārasatāni paññāsañca vārā honti. Te sabbepi pāliyaṃ saṃkhipitvā tattha tattha dassetabbayuttakaṃ dassetvā vuttā. Asammuyhantena pana vitthārato veditabbā.

**Tikamūlake**pi tikesu labbhamānena ekekena tikena saddhiṃ dukesu alabbhamāne paṭhamadukādayo duke apanetvā, sese labbhamānake sahetukadukādayo paññāsa duke yojetvā, paṭhamattikadutiyadukayojanavārādīni navavārasatāni paññāsañca vārā honti. Tepi sabbe pāliyaṃ saṅkhipitvā tattha tattha dassetabbayuttakaṃ dassetvā vuttā. Asammuyhantena pana vitthārato veditabbā.

**Ubhatovaḍḍhitake** duvidhabhede dutiyadukaṃ tividhabhede ca paṭhamatikaṃ ādiṃ katvā labbhamānehi ekūnavīsatiyā dukehi labbhamāne ekūnavīsattitike yojetvā dutiyadukapaṭhamatikayojanavārādayo ekūnavīsativārā vuttā. Esa dukatikānaṃ vasena ubhatovaḍḍhitattā ubhatovaḍḍhitako nāma tatiyo mahāvāro.

Bahuvidhavārassa sattavidhaniddese ādito paṭṭhāya labbhamānesu ekūnavīsatiyā tikesu ekekena saddhiṃ catasso bhūmiyo yojetvā ekūnavīsati sattavidhavārā vuttā. Catuvīsatividhaniddese pi tesamyeva tikānaṃ vasena ekūnavīsativārā vuttā. Tathā bahuvidhavāre cāti. Timsavidhavāro ekoyevāti sabbepi aṭṭhapaññāsa vārā honti. Ayaṃ tāvettha vāraparicchadavasena pālivañṇanā.

Idāni atthavañṇanā hoti. Tattha sattavidhaniddeso tāva uttānatthoyeva. Catuvīsatividhaniddese **cakkhusamphassapaccayā vedanākkhandho atthi kusaloti** kāmāvacaraaṭṭhakusalacittavasena veditabbo. **Atthi akusaloti** dvādasaakusalacittavasena veditabbo. **Atthi abyākatoti** tisso manodhātuyo, tisso ahetukamanoviññādhātuyo, aṭṭha mahāvīpākāni, dasa kāmāvacarakiriyāti catuvīsatiyā cittaṇaṃ vasena veditabbo.

Tattha aṭṭha kusalāni dvādasa akusalāni ca javanavasena labbhanti. Kiriyamanodhātu āvajjanavasena labbhanti. Dve vipākamanodhātuyo sampañchanavasena, tisso vipākamanoviññādhātuyo santīraṇatadārammaṇavasena, kiriyāhetukamanoviññādhātu voṭṭhabbanavasena, aṭṭha mahāvīpākacittāni tadārammaṇavasena, nava kiriyacittāni javanavasena labbhanti. Sotaghānājivhākāyadvāresupi ese va nayo.

Manodvāre pana **atthi kusaloti** catubhūmakakusalavasena kathitaṃ, **atthi akusaloti** dvādasaakusalavasena. **Atthi abyākatoti** ekādasannaṃ kāmāvacaravīpākānaṃ, dasannaṃ kiriyānaṃ, navannaṃ rūpāvacarārūpāvacarakiriyānaṃ, catunnaṃ sāmāññaphalānanti catuttimsacittuppādasavasena kathitaṃ. Tattha catubhūmakakusalāñceva akusalāñca javanavasena labbhanti. Kiriyato ahetukamanoviññādhātu āvajjanavasena, ekādasa vipākacittāni tadārammaṇavasena, tebhūmakakiriyā ceva sāmāññaphalāni ca javanavaseneva labbhanti. Tāni sattavidhādīsū yattha katthaci tathavā kathetuṃ vaṭṭanti. Timsavidhe pana tathavā dīpiyamānāni sukhadīpanāni hontīti timsavidhasmiṃyeva tathavā dīpayimsu.

Etāni hi sabbāni pi cittaṇi cakkhudvāre upanissayakoṭiyā, samatikkamavasena, bhāvanāvasenāti tīhākārehi labbhanti. Tathā sotadvāramanodvāresupi. Ghānājivhākāyadvāresu pana samatikkamavasena, bhāvanāvasenāti dvīhevākārehi labbhanti veditabbāni. Kathaṃ? Idha bhikkhu vihāracārikaṃ caramāno kasiṇamaṇḍalaṃ disvā ‘kiṃ nāmeta’nti pucchitvā ‘kasiṇamaṇḍala’nti vutte puna ‘kiṃ iminā karontī’nti pucchati. Athassa ācikkhanti – ‘evaṃ bhāvetvā jhānāni uppādetvā, samāpattipadaṭṭhānaṃ vipassanaṃ vaḍḍhetvā, arahattaṃ pāpuṇantī’nti. Ajjhāsayasampanno kulaputto ‘bhāriyaṃ eta’nti asallakkhetvā ‘mayāpi esa guṇo nibbattetuṃ vaṭṭati, na kho pana sakkā esa nipajjitvā niddāyantena nibbattetuṃ, āditova vīriyaṃ kātuṃ sīlaṃ sodhetuṃ vaṭṭatī’nti cintetvā sīlaṃ sodheti. Tato sīle paṭiṭṭhāya dasa palibodhe upacchinditvā, ticīvaraparameṇa santosena santuṭṭho, ācariyupajjhāyānaṃ vattapaṭivattaṃ katvā, kammaṭṭhānaṃ uggaṇhitvā, kasiṇaparikkammaṃ katvā, samāpattiyo uppādetvā, samāpattipadaṭṭhānaṃ vipassanaṃ vaḍḍhetvā, arahattaṃ pāpuṇāti. Tattha sabbāpi parikkammavedanā kāmāvacarā, aṭṭhasamāpattivedanā rūpāvacarārūpāvacarā, maggaphalavedanā lokuttarāti evaṃ cakkhuvīññānaṃ catubhūmikavedanānibbattiyā balavapaccayo hotīti catubhūmikavedanā cakkhusamphassapaccayā nāma jātā. Evaṃ tāva ‘**upanissayavasena**’ labbhanti.

Cakkhudvāre pana rūpe āpāthagate ‘iṭṭhe me ārammaṇe rāgo uppanno, anīṭṭhe paṭigho, asamapekkhanāya moho, vinibandhassa pana me māno uppanno, parāmaṭṭhassa diṭṭhi, vikkhepatatassa uddhaccaṃ, asanniṭṭhāgatassa vicikicchā, thāmagatassa anusayo uppanno’nti pariggāhe tīhito kulaputto attano kilesupattimāṇā vā ‘ime me kilesā vaḍḍhamānā anyabyasanāya samvattissanti, handa ne niggaṇhāmī’nti cintetvā ‘na kho pana sakkā nipajjitvā niddāyantena kilese niggaṇhituṃ; āditova vīriyaṃ kātuṃ vaṭṭati sīlaṃ sodhetu’nti heṭṭhā vuttanayeneva paṭipajjitvā arahattaṃ pāpuṇāti. Tattha sabbāpi parikkammavedanā kāmāvacarā, aṭṭhasamāpattivedanā rūpāvacarārūpāvacarā, maggaphalavedanā lokuttarāti evaṃ rūpārammaṇe uppannaṃ kilesaṃ samatikkamitvā gatāti catubhūmikavedanā cakkhusamphassapaccayā nāma jātā. Evaṃ ‘**samatikkamavasena**’ labbhanti.

Cakkhudvāre pana rūpe āpāthagate eko evaṃ pariggāhaṃ paṭṭhāpeti – ‘idaṃ rūpaṃ kiṃ nissita’nti? Tato naṃ ‘bhūtanissita’nti nītvā cattāri mahābhūtāni upādārūpañca rūpanti pariggāṇhāti, tadārammaṇe dhamme arūpanti pariggāṇhāti. Tato sappaccayaṃ nāmarūpaṃ parigaṇhitvā tīni lakkhaṇāni āropetvā vipassanāpaṭipāṭiyā saṅkhāre sammāsivā arahattaṃ pāpuṇāti. Tattha sabbāpi parikkammavedanā kāmāvacarā, aṭṭhasamāpattivedanā rūpāvacarārūpāvacarā, maggaphalavedanā lokuttarāti evaṃ rūpārammaṇaṃ sammāsivā nibbattitāti ayaṃ vedanā cakkhusamphassapaccayā nāma jātā. Evaṃ ‘**bhāvanāvasena**’ labbhanti.

Aparo bhikkhu suṇāti – ‘kasiṇaparikkammaṃ kira katvā samāpattiyo uppādetvā samāpattipadaṭṭhānaṃ vipassanaṃ vaḍḍhetvā arahattaṃ pāpuṇantī’nti. Ajjhāsayasampanno kulaputto ‘bhāriyaṃ eta’nti asallakkhetvā ‘mayāpi esa guṇo nibbattetuṃ vaṭṭatī’nti purimanayeneva paṭipajjitvā arahattaṃ pāpuṇāti. Tattha sabbāpi parikkammavedanā kāmāvacarā, aṭṭhasamāpattivedanā rūpāvacarārūpāvacarā, maggaphalavedanā lokuttarāti evaṃ sotaviññānaṃ catubhūmikavedanā nītvā balavapaccayo hotīti catubhūmikavedanā sotasamphassapaccayā nāma jātā. Evaṃ tāva ‘**upanissayavasena**’ labbhanti.

Sotadvāre pana sadde āpāthagateti sabbaṃ cakkhudvāre vuttanayeneva veditabbaṃ. Evaṃ saddārammaṇe uppannaṃ kilesaṃ samatikkamitvā gatāti catubhūmikavedanā sotasaṃphassaṃpaccayā nāma jātā. Evaṃ **‘samatikkamavasena’** labbhanti.

Sotadvāre pana sadde āpāthagate eko evaṃ pariggahaṃ paṭṭhabeti – ayaṃ saddo kiṃ nissitoti sabbaṃ cakkhudvāre vuttanayeneva veditabbaṃ. Evaṃ saddārammaṇaṃ sammasitvā nibbattitāti ayaṃ vedanā sotasaṃphassaṃpaccayā nāma jātā. Evaṃ **‘bhāvanāvasena’** labbhanti.

Ghānajivhākāyadvāresu pana gandhārammaṇādīsu āpāthagatesu ‘iṭṭhe me ārammaṇe rāgo uppanno’ti sabbaṃ cakkhudvāre vuttanayeneva veditabbaṃ. Evaṃ gandhārammaṇādīsu uppannaṃ kilesaṃ samatikkamitvā gatāti catubhūmikavedanā ghānajivhākāyasamphassaṃpaccayā nāma jātā. Evaṃ tīsu dvāresu **‘samatikkamavasena’** labbhanti.

Ghānadvārādīsu pana gandhādīsu āpāthagatesu eko evaṃ pariggahaṃ paṭṭhabeti – ‘ayaṃ gandho, ayaṃ raso, idaṃ phoṭṭhabbaṃ kiṃ nissita’nti sabbaṃ cakkhudvāre vuttanayeneva veditabbaṃ. Evaṃ gandhārammaṇādīni sammasitvā nibbattitāti ayaṃ vedanā ghānajivhākāyasamphassaṃpaccayā nāma jātā. Evaṃ **‘bhāvanāvasena’** labbhanti.

Manodvāre pana tīhi ākārehi labbhanti. Ekacco hi jātiṃ bhayato passati, jaraṃ byādhiṃ maraṇaṃ bhayato passati, bhayato disvā ‘jātijarābyādhimaraṇehi muccituṃ vaṭṭati, na kho pana sakkā nipajjitvā niddāyanta jātīdīhi muccituṃ, āditova vīriyaṃ kātuṃ sīlaṃ sodhetuṃ vaṭṭati’ ti cintevā cakkhudvāre vuttanayeneva paṭipajjitvā arahattaṃ pāpuṇāti. Tattha sabbāpi parikkammaṃvedanā kāmvācarā, aṭṭhasamāpattivedanā rūpāvacarārūpāvacarā, maggaphalavedanā lokuttarāti evaṃ jātijarābyādhimaraṇaṃ catubhūmikavedanā nibbattiyā balavapaccayo hotīti catubhūmikavedanā manosamphassaṃpaccayā nāma jātā. Evaṃ tāva **‘upanissayavasena’** labbhanti.

Manodvāre pana dhammārammaṇe āpāthagateti sabbaṃ cakkhudvāre vuttanayeneva veditabbaṃ. Evaṃ dhammārammaṇe uppannaṃ kilesaṃ samatikkamitvā gatāti catubhūmikavedanā manosamphassaṃpaccayā nāma jātā. Evaṃ **‘samatikkamavasena’** labbhanti.

Manodvāre pana dhammārammaṇe āpāthagate eko evaṃ pariggahaṃ paṭṭhabeti – ‘etaṃ dhammārammaṇaṃ kiṃ nissita’nti? ‘Vatthunissita’nti. ‘Vatthu kiṃ nissita’nti? ‘Mahābhūṭāni nissita’nti. So cattāri mahābhūṭāni upādārūpaṇca rūpanti pariggaṇhāti, tadārammaṇe dhamme arūpanti pariggaṇhāti. Tato sappaccayaṃ nāmarūpaṃ pariggaṇhītvā tīni lakkhaṇāni āropetvā vipassanāpaṭipāṭiyā saṅkhāre sammasitvā arahattaṃ pāpuṇāti. Tattha sabbāpi parikkammaṃvedanā kāmvācarā, aṭṭhasamāpattivedanā rūpāvacarārūpāvacarā, maggaphalavedanā lokuttarāti evaṃ dhammārammaṇaṃ sammasitvā nibbattitāti ayaṃ vedanā manosamphassaṃpaccayā nāma jātā. Evaṃ **‘bhāvanāvasena’** labbhanti. Yā panetā sabbesampi catuṃsatividhādīnaṃ vārānaṃ pariyoṣānesu cakkhusamphassaṃjā vedanā...pe... manosamphassaṃjā vedanāti cha cha vedanā vuttā, tā sampayuttapaccayavasena vuttāti.

Ayaṃ vedanākkhandhaniddeso.

Saññākkhandhādayopi iminā upāyena veditabbā. Kevalaṇhi saññākkhandhaniddese tikesu vedanāttikapīṭittikāpi labbhanti, dukesu ca sukhasahagatadukādayopi. Saṅkhārakkhandhaniddese phassasāpi saṅkhārakkhandhāpariyāpannattā phassasampayuttoti avatvā cittasampayuttoti vuttaṃ. Dukesu cettha hetudukādayopi labbhanti. Tikā saññākkhandhasadisā eva. Viññāṇakkhandhaniddese cakkhusamphassaṃjādibhāvaṃ avatvā cakkhuvīññāntiādi vuttaṃ. Na hi sakkā viññāṇaṃ manosamphassaṃjanti niddisituṃ. Sesamettha saññākkhandhe vuttasadisameva. Imesaṃ pana tiṇṇampi khandhānaṃ niddeseveva vedanākkhandhaniddeso atirekatikadukā laddhā. Tesam vasena vārappabhedo veditabboti.

Abhidhamabhājanīyavaṇṇanā.

### 3. Pañhāpucchakavaṇṇanā

150. Idāni pañhāpucchakaṃ hoti. Tattha pañhāpucchane pañcannaṃ khandhānaṃ “katicusalā? Katicusalā? Katicabyākātā”tiādīnā nayena yaṃ labbhati, yaṇca na labbhati, taṃ sabbaṃ pucchitvā vissajjane “rūpakkhandho abyākato”tiādīnā nayena yaṃ labbhati tadeva uddhaṅgati veditabbaṃ. Yattha yattha ca ‘eko khandho’ti vā ‘dve khandhā’ti vā paricchedaṃ akatvā “siyā uppannā, siyā anuppannā”tiādīnā nayena tanti ṭhapitā, tattha tattha pañcannampi khandhānaṃ gahaṇaṃ veditabbaṃ. Seso tesam tesam khandhānaṃ kusalādivibhāgo heṭṭhā dhammasaṅghaṭṭhakathāyaṃ (dha. sa. aṭṭha. 985) vuttoveva.



Ārammañattikesu pana cattāro khandhā pañcapanṇāsa kāmāvacaradhamme ārabba rajjantassa dussantassa muyhantassa saṃvarantassa sammasantassa paccavekkhantassa ca parittārammaṇā honti, sattavīsati rūpārūpāvacaradhamme ārabba rajjantassa dussantassa muyhantassa saṃvarantassa pariggahaṃ paṭṭhapentassa mahaggatārammaṇā, maggaphalanibbānāni paccavekkhantassa appamañārammaṇā, paññattim paccavekkhaṇakāle navattabbārammaṇāti.

Teyeve sekkhāsekkhānaṃ maggapaccavekkhaṇakāle maggārammaṇā honti, maggakāle sahaḷātahetunā maggaḥetukā, maggaṃ garuṃ katvā paccavekkhaṇakāle ārammañādhipatinā maggādhipatino, vīriyajēṭṭhakaṃ vā vīmaṃsajēṭṭhakaṃ vā maggaṃ bhāventassa sahaḷātādhipatinā maggādhipatino, chandaḷēṭṭhakaṃ pana cittajēṭṭhakaṃ vā bhāventassa navattabbārammaṇā nāma honti.

Atītāni pana khandhadhātuāyatanāni ārabba rajjantassa dussantassa muyhantassa saṃvarantassa pariggahaṃ paṭṭhapentassa atītārammaṇā honti, anāgatāni ārabba anāgatārammaṇā honti, paccuppannāni ārabba paccuppannārammaṇā honti, paññattim vā nibbānaṃ vā paccavekkhantassa navattabbārammaṇā honti.

Tathā attano khandhadhātuāyatanāni ārabba rajjantassa dussantassa muyhantassa saṃvarantassa pariggahaṃ paṭṭhapentassa ajjhattārammaṇā honti, paresaṃ khandhadhātuāyatanāni ārabba evaṃ pavattentassa bahiddhārammaṇā, paññattinibbānapaccavekkhaṇakālepi bahiddhārammaṇāyeva, kālena ajjhattaṃ kālena bahiddhā dhammesu evaṃ pavattentassa ajjhatabhahiddhārammaṇā, ākiñcaññāyatanakāle navattabbārammaṇāti veditabbā.

Iti bhagavā imaṃ khandhavibhaṅgaṃ suttantabhājanīyādivasena tayo parivaṭṭe nīharitvā bhājento dassesi. Tīsupi hi parivaṭṭesu ekova paricchedo. Rūpakkhando hi sabbattha kāmāvacaroyeva. Cattāro khandhā catubhūmakā lokiyalokuttaramissakā kathitāti.

Sammodavinodaniyā vibhaṅgaṭṭhakathāya

Khandhavibhaṅgavaṇṇanā niṭṭhitā.

## 2. Āyatanavibhaṅgo

### 1. Suttantabhājanīyavaṇṇanā

**154.** Idāni tadanantare āyatanavibhaṅganiddese suttantabhājanīyaṃ tava dassento **dvādasāyatanāni cakkhāyatanam rūpāyatanantiādīmāha.** Tattha paḷimuttakena tava nayena –

Atthalakkhaṇatāvata, kamaṣaṅkhepavitthārā;  
Tathā daṭṭhabbato ceva, viññātabbo vinicchayo.

Tattha visesato tava cakkhatīti **cakkhu**; rūpaṃ assādeti, vibhāveti cāti attho. Rūpayatīti **rūpaṃ**; vaṇṇavikāraṃ āpaḷjamānaṃ hadayaṅgatabhāvaṃ pakāsetīti attho. Suṇātīti **sotaṃ**. Sappaṭīti **saddo**; udāhariyatīti attho. Ghāyatīti **ghānaṃ**. Gandhayatīti **gandho**; attano vatthūṃ sūcayātīti attho. Jīvitaṃ avhāyatīti **jivhā**. Rasanti taṃ sattāti **raso**; assādentīti attho. Kucchitānaṃ sāsavadhammānaṃ āyoti **kāyo**. Āyoti uppattideso. Phusīyatīti **phoṭṭhabbaṃ**. Manatīti **mano**. Attano lakkhaṇaṃ dhārayantīti **dhammā**.

Avisesato pana āyatanato, āyānaṃ tananato, āyatassa ca nayanato āyatananti veditabbam. Cakkhurūpādīsu hi taṃtaṃdvārārammaṇā cittacetasiḷā dhammā sena sena anubhavanādinā kiccena āyatanti utṭhahanti ghaṭṭenti vāyamantīti vuttaṃ hoti. Te ca pana āyabhūte dhamme etāni tanonti vitthārentīti vuttaṃ hoti. Idaṅca anamatagge saṃsāre pavattaṃ atīva āyataṃ saṃsāradukkhaṃ yāva na nivattati tava nayanteva, pavattayantīti vuttaṃ hoti. Iti sabbepi me dhammā āyatanato āyānaṃ tananato āyatassa ca nayanato ‘āyatanam āyatana’nti vuccanti.

Apica nivāsaṭṭhānaṭṭhena, ākaraṭṭhena, samosaraṅgaṭṭhānaṭṭhena, sañjātidesaṭṭhena, kāraṅgaṭṭhena ca āyatanam veditabbam. Tathā hi loke ‘‘issarāyatanam vāsudevāyatana’’ntiādīsu nivāsaṭṭhānaṃ āyatananti vuccati. ‘‘Suvāṇṇāyatanam rajatāyatana’’ntiādīsu ākaro. Sāsane pana ‘‘manorame āyatane sevanti nam vihaṅgamā’’tiādīsu (a. ni. 5.38) samosaraṅgaṭṭhānaṃ. ‘‘Dakkhiṅgāpatho gunnaṃ āyatana’’ntiādīsu sañjātideso. ‘‘Tatra tatreva sakkhibhabbatam pāpuṇāti sati satiāyatane’’tiādīsu (a. ni. 5.23) kāraṅgaṃ.

Cakkhurūpādīsu cāpi te te cittacetasiḷā dhammā nivasanti tadāyattavuttitāyāti cakkhādayo nesam

nivāsanaṭṭhānaṃ. Cakkhādīsu ca te ākiṇṇā taṃ nissitattā tadārammaṇattā cāti cakkhādayo nesaṃ ākaro. Cakkhādayo ca nesaṃ samosaraṇaṭṭhānaṃ, tattha tattha vatthudvārārammaṇavasena samosaraṇato. Cakkhādayo ca nesaṃ sañjātideso; taṃ nissayārammaṇabhāvena tattheva uppattito. Cakkhādayo ca nesaṃ kāraṇaṃ, tesaṃ abhāve abhāvato. Iti nivāsaṭṭhānaṭṭhena, ākaraṭṭhena, samosaraṇaṭṭhānaṭṭhena, sañjātidesaṭṭhena, kāraṇaṭṭhenaṭṭhena imehi kāraṇehi ete dhammā ‘āyatanāṃ āyatana’nti vuccanti. Tasmā yathāvuttenatthena cakkhu ca taṃ āyatanañcāti **cakkhāyatanaṃ...pe...** dhammā ca te āyatanañcāti **dhammāyatanaṃ** evaṃ tāvettha ‘atthato’ viññātabbo vinicchayo.

‘**Lakkhaṇato**’ti cakkhādīnaṃ lakkhaṇatopettha viññātabbo vinicchayo. Tāni ca pana nesaṃ lakkhaṇāni heṭṭhā rūpakaṇḍaniddese vuttanayeneva vedītabbāni.

‘**Tāvavato**’ti tāvabhāvato. Idaṃ vuttaṃ hoti – cakkhādayopi hi dhammā eva. Evaṃ sati dhammāyatanaṃmicceva avatvā kasmā dvādasāyatanaṃ vuttānti ce? Cha viññāṇakāyuppattidvārārammaṇavavattānato. Idha channaṃ viññāṇakāyānaṃ dvārābhāvena ārammaṇabhāvena ca vavattānato ayameva tesaṃ bhedo hotīti dvādasā vuttāni. Cakkhuvīññāṇavīthipariyāpanassa hi viññāṇakāyassa cakkhāyatanaṃ eva uppattidvāraṃ, rūpāyatanaṃ eva cārammaṇaṃ. Tathā itarāni itaresaṃ. Chaṭṭhassa pana bhavaṅgamanasaṅkhāto manāyatanaṃkadesova uppattidvāraṃ, asādhāraṇaṃca dhammāyatanaṃ ārammaṇanti. Iti channaṃ viññāṇakāyānaṃ uppattidvārārammaṇavavattānato dvādasā vuttānti. Evamettha ‘tāvavato’ viññātabbo vinicchayo.

‘**Kamato**’ti idhāpi pubbe vuttetu uppattikkamādīsu desanākkamova yujjati. Ajjhattikesu hi āyatanesu sanidassanasappaṭighavisayattā cakkhāyatanaṃ pākaṇṭanti paṭhamaṃ desitaṃ. Tato anidassanasappaṭighavisayāni sotāyatanaṃdīni. Atha vā dassanānuttariyasavanānuttariyāhetubhāvena bahūpakāraṭṭā ajjhattikesu cakkhāyatanaṃsotāyatanaṃ paṭhamaṃ desitāni. Tato ghāṇāyatanaṃdīni tīṇi. Pañcannampi gocaravisayattā ante manāyatanaṃ. Cakkhādīnaṃ pana gocaraṭṭā tassa tassa anantarāni bāhiresu rūpāyatanaṃdīni. Apica viññāṇuppattikāraṇavavattānato pi ayameva tesaṃ kamo vedītabbo. Vuttañhetva ‘‘cakkhuṃca paṭicca rūpe ca uppajjati cakkhuvīññāṇaṃ...pe... manaṃca paṭicca dhamme ca uppajjati manovīññāṇa’’nti (ma. ni. 3.421) evaṃ ‘kamato’pettha viññātabbo vinicchayo.

‘**Saṅkhepavithārā**’ti saṅkhepato hi manāyatanaṃssa ceva dhammāyatanaṃkadesassa ca nāmena, tadavasesānaṃca āyatanaṃnaṃ rūpeṇa saṅgahitattā dvādasāpi āyatanaṃni nāmarūpamattameva honti.

Vithārato pana ajjhattikesu tāva cakkhāyatanaṃ jātivāsena cakkhupāsādamattameva, paccayagatinikāyapuggalabhedato pana anantappabhedam. Tathā sotāyatanaṃdīni cattāri. Manāyatanaṃ tebhūmakakusalākusalavipākakiriyaṃviññāṇabhedena ekāsītippabhedam, vatthupaṭipadādibhedato pana anantappabhedam. Rūpagaṇḍharasāyatanaṃni samuṭṭhānabhedato catuppabhedāni, saddāyatanaṃ dvippabhedam. Sabhāgavisabhāgabhedato pana sabbānipi anantappabhedāni. Phoṭṭhabbāyatanaṃ pathavīdhātutejodhātuvāyodhātuvāsena tippabhedam, samuṭṭhānato catuppabhedam, sabhāgavisabhāgato anekappabhedam. Dhammāyatanaṃ tebhūmakadhammārammaṇavasena anekappabhedanti. Evaṃ saṅkhepavithārā viññātabbo vinicchayo.

‘**Daṭṭhabbato**’ti ettha pana sabbānevetāni āyatanaṃni anāgamanato aniggamanato ca daṭṭhabbāni. Na hi tāni pubbe udayā kutoci āgacchanti, nāpi uddham vāyā kuhiñci gacchanti; atha kho pubbe udayā appaṭiladdhasabhāvāni, uddham vāyā paribhinnasabhāvāni, pubbantāparantavemajjhe paccayāyattavuttitāya avasāni pavattanti. Tasmā anāgamanato aniggamanato ca daṭṭhabbāni. Tathā nirīhato abyāpārato ca. Na hi cakkhurūpādīnaṃ evaṃ hoti – ‘aho vata amhākaṃ sāmaggīyā viññāṇaṃ nāma uppajjeyyā’ti, na ca tāni viññāṇuppādanatthaṃ dvārābhāvena vatthubhāvena ārammaṇabhāvena vā īhanti, na byāpāramāpajjanti; atha kho dhammatāvesā yaṃ cakkhurūpādīnaṃ sāmaggīyaṃ cakkhuvīññāṇādīni sambhavanti. Tasmā nirīhato abyāpārato ca daṭṭhabbāni. Apica ajjhattikāni suññagāmo viya daṭṭhabbāni dhuvasubhasukhattabhāvavirahitattā, bāhirāni gāmaghātakacorā viya ajjhattikānaṃ abhigghātakattā. Vuttañhetva – ‘‘cakkhu, bhikkhave, haññati manāpāmanāpehi rūpehīti vithāro. Apica ajjhattikāni cha pāṇakā viya daṭṭhabbāni, bāhirāni tesaṃ gocarā viyāti. Evampettha ‘daṭṭhabbato’ viññātabbo vinicchayoti.

Idāni tesaṃ vipassitabbākāraṃ dassetuṃ **cakkhuṃ aniccanti**ādi āradham. Tattha cakkhu tāva hutvā abhāvattāna **aniccanti** vedītabbāṃ. Aparehipi catūhi kāraṇehi aniccaṃ – uppādayavavantato, vipariṇāmato, tāvakālikato, niccappaṭikkhepatoti.

Tadeva paṭipīḷanaṭṭhena **dukkham**. Yasmā vā etaṃ uppannaṃ ṭhitiṃ pāpuṇāti, ṭhitiyaṃ jarāya kilamati, jaraṃ patvā avassaṃ bhijjati; tasmā abhiṇhasappaṭipīḷanato, dukkhamato, dukkhavattuto, sukhaṭṭikkhepatoti imehi catūhi kāraṇehi dukkham.

Avasavattanatt̄hena pana **anattā**. Yasmā vā etaṃ uppannaṃ t̄hitiṃ mā pāpuṇātu, t̄hānappattaṃ mā jiratu, jarappattaṃ mā bhijjātūti imesu t̄isu t̄hānesu kassaci vasavattibhāvo natthi, suññaṃ tena vasavattanākārena; tasmā suññato, assāmikato, akāmakāriyato, attapaṭikkhepatoti imehi catūhi kāraṇehi anattā.

Vibhavagatikato, pubbāparavasena bhavaśāṅkantiḡamanato, pakatibhāvavijahanato ca **vipariṇāmadhammaṃ**. Iḡaṃ aniccavevacanameva. **Rūpā aniccā**tiādīsupi eseva nayo. Apicettha t̄hapetvā cakkhuṃ tebhūmakadhammā aniccā, no cakkhu. Cakkhu pana cakkhu ceva aniccaṇca. Tathā sesadhammā dukkhā, no cakkhu. Cakkhu pana cakkhu ceva dukkhaṇca. Sesadhammā anattā, no cakkhu. Cakkhu pana cakkhu ceva anattā cāti. Rūpādīsupi eseva nayo.

Imasmiṃ pana suttantabhājanīye tathāgatena kiṃ dassitanti? Dvādasannaṃ āyatanānaṃ anattalakkhaṇaṃ. Sammāsambuddho hi anattalakkhaṇaṃ dassento aniccena vā dasseti, dukkhena vā, aniccadukkhehi vā. Tattha “cakkhu, attāti yo vadeyya, taṃ na upapajjati. Cakkhussa uppādopi vayopi paññāyati. Yassa kho pana uppādopi vayopi paññāyati ‘attā me upapajjati ca veti cā’ ti iccassa evamāgataṃ hoti. Tasmā taṃ na upapajjati – cakkhu attāti yo vadeyya iti cakkhu anattā” ti (ma. ni. 3.422). Imasmiṃ sutte aniccena anattalakkhaṇaṃ dassesi. “Rūpaṃ, bhikkhave, anattā. Rūpaṇca hiḡaṃ, bhikkhave, attā abhaviṣṣa, na yidaṃ rūpaṃ ābādhāya saṃvatteyya; labbhettha ca rūpe – evaṃ me rūpaṃ hotu, evaṃ me rūpaṃ mā ahoṣīti. Yasmā ca kho, bhikkhave, rūpaṃ anattā tasmā rūpaṃ ābādhāya saṃvattati; na ca labbhati rūpe – evaṃ me rūpaṃ hotu, evaṃ me rūpaṃ mā ahoṣī” ti (saṃ. ni. 3.59; mahāva. 20) imasmiṃ sutte dukkhena anattalakkhaṇaṃ dassesi. “Rūpaṃ, bhikkhave, aniccaṃ, yadaniccaṃ taṃ dukkhaṃ, yaṃ dukkhaṃ tadanattā, yadanattā taṃ netāṃ mama, nesohasmaṃ, na meso attā” tiādīsū (saṃ. ni. 3.15) aniccadukkhehi anattalakkhaṇaṃ dassesi. Kasmā? Aniccadukkhaṇaṃ pākaṭattā.

Hatthato hi taṭṭake vā sarake vā kismiñcīdeva vā patitvā bhinne ‘aho anicca’ nti vadanti. Evaṃ aniccaṃ pākaṭaṃ nāma. Attabhāvasmiṃ pana gaṇḡapīlakādīsū vā uṭṭhitāsu khāṇuḡaṇṡakādīhi vā vidhāsu ‘aho dukkha’ nti vadanti. Evaṃ dukkhaṃ pākaṭaṃ nāma. Anattalakkhaṇaṃ apākaṭaṃ andhakāraṃ avibhūtaṃ duppaṭivijjhaṃ duddīpanaṃ duppaññāpanaṃ. Aniccadukkhalakkhaṇāni uppādā vā tathāgatānaṃ anuppādā vā paññāyanti. Anattalakkhaṇaṃ vinā buddhuppādā na paññāyati, buddhuppādeyyeva paññāyati. Mahiddhikā hi mahānubhāvā tāpasaparibbājakā sarabhaṅgasatt̄hāradāyopi ‘aniccaṃ dukkha’ nti vattuṃ sakkonti, ‘anattā’ ti vattuṃ na sakkonti. Sace hi te sampattaparisāya anattāti vattuṃ sakkuṇeyyūṃ, sampattaparisāya maggaphalapaṭivedho bhavēyya. Anattalakkhaṇapaññāpanaṇihi aññassa kassaci avisayo, sabbaññubuddhānameva visayo. Evametāṃ anattalakkhaṇaṃ apākaṭaṃ. Tasmā satt̄hā anattalakkhaṇaṃ dassento aniccena vā dassesi, dukkhena vā, aniccadukkhehi vā. Iḡa pana taṃ aniccadukkhehi dassesīti veditabbaṃ.

Imāni pana lakkhaṇāni kissa amanasikārā appaṭivedhā, kena paṭicchannattā, na upaṭṭhanti? Aniccalakkhaṇaṃ tāva udayabbayānaṃ amanasikārā appaṭivedhā, santatiyā paṭicchannattā, na upaṭṭhāti. Dukkhalakkhaṇaṃ abhiṇhasappaṭipīlanassa amanasikārā appaṭivedhā, iriyāpathehi paṭicchannattā, na upaṭṭhāti. Anattalakkhaṇaṃ nānādhātuviniḡbhogassa amanasikārā appaṭivedhā, ghanena paṭicchannattā, na upaṭṭhāti. Udayabbayaṃ pana pariggahetvā santatiyā vikopitāya aniccalakkhaṇaṃ yāthāvasarasato upaṭṭhāti. Abhiṇhasappaṭipīlanāṃ manasikatvā iriyāpathe ugghāṭite dukkhalakkhaṇaṃ yāthāvasarasato upaṭṭhāti. Nānādhātuyo vinibbhujitvā ghanavinibbhoge kate anattalakkhaṇaṃ yāthāvasarasato upaṭṭhāti.

Ettha ca aniccaṃ aniccalakkhaṇaṃ, dukkhaṃ dukkhalakkhaṇaṃ, anattā anattalakkhaṇanti ayaṃ vibhāgo veditabbo. Tattha **aniccanti** khandhapaṇcakaṃ. Kasmā? Uppādavayaññathattabhāvā, hutvā abhāvato vā; uppādavayaññathattaṃ **aniccalakkhaṇaṃ**, hutvā abhāvasaṅkhāto ākāravikāro vā. “Yadaniccaṃ taṃ dukkha” nti vacanato pana tadeva khandhapaṇcakaṃ **dukkhaṃ**. Kasmā? Abhiṇhasappaṭipīlanato; abhiṇhasappaṭipīlanākāro **dukkhalakkhaṇaṃ**. “Yaṃ dukkhaṃ taṃ anattā” ti pana vacanato tadeva khandhapaṇcakaṃ **anattā**. Kasmā? Avasavattanato; avasavattanākāro **anattalakkhaṇaṃ**. Iti aññadeva aniccaṃ dukkhaṃ anattā, aññāni aniccadukkhaṇanattalakkhaṇāni. Paṇcakkhandhā, dvādasāyatanāni, aṭṭhārasa dhātuyoti idaṇihi sabbampi aniccaṃ dukkhaṃ anattā nāma. Vuttappakārākāravikārā aniccadukkhaṇanattalakkhaṇānīti.

Saṅkhepato panettha dasāyatanāni kāmāvacarāni, dve tebhūmakāni. Sabbesupi sammāsanacāro kathitoti veditabbo.

Suttantabhājanīyavaṇṇanā.

## 2. Abhidhammabhājanīyavaṇṇanā

155. Abhidhammabhājanīye yathā heṭṭhā vipassakānaṃ upakārathāya “cakkhāyatanāṃ rūpāyatana” nti yugalato āyatanāni vuttāni, tathā avatvā ajjhattikabāhirānaṃ sabbākārato sabhāvadassanattaṃ “cakkhāyatanāṃ sotāyatana” nti

evaṃ ajjhattikabāhiravavattḥānanayena vuttāni.

**156.** Tesaṃ niddesavāre **tattha katamaṃ cakkhāyatanantiādīni** heṭṭhā vuttanayeneva veditabbāni.

**167.** Yaṃ panetaṃ dhammāyatananiddese “tattha katamā asaṅkhatā dhātu? Rāgakkhayo dosakkhayo mohakkhayo”ti vuttaṃ, tatrāyamattho – **asaṅkhatā dhātūti** asaṅkhatasabhāvaṃ nibbānaṃ. Yasmaṃ panetaṃ āgamma rāgādayo khīyanti, tasmā rāgakkhayo dosakkhayo mohakkhayoti vuttaṃ. Ayamettha ācariyaṇaṃ samānatthakathā.

Vitaṇḍavādī panāha – ‘pāṭiyekkaṃ nibbānaṃ nāma natthi, kilesakkhayova nibbāna’nti. ‘Suttaṃ āharā’ti ca vutte “nibbānaṃ nibbānanti kho, āvuso sārīputta, vuccati; katamaṃ nu kho, āvuso, nibbānanti? Yo kho, āvuso, rāgakkhayo dosakkhayo mohakkhayo – idaṃ vuccati nibbāna”nti etaṃ jambukhādakasuttaṃ āharitvā ‘iminā suttana veditabbaṃ pāṭiyekkaṃ nibbānaṃ nāma natthi, kilesakkhayova nibbāna’nti āha. So vattabbo – ‘kiṃ pana yathā cetamaṃ suttaṃ tathā attho’ti? Addhā vakkhati – ‘āma, natthi suddato muñcītvā attho’ti. Tato vattabbo – ‘idaṃ tava te suttaṃ ābhataṃ; anantarasuttaṃ āharā’ti. Anantarasuttaṃ nāma – ‘arahattaṃ arahattanti, āvuso sārīputta, vuccati; katamaṃ nu kho, āvuso, arahattanti? Yo kho, āvuso, rāgakkhayo dosakkhayo mohakkhayo – idaṃ vuccati arahatta’nti (saṃ. ni. 4.315) idaṃ tassevānantaraṃ ābhataṃ.

Imasmiṃ pana naṃ ābhate āhaṃsu – ‘nibbānaṃ nāma dhammāyatanapariyāpanno dhammo, arahattaṃ cattāro khandhā. Nibbānaṃ sacchikatvā viharanto dhammasenāpati nibbānaṃ pucchitopi arahattaṃ pucchitopi kilesakkhayameva āha. Kiṃ pana nibbānaṃca arahattaṃca ekaṃ udāhu nāna’nti? ‘Ekaṃ vā hotu nānaṃ vā. Ko ettha tayā atibahuṃ cuṇṇīkaraṇaṃ karontena attho’? ‘Na tvamaṃ ekaṃ nānaṃ jānāsīti. Nanu nīte sādhu hoti’ti evaṃ punappunaṃ pucchito vañcetumaṃ asakko āha – ‘rāgādīnaṃ khīṇante uppannattā arahattaṃ rāgakkhayo dosakkhayo mohakkhayo’ti vuccatīti. Tato naṃ āhaṃsu – ‘mahākammaṃ te katamaṃ. Lañjaṃ datvāpi taṃ vadāpento etadeva vadāpeyya. Yatheva ca te etaṃ vibhajitvā kathitaṃ, evaṃ idampi sallakkhehi – nibbānaṃhi āgamma rāgādayo khīṇāti nibbānaṃ rāgakkhayo dosakkhayo mohakkhayoti vuttaṃ. Tīṇipi hi etāni nibbānasseva adhivacanānti’ti.

Sace evaṃ vutte saññattim gacchati iccetaṃ kusalaṃ; no ce, bahunibbānatāya kāretabbo. Kathaṃ? Evaṃ tava pucchitabbo – ‘rāgakkhayo nāma rāgasseva khayō udāhu dosamohānampi? Dosakkhayo nāma dosasseva khayō udāhu rāgamohānampi? Mohakkhayo nāma mohasseva khayō udāhu rāgadosānampī’ti? Addhā vakkhati – ‘rāgakkhayo nāma rāgasseva khayō, dosakkhayo nāma dosasseva khayō, mohakkhayo nāma mohasseva khayō’ti.

Tato vattabbo – ‘tava vāde rāgakkhayo ekaṃ nibbānaṃ hoti, dosakkhayo ekaṃ, mohakkhayo ekaṃ; tiṇṇaṃ akusalamūlānaṃ khaye tīṇi nibbānāni honti, catunnaṃ upādānaṃ khaye cattāri, pañcannaṃ nīvaraṇānaṃ khaye pañca, channaṃ taṇhākāyānaṃ khaye cha, sattannaṃ anusayānaṃ khaye satta, aṭṭhannaṃ micchattānaṃ khaye aṭṭha, navannaṃ taṇhāmūlakadhammānaṃ khaye nava, dasannaṃ saṃyojanānaṃ khaye dasa, diyaḍḍhakilesasahassassa khaye pāṭiyekkaṃ pāṭiyekkaṃ nibbānanti bahūni nibbānāni honti. Natthi pana te nibbānaṃ pamāṇanti. Evaṃ pana aggahetvā nibbānaṃ āgamma rāgādayo khīṇāti ekameva nibbānaṃ rāgakkhayo dosakkhayo mohakkhayoti vuccati. Tīṇipi hetāni nibbānasseva adhivacanānti gaṇha’.

Sace pana evaṃ vuttepi na sallakkheti, oḷārikatāya kāretabbo. Kathaṃ? ‘Andhabālā hi acchadīpimigamakkaṭādayopi kilesapariyutṭhitā vatthum paṭisevanti. Atha nesaṃ paṭisevanapariyante kilesa vūpasammati. Tava vāde acchadīpimigamakkaṭādayo nibbānappattā nāma honti. Oḷārikaṃ vata te nibbānaṃ thūlaṃ, kaṇṇehi piḷandhitum na sakkāti. Evaṃ pana aggahetvā nibbānaṃ āgamma rāgādayo khīṇāti ekameva nibbānaṃ rāgakkhayo dosakkhayo mohakkhayoti vuccati. Tīṇipi hetāni nibbānasseva adhivacanānti gaṇha’.

Sace pana evaṃ vuttepi na sallakkheti, gotrabhunāpi kāretabbo. Kathaṃ? Evaṃ tava pucchitabbo – ‘tvamaṃ gotrabhu nāma atthīti vadesī’ti? ‘Āma vadāmi’ti. ‘Gotrabhukkaṇe kilesā khīṇā, khīyanti, khīyissanti’ti? Na khīṇā, na khīyanti; apica kho khīyissanti’ti. ‘Gotrabhu pana kiṃ ārammaṇaṃ karotī’ti? ‘Nibbānaṃ’. ‘Tava gotrabhukkaṇe kilesā na khīṇā, na khīyanti; atha kho khīyissanti. Tvamaṃ akhīṇesuyeva kilesesu kilesakkhayaṃ nibbānaṃ paññāpesi, appahīnesu anusayesu anusayappahānaṃ nibbānaṃ paññāpesi. Taṃ te na sameti. Evaṃ pana aggahetvā nibbānaṃ āgamma rāgādayo khīṇāti ekameva nibbānaṃ rāgakkhayo dosakkhayo mohakkhayoti vuccati. Tīṇipi hetāni nibbānasseva adhivacanānti gaṇha’.

Sace pana evaṃ vuttepi na sallakkheti, maggena kāretabbo. Kathaṃ? Evaṃ tava pucchitabbo – ‘tvamaṃ maggaṃ nāma vadesī’ti? ‘Āma vadāmi’ti. ‘Maggakkhaṇe kilesā khīṇā, khīyanti, khīyissanti’ti? Jānamāno vakkhati – ‘khīṇāti vā khīyissanti’ti vā vatthum na vaṭṭati, khīyantīti vatthum vaṭṭati’ti. ‘Yadi evaṃ, maggassa kilesakkhayaṃ nibbānaṃ katamaṃ? Maggena khīyanakakilesā katame? Maggo katamaṃ kilesakkhayaṃ nibbānaṃ ārammaṇaṃ katvā katame kilese khepeti? Tasmā mā evaṃ gaṇha. Nibbānaṃ pana āgamma rāgādayo khīṇāti ekameva nibbānaṃ rāgakkhayo

dosakkhayo mohakkhayoti vuccati. Tīṇipi hetāni nibbānasseva adhivacanānī’ti.

Evaṃ vutte evamāha – ‘tvam āgamma āgammāti vadesī’ti? ‘Āma vademī’ti. ‘Āgamma nāmāti idam te kuto laddha’nti? ‘Suttato laddha’nti. ‘Āhara sutta’nti. “Evaṃ avijjā ca taṇhā ca tam āgamma, tamhi khīṇā, tamhi bhaggā, na ca kiñci kadācī’”ti. Evaṃ vutte paravādī tuṅhībhāvaṃ āpannoti.

Idhāpi dasāyatanāni kāmāvacarāni, dve pana catubhūmakāni lokiyalokuttaramissakānīti vedītabbāni.

Abhidhamabhājanīyavaṇṇanā.

### 3. Pañhāpucchakavaṇṇanā

168. Idhāpi pañhāpucchake yaṃ labbhati yañca na labbhati, taṃ sabbaṃ pucchitvā labbhamānavaseneva vissajjanaṃ vuttaṃ; na kevalañca idha, sabbesupi pañhāpucchakesu eseva nayo. Idha pana dasannaṃ āyatanānaṃ rūpabhāvena abyākataṭā vedītabbā. Dvinnam āyatanānaṃ khandhavibhaṅge catunnam khandhānaṃ viya kusalādibhāvo vedītabbo. Kevalañhi cattāro khandhā sappaccayāva saṅkhatāva dhammāyatanam pana “siyā appaccayam, siyā asaṅkhatam”nti āgataṃ. Ārammaṇattikesu ca anārammaṇam sukhumarūpasāṅkhātam dhammāyatanam na-vattabbakoṭṭhāsam bhajati. Tañca kho anārammaṇattā na parittādibhāvena navattabbadhammārammaṇattāti ayamettha viseso. Sesam tādīsameva. Idhāpi hi cattāro khandhā viya dvāyatanā pañcapanṇāsa kāmāvacaradhamme ārabba rajjantassa dussantassa muyhantassa saṃvarantassa sammasantassa paccavekkhantassa ca parittārammaṇāti sabbaṃ khandhesu vuttasādīsamevāti.

Sammohavinodaniyā vibhaṅgaṭṭhakathāya

Āyatanavibhaṅgavaṇṇanā niṭṭhitā.

## 3. Dhātuvibhaṅgo

### 1. Suttantabhājanīyavaṇṇanā

172. Idāni tadanantare dhātuvibhaṅge sabbā dhātuyo chahi chahi dhātūhi saṅkhipitvā tīhi chakkehi suttantabhājanīyam dassento **cha dhātuyoti**ādīmaḥa. Tattha **chāti** gaṇanaparicchedo. **Dhātuyoti** paricchinnadhammanidassanam. **Pathavīdhātū**tiādīsu dhātvaṭṭho nāma sabhāvaṭṭho, sabhāvaṭṭho nāma suññataṭṭho, suññataṭṭho nāma nissattaṭṭhoti evam sabhāvasuññatanissattaṭṭhena pathavīyeva dhātu **pathavīdhātu**. Āpodhātuādīsupi eseva nayo. Evamettha padasamāsam viditvā evamattho vedītabbo – **pathavīdhātū**ti patitṭhānadhātu. **Āpodhātū**ti ābandhanadhātu. **Tejodhātū**ti paripācanadhātu. **Vāyodhātū**ti vitthambhanadhātu. **Ākāsadhātū**ti asamphuṭṭhadhātu. **Viññādhātū**ti vijānanadhātu.

173. **Pathavīdhātudvayanti** pathavīdhātu dve ayam. Ayam pathavīdhātu nāma na ekā eva ajjhattikabāhirabhedena pana dve dhātuyo evāti attho. Tenevāha – “atthi ajjhattikā atthi bāhirā”ti. Tattha **ajjhattikāti** sattasantānapariyāpannā niyakajjhattā. **Bāhirāti** saṅkhārasantānapariyāpannā anindriyabaddhā. **Ajjhattam paccattanti** ubhayampetaṃ niyakajjhattādhivacanameva. Idāni taṃ sabhāvākārato dassetuṃ **kakkhaḷanti**tiādī vuttaṃ. Tattha **kakkhaḷanti** thaddham. **Kharigatanti** pharusam. **Kakkhaḷattanti** kakkhaḷabhāvo. **Kakkhaḷabhāvoti** kakkhaḷasabhāvo. **Ajjhattam upādinnanti** niyakajjhattasaṅkhātam upādinnam. Upādinnam nāma sarīraṭṭhakaṃ. Sarīraṭṭhakañhi kammasamuṭṭhānam vā hotu mā vā, taṃ sandhāya upādinnampi atthi anupādinnampi; ādinnaggaḥitaparāmaṭṭhavasena pana sabbampetaṃ upādinnamevāti dassetuṃ “ajjhattam upādinna”nti āha.

Idāni tameva pathavīdhātuṃ vatthivasena dassetuṃ **seyyathidam kesā lomāti**tiādī vuttaṃ. Tattha **seyyathidanti** nipāto. Tassattho – yā sā ajjhattikā pathavīdhātu sā katamā? Yam vā ajjhattam paccattam kakkhaḷam nāma taṃ katamanti? **Kesā lomāti**ti tassā ajjhattikāya pathavīdhātuyā vatthivasena pabhedadassanam. Idam vuttaṃ hoti – kesā nāma ajjhattā upādinnā sarīraṭṭhakā kakkhaḷattalakkhaṇā imasmiṃ sarīre pāṭiyekko koṭṭhāso. Lomā nāma...pe... karīsam nāma. Idha pana avuttampi paṭisambhidāmagge (paṭi. ma. 1.4) pāḷīaruḷham **matthaluṅgam** āharitvā matthaluṅgam nāma ajjhattam upādinnam sarīraṭṭhakaṃ kakkhaḷattalakkhaṇam imasmiṃ sarīre pāṭiyekko koṭṭhāso. Parato āpodhātuādīnam niddese pittādīsipi eseva nayo.

Iminā kiṃ dassitam hoti? Dhātumanasikāro. Imasmiṃ pana dhātumanasikāre kammaṃ katvā vipassanam paṭṭhapetvā uttamattam arahattam pāpuṇitukāmena kiṃ kattabbaṃ? Catupārisuddhisīlam sodhetabbaṃ. Sīlavato hi

kammaṭṭhānabhāvanā ijjhati. Tassa sodhanavidhānaṃ visuddhimagge vuttanayeneva veditabbaṃ. Visuddhasīlena pana sīle paṭiṭṭhāya dasa pubbapalibodhā chinditabbā. Tesampi chindanavidhānaṃ visuddhimagge vuttanayeneva veditabbaṃ. Chinnapalibodhena dhātumanasikārakammaṭṭhānaṃ uggaṇhitabbaṃ. Ācariyenāpi dhātumanasikārakammaṭṭhānaṃ uggaṇhāpentena sattavidhaṃ uggaṇhakosallaṃ dasavidhaṃca manasikārakosallaṃ ācikkhitabbaṃ. Antevāsikenāpi ācariyassa santike bahuvāre sajjhāyaṃ katvā nijjaṭaṃ paṇaṃ kammaṭṭhānaṃ kātabbaṃ. Vuttañhetāṃ aṭṭhakathāyaṃ – “ādikammikena bhikkhunā jarāmaraṇaṃ muccitukāmena sattahākārehi uggaṇhakosallaṃ icchitabbaṃ, dasahākārehi manasikārakosallaṃ icchitabba”nti.

Tattha vacasā, manasā, vaṇṇato, saṅghānato, disato, okāsato, paricchedatoti imehi sattahākārehi imasmiṃ dhātumanasikārakammaṭṭhāne ‘**uggahakosallaṃ**’ icchitabbaṃ. Anupubbato, nātisīghato, nātisaṅkato, vikkhepapaṭibāhanato, paṇṇattisamatikkamato, anupubbamuṅcanato, lakkhaṇato, tayo ca suttantāti imehi dasahākārehi ‘**manasikārakosallaṃ**’ icchitabbaṃ. Tadubhayampi parato satipaṭṭhānavibhaṅge āvi bhavissati.

Evaṃ uggaṇhitakammaṭṭhānena pana visuddhimagge vutte aṭṭhārasa senāsanadose vajjetvā pañcaṅgasamannāgate senāsane vasantena attanāpi pañcahi padhāniyaṅgehi samannāgatena pacchābhattaṃ piṇḍapāṭapaṭikkantena vivittokāsagatena kammaṭṭhānaṃ manasikātabbaṃ. Manasikarontena ca vaṇṇasaṅghānadisokāsaparinchedavasena kesādīsu ekekakoṭṭhāsaṃ manasikarivā avasāne evaṃ manasikāro pavattetabbo – ime **kesā** nāma sīsakaṭāhapalivēṭhanacamme jātā. Tattha yathā vammikamatthake jātesu kuṇṭhatiṇesu na vammikamatthako jānāti ‘mayi kuṇṭhatiṇāni jātāni’ti, nāpi kuṇṭhatiṇāni jānanti ‘mayāṃ vammikamatthake jātāni’ti, evameva na sīsakaṭāhapalivēṭhanacammaṃ jānāti ‘mayi kesā jātā’ti, nāpi kesā jānanti ‘mayāṃ sīsakaṭāhapalivēṭhanacamme jātā’ti. Aññamaññaṃ ābhogapaccavekkhaṇarahitā ete dhammā. Iti kesā nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Lomā** sarīraveṭhanacamme jātā. Tattha yathā suññaḡamaṭṭhāne jātesu dabbatiṇesu na suññaḡamaṭṭhānaṃ jānāti ‘mayi dabbatiṇāni jātāni’ti, nāpi dabbatiṇāni jānanti ‘mayāṃ suññaḡamaṭṭhāne jātāni’ti, evameva na sarīraveṭhanacammaṃ jānāti ‘mayi lomā jātā’ti, nāpi lomā jānanti ‘mayāṃ sarīraveṭhanacamme jātā’ti. Aññamaññaṃ ābhogapaccavekkhaṇarahitā ete dhammā. Iti lomā nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Nakhā** aṅgulīnaṃ aggesu jātā. Tattha yathā kumārakesu daṇḍakehi madhukaṭṭhike vijjhivā kīlantesu na daṇḍakā jānanti ‘amhesu madhukaṭṭhikā ṭhapitā’ti, nāpi madhukaṭṭhikā jānanti ‘mayāṃ daṇḍakesu ṭhapitā’ti, evameva na aṅguliyo jānanti ‘amhākaṃ aggesu nakhā jātā’ti, nāpi nakhā jānanti ‘mayāṃ aṅgulīnaṃ aggesu jātā’ti. Aññamaññaṃ ābhogapaccavekkhaṇarahitā ete dhammā. Iti nakhā nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Dantā** hanukaṭṭhikesu jātā. Tattha yathā vaḍḍhakīhi pāsāṇaudukkhalesu kenacideva silesajātena bandhitvā ṭhapitathambhesu na udukkhalāni jānanti ‘amhesu thambhā ṭhitā’ti, nāpi thambhā jānanti ‘mayāṃ udukkhalesu ṭhitā’ti, evameva na hanukaṭṭhikā jānanti ‘amhesu dantā jātā’ti, nāpi dantā jānanti ‘mayāṃ hanukaṭṭhikesu jātā’ti. Aññamaññaṃ ābhogapaccavekkhaṇarahitā ete dhammā. Iti dantā nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Taco** sakalasarīraṃ pariyanandhitvā ṭhito. Tattha yathā allagocammaṃ pariyanaddhāya mahāvīṇāya na mahāvīṇā jānāti ‘ahaṃ allagocammaṃ pariyanaddhā’ti, nāpi allagocammaṃ jānāti ‘mayā mahāvīṇā pariyanaddhā’ti, evameva na sarīraṃ jānāti ‘ahaṃ tacena pariyanaddhā’nti, nāpi taco jānāti ‘mayā sarīraṃ pariyanaddhanti. Aññamaññaṃ ābhogapaccavekkhaṇarahitā ete dhammā. Iti taco nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Maṃsaṃ** aṭṭhisāṅghāṭaṃ anulimpitvā ṭhitaṃ. Tattha yathā mahāmatikāya littāya bhittiyā na bhitti jānāti ‘ahaṃ mahāmatikāya littā’ti, nāpi mahāmatikā jānāti ‘mayā mahābhitti littā’ti, evameva na aṭṭhisāṅghāto jānāti ‘ahaṃ navamaṃsapesitappabhedena maṃsena littō’ti, nāpi maṃsaṃ jānāti ‘mayā aṭṭhisāṅghāto littō’ti. Aññamaññaṃ ābhogapaccavekkhaṇarahitā ete dhammā. Iti maṃsaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Nhāru** sarīrabhantare aṭṭhīni ābandhamānā ṭhitā. Tattha yathā vallīhi vinaddhesu kuṭṭadārūsu na kuṭṭadārūni jānanti ‘mayāṃ vallīhi vinaddhāni’ti, nāpi vallīyo jānanti ‘amhehi kuṭṭadārūni vinaddhāni’ti, evameva na aṭṭhīni jānanti ‘mayāṃ nhārūhi ābaddhāni’ti, nāpi nhārū jānanti ‘amhehi aṭṭhīni ābaddhāni’ti. Aññamaññaṃ ābhogapaccavekkhaṇarahitā ete dhammā. Iti nhāru nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Aṭṭhīsu** paṇhikaṭṭhi goppakaṭṭhiṃ ukkhipitvā ṭhitaṃ. Goppakaṭṭhi jaṅghaṭṭhiṃ ukkhipitvā ṭhitaṃ. Jaṅghaṭṭhi ūruṭṭhiṃ ukkhipitvā ṭhitaṃ. Ūruṭṭhi kaṭiṭṭhiṃ ukkhipitvā ṭhitaṃ. Kaṭiṭṭhi piṭṭhikaṇṭakaṃ ukkhipitvā ṭhitaṃ. Piṭṭhikaṇṭako gīvaṭṭhiṃ ukkhipitvā ṭhito. Gīvaṭṭhi sīsaṭṭhiṃ ukkhipitvā ṭhitaṃ. Sīsaṭṭhi gīvaṭṭhike patiṭṭhitaṃ. Gīvaṭṭhi piṭṭhikaṇṭake patiṭṭhitaṃ. Piṭṭhikaṇṭako kaṭiṭṭhiṃhi patiṭṭhito. Kaṭiṭṭhi ūruṭṭhike patiṭṭhitaṃ. Ūruṭṭhi jaṅghaṭṭhike patiṭṭhitaṃ. Jaṅghaṭṭhi goppakaṭṭhike patiṭṭhitaṃ. Goppakaṭṭhi paṇhikaṭṭhike patiṭṭhitaṃ.

Tattha yathā iṭṭhakadāruḡomayādisaṇcayesu na heṭṭhimā heṭṭhimā jānanti ‘mayāṃ uparime uparime ukkhipitvā ṭhitā’ti, nāpi uparimā uparimā jānanti ‘mayāṃ heṭṭhimesu heṭṭhimesu patiṭṭhitā’ti, evameva na paṇhikaṭṭhi jānāti ‘ahaṃ goppakaṭṭhiṃ ukkhipitvā ṭhita’nti, na goppakaṭṭhi jānāti ‘ahaṃ jaṅghaṭṭhiṃ ukkhipitvā ṭhita’nti, na jaṅghaṭṭhi jānāti ‘ahaṃ ūruṭṭhiṃ ukkhipitvā ṭhita’nti, na ūruṭṭhi jānāti ‘ahaṃ kaṭiṭṭhiṃ ukkhipitvā ṭhita’nti, na kaṭiṭṭhi jānāti ‘ahaṃ piṭṭhikaṇṭakaṃ ukkhipitvā ṭhita’nti, na piṭṭhikaṇṭako jānāti ‘ahaṃ gīvaṭṭhiṃ ukkhipitvā ṭhito’ti, na gīvaṭṭhi jānāti ‘ahaṃ sīsaṭṭhiṃ ukkhipitvā ṭhita’nti, na sīsaṭṭhi jānāti ‘ahaṃ gīvaṭṭhiṃhi patiṭṭhita’nti, na gīvaṭṭhi jānāti ‘ahaṃ piṭṭhikaṇṭake patiṭṭhita’nti, na piṭṭhikaṇṭako jānāti ‘ahaṃ kaṭiṭṭhiṃhi patiṭṭhito’ti, na kaṭiṭṭhi jānāti ‘ahaṃ ūruṭṭhiṃhi patiṭṭhita’nti, na ūruṭṭhi jānāti ‘ahaṃ jaṅghaṭṭhiṃhi patiṭṭhita’nti, na jaṅghaṭṭhi jānāti ‘ahaṃ goppakaṭṭhiṃhi patiṭṭhita’nti, na goppakaṭṭhi jānāti ‘ahaṃ paṇhikaṭṭhiṃhi patiṭṭhita’nti. Aññamaññaṃ ābhogapaccavekkhaṇarahitā ete dhammā. Iti aṭṭhi nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Aṭṭhimiṇjaṃ** tesam tesam aṭṭhinaṃ abbhantare ṭhitaṃ. Tattha yathā veḷupabbādīnaṃ anto pakkhittesu sinnavettaggādīsu na veḷupabbādīni jānanti ‘amhesu vettaggādīni pakkhittāni’ti, nāpi vettaggādīni jānanti ‘mayāṃ veḷupabbādīsu ṭhitāni’ti, evameva na aṭṭhinaṃ jānanti ‘amhākaṃ anto aṭṭhimiṇjaṃ ṭhita’nti, nāpi aṭṭhimiṇjaṃ jānāti ‘ahaṃ aṭṭhinaṃ anto ṭhita’nti. Aññamaññaṃ ābhogapaccavekkhaṇarahitā ete dhammā. Iti aṭṭhimiṇjaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Vakkaṃ** galavāṭakato nikkhantena ekamūlena thokaṃ gantvā dvidhā bhinnena thūlanhārunā vinibaddhaṃ hutvā hadayaṃsaṃsaṃ parikkhipitvā ṭhitaṃ. Tattha yathā vaṇṭupanibaddhe ambaphaladvaye na vaṇṭaṃ jānāti ‘mayā ambaphaladvayaṃ upanibaddha’nti, nāpi ambaphaladvayaṃ jānāti ‘ahaṃ vaṇṭena upanibaddha’nti, evameva na thūlanhāru jānāti ‘mayā vakkaṃ upanibaddha’nti, nāpi vakkaṃ jānāti ‘ahaṃ thūlanhārunā upanibaddha’nti. Aññamaññaṃ ābhogapaccavekkhaṇarahitā ete dhammā. Iti vakkaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Hadayaṃ** sarīrabbhantare uraṭṭhipaṇṭjaramajjhaṃ nissāya ṭhitaṃ. Tattha yathā jiṇṇasandamānikapaṇṭjarabbhantaram nissāya ṭhapitāya maṃsapesiyā na jiṇṇasandamānikapaṇṭjarabbhantaram jānāti ‘maṃ nissāya maṃsapesi ṭhapitā’ti, nāpi maṃsapesi jānāti ‘ahaṃ jiṇṇasandamānikapaṇṭjarabbhantaram nissāya ṭhitā’ti, evameva na uraṭṭhipaṇṭjarabbhantaram jānāti ‘maṃ nissāya hadayaṃ ṭhita’nti, nāpi hadayaṃ jānāti ‘ahaṃ uraṭṭhipaṇṭjarabbhantaram nissāya ṭhita’nti. Aññamaññaṃ ābhogapaccavekkhaṇarahitā ete dhammā. Iti hadayaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Yakanaṃ** antosarīre dvinnaṃ thanānaṃ abbhantare dakkhiṇapassaṃ nissāya ṭhitaṃ. Tattha yathā ukkhalikapālapassaṃhi lagge yamakamaṃsapiṇḍe na ukkhalikapālapassaṃ jānāti ‘mayi yamakamaṃsapiṇḍo laggo’ti, nāpi yamakamaṃsapiṇḍo jānāti ‘ahaṃ ukkhalikapālapasse laggo’ti, evameva na thanānaṃ abbhantare dakkhiṇapassaṃ jānāti ‘maṃ nissāya yakanaṃ ṭhita’nti, nāpi yakanaṃ jānāti ‘ahaṃ thanānaṃ abbhantare dakkhiṇapassaṃ nissāya ṭhita’nti. Aññamaññaṃ ābhogapaccavekkhaṇarahitā ete dhammā. Iti yakanaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Kilomakesu** paṭicchannakilomakaṃ hadayaṃca vakkaṃca parivāretvā ṭhitaṃ, apaṭicchannakilomakaṃ sakalasarīre cammasa heṭṭhato maṃsaṃ pariyonandhitvā ṭhitaṃ. Tattha yathā pilotikapaliveṭhite maṃse na maṃsaṃ jānāti ‘ahaṃ pilotikāya paliveṭhita’nti, nāpi pilotikā jānāti ‘mayā maṃsaṃ paliveṭhita’nti, evameva na vakkahadayāni sakalasarīre maṃsaṃca jānāti ‘ahaṃ kilomakena paṭicchanna’nti, nāpi kilomakaṃ jānāti ‘mayā vakkahadayāni sakalasarīre maṃsaṃca paṭicchanna’nti. Aññamaññaṃ ābhogapaccavekkhaṇarahitā ete dhammā. Iti kilomakaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Pihakaṃ** hadayassa vāmapasse udarapaṭalassa matthakapassaṃ nissāya ṭhitaṃ. Tattha yathā koṭṭhakamatthakapassaṃ nissāya ṭhitāya gomayapiṇḍiyā na koṭṭhakamatthakapassaṃ jānāti ‘gomayapiṇḍi maṃ nissāya ṭhitā’ti, nāpi gomayapiṇḍi jānāti ‘ahaṃ koṭṭhakamatthakapassaṃ nissāya ṭhitā’ti, evameva na udarapaṭalassa matthakapassaṃ jānāti ‘pihakaṃ maṃ nissāya ṭhita’nti, nāpi pihakaṃ jānāti ‘ahaṃ udarapaṭalassa matthakapassaṃ nissāya ṭhita’nti. Aññamaññaṃ ābhogapaccavekkhaṇarahitā ete dhammā. Iti pihakaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Papphāsaṃ** sarīrabbhantare dvinnaṃ thanānaṃ abbhantare hadayañca yakanañca uparichādetvā olambantaṃ ṭhitaṃ. Tattha yathā jīṇṇakoṭṭhabbhantare olambamāne sakuṇakulāvake na jīṇṇakoṭṭhabbhantaraṃ jānāti ‘mayi sakuṇakulāvako olambamāno ṭhito’ti, nāpi sakuṇakulāvako jānāti ‘ahaṃ jīṇṇakoṭṭhabbhantare olambamāno ṭhito’ti, evameva na sarīrabbhantaraṃ jānāti ‘mayi papphāsaṃ olambamānaṃ ṭhita’nti, nāpi papphāsaṃ jānāti ‘ahaṃ evarūpe sarīrabbhantare olambamānaṃ ṭhita’nti. Aññaṃaññaṃ ābhogapaccavekkhaṇarahitā ete dhammā. Iti papphāsaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Antaṃ** galavātakato karīsamaggapariyante sarīrabbhantare ṭhitaṃ. Tattha yathā lohitadoṇikāya obhujitvā ṭhapite chinnaśāsadhamaṇikaḷevare na lohitadoṇi jānāti ‘mayi dhamanikaḷevaraṃ ṭhita’nti, nāpi dhamanikaḷevaraṃ jānāti ‘ahaṃ lohitadoṇikāyaṃ ṭhita’nti, evameva na sarīrabbhantaraṃ jānāti ‘mayi antaṃ ṭhita’nti, nāpi antaṃ jānāti ‘ahaṃ sarīrabbhantare ṭhita’nti. Aññaṃaññaṃ ābhogapaccavekkhaṇarahitā ete dhammā. Iti antaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Antaguṇaṃ** antantare ekavīsati antabhoge bandhitvā ṭhitaṃ. Tattha yathā pādapuñchanarajjumaṇḍalakaṃ sibbetvā ṭhitesu rajjukesu na pādapuñchanarajjumaṇḍalakaṃ jānāti ‘rajjukā maṃ sibbetvā ṭhitā’ti, nāpi rajjukā jānāti ‘mayā pādapuñchanarajjumaṇḍalakaṃ sibbetvā ṭhitā’ti, evameva na antaṃ jānāti ‘antaguṇaṃ maṃ ābandhitvā ṭhita’nti, nāpi antaguṇaṃ jānāti ‘ahaṃ antaṃ bandhitvā ṭhita’nti. Aññaṃaññaṃ ābhogapaccavekkhaṇarahitā ete dhammā. Iti antaguṇaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Udariyaṃ** udare ṭhitaṃ asitapītakhāyitasāyitaṃ. Tattha yathā suvānadoṇiyaṃ ṭhite suvānavamathumhi na suvānadoṇi jānāti ‘mayi suvānavamathu ṭhito’ti, nāpi suvānavamathu jānāti ‘ahaṃ suvānadoṇiyaṃ ṭhito’ti, evameva na udaraṃ jānāti ‘mayi udariyaṃ ṭhita’nti, nāpi udariyaṃ jānāti ‘ahaṃ udare ṭhita’nti. Aññaṃaññaṃ ābhogapaccavekkhaṇarahitā ete dhammā. Iti udariyaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Karīsaṃ** pakkāsayaśāṅkhāte aṭṭhaṅgulaveḷupabbasadise antapariyosāne ṭhitaṃ. Tattha yathā veḷupabbe omadditvā pakkhittāya saṅhapaṇḍumattikāya na veḷupabbaṃ jānāti ‘mayi paṇḍumattikā ṭhitā’ti, nāpi paṇḍumattikā jānāti ‘ahaṃ veḷupabbe ṭhitā’ti, evameva na pakkāsayo jānāti ‘mayi karīsaṃ ṭhita’nti, nāpi karīsaṃ jānāti ‘ahaṃ pakkāsaye ṭhita’nti. Aññaṃaññaṃ ābhogapaccavekkhaṇarahitā ete dhammā. Iti karīsaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Matthaluṅgaṃ** sīsakaṭāhabbhantare ṭhitaṃ. Tattha yathā purāṇalābukaṭāhe pakkhittāya piṭṭhapiṇḍiyā na lābukaṭāhaṃ jānāti ‘mayi piṭṭhapiṇḍi ṭhitā’ti, nāpi piṭṭhapiṇḍi jānāti ‘ahaṃ lābukaṭāhe ṭhitā’ti, evameva na sīsakaṭāhabbhantaraṃ jānāti ‘mayi matthaluṅgaṃ ṭhita’nti, nāpi matthaluṅgaṃ jānāti ‘ahaṃ sīsakaṭāhabbhantare ṭhita’nti. Aññaṃaññaṃ ābhogapaccavekkhaṇarahitā ete dhammā. Iti matthaluṅgaṃ nāma imasmiṃ sarīre pāṭiyekko koṭṭhāso acetano abyākato suñño nissatto thaddho pathavīdhātūti.

**Yaṃ vā panaññaṃ** pīti iminā āpokoṭṭhāsādīsu tīsu anugataṃ pathavīdhātuṃ lakkhaṇavasena yevāpanakaṃ pathaviṃ katvā dasseti.

Bāhirapathavīdhātuniddese **ayoti** kālaloṃ. **Lohanti** jātiloṃ, vijātiloṃ, kittimaloṃ, pisācalohanti catubbidhaṃ. Tattha ayo, sajjhu, suvaṇṇaṃ, tipu, sīsaṃ, tambaloṃ, vekantakanti imāni satta jātilohāni nāma. Nāganāsikalohāṃ vijātilohāṃ nāma. Kaṃsalohāṃ, vaṭṭaloṃ, ārakūṭanti tīṇi kittimalohāni nāma. Morakkhakaṃ, puthukaṃ, malinakaṃ, capalakaṃ, selakaṃ, āṭakaṃ, bhallakaṃ, dūsilohanti aṭṭha pisācalohāni nāma. Tesu pañca jātilohāni pāliyaṃ visuṃ vuttāneva. Tambaloṃ, vekantakalohanti imehi pana dvīhi jātilohēhi saddhiṃ sesaṃ sabbampi idha lohanti veditabbaṃ.

**Tipūti** setatipu. **Sīsanti** kālatipu. **Sajjhūti** rajataṃ. **Muttāti** sāmuddikamuttā. **Maṇṇi** ṭhapetvā pāliāgate veḷuriyādayo seso jotirasādibhedo sabbopi maṇi. **Veḷuriyoti** vaṃsavaṇṇamaṇi. **Saṅkhoti** sāmuddikasaṅkho. **Silāti** kālasilā, paṇḍusilā, setasilātiādibhedā sabbāpi silā. **Pavāḷanti** pavāḷameva. **Rajataṃ** kahāpaṇo. **Jātarūpanti** suvaṇṇaṃ. **Lohitaṅkoti** rattamaṇi. **Masāragallanti** kabaramaṇi. Tiṇḍīsu bahisārā antamaso nāḷikerādayopi **tiṇaṃ** nāma. Antosāraṃ antamaso dārukhaṇḍampi **kaṭṭhaṃ** nāma. **Sakkharāti** muggamattato yāva muṭṭhippamāṇā marumbā sakkharā nāma. Muggamattato pana heṭṭhā **vālikāti** vuccati. **Kaṭhalanti** yaṃ kiñci kapālaṃ. **Bhūmīti** pathavī. **Pāsāpoti** antomuṭṭhiyaṃ asaṅṭhahanato paṭṭhāya hatthippamāṇaṃ asampatto pāsāṇo nāma. Hatthippamāṇato paṭṭhāya pana upari **pabbato** nāma. **Yaṃ vā panāti** iminā tālaṭṭhi-nāḷikera-phalādibhedāṃ sesapathaviṃ gaṇhāti. **Yā ca ajjhattikā pathavīdhātu yā ca bāhirāti** iminā dvepi pathavīdhātuyo kakkhaḷaṭṭhena lakkhaṇato ekā pathavīdhātu evāti dasseti.



**174. Āpodhātuniddesādīsu** heṭṭhā vuttanayeneva veditabbaṃ. **Āpo āpogātantiādīsu** ābandhanavasena āpo. Tadeva āposabhāvaṃ gatattā āpogataṃ nāma. Snehasavasena **sneho**. Soyeva snehasabhāvaṃ gatattā **snehagataṃ** nāma. **Bandhanattaṃ rūpassāti** avinibbhogārūpassa bandhanabhāvo. **Pittaṃ semhantiādīnīpi** vaṇṇasaṅṭhānadisokāsaparicchavedavasena pariggahetvā dhātuvaseva manasikātabbāni.

Tatrāyaṃ nayo – **pittesu** hi abaddhapittaṃ jīvitindriyapaṭibaddhaṃ sakalasarīraṃ byāpetvā ṭhitaṃ, baddhapittaṃ pittakosake ṭhitaṃ. Tattha yathā pūvaṃ byāpetvā ṭhite tele na pūvaṃ jānāti ‘telaṃ maṃ byāpetvā ṭhita’nti, nāpi telaṃ jānāti ‘ahaṃ pūvaṃ byāpetvā ṭhita’nti, evameva na sarīraṃ jānāti ‘abaddhapittaṃ maṃ byāpetvā ṭhita’nti, nāpi abaddhapittaṃ jānāti ‘ahaṃ sarīraṃ byāpetvā ṭhita’nti. Yathā ca vassodakena puṇṇe kosātakīkosake na kosātakīkosako jānāti ‘mayi vassodakaṃ ṭhita’nti, nāpi vassodakaṃ jānāti ‘ahaṃ kosātakīkosake ṭhita’nti, evameva na pittakosako jānāti ‘mayi baddhapittaṃ ṭhitanti, nāpi baddhapittaṃ jānāti ‘ahaṃ pittakosake ṭhita’nti. Aññamaññaṃ ābhogapaccavekkhaṇarahitā ete dhammā. Iti pittaṃ nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Semhaṃ** ekapatthapūrappamāṇaṃ udarapaṭale ṭhitaṃ. Tattha yathā upari sañjātapheṇapaṭalāya candanikāya na candanikā jānāti ‘mayi pheṇapaṭalaṃ ṭhita’nti, nāpi pheṇapaṭalaṃ jānāti ‘ahaṃ candanikāya ṭhita’nti, evameva na udarapaṭalaṃ jānāti ‘mayi semhaṃ ṭhita’nti, nāpi semhaṃ jānāti ‘ahaṃ udarapaṭale ṭhita’nti. Aññamaññaṃ ābhogapaccavekkhaṇarahitā ete dhammā. Iti semhaṃ nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Pubbo** anibaddhokāso, yattha yattheva khāṇukaṅṭakappaharaṇaaggijālādīhi abhihaṭe sarīrappadesa lohitaṃ saṅṭhahitvā paccati, gaṇḍapīlakādayo vā uppajjanti, tattha tattheva tiṭṭhati. Tattha yathā pharasuppahārādivasena paggharitanīyāse rukkhe na rukkhasa pharasuppahārādippadesā jānanti ‘amhesu niyyāso ṭhito’ti, nāpi niyyāso jānāti ‘ahaṃ rukkhasa pharasuppahārādippadesesu ṭhito’ti, evameva na sarīrassa khāṇukaṅṭakādīhi abhihaṭappadesā jānanti ‘amhesu pubbo ṭhito’ti, nāpi pubbo jānāti ‘ahaṃ tesu padasesu ṭhito’ti. Aññamaññaṃ ābhogapaccavekkhaṇarahitā ete dhammā. Iti pubbo nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Lohitesu** saṃsaraṇalohitaṃ abaddhapittaṃ viya sakalasarīraṃ byāpetvā ṭhitaṃ. Sannicalohitaṃ yakanatṭhānassa heṭṭhābhāgaṃ pūretvā ekapatthapūrappamāṇaṃ vakkahadayayakanapapphāsāni tementaṃ ṭhitaṃ. Tattha saṃsaraṇalohite abaddhapittasadiṣova vinicchayo. Itaraṃ pana yathā jajjarakapālātṭhe udake heṭṭhā leḍḍukhaṇḍāni temayamāne na leḍḍukhaṇḍāni jānanti ‘mayāṃ udakena temiyamānā ṭhitā’ti, nāpi udakaṃ jānāti ‘ahaṃ leḍḍukhaṇḍāni tememī’ti, evameva na yakanassa heṭṭhābhāgaṭṭhānaṃ vakkādīni vā jānanti ‘mayi lohitaṃ ṭhitaṃ, amhe vā temayamānaṃ ṭhita’nti, nāpi lohitaṃ jānāti ‘ahaṃ yakanassa heṭṭhābhāgaṃ pūretvā vakkādīni temayamānaṃ ṭhita’nti. Aññamaññaṃ ābhogapaccavekkhaṇarahitā ete dhammā. Iti lohitaṃ nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Sedo** aggisantāpādīkālesu kesalomakūpavivarāni pūretvā tiṭṭhati ceva paggharati ca. Tattha yathā udakā abbūḷhamattesu bhisamuḷlakumudanaḷakalāpesu na bhisādikalāpavivarāni jānanti ‘amhehi udakaṃ paggharati’ti, nāpi bhisādikalāpavivarehi paggharantaṃ udakaṃ jānāti ‘ahaṃ bhisādikalāpavivarehi paggharāmi’ti, evameva na kesalomakūpavivarāni jānanti ‘amhehi sedo paggharati’ti, nāpi sedo jānāti ‘ahaṃ kesalomakūpavivarehi paggharāmi’ti. Aññamaññaṃ ābhogapaccavekkhaṇarahitā ete dhammā. Iti sedo nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Medo** thūlassa sakalasarīraṃ pharivā kisassa jaṅghamaṃsādīni nissāya ṭhito patthinnasneho. Tattha yathā haliddipilotikapaṭicchanne maṃsapuñje na maṃsapuñjo jānāti ‘maṃ nissāya haliddipilotikā ṭhitā’ti, nāpi haliddipilotikā jānāti ‘ahaṃ maṃsapuñjaṃ nissāya ṭhitā’ti, evameva na sakalasarīre jaṅghādīsu vā maṃsaṃ jānāti ‘maṃ nissāya medo ṭhito’ti, nāpi medo jānāti ‘ahaṃ sakalasarīre jaṅghādīsu vā maṃsaṃ nissāya ṭhito’ti. Aññamaññaṃ ābhogapaccavekkhaṇarahitā ete dhammā. Iti medo nāma imasmiṃ sarīre pāṭiyekko koṭṭhāso acetano abyākato suñño nissatto patthinnasneho patthinnayūsabhūto ābandhanākāro āpodhātūti.

**Assu** yadā sañjāyati tadā akkhikūpake pūretvā tiṭṭhati vā paggharati vā. Tattha yathā udakapuṇṇesu taruṇatāḷatṭhikūpakesu na taruṇatāḷatṭhikūpakā jānanti ‘amhesu udakaṃ ṭhita’nti, nāpi udakaṃ jānāti ‘ahaṃ taruṇatāḷatṭhikūpakesu ṭhita’nti, evameva na akkhikūpakā jānanti ‘amhesu assu ṭhita’nti, nāpi assu jānāti ‘ahaṃ akkhikūpakesu ṭhita’nti. Aññamaññaṃ ābhogapaccavekkhaṇarahitā ete dhammā. Iti assu nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Vasā** aggisantāpādīkāle hatthatalahatthapīṭhipādatalapādapiṭṭhināsapuṭanalāṭaamsakūṭesu ṭhitavilīnasneho.

Tattha yathā pakkhittatele ācāme na ācāmo jānāti ‘maṃ telam ajjhottharivā ṭhita’nti, nāpi telam jānāti ‘ahaṃ ācāmaṃ ajjhottharivā ṭhita’nti, evameva na hatthatalādippadeso jānāti ‘maṃ vasā ajjhottharivā ṭhita’nti, nāpi vasā jānāti ‘ahaṃ hatthatalādippadeso ajjhottharivā ṭhita’nti. Aññamaññaṃ ābhogapaccavekkhaṇarahitā ete dhammā. Iti vasā nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Kheḷo** tathārūpe kheḷuppattipaccaye satī ubhohi kapolapassehi orohitvā jivhāya tiṭṭhati. Tattha yathā abbochinnaudakanissande nadītīrakūpake na kūpatalam jānāti ‘mayi udakam santiṭṭhatī’nti, nāpi udakam jānāti ‘ahaṃ kūpatale santiṭṭhāmī’nti, evameva na jivhātalam jānāti ‘mayi ubhohi kapolapassehi orohitvā kheḷo ṭhito’nti, nāpi kheḷo jānāti ‘ahaṃ ubhohi kapolapassehi orohitvā jivhātale ṭhito’nti. Aññamaññaṃ ābhogapaccavekkhaṇarahitā ete dhammā. Iti kheḷo nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Sīnghāṇikā** yadā sañjāyati tadā nāsāpuṭe pūretvā tiṭṭhati vā paggharati vā. Tattha yathā pūtidadhibharitāya sippikāya na sippikā jānāti ‘mayi pūtidadhi ṭhita’nti, nāpi pūtidadhi jānāti ‘ahaṃ sippikāya ṭhita’nti, evameva na nāsāpuṭā jānāti ‘amhesu sīnghāṇikā ṭhita’nti, nāpi sīnghāṇikā jānāti ‘ahaṃ nāsāpuṭesu ṭhita’nti. Aññamaññaṃ ābhogapaccavekkhaṇarahitā ete dhammā. Iti sīnghāṇikā nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Lasikā** aṭṭhikasandhīnaṃ abbhāñjanakiccaṃ sādhamānā asītisatasandhīsu ṭhitā. Tattha yathā telabbhañjite akkhe na akkho jānāti ‘maṃ telam abbhāñjivā ṭhita’nti, nāpi telam jānāti ‘ahaṃ akkham abbhāñjivā ṭhita’nti, evameva na asītisatasandhāyo jānāti ‘lasikā amhe abbhāñjivā ṭhita’nti, nāpi lasikā jānāti ‘ahaṃ asītisatasandhāyo abbhāñjivā ṭhita’nti. Aññamaññaṃ ābhogapaccavekkhaṇarahitā ete dhammā. Iti lasikā nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti.

**Muttaṃ** vatthissa abbhantare ṭhitam. Tattha yathā candanikāya pakkhite adhomukhe ravaṇaghaṭe na ravaṇaghaṭo jānāti ‘mayi candanikāraso ṭhito’nti, nāpi candanikāraso jānāti ‘ahaṃ ravaṇaghaṭe ṭhito’nti, evameva na vatthi jānāti ‘mayi muttam ṭhita’nti, nāpi muttam jānāti ‘ahaṃ vatthimhi ṭhita’nti. Aññamaññaṃ ābhogapaccavekkhaṇarahitā ete dhammā. Iti muttam nāma imasmiṃ sarīre pāṭiyekko koṭṭhāso acetano abyākato suñño nissatto yūsabhūto ābandhanākāro āpodhātūti. **Yaṃ vā panāti** avasesesu tīsu koṭṭhāsesu āpodhātum sandhāya vuttam.

**Bāhiraāpodhātuniddese** mūlam paṭicca nibbato raso **mūlaraso** nāma. **Khandharasādīsipi** eseve nayo. Khīrādīni pākāṭāneva. Yathā pana bhesajjasikkhāpade evamidha niyamo natthi. Yaṃ kiñci khīram khīrameva. Sesesupi eseve nayo. **Bhummānīti** āvāṭādisu ṭhitaudakāni. **Antalikkhānīti** pathaviṃ appattāni vassodakāni. **Yaṃ vā panāti** himodakakappavināsakaudakapathavīsandhārakaudakādīni idha yevāpanakaṭṭhānaṃ pavīṭṭhāni.

**175. Tejodhātuniddese** tejanavasena **tejo**. Tejova tejobhāvaṃ gatattā **tejogataṃ**. **Usmāti** uṇhākāro. Usmāva usmābhāvaṃ gatattā **usmagataṃ**. **Usumanti** caṇḍausumaṃ. Tadeva usumabhāvaṃ gatattā **usmagataṃ**. **Yena cāti** yena tejogatenā kuppitena. **Santappatīti** ayaṃ kāyo santappatī, ekāhikajarādibhāvena usumajāto hoti. **Yena ca jīrīyatīti** yena ayaṃ kāyo jīrīyati, indriyavekallataṃ balaparikkhayaṃ valipalitādibhāvañca pāpuṇāti. **Yena ca pariḍayhatīti** yena kuppitena ayaṃ kāyo ḍayhāti, so ca puggalo ‘ḍayhāmi ḍayhāmī’nti kandanto satadhotasappigositacandanādilepanañceva tālavaṇṭavātañca paccāsīsati. **Yena ca asitapītakhāyitasāyitaṃ sammā pariṇāmaṃ gacchatīti** yenetam asitam vā odanādi, pītam vā pānakādi, khāyitam vā piṭṭhakhajjakādi, sāyitam vā ambapakkamadhuphāñitādi sammā pariṇāmaṃ gacchati, rasādibhāvena vivekaṃ gacchatīti attho. Ettha ca purimā tayo tejodhātū catusamuṭṭhānā, pacchimo kammasamuṭṭhānova. Ayaṃ tāvettha padasaṃvaṇṇanā.

Idam pana manasikāravindhānaṃ – idha bhikkhu ‘yena santappatī, ayaṃ imasmiṃ sarīre pāṭiyekko koṭṭhāso acetano abyākato suñño nissatto pariṇāpanākāro tejodhātū’nti manasi karoti; ‘yena jīrīyati, yena pariḍayhāti, yena asitapītakhāyitasāyitaṃ sammā pariṇāmaṃ gacchati, ayaṃ imasmiṃ sarīre pāṭiyekko koṭṭhāso acetano abyākato suñño nissatto pariṇāpanākāro tejodhātū’nti manasi karoti. **Yaṃ vā panāti** imasmiṃ sarīre pākātiko eko utu atthi, so yevāpanakaṭṭhānaṃ pavīṭṭho.

**Bāhira tejodhātuniddese** kaṭṭham paṭicca pajjalito kaṭṭhupādāno aggi **kaṭṭhaggi** nāma. Sakalikkaggiādīsipi eseve nayo. **Saṅkārāggīti** kacavaram saṃkaḍḍhitvā jālāpito kacavaraggi. **Indaggi**ti asaniaggi. **Aggisantāpoti** jālāya vā vītaccikaṅgārānaṃ vā santāpo. **Sūriyasantāpoti** ātaṃ. **Kaṭṭhasannicayasantāpoti** kaṭṭharāsīṭṭhāne santāpo. Sesesupi eseve nayo. **Yaṃ vā panāti** petaggi kappavināsaggi nirayaggiādayo idha yevāpanakaṭṭhānaṃ pavīṭṭhā.

**176. Vāyodhātuniddese** vāyanavasena **vāyo**. Vāyova vāyobhāvaṃ gatattā **vāyogataṃ**. **Thambhitattam rūpassātī** avinibbhogaruṇassa thambhitabhāvo. **Uddhaṅgamā vātātī** uggarahikkādi pavattakā uddham ārohanavātā.

**Adhogamā vātāti** uccārapassāvādinīharaṇakā adho orohanavātā. **Kucchisayā vātāti** antānaṃ bahivātā. **Koṭṭhāsaya vātāti** antānaṃ antovātā. **Aṅgamaṅgānusārino vātāti** dhamanijālānusārena sakalasarīre aṅgamaṅgāni anusaṭṭā samīñjanapasāraṇādiniḃbattakā vātā. **Satthakavātāti** sandhibandhanāni kattariyā chindantā viya pavattavātā. **Khurakavātāti** khurena viya hadayaṃ phālanavātā. **Uppalakavātāti** hadayamaṃsameva uppāṇakavātā. **Assāsoti** antopavisananāsikāvato. **Passāsoti** bahinikkhamaṇanāsikāvato. Ettha ca purimā sabbe catusamuṭṭhānā, assāsapassāsā cittasamuṭṭhānāva. Ayamettha padavaṇṇanā.

Idaṃ pana manasikāravadhānaṃ – idha bhikkhu uddhaṅgamādibhede vāte uddhaṅgamādivasena pariḃgahetvā ‘uddhaṅgamā vātā nāma imasmiṃ sarīre paṭṭiyekko koṭṭhāso acetano abyākato suñño nissatto vitthambhanākāro vāyodhātū’ti manasi karoti. Sesesupi ese va nayo. **Yaṃ vā panāti** sese vāyokoṭṭhāse anugatā vātā idha yevāpanakaṭṭhānaṃ pavīṭṭhā.

**Bāhiravāyodhātuniddese puratthimā vātāti** puratthimadisato āgatā vātā. **Pacchimuttaradakkhiṇesupi** ese va nayo. **Sarajā vātāti** saha rajena sarajā. **Arajā vātāti** rajavirahitā suddhā arajā nāma. **Sitāti** sītautasamuṭṭhānā sītalavālahakantare samuṭṭhitā. **Uphāti** uḃhautusamuṭṭhānā uḃhavalāhakatāre samuṭṭhitā. **Parittāti** mandā tanukavātā. **Adhimattāti** balavavātā. **Kālāti** kālavalāhakatāre samuṭṭhitā, yehi abbhāhato chavivaṇṇo kālako hoti. Tesam etaṃ adhivacanantipi eke. **Verambhavātāti** yojanato upari vāyanavātā. **Pakkhavātāti** antamaso makkhikāyapi pakkhāyūhanasamuṭṭhitā vātā. **Supaṇṇavātāti** garuḷavātā. Kāmañca imepi pakkhavātāva ussavāsena pana visuṃ gahitā. **Tālavaṇṭavātāti** tālapaṇṇehi vā aññena vā kenaci maṇḍalasaṇṭhānena samuṭṭhāpitā vātā. **Vidhūpanavātāti** bījanapattakena samuṭṭhāpitā vātā. Imāni ca tālavaṇṭavidhūpanāni anuppannampi vātaṃ uppādentī, uppannampi parivattenti. **Yaṃ vā panāti** idha pāliāgate ṭhapetvā sesavātā yevāpanakaṭṭhānaṃ pavīṭṭhā.

**177. Ākāsadhātuniddese** appaṭṭighaṭṭanaṭṭhena na kassatīti **ākāso**. Ākāsova ākāsabhāvaṃ gatattā **ākāsagataṃ**. Aghaṭṭanīyatāya **aghaṃ**. Aghameva aghabhāvaṃ gatattā **aghagataṃ**. **Vivaroti** antaraṃ. Tadeva vivarabhāvaṃ gatattā **vivaragataṃ**. **Asamphuṭṭhaṃ maṃsalohitehīti** maṃsalohitehī nissaṭṭaṃ. Kaṇṇacchiddantiādi pana tasseva pabhedadassanaṃ. Tattha **kaṇṇacchiddanti** kaṇṇasmiṃ chiddaṃ vivaraṃ maṃsalohitehī asamphuṭṭhokāso. Sesesupi ese va nayo. **Yenāti** yena vivarena etaṃ asitādibhedaṃ ajjhoharaṇīyaṃ ajjhoharati, anto paveseti. **Yatthāti** yasmīṃ antoudaraḃaṭalasaṅkhāte okāse etadeva catubbidhaṃ ajjhoharaṇīyaṃ tiṭṭhati. **Yenāti** yena vivarena sabbampetaṃ vipakkaṃ kasaṭabhāvaṃ āpannaṃ nikkhamati, taṃ udaraḃaṭalato yāva karīsamaggā vidatthacaturaṅgulamattaṃ chiddaṃ maṃsalohitehī asamphuṭṭhaṃ nissaṭṭaṃ ākāsadhātūti veditabbaṃ. **Yaṃ vā panāti** ettha cammantaraṃ maṃsantaraṃ nhārun taraṃ aṭṭhintaraṃ lomantaranti idaṃ sabbhaṃ yevāpanakaṭṭhānaṃ pavīṭṭhaṃ.

**Bāhirakaākāsadhātuniddese asamphuṭṭhaṃ catūhi mahābhūtehīti** catūhi mahābhūtehī nissaṭṭaṃ bhittichiddakavāṭachiddādikāṃ veditabbaṃ. Iminā yasmīṃ ākāse parikkammaṃ karontassa catukkapañcakajjhānāni uppajjanti taṃ kathitaṃ.

**178. Viññāṇadhātuniddese** cakkhuvīññāṇasaṅkhātā dhātu **cakkhuvīññāṇadhātu**. Sesesupi ese va nayo. Iti imāsu chasu dhātūsu pariggahitāsu aṭṭhārasa dhātuyo pariggahitāva honti. Kathaṃ? Pathavītejavāyodhātuggahaṇena tāva phoṭṭhabbhadhātu gahitāva hoti, āpodhātuākāsadhātuggahaṇena dhammadhātu, viññāṇadhātuggahaṇena tassā purecārikapacchācārikattā manodhātu gahitāva hoti. Cakkhuvīññāṇadhātuādayo sutte āgatā eva. Sesā nava āharitvā dassetabbā. Cakkhuvīññāṇadhātuggahaṇena hi tassā nissayabhūtā cakkhudhātu, ārammaṇabhūtā rūpadhātu ca gahitāva honti. Evaṃ sotavīññāṇadhātuādiggaṇena sotadhātuādayoti aṭṭhārasāpi gahitāva honti. Tāsu dasahi dhātūhi rūpapariggaho kathito hoti. Sattahi arūpapariggaho. Dhammadhātuyā siyā rūpapariggaho, siyā arūpapariggaho. Iti aḃḃhekādasahi dhātūhi rūpapariggaho, aḃḃhaṭṭhadhātūhi arūpapariggahoti rūpārūpapariggaho kathito hoti. Rūpārūpaṃ pañcakkhandhā. Taṃ hoti dukkhasaccaṃ. Taṃsamuṭṭhāpikā purimataṇhā samudayasaccaṃ. Ubhinnaṃ appavatti nirodhasaccaṃ. Taṃpajānanaṃ maggo maggasaccanti idaṃ catusaccakammaṭṭhānaṃ aṭṭhārasadhātuvāsena abhinivīṭṭhassa bhikkhuno yāva arahattā matthakaṃ pāpetvā nigamanaṃ kathitanti veditabbaṃ.

**179.** Idāni dutiyachakkaṃ dassento **aparāpi cha dhātuyotiādimāha**. Tattha **sukhadhātu dukkhadhātūti** kāyappasādvatthukāni sukhadukkhāni sappaṭipakkhavasena yugaḷakato dassitāni. Sukhañhi dukkhassa paṭipakko, dukkhaṃ sukhasa. Yattakaṃ sukkena pharitaṭṭhānaṃ tattakaṃ dukkhaṃ pharati. Yattakaṃ dukkhena pharitaṭṭhānaṃ tattakaṃ sukhaṃ pharati. **Somanassadhātu domanassadhātūti** idampi tatheva yugaḷakaṃ kataṃ. Somanassañhi domanassassa paṭipakko, domanassaṃ somanassassa. Yattakaṃ somanassena pharitaṭṭhānaṃ tattakaṃ domanassaṃ pharati. Yattakaṃ domanassena pharitaṭṭhānaṃ tattakaṃ somanassaṃ pharati.

**Upekkhādhātu avijjādhātūti** idaṃ pana dvayaṃ sarikkhakavasena yugaḷakaṃ kataṃ. Ubhayampi hetam avibhūtattā sarikkhakaṃ hoti. Tattha sukhadukkhadhātuggahaṇena taṃ sampayuttā kāyavīññāṇadhātu, vatthubhūtā kāyadhātu, ārammaṇabhūtā phoṭṭhabbhadhātu ca gahitāva honti. Somanassadomanassadhātuggahaṇena taṃ sampayuttā

manoviññādhātu gahitā hoti. Avijjādhātuggahaṇena dhammadhātu gahitā. Upekkhādhātuggahaṇena cakkhusotaghānāvijhāvīññādhātumanodhātuyo, tāsāmyeva vatthārammaṇabhūtā cakkhudhātūrūpadhātuādayo ca gahitāti evaṃ aṭṭhārasapi dhātuyo gahitāva honti. Idāni tāsū dasahi dhātūhi rūpariḅḅahotiādi sabbāṃ heṭṭhā vuttanayeneva veditabbāṃ. Evampi ekassa bhikkhuno yāva arahattā matthakaṃ pāpetvā nigamaṇaṃ kathitaṃ hotīti veditabbāṃ. Tattha **katamā sukhadhātu yaṃ kāyikaṃ sātanti** ādīni heṭṭhā vuttanayāneva.

**181.** Tatiyachakke **kāmoti** dve kāmā – vatthukāmo ca kilesakāmo ca. Tattha kilesakāmaṃ sandhāya kāmapaṭisaṃyuttā dhātu **kāmadhātu**, kāmavitakkassetāṃ nāmaṃ. Vatthukāmaṃ sandhāya kāmoyeva dhātu **kāmadhātu**, kāmāvacaradhammāmetāṃ nāmaṃ. Byāpādapāṭisaṃyuttā dhātu **byāpādadhātu**, byāpādavitaḅḅassetāṃ nāmaṃ. Byāpādova dhātu byāpādadhātu, dasāghātavatthukassa paṭighassetāṃ nāmaṃ. Vihimsā paṭisaṃyuttā dhātu **vihimsādhātu**, vihiṃsāvitaḅḅassetāṃ nāmaṃ. Vihimsāyeva dhātu vihiṃsādhātu, parasattavihesanassetāṃ nāmaṃ. Ayaṃ pana heṭṭhā anāgatattā evaṃ atthādivibhāgato veditabbā – vihiṃsanti etāya satte, vihiṃsanāṃ vā etaṃ sattānanti vihiṃsā. Sā viheṭṭhanalakkhaṇā, karuṇāpaṭipakkhalakkhaṇā vā; parasantāne ubbegajananarasā, sakasantāne karuṇāvuddhammanarasā vā; dukkhāyatanapaccupaṭṭhānā; paṭighapadaṭṭhānāti veditabbā. Nekkhammaṃ vuccati lobhā nikkhantattā alobho, nīvaraṇehi nikkhantattā paṭhamajjhānaṃ, sabbākusalehi nikkhantattā sabbakusalāṃ. Nekkhammapaṭisaṃyuttā dhātu **nekkhammadhātu**, nekkhammavitaḅḅassetāṃ nāmaṃ. Nekkhammeva dhātu nekkhammadhātu, sabbassāpi kusalassetāṃ nāmaṃ. Abyāpādapāṭisaṃyuttā dhātu **abyāpādadhātu**, abyāpādavitaḅḅassetāṃ nāmaṃ. Abyāpādova dhātu abyāpādadhātu, mettāyetaṃ nāmaṃ. Avihimsāpaṭisaṃyuttā dhātu **avihimsādhātu**, avihimsā vitaḅḅassetāṃ nāmaṃ. Avihimsāya dhātu avihimsādhātu, karuṇāyetaṃ nāmaṃ.

**182.** Idāni tamevatthaṃ dassetaṃ **tattha katamā kāmadhātūti** padabhājanāṃ āradhāṃ. Tattha **paṭisaṃyuttoti** saṃpayogavasena paṭisaṃyutto. **Takko vitakkoti**ādīni vuttatthāneva. **Viheṭṭheti** bādheti, dukkhāpeti. **Heṭṭhanāti** paṇippahārādīhi bādhanā, dukkhuppādanā. Balavaheṭṭhanā **viheṭṭhanā**. Hiṃsanti etāyāti **hiṃsanā**. Balavahiṃsanā **vihiṃsanā**. **Rosanāti** ghaṭṭanā. **Virosanāti** balavaghaṭṭanā. Sabbattha vā ‘vi’ upasaggena padaṃ vaḅḅhitaṃ. Upahanāti etenāti upaghāto, paresāṃ upaghāto **parūpaghāto**.

Mettāyanti etāyāti **metti**. Mettāyanākāro **mettāyanā**. Mettāya ayitassa mettāsamaṅgino bhāvo **mettāyitattāṃ**. Byāpādena vimuttassa cetaso vimutti **cetovimutti**. Ettha ca purimehi tīhi upacārappattāpi appanāpatāpi mettā kathitā, pacchīmena appanāpatāva.

Karuṇāyanti etāyāti **karuṇā**. Karuṇāyanākāro **karuṇāyanā**. Karuṇāya ayitassa karuṇāsamaṅgino bhāvo **karuṇāyitattāṃ**. Vihimsāya vimuttassa cetaso vimutti **cetovimutti**. Idhāpi purimanayeneva upacārappanābhedo veditabbo. Ubhayatthāpi ca pariyoṣānapade mettākaruṇāti cetovimuttivisesanattaṃ vuttaṃ.

Ettha ca kāmavitaḅḅassetāni satesupī upajjati saṅkhāresupī. Ubhayattha uppannāni kammaṭṭhābheda. Byāpādo pana satesu uppannoyeva kammaṭṭhāṃ bhindati, na itaro. Vihimsāyapi eseva nayo. Ettha ca duvidhā kathā – sabbasaṅgāhikā ceva asambhinnā ca. Kāmadhātuggahaṇena hi byāpādavihimsādhātuyopi gahitā. Kāmadhātuyāyeva pana nīharitvā nīharitvā dvepi etā dassitāti. Ayaṃ tāvettha sabbasaṅgāhikakathā. Ṭhapetvā pana byāpādavihimsādhātuyo sesā sabbāpi kāmadhātu evāti. Ayaṃ asambhinnakathā nāma. Nekkhammadhātuggahaṇenāpi abyāpādaavihiṃsādhātuyo gahitāyeva. Nekkhammadhātuto pana nīharitvā nīharitvā tadubhayampi dassitanti ayametthāpi sabbasaṅgāhikakathā. Ṭhapetvā abyāpādaavihiṃsādhātuyo avasesā nekkhammadhātūti ayaṃ asambhinnakathā nāma.

Imāhi ca chahi dhātūhi pariggahitā hi aṭṭhārasa dhātuyo pariggahitāva honti. Sabbāpi hi tā kāmadhātutova nīharitvā nīharitvā labhāpetabbā aṭṭhārasa dhātuyova hontīti tiṇṇaṃ chakkānaṃ vasena aṭṭhārasa honti. Evaṃ pana aggahetvā ekekasmīṃ chakke vuttanayena aṭṭhārasa aṭṭhārasa katvā sabbānīpi tāni aṭṭhārasakāni ekajjhaṃ abhisāṅkhīpitvā aṭṭhāraseva hontīti veditabbā. Iti imasmīṃ suttantabhājanīye soḷasa dhātuyo kāmāvacarā, dve tebhūmikāti evamettha sammasanacārova kathitoti veditabbo.

Suttantabhājanīyavaṇṇanā.

## 2. Abhidhammabhājanīyavaṇṇanā

**183.** Abhidhammabhājanīye sarūpeneva sabbāpi dhātuyo dassento **aṭṭhārasa dhātuyo – cakkhudhātu rūpadhātūti**ādīmāha. Tattha uddesavāre tāva –

Atthato lakkhaṇādito, kamatāvatasāṅkhato;

Paccayā atha daṭṭhabbā, veditabbo vinicchayo.

Tattha ‘**atthato**’ti cakkhatīti **cakkhu**. Rūpayatīti **rūpaṃ**. Cakkhussa viññāṇaṃ **cakkhuvīññāṇanti** evamādinā tāva nayena cakkhādīnaṃ visesatthato veditabbo vinicchayo. Avisesena pana vidahati, dhīyate, vidhānaṃ, vidhīyate etāya, ettha vā dhīyatīti **dhātu**. Lokiyā hi dhātuyo kāraṇabhāvena vavattthitā hutvā suvaṇṇarajatādīdhātuyo viya suvaṇṇarajatādīmaṃ anekappakāraṃ saṃsāradukkhaṃ vidahanti; bhārahārehi ca bhāro viya sattehi dhīyante dhārīyanteti attho. Dukkhavīdhānamattameva cetā avasavattanato. Etāhi ca kāraṇabhūtāhi saṃsāradukkhaṃ sattehi anuvīdhīyati; tathāvīhitañcetamaṃ etāsveva dhīyati ṭhapīyatīti attho. Iti cakkhādīsu ekeko dhammo yathāsambhavaṃ vidahati dhīyatetiādiatthavasena dhātūti vuccati.

Apica yathā titthiyānaṃ attā nāma sabhāvato natthi, na evametā. Etā pana attano sabhāvaṃ dhārentīti dhātuyo. Yathā ca loke vicittā haritālamanosilādayo silāvayavā dhātuyoti vuccanti, evametāpi dhātuyo viya dhātuyo. Vicittā hetā nīṇaṇṇeyyāvayavāti. Yathā vā sarīrasaṅkhātassa samudāyassa avayavabhūtesu rasasoṇitādīsu aññamaññaṃ visabhāgalakkhaṇaparicchinnesu dhātusamañña, evametesupi pañcakkhandhasaṅkhātassa attabhāvassa avayavesu dhātusamañña veditabbā. Aññamaññavisabhāgalakkhaṇaparicchinnaṃ hete cakkhādayoti. Apica dhātūti nijjīvamattassetamaṃ adhivacanaṃ. Tathā hi bhagavā – “cha dhāturo ayaṃ, bhikkhu, puriso”tiādīsu (ma. ni. 3.343-344) jīvasaññāsamūhanatthamaṃ dhātudesanaṃ akāsīti. Tasmā yathāvuttenatthena cakkhu ca taṃ dhātu cāti cakkhudhātu ... pe... manovīññāṇaṇca taṃ dhātu cāti manovīññāṇadhātūti evaṃ tāvettha atthato viññātabbo vinicchayo.

‘**Lakkhaṇādito**’ti cakkhādīnaṃ lakkhaṇādito pettha veditabbo vinicchayo. Tāni ca pana tesamaṃ lakkhaṇādīni heṭṭhā vuttanayeneva veditabbāni.

‘**Kamato**’ti idhāpi pubbe vuttetu uppatikkamādīsu desanākkamova yujjati. So ca panāyaṃ hetuphalānupubbavavattthānavasena vutto. Cakkhudhātu rūpadhātūti idaṇhi dvayaṃ hetu. Cakkhuvīññāṇadhātūti phalaṃ. Evaṃ sabbattha kamato veditabbo vinicchayo.

‘**Tāvavato**’ti tāvabhāvato. Idamaṃ vuttaṃ hoti – tesu tesu hi suttābhīdhammapadesesu ābhādhātu, subhadhātu, ākāsaññācāyatanadhātu, viññāṇaṇcāyatanadhātu, ākiñcaññāyatanadhātu, nevasaññānāsaññāyatanadhātu, saññāvedayitanirodhadhātu, kāmadhātu, byāpādhātu, vihiṃsādhātu, nekkhammadhātu, abyāpādhātu, avihīmsādhātu, sukhadhātu, dukkhadhātu, somanassadhātu, domanassadhātu, upekkhādhātu, avijjādhātu, ārambhadhātu, nikkamadhātu, parakkamadhātu, hīnadhātu, majjhimadhātu, paṇīthadhātu, pathavīdhātu, āpodhātu, tejodhātu, vāyodhātu, ākāsadhātu, viññāṇadhātu, saṅkhatadhātu, asaṅkhatadhātu, anekadhātunānādhātulokoti evamādayo aññāpi dhātuyo dissanti.

Evaṃ sati sabbāsaṃ vasena paricchedamaṃ akatvā kasmā aṭṭhārasāti ayameva paricchedo katoti ce? Sabhāvato vijjamañānaṃ sabbadhātūnaṃ tadantogadhattā. Rūpadhātuyeva hi ābhādhātu. Subhadhātu pana rūpādīpaṭibaddhā. Kasmā? Subhanimittattā. Subhanimittāñhi subhadhātu. Tañca rūpādīvinimuttaṃ na vijjati, kusalavīpākāraṃmaṇā vā rūpādayo eva subhadhātūti rūpādīmattamevesā. Ākāsaññācāyatanadhātuādīsu cittaṃ manovīññāṇadhātu. Sesā dhammā dhammadhātu. Saññāvedayitanirodhadhātu pana sabhāvato natthi; dhātudvayanirodhamattameva hi sā. Kāmadhātu dhammadhātumattaṃ vā hoti, yathāha “tattha katamā kāmadhātu? Kāmapaṭisaṃyutto takko ...pe... micchāsaṅkappo”ti; aṭṭhārasapi dhātuyo vā, yathāha “heṭṭhato avīcinirayaṃ pariyaṇtaṃ katvā uparito paranimmitavasavattīdeve antokarivā yaṃ etasmiṃ antare etthāvacarā ettha pariyaṇānā khandhadhātuāyatanā, rūpā, vedanā, saññā, saṅkhārā, viññāṇaṃ – ayaṃ vuccati kāmadhātū”ti. Nekkhammadhātu dhammadhātu eva; “sabbepi kusalā dhammā nekkhammadhātū”ti vā vacanato manovīññāṇadhātupi hotiyeva. Byāpādavīhiṃsāabyāpādaavīhiṃsāsukhadukkhasomanassadomanassupekkhāvījjāārambhanikkamaparakkamadhātuyo dhammadhātuyeva.

Hīnamajjhimapaṇīthadhātuyo aṭṭhārasadhātumattameva. Hīnā hi cakkhādayo hīnadhātu. Majjhimapaṇīthā cakkhādayo majjhimā ceva paṇīthā ca dhātū. Nippiyāyena pana akusalā dhammadhātumanovīññāṇadhātuyo hīnadhātu. Lokiyā kusalābyākatā ubhopi cakkhudhātūdayo ca majjhimadhātu. Lokuttarā pana dhammadhātumanovīññāṇadhātuyo paṇīthadhātu. Pathavītejavāyodhātuyo phoṭṭhabbhadhātuyeva. Āpodhātu ākāsadhātu ca dhammadhātuyeva. Viññāṇadhātu cakkhuvīññāṇadisattavīññāṇadhātusankhepoyeva. Sattarasa dhātuyo dhammadhātuekadeso ca saṅkhatadhātu. Asaṅkhatadhātu pana dhammadhātuekadesova. Anekadhātunānādhātuloko pana aṭṭhārasadhātuppabhedamattamevāti. Iti sabhāvato vijjamañānaṃ sabbadhātūnaṃ tadantogadhattā aṭṭhāraseva vuttāti.

Apica vijānanaśabhāve viññāṇe jīvasaññānaṃ jīvasaññāsamūhanatthampi aṭṭhāraseva vuttā. Santi hi sattā vijānanaśabhāve viññāṇe jīvasaññāno. Tesamaṃ cakkhusotagānāvīhākāyavīññāṇamanovīññāṇadhātubhedena tassā

anekattaṃ, cakkhurūpādiṭṭhāyattavuttitāya aniccatañca pakāsetvā dīgharattānusayitaṃ jīvasaññaṃ samūhanitukāmena bhagavatā aṭṭhārasa dhātuyo pakāsītā. Kiñca bhiyyo? Tathā veneyyajjhāsayaṣasena; ye ca imāya nāṭisañkhepavithārāya desanāya veneyyā sattā, tadajjhāsayaṣasena ca aṭṭhāraseva pakāsītā.

Sañkhepavithāranayena tathā tathā hi,  
Dhammaṃ pakāsayatī esa yathā yathāssa;  
Saddhammatejavihatam vilayam khaṇena,  
Veneyyasattahadāyesu tamo payātīti.

Evamettha ‘tāvātvalo’ veditabbo vinicchayo.

‘**Sañkhato**’ti cakkhudhātu tāva jātito eko dhammotveva sañkhaṃ gacchati cakkhupasādasasena. Tathā sotaghānajivhākāyarūpasaddagandharasadhātuyo sotapasādādivasena. Phoṭṭhabbhadhātu pana pathavītejavāyovasena tayo dhammāti sañkhaṃ gacchati. Cakkhuvīññādhātu kusalākusalavipākavasena dve dhammāti sañkhaṃ gacchati. Tathā sotaghānajivhākāyavīññādhātuyo. Manodhātu pana pañcadvārāvajjanakusalākusalavipākasampañcchanavasena tayo dhammāti sañkhaṃ gacchati. Dhammadhātu tiṇṇaṃ arūpakkhandhānaṃ, soḷasannaṃ sukhumarūpānaṃ, asañkhatāya ca dhātuyā vasena vīsattidhammāti sañkhaṃ gacchati. Manovīññādhātu sesakusalākusalābyākataṃvīññādhāvāsena chasattatidhammāti sañkhaṃ gacchatīti evamettha ‘sañkhato’ veditabbo vinicchayo.

‘**Paccayā**’ti cakkhudhātuādīnaṃ cakkhuvīññādhātuādīsū paccayato veditabbo vinicchayo. So panetesam paccayabhāvo niddesavāre āvi bhavissati.

‘**Daṭṭhabbā**’ti daṭṭhabbatopettha vinicchayo veditabboti attho. Sabbā eva hi sañkhatā dhātuyo pubbantāparantavivittato, dhuvasubhasukhattabhāvasuññato, paccayāyattavuttito ca daṭṭhabbā. Visesato panettha bheritalaṃ viya cakkhudhātu daṭṭhabbā, daṇḍo viya rūpadhātu, saddo viya cakkhuvīññādhātu. Tathā ādāsatalaṃ viya cakkhudhātu, mukhaṃ viya rūpadhātu, mukhanimittaṃ viya cakkhuvīññādhātu. Atha vā ucchuttilāni viya cakkhudhātu, yantacakkayaṭṭhi viya rūpadhātu, ucchurasatelāni viya cakkhuvīññādhātu. Tathā adharāraṇī viya cakkhudhātu, uttarāraṇī viya rūpadhātu, aggi viya cakkhuvīññādhātu. Esa nayo sotadhātuādīsūpi.

Manodhātu pana yathāsambhavato cakkhuvīññādhātuādīnaṃ purecarānucarā viya daṭṭhabbā. Dhammadhātuyā vedanākkhandho sallamiva sūlamiva ca daṭṭhabbo; saññāsañkhārakkhandhā vedanāsallasūlayogā āturā viya; puthujjanānaṃ vā saññā āsādikkhajanānato rittamuṭṭhi viya, ayathābhuccanimittagāhakato vanamigo viya; sañkhārā paṭisandhiyaṃ pakkhipanato āngārakāsuyam khipanakapuriso viya, jātidukkhānubandhanato rājapurisānubandhacorā viya, sabbānatthāvahassa khandhasantānassa hetuto visarukkhabhājāni viya; rūpaṃ nānāvidhūpaddavanimittato khuracakkhaṃ viya daṭṭhabbā.

Asañkhatā pana dhātu amatato santato khemato ca daṭṭhabbā. Kasmā? Sabbānatthapaṭipakkhabhūtattā. Manovīññādhātu gahitārammaṇaṃ muñcivāpi aññaṃ gahetvāva pavatanato vanamakkaṭṭo viya, duddamanato assakhaḷunko viya, yatthakāmanipātito vehāsaṃ khittadaṇḍo viya, lobhadosaḍḍinānappakārakilesayogato raṅganāṭṭo viya daṭṭhabboti.

**184.** Niddesavāre **cakkhuñca paṭicca rūpe cāti** idañca dvayaṃ paṭicca aññañca kiriyāmanodhātuñceva sampayuttakhandhattayañcāti attho. Cakkhuvīññādhātuyā hi cakkhu nissayapaccayo hoti, rūpaṃ ārammaṇapaccayo, kiriyāmanodhātu vigatapaccayo, tayo arūpakkhandhā sahajātapaccayo. Tasmā esā cakkhuvīññādhātu ime cattāro paṭicca uppajjati nāma. **Sotañca paṭiccāti**ādīsūpi eseva nayo.

**Niruddhasamanantarā**ti niruddhāya samanantarā. **Tajjā manodhātū**ti tasmim ārammaṇe jātā kusalākusalavipākato duvidhā manodhātu sampañcchanakiccā. **Sabbadhammesu vā pana paṭṭhamasamannāhāro**ti etesu cakkhuvīññādhātū sabbadhammesu uppajjamañesu paṭṭhamasamannāhāro; cakkhuvīññādhātuādīnaṃ vā ārammaṇasañkhātesu sabbadhammesu paṭṭhamasamannāhāroti ayamettha attho veditabbo. Etena pañcadvārāvajjanakiccā kiriyāmanodhātu gahitāti veditabbā.

**Manodhātuyāpi uppajjivā niruddhasamanantarā**ti ettha **pi**-kāro sampiṇḍanattho. Tasmā manodhātuyāpi manovīññādhātuyāpi ayamettha attho veditabbo. Tena yā ca vipākamanodhātuyā uppajjivā niruddhāya samanantarā uppajjati santīraṇakiccā vipākamanovīññādhātu, yā ca tassā uppajjivā niruddhāya samanantarā uppajjati voṭṭhabbanakiccā kiriyāmanovīññādhātu, yā ca tassā uppajjivā niruddhāya samanantarā uppajjati javanakiccā manovīññādhātu – tā sabbāpi kathitā hotīti veditabbā. **Manañca paṭiccāti** bhavaṅgamaṇaṃ. **Dhamme**

cāti catubhūmikadhammārammaṇaṃ. **Uppajjati manoviññāṇanti** sahāvajjanakaṃ javanaṃ nibbattati.

Imasmiṃ pana t̄hāne hatthe gahitapañhaṃ nāma gaṇhiṃsu. Mahādhammarakkhitatthero kira nāma dīghabhāṇakābhayattheraṃ hatthe gahetvā āha – ‘paṭiccāti nāma āgataṭṭhāne āvajjanaṃ visuṃ na kātabbaṃ, bhavaṅganissitakameva kātabba’nti. Tasmā idha **manoti** sahāvajjanakaṃ bhavaṅgaṃ. **Manoviññāṇanti** javanamanoviññāṇaṃ. Imasmiṃ pana abhidhammabhājanīye soḷasa dhātuyo kāmāvacarā, dve catubhūmikā lokiyalokuttaramissakā kathitāti.

Abhidhammabhājanīyavaṇṇanā.

### 3. Pañhāpucchakavaṇṇanā

**185.** Pañhāpucchake aṭṭhārasannaṃ dhātūnaṃ heṭṭhā vuttanayānusāreṇeva kusalādibhāvo veditabbo. Ārammaṇattikesu pana **cha dhātuyo parittārammaṇāti** idam̄ pana pañcannaṃ cakkhuvīññāṇādīnaṃ manodhātuyā ca ekantena pañcasu rūpārammaṇādīsu pavattim̄ sandhāya vuttaṃ. **Dve dhātuyoti** vuttānaṃ pana dhammadhātumanoviññāṇadhātūnaṃ manāyatanaḍḍhammāyatanesu vuttanayeneva parittārammaṇādītā veditabbā. Iti imasmimpī pañhāpucchake soḷasa dhātuyo kāmāvacarā, dve catubhūmikā lokiyalokuttaramissakā kathitā. Evamayaṃ dhātuvibhaṅgopi teparivaṭṭaṃ nīharitvāva bhājetvā desitoti.

Sammohavinodaniyā vibhaṅgaṭṭhakathāya

Dhātuvibhaṅgavaṇṇanā niṭṭhitā.

## 4. Saccavibhaṅgo

### 1. Suttantabhājanīyavaṇṇanā

**189.** Idāni tadanantare saccavibhaṅge **cattārīti** gaṇanaparicchedo. **Ariyasaccānti** paricchinnadhammanidassanaṃ. **Dukkhaṃ ariyasaccanti**ādīmhi pana uddesavāre –

Vibhāgato nibbacana-lakkhaṇādippabhedato;  
Atthathuddhārato ceva, anūnādhikato tathā.

Kamato ariyasaccesu, yaṃ ñāṇaṃ tassa kiccato;  
Antogadhānaṃ pabhedo, upamāto catukkato.

Suññatekavidhādīhi, sabhāgavisabhāgato;  
Vinicchayo veditabbo, viññunā sāsanaḍḍhame.

Tattha ‘**vibhāgato**’ti dukkhādīnañhi cattāro cattāro atthā vibhattā tathā avitathā anaññathā, ye dukkhādīni abhisamentehi abhisametabbā. Yathāha, ‘‘dukkhassa pīḷanaṭṭho, saṅkhataṭṭho, santāpaṭṭho, vipariṇāmaṭṭho – ime cattāro dukkhassa dukkhaṭṭhā tathā avitathā anaññathā. Samudayassa āyūhanaṭṭho, nidānaṭṭho, saṃyogaṭṭho, palibodhaṭṭho...pe... nirodhassa nissaraṇaṭṭho, vivekaṭṭho, asaṅkhataṭṭho, amataṭṭho...pe... maggassa niyyānaṭṭho, hetvaṭṭho, dassanaṭṭho, ādhipateyyaṭṭho – ime cattāro maggassa maggaṭṭhā tathā avitathā anaññathā’’ti (paṭi. ma. 2.8). Tathā ‘‘dukkhassa pīḷanaṭṭho, saṅkhataṭṭho, santāpaṭṭho, vipariṇāmaṭṭho, abhisamayaṭṭho’’ti (paṭi. ma. 2.11) evamādi. Iti evaṃ vibhattānaṃ catunnaṃ catunnaṃ atthānaṃ vasena dukkhādīni veditabbānti. Ayaṃ tāvettha vibhāgato vinicchayo veditabbo.

‘**Nibbacanalakkhaṇādippabhedato**’ti ettha pana ‘nibbacanato’ tāva idha ‘**du**’iti ayaṃ saddo kucchite dissati; kucchitāñhi puttāṃ duputtoti vadanti. ‘**Kham**’saddo pana tucche; tucchañhi ākāsaṃ **khanti** vuccati. Idañca paṭhamasaccaṃ kucchitaṃ anekaupaddavādhiṭṭhānato, tucchaṃ bālajanaparikkappitadhuvasubhasukhattabhāvavirahitato. Tasmā kucchitattā tucchattā ca **dukkhanti** vuccati. ‘**Sam**’iti ca ayaṃ saddo ‘‘samāgamo sameta’’ntiādīsu (vibha. 199; dī. ni. 2.396) saṃyogaṃ dīpeti; ‘**u**’iti ayaṃ saddo ‘‘uppannaṃ udita’’ntiādīsu (pārā. 172; cūḷani. khaggavisāṇasuttaniddesa 141) uppattim̄. ‘**Aya**’saddo pana kāraṇaṃ dīpeti. Idañcāpi dutiyasaccaṃ avasesapaccayasamāyoge sati dukkhassuppattikāraṇaṃ. Iti dukkhassa saṃyoge uppattikāraṇattā **dukkhasamudayanti** vuccati.

Tatīyasaccaṃ pana yasmā ‘ni’saddo abhāvaṃ **‘rodha’**saddo ca cāraṃ dīpeti, tasmā abhāvo ettha saṃsāracāraṃsaṅkhātassa dukkharodhassa sabbagatisuññatā, samadhigate vā tasmīṃ saṃsāracāraṃsaṅkhātassa dukkharodhassa abhāvo hoti tappaṭipakkhattātipi **dukkhanirodhanti** vuccati, dukkhassa vā anuppādanirodhapaccayattā dukkhanirodhanti. Catutthasaccaṃ pana yasmā etaṃ dukkhanirodhaṃ gacchati ārammaṇavasena tadabhimukhībhūtattā, paṭipadā ca hoti dukkhanirodhappattiyā, tasmā dukkhanirodhagāminī paṭipadāti vuccati.

Yasmā panetāni buddhādayo ariyā paṭivijjhanti, tasmā **ariyasaccānī**ti vuccanti. Yathāha – “catārimāni, bhikkhave, ariyasaccāni (saṃ. ni. 5.1097). Katamāni...pe... imāni kho, bhikkhave, cattāri ariyasaccāni. Ariyā imāni paṭivijjhanti, tasmā **ariyasaccānī**ti vuccanti”ti. Apica ariyassa saccānītipi ariyasaccāni. Yathāha – “sadevake, bhikkhave, loke...pe... sadevamanussāya tathāgato ariyo, tasmā ariyasaccānīti vuccanti”ti. Atha vā etesaṃ abhisambuddhattā ariyabhāvasiddhitopi ariyasaccāni. Yathāha – “imesaṃ kho, bhikkhave, catunnaṃ ariyasaccānaṃ yathābhūtaṃ abhisambuddhattā tathāgato arahaṃ sammāsambuddho ‘ariyo’ti vuccati”ti. Apica kho pana ariyāni saccānītipi ariyasaccāni; ariyānīti tathāni avitathāni avisaṃvādaṅkānīti attho. Yathāha – “imāni kho, bhikkhave, cattāri ariyasaccāni tathāni avitathāni anaññathāni, tasmā ariyasaccānīti vuccanti”ti. Evamettha nibbānato vinicchayo vedītabbo.

Kathaṃ **‘lakkhaṇādippabhedato’**? Ettha hi bādhanalakkhaṇaṃ dukkhasaccaṃ, santāpanarasam, pavattipaccupaṭṭhānaṃ. Pabhavalakkhaṇaṃ samudayasaccaṃ, anupacchedakaraṇarasam, palibodhapaccupaṭṭhānaṃ. Santilakkhaṇaṃ nirodhasaccaṃ, accutirasam, animittapaccupaṭṭhānaṃ. Niyyānalakkhaṇaṃ maggasaccaṃ, kilesappahānakaraṇarasam, vuṭṭhānapaccupaṭṭhānaṃ. Apica pavattipavattakanivattinivattakalakkhaṇāni paṭipāṭiyā. Tathā saṅkhatataṇhāsaṅkhatadassanalakkhaṇāni cāti evamettha ‘lakkhaṇādippabhedato’ vinicchayo vedītabbo.

**‘Atthathuddhārato cevā’**ti ettha pana **atthato** tāva ko saccaṭṭhoti ce? Yo paññācakkhunā upaparikkhamānānaṃ māyāva viparītako, marīcīva viṣaṃvādako, tiṭṭhiyānaṃ attāva anupalabbhasabhāvo ca na hoti; atha kho bādhanapabhavasantiyānappakārena tacchāvīparītabhūtabhāvena ariyāñāssa gocaro hotiyeva; esa aggilakkhaṇaṃ viya, lokapakati viya ca tacchāvīparītabhūtabhāvo saccaṭṭhoti vedītabbo. Yathāha – “idaṃ dukkhanti kho, bhikkhave, tathametaṃ avitathametaṃ anaññathameta”nti (saṃ. ni. 5.1090) vitthāro. Apica –

Nābādhakaṃ yato dukkhaṃ, dukkhā aññaṃ na bādhaṃ;  
Bādhakattaniyāmena, tato saccamidaṃ matam.

Taṃ vinā nāññato dukkhaṃ, na hoti na ca taṃ tato;  
Dukkahetuniyāmena, iti saccaṃ visattikā.

Nāññā nibbānato santi, santam na ca na taṃ yato;  
Santabhāvanīyāmena, tato saccamidaṃ matam.

Maggā aññaṃ na niyyānaṃ, aniyyāno na cāpi so;  
Tacchanīyānabhāvattā, iti so saccasammato.

Iti tacchāvīpallāsa-bhūtabhāvaṃ catūsūpi;  
Dukkhadīsvavisesena, saccaṭṭhaṃ āhu paṇḍitāti.

Evam ‘atthato’ vinicchayo vedītabbo.

Kathaṃ **‘atthuddhārato’**? Idhāyaṃ ‘sacca’saddo anekesu atthesu dissati, seyyathidaṃ – “saccaṃ bhaṇe, na kujjheyyā”tiādīsu (dha. pa. 224) vācāsacce. “Sacce ṭhitā samaṇabrāhmaṇā cā”tiādīsu (jā. 2.21.433) viratisacce. “Kasmā nu saccāni vadanti nānā, pavādiyāse kusalāvadānā”tiādīsu (su. ni. 891) diṭṭhisacce. “Ekañhi saccaṃ na dutiyamatthī”tiādīsu (su. ni. 890) paramatthasacce nibbāne ceva magge ca. “Catunnaṃ ariyasaccānaṃ kati kusalā”tiādīsu (vibha. 216) ariyasacce. Svāyamidhāpi ariyasacce vattatīti evamettha ‘atthuddhārato’pi vinicchayo vedītabbo.

**‘Anūnādhikato’**ti kasmā pana cattāreva ariyasaccāni vuttāni, anūnāni anadhikānīti ce? Aññassāsambhavato, aññatarassa ca anapaneyyabhāvato; na hi etehi aññaṃ adhikaṃ vā etesaṃ vā ekampi apanetabbaṃ sambhoti. Yathāha – “idha, bhikkhave, āgaccheyya samaṇo vā brāhmaṇo vā ‘netam dukkhaṃ ariyasaccaṃ, aññaṃ dukkhaṃ ariyasaccaṃ yaṃ samaṇena gotamena desitam. Ahametaṃ dukkhaṃ ariyasaccaṃ ṭhapetvā aññaṃ dukkhaṃ ariyasaccaṃ paññāpessāmī’ti netam ṭhānaṃ vijjatī”tiādī. Yathā cāha – “yo hi koci, bhikkhave, samaṇo vā brāhmaṇo vā evam



vadeyya ‘netam dukkham paṭhamam ariyasaccam, yaṃ samaṇena gotamena desitam. Ahametam dukkham paṭhamam ariyasaccam paccakkhāya aññaṃ dukkham paṭhamam ariyasaccam paññapessāmī’ti netam tñānam vijjatī’ tiādi (saṃ. ni. 5.1086).

Apica pavattimācikkhanto bhagavā sahetukaṃ ācikkhi, nivattiṇca saupāyaṃ. Iti pavattinivattitadubhayahetūnaṃ etapparamato cattāreva vuttāni. Tathā pariññeyya pahātabba sacchikātabba bhāvetabbānaṃ, taṇhāvattutaṇhātaṇhānirodhataṇhānirodhupāyānaṃ, ālayālayarāmatāālayasamugghātaālayasamugghātūpāyānaṃca vasenāpi cattāreva vuttānīti. Evamettha ‘anūnādhikato’ vinicchayo veditabbo.

‘**Kamato**’ti ayampi desanākkamova. Ettha ca oḷārikatā sabbasattasādhāraṇattā ca suviññeyyanti dukkhasaccaṃ paṭhamam vuttam, tasseva hetudassanattam tadananantaram samudayasaccaṃ, hetunirodhā phalanirodhoti nāpanattam tato nirodhasaccaṃ, tadadhigamupāyadassanattam ante maggasaccaṃ. Bhavasukhassādagadhittānaṃ vā sattānaṃ saṃvegajanantam paṭhamam dukkhamāha. Tam neva akataṃ āgacchati, na issaranimmānādito hoti, ito pana hotīti nāpanattam tadananantaram samudayaṃ. Tato sahetukena dukkhena abhibhūtattā saṃviggamānasānaṃ dukkhanissaraṇagavesīnaṃ nissaraṇadassanena assāsajanantam nirodham. Tato nirodhādhigamattham nirodhasampāpakam magganti evamettha ‘kamato’ vinicchayo veditabbo.

‘**Ariyasaccesu yaṃ nānaṃ tassa kiccato**’ti saccaññakiccato pi vinicchayo veditabboti attho. Duvidhañhi saccaññaṃ – anubodhaññaṃca paṭivedhaññaṃca. Tattha anubodhaññaṃ lokiyam anussavādivasena nirodhe magge ca pavattati. Paṭivedhaññaṃ lokuttaram nirodhārammaṇam katvā kiccato cattāripi saccāni paṭivijjhati. Yathāha – “yo, bhikkhave, dukkham passati dukkhasamudayampi so passati, dukkhanirodhampi passati, dukkhanirodhagāminim paṭipadampi passati” ti (saṃ. ni. 5.1100) sabbam vattabbaṃ. Yaṃ panetaṃ lokiyam, tattha dukkhaññaṃ pariyaṭṭhānābhivhavanavasena pavattamānaṃ sakkāyaditthim nivatteti, samudayaññaṃ ucchedaditthim, nirodhaññaṃ sassataditthim, maggaññaṃ akiriyaṭṭhānaṃ; dukkhaññaṃ vā dhuvasubhasukhattabhāvarahitesu khandhesu dhuvasubhasukhattabhāvasaññāsānkhātā phale vipaṭipattim, samudayaññaṃ issarappadhānakālasabhāvādīhi loko pavattatīti akāraṇe kāraṇābhimanappavattam hetumhi vipaṭipattim, nirodhaññaṃ arūpalokālokathūpikādīsu apavaggaggāhabhūtam nirodhe vipaṭipattim, maggaññaṃ kāmasukhallikaattakīlamathānuyogappabhede avisuddhimagge visuddhimaggaggāhavasena pavattam upāye vipaṭipattim nivatteti. Tenetaṃ vuccati –

Loke lokappabhava, lokatthagame sive ca tadupāye;  
Sammuyhati tāva nara, na vijānāti yāva saccānīti.

Evamettha ‘ññakiccato’ pi vinicchayo veditabbo.

‘**Antogadhānaṃ pabhedā**’ti dukkhasaccasmīhi, tṭhapetvā taṇhañceva anāsavadhamme ca, sesā sabbadhammā antogadhā; samudayasacce chattimṣa taṇhāvicarītāni; nirodhasaccaṃ asammissam; maggasacce sammāditthimukhena vīmaṃsiddhipādapaññīndriyapaññībaladhammavicayasambojjhaṅgāni. Sammāsānkhappāpadesena tayo nekkhammavitakkādayo, sammāvācāpadesena cattāri vacīsucarītāni, sammākammantāpadesena tīni kāyasucarītāni, sammāājīvamukhena appicchatā santuṭṭhitā ca, sabbesaṃyeva vā etesaṃ sammāvācākammantājīvānaṃ ariyakantasīlattā sīlassa ca saddhāhatthena paṭiggahetabbattā tesam atthitāya ca atthibhāvato saddhindriyasaddhābalachandiddhipādā, sammāvāyāmāpadesena catubbidhasammappadhānavīriyindriyavīriyabalavīriyasambojjhaṅgāni, sammāsatiapadesena catubbidhasatipaṭṭhānasatindriyasatibalasatisambojjhaṅgāni, sammāsamādhīpadesena savitakkasavicārādayo tayo samādhī, cittasamādhīsamādhīndriyasamādhībalapītipassaddhisamādhīupekkhāsambojjhaṅgāni antogadhānīti. Evamettha ‘antogadhānaṃ pabhedā’ pi vinicchayo veditabbo.

‘**Upamāto**’ti bhāro viya hi dukkhasaccaṃ datṭhabbaṃ, bhārādānamiva samudayasaccaṃ, bhāranikkhepanamiva nirodhasaccaṃ, bhāranikkhepanūpāyo viya maggasaccaṃ; rogo viya ca dukkhasaccaṃ, roganidānamiva samudayasaccaṃ, rogavūpasamo viya nirodhasaccaṃ, bhesajjamiva maggasaccaṃ; dubbhikkhamiva vā dukkhasaccaṃ, dubbuṭṭhi viya samudayasaccaṃ, subhikkhamiva nirodhasaccaṃ, suvuṭṭhi viya maggasaccaṃ. Apica veriveramūlaverasamugghātaverasamugghātupāyehi, visarukkharukkhamūlamūlupacchedatadupacchedupāyehi, bhayabhayamūlanibbhayatadadhigamupāyehi, orimatīramahoghapārimatīratamsampāpakavāyāmehi ca yojetvāpetāni upamāto veditabbānīti. Evamettha ‘upamāto’ vinicchayo veditabbo.

‘**Catukkato**’ti atthi cettha dukkham na ariyasaccaṃ, atthi ariyasaccaṃ na dukkham, atthi dukkhañceva ariyasaccaṃ, atthi neva dukkham na ariyasaccaṃ. Esa nayo samudayādīsu. Tattha maggasampayuttā dhammā sāmāññaphalāni ca “yadaniccaṃ tam dukkha” nti (saṃ. ni. 3.15) vacanato sañkhāradukkhatāya dukkham na

ariyasaccaṃ. Nirodho ariyasaccaṃ na dukkhaṃ. Itaraṃ pana ariyasaccadvayaṃ siyā dukkhaṃ aniccato, na pana yassa pariññāya bhagavati brahmacariyaṃ vussati tathatthena. Sabbākārena pana upādānakkhandhapañcakaṃ dukkhañceva ariyasaccañca aññatra tañhāya. Maggasampayuttā dhammā sāmāññaphalāni ca yassa pariññatthaṃ bhagavati brahmacariyaṃ vussati tathatthena neva dukkhaṃ na ariyasaccaṃ. Evaṃ samudayādīsipi yathāyogaṃ yojetvā ‘catukkato’pettha vinicchayo veditabbo.

‘**Suññatekavidhādīhi**’ti ettha suññato tāva paramatthena hi sabbāneva saccāni vedakakārakanibbutagamakābhāvato suññānti veditabbāni. Tenetaṃ vuccatī –

Dukkhomeva hi na koci dukkhito, kārako na kiriyāva vijjati;  
Atthi nibbuti na nibbuto pumā, maggamatthi gamako na vijjatīti.

Atha vā –

Dhuvasubhasukhattasuññaṃ, purimadvayamattasuññamamatapadaṃ;  
Dhuvasukhaattavirahito, maggo iti suññato tesu.

Nirodhasuññāni vā tīni, nirodho ca sesattayasuñño. Phalasuñño vā ettha hetu samudaye dukkhassābhāvato magge ca nirodhassa, na phalena sagabbho pakativādīnaṃ pakati viya. Hetusuññañca phalaṃ dukkhasamudayānaṃ nirodhamaggānañca asamavāyā, na hetusamavetaṃ hetuphalaṃ hetuphalasamavāyavādīnaṃ dvianukādīni viya. Tenetaṃ vuccatī –

Tayamidha nirodhasuññaṃ, tayena tenāpi nibbuti suññā;  
Suñño phalena hetu, phalampi taṃ hetunā suññanti.

Evaṃ tāva ‘suññato’ vinicchayo veditabbo.

‘**Ekavidhādīhi**’ti sabbameva cettha dukkhaṃ ekavidhaṃ pavattibhāvato, duvidhaṃ nāmarūpato, tividhaṃ kāmarūpārūpūpapatibhavabhedato, catubbidhaṃ catuāhārabhedato, pañcavidhaṃ pañcupādānakkhandhabhedato. Samudayopi ekavidho pavattakabhāvato, duvidho diṭṭhisampayuttāsampayuttato, tividho kāmabhavavibhavatañhābhedato, catubbidho catumaggappaheyyato, pañcavidho rūpābhinandanādibhedato, chabbidho chatañhākāyabhedato. Nirodhopi ekavidho asaṅkhatadhātubhāvato, pariyāyena pana duvidho saupādisesaanupādisesato, tividho bhavattayavūpasamato, catubbidho catumaggādhigamanīyato, pañcavidho pañcābhinandanavūpasamato, chabbidho chatañhākāyakkhayabhedato. Maggopi ekavidho bhāvetabbato, duvidho samathavipassanābhedato dassanabhāvanābhedato vā, tividho khandhattayabhedato. Ayañhi sappadesattā nagaraṃ viya rajjena nippadesehi tīhi khandhehi saṅgahito. Yathāha –

‘‘Na kho, āvuso visākha, ariyena aṭṭhaṅgikena maggena tayo khandhā saṅgahitā. Tīhi ca kho, āvuso visākha, khandhehi ariyo aṭṭhaṅgiko maggo saṅgahito. Yā cāvuso visākha, sammāvācā, yo ca sammākamanto, yo ca sammāājīvo – ime dhammā sīlakkhandhe saṅgahitā; yo ca sammāvāyāmo, yā ca sammāsati, yo ca sammāsamādhi – ime dhammā samādhikkhandhe saṅgahitā; yā ca sammādiṭṭhi, yo ca sammāsaṅkappo – ime dhammā paññākkhandhe saṅgahitā’’ti (ma. ni. 1.462).

Ettha hi sammāvācādayo tayo sīlameva. Tasmā te sajjātito sīlakkhandhena saṅgahitā. Kiñcāpi hi pāliyaṃ sīlakkhandheti bhummena niddeso kato, attho pana karaṇavaseneva veditabbo. Sammāvāyāmādīsu pana tīsu samādhi attano dhammatāya ārammaṇe ekaggabhāvena appetuṃ na sakkoti, vīriye pana paggahakiccaṃ sādheṇa satiyā ca apilāpanakiccaṃ sādheṇiyā laddhūpakāro hutvā sakkoti.

Tatrāyaṃ upamā – yathā hi nakkhattaṃ kīḷissāmāti uyyānaṃ pavīṭṭhesu tīsu sahāyesu eko supupphitaṃ campakarukkhaṃ disvā hatthaṃ ukkhipitvāpi gahetuṃ na sakkuṇeyya. Athassa dutiyo onamitvā piṭṭhiṃ dadeyya. So tassa piṭṭhiyaṃ ṭhatvāpi kampamāno gahetuṃ na sakkuṇeyya. Athassa itaro aṃsakūṭaṃ upanāmeyya. So ekassa piṭṭhiyaṃ ṭhatvā ekassa aṃsakūṭaṃ olubbha yathāruci pupphāni ocinitvā piḷandhitvā nakkhattaṃ kīḷeyya. Evaṃsamppadamidaṃ daṭṭhabbaṃ.

Ekato uyyānaṃ pavīṭṭhā tayo sahāyā viya hi ekato jātā sammāvāyāmādayo tayo dhammā, supupphitacampakarukkho viya ārammaṇaṃ, hatthaṃ ukkhipitvāpi gahetuṃ asakkonto viya attano dhammatāya ārammaṇe ekaggabhāvena appetuṃ asakkonto samādhi, piṭṭhiṃ datvā onatasahāyo viya vāyāmo, aṃsakūṭaṃ datvā ṭhitasahāyo viya satī. Yathā tesu ekassa piṭṭhiyaṃ ṭhatvā ekassa aṃsakūṭaṃ olubbha itaro yathāruci pupphaṃ gahetuṃ

sakkoti, evameva vīriye paggahakiccaṃ sādheṇṭe satiyā ca apilāpanakiccaṃ sādheṇṭiyā laddhūpakāro samādhi sakkoti ārammaṇe ekaggabhāvena appetuṃ. Tasmā samādhiyevettha sajjātito samādhikkhandhena saṅgahito. Vāyāmasatiyo pana kiriyato saṅgahitā honti.

Sammādiṭṭhisammāsāṅkappesupi paññā attano dhammatāya ‘aniccaṃ dukkhaṃ anattā’ ti ārammaṇaṃ nicchetuṃ na sakkoti, vitakke pana ākoṭetvā ākoṭetvā dente sakkoti. Kathaṃ? Yathā hi heraññiko kahāpaṇaṃ hatthe ṭhapetvā sabbabhāgesu oloketukāmo samānopi na cakkhūtaleneva parivattetuṃ sakkoti, aṅgulipabbehi pana parivattetvā parivattetvā ito cito ca oloketuṃ sakkoti; evameva na paññā attano dhammatāya aniccādivasena ārammaṇaṃ nicchetuṃ sakkoti, abhiniropanalakkaṇeṇa pana āhananapariyāhananarasena vitakkena ākoṭeṇa viya parivattentena viya ca ādāya ādāya dinnameva nicchetuṃ sakkoti. Tasmā idhāpi sammādiṭṭhiyeva sajjātito paññākkhandhena saṅgahitā, sammāsāṅkappo pana kiriyato saṅgahito hoti. Iti imehi tīhi khandhehi maggo saṅgahaṃ gacchati. Tena vuttaṃ – ‘tividho khandhattayabhedato’ ti. Catubbidho sotāpattimaggādivasena.

Apica sabbāneva saccāni ekavidhāni avitathattā abhiññeyyattā vā, duvidhāni lokiyalokuttarato saṅkhatāsankhatato ca, tividhāni dassanabhāvanāhi pahātabbato appahātabbato nevapahātabbanāpahātabbato ca, catubbidhāni pariññeyyādibhedatoti. Evamettha ‘ekavidhādīhi’ vinicchayo veditabbo.

‘**Sabhāgavisabhāgato**’ ti sabbāneva ca saccāni aññaṃaññaṃ sabhāgāni avitathato attasuññato dukkarapaṭivedhato ca. Yathāha –

“Taṃ kiṃ maññasi, ānanda, katamaṃ nu kho dukkarataraṃ vā durabhisambhavataraṃ vā – yo dūratova sukhumena tālacchiggaḷena asanaṃ atipāteyya poṅkhānupoṅkhaṃ avirādhitaṃ, yo vā sattadhā bhinnassa vālassa koṭiyā koṭiṃ paṭivijjheyā’ ti? ‘Etadeva, bhante, dukkaratarañceva durabhisambhavatarañca – yo sattadhā bhinnassa vālassa koṭiyā koṭiṃ paṭivijjheyā’ ti. ‘Tato kho te, ānanda, duppaṭivijjhatarāṃ paṭivijjhanti ye idaṃ dukkhanti yathābhūtaṃ paṭivijjhanti...pe... ayaṃ dukkhanirodhagāminī paṭipadāti yathābhūtaṃ paṭivijjhanti’ ti (saṃ. nī. 5.1115).

Visabhāgāni salakkhaṇavavattānato. Purimāni ca dve sabhāgāni duravagāhatthena gambhīratā lokiyattā sāsavattā ca, visabhāgāni phalhetubhedato pariññeyyappahātabbato ca. Pacchimānīpi dve sabhāgāni gambhīratthena duravagāhattā lokuttarattā anāsavattā ca, visabhāgāni visayavisayābhedato sacchikātabbabhāvetabbato ca. Paṭhamatatiyāni cāpi sabhāgāni phalāpadesato, visabhāgāni saṅkhatāsankhatato. Dutiyacatutthāni cāpi sabhāgāni hetuapadesato, visabhāgāni ekantakusalākusalato. Paṭhamacatutthāni cāpi sabhāgāni saṅkhatato, visabhāgāni lokiyalokuttarato. Dutiyatatiyāni cāpi sabhāgāni nevasekkhānāsekkhabhāvato, visabhāgāni sārammaṇānārammaṇato.

Iti evaṃ pakārehi, nāyehi ca vicakkhaṇo;  
Vijaññā ariyasaccānaṃ, sabhāgavisabhāgatanti.

Suttantabhājanīyauddesavaṇṇanā niṭṭhitā.

## 1. Dukkhasaccaniddesavaṇṇanā

### Jātiniddeso

**190.** Idāni saṅkhepato uddiṭṭhāni dukkhādīni vibhajitvā dassetuṃ ayaṃ **tattha katamaṃ dukkhaṃ ariyasaccaṃ jātipi dukkhāti** niddesavāro āradhho. Tattha jāti veditabbā, jātiyā dukkhaṭṭho veditabbo; jarā, maraṇaṃ, soko, paridevo, dukkhaṃ, domanassaṃ, upāyāso, appiyasampayogo, piyavippayogo veditabbo; appiyasampayogassa piyavippayogassa dukkhaṭṭho veditabbo; icchā veditabbā, icchāya dukkhaṭṭho veditabbo; khandhā veditabbā, khandhānaṃ dukkhaṭṭho veditabbo.

Tattha dukkhassa ariyasaccassa kathanattāya ayaṃ mātikā – idaṃhi dukkhaṃ nāma anekamaṃ nānappakāraṃ, seyyathidaṃ – dukkhadukkhaṃ, vipariṇāmadukkhaṃ, saṅkhāradukkhaṃ, paṭicchannadukkhaṃ, appaṭicchannadukkhaṃ, pariyaḍadukkhaṃ, nippariyaḍadukkhaṃ.

Tattha kāyikacetāsikā dukkhavedanā sabhāvato ca nāmato ca dukkhattā ‘**dukkhadukkhaṃ**’ nāma. Sukhavedanā vipariṇāmena dukkhuppattihetuto ‘**vipariṇāmadukkhaṃ**’ nāma. Upekkhavedanā ceva avasesā ca tebhūmakā saṅkhārā udayabbayapīṭitattā ‘**saṅkhāradukkhaṃ**’ nāma. Tathā piṭanaṃ pana maggaphalānampi atthi. Tasmā ete dhammā dukkhasaccapariyāpannattena saṅkhāradukkhaṃ nāmāti veditabbā. Kaṇhasūladantasūlarāgajapariṭāhadosaḍḍhāni kāyikacetāsiko ābādho pucchitvā jānitabbato upakkamassa ca

apākaṭabhāvato ‘**paṭicchannadukkham**’ nāma, apākaṭadukkhamanti vuccati. Dvattiṃsakammakāraṇādisamuṭṭhāno ābādho apucchitvāva jānitabbato upakkamassa ca pākaṭabhāvato ‘**appaṭicchannadukkham**’ nāma, pākaṭadukkhamanti vuccati. Ṭhapetvā dukkhadukkhamam sesam dukkhasaccavibhaṅge āgataṃ jātiādi sabbampi tassa tassa dukkhassa vatthubhāvato ‘**pariyāyadukkham**’ nāma. Dukkhadukkhamam ‘**nipariyāyadukkham**’ nāma.

Tattha pariyāyadukkhamam nipariyāyadukkhamanti imasmim padadvaye ṭhatvā dukkham ariyasaccam kathetabbam. Ariyasacca nāmetam pāliyam saṅkhepatopi āgacchati vitthāratopi. Saṅkhepato āgataṭṭhāne saṅkhepenapi vitthārenapi kathetum vaṭṭati. Vitthārato āgataṭṭhāne pana vitthāreneva kathetum vaṭṭati, na saṅkhepena. Tam idam imasmim ṭhāne vitthārena āgataṃ vitthāreneva kathetabbam. Tasmā yaṃ tam niddesavāre “tattha katamaṃ dukkham ariyasaccam? Jātipi dukkhā” tiādīni padāni gahetvā “jāti veditabbā, jātiyā dukkhaṭṭho veditabbo” tiādi vuttam. Tattha jātiādīni tāva “tattha katamā jāti? Yā tesam tesam sattānam tamhi tamhi sattanikāye jāti sañjātī” ti imassa pana padabhājanīyassa vasena veditabbāni.

**191.** Tatrāyam atthavaṇṇanā – **tesam tesam sattānanti** ayam saṅkhepato anekesam sattānam sādharmaṇaniddeso. Yā devadattassa jāti, yā somadattassa jāti evaṇhi divasampi kathiyamāne neva sattā pariyādānam gacchanti, na sabbam aparatthadīpanam sījjhati. Imehi pana dvīhi padehi na koci satto ariyādīno hoti, na kiñci aparatthadīpanam na sījjhati. Tena vuttam – “yā tesam tesam sattāna” nti. **Tamhi tamhīti** ayam jātigativasena anekesam sattanikāyānam sādharmaṇaniddeso. **Sattanikāyeti** sattānam nikāye, sattaghaṭṭayam sattsamūheti attho.

**Jāti**ti ayam jātisaddo anekattho. Tathā hesa “ekampi jātim, dvepi jātiyo” ti (pārā. 12; ma. ni. 2.257) ettha bhava āgato. “Atthi visāke, nigaṇṭhā nāma samaṇajātikā” ti (a. ni. 3.71) ettha nikāye. “Tiriyā nāma tiṇajāti nābhīyā uggantvā nabham āhacca ṭhitā ahoṣī” ti (a. ni. 5.196) ettha paññattiyam. “Jāti dvīhi khandhehi saṅgahitā” ti (dhātu. 71) ettha saṅkhatalakkhaṇe. “Yaṃ, bhikkhave, mātukucchimhi paṭhamam cittam uppannam, paṭhamam viññānam pātubhūtam, tadupādāya sāvassa jāti” ti (mahāva. 124) ettha paṭisandhiyam. “Sampatiṭṭhāto, ānanda, bodhisatto” ti (ma. ni. 3.207) ettha pasūtiyam. “Anupakkuṭṭho jātivādenā” ti (dī. ni. 1.331) ettha kule. “Yatoham, bhagini, ariyāya jātiyā jāto” ti (ma. ni. 2.351) ettha ariyasīle. Idha paṇāyam savikāresu paṭhamābhiniṅgattakhandhesu vattati. Tasmā jāyamānakavasena jātiṭi idamettha sabhāvapaccattam. Sañjāyanavasena **sañjāti**ti upasaggena padam vaḍḍhitam. Okkamanavasena **okkanti**. Jāyanaṭṭhena vā **jāti**, sā aparipuṇṇāyatanavasena yuttā. Sañjāyanaṭṭhena **sañjāti**, sā paripuṇṇāyatanavasena yuttā. Okkamaṇṭṭhena **okkanti**, sā aṇḍajalābujavasena yuttā. Te hi aṇḍakosaṇḍa vatthikosaṇḍa okkamanti, okkamantāpi pavasantā viya paṭisandhim gaṇhanti. Abhinibbattaṇṭṭhena **abhinibbatti**. Sā saṃsedajaopapātikavasena yuttā. Te hi pākaṭā eva hutvā nibbattanti. Ayam tāva sammutikathā.

Idāni paramatthakathā hoti. Khandhā eva hi paramatthato pātubhavanti, na sattā. Tattha ca **khandhānanti** ekavokārabhave ekassa, catuvokārabhave catunnam, pañcavokārabhave pañcannam gahaṇam veditabbam. **Pātubhāvoti** uppatti. **Āyatanānanti** ettha tatra tatra uppajjamānāyatanavasena saṅgaho veditabbo. **Paṭilābhoti** santatiyam pātubhāvoyeva; pātubhavantāneva hi tāni paṭiladdhāni nāma honti. **AYAM VUCCATI JĀTĪTI** ayam jāti nāma kathiyati. Sā panesā tattha tattha bhava paṭhamābhiniṅgattalakkhaṇā, nīyyātanarasā, atītabhavato idha ummujjanapaccupaṭṭhānā, phalavasena dukkhavacittatāpaccupaṭṭhānā vā.

Idāni ‘**jātiyā dukkhaṭṭho veditabbo**’ ti ayañhi jāti sayam na dukkhā, dukkhuppattiyā pana vatthubhāvena dukkhāti vuttā. Kataradukkhasa paṇāyam vatthūti? Yaṃ tam bālapanḍitasuttādīsu (ma. ni. 3.246 ādayo) bhagavatāpi upamāvasena pakāsitaṃ āpāyikaṃ dukkham, yañca sugatiyam manussaloke gabbhokkantimūlakādibhedam dukkham uppajjati, tassa sabbassāpi eṣā vatthu. Tatrīdam gabbhokkantimūlakādibhedam dukkham – ayañhi satto mātukucchimhi nibbattamāno na uppalapadumapuṇḍarīkādīsu nibbattati. Atha kho heṭṭhā āmāsayassa upari pakkāsayassa udarapaṭalapiṭṭhikaṇḍakānam vemajje paramasambādhe tibbandhakāre nānakuṇapagandhaparibhāvite asuciparamaduggandhapavanavacirite adhimattajegucche kucchippadese pūtimacchapūtikummāsacandanīkādīsu kimi viya nibbattati. So tattha nibbato dasa māse mātukucchisambhavana usmanā puṭapākam viya paccamāno piṭṭhapiṇḍi viya sediyamāno samīṇjanapasāraṇādirahito adhimattam dukkham paccanubhotīti. Idam tāva ‘**gabbhokkantimūlakam**’ dukkham.

Yaṃ pana so mātu sahasā upakkhalanagamananīdanauṭṭhānaparivattanādīsu surādhattahatthagato eḷako viya ahiguṇṭhikahatthagato sappapotako viya ca ākaḍḍhanaparikaḍḍhanaodhunanāniddhunanādinā upakkamena adhimattam dukkhamanubhavati, yañca mātu sītudakapānakāle sītanarakūpapanno viya, uṇhayāgubhattādiajjhoharaṇakāle aṅgāravuṭṭhisampariṇṇo viya, loṇambilādīajjhoharaṇakāle khārāpaṭicchakādīkammakāraṇappatto viya tibbam dukkhamanubhoti – idam ‘**gabbhapariharaṇamūlakam**’ dukkham.

Yaṃ panassa mūlhagabbhāya mātuyā mittāmaccasuhajjādīhipi adassanārahe dukkhuppattīṭṭhāne

chedanaphālanādīhi dukkhaṃ uppajjati – idaṃ ‘**gabbhavipattimūlakam**’ dukkhaṃ. Yaṃ vijāyamānāya mātuyā kammajehi vātehi parivattetvā narakapapātaṃ viya atibhayānakaṃ yonimaggam paṭipātiyamānassa paramasambādhena yonimukhena tālacchiggaḷena viya nikkadḍhiyamānassa mahānāgassa narakasattassa viya ca saṅghāṭapabbatehi vicuṇṇiyamānassa dukkhaṃ uppajjati – idaṃ ‘**vijāyanamūlakam**’ dukkhaṃ. Yaṃ pana jātassa taruṇavaṇasadisassa sukumārasarīrassa hatthaggaḥaṇanāpanadhovanacoḷaparimajjanādīkāle sūcimukhakhuradhāravijjanaphālanasadisam dukkhaṃ uppajjati – idaṃ mātukucchito ‘**bahi nikkhamanamūlakam**’ dukkhaṃ. Yaṃ tato param pavattiyam attanāva attānaṃ vadhantassa, acelakavatādivasena ātāpanaparitāpanānuयोगamanuyuttassa, kodhavasena abhuñjantassa, ubbandhantassa ca dukkhaṃ hoti – idaṃ ‘**attūpakkamamūlakam**’ dukkhaṃ.

Yaṃ pana parato vadhabandhanādīni anubhavantassa dukkhaṃ uppajjati – idaṃ ‘**parūpakkamamūlakam**’ dukkhanti. Iti imassa sabbassāpi dukkhassa ayam jāti vatthumeva hoffī. Tenetaṃ vuccati –

Jāyetha no ce narakesu satto,  
Tatthaggidāhādīkamappasayham;  
Labhetha dukkhaṃ nu kuhiṃ patiṭṭham,  
Iccāha dukkhāti munīdha jāti.

Dukkhaṃ tiracchesu kasāpatoda-  
Daṇḍābhighātādībhavaṃ anekam;  
Yaṃ taṃ kathaṃ tattha bhavēyya jātiṃ,  
Vinā taṃ jāti tatopi dukkhā.

Petesu dukkhaṃ pana khuppipāsā-  
Vātātapādīppabhavaṃ vicittam;  
Yasmā ajātassa na tattha atthi,  
Tasmāpi dukkhaṃ muni jātimāha.

Tibbandhakāre ca asayhasīte,  
Lokantare yaṃ asuresu dukkhaṃ;  
Na taṃ bhavē tattha na cassa jāti,  
Yato ayam jāti tatopi dukkhā.

Yañcāpi gūthanarake viya mātugabbhe,  
Satto vasaṃ ciramato bahi nikkhamanañca;  
Pappoti dukkhamatighoramidampi natthi,  
Jātiṃ vinā itipi jātirayañhi dukkhā.

Kiṃ bhāsītena bahunā nanu yaṃ kuhiñci,  
Atthīdha kiñcidapi dukkhamidaṃ kadāci;  
Nevatthi jātivirahe yadato mahesī,  
Dukkhatī sabbapaṭhamam imamāha jātinti.

### Jarāniddeso

**192. Jarāniddese jarāti sabhāvapaccattam. Jīraṇatāti ākāraniddeso. Khaṇḍiccantiādayo tayo kālātikame kiccaniddesā. Pacchimā dve pakatiniddesā. Ayañhi jarāti iminā padena sabhāvato dīpitā, tenassā idaṃ sabhāvapaccattam. Jīraṇatāti iminā ākārato, tenassāyam ākāraniddeso. Khaṇḍiccanti iminā kālātikame dantanakhānam khaṇḍitabhāvakaraṇakiccato. Pāliccanti iminā kesalomānam palitabhāvakaraṇakiccato. Valittacatāti iminā maṃsam milāpetvā tace valittabhāvakaraṇakiccato dīpitā. Tenassā ime khaṇḍiccanti ādayo tayo kālātikame kiccaniddesā. Tehi imesam vikāraṇam dassanavasena pākaṭībhūtāti pākaṭajarā dassitā. Yatheva hi udakassa vā vātassa vā aggino vā tiṇarukkhādīnam saṃsaggapalibhaggatāya vā jhāmatāya vā gatamaggo pākaṭo hoti, na ca so gatamaggo tāneva udakādīni, evameva jarāya jarāya dantādīsū khaṇḍiccādivasena gatamaggo pākaṭo, cakkhuṃ ummīletvāpi gayhati. Na ca khaṇḍiccādīneva jarā; na hi jarā cakkhuviññeyyā hoti.**

**Āyuno saṃhāni indriyānam paripākoti** imehi pana padehi kālātikameyeva abhibyattāya āyukkhayacakkhādīndriyaparipākasaṅkhātāya pakatiyā dīpitā. Tenassime pacchimā dve pakatiniddesāti vedītabbā. Tattha yasmā jaram pattassa āyu hāyati tasmā jarā “āyuno saṃhāni”ti phalūpacārena vuttā. Yasmā daharakāle

suppasannāni sukhumampi attano visayaṃ sukheneva gaṇhanasamatthāni cakkhādāni indriyāni jaraṃ pattassa paripakkāni āluḷitāni avisadāni oḷārikampi attano visayaṃ gahetuṃ asamatthāni honti, tasmā “indriyānaṃ paripāko”ti phalūpacārenea vuttā.

Sā panesā evaṃ niddiṭṭhā sabbāpi jarā pākaṭā paṭicchannāti duvidhā hoti. Tattha dantādīsu khaṇḍādibhāvadassanato rūpadhammesu jarā ‘**pākaṭajarā**’ nāma. Arūpadhammesu pana jarā tādisassa vikārasa adassanato ‘**paṭicchannajarā**’ nāma. Tattha yvāyaṃ khaṇḍādibhāvo dissati, so tādisānaṃ dantādīnaṃ suviññeyyattā vaṇṇoyeva. Taṃ cakkhunā disvā manodvārena cintetvā “ime dantā jarāya pahaṭā”ti jaraṃ jānāti, udakaṭṭhāne baddhāni gosīṅgādāni oloketvā heṭṭhā udakassa atthibhāvaṃ jānanaṃ viya. Puna avīci savīcīti evampi ayaṃ jarā duvidhā hoti. Tattha maṇikanakarajatapavāḷacandasūriyādīnaṃ mandadasakādīsu pāṇīnaṃ viya ca pupphaphalavādīsu apāṇīnaṃ viya ca antarantarā vaṇṇavisesādīnaṃ dubbhiññeyyattā jarā ‘**avīcijarā**’ nāma, nirantarajarāti attho. Tato aññesu pana yathāvuttesu antarantarā vaṇṇavisesādīnaṃ suviññeyyattā jarā ‘**savīcijarā**’ nāma.

Tattha savīcijarā upādinnānupādinnakavasena evaṃ dīpetabbā – daharakumārakānañhi paṭhamameva khīradantā nāma uṭṭhahanti, na te thirā. Tesu pana patitesu puna dantā uṭṭhahanti. Te paṭhamameva setā honti, jarāvātena pana pahaṭakāle kālakā honti. Kesā pana paṭhamameva tambāpi honti kālakāpi setāpi. Chavi pana salohitkā hoti. Vaḍḍhantānaṃ vaḍḍhantānaṃ odātānaṃ odātabhāvo, kālakānaṃ kālakabhāvo paññāyati, jarāvātena pana pahaṭakāle vaḷiṃ gaṇhāti. Sabbampi sassam vapitakāle setaṃ hoti, pacchā nīlaṃ, jarāvātena pana pahaṭakāle paṇḍukaṃ hoti. Ambaṅkurenāpi dīpetuṃ vaṭṭati eva. **Ayaṃ vuccati jarāti** ayaṃ jarā nāma kathiyati. Sā panesā khandhāparipākalakkhaṇā, maraṇūpanayanarasā, yobbanavināsapaccupaṭṭhānā.

‘**Jarāya dukkhaṭṭho veditabbo**’ti ettha pana ayampi sayam na dukkhā, dukkhassa pana vatthubhāvena dukkhāti vuttā. Katarassa dukkhassa? Kāyadukkhassa ceva domanassadukkhassa ca. Jiṇṇassa hi attabhāvo jarasakaṭaṃ viya dubbalo hoti, ṭhātuṃ vā gantuṃ vā nisīdituṃ vā vāyamantassa balavaṃ kāyadukkhāṃ uppajjati; puttadāre yathāpure asallakkhente domanassaṃ uppajjati. Iti imesaṃ dvinnampi dukkhānaṃ vatthubhāvena dukkhāti veditabbā. Apica –

Āṅgānaṃ sithilabhāvā, indriyānaṃ vikārato;  
Yobbanassa vināsena, balassa upaghātato.

Vippavāsā satādīnaṃ, puttadārehi attano;  
Apasādaniyato ceva, bhīyyo bālappattiyā.

Pappoti dukkhāṃ yaṃ macco, kāyikaṃ mānaṃ tathā;  
Sabbametaṃ jarāhetu, yasmā tasmā jarā dukhāti.

### Marāṇaniddeso

**193. Marāṇaniddese** cavanakavasena **cuti**; ekacatuṇṇakhandhāya cutiyā sāmaññavacanamaṃ. **Cavanatāti** bhāvavacanena lakkhaṇanidassanaṃ. **Bhedoti** cutikhandhānaṃ bhaṅguppattiparidīpanaṃ. **Antaradhānanti** ghaṭassa viya bhinnassa bhinnānaṃ cutikhandhānaṃ yena kenaci pariyāyena ṭhānābhāvaparidīpanaṃ. **Maccu marāṇanti** maccusānkhatāṃ marāṇaṃ. Kālo nāma antako, tassa kiriyā **kālakiriyā**. Ettāvātā sammutiyā marāṇaṃ dīpitaṃ hoti.

Idāni paramatthena dīpetuṃ **khandhānaṃ bhedoti**ādīmāha. Paramatthena hi khandhāyeva bhijjanti, na satto nāma koci marati. Khandhesu pana bhijjamānesu satto marati bhinnesu matoti vohāro hoti. Ettha ca catuṇṇakavokāravasena khandhānaṃ bhedo, ekavokāravasena kaḷavarassa nikkhepo; catuṇṇakavokāravasena vā khandhānaṃ bhedo, sesadvayavasena kaḷavarassa nikkhepo veditabbo. Kasmā? Bhavadvayepi rūpakāyasānkhatassa kaḷavarassa sambhavato. Yasmā vā cātumahārājikādīsu khandhā bhijjanteva, na kiñci nikkhipati, tasmā tesam vasena khandhānaṃ bhedo. Manussādīsu kaḷavarassa nikkhepo. Ettha ca kaḷavarassa nikkhepakaraṇato marāṇaṃ “kaḷavarassa nikkhepo”ti vuttaṃ.

**Jīvitindriyassa upacchedoti** iminā indriyabaddhasseva marāṇaṃ nāma hoti, anindriyabaddhassa marāṇaṃ nāma natthīti dasseti. ‘Sassaṃ mataṃ, rukkho mato’ti idaṃ pana vohāramattameva. Atthato pana evarūpāni vacanāni sassādīnaṃ khayavayabhāvameva dīpentī. **Idaṃ vuccati marāṇanti** idaṃ sabbampi marāṇaṃ nāma kathiyati.

Apicettha khaṇikamarāṇaṃ, sammutimaraṇaṃ, samucchedamarāṇanti ayampi bhedo veditabbo. Tattha ‘**khaṇikamarāṇaṃ**’ nāma pavatte rūpārūpadhammānaṃ bhedo. ‘Tisso mato, phusso mato’ti idaṃ ‘**sammutimaraṇaṃ**’ nāma. Khīṇāsavassa appaṭisandhikā kālakiriyā ‘**samucchedamarāṇaṃ**’ nāma. Imasmiṃ

panatthe sammutimaraṇaṃ adhippetam. Jātikkhayamaraṇaṃ, upakkamamaraṇaṃ, sarasamaraṇaṃ, āyukkhayamaraṇaṃ, puññakkhayamaraṇantipi tasseva nāmaṃ. Tayidaṃ cutilakkhaṇaṃ, viyogarasam, vipāvāsapaccupaṭṭhānaṃ.

‘**Maraṇassa dukkhaṭṭho veditabbo**’ti ettha pana idampi sayam na dukkhaṃ, dukkhassa pana vatthubhāvena dukkhanti vuttaṃ. Maraṇantikāpi hi sārīrikā vedanā, paṭivāte gahitā ādittatiṇukkā viya, sarīraṃ nidahanti. Narakanimittādīnaṃ upaṭṭhānakāle balavadomanassaṃ uppajjati. Iti imesaṃ dvinnampi dukkhānaṃ vatthubhāvena dukkhanti veditabbaṃ. Api ca –

Pāpassa pāpakammādi, nimittamanupassato;  
Bhaddassāpasahantassa, viyogaṃ piyavattukam.

Mīyamānassa yaṃ dukkhaṃ, mānasaṃ avisesato;  
Sabbesañcāpi yaṃ sandhi-bandhanacchedanādikaṃ.

Vitujjamānamammānaṃ, hoti dukkhaṃ sarīrajaṃ;  
Asayhamappaṭikāraṃ, dukkhassetassidaṃ yato;  
Maraṇaṃ vatthu tenetaṃ, dukkhamicceva bhāsītanti.

Apica imāni jātijarāmaraṇāni nāma imesaṃ sattānaṃ vadhakapaccāmittā viya otāraṃ gavesantāni vicaranti. Yathā hi purisassa tīsu paccāmittesu otārāpekkhesu vicarantesu eko vadeyya – “ahaṃ asukaaraññassa nāma vaṇṇaṃ kathetvā etaṃ ādāya tattha gamissāmi, ettha mayhaṃ dukkaraṃ natthī”ti. Dutiyō vadeyya “ahaṃ tava etaṃ gahetvā gatakāle pothetvā dubbalaṃ karissāmi, ettha mayhaṃ dukkaraṃ natthī”ti. Tatiyō vadeyya – “tayā etasmiṃ pothetvā dubbale kate tiṇhena asinā sīsacchedanaṃ nāma mayhaṃ bhāro hotū”ti. Te evaṃ vatvā tathā kareyyuṃ.

Tattha paṭhamapaccāmittassa araññassa vaṇṇaṃ kathetvā taṃ ādāya tattha gatakālo viya suhajjañātimaṇḍalato nikkadḍhitvā yattha katthaci nibbattāpanaṃ nāma jātiyā kiccaṃ. Dutiyassa pothetvā dubbalakaraṇaṃ viya nibbattakkhandhesu nipatitvā parādhiṇamañcaparāyaṇabhāvakaraṇaṃ jarāya kiccaṃ. Tatiyassa tiṇhena asinā sīsacchedanaṃ viya jīvitakkhayapāpanaṃ maraṇassa kiccanti veditabbaṃ.

Apicettha jātidukkhaṃ sādīnavamahākantārappaveso viya daṭṭhabbaṃ. Jarādukkhaṃ tattha annapānarahitassa dubbalyaṃ viya daṭṭhabbaṃ. Maraṇadukkhaṃ dubbalassa iriyāpathapavattane vihataparakkamassa vāḷādīhi anayabyasanāpādanaṃ viya daṭṭhabbanti.

### Sokaniddeso

**194. Sokaniddese** byasatīti byasanaṃ; hitasukhaṃ khipati viddhamsetīti attho. Ñātīnaṃ byasanaṃ ñātibyasanaṃ; corarogabhayādīhi ñātikkhaya ñātivināsoti attho. Tena **ñātibyasanena phuṭṭhassāti** ajjhotthaṭṭassa abhibhūṭṭassa samannāgatassāti attho. Sesesupi eseva nayo. Ayaṃ pana viseso – bhogānaṃ byasanaṃ **bhogabyasanaṃ**; rājacorādivasena bhogakkhaya bhogavināsoti attho. Rogoyeva byasanaṃ **rogabyasanaṃ**; rogo hi ārogyaṃ byasati vināsetīti byasanaṃ. Sīlassa byasanaṃ **sīlabyasanaṃ**; dussīlyassetam nāmaṃ. Sammādiṭṭhiṃ vināsayamānā uppannā diṭṭhiyeva byasanaṃ **diṭṭhibyasanaṃ**. Ettha ca purimāni dve anipphannāni, pacchimāni tiṇi nipphannāni tilakkhaṇabbhāhatāni. Purimāni ca tiṇi neva kusalāni na akusalāni. Sīladiṭṭhibyasanadvayaṃ akusalaṃ.

**Aññataraññatarenāti** gahitesu vā yena kenaci aggahitesu vā mittāmaccabyasanaṇādisu yena kenaci. **Samannāgatassāti** samanubandhassa aparimuccamānassa. **Aññataraññatarena dukkhadhammenāti** yena kenaci sokadukkhassa uppattihetunā. **Sokoti** socanakavasena soko; idaṃ tehi kāraṇehi upajjanakasokassa sabhāvapaccattaṃ. **Socanāti** socanākaro. **Socitattanti** socitabhāvo. **Antosokoti** abbhantare soko. Dutiyapadaṃ upasaggavasena vaḍḍhitaṃ. So hi abbhantare sukkhāpento viya parisukkhāpento viya uppajjatīti “antosoko antoparisoko”ti vuccati.

**Cetaso pariijjhāyanāti** cittassa jhāyanākāro. Soko hi uppajjamāno aggi viya cittaṃ jhāpeti paridahati, “cittaṃ me jhāmaṃ, na me kiñci paṭibhātī”ti vadāpeti. Dukkhitō mano dummano, tassa bhāvo **domanassaṃ**. Anupaviṭṭhaṭṭhena sokova sallanti **sokasallaṃ**. **Ayaṃ vuccati sokoti** ayaṃ soko nāma kathiyati. So panāyaṃ kiñcāpi atthato domanassavedanāva hoti, evaṃ santepi antonijjhānalakkhaṇo, cetaso pariniijjhāyanaraso, anusocanapaccupaṭṭhāno.

‘**Sokassa dukkhaṭṭho veditabbo**’ti ettha pana ayaṃ sabhāvadukkhattā ceva dukkhassa ca vatthubhāvena dukkhoti vutto. Kataradukkhassāti? Kāyikadukkhassa ceva javanakkhaṇe ca domanassadukkhassa. Sokavegena hi hadaye mahāgaṇḍo utṭhahitvā paripaccitvā bhijjati, mukhato vā kāljalohitaṃ nikkhamati, balavaṃ kāyadukkhā

uppajjati. ‘Ettakā me nātayo khayam gatā, ettakā me bhogā’ ti cintentassa ca balavaṃ domanassaṃ uppajjati. Iti imesaṃ dvinnam dukkhānaṃ vatthubhāvenapesa dukkhoti veditabbo. Apica –

Sattānaṃ hadayaṃ soko, sallaṃ viya vitujjati;  
Aggitattova nārāco, bhusañca dahate puna.

Samāvahati ca byādhi-jarāmarañabhedanaṃ;  
Dukkhampi vividhaṃ yasmā, tasmā dukkhoti vuccatīti.

### Paridevaniddeso

**195. Paridevaniddese** ‘mayhaṃ dhītā, mayhaṃ putto’ ti evaṃ ādissa ādissa devanti rodanti etenāti **ādevo**. Taṃ taṃ vaṇṇaṃ parikittetvā parikittetvā devanti etenāti **paridevo**. Tato parāni dve dve padāni purimadvayasseva ākārahāvaniddesavasena vuttāni. **Vācāti** vacanaṃ. **Palāpoti** tucchaṃ niratthakavacanaṃ. Upaḍḍhabhaṇītaaññabhaṇītādivasena virūpo palāpo **vippalāpo**. **Lālappoti** punappaṇaṃ lapaṇaṃ. Lālappaṇākāro **lālappanā**. Lālappitassa bhāvo **lālappitattaṃ**. **Ayaṃ vuccati paridevoti** ayaṃ paridevo nāma kathiyati. So lālappanalakkaṇo, guṇadosaparikkittanaraso, sambhamapaccupaṭṭhāno.

‘**Paridevassa dukkhaṭṭho veditabbo**’ ti ettha pana ayampi sayaṃ na dukkho, kāyadukkhadomanassadukkhānaṃ pana vatthubhāvena dukkhoti vutto. Paridevanto hi attano khandhaṃ muṭṭhī potheti, ubho hi hatthehi uraṃ paharati piṃsati, sīsena bhittiyā saddhiṃ yujjhati. Tenassa balavaṃ kāyadukkhāṃ uppajjati. ‘Ettakā me nātayo khayam vayaṃ abbatthaṃ gatā’ tiādīni cinteti. Tenassa balavaṃ domanassaṃ uppajjati. Iti imesaṃ dvinnampi dukkhānaṃ vatthubhāvena dukkhoti veditabbo. Apica –

Yaṃ sokasallavihato paridevamāno,  
Kaṇṭhoṭṭhatālulalaso sajamappasayaṃ;  
Bhiyyodhimattamadhigacchatiyeva dukkhaṃ,  
Dukkhoti tena bhagavā paridevamāhāti.

### Dukkhadomanassaniddeso

**196-7. Dukkhadomanassaniddesā** heṭṭhā dhammasaṅgahaṭṭhakathāyaṃ vaṇṇitattā pākaṭā eva. Lakkhaṇādīni pana tesam tattha vuttāneva.

‘Dukkhasa dukkhaṭṭho veditabbo, domanassassa dukkhaṭṭho veditabbo’ ti ettha pana ubhayampetaṃ sayañca dukkhattā kāyikacetasikadukkhānañca vatthubhāvena dukkhanti vuttaṃ. Hatthapādānañhi kaṇṇanāsikānañca chedanadukkhena dukkhitassa, anāthasālāyaṃ ucchiṭṭhakapālaṃ purato katvā nīpannassa, vaṇamukhehi puḷuvakesu nikkhamantesu balavaṃ kāyadukkhāṃ uppajjati; nānāraṅgarattavattamanuññālaṅkāraṃ nakkhattaṃ kīḷantaṃ mahājānaṃ disvā balavadomanassaṃ uppajjati. Evaṃ tāva dukkhasa dvinnampi dukkhānaṃ vatthubhāvo veditabbo. Apica –

Pīḷeti kāyikamidaṃ, dukkhaṃ dukkhañca mānasaṃ bhiyyo;  
Janayati yasmā tasmā, dukkhanti viśesato vuttanti.

Cetodukkhasamappitā pana kese pakiriya urāni patipisenti, āvaṭṭanti, vivaṭṭanti, chinnapapātaṃ papatanti, satthaṃ āharanti, viśaṃ khādanti, rajjuyā ubbandhanti, aggiṃ pavisanti. Taṃ taṃ viparītaṃ vatthum tathā tathā vippaṭṭisarīno pariḍayhamānacittā cintenti. Evaṃ domanassassa ubhinnampi dukkhānaṃ vatthubhāvo veditabbo. Apica –

Pīḷeti yato cittaṃ, kāyassa ca pīḷanaṃ samāvahati;  
Dukkhampi domanassampi, domanassaṃ tato ahūti.

### Upāyāsaniddeso

**198. Upāyāsaniddese** āyāsaṇṭṭhena **āyāso**; saṃsīdanavisīdanākārapavattassa cittakilamathasetaṃ nāmaṃ. Balavaṃ āyāso **upāyāso**. Āyāsītabhāvo **āyāsītattaṃ**. Upāyāsītabhāvo **upāyāsītattaṃ**. **Ayaṃ vuccati upāyāsoti** ayaṃ upāyāso nāma kathiyati. So panesa byāsattilakkaṇo, nīthunanaraso, viśādapaccupaṭṭhāno.



‘**Upāyāsassa dukkhaṭṭho veditabbo**’ti ettha pana ayampi sayam na dukkho, ubhinnampi dukkhānaṃ vatthubhāvena dukkhoti vutto. Kupitena hi raññā issariyaṃ acchindivā hataputtabhātikānaṃ ānattavadhānaṃ bhayena aṭaviṃ pavisitvā nilīnānaṃ mahāvisādappattānaṃ dukkhaṭṭhānena dukkhaseyyāya dukkhanisajjāya balavaṃ kāyadukkhaṃ uppajjati. ‘Ettakā no ñātakā, ettakā bhogā naṭṭhā’ti cintentānaṃ balavadomanassaṃ uppajjati. Iti imesaṃ dvinnampi dukkhānaṃ vatthubhāvena dukkhoti veditabboti. Apica –

Cittassa paridahanā, kāyassa visādanā ca adhimattaṃ;  
Yaṃ dukkhamupāyāso, janeti dukkho tato vutto.

Ettha ca mandagginā antobhājaneyeva telādīnaṃ pāko viya soko. Tikkhagginā paccamānassa bhājanato bahinikkhamaṃ viya paridevo. Bahinikkhantāvasesassa nikkhamitumpi appahontassa antobhājaneyeva yāva parikkhayā pāko viya upāyāso daṭṭhabbo.

### Appiyasampayoganiddeso

**199. Appiyasampayoganiddese yassāti** ye assa. **Aniṭṭhāti** apariyesitā. Pariyesitā vā honu apariyesitā vā, nāmamevetaṃ amanāpārammaṇānaṃ. Manasmiṃ na kamanti, na pavisantīti **akantā**. Manasmiṃ na appiyanti, na vā manaṃ vaḍḍhentīti **amanāpā**. **Rūpāti**ādi tesam sabhāvanidassanaṃ. Anattaṃ kāmenti icchantīti **anattakāmā**. Ahitaṃ kāmenti icchantīti **ahitakāmā**. Aphāsukaṃ dukkhavihāraṃ kāmenti icchantīti **aphāsukakāmā**. Catūhi yogehi khemaṃ nibbhayaṃ vivaṭṭaṃ na icchanti, sabhayaṃ vaṭṭameva nesaṃ kāmenti icchantīti **āyogakkhemakāmā**.

Apica saddhādīnaṃ vuddhisāṅkhātassa atthassa akāmanato tesameva hānisāṅkhātassa anattassa ca kāmanato **anattakāmā**. Saddhādīnaṃyeva upāyabhūtassa hitassa akāmanato saddhāhāniādīnaṃ upāyabhūtassa ahitassa ca kāmanato **ahitakāmā**. Phāsukavihārassa akāmanato aphāsukavihārassa ca kāmanato **aphāsukakāmā**. Yassa kassaci nibbhayassa akāmanato bhayassa ca kāmanato **āyogakkhemakāmā**ti evampettha attho daṭṭhabbo.

**Saṅgatīti** gantvā saṃyogo. **Samāgamoti** āgatehi saṃyogo. **Samodhānanti** ṭhānanisajjādīsu sahabhāvo. **Missībhāvoti** sabbakiccānaṃ sahakaraṇaṃ. Ayaṃ sattavasena yojanā. Saṅkhāravasena pana yaṃ labbhati taṃ gahetabbaṃ. **Ayaṃ vuccatīti** ayaṃ appiyasampayogo nāma kathiyati. So aniṭṭhasamodhānalakkaṇo, cittaviḥātakaraṇaraso, anattabhāvapaccupaṭṭhāno.

So atthato eko dhammo nāma natthi. Kevalaṃ appiyasampayuttānaṃ duvidhassāpi dukkhassa vatthubhāvato dukkhoti vutto. Aniṭṭhāni hi vatthūni samodhānagatāni vijjhanachedanaphālanādīhi kāyikampi dukkhaṃ uppādentī, ubbegajananato mānasampi. Tenetaṃ vuccati –

Disvāva appiye dukkhaṃ, paṭhamaṃ hoti cetasi;  
Tadupakkamasambhūta-matha kāye yato idha.

Tato dukkhadvayassāpi, vatthuto so mahesinā;  
Dukkho vuttoti viññeyyo, appiyehi samāgamoti.

### Piyavippayoganiddeso

**200. Piyavippayoganiddeso** vuttapaṭipakkhanayena veditabbo. **Mātā vāti**ādi panettha atthakāme sarūpena dassetaṃ vuttaṃ. Tattha mamāyatīti **mātā**. Piyāyatīti **pitā**. Bhajatīti **bhātā**. Tathā **bhaginī**. Mettāyantīti mittā, minantīti vā **mittā**; sabbaguyhesu anto pakkhipantīti attho. Kiccakaraṇīyesu sahabhāvaṭṭhena amā honṭīti **amaccā**. Ayaṃ amhākaṃ ajjhattikoti evaṃ jānanti ñāyantīti vā **ñāti**. Lohitena sambandhāti **sālohitā**. Evametāni padāni atthato veditabbāni. **Ayaṃ vuccatīti** ayaṃ piyehi vippayogo nāma kathiyati. So iṭṭhavatthuviyogalakkaṇo, sokuppādanaraso, byasanapaccupaṭṭhāno.

So atthato eko dhammo nāma natthi. Kevalaṃ piyavippayuttānaṃ duvidhassāpi dukkhassa vatthubhāvato dukkhoti vutto. Iṭṭhāni hi vatthūni viyujjamaṇāni sarīrassa sosanamilāpanādībhāvena kāyikampi dukkhaṃ uppādentī, ‘yampi no ahosi, tampi no natthī’ti anusocāpanato mānasampi. Tenetaṃ vuccati –

Ñātidhanādiviyogā, sokasarasamappitā vitujjanti;  
Bālā yato tato yaṃ, dukkhoti mato piyaviyogoti.

## Icchāniddeso

**201. Icchāniddese jātīdhammānanti** jātisabhāvānaṃ jātīpakatikānaṃ. **Icchā uppajjati** taṅhā uppajjati. **Aho vatāti** patthanā. **Na kho panetaṃ icchāya pattabbanti** yaṃ etaṃ “aho vata mayaṃ na jātīdhammā assāma, na ca vata no jātī āgaccheyyā”ti evaṃ pahīnasamudayesu sādhusu vijjāmānaṃ ajātīdhammatṭaṃ, parinibbutesu ca vijjāmānaṃ jātīyā anāgamaṃ icchitaṃ, taṃ icchantassāpi maggabhāvanāya vinā apattabbato anicchantassa ca bhāvanāya pattabbato na icchāya pattabbaṃ nāma hoti. **Idampīti** etaṃpi; upari sesāni upādāya pikāro. **Yampicchanti** yenapi dhammena alabbhaneyyaṃ vatthūṃ icchanto na labhati, taṃ alabbhaneyyavatthuicchanāṃ dukkhanti veditabbaṃ. **Jarādhammānanti**ādīsipi eseva nayo. Evamettha alabbhaneyyavatthūsu icchāva “yampicchaṃ na labhati tampi dukkha”nti vuttā. Sā alabbhaneyyavatthuicchanalakkhaṇā, tappariyesanarasā, tesāṃ appattipaccupaṭṭhānā.

Dvinnāṃ pana dukkhānaṃ vatthubhāvato dukkhāti vuttā. Ekacco hi rājā bhavissatīti sambhāvito hoti. So chinnabhinnagaṇena parivārito pabbatavisamaṃ vā vanagahanaṃ vā pavisati. Atha rājā taṃ pavattīṃ ñatvā balakāyaṃ peseti. So rājapurisehi nihataparivāro sayampi laddhappahāro palāyamāno rukkhantaraṃ vā pāsānantaraṃ vā pavisati. Tasmīṃ samaye mahāmegho uṭṭhahati, tibbandhakārā kālāvaddalikā hoti. Atha naṃ samantato kālākipillikādayo pāṇā parivāretvā gaṇhanti. Tenassa balavakāyadukkhaṃ uppajjati. ‘Maṃ ekaṃ nissāya ettakā ñātī ca bhogā ca vinaṭṭhā’ti cintentassa balavadomanassaṃ uppajjati. Iti ayaṃ icchā imesaṃ dvinnampi dukkhānaṃ vatthubhāvena dukkhāti veditabbā. Apica –

Taṃ taṃ patthayamānānaṃ, tassa tassa alābhato;  
Yaṃ vighātamayaṃ dukkhaṃ, sattānaṃ idha jāyati.

Alabbhaneyyavatthūnaṃ, patthanā tassa kāraṇaṃ;  
Yasmā tasmā jino dukkhaṃ, icchitālābhamabravīti.

## Upādānakkhandhaniddeso

**202. Upādānakkhandhaniddese saṃkhittenti** desanaṃ sandhāya vuttaṃ. Dukkhañhi ettakāni dukkhasatānīti vā ettakāni dukkhasahasatānīti vā ettakāni dukkhasatasahasatānīti vā saṃkhipitūṃ na sakkā, desanā pana sakkā, tasmā “dukkhaṃ nāma aññaṃ kiñci natthi, saṃkhittena pañcupādānakkhandhā dukkhā”ti desanaṃ saṃkhipento evamāha. **Seyyathidanti** nipāto; tassa te katameti ceti attho. **Rūpupādānakkhandhoti**ādīnaṃ attho khandhavibhaṅge vaṇṇitoyeva.

‘**Khandhānaṃ dukkhaṭṭho veditabbo**’ti ettha pana –

Jātipabhutikaṃ dukkhaṃ, yaṃ vuttaṃ idha tādinā;  
Avuttaṃ yañca taṃ sabbāṃ, vinā ete na vijjati.

Yasmā tasmā upādāna-kkhandhā saṅkhepato ime;  
Dukkhāti vuttā dukkhanta-desakena mahesinā.

Tathā hi indhanamiva pāvako, lakkhamiva paharaṇāni, gorūpamiva ḍaṃsamakasādayo, khetamiva lāvakā, gāmaṃ viya gāmaghātakā, upādānakkhandhapañcakameva jātiādayo nānappakārehi bādhamānā, tiṇalatādīni viya bhūmiyaṃ, pupphaphalavādīni viya rukkhesu, upādānakkhandhesuyeva nibbattanti. Upādānakkhandhānañca ādidukkhaṃ jāti, majjhedukkhaṃ jarā, pariyośānadukkhaṃ maraṇaṃ. Māraṇantikadukkhābhigghātena pariḍayhamānadukkhaṃ soko, tadasahanato lāpappanadukkhaṃ paridevo. Tato dhātukkubhosañkhātāniṭṭhaphoṭṭhabbasamāyogato kāyassa ābādhanadukkhaṃ dukkhaṃ. Tena bādhiyamānānaṃ puthujjanānaṃ tattha paṭighuppattito cetobādhanadukkhaṃ domanassaṃ. Sokādivuḍḍhiyā janitavisādānaṃ anutthunanadukkhaṃ upāyāso. Manorathavighātappattānaṃ icchāvighātadukkhaṃ icchitālābhoti evaṃ nānappakārato upaparikkhiyamānā upādānakkhandhāva dukkhāti yadetaṃ ekamekaṃ dassetvā vuccamānaṃ anekehi kappehi na sakkā asesato vattaṃ, taṃ sabbampi dukkhaṃ ekajalabindumhi sakalāsamuddajalarasaṃ viya yesu kesuci pañcasu upādānakkhandhesu saṅkhipitvā dassetuṃ “saṃkhittena pañcupādānakkhandhā dukkhā”ti bhagavā avocāti.

Dukkhasaccaniddesavaṇṇanā niṭṭhitā.

## 2. Samudayasaccaniddesavaṇṇanā

**203. Samudayasaccaniddese yāyaṃ taṅhāti** yā ayaṃ taṅhā. **Ponobbhavikāti** punabbhavakaraṇaṃ punobbhavo,

punobbhavo sīlamassāti ponobbhavikā. Apica punabbhavaṃ deti, punabbhavāya saṃvattati, punappunaṃ bhve nibbatteṭṭi ponobbhavikā. Sā panesā punabbhavassa dāyikāpi atthi adāyikāpi, punabbhavāya saṃvattanikāpi atthi asaṃvattanikāpi, dinnāya paṭisandhiyā upadhivepakkamattāpi. Sā punabbhavaṃ dadamānāpi adadamānāpi, punabbhavāya saṃvattamānāpi asaṃvattamānāpi, dinnāya paṭisandhiyā upadhivepakkamattāpi ponobbhavikā evāti nāmaṃ labhati. Abhinandanasaṅkhātena nandirāgena saḥagatāti **nandirāgasahagatā**, nandirāgena saddhiṃ atthato ekattameva gatāti vuttam hoti. **Tatratatrābhinandinī** yatra yatra attabhāvo tatratatrābhinandinī, rūpādīsu vā ārammaṇesu tatratatrābhinandinī; rūpābhinandinī saddagandarasaḥoṭṭhabbadhammābhinandinīti attho. **Seyyathidanti** nipāto; tassa sā katamāti ceti attho. **Kāmatanḥāti** kāme taṇhā kāmatanḥā; pañcakāmaguṇikarāgassetam adhivacanaṃ. Bhve taṇhā **bhavatanḥā**; bhavapatthanāvasena uppannassa sassatadiṭṭhisahagatassa rūpārūpabhavarāgassa ca jhānanikantiyā cetam adhivacanaṃ. Vibhave taṇhā **vibhavatanḥā**; ucchedadiṭṭhisahagatassa rāgassetam adhivacanaṃ.

Idāni tassā taṇhāya vatthum vitthārato dassetuṃ **sā kho panesāti**ādīmāha. Tattha **uppajjati** jāyati. **Nivisati** punappunaṃ pavattivasena paṭiṭṭhahati. **Yaṃ loke piyarūpaṃ sātārūpanti** yaṃ lokasmiṃ piyasabhāvañceva madhurasabhāvañca. **Cakkhum loketi**ādīsu lokasmiṃhi cakkhādīsu mamattena abhinivīṭṭhā sattā sampattiyam paṭiṭṭhitā attano cakkhum ādāsādīsu nimittaggaḥāṇānusārena vippasannapañcapasādam suvaṇṇavimāne ugghāṭitamaṇisīhapañjaram viya maññanti, sotam rajatapanālikam viya pāmaṅgasuttakam viya ca maññanti, tuṅganāsāti laddhavohāram ghānam vaṭṭetvā ṭhapitaharītālavaṭṭim viya maññanti, jivham rattakambalapaṭalam viya mudusiniddhamadhurarasadam maññanti, kāyam sālalatṭhim viya suvaṇṇatoranam viya ca maññanti, manam aññesam manena asadisam ulāram maññanti, rūpaṃ suvaṇṇakaṇikārapupphādīvaṇṇam viya, saddam mattakaravīkakokilamandadamitamaṇivaṃsanigghosam viya, attanā paṭiladdhāni catusamuṭṭhānikagandhārammaṇādīni ‘kassa aññassa evarūpāni atthi’ ti maññanti. Tesam evam maññamānānam tāni cakkhādīni piyarūpāni ceva honti sātārūpāni ca. Atha nesam tattha anuppannā ceva taṇhā uppajjati, uppannā ca punappunaṃ pavattivasena nivisati. Tasmā bhagavā – ‘‘cakkhum loke piyarūpaṃ sātārūpaṃ. Etthesā taṇhā uppajjamānā uppajjati’’tiādīmāha. Tattha **uppajjamānāti** yadā uppajjati tadā ettha uppajjati attho. Esa nayo sabbatthāpi.

Samudayasaccaniddesavaṇṇanā niṭṭhitā.

### 3. Nirodhasaccaniddesavaṇṇanā

**204. Nirodhasaccaniddese yo tassāyeva taṇhāyāti** ettha ‘yo tasseva dukkhassā’ ti vattabbe yasmā samudayanirodheneva dukkham nirujjhati no aññathā, yathāha –

‘‘Yathāpi mūle anupaddave dalhe,  
Chinnopi rukkho punareva rūhati;  
Evampi taṇhānusaye anūhate,  
Nibbattati dukkhamidaṃ punappuna’’nti. (dha. pa. 338);

Tasmā tam dukkhanirodham dassento samudayanirodhena dassetuṃ evamāha. Sīhasamānavuttino hi tathāgatā. Te dukkham nirodhentā dukkhanirodhañca dassentā hetumhi paṭipajjanti, na phale. Suvānavuttino pana aññatitthiyā. Te dukkham nirodhentā dukkhanirodhañca dassentā attakilamathānuyogena ceva tasseva ca desanāya phale paṭipajjanti, na hetumhīti. Sīhasamānavuttitāya sathā hetumhi paṭipajjanto **yo tassāyevāti**ādīmāha.

Tattha **tassāyevāti** yā sā uppatti nivesavasena heṭṭhā pakāsītā tassāyeva. **Asesavirāganirodhoti**ādīni sabbāni nibbānavevacanāneva. Nibbānañhi āgamma taṇhā asesā virajjati nirujjhati. Tasmā tam ‘‘tassāyeva taṇhāya asesavirāganirodho’’ti vuccati. Nibbānañca āgamma taṇhā cajiyyati, paṇinissajjiyyati, muccati, na alliyati. Tasmā nibbānam ‘‘cāgo paṇinissaggo mutti anālayo’’ti vuccati. Ekameva hi nibbānam. Nāmāni panassa sabbasaṅkhatānam nāmapaṭipakkhavasena anekāni nibbānavevacanāneva hontī, seyathidaṃ – asesavirāganirodho, cāgo, paṇinissaggo, mutti, anālayo, rāgakkhayo, dosakkhayo, mohakkhayo, taṇhākkhayo, anuppādo, appavattam, animittam, appaṇihitam, anāyūhanam, appaṭisandhi, anupapatti, agatī, ajātam, ajaram, abyādhi, amataṃ, asokam, aparidevam, anupāyasaṃ, asaṃkiliṭṭhantiādīni.

Idāni maggena chinnāya nibbānam āgamma appavattipattāyapi ca taṇhāya yesu vatthūsu tassā uppatti dassitā, tattheva abhāvaṃ dassetuṃ **sā kho panesāti**ādīmāha. Tattha yathā puriso khethe jātam tittaalābuvallim disvā aggato paṭṭhāya mūlam pariyesitvā chindeyya, sā anupubbena milāyitvā appavattim gaccheyya. Tato tasmim khethe tittaalābu niruddhā pahīnāti vucceyya. Evameva khethe tittaalābu viya cakkhādīsu taṇhā. Sā ariyamaggena mūlacchinnā nibbānam āgamma appavattim gacchati. Evam gatā pana tesu vatthūsu khethe tittaalābu viya na paññāyati. Yathā ca

aṭavito core ānetvā nagarassa dakkhiṇadvāre ghāteyyuṃ, tato aṭaviyaṃ corā matāti vā māritāti vā vucceyyuṃ; evameva aṭaviyaṃ corā viya yā cakkhādīsu taṇhā, sā dakkhiṇadvāre corā viya nibbānaṃ āgama niruddhattā nibbāne niruddhā. Evaṃ niruddhā pana tesu vatthūsu aṭaviyaṃ corā viya na paññāyati. Tenassā tattheva nirodhaṃ dassento “cakkhuṃ loke piyarūpaṃ sātārūpaṃ, etthesā taṇhā pahīyamānā pahīyati, ettha nirujjhamānā nirujjhatī” tiādimāha. Sesamettha uttānatthamevāti.

Nirodhasaccaniddesavaṇṇanā niṭṭhitā.

#### 4. Maggasaccaniddesavaṇṇanā

**205. Maggasaccaniddese ayamevāti** aññamaggapaṭikkhepanatthaṃ niyamaṇaṃ. **Ariyoti** taṃtaṃmaggavajjhehi kilesehi ārakattā ariyabhāvakarattā ariyaphalapaṭilābhakarattā ca ariyo. Aṭṭhaṅgāni assāti **aṭṭhaṅgiko**. Svāyaṃ caturaṅgikā viya senā, pañcaṅgikaṃ viya tūriyaṃ aṅgamattameva hoti, aṅgavinimutto natthi. Nibbānatthikehi maggīyati, nibbānaṃ vā maggati, kilese vā mārento gacchatīti **maggo**. **Seyyathidanti** so katamoti ceti attho.

Idāni aṅgamattameva maggo hoti, aṅgavinimutto natthīti dassento **sammādiṭṭhi...pe... sammāsamādhīti** āha. Tattha sammā dassanalakkhaṇā **sammādiṭṭhi**. Sammā abhiniropanalakkhaṇo **sammāsaṅkappo**. Sammā pariggahalakkhaṇā **sammāvācā**. Sammā samuṭṭhāpanalakkhaṇo **sammākammanto**. Sammā vodānalakkhaṇo **sammāājīvo**. Sammā paggahalakkhaṇo **sammāvāyāmo**. Sammā upaṭṭhānalakkhaṇā **sammāsati**. Sammā samādhānalakkhaṇo **sammāsamādhī**.

Tesu ca ekekassa tīṇi tīṇi kiccāni honti, seyyathidaṃ – sammādiṭṭhi tāva aññehipi attano paccanīkakilēsehi saddhiṃ micchādiṭṭhiṃ pajahati, nirodhaṃ ārammaṇaṃ karoti, sampayuttadhamme ca passati tappaṭicchādakamohavidhamanavasena asammohato. Sammāsaṅkappādayopi tatheva micchāsaṅkappādīni ca pajahanti, nirodhaṇca ārammaṇaṃ karonti. Visesato panettha sammāsaṅkappo sahaṅgātadhamme abhiniropeti, sammāvācā sammā pariggaṇhāti, sammākammanto sammā samuṭṭhāpeti, sammāājīvo sammā vodāpeti, sammāvāyāmo sammā paggaṇhāti, sammāsati sammā upaṭṭhāti, sammāsamādhī sammā padahati.

Apicesā sammādiṭṭhi nāma pubbhāge nānākkhaṇā nānārammaṇā hoti, maggakāle ekakkhaṇā ekārammaṇā, kiccato pana dukkhe ñāṇantiādīni cattāri nāmāni labhati. Sammāsaṅkappādayopi pubbhāge nānākkhaṇā nānārammaṇā honti, maggakāle ekakkhaṇā ekārammaṇā. Tesu sammāsaṅkappo kiccato nekkhammasaṅkappotiādīni tīṇi nāmāni labhati. Sammāvācādayo tayo pubbhāge nānākkhaṇā nānārammaṇā viratīyopi honti cetanāyopi, maggakkhaṇe pana viratīyova. Sammāvāyāmo sammāsati idampi dvayaṃ kiccato sammappadhānasatipaṭṭhānavasena cattāri nāmāni labhati. Sammāsamādhī pana pubbhāgepi maggakkhaṇepi sammāsamādhīyeva.

Iti imesu aṭṭhasu dhammesu bhagavatā nibbānādhigamāya paṭipannassa yogino bahūpakārattā paṭhamaṃ sammādiṭṭhi desitā. Ayañhi “paññāpajoto paññāsatta”nti (dha. sa. 16, 20, 29, 34) ca vuttā. Tasmā etāya pubbhāge vipassanāñāsaṅkhātāya sammādiṭṭhiyā avijjandhakāraṃ viddhaṃsetvā kilesacore ghātentō khemena yogāvacaro nibbānaṃ pāpuṇāti. Tena vuttaṃ “nibbānādhigamāya paṭipannassa yogino bahūpakārattā paṭhamaṃ sammādiṭṭhi desitā”ti.

Sammāsaṅkappo pana tassā bahūpakāro, tasmā tadanantaraṃ vutto. Yathā hi heraññiko hatthena parivattetvā parivattetvā cakkhunā kahāpaṇaṃ olokento ‘ayaṃ kūṭo, ayaṃ cheko’ti jānāti, evaṃ yogāvacaropi pubbhāge vitakkena vitakketvā vipassanāpaññāyā olokayamāno ‘ime dhammā kāmāvacarā, ime dhammā rūpāvacarādayo’ti jānāti. Yathā vā pana purisena koṭiyaṃ gahetvā parivattetvā parivattetvā dinnāṃ mahārukkhaṃ tacchako vāsiyā tacchetvā kamme upaneti, evaṃ vitakkena vitakketvā vitakkatvā dinnadhamme yogāvacaro paññāyā ‘ime dhammā kāmāvacarā, ime dhammā rūpāvacarā’ tiādinā nayena paricchinditvā kamme upaneti. Tena vuttaṃ ‘sammāsaṅkappo pana tassā bahūpakāro, tasmā tadanantaraṃ vutto’ ti.

Svāyaṃ yathā sammādiṭṭhiyā, evaṃ sammāvācāyopi upakārako. Yathāha – “pubbe kho, gahapati, vitakketvā vicāretvā pacchā vācaṃ bhindatī”ti (ma. ni. 1.463). Tasmā tadanantaraṃ sammāvācā vuttā.

Yasmā pana ‘idañcidañca karissāmā’ti paṭhamaṃ vācāya saṃvidahitvā loke kammante payojenti, tasmā vācā kāyakammasa upakārikāti sammāvācāya anantaraṃ sammākammanto vutto.

Catubbidaṃ pana vacīduccaritaṃ, tividaṃ kāyaduccaritaṃ pahāya ubhayaṃ sucaritaṃ pūrentasseva yasmā ājīvaṭṭhamakasīlaṃ pūrati, na itarassa, tasmā tadubhayānantaraṃ sammāājīvo vutto.

Evam suddhājīvena ‘parisuddho me ājīvo’ti ettāvātā paritosam akatvā suddhappamattena viharitum na yuttam, atha kho sabbairiyāpathesu idam vīriyamārabhitabbanti dassetum tadanantaram sammāvāyāmo vutto.

Tato āradhāvīriyenāpi kāyādīsu catūsu vatthūsu sati suppatiṭṭhitā kātabbāti dassanattam tadanantaram sammāsati desitā.

Yasmā pana evam suppatiṭṭhitā sati samādhissa upakārānupakārānam dhammānam gatiyo samanvesitvā pahoti ekattārammaṇe cittaṃ samādhātum, tasmā sammāsātianantaram sammāsamādhi desitoti vedītabbo.

**Sammādiṭṭhiniddese** “dukkhe nāṇa”ntiādinā catusaccakammaṭṭhānam dassitam. Tattha purimāni dve saccāni vaṭṭam, pacchimāni vivaṭṭam. Tesu bhikkhuno vaṭṭe kammaṭṭhānābhiniveso hoti, vivaṭṭe natthi abhiniveso. Purimāni hi dve saccāni “pañcakkhandhā dukkham, taṇhā samudayo”ti evam saṅkhepena ca “katame pañcakkhandhā? Rūpakkhando”tiādinā nayena vitthārena ca ācariyassa santike uggaṇhītvā vācāya punappunam parivattento yogāvācaro kammaṃ karoti; itaresu pana dvīsu saccesu “nirodhasaccaṃ iṭṭham kantaṃ manāpaṃ, maggasaccaṃ iṭṭham kantaṃ manāpa”nti evam savaneneva kammaṃ karoti. So evam kammaṃ karonto cattāri saccāni ekena paṭivedhena paṭivijjhati, ekābhisamayena abhisameti; dukkham pariññāpaṭivedhena paṭivijjhati, samudayaṃ pahānapaṭivedhena, nirodhaṃ sacchikiriyapaṭivedhena, maggaṃ bhāvanāpaṭivedhena paṭivijjhati; dukkham pariññābhisamayena...pe... maggaṃ bhāvanābhisamayena abhisameti.

Evamassa pubbhāge dvīsu saccesu uggaḥaparipucchāsavanadhāraṇasammasanapaṭivedho hoti, dvīsu savanapaṭivedhoyeva; aparabhāge tīsu kiccato paṭivedho hoti, nirodhe ārammaṇapaṭivedho. Tattha sabbampi paṭivedhaññaṃ lokuttaram, savanadhāraṇasammasanaññaṃ lokiyam kāmāvacaram, paccavekkhaṇā pana pattasaccassa hoti. Ayaṅca ādikammiko. Tasmā sā idha na vuttā. Imassa ca bhikkhuno pubbe pariggahato ‘dukkham parijānāmi, samudayaṃ pajahāmi, nirodhaṃ sacchikaromi, maggaṃ bhāvemī’ti ābhogasamannāhāramanasikārapaccavekkhaṇā natthi, pariggahato paṭṭhāya hoti; aparabhāge pana dukkham pariññātameva hoti...pe... maggo bhāvitova hoti.

Tattha dve saccāni duddasattā gambhīrāni, dve gambhīrattā duddasāni. Dukkhasaccañhi uppattito pākaṭam; khāṇukaṇṭakappahārādīsu ‘aho dukkha’nti vattabbatampi āpajjati. Samudayampi khādītukāmatābhūñjitukāmatādivasena uppattito pākaṭam. Lakkhaṇapaṭivedhato pana ubhayampi gambhīram. Iti tāni duddasattā gambhīrāni. Itaresam pana dvīnam dassanattāya payogo bhavaggagahaṇattam hatthappasāraṇam viya, avīciphusanattam pādappasāraṇam viya, satadhā bhinnavālassa koṭiyā koṭim paṭipādanam viya ca hoti. Iti tāni gambhīrattā duddasāni. Evam duddasattā gambhīresu gambhīrattā ca duddasesu catūsu saccesu uggaḥādivasena pubbhāgaññāuppattim sandhāya idam “dukkhe nāṇa”ntiādi vuttam. Paṭivedhakkhaṇe pana ekameva nāṇam hoti.

**Sammāsaṅkappaniddese** kāmato nissaṭoti **nekkhammasaṅkappo**. Byāpādato nissaṭoti **abyāpādasāṅkappo**. Vihimsāya nissaṭoti **avihimsāsaṅkappo**. Tattha nekkhamavitakko kāmavitakkassa padaghātam padacchedam karonto uppajjati, abyāpādavitakko byāpādavitakkassa, avihimsāvitakko vihimsāvitakkassa. Nekkhamavitakko ca kāmavitakkassa paccanīko hutvā uppajjati, abyāpādaavihimsāvitakkā byāpādaavihimsāvitakkānam.

Tattha yogāvācaro kāmavitakkassa padaghātanattam kāmavitakkaṃ vā sammasati aññaṃ vā pana kiñci saṅkhāram. Athassa vipassanākkhaṇe vipassanāsampayutto saṅkappo tadanāvāsena kāmavitakkassa padaghātam padacchedam karonto uppajjati, vipassanam usukkāpetvā maggaṃ pāpeti. Athassa maggakkhaṇe maggasampayutto saṅkappo samucchedavasena kāmavitakkassa padaghātam padacchedam karonto uppajjati; byāpādavitakkasāpi padaghātanattam byāpādavitakkaṃ vā aññaṃ vā saṅkhāram sammasati; vihimsāvitakkassa padaghātanattam vihimsāvitakkaṃ vā aññaṃ vā saṅkhāram sammasati. Athassa vipassanākkhaṇeti sabbam purimanayeneva yojetabbam.

Kāmavitakkādīnam pana tiṇṇam pāḷiyam vibhatesu aṭṭhatimsārammaṇesu ekakammaṭṭhānampi apaccanīkam nāma natthi. Ekantato pana kāmavitakkassa tāva asubhesu paṭhamajjhānameva paccanīkam, byāpādavitakkassa mettāya tikacatukkajjhānāni, vihimsāvitakkassa karuṇāya tikacatukkajjhānāni. Tasmā asubhe parikkammaṃ katvā jhānam samāpannassa samāpattikkhaṇe jhānasampayutto saṅkappo vikkhambhanavasena kāmavitakkassa paccanīko hutvā uppajjati. Jhānam pādakaṃ katvā vipassanam paṭṭhapentassa vipassanākkhaṇe vipassanāsampayutto saṅkappo tadanāvāsena kāmavitakkassa paccanīko hutvā uppajjati. Vipassanam usukkāpetvā maggaṃ pāpentassa maggakkhaṇe maggasampayutto saṅkappo samucchedavasena kāmavitakkassa paccanīko hutvā uppajjati. Evam uppanno nekkhammasaṅkappoti vuccatīti vedītabbo.

Mettāya pana parikkammaṃ katvā, karuṇāya parikkammaṃ katvā jhānam samāpajjatīti sabbam purimanayeneva

yojetabbaṃ. Evaṃ uppanno abyāpādasāṅkappoti vuccati, avihiṃsāsāṅkappoti ca vuccatīti veditabbo. Evamete nekkhammasāṅkappādayo vipassanājhānavasena uppattīnaṃ nānattā pubbabhāge nānā; maggakkhaṇe pana imesu tīsu thānesu uppanna akusalasāṅkappa padacchedato anuppattisādhānavasena maggaṅgaṃ pūrayamāno ekova kusalasāṅkappo uppajjati. Ayaṃ sammāsāṅkappo nāma.

**Sammāvācā**niddese pi yasmā aññeṇeva cittaṇa musāvādā viramati, aññeṇaññeṇa piṣuṇavācādīhi, tasmā catassopetā veramaṇiyo pubbabhāge nānā; maggakkhaṇe pana micchāvācāsāṅkhātāya catubbidhāya akusaladussīlyacetanāya padacchedato anuppattisādhānavasena maggaṅgaṃ pūrayamānā ekāva sammāvācāsāṅkhātā kusalaveramaṇi uppajjati. Ayaṃ sammāvācā nāma.

**Sammākammanta**niddese pi yasmā aññeṇeva cittaṇa pāṇātipātā viramati, aññeṇa adinnādānā, aññeṇa kāmesumicchācārā, tasmā tisso petā veramaṇiyo pubbabhāge nānā; maggakkhaṇe pana micchākammantasāṅkhātāya tividdhāya akusaladussīlyacetanāya padacchedato anuppattisādhānavasena maggaṅgaṃ pūrayamānā ekāva sammākammantasāṅkhātā kusalaveramaṇi uppajjati. Ayaṃ sammākammanto nāma.

**Sammāājīva**niddese **idhāti** imasmiṃ sāsane. **Ariyasāvako**ti ariyassa buddhassa sāvako. **Micchāājīvaṃ pahāyāti** pāpakaṃ ājīvaṃ pajahitvā. **Sammāājīvenāti** buddhapaṣatthena kusalaājīvena. **Jīvikaṃ kappetīti** jīvitappavattim pavatteti. Idhāpi yasmā aññeṇeva cittaṇa kāyadvāravītikkamā viramati; aññeṇa vacīdvāravītikkamā, tasmā pubbabhāge nānākkhaṇesu uppajjati; maggakkhaṇe pana dvīsu dvāresu sattannaṃ kammaṭṭhānaṃ vasena uppannāya micchāājīvadussīlyacetanāya padacchedato anuppattisādhānavasena maggaṅgaṃ pūrayamānā ekāva sammāājīvasāṅkhātā kusalaveramaṇi uppajjati. Ayaṃ sammāājīvo nāma.

**Sammāvāyāma**niddeso sammappadhānavibhaṅge anupadavaṇṇanāvasena āvibhavissati. Ayaṃ pana pubbabhāge nānācittesu labhati. Aññeṇeva hi cittaṇa anuppannānaṃ pāpakānaṃ akusalānaṃ dhammānaṃ anuppādāya vāyāmaṃ karotī, aññeṇa uppannānaṃ pahānāya; aññeṇeva ca anuppannānaṃ kusalānaṃ dhammānaṃ uppādāya, aññeṇa uppannānaṃ thitīyā; maggakkhaṇe pana ekacittēyeva labbhati. Ekameva hi maggasampayuttaṃ vīriyaṃ catukkasādhanaṭṭhena cattāri nāmāni labbhati.

**Sammāsati**niddesopi satipaṭṭhānavibhaṅge anupadavaṇṇanāvasena āvibhavissati. Ayampi ca pubbabhāge nānācittesu labbhati. Aññeṇeva hi cittaṇa kāyaṃ pariggaṇhāti, aññeṇaññeṇa vedanādīni; maggakkhaṇe pana ekacittēyeva labbhati. Ekāyeva hi maggasampayuttā satī catukkasādhanaṭṭhena cattāri nāmāni labbhati.

**Sammāsamādh**i niddese cattāri jhānāni pubbabhāgepi nānā, maggakkhaṇepi. Pubbhāge samāpattivāsena nānā, maggakkhaṇe nānamaggavasena. Ekassa hi paṭhamamaggo paṭhamajjhāniko hoti, dutiyamaggādayopi paṭhamajjhānikā, dutiyādīsu aññatarajjhānikā vā. Ekassa paṭhamamaggo dutiyādīnaṃ aññatarajjhāniko hoti, dutiyādayopi dutiyādīnaṃ aññatarajjhānikā vā paṭhamajjhānikā vā. Evaṃ cattāropi maggā jhānavasena sadisā vā asadisā vā ekaccasadisā vā honti.

Ayaṃ panassa viseso pādakajjhānaniyāmena hoti. Pādakajjhānaniyāmena tāva paṭhamajjhānalābhino paṭhamajjhānā vuṭṭhāya vipassantassa uppannamaggo paṭhamajjhāniko hoti; maggaṅgaṃbojjhaṅgāni panettha pariṇāṇeṇeva honti. Dutiyajjhānato vuṭṭhāya vipassantassa uppanno maggo dutiyajjhāniko hoti; maggaṅgāni panettha satta honti. Tatiyajjhānato vuṭṭhāya vipassantassa uppanno maggo tatiyajjhāniko hoti; maggaṅgāni panettha satta, bojjhaṅgāni cha honti. Esa nayo catutthajjhānato paṭṭhāya yāva nevasaññānāsāññāyatanā.

Āruppe catukkapañcakajjhānaṃ uppajjati. Tañca kho lokuttaraṃ no lokiyanti vuttaṃ. Ettha kathanti? Etthāpi paṭhamajjhānādīsu yato vuṭṭhāya sotāpattimaggāṃ paṭilabhivā āruppasamāpattim bhāvetvā yo āruppe uppanno, taṃjhānikāva tassa tattha tayo maggā uppajjanti. Evaṃ pādakajjhānameva niyāmeti. Keci pana therā “vipassanāya ārammaṇabhūtā khandhā niyāmetī”ti vadanti. Keci “puggalajjhāsāyo niyāmetī”ti vadanti. Keci “vuṭṭhānagāminīvipassanā niyāmetī”ti vadanti. Tesāṃ vādavinicchayo heṭṭhā cittuppādakaṇḍe lokuttarapadabhājanīyavaṇṇanāyaṃ (dha. sa. aṭṭha. 350) vuttanayeneva veditabbo. **Ayaṃ vuccati sammāsamādhīti** yā imesu catūsu jhānesu ekaggatā, ayaṃ pubbabhāge lokīyo, aparabhāge lokuttaro sammāsamādhī nāma vuccatīti. Evaṃ lokiyalokuttaravasena bhagavā maggasaccaṃ desesi.

Tattha lokiyamagge sabbāneva maggaṅgāni yathānurūpaṃ chasu ārammaṇesu aññatarārammaṇāni honti. Lokuttaramagge pana catusaccapaṭivedhāya pavattassa ariyassa nibbānārammaṇaṃ avijjānusayasamuggahātakāṃ paññācakkhu sammāditṭhi. Tathā sampannadiṭṭhissa taṃsāmpayuttaṃ tividdhamicchāsāṅkappasamuggahātakāṃ cetaso nibbānapadābhiniropanaṃ sammāsāṅkappo. Tathā passantassa vitakkentassa ca taṃsāmpayuttāva catubbidhāvaccīduccaritasamuggahātikāya micchāvācāya virati sammāvācā. Tathā viramantassa taṃsāmpayuttāva

micchākammantasamucchedikā tividhakāyaduccaritavirati sammākammanto. Tesamyeva sammāvācākammantānaṃ vodānabhūtā taṃsampayuttāva kuhanādisamucchedikā micchāājīvavirati sammāājīvo. Imissā sammāvācākammantājīvasaṃkhātāya sīlabhūmiyaṃ patiṭṭhamānassa tadanurūpo taṃsampayuttova kosajjasamucchedako anuppannuppannānaṃ akusalakusalānaṃ anuppādapahānuppādaṭṭhitisādhako ca vīriyārambho sammāvāyāmo. Evaṃ vāyamantassa taṃsampayuttova micchāsativiniddhunanako kāyādīsu kāyānupassanādisādhako ca cetaso asammoso sammāsati. Iti anuttarāya satiyā suvihitacittārakkhassa taṃsampayuttāva micchāsamādhisamugghātikā cittekaggatā sammāsamādhīti. Esa lokuttaro ariyo aṭṭhaṅgiko maggo yo saha lokiyena maggena dukkhanirodhagāminī paṭipadāti saṅkhaṃ gato.

So kho panesa maggo sammādiṭṭhisāṅkappānaṃ vijjāya, sesadhammānaṃ caraṇena saṅgahitattā **vijjā ceva caraṇāṇica**. Tathā tesam dvinnam vipassanāyānena, itaresam samathayānena saṅgahitattā **samatho ceva vipassanā ca**. Tesam vā dvinnam paññākkhandhena, tadanantarānaṃ tiṇṇam sīlakkhandhena, avasesānaṃ samādhikkhandhena adhipaññāadhisīlaadhicittasikkhāhi ca saṅgahitattā **khandhattayaṅceva sikkhāttayaṅca** hoti; yena samannāgato ariyasāvako dassanasamatthehi cakkhūhi gamanasamatthehi ca pādehi samannāgato addhiko viya vijjācaraṇasampanno hutvā vipassanāyānena kāmasukhallikānuyogaṃ, samathayānena attakilamathānuyoganti antadvayaṃ parivajjetvā majjhimaṃpaṭipadaṃ paṭipanno paññākkhandhena mohakkhandhaṃ, sīlakkhandhena dosakkhandhaṃ, samādhikkhandhena ca lobhakkhandhaṃ padāleno adhipaññāsikkhāya paññāsampadaṃ, adhisīlasikkhāya sīlasampadaṃ, adhicittasikkhāya samādhisampadanti tisso sampattiyo patvā amataṃ nibbānaṃ sacchikaroti, ādimajjhapariyosānakalyāṇaṃ sattatīmasabodhipakkhiyadhammaratanavicittam sammattaniyāmasaṅkhātāṃ ariyabhūmiṅca okkanto hotīti.

Suttantabhājanīyavaṇṇanā.

## 2. Abhidhammabhājanīyavaṇṇanā

**206-214.** Idāni abhidhammabhājanīyaṃ hoti. Tattha “ariyasaccānī”ti avatvā nippadesato paccayasāṅkhātāṃ samudayaṃ dassetuṃ “cattāri saccānī”ti vuttaṃ. Ariyasaccānīti hi vutte avasesā ca kilesā, avasesā ca akusalā dhammā, tīni ca kusalamūlāni sāsavāni, avasesā ca sāsavā kusalā dhammā na saṅgayhanti. Na ca kevalaṃ taṅhāva dukkhaṃ samudāneti, imepi avasesā ca kilesādayo paccayā samudānentiyeva. Iti imepi paccayā dukkhaṃ samudānentiyevatī nippadesato paccayasāṅkhātāṃ samudayaṃ dassetuṃ “ariyasaccānī”ti avatvā “cattāri saccānī”ti vuttaṃ.

Niddesavāre ca nesam paṭhamam dukkhaṃ aniddisitvā tasseva dukkhassa sukhaniddesatthaṃ dukkhasamudayo niddiṭṭho. Tasmīhi niddiṭṭhe “avasesā ca kilesā”tiādīnaṃ nayena dukkhasaccaṃ sukhāniddesaṃ hoti. Nirodhasaccampettha taṅhāya pahānaṃ “taṅhāya ca avasesānaṅca kilesānaṃ pahāna”nti evaṃ yathāvuttassa samudayassa pahānavasena pañcaṅgāhārehi niddiṭṭhaṃ. Maggasaccaṃ panettha paṭhamajjhānikasotāpattimaggavasena dhammasaṅgaṇīyaṃ vibhattassa desanāyassa mukhamattameva dassentena niddiṭṭhaṃ. Tattha nayabhedo veditabbo. Taṃ upari pakāsayissāma.

Yasmā pana na kevalaṃ aṭṭhaṅgiko maggova paṭipadā “pubbeva kho panassa kāyakammaṃ vacīkammaṃ ājīvo suparisuddho hoti”ti (ma. nī. 3.433) vacanato pana puggalajjhāsayavasena pañcaṅgikopi maggo paṭipadā evāti desito, tasmā taṃ nayaṃ dassetuṃ pañcaṅgikavāropi niddiṭṭho. Yasmā ca na kevalaṃ aṭṭhaṅgikapañcaṅgikamaggāva paṭipadā, sampayuttakā pana atirekapaññāsadhammāpi paṭipadā eva, tasmā taṃ nayaṃ dassetuṃ tatiyo sabbasaṅgāhikavāropi niddiṭṭho. Tattha “avasesā dhammā dukkhanirodhagāminīyā paṭipadāya sampayuttā”ti idaṃ parihāyati. Sesam sabbattha sadisameva.

Tattha aṭṭhaṅgikavārassa “taṅhāya avasesānaṅca kilesānaṃ pahāna”ntiādīsu pañcasu koṭṭhāsesu paṭhamakoṭṭhāse tāva sotāpattimaggē jhānābhīnivese suddhikaṃpaṭipadā, suddhikasūññatā, suññatapaṭipadā, suddhikaappaṇihitaṃ, appaṇihitapaṭipadāti imesu pañcasu vāresu dvinnam dvinnam catukkapañcakanayānaṃ vasena **dasa nayā** honti. Evaṃ sesesupīti vīsatiyā abhīnivesesu **dve nayasatāni**. Tāni catūhi adhipatīhi catugguṇitāni aṭṭha. Iti suddhikāni dve sādhipatī aṭṭhāti sabbampi **nayasahassaṃ** hoti. Yathā ca sotāpattimaggē, evaṃ sesesupīti aṭṭhaṅgikavāre pañcasu koṭṭhāsesu **vīsati nayasahassāni** honti. Yathā ca paṭhamakoṭṭhāse cattāri, evaṃ sesesupīti aṭṭhaṅgikavāre pañcasu koṭṭhāsesu **vīsati nayasahassāni** honti. Tathā pañcaṅgikavāre sabbasaṅgāhikavāre cāti sabbāni **saṭṭhi nayasahassāni** satthārā vibhattāni. Pāḷi pana saṅkhepena āgatā. Evamidam tividhamahāvāraṃ pañcadasakoṭṭhāsaṃ saṭṭhinayasahassapaṭimaṇḍitaṃ abhidhammabhājanīyaṃ nāma niddiṭṭhanti veditabbaṃ.

Abhidhammabhājanīyavaṇṇanā.

### 3. Pañhāpucchakavaṇṇanā

**215.** Pañhāpucchake catunnampi saccānaṃ khandhavibhaṅge vuttanayānusāreṇeva kusalātibhāvo veditabbo. Ārammaṇattikesu pana samudayasaccaṃ kāmāvacaradhamme assādentassa parittārammaṇaṃ hoti, mahaggaṭṭadhamme assādentassa mahaggaṭṭārammaṇaṃ, paññattiṃ assādentassa navattabbārammaṇaṃ. Dukkhasaccaṃ kāmāvacaradhamme ārabba uppannaṃ parittārammaṇaṃ, rūpārūpāvacaradhamme ārabba uppattikāle mahaggaṭṭārammaṇaṃ, nava lokuttaradhamme paccavekkhaṇakāle appamāṇārammaṇaṃ, paṇṇattiṃ paccavekkhaṇakāle navattabbārammaṇaṃ. Maggasaccaṃ sahaṃjātaḥetuvasena sabbadāpi maggaḥetukaṃ vīriyaṃ vā vīmaṃsaṃ vā jeṭṭhakaṃ katvā maggabhāvanākāle maggādhipati, chandacittesu aññatarādhipatikāle navattabbāṃ nāma hoti. Dukkhasaccaṃ ariyānaṃ maggapaccavekkhaṇakāle maggārammaṇaṃ, tesamyeva maggaṃ garuṃ katvā paccavekkhaṇakāle maggādhipati, sesadhammapaccavekkhaṇakāle navattabbāṃ hoti.

**Dve saccānīti** dukkhasamudayasaccāni. Etāni hi atītādibhede dhamme ārabba uppattikāle atītādīrammaṇāni honti. Samudayasaccaṃ ajjhataḍḍibhede dhamme assādentassa ajjhataḍḍīrammaṇaṃ hoti, dukkhasaccaṃ ākiñcaññīyatanakāle navattabbārammaṇampīti veditabbāṃ. Iti imasmiṃ pañhāpucchake dve saccāni lokiyāni honti, dve lokuttarāni. Yathā ca imasmiṃ, evaṃ purimesupi dvīsu. Sammāsambuddhena hi tīsupi suttantabhājanīyādīsu lokiyalokuttarāneva saccāni kathitāni. Evamayaṃ saccavibhaṅgopi teparivaṭṭaṃ nīharitvāva bhājetvā dassitoti.

Sammohavinodanīyā vibhaṅgaṭṭhakathāya

Saccavibhaṅgavaṇṇanā niṭṭhitā.

## 5. Indriyavibhaṅgo

### 1. Abhidhammabhājanīyavaṇṇanā

**219.** Idāni tadanantare indriyavibhaṅge **bāvīsati**ti gaṇanaparicchedo. **Indriyānīti** paricchinnadhammanidassanaṃ. Idāni tāni sarūpato dassento **cakkhundriyanti**ādīmāha. Tattha cakkhudvāre indaṭṭhaṃ kāretīti **cakkhundriyaṃ**. Sotaghānāyivhākāyadvāre indaṭṭhaṃ kāretīti **kāyindriyaṃ**. Vijānanalakkhaṇe indaṭṭhaṃ kāretīti **manindriyaṃ**. Itthibhāve indaṭṭhaṃ kāretīti **itthindriyaṃ**. Purisabhāve indaṭṭhaṃ kāretīti **purisindriyaṃ**. Anupālanalakkhaṇe indaṭṭhaṃ kāretīti **jvīvīndriyaṃ**. Sukhalakkhaṇe indaṭṭhaṃ kāretīti **sukhindriyaṃ**. Dukkhasomanassa domanassa upekkhālakkhaṇe indaṭṭhaṃ kāretīti **upekkhindriyaṃ**. Adhimokkhalakkhaṇe indaṭṭhaṃ kāretīti **saddhindriyaṃ**. Paggahalakkhaṇe indaṭṭhaṃ kāretīti **vīriyindriyaṃ**. Upaṭṭhānalakkhaṇe indaṭṭhaṃ kāretīti **satindriyaṃ**. Avikkhepalakkhaṇe indaṭṭhaṃ kāretīti **samādhindriyaṃ**. Dassanalakkhaṇe indaṭṭhaṃ kāretīti **paññindriyaṃ**. Anaññātaññassāmīti pavatte jānanalakkhaṇe indaṭṭhaṃ kāretīti **anaññātaññassāmīndriyaṃ**. Nātānaṃyeva dhammaṇaṃ puna ājānane indaṭṭhaṃ kāretīti **aññindriyaṃ**. Aññātāvībhāve indaṭṭhaṃ kāretīti **aññātāvīndriyaṃ**.

Idha suttantabhājanīyaṃ nāma na gahitaṃ. Kasmā? Suttante imāya paṭipāṭiyā bāvīsatiyā indriyānaṃ anāgatattā. Suttantasmīhi katthaci dve indriyāni kathitāni, katthaci tīni, katthaci pañca. Evaṃ pana nīrantaraṃ dvāvīsati āgatāni nāma natthi. Ayaṃ tāvettha aṭṭhakathānayo. Ayaṃ pana aparo nayo – etesu hi

Atthato lakkhaṇādīhi, kamato ca vijānīyā;  
Bhedābheda tathā kiccā, bhūmito ca vinicchayaṃ.

Tattha cakkhādīnaṃ tāva ‘‘cakkhatīti cakkhū’’tiādīnaṃ nayena **attho** pakāsito. Pacchimesu pana tīsu paṭhamamaṃ ‘pubbabhāge anaññātaṃ amataṃ padaṃ catusaccadhammaṃ vā jānissāmī’ti evaṃ paṭipannassa uppajjanato indriyaṭṭhasambhavato ca anaññātaññassāmīndriyanti vuttaṃ. Dutiyamaṃ ājānanato ca indriyaṭṭhasambhavato ca aññīndriyaṃ. Tatiyamaṃ aññātāvīno catūsū saccesu niṭṭhitaññakiccassa khīṇāsavasessa uppajjanato indriyaṭṭhasambhavato ca aññātāvīndriyaṃ.

Ko panesa indriyaṭṭho nāmāti? Indaliṅgaṭṭho indriyaṭṭho, indadesitaṭṭho indriyaṭṭho, indadiṭṭhaṭṭho indriyaṭṭho, indasiṭṭhaṭṭho indriyaṭṭho, indajutṭhaṭṭho indriyaṭṭho. So sabbopi idha yathāyogaṃ yujjati. Bhagavā hi sammāsambuddho paramissariyabhāvato indo. Kusalākusalāñca kammaṃ kammesu kassaci issariyābhāvato. Tenevettha kammaṣaṇjanitāni indriyāni kusalākusalakammaṃ ulliṅgenti. Tena ca siṭṭhānīti indaliṅgaṭṭhena indasiṭṭhaṭṭhena ca indriyāni. Sabbāneva panetāni bhagavatā yathābhūtato pakāsītāni ca abhisambuddhāni cāti indadesitaṭṭhena indadiṭṭhaṭṭhena ca indriyāni. Teneva bhagavatā munindena kānici gocarāsevanāya, kānici bhāvanāsevanāya sevītānīti indajutṭhaṭṭhenapi indriyāni. Apica ādhipaccasaṅkhātena issariyaṭṭhenapi etāni indriyāni.



Cakkhuviññāḍippavattiyāhi cakkhādīnaṃ siddhamādhīpaccaṃ; tasmim̐ tikkhe tikkhattā mande ca mandattāti. Ayaṃ tāvettha ‘**atthato**’ vinicchayo.

‘**Lakkhaṇādīhī**’ti lakkhaṇarasapaccupaṭṭhānapadaṭṭhānehipi cakkhādīnaṃ vinicchayaṃ vijāniyāti attho. Tāni nesaṃ lakkhaṇādīni heṭṭhā vuttanayāneva. Paññindriyādīni hi cattāri atthato amohoyeva. Sesāni tattha sarūpenevāgatāni.

‘**Kamato**’ti ayampi desanākkamova. Tattha ajjhaddhammaṃ pariññāya ariyabhūmipaṭilābho hotīti attabhāvapariyāpannāni cakkhundriyādīni paṭhamaṃ desitāni. So panattabhāvo yaṃ dhammaṃ upādāya itthīti vā purisoti vā saṅkhaṃ gacchati, ayaṃ soti nidassanattaṃ tato itthindriyaṃ purisindriyaṃ. So duvidhopi jīvitindriyapaṭibaddhavuttīti nāpanattaṃ tato jīvitindriyaṃ. Yāva tassa pavatti tāva etesaṃ vedayitānaṃ anivatti. Yaṃ kiñci vedayitāṃ sabbaṃ taṃ sukhadukkhanti nāpanattaṃ tato sukhindriyādīni. Taṃnirodhattaṃ pana ete dhammā bhāvetabbāti paṭipattidassanattaṃ tato saddhādīni. Imāya paṭipattiyā esa dhammo paṭhamaṃ attani pātubhavaṭṭi paṭipattiyā amoghābhāvadassanattaṃ tato anaññātāññassāmīndriyaṃ. Tasseva phalattā tato anantaraṃ bhāvetabbattā ca tato aññindriyaṃ. Ito paraṃ bhāvanāya imassa adhigamo, adhigate ca panimasmiṃ natthi kiñci uttari karaṇīyanti nāpanattaṃ ante paramassāsabhūtaṃ aññātāvindriyaṃ desitanti ayamettha kamo.

‘**Bhedābheda**’ti jīvitindriyasēva cettha bhedo. Tañhi rūpajīvitindriyaṃ arūpajīvitindriyanti duvidhaṃ hoti. Sesānaṃ abhedoti evamettha bhedābhedato vinicchayaṃ vijāniyā.

‘**Kiccā**’ti kiṃ indriyānaṃ kiccanti ce? Cakkhundriyassa tāva “cakkhāyatanaṃ cakkhuviññāḍadhātuyā taṃsāmpayuttakānaṃca dhammānaṃ indriyapaccayena paccayo”ti vacanato yaṃ taṃ indriyapaccayabhāvena sādhetabbaṃ attano tikkhamandādhāveṇa cakkhuviññāḍādidhammānaṃ tikkhamandādisaṅkhātāṃ attākārānūvattāpanaṃ idaṃ ‘kiccaṃ’. Evaṃ sotaghānājivhākāyānaṃ. Manindriyassa pana sahaṃjātadhammānaṃ attano vasavattāpanaṃ, jīvitindriyassa sahaṃjātadhammānupālanaṃ, itthindriyapurisindriyānaṃ itthipurisanimittakuttākappākārānūvidhānaṃ, sukhadukkhānāssadomanassindriyānaṃ sahaṃjātadhamme abhibhavivā yathāsakaṃ oḷārikākārānupāpanaṃ, upekkhindriyassa santapaṇītamajjhakkārānupāpanaṃ, saddhādīnaṃ paṭipakkhābhībhavanaṃ sampayuttadhammānaṃca pasannākārādhībhāvasampāpanaṃ, anaññātāññassāmīndriyassa saṃyojanattayappahānaṃca sampayuttakānaṃca tappahānābhībhāvavakaraṇaṃ, aññindriyassa kāmarāgabyāpādāditanukaraṇapahānaṃca sahaṃjātānaṃca attano vasānūvattāpanaṃ, aññātāvindriyassa sabbakiccesu usukkappahānaṃca amatābhībhāvavapaccayatā ca sampayuttānanti evamettha kiccato vinicchayaṃ vijāniyā.

‘**Bhūmito**’ti cakkhusotaghānājivhākāyāitthipurisasukhadukkhādomanassindriyāni cettha kāmāvacarāneva. Manindriyājīvitindriyaupekkhindriyāni, saddhāvīriyasatisamādhīpaññindriyāni ca catubhūmipariyāpannāni. Somanassindriyaṃ kāmāvacara-rūpāvacara-lokuttaravasena bhūmitayapariyāpannaṃ. Avasāne tīṇi lokuttarānevāti evaṃ bhūmito vinicchayaṃ vijāniyā. Evañhi vijānanto –

Saṃvegābhūlo bhikkhu, tīto indriyasāṃvare;  
Indriyāni pariññāya, dukkhassantaṃ nigacchatīti.

220. Niddesavāre “yaṃ cakkhu catunnaṃ mahābhūtānaṃ”ntiādi sabbaṃ dhammasaṅgaṇiyaṃ padabhājane (dha. sa. aṭṭha. 595 ādayo) vuttanayeneva vedītabbaṃ. Vīriyindriyasamādhindriyaniddesādīsu ca sammāvāyāmo micchāvāyāmo sammāsamādhī micchāsamādhītiādīni na vuttāni. Kasmā? Sabbasaṅgāhakattā. Sabbasaṅgāhakāni hi idha indriyāni kathitāni. Evaṃ santepettha dasa indriyāni lokiyāni kāmāvacarāneva, tīṇi lokuttarāni, nava lokiyalokuttaramissakānīti.

Abhidhammabhājanīyavaṇṇanā.

## 2. Pañhāpucchakavaṇṇanā

221. Pañhāpucchake sabbesampi indriyānaṃ kusalādivibhāgo pāḷinayānusāreṇeva vedītabbo.

223. Ārammaṇattikesu pana **sattindriyā anārammaṇā**ti cakkhusotaghānājivhākāyāitthipurisindriyāni sandhāya vuttaṃ. Jīvitindriyaṃ pana arūpamissakattā idha anābhāṭṭhaṃ. **Dvīndriyā**ti dve indriyā; sukhadukkhadvayaṃ sandhāyetaṃ vuttaṃ. Tañhi ekantaparittārammaṇaṃ. **Domanassindriyaṃ siyā parittārammaṇaṃ, siyā mahaggatārammaṇanti** kāmāvacaradhamme ārabha pavattikāle parittārammaṇaṃ hoti, rūpāvacarārūpāvacare pana ārabha pavattikāle mahaggatārammaṇaṃ, paṇṇattim̐ ārabha pavattikāle navattārammaṇaṃ. **Navīndriyā siyā parittārammaṇā**ti manindriyājīvitindriyasomanassindriyaupekkhindriyāni ceva saddhādīpañcakaṃca sandhāya idaṃ

vuttaṃ. Jīvitindriyāñhi rūpamissakattā anārammaṇesu rūpadhammesu saṅgahitampi arūpakoṭṭhāsena siyāpakkhe saṅgahitaṃ.

**Cattāri indriyānī**ti sukhadukkhadomanassaaññātāvindriyāni. Tāni hi maggārammaṇattike na bhajanti. **Maggahetukanti** sahaññāhetuṃ sandhāya vuttaṃ. Vīriyavīmaṃsājeṭṭhakakāle siyā maggādhipati, chandacittajeṭṭhakakāle siyā navattabbā.

**Dasindriyā siyā uppanā, siyā uppādinoti** satta rūpindriyāni tīṇi ca vipākindriyāni sandhāyetaṃ vuttaṃ. Dasindriyāni domanassena saddhiṃ heṭṭhā vuttāneva. Tattha domanassindriyaṃ paṇṇattiṃ ārabha pavattikāle navattabbārammaṇaṃ, sesāni nibbānapaccavekkhaṇakālepi. **Tīṇindriyāni bahiddhārammaṇānī**ti tīṇi lokuttarindriyāni. **Cattāriti** sukhadukkhāsanadomanassāni. Tāni hi ajjhataḍḍhammepi bahiddhāḍḍhammepi ārabha pavattanti. **Aṭṭhindriyāti** manindriyājīvitindriyaupekkhindriyāni ceva saddhādīpañcakañca. Tattha ākiñcaññāyatanakāle navattabbārammaṇatā vedītabbā.

Iti imasmimpi pañhāpucchake dasindriyāni kāmāvacarāni, tīṇi lokuttarāni, nava lokiyalokuttaramissakāneva kathitāntī. Ayampi abhidhammabhājanīyena saddhiṃ ekaparicchedova hoti. Ayaṃ pana indriyavibhaṅgo dveparivaṭṭaṃ nīharitvā bhājetvā dassitoti.

Sammohavinodaniyā vibhaṅgaṭṭhakathāya

Indriyavibhaṅgavaṇṇanā niṭṭhitā.

## 6. Paṭicasamuppādavibhaṅgo

### 1. Suttantabhājanīyaṃ uddesavāraṇṇanā

**225.** Idāni tadanantare paṭicasamuppādavibhaṅge yā “ayaṃ avijjāpaccayā saṅkhārā”tiādīnā nayena tanti nikkhittā, tassā atthasaṃvaṇṇanaṃ karontena vibhajjavādimāṇḍalaṃ otaritvā ācariye anabbhācikkhantena sakasamayaṃ avokkamantena parasamayaṃ anāyūhantena suttam appaṭibāhantena vinayaṃ anulomentena mahāpadese olokontena dhammaṃ dīpentena atthaṃ saṅgahantena tamevatthaṃ puna āvattetvā aparehipi pariyāyehi niddisantena ca yasmā atthasaṃvaṇṇanā kātabbā hoti, pakatiyāpi ca dukkarāva paṭicasamuppādassa atthasaṃvaṇṇanā, yathāhu porāṇā –

“Saccam satto paṭisandhi, paccayākārameva ca;  
Duddasā caturo dhammā, desetuñca sudukkarā”ti.

Tasmā “aññatra āgamādhigamappattehi na sukarā paṭicasamuppādassa atthavaṇṇanā”ti paritulayitvā –

Vattukāmo ahaṃ ajja, paccayākāraṇṇanaṃ;  
Patiṭṭhaṃ nādhigacchāmi, ajjhogaḷhova sāgaraṃ.

Sāsanam panidaṃ nānā-desanāyamaṇḍitaṃ;  
Pubbācariyamaggo ca, abbochinno pavattati.

Yasmā tasmā tadubhayaṃ, sannissāyatthavaṇṇanaṃ;  
Ārabhissāmi etassa, taṃ suñātha samāhitā.

Vuttañhetam pubbācariyehi –

“Yo kocimaṃ aṭṭhiṃ katvā suṇeyya,  
Labhetha pubbāpariyaṃ visesaṃ;  
Laddhāna pubbāpariyaṃ visesaṃ,  
Adassanaṃ maccurājassa gacche”ti.

**Avijjāpaccayā saṅkhārā**tiādīsu hi āditoyeva tāva –

Desanābhedato attha-lakkhaṇekavidhādito;

Āṅgānañca vavatthānā, viññātabbo vinicchayo.

Tattha ‘**desanābhedato**’ti bhagavato hi vallihārakānaṃ catunnaṃ purisānaṃ valliggahaṇaṃ viya ādito vā majjhato vā paṭṭhāya yāva pariyoṣānaṃ, tathā pariyoṣānato vā majjhato vā paṭṭhāya yāva āditi catubbidhā paṭiccasamuppādadesaṇā. Yathā hi vallihārakesu catūsu purisesu eko vallyiā mūlameva paṭhamam passati, so taṃ mūle chetvā sabbam ākaḍḍhitvā ādāya kamme upaneti, evam bhagavā ‘‘iti kho, bhikkhave, avijjāpaccayā saṅkhārā... pe... jātipaccayā jarāmarāṇa’’nti ādito (ma. ni. 1.402) paṭṭhāya yāva pariyoṣānāpi paṭiccasamuppādam deseti.

Yathā pana tesu purisesu eko vallyiā majjham paṭhamam passati, so majjhe chinditvā uparibhāgaṃyeva ākaḍḍhitvā ādāya kamme upaneti, evam bhagavā ‘‘tassa taṃ vedanaṃ abhinandato abhivadato ajjhosāya tiṭṭhato uppajjati nandī; yā vedanāsu nandī, tadupādānaṃ, tassupādānapaccayā bhavo, bhavapaccayā jāti’’ti (ma. ni. 1.409; saṃ. ni. 3.5) majjhato paṭṭhāya yāva pariyoṣānāpi deseti.

Yathā ca tesu purisesu eko vallyiā aggam paṭhamam passati, so agge gahetvā aggānūsārena yāva mūlā sabbam ādāya kamme upaneti, evam bhagavā ‘‘jātipaccayā jarāmarāṇanti iti kho panetaṃ vuttaṃ, jātipaccayā nu kho, bhikkhave, jarāmarāṇam no vā katham vā ettha hoti’’ti? ‘‘Jātipaccayā, bhante, jarāmarāṇam; evam no ettha hoti – jātipaccayā jarāmarāṇa’’nti. ‘‘Bhavapaccayā jāti...pe... avijjāpaccayā saṅkhārāti iti kho panetaṃ vuttaṃ, avijjāpaccayā nu kho, bhikkhave, saṅkhārā no vā katham vā ettha hoti’’ti? ‘‘Avijjāpaccayā, bhante, saṅkhārā; evam no ettha hoti – avijjāpaccayā saṅkhārā’’ti pariyoṣānato paṭṭhāya yāva āditopi paṭiccasamuppādam deseti.

Yathā pana tesu purisesu eko vallyiā majjameva paṭhamam passati, so majjhe chinditvā heṭṭhā otaranto yāva mūlā ādāya kamme upaneti, evam bhagavā ‘‘ime, bhikkhave, cattāro āhārā kiṃ nidānā, kiṃ samudayā, kiṃ jātikā, kiṃ pabhavā? Ime cattāro āhārā taṇhānidānā, taṇhāsamudayā, taṇhājātikā, taṇhāpabhavā. Taṇhā cāyam, bhikkhave, kiṃ nidānā? Vedanā, phasso, saḷāyatanam, nāmarūpaṃ, viññānam. Saṅkhārā kiṃ nidānā...pe... saṅkhārā avijjānidānā, avijjāsamudayā, avijjājātikā, avijjāpabhavā’’ti (saṃ. ni. 2.11) majjhato paṭṭhāya yāva ādito deseti.

Kasmā panevaṃ deseti? Paṭiccasamuppādaṃ samantabhaddakattā, sayañca desanāvīlāsappattattā. Samantabhaddako hi paṭiccasamuppādo tato tato nīyappaṭivedhāya saṃvattatiyeva. Desanāvīlāsappatto ca bhagavā catuvesārajappaṭisambhidāyogena catubbidhagambhīrabhāvappattiyā ca. So desanāvīlāsappattattā nānāyeha dhammaṃ deseti. Visesto panassa yā ādito paṭṭhāya anulomadesanā, sā pavattikāraṇavibhāgasammūlham veneyyajānaṃ samanupassato yathāsakehi kāraṇehi pavattisandassanattaṃ uppattikkamasandassanattañca pavattitāti nītabbā.

Yā pariyoṣānato paṭṭhāya paṭilomadesanā, sā ‘‘kiccham vatāyam loko āpanno jāyati ca jīyati ca mīyati cā’’ti (dī. ni. 2.57) ādinā nayena kicchāpannaṃ lokamanuvilokayato pubbhāgappaṭivedhānūsārena tassa tassa jarāmarāṇādikassa dukkhassa attanādhigatakāraṇasandassanattaṃ. Yā pana majjhato paṭṭhāya yāva ādi, sā āhāranidānavavatthāpanānūsārena yāva atītam addhānaṃ atiharitvā puna atītaddhato pabhuti hetuphalappaṭisandassanattaṃ. Yā pana majjhato paṭṭhāya yāva pariyoṣānā pavattā, sā paccuppanne addhāne anāgataddhatusamuṭṭhānato pabhuti anāgataddhasandassanattaṃ. Tāsu yā sā pavattikāraṇasammūlhasa veneyyajānaṃ samanupassato yathāsakehi kāraṇehi pavattisandassanattaṃ uppattikkamasandassanattañca ādito paṭṭhāya anulomadesanā vuttā, sā idha nikkhattāti veditabbā.

Kasmā panettha avijjā ādito vuttā? Kiṃ pakativādīnaṃ pakati viya avijjāpi akāraṇam mūlakāraṇam lokassāti? Na akāraṇam. ‘‘Āsavasamudayā avijjāsamudayo’’ti hi avijjāya kāraṇam vuttaṃ. Atthi pana pariyoṣāyeva yena mūlakāraṇam siyā. Ko pana soti? Vaṭṭakathāya sīsabhāvo. Bhagavā hi vaṭṭakathaṃ kathento dve dhamme sīsam katvā kathesi – avijjā vā bhavataṇham vā. Yathāha – ‘‘purimā, bhikkhave, koṭi na paññāyati avijjāya ‘ito pubbe avijjā nāhosi, atha pacchā samabhavī’’ti. Evañcetam, bhikkhave, vuccati, atha ca pana paññāyati ‘idappaccayā avijjā’’ti (a. ni. 10.61); bhavataṇham vā, yathāha – ‘‘purimā, bhikkhave, koṭi na paññāyati bhavataṇhāya ‘ito pubbe bhavataṇhā nāhosi, atha pacchā samabhavī’’ti. Evañcetam, bhikkhave, vuccati, atha ca pana paññāyati ‘idappaccayā bhavataṇhā’’ti (a. ni. 10.62).

Kasmā pana bhagavā vaṭṭakathaṃ kathento ime dveva dhamme sīsam katvā kathesī? Sugatiduggatigāmino kammassa visesahetubhūtattā. Duggatigāmino hi kammassa visesahetu avijjā. Kasmā? Yasmā avijjābhībhūto puthujjano, aggisatāpalaguḷabhīghātaparissamābhībhūto vajjhagāvī tāya parissamāturatāya nirassādampi attano anattāhāvahampi ca uṇhodakapānaṃ viya, kilesasantāpato nirassādampi duggativinipātato ca attano anattāhāvahampi pāṇātipātādīmanekappakāraṃ duggatigāmikammaṃ ārabhati. Sugatigāmino pana kammassa visesahetu bhavataṇhā. Kasmā? Yasmā bhavataṇhābhībhūto puthujjano, yathā vuttappakārā gāvī sītudakataṇhāya saassādam attano parissamavinodanañca sītudakapānaṃ viya, kilesasantāpavirahato saassādam sugatisampāpanena attano

duggatidukkhaparissamavinodanañca pāṇātipātāveramaññādimanekappakāraṃ sugatigāmikammaṃ ārabhati.

Etesu pana vaṭṭakathāya sīsabhūtesu dhammesu katthaci bhagavā ekadhammamūlikaṃ desanaṃ deseti, seyyathidaṃ – “iti kho, bhikkhave, avijjūpanisā saṅkhārā, saṅkhārūpanisaṃ viññāṇa”ntiādi (saṃ. ni. 2.23). Tathā “upādānīyesu, bhikkhave, dhammesu assādānupassino viharato taṇhā pavaḍḍhati, taṇhāpaccayā upādāna”ntiādi (saṃ. ni. 2.52). Katthaci ubhayamūlikampi, seyyathidaṃ – “avijjānīvaraṇassa, bhikkhave, bālassa taṇhāya sampayuttassa evamayam kāyo samudāgato. Iti ayañceva kāyo bahiddhā ca nāmarūpaṃ itthetaṃ dvayaṃ, dvayaṃ paṭicca phasso, saḷevāyatanāni yehi phuṭṭho bālo sukhadukkhamaṃ paṭisaṃvedetī”tiādi (saṃ. ni. 2.19). Tāsu tāsu desanāsu “avijjāpaccayā saṅkhārā”ti ayamidha avijjāvasena ekadhammamūlikā desanāti veditabbā. Evaṃ tāvettha desanābhedaṃ viññātabbo vinicchayo.

‘**Atthato**’ti avijjādīnaṃ padānaṃ atthato, seyyathidaṃ – pūretuṃ ayuttaṭṭhena kāyaduccaritādi avindiyam nāma; aladdhabbanti attho. Taṃ avindiyam vindatīti avijjā. Tabbiparītato kāyasucaritādi vindiyam nāma. Taṃ vindiyam na vindatīti avijjā. Khandhānaṃ rāsaṭṭhaṃ, āyatanānaṃ āyatanatṭhaṃ, dhātūnaṃ suññatṭhaṃ, saccānaṃ tathatṭhaṃ, indriyānaṃ ādhipeyyatṭhaṃ aviditaṃ karotīti avijjā. Dukkhadīnaṃ pīḷanādivasena vuttaṃ catubbidham catubbidham attham aviditaṃ karotītipi avijjā. Antavirahite saṃsāre sabbayonigatibhavaviññāṇatṭhitisattāvāsesu satte javāpetīti avijjā. Paramatthato avijjamānesu itthipurisādīsu javati, vijjamānesupi khandhādīsu na javatīti avijjā. Apica cakkhuvīññāḍīnaṃ vatthārammaṇānaṃ paṭiccasamuppādapāṭiccasamuppannānañca dhammānaṃ chādanatopi avijjā.

Yaṃ paṭicca phalameti so paccayo. **Paṭiccā**ti na vinā tena; taṃ apaccakkhitvāti attho. **Etī**ti uppajjati ceva pavattati cāti attho. Api ca upakāraṭṭho paccayaṭṭho. Avijjā ca sā paccayo cāti avijjāpaccayo. Tasmā **avijjāpaccayā**.

Saṅkhatamabhisāṅkharontīti saṅkhārā. Apica avijjāpaccayā saṅkhārā, saṅkhārasaddena āgatasāṅkhārā cāti duvidhā saṅkhārā. Tattha puññāpuññāneñjābhisaṅkhārā tayo, kāyavacīcittasaṅkhārā tayoti ime cha avijjāpaccayā saṅkhārā. Te sabbepi lokiyakusalākusalacetanāmatameva hontī.

Saṅkhatasaṅkhāro, abhisāṅkhatasaṅkhāro, abhisāṅkharāṇasaṅkhāro, payogābhisaṅkhāroti ime pana cattāro saṅkhārasaddena āgatasāṅkhārā. Tattha “aniccā vata saṅkhārā”tiādīsu (dī. ni. 2.221, 272; saṃ. ni. 1.186; 2.143) vuttā sabbepi sappaccayā dhammā ‘**saṅkhatasaṅkhārā**’ nāma. Kammanibbattā tebhūmakā rūpārūpadhammā ‘**abhisāṅkhatasaṅkhārā**’ti aṭṭhakathāsu vuttā. Tepi “aniccā vata saṅkhārā”ti ettheva saṅgahaṃ gacchantī. Visuṃ pana nesaṃ āgataṭṭhānaṃ na paññāyati. Tebhūmakakusalākusalacetanā pana ‘**abhisāṅkharāṇakasaṅkhāro**’ti vuccatī. Tassa “avijjāgatoyaṃ, bhikkhave, purisaṃpuggalo puññāñce abhisāṅkharotī”tiādīsu (saṃ. ni. 2.51) āgataṭṭhānaṃ paññāyati. Kāyikacetasaṅkhaṃ pana vīriyaṃ ‘**payogābhisaṅkhāro**’ti vuccatī. So “yāvaticā abhisāṅkhārassa gati, tāvatikaṃ gantvā akkhāhataṃ maññe aṭṭhāsī”tiādīsu (a. ni. 3.15) āgato.

Na kevalaṅca ete yeva, aññepi “saññāvedayitanirodham samāpajjantassa kho, āvuso visākha, bhikkhuno paṭhamaṃ nirujjhati vacīsaṅkhāro, tato kāyasaṅkhāro, tato cittasaṅkhāro”tiādīnaṃ (ma. ni. 1.464) nayena saṅkhārasaddena āgatā anekasaṅkhārā. Tesu natthi so saṅkhāro, yo saṅkhatasaṅkhāre saṅgahaṃ na gaccheyya. Ito paraṃ **saṅkhārapaccayā viññāṇantiādīsu** yaṃ vuttaṃ taṃ vuttanayeneva veditabbam.

Avutte pana vijjāntīti **viññāṇam**. Namatīti **nāmam**. Ruppantīti **rūpam**. Āye tanotī, āyatañca nayatīti **āyatanam**. Phusatīti **phasso**. Vedayatīti **vedanā**. Paritassatīti **taṇhā**. Upādiyati **upādānam**. Bhavati bhāvayati cāti **bhavo**. Jananam **jāti**. Jīraṇam **jarā**. Maranti etenāti **maraṇam**. Socanam **soko**. Paridevanam **paridevo**. Dukkhatīti **dukkham**; uppādatṭhitivasena vā dvedhā khaṇatīti **dukkham**. Dummanassa bhāvo **domanassam**. Bhuso āyāso **upāyāso**.

**Sambhavantī**ti nibbantanti. Na kevalaṅca sokādīheva, atha kho sabbapadehi ‘sambhavantī’ti saddassa yojanā kātabbā. Itarathā hi “avijjāpaccayā saṅkhārā”ti vutte kiṃ karontīti na paññāyeyyūṃ. “Sambhavantī”ti pana yojanāya sati “avijjā ca sā paccayo cāti avijjāpaccayo; tasmā avijjāpaccayā saṅkhārā sambhavantī”ti paccayapaccayuppannavatthānaṃ kataṃ hoti. Esa nayo sabbattha.

**Evanti** nidditṭhanayanidassanam. Tena avijjādīheva kāraṇehi, na issaranimmānādīhīti dasseti. **Etassā**ti yathāvuttassa. **Kevalassā**ti asammissassa sakalassa vā. **Dukkhaḅbhandhassā**ti dukkhasamūhassa, na sattassa, na sukhasubhādīnaṃ. **Samudayo**ti nibbattī. **Hotī**ti sambhavati. Evamettha atthato viññātabbo vinicchayo.

‘**Lakkhaṇādito**’ti avijjādīnaṃ lakkhaṇādito, seyyathidaṃ – aññāṇalakkhaṇā avijjā, sammohanarasā, chādanapaccupaṭṭhānā, āsavapadaṭṭhānā. Abhisāṅkharāṇalakkhaṇā saṅkhārā, āyūhanarasā, cetanāpaccupaṭṭhānā, avijjāpadaṭṭhānā. Vijjānalakkhaṇam viññāṇam, pubbaṅgamarasaṃ, paṭisaṅghapaccupaṭṭhānaṃ,

saṅkhārapadaṭṭhānaṃ, vatthārammaṇapadaṭṭhānaṃ vā. Namanalakkhaṇaṃ nāmaṃ, sampayogarasam, avinibbhogapaccupaṭṭhānaṃ, viññānapadaṭṭhānaṃ. Ruppanalakkhaṇaṃ rūpaṃ, vikiraṇarasam, abyākatapaccupaṭṭhānaṃ, viññānapadaṭṭhānaṃ. Āyatanalakkhaṇaṃ saḷāyatanaṃ, dassanādirasaṃ, vatthudvārabhāvapaccupaṭṭhānaṃ, nāmarūpapadaṭṭhānaṃ. Phusanalakkhaṇo phasso, saṅghaṭṭanaraso, saṅgatipaccupaṭṭhāno, saḷāyatanaṃ. Anubhavanalakkhaṇā vedanā, visayarasasambhogarasa, sukhadukkhaṇapaccupaṭṭhānā, phassapadaṭṭhānā. Hetulakkhaṇā taṇhā, abhinandanarasa, atittibhāvapaccupaṭṭhānā, vedanāpadaṭṭhānā. Gahaṇalakkhaṇaṃ upādānaṃ, amuñcanarasaṃ, taṇhādaḷhattadittipaccupaṭṭhānaṃ, taṇhāpadaṭṭhānaṃ. Kammakammaphalalakkhaṇo bhavo, bhāvanabhavanaraso, kusalākusalābyākatapaccupaṭṭhāno, upādānapadaṭṭhāno. Jātiādīnaṃ lakkhaṇādīni saccavibhaṅge vuttanayeneva veditabbāni. Evamettha lakkhaṇādītopi viññātabbo vinicchayo.

‘**Ekavidhādito**’ti ettha avijjā aññāṇā dassanamohādibhāvato ekavidhā, appaṭipattimicchāpaṭipattito duvidhā tathā saṅkhārāsankhārato, vedanāttayasampayogato tividhā, catusaccaappaṭivedhato catubbidhā, gatipaṇcākādīnavacchādanato pañcavidhā, dvārārammaṇato pana sabbesupi arūpadhammesu chabbidhatā veditabbā.

Saṅkhārā sāsavavipākadhammadhammādibhāvato ekavidhā, kusalākusalato duvidhā tathā parittamahaggatahīnamajjhimamicchattaniyatāniyatato, tividhā puññābhisaṅkhārādibhāvato, catubbidhā catuyonisamvattanato, pañcavidhā pañcagatigāmito.

Viññānaṃ lokiyavipākādibhāvato ekavidhaṃ, sahetukāhetukādito duvidhaṃ, bhavattayapariyāpannato vedanāttayasampayogato ahētukaduhetukatihētukato ca tividhaṃ, yonigativasena catubbidhaṃ pañcavidhaṇca.

Nāmarūpaṃ viññāṇasannissayato kammappaccayato ca ekavidhaṃ, sārammaṇānārammaṇato duvidhaṃ, atītādito tividhaṃ, yonigativasena catubbidhaṃ pañcavidhaṇca.

Saḷāyatanaṃ sañjātisamosaraṇaṭṭhānato ekavidhaṃ, bhūtapasādaviññāṇādito duvidhaṃ, sampattāsampattanobhayagocarato tividhaṃ, yonigatipariyāpannato catubbidhaṃ pañcavidhaṇcāti iminā nayena phassādīnampi ekavidhādibhāvo veditabboti. Evamettha ekavidhādītopi viññātabbo vinicchayo.

‘**Āṅgānaṇca vavatthānā**’ti sokādayo cettha bhavacakkassa avicchedadassanatthaṃ vuttā. Jarāmaṇabbhāhatassa hi bālassa te sambhavanti. Yathāha – ‘assutavā, bhikkhave, puthujjano sārīrikāya dukkhāya vedanāya phuṭṭho samāno socatī kilamati paridevati urattāḷiṃ kandati sammohamaṃpajjati’ (saṃ. ni. 4.252). Yāva ca tesam pavatti tāva avijjāyāti punapi avijjāpaccayā saṅkhārāti sambandhameva hoti bhavacakkaṃ. Tasmā tesampi jarāmaṇeneva ekasaṅkhepaṃ katvā dvādaseva paṭiccasamuppādaṅgānti veditabbāni. Evamettha āṅgānaṃ vavatthānatopi viññātabbo vinicchayo. Ayaṃ tāvettha uddesavārasena saṅkhepakathā.

Uddesavāraṇṇanā niṭṭhitā.

### Avijjāpadaniddeso

226. Idāni niddesavārasena vitthārakathā hoti. ‘‘Avijjā paccayā saṅkhārā’’ti hi vuttaṃ. Tattha avijjāpaccayesu saṅkhāresu dassetabbesu yasmā putte kathetabbe paṭhamaṃ pitā kathīyati. Evañhi sati ‘mittassa putto, dattassa putto’ti putto sukathito hoti. Tasmā desanākusalo satthā saṅkhārānaṃ janakatthena pitusadisam avijjāṃ tāva dassetuṃ **tattha katamā avijjā? Dukkhe aññāṇanti**ādīmāha.

Tattha yasmā ayaṃ avijjā dukkhasaccassa yāthāvasarasalakkhaṇaṃ jānituṃ passituṃ paṭivijjhituṃ na deti, chādetvā pariyanandhitvā ganthetvā tiṭṭhati, tasmā ‘‘dukkhe aññāṇa’’nti vuccati. Tathā yasmā dukkhasamudayassa dukkhanirodhassa dukkhanirodhagāminiyā paṭipadāya yāthāvasarasalakkhaṇaṃ jānituṃ passituṃ paṭivijjhituṃ na deti, chādetvā pariyanandhitvā ganthetvā tiṭṭhati, tasmā dukkhanirodhagāminiyā paṭipadāya aññāṇanti vuccati. Imesu catūsu ṭhānesu suttantikapariyāyena aññāṇaṃ avijjāti kathitaṃ.

Nikkhepakaṇḍe (dha. sa. 1067) pana abhidhammapariyāyena ‘‘pubbante aññāṇa’’nti aparesupi catūsu ṭhānesu aññāṇaṃ gahitaṃ. Tattha **pubbanteti** atīto addhā, atītāni khandhadhātuāyatanāni. **Apāranteti** anāgato addhā, anāgatāni khandhadhātuāyatanāni. **Pubbantāpāranteti** tadubhayaṃ. **Idappaccayatāti** saṅkhārādīnaṃ kāraṇāni avijjādīni āṅgāni. **Paṭiccasamuppānadhāmmāti** avijjādīhi nibbattā saṅkhārādayo dhammā. Tatrāyaṃ avijjā yasmā atītānaṃ khandhādīnaṃ yāthāvasarasalakkhaṇaṃ jānituṃ passituṃ paṭivijjhituṃ na deti, chādetvā pariyanandhitvā ganthetvā tiṭṭhati, tasmā ‘‘pubbante aññāṇa’’nti vuccati. Tathā yasmā anāgatānaṃ khandhādīnaṃ, atītānāgatānaṃ khandhādīnaṃ idappaccayatāya ceva paṭiccasamuppānadhāmmānaṇca yāthāvasarasalakkhaṇaṃ jānituṃ passituṃ

paṭivijjhituṃ na deti, chādetvā pariyanandhitvā ganthetvā tiṭṭhati, tasmā idappaccayatāpaṭiccasamuppannesu dhammesu aññānanti vuccati. Imesu aṭṭhasu ṭhānesu abhidhammapariyāyena aññānaṃ avijjāti kathitaṃ.

Evaṃ kiṃ kathitaṃ hoti? Kiccato ceva jātito ca avijjā kathitā nāma hoti. Kathaṃ? Ayañhi avijjā imāni aṭṭha ṭhānāni jānituṃ passituṃ paṭivijjhituṃ na detīti kiccato kathitā; uppajjamānāpi imesu aṭṭhasu ṭhānesu uppajjatīti jātitopi kathitā. Evaṃ kathetvā puna “yaṃ evarūpaṃ aññānaṃ adassana”ntiādīni pañcavīsati padāni avijjāya lakkhaṇaṃ dassetuṃ gahitāni.

Tattha yasmā ayaṃ avijjā imehi aṭṭhahi padehi kathitāpi puna pañcavīsatiyā padehi lakkhaṇe akathite sukathitā nāma na hoti, lakkhaṇe pana kathiteyeva sukathitā nāma hoti. Yathā puriso naṭṭhaṃ goṇaṃ pariyesamāno manusse puccheyya – “api, ayyā, setaṃ goṇaṃ passatha, rattaṃ goṇaṃ passathā”ti? Te evaṃ vadeyyuṃ – “imasmim raṭṭhe setarattānaṃ goṇānaṃ anto natthi, kiṃ te goṇassa lakkhaṇa”nti? Atha tena ‘saṅghāṭi’ vā ‘naṅgalaṃ’ vāti vutte goṇo sukathito nāma bhavēyya; evameva yasmā ayaṃ avijjā aṭṭhahi padehi kathitāpi puna pañcavīsatiyā padehi lakkhaṇe akathite sukathitā nāma na hoti, lakkhaṇe pana kathiteyeva sukathitā nāma hoti. Tasmā yānassā lakkhaṇadassanattaṃ pañcavīsati padāni kathitāni, tesampi vasena veditabbā.

Seyyathidaṃ – ñānaṃ nāma paññā. Sā atthattaṃ kāraṇakāraṇaṃ catusaccadhammaṃ viditaṃ pākaṭaṃ karoti. Ayaṃ pana avijjā uppajjitvā taṃ viditaṃ pākaṭaṃ kātuṃ na detīti ñānapaccanīkato **aññānaṃ**. Dassanantipi paññā. Sāpi taṃ ākāraṃ passati. Avijjā pana uppajjitvā taṃ passituṃ na detīti **adassanaṃ**. Abhisamayotipi paññā. Sā taṃ ākāraṃ abhisameti. Avijjā pana uppajjitvā taṃ abhisametuṃ na detīti **anabhisamayo**. Anubodho sambodho paṭivedhotipi paññā. Sā taṃ ākāraṃ anubujjhati sambujjhati paṭivijjhati. Avijjā pana uppajjitvā taṃ anubujjhituṃ sambujjhituṃ paṭivijjhituṃ na detīti **ananubodho asambodho appaṭivedho**. Saṅgāhanātipi paññā. Sā taṃ ākāraṃ gahetvā ghaṃsitvā gaṇhāti. Avijjā pana uppajjitvā taṃ gahetvā ghaṃsitvā gaṇhituṃ na detīti **asaṅgāhanā**. Pariyogāhanātipi paññā. Sā taṃ ākāraṃ ogāhitvā anupavisitvā gaṇhāti. Avijjā pana uppajjitvā taṃ ogāhitvā anupavisitvā gaṇhituṃ na detīti **apariyogāhanā**. Samapekkhanātipi paññā. Sā taṃ ākāraṃ samaṃ sammā ca pekkhati. Avijjā pana uppajjitvā taṃ samaṃ sammā ca pekkhituṃ na detīti **asamapekkhanā**. Paccavekkhanātipi paññā. Sā taṃ ākāraṃ paccavekkhati. Avijjā pana uppajjitvā taṃ paccavekkhituṃ na detīti **apaccavekkhanā**. Nāssā kiñci kammaṃ paccakkhaṃ atthi, sayañca apaccavekkhitvā kataṃ kammanti **apaccakkhakammaṃ**. Dummedhabhāvātāya **dummejjhaṃ**. Bālabhāvātāya **bālyaṃ**.

Sampajaññantipi paññā. Sā atthattaṃ kāraṇakāraṇaṃ catusaccadhammaṃ sammā pajānāti. Avijjā pana uppajjitvā taṃ ākāraṃ pajānituṃ na detīti **asampajaññaṃ**. Mohanavasena **moho**. Pamohanavasena **pamoho**. Sammohanavasena **sammoho**. Avindiyāṃ vindatītiādivasena **avijjā**. Vaṭṭasmim ohanati osīdāpetīti **avijjogho**. Vaṭṭasmim yojetīti **avijjāyogo**. Appahīnavasena punappunaṃ uppajjanato ca **avijjānusayo**. Magge pariyuṭṭhitacorā addhike viya kusalacittaṃ pariyuṭṭhāti gaṇhāti vilumpatīti **avijjāpariyuṭṭhānaṃ**. Yathā nagaradvāre palighasaṅkhātāya laṅgiyā patitāya antonagare manussānaṃ bahinagaragamanampi bahinagare manussānaṃ antonagarapavesanampi pacchijjati, evameva yassa sakkāyanagare ayaṃ patitā tassa nibbānasampāpakaṃ ñānagamanāṃ pacchijjatīti **avijjālaṅgī** nāma hoti. Akusalāñca taṃ mūlañca, akusalānaṃ vā mūlanti **akusalamūlaṃ**. Taṃ pana na aññaṃ, idhādhippeto mohoti moho akusalamūlaṃ. **Ayaṃ vuccati avijjāti** ayaṃ evaṃlakkhaṇā avijjā nāmāti vuccati. Evaṃ pañcavīsati padavasena avijjāya lakkhaṇaṃ veditabbāṃ.

Evaṃlakkhaṇā pañāyaṃ avijjā dukkhādīsu aññānanti vuttāpi dukkhasaccassa ekadeso hoti, sahaṅgā hoti, taṃ ārammaṇaṃ karoti, chādeti; samudayasaccassa na ekadeso hoti, sahaṅgā hoti, taṃ ārammaṇaṃ karoti, chādeti; nirodhasaccassa neva ekadeso hoti, na sahaṅgā, na taṃ ārammaṇaṃ karoti, kevalaṃ chādeti; maggasaccassāpi na ekadeso, na sahaṅgā, na taṃ ārammaṇaṃ karoti, kevalaṃ chādeti. Dukkhārammaṇatā avijjā uppajjati, tañca chādeti. Samudayārammaṇatā avijjā uppajjati, tañca chādeti. Nirodhārammaṇatā avijjā nuppajjati, tañca chādeti. Maggārammaṇatā avijjā nūppajjati, tañca chādeti.

Dve saccā duddasattā gambhīrā. Dve saccā gambhīrattā duddasā. Apica kho pana dukkhanirodhaṃ ariyasaccaṃ gambhīrañceva duddasañca. Tattha dukkhaṃ nāma pākaṭaṃ, lakkhaṇassa pana duddasattā gambhīraṃ nāma jātaṃ. Samudayepi eseva nayo. Yathā pana mahāsamuddaṃ manthetvā ojāya nīharaṇaṃ nāma bhāro, sinerupādato vālikāya uddharaṇaṃ nāma bhāro, pabbataṃ pīletvā rasassa nīharaṇaṃ nāma bhāro; evameva dve saccāni gambhīratāya eva duddasāni, nirodhasaccaṃ pana atigambhīrañca atiduddasañcāti. Evaṃ duddasattā gambhīraṇaṃ gambhīrattā ca duddasānaṃ catunnaṃ ariyasaccānaṃ paṭicchādakaṃ mohandhakāraṃ ayaṃ vuccati avijjāti.

Avijjāpadaniddeso.

**Saṅkhārapadaniddeso**

Saṅkhārapade heṭṭhā vuttasaṅkhāresu saṅkhārasaddena āgatasāṅkhāre anāmasitvā avijjāpaccayā saṅkhāreyeva dassento **tattha katame avijjāpaccayā saṅkhārā? Puññābhisaṅkhāroti**ādimāha. Tattha punāti attano kārakaṃ, pūreti cassa ajjhāsayaṃ, pujañca bhavaṃ nibbattetīti puñño. Abhisaṅkharoti vipākaṃ kaṭattārūpañcāti abhisaṅkhāro. Puññoova abhisaṅkhāro **puññābhisaṅkhāro**. Puññaapaṭipakkhato apuñño. Apuññoova abhisaṅkhāro **apuññābhisaṅkhāro**. Na iñjatīti āneñjaṃ. Āneñjameva abhisaṅkhāro, āneñjañca bhavaṃ abhisaṅkharotīti **āneñjābhisaṅkhāro**. Kāyena pavattito, kāyato vā pavatto, kāyassa vā saṅkhāroti **kāyasāṅkhāro**. Vacīsaṅkhāracittasaṅkhāresupi eseva nayo.

Tattha paṭhamattiko parivīmaṃsanasantavāsena gahito. Tattha hi “puññañce saṅkhāraṃ abhisaṅkharoti, puññūpagaṃ hoti viññāṇaṃ. Apuññañce saṅkhāraṃ abhisaṅkharoti, apuññūpagaṃ hoti viññāṇaṃ. Āneñjañce saṅkhāraṃ abhisaṅkharoti, āneñjūpagaṃ hoti viññāṇa”nti (saṃ. ni. 2.51) vuttaṃ. Dutiyattiko tadanantarassa vibhaṅgasuttassa vasena gahito, sammādiṭṭhisuttapariyāyena (ma. ni. 1.102) gahitoti vattum vaṭṭatiyeva. Tattha hi “tayome, bhikkhave, saṅkhārā. Katame tayo? Kāyasāṅkhāro, vacīsaṅkhāro, cittasaṅkhāro”ti (saṃ. ni. 2.2) vuttaṃ. Kasmā panetesam suttānaṃ vasena te gahitāti? Ayaṃ abhidhammo nāma na adhunākato, nāpi bāhirakaisīhi vā sāvakehi vā devatāhi vā bhāsito. Sabbaññujinabhāsito pana ayaṃ. Abhidhammepi hi suttepi ekasadisāva tanti niddiṭṭhāti imassatthassa dīpanatthaṃ.

Idāni te saṅkhāre pabhedato dassetuṃ **tattha katamo puññābhisaṅkhāroti**ādimāha. Tattha **kusalā cetanā**ti aniyamato catubhūmikacetanāpi vuttā. **Kāmāvacarā rūpāvacarā**ti niyamitattā pana aṭṭha kāmāvacarakusalacetanā, pañca rūpāvacarakusalacetanāti terasa cetanā puññābhisaṅkhāro nāma. **Dānamayā**tiādihi tāsamyeva cetanānaṃ puññakiriyavattuvasena pavatti dassitā. Tattha aṭṭha kāmāvacarāva dānasīlamayā honti. Bhāvanāmayā pana terasapi. Yathā hi paguṇaṃ dhammaṃ sajjhāyamāno ekaṃ dve anusandhigatepi na jānāti, pacchā āvajjanto jānāti; evameva kasiṇaparikkamaṃ karontassa paguṇajjhānaṃ paccavekkhantassa paguṇakammaṭṭhānañca manasikarontassa ñānavippayuttāpi bhāvanā hoti. Tena vuttaṃ “bhāvanāmayā pana terasapī”ti.

Tattha dānamayādisu “dānaṃ ārabba dānamadhikicca yā uppajjati cetanā sañcetanā cetayitattaṃ – ayaṃ vuccati dānamayo puññābhisaṅkhāroti. Sīlaṃ ārabba...pe... bhāvanaṃ ārabba bhāvanamadhikicca yā uppajjati cetanā sañcetanā cetayitattaṃ – ayaṃ vuccati bhāvanāmayo puññābhisaṅkhāro”ti (vibha. 769) ayaṃ saṅkhepadesanā.

Cīvarādisu pana catūsu paccayesu rūpādisu vā chasu ārammaṇesu annādisu vā dasasu dānavatthūsu taṃ taṃ dentassa tesam uppādanato paṭṭhāya pubbabhāge pariccāgākāle pacchā somanassacittena anussaraṇe cāti tīsu kālesu pavattā cetanā **dānamayā** nāma. Sīlaṃ paripūraṇatthāya pana ‘pabbajissāmī’ti vihāraṃ gacchantassa pabbajantassa manorathaṃ matthakaṃ pāpetvā ‘pabbajito vatamhi, sādhu suṭṭhū’ti āvajjantassa pātimokkhaṃ saṃvarantassa cīvarādayo paccaye paccavekkhantassa āpāthagatesu rūpādisu cakkhudvārādīni saṃvarantassa ājīvaṃ sođhentassa ca pavattā cetanā **sīlamayā** nāma. Paṭisambhidāyaṃ vuttena vipassanāmaggena cakkhuṃ aniccato dukkhato anattato bhāventassa rūpe...pe... dhamme, cakkhuviññāṇaṃ...pe... manoviññāṇaṃ, cakkhusamphassaṃ...pe... manosamphassaṃ, cakkhusamphassaṃ vedanaṃ...pe... manosamphassaṃ vedanaṃ, rūpasāññaṃ ...pe... dhammasāññaṃ jarāmaṇaṃ aniccato dukkhato anattato bhāventassa pavattā cetanā **bhāvanāmayā** nāmāti ayaṃ vitthārakathā.

Apuññābhisaṅkhāraniddese **akusalā cetanā**ti dvādasaakusalacittasampayuttā cetanā. **Kāmāvacarā**ti kiñcāpi tattha ṭhapetvā dve domanassasahagatacetanā sesā rūpārūpabhavēpi uppajjanti, tattha pana paṭisandhiṃ na ākaḍḍhanti, kāmāvacareyeva paṭisandhivasena vipākaṃ avacārentīti kāmāvacarātveva vuttā.

Āneñjābhisaṅkhāraniddese **kusalā cetanā arūpāvacarā**ti catasso arūpāvacarakusalacetanā. Etā hi catasso aniñjanaṭṭhena aniñjanassa ca abhisaṅkharanaṭṭhena **āneñjābhisaṅkhāroti** vuccanti. Rūpāvacaracattuhajjhānato hi tisso kusalavipākakiriyācetanā dvādasa arūpāvacaracetanāti pañcadasa dhammā aniccalaṭṭhena aphaṇḍanaṭṭhena āneñjā nāma. Tattha rūpāvacarā kusalā cetanā aniñjā samānāpi attanā sarikkhakampi asarikkhakampi saiñjanampi aniñjanampi aniñjanampi janetīti āneñjābhisaṅkhāro nāma na hoti. Vipākakiriyācetanā pana avipākattā vipākaṃ na abhisaṅkharontī, tathā arūpāvacarā vipākakiriyācetanāpīti ekādasāpi etā cetanā āneñjāva na abhisaṅkhārā. Catubbidhā pana arūpāvacarakusalacetanā yathā hatthiassādīnaṃ sadisāva chāyā honti, evaṃ attanā sadisaṃ niccalaṃ arūpameva janetīti āneñjābhisaṅkhāroti vuccatīti.

Evaṃ puññābhisaṅkhārasena terasa, apuññābhisaṅkhārasena dvādasa, āneñjābhisaṅkhārasena catassoti sabbāpetā paripiṇḍitā ekūnatimsa cetanā honti. Iti bhagavā aparimāṇesu cakkavājesu aparimāṇānaṃ sattānaṃ uppajjanakakusalākusalacetanā mahātulāya dhārayamāno viya, nāliyaṃ pakkhipitvā minamāno viya ca sabbaññutaññaṇena paricchinditvā ekūnatimsameva dassesi.

Idāni aparimāṇesu cakkavāḷesu aparimāṇā sattā kusalākusalakammaṃ āyūhamānā yehi dvārehi āyūhanti, tāni tīṇi kammadvārāni dassento **tattha katamo kāyasaṅkhāro? Kāyasañcetanā**tiādīmāha. Tattha **kāyasañcetanā**ti kāyaviññattim samuṭṭhāpetvā kāyadvārato pavattā aṭṭha kāmāvacarakusalacetanā dvādasa akusalacetanāti samavīsati cetanā; kāyadvāre ādānaggaṇacopanaṃ pāpayamānā uppannā vīsati kusalākusalacetanātipi vattum vaṭṭati.

**Vacīsañcetanā**ti vacīviññattim samuṭṭhāpetvā vacīdvārato pavattā tāyeva vīsati cetanā; vacīdvāre hanusañcopanaṃ vākyabhedam pāpayamānā uppannā vīsati cetanātipi vattum vaṭṭati. Abhiññācetanā panettha parato viññāssa paccayo na hotīti na gahitā. Yathā ca abhiññācetanā, evaṃ uddhaccacetanāpi na hoti. Tasmā sāpi viññāssa paccayabhāve apanetabbā. Avijjāpaccayā pana sabbāpetā honti.

**Manosañcetanā**ti ubhopi viññattiyō asamuṭṭhāpetvā manodvāre uppannā sabbāpi ekūnatimśa cetanā. Iti bhagavā aparimāṇesu cakkavāḷesu aparimāṇā sattā kusalākusalakammaṃ āyūhamānā imehi tīhi dvārehi āyūhantīti āyūhanakammadvāraṃ dassesi.

Imesaṃ pana dvinnampi tikānaṃ aññamaññaṃ sampayogo veditabbo. Kathaṃ? Puññābhisaṅkhāro hi kāyaduccaritā viramantassa siyā kāyasaṅkhāro, vacīduccaritā viramantassa siyā vacīsaṅkhāro. Evaṃ aṭṭha kusalacetanā kāmāvacarā puññābhisaṅkhāro ca hoti kāyasaṅkhāro ca vacīsaṅkhāro ca. Manodvāre uppannā pana terasa cetanā puññābhisaṅkhāro ca hoti cittasaṅkhāro ca. Apuññābhisaṅkhāropi kāyaduccaritavasena pavattiyam siyā kāyasaṅkhāro, vacīduccaritavasena pavattiyam siyā vacīsaṅkhāro, dve dvārāni muñcivā manodvāre pavattiyam siyā cittasaṅkhāroti. Evaṃ apuññābhisaṅkhāro kāyasaṅkhāropi hoti vacīsaṅkhāropi cittasaṅkhāropi.

Kāyasaṅkhāro pana siyā puññābhisaṅkhāro, siyā apuññābhisaṅkhāro, na āneñjābhisaṅkhāro. Tathā vacīsaṅkhāro. Cittasaṅkhāro pana siyā puññābhisaṅkhāro, siyā apuññābhisaṅkhāro, siyā āneñjābhisaṅkhāroti. Ime avijjāpaccayā saṅkhārā nāma.

Kathaṃ panetaṃ jānitabbaṃ – ime saṅkhārā avijjāpaccayā hontīti? Avijjābhāve bhāvato. Yassa hi dukkhādīsu avijjāsaṅkhātāṃ aññāṇaṃ appahīnaṃ hoti, so dukkhe tāva pubbantādīsu ca aññāṇena saṃsāradukkhaṃ sukhasaññāya gahetvā tassa hetubhūte tividhepi saṅkhāre ārabhati, samudaye aññāṇena dukkhahetubhūtepi taṇhāparikkhāre saṅkhāre sukhaheṭṭo maññamāno ārabhati, nirodhe pana magge ca aññāṇena dukkhassa anirodhabhūtepi gatīvisese dukkhanirodhasaññī hutvā nirodhassa ca amaggabhūtesupi yaññāmaratapādīsu nirodhamaggasaññī hutvā dukkhanirodhaṃ patthayamāno yaññāmaratapādīmukhena tividhepi saṅkhāre ārabhati.

Apica so tāya catūsu saccesu appahīnāvijjātāya visesato jātijarārogamaraṇādiānekādīnavavokiṇṇaṃ puññaphalasaṅkhātāṃ dukkhaṃ dukkhato ajānanto tassa adhigamāya kāyavacīcittasaṅkhārabhedam puññābhisaṅkhāraṃ ārabhati devaccharakāmako viya marupapātaṃ; sukhasammatassāpi ca tassa puññaphalassa ante mahāpariḷāhajanakaṃ vipariṇāmadukkhatāṃ appassādatañca apassantopi tappaccayaṃ vuttappakārameva puññābhisaṅkhāraṃ ārabhati salabho viya dīpasikhābhiniṇipātaṃ, madhubindugiddho viya ca madhulittasatthadhārālehanaṃ.

Kāmūpasevanādīsu ca savipākesu ādīnavaṃ apassanto sukhasaññāya ceva kilesābhībhūtātāya ca dvārattayappavattampi apuññābhisaṅkhāraṃ ārabhati bālo viya gūthakīḷanaṃ, maritukāmo viya ca visakhādanaṃ. Āruppavipākesu cāpi saṅkhāravipariṇāmadukkhatāṃ anavabujjhamāno sassatādivipallāsena cittasaṅkhārabhūtaṃ āneñjābhisaṅkhāraṃ ārabhati disāmūḷho viya pisācanagarābhīmukhamaggamanaṃ.

Evaṃ yasmā avijjābhāvatova saṅkhārabhāvo, na abhāvato; tasmā jānitabbametam – ime saṅkhārā avijjāpaccayā hontīti. Vuttampi cetam – ‘‘avidvā, bhikkhave, avijjāgato puññābhisaṅkhārampi abhisaṅkharoti, apuññābhisaṅkhārampi abhisaṅkharoti, āneñjābhisaṅkhārampi abhisaṅkharoti. Yato kho, bhikkhave, bhikkhuno avijjā pahīnā, vijjā uppannā, so avijjāvirāgā vijjuppādā neva puññābhisaṅkhāraṃ abhisaṅkharoti’’ti.

Etthāha – gaṇhāma tāva etaṃ ‘avijjā saṅkhārānaṃ paccayo’ti. Idaṃ pana vattabbaṃ – ‘katamesaṃ saṅkhārānaṃ kathaṃ paccayo hoti’ti? Tatridaṃ vuccati –

Paccayo hoti puññānaṃ, duvidhānekadhā pana;  
Pasesaṃ pacchimānaṃ sā, ekadhā paccayo matā.

Tattha ‘**puññānaṃ duvidhā**’ti ārammaṇapaccayena ca upanissayapaccayena cāti dvedhā paccayo hoti. Sā hi avijjāṃ khayato vayato sammāsanakāle kāmāvacarānaṃ puññābhisaṅkhārānaṃ ārammaṇapaccayena paccayo hoti, abhiññācittena samohacittajānanakāle rūpāvacarānaṃ, avijjāsamatikkamanatthāya pana dānādīni ceva



kāmāvacarapuññakiriyavattḥūni pūrentassa rūpāvacarajjhānāni ca uppādentassa dvinnampi tesam upanissayapaccayena paccayo hoti; tathā avijjāsamūlhattā kāmabhavarūpabhavasampattiyo patthetvā tāneva puññāni karontassa.

‘**Anekadhā pana pasesa**’nti apuññābhisaṅkhārānaṃ anekadhā paccayo hoti. Kathaṃ? Esā hi avijjāṃ ārabha rāgādīnaṃ uppajjanakāle ārammaṇapaccayena, garuṃ katvā assādanakāle ārammaṇādhipatiārammaṇūpanissayehi, avijjāsamūlhasa anādīnavadassāvino paṇātipātādīni karontassa upanissayapaccayena, dutiyajavanādīnaṃ anantarasamanantarānantarūpanissayāsevananattḥivigatapaccayehi, yaṃ kiñci akusalaṃ karontassa hetusahajātaaññamaññanissayasampayuttaatthivigatapaccayehiṭi anekadhā paccayo hoti.

‘**Pacchimānaṃ sā ekadhā paccayo matā**’ti āneñjābhisaṅkhārānaṃ upanissayapaccayeneva ekadhā paccayo matā. So panassā upanissayabhāvo puññābhisaṅkhāre vuttanayeneva veditabboti.

Etthāha – ‘kiṃ panāyamekāva avijjā saṅkhārānaṃ paccayo udāhu aññepi paccayā hoti’? Kiñcetha yadi tāva ekāva ekakāraṇavādo āpajjati. Atha ‘aññepi santi avijjāpaccayā saṅkhārā’ti ekakāraṇaniddeso nupapajjati? Na nupapajjati. Kasmā? Yasmā –

Ekam na ekato idha, nānekamanekatopi no ekam;  
Phalamatthi atthi pana eka-hetuphaladīpane attho.

Ekato hi kāraṇato na idha kiñci ekam phalamatthi, na anekam. Nāpi anekehi kāraṇehi ekam. Anekehi pana kāraṇehi anekameva hoti. Tathā hi anekehi utupathavībḥjasalīlasaṅkhātehi kāraṇehi anekameva rūpagandharasādiāṅkurasāṅkhātāṃ phalamuppajjamānaṃ dissati. Yaṃ panetaṃ “avijjāpaccayā saṅkhārā, saṅkhārapaccayā viññāṇa”nti ekekahetuphaladīpanaṃ kataṃ, tattha attho atthi, payojanaṃ vijjati.

Bhagavā hi katthaci padhānattā, katthaci pākāṭattā, katthaci asādhāraṇattā, desanāvīlāsassa ca veneyyānañca anurūpato ekamevahetuṃ vā phalaṃ vā dīpeti; “phassapaccayā vedanā”ti (dī. ni. 2.97) hi ekameva hetuṃ phalañcāha. Phasso hi vedanāya padhānāhetu yathāphassaṃ vedanāvavattḥānato. Vedanā ca phassassa padhānaphalaṃ yathāvedanaṃ phassavavattḥānato.

“Semhasamuṭṭhānā ābādhā”ti (mahāni. 5) pākāṭattā ekam hetumāha. Pākāṭo hettha semho, na kammādayo. “Ye keci, bhikkhave, akusalā dhammā, sabbete ayonisomanasikāramūlakā”ti asādhāraṇattā ekam hetumāha; asādhāraṇo hi ayonisomanasikāro akusalānaṃ, sādāraṇāni vatthārammaṇādīnīti.

Tasmā ayamidha avijjā vijjāmaṇesupi aññesu vatthārammaṇasahajātadhammādīsu saṅkhārakāraṇesu “assādānupassino taṇhā pavaḍḍhatī”ti (saṃ. ni. 2.52) ca “avijjāsamudayā āsavasamudayo”ti (ma. ni. 1.104) ca vacanato aññesampi taṇhādīnaṃ saṅkhārahētūnaṃ hetūti padhānattā, “avidvā, bhikkhave, avijjāgato puññābhisaṅkhārampi abhisaṅkharoti”ti pākāṭattā asādhāraṇattā ca saṅkhārānaṃ hetubhāvena dīpitāti veditabbā. Eteneva ca ekekahetuphaladīpanaparihāravacanena sabbattha ekekahetuphaladīpane payojanaṃ veditabbanti.

Etthāha – evaṃ santepi ekantāniṭṭhaphalāya sāvajjāya avijjāya kathaṃ puññāneñjābhisaṅkhārapaccayattaṃ yujjati? Na hi nimbabḥjato ucchu uppajjati. Kathaṃ na yujjissati? Lokasmiñhi –

Viruddho cāviruddho ca, sadisāsadisō tathā;  
Dhammānaṃ paccayo siddho, vipākā eva te ca na.

Dhammānañhi ṭhānasabhāvakkiccādiviruddho ca aviruddho ca paccayo loke siddho. Purimacittañhi aparacittassa ṭhānaviruddho paccayo, purimasippādisikkhā ca pacchāpavattamānānaṃ sippādikiriyānaṃ. Kammaṃ rūpassa sabhāvaviruddho paccayo, khīrādīni ca dadhīādīnaṃ. Āloko cakkhuvīññāṇassa kiccaviruddho, guḷādayo ca āsavādīnaṃ. Cakkhurūpādayo pana cakkhuvīññāṇādīnaṃ ṭhānaviruddhā paccayā. Purimajavanādayo pacchimajavanādīnaṃ sabhāvaviruddhā kiccaviruddhā ca.

Yathā ca viruddhāvairuddhā paccayā siddhā, evaṃ sadisāsadisāpi. Sadisameva hi utuāhārasāṅkhātāṃ rūpaṃ rūpassa paccayo hoti, sālībḥjādīni ca sālīphalādīnaṃ. Asadisampi rūpaṃ arūpassa, arūpañca rūpassa paccayo hoti; golomāvilomavisānadadhītilapīṭṭhādīni ca dabbabhūtiṇakādīnaṃ. Yesāñca dhammānaṃ ye viruddhāvairuddhā sadisāsadisā paccayā, na te dhammā tesam dhammānaṃ vipākāyeva. Iti yaṃ avijjā vipākavasena ekantāniṭṭhaphalāsabhāvavasena ca sāvajjāpi samānā sabbesampi etesaṃ puññābhisaṅkhārādīnaṃ yathānurūpaṃ ṭhānakiccasabhāvaviruddhāvairuddhāpaccayavasena sadisāsadisapaccayavasena ca paccayo hotiṭi veditabbā.

So cassā paccayabhāvo ‘yassa hi dukkhādīsu avijjāsāṅkhātāṃ aññāṇaṃ appahīnaṃ hoti, so dukkhe tāva pubbantādīsu ca aññāṇena saṃsāradukkhaṃ sukhasaññāya gahetvā tassa hetubhūte tividhepi saṅkhāre ārabhatī’ tiādīnaṃ nayena vutto eva.

Apica ayaṃ aññopi pariyāyo –

Cutūpapāte saṃsāre, saṅkhārānaṃ lakkhaṇe;  
Yo paṭiccasamuppanna-dhammesu ca vimuyhati.

Abhisāṅkharoti so ete, saṅkhāre tividhe yato;  
Avijjā paccayo tesāṃ, tividhānampi yaṃ tatoti.

Kathaṃ pana yo etesu vimuyhati, so tividhepete saṅkhāre karotīti ce? Cutiyā tāva vimūḷho sabbattha ‘khandhānaṃ bhedo maraṇa’nti cutiṃ agaṇhanto ‘satto marati, sattassa desantarasaṅkamana’ntiādīni vikappeti. Upapāte vimūḷho sabbattha ‘khandhānaṃ pātubhāvo jāti’ti upapātaṃ agaṇhanto ‘satto upapajjati, sattassa navasarīrapātubhāvo’ tiādīni vikappeti. Saṃsāre vimūḷho yo esa –

‘Khandhānaṃ paṭipāṭi, dhātuāyatanāna ca;  
Abbocchinnāṃ vattamānā, saṃsāroti pavuccatī’ ti.

Evaṃ vaṇṇito saṃsāro. Taṃ evaṃ agaṇhanto ‘ayaṃ satto asmā lokā paraṃ lokaṃ gacchati, parasmā lokā imaṃ lokaṃ āgacchati’ tiādīni vikappeti. Saṅkhārānaṃ lakkhaṇe vimūḷho saṅkhārānaṃ sabhāvalakkhaṇaṃ sāmāññalakkhaṇaṃ agaṇhanto saṅkhāre attato attaniyato dhuvato subhato sukhato ca vikappeti. Paṭiccasamuppannadhammesu vimūḷho avijjādīhi saṅkhārādīnaṃ pavattiṃ agaṇhanto ‘attā jānāti vā na jānāti vā, so eva karoti ca kāreti ca so paṭisandhiyaṃ upapajjati, tassa aṇuissarādayo kalalādibhāvena sarīraṃ saṅghapetvā indriyāni sampādentī, so indriyasampanno phusati vediyati taṇhiyati upādiyati ghaṭiyati, so puna bhavantare bhavatī’ ti vā ‘sabbe sattā niyatisaṅgatibhāvaparīṇatā’ ti (dī. ni. 1.168) vā vikappeti. So evaṃ avijjāya andhīkato evaṃ vikappento yathā nāma andho pathaviyaṃ vicaranto maggampi amaggampi thalampi ninnampi samampi visamampi paṭipajjati, evaṃ puñṇampi apuñṇampi āneṅjampi saṅkhāraṃ abhisāṅkharotīti. Tenetaṃ vuccatī –

Yathāpi nāma jaccandho, naro aparināyako;  
Ekadā yāti maggena, kummaggenāpi ekadā.

Saṃsāre saṃsaram bālo, tathā aparināyako;  
Karoti ekadā puñṇaṃ, apuñṇamāpi ekadā.

Yadā ñatvā ca so dhammaṃ, saccāni abhisamessatī;  
Tadā avijjūpasamā, upasanto carissatīti.

Ayaṃ **avijjāpaccayā saṅkhārāti** padasmiṃ vitthārakathā.

Avijjāpaccayā saṅkhārapadaniddeso.

### Viññānapadaniddeso

**227.** Saṅkhārapaccayā viññānapadaniddese **cakkhuvīññānti**ādīsu cakkhuvīññānaṃ kuslavipākaṃ akusalavipākānti duvidhaṃ hoti. Tathā sotaghānajivhākāyaviññānāni. Manovīññānaṃ pana kusalākusalavipākā dve manodhātuyo, tisso ahetukamanovīññānadhātuyo, aṭṭha sahetukāni kāmāvacaravipākacittāni, pañca rūpāvacarāni, cattāri arūpāvacarānīti bāvīsatividhaṃ hoti. Iti imehi chahi viññānehi sabbānīpi bāttimsa lokiyavipākavīññānāni saṅgahitāni hontī. Lokuttarāni pana vaṭṭakathāyaṃ na yujjantīti na gahitāni.

Tattha siyā – kathaṃ panetaṃ jānitabbaṃ ‘idaṃ vuttappakāraṃ viññānaṃ saṅkhārapaccayā hotīti’ Upacitakammābhāve vipākābhāvato. Vipākāñhetā, vipākāñca na upacitakammābhāve uppajjati. Yadi uppajjeyya, sabbesaṃ sabbavipākāni uppajjeyyūṃ; na ca uppajjantīti jānitabbametā – ‘saṅkhārapaccayā idaṃ viññānaṃ hotīti’.

Katarasaṅkhārapaccayā kataravīññānti ce? **Kāmāvacarapuññābhisāṅkhārapaccayā** tāva kuslavipākāni pañca cakkhuvīññānānī, manovīññāne ekā manodhātu, dve manovīññānadhātuyo, aṭṭha kāmāvacaramahāvīpākānīti

soġasa. Yathāha –

“Kāmāvacarassa kusalassa kammaṣṣa katattā upacittā vipākaṃ cakkhuvīññāṇaṃ uppannaṃ hoti. Tathā sotaghānajivhākāyaviññāṇaṃ uppannaṃ hoti, vipākā manodhātu uppannā hoti, manovīññādhātu uppannā hoti somanassasahagatā, manovīññādhātu uppannā hoti upekkhāsahagatā, manovīññādhātu uppannā hoti somanassasahagatā ñāṇasampayuttā, somanassasahagatā ñāṇasampayuttā sasaṅkhārena, somanassasahagatā ñāṇavippayuttā, somanassasahagatā ñāṇavippayuttā sasaṅkhārena, upekkhāsahagatā ñāṇasampayuttā, upekkhāsahagatā ñāṇasampayuttā sasaṅkhārena, upekkhāsahagatā ñāṇavippayuttā, upekkhāsahagatā ñāṇavippayuttā sasaṅkhārenā”ti (dha. sa. 431, 498).

**Rūpāvacarapuññābhisaṅkhārapaccayā** pana pañca rūpāvacaravipākāni. Yathāha –

“Tasseva rūpāvacarassa kusalassa kammaṣṣa katattā upacittā vipākaṃ vivicceva kāmehi...pe... paṭhamam jhānaṃ...pe... pañcamam jhānaṃ upasampajja viharatī”ti (dha. sa. 499).

Evam puññābhisaṅkhārapaccayā ekavīsatividham viññāṇaṃ hoti.

**Apuññābhisaṅkhārapaccayā** pana akusalavipākāni pañca cakkhuvīññāḍīni, ekā manodhātu, ekā manovīññādhātūti evam sattavidham viññāṇaṃ hoti. Yathāha –

“Akusalassa kammaṣṣa katattā upacittā vipākaṃ cakkhuvīññāṇaṃ uppannaṃ hoti. Tathā sotaghānajivhākāyaviññāṇaṃ, vipākā manodhātu, vipākā manovīññādhātu uppannā hoti”ti (dha. sa. 556).

**Āneñjābhisaṅkhārapaccayā** pana cattāri arūpavipākānīti evam catubbidham viññāṇaṃ hotīti. Yathāha –

“Tasseva arūpāvacarassa kusalassa kammaṣṣa katattā upacittā vipākaṃ sabbaso rūpasaññānaṃ samatikkamā ākāsānañcāyatanasaññāsahagataṃ...pe... viññāṇañcāyatanasaññāsahagataṃ...pe... ākiñcaññāyatanasaññāsahagataṃ...pe... nevasaññānañcāyatanasaññāsahagataṃ sukhassa ca pahānā...pe... catuttham jhānaṃ upasampajja viharatī”ti (dha. sa. 501).

Evam yaṃ saṅkhārapaccayā viññāṇaṃ hoti, taṃ ñatvā idānissa evam pavatti veditabbā – sabbameva hi idaṃ pavattiṭṭhisandhivasena dvidhā pavattati. Tattha dve pañcaviññāṇāni, dve manodhātuyo, somanassasahagatāhetukamanovīññādhātūti imāni terasa pañcavokārabhave pavattiyāmyeva pavattanti. Sesāni ekūnavīsati tīsu bhavesu yathānurūpaṃ pavattiyampi ṭṭhisandhiyampi pavattanti.

Katham? Kusalavipākāni tāva cakkhuvīññāḍīni pañca kusalavipākena vā akusalavipākena vā nibbattassa yathākkamaṃ paripākamupagatindriyassa cakkhādīnaṃ āpāthagataṃ iṭṭham vā iṭṭhamajjhataṃ vā rūpādiārammaṇaṃ ārabha cakkhādīpasādaṃ nissāya dassanasavanaghāyanasāyanaphusanakiccaṃ sādhamānāni pavattanti. Tathā akusalavipākāni pañca. Kevalaṅhi tesam anīṭṭham anīṭṭhamajjhataṃ vā rūpādiārammaṇaṃ hoti, ayameva vireso. Dasāpi cetāni niyatadvārārammaṇavattuṭṭhānāni niyatakiccāneva ca bhavanti.

Tato kusalavipākānaṃ cakkhuvīññāḍīnaṃ anantaraṃ kusalavipākamanodhātu tesaññeva ārammaṇamārabha hadayavattuṃ nissāya sampañcchanakiccaṃ sādhamānā pavattati. Tathā akusalavipākānaṃ anantaraṃ akusalavipākā. Idañca pana dvayaṃ niyatadvārārammaṇaṃ niyatavattuṭṭhānaṃ niyatakiccañca hoti.

Somanassasahagatā pana ahetukamanovīññādhātu kusalavipākamanodhātuyā anantaraṃ tassā eva ārammaṇaṃ ārabha hadayavattuṃ nissāya santīraṇakiccaṃ sādhamānā ca chasu dvāresu balavārammaṇe kāmāvacarasattānaṃ yebhuyyena lobhasampayuttajavanāvasāne bhavaṅgavīthiṃ pacchinditvā javanena gahitārammaṇe tadārammaṇavasena ca sakiṃ vā dvikkhattuṃ vā pavattati. Cittappavattigaṇānāyaṃ pana sabbadvāresu tadārammaṇe dve eva cittavārā āgatā. Idaṃ pana cittaṃ tadārammaṇanti ca piṭṭhibhavaṅganti cāti dve nāmāni labhati, niyatadvārārammaṇaṃ niyatavattuṭṭhakaṃ aniyataṭṭhānakiccañca hotīti. Evam tāva terasa pañcavokārabhave pavattiyāmyeva pavattantīti veditabbāni. Sesesu ekūnavīsatiyā cittesu na kiñci attano anurūpāya ṭṭhisandhiyā na pavattati.

Pavattiyāṃ pana kusalākusalavipākā tāva dve ahetukamanovīññādhātuyo pañcadvāre kusalākusalavipākamanodhātūnaṃ anantaraṃ santīraṇakiccaṃ, chasu dvāresu pubbe vuttanayeneva tadārammaṇakiccaṃ, attanā dinnapaṭisandhito uddham asati bhavaṅgupacchedake cittuppāde bhavaṅgakiccaṃ, ante cutikiccañcāti cattāri kiccāni sādhamānā niyatavattuṭṭhakaṃ aniyatadvārārammaṇaṭṭhānakiccā hutvā pavattanti.

Aṭṭha kāmāvacarasahetukacittāni pavattiyam vuttanayeneva chasu dvāresu tadārammaṇakiccaṃ, attanā dinnapaṭisandhito uddham asati bhavaṅgupacchedake cittuppāde bhavaṅgakiccaṃ, ante cutikiccañcāti tīṇi kiccāni sādhamānāni niyatavattukāni aniyatadvārārammaṇaṭṭhānakiccāni hutvā pavattanti.

Pañca rūpāvacarāni cattāri ca arūpāvacarāni attanā dinnapaṭisandhito uddham asati bhavaṅgupacchedake cittuppāde bhavaṅgakiccaṃ, ante cutikiccañcāti kiccadvayaṃ sādhamānāni pavattanti. Tesu rūpāvacarāni niyatavattukāni aniyatavattukāni, itarāni avattukāni niyatārammaṇāni aniyatavattukāni hutvā pavattanti. Evaṃ tava bāttimsavidhampi viññāṇaṃ pavattiyam saṅkhārapaccayā pavattati. Tatrassa te te saṅkhārā kammaṇapaccayena ca upanissayapaccayena ca paccayā honti.

Tattha yānefāni ekādasa tadārammaṇacittāni vuttāni, tesu ekampi rūpārūpabhava tadārammaṇaṃ hutvā na pavattati. Kasmā? Bījābhāvā. Tattha hi kāmāvacaravipākasaṅkhātāṃ paṭisandhibījaṃ natthi, yaṃ rūpādīsu ārammaṇesu pavattiyam tassa janakaṃ bhavēyya. Cakkhuviññāḍīnampi rūpabhava abhāvo āpajjati ce? Na; indriyapavattīnubhāvato dvārāvīthibhede cittaniyamato ca.

Yathā cetam tadārammaṇaṃ ekantena rūpārūpabhava nappavattati tathā sabbe pi akāmāvacare dhamme nānubandhati. Kasmā? Ajanakattā ceva janakassa ca asadisattā. Tañhi yathā nāma gehā nikkhamitvā bahi gantukāmo taruṇadārako attano janakaṃ pitaraṃ vā aññaṃ vā pitusadisam hitakāmaṃ ñātim aṅguliyaṃ gahetvā anubandhati, na aññaṃ rājapurisādim, tathā etampi bhavaṅgārammaṇato bahi nikkhamitukāmaṃ sabhāgatāya attano janakaṃ pitaraṃ vā pitusadisam vā kāmāvacarajavaneva anubandhati, na aññaṃ mahaggataṃ anuttaraṃ vā.

Yathā cetam mahaggatalokuttare dhamme nānubandhati, tathā yadā ete kāmāvacaradhammāpi mahaggatārammaṇā hutvā pavattanti tadā tepi nānubandhati. Kasmā? Aparicitadesattā accantaparittārammaṇattā ca. Tañhi yathā pitaraṃ vā pitusadisam vā ñātim anubandhantopi taruṇadārako gharadvāraantaravīthicatukkādīmhi pariciteyeva dese anubandhati, na araññaṃ vā yuddhabhūmiṃ vā gacchantam; evam kāmāvacaradhamme anubandhantampi mahaggatādīmhi pariciteyeva dese pavattamāne dhamme anubandhati, na mahaggatalokuttaradhamme ārabha pavattamāneti.

Yasmā cassa ‘‘sabbo kāmāvacaravipāko kiriyamanodhātu kiriyasahetukamanoviññādhātu somanassasahagatā ime dhammā parittārammaṇā’’ti evam accantaparittameva ārammaṇaṃ vuttaṃ, tasmāpetam mahaggatalokuttarārammaṇe kāmāvacaradhammepi nānubandhatīti vedittabbaṃ.

Kim vā imāya yuttikathāya? Aṭṭhakathāyañhi ekanteneva vuttaṃ – ekādasa tadārammaṇacittāni nāmagottaṃ ārabha javane javite tadārammaṇaṃ na gaṇhanti. Paṇnattim ārabha javane javite tadārammaṇaṃ na labbhati. Tilakkaṇārammaṇikavipassanāya tadārammaṇaṃ na labbhati. Vuṭṭhānagāminiyā balavavipassanāya tadārammaṇaṃ na labbhati. Rūpārūpadhamme ārabha javane javite tadārammaṇaṃ na labbhati. Micchattaniyatadhammesu tadārammaṇaṃ na labbhati. Sammattaniyatadhammesu tadārammaṇaṃ na labbhati. Lokuttaradhamme ārabha javane javite tadārammaṇaṃ na labbhati. Abhiññāṇaṃ ārabha javane javite tadārammaṇaṃ na labbhati. Paṭisambhidāññaṃ ārabha javane javite tadārammaṇaṃ na labbhati. Kāmāvacare dubbalārammaṇe tadārammaṇaṃ na labbhati, chasu dvāresu balavārammaṇe āpāthagateyeva labbhati, labbhamānañca kāmāvacareyeva labbhati. Rūpārūpabhava tadārammaṇaṃ nāma natthīti.

Yaṃ pana vuttaṃ ‘‘sesesu ekūnavīsatiyā cittesu na kiñci attano anurūpāya paṭisandhiyā na pavattati’’ti, tam atisaṃkhittatā dubbijānaṃ. Tenassa vitthāranayadassanattamaṃ vuccati – ‘‘kati paṭisandhiyo? Kati paṭisandhicittāni? Kena kattha paṭisandhi hoti? Kim paṭisandhiyā ārammaṇa’’nti?

Asaññaṇapaṭisandhiyā saddhim vīsati paṭisandhiyo. Vuttapakārāneva ekūnavīsati paṭisandhicittāni. Tattha akusalavipākāya ahetukamanoviññādhātuyā apāyesu paṭisandhi hoti, kuslavipākāya manussaloke jaccandhājātibadhirajātiiummattakaelamūganapuṃsakādīnaṃ. Aṭṭhahi sahetukamahāvīpākehi kāmāvacaradevesu ceva manussesu ca puññavantaṇaṃ paṭisandhi hoti, pañcahi rūpāvacaravipākehi rūpībrahmaloke, catūhi arūpāvacaravipākehi arūpaloketi. Yena ca yattha paṭisandhi hoti, sā eva tassā anurūpapaṭisandhi nāma.

Saṅkhepato paṭisandhiyā tīṇi ārammaṇāni honti – kammaṃ, kammanimittaṃ, gatinimittanti. Tattha **kammaṃ** nāma āyūhita kusalākusalacetanā. **Kammanimittaṃ** nāma yaṃ vatthum ārammaṇaṃ katvā kammaṃ āyūhati. Tattha atīte kappakoṭisatasahassamatthakasmimpi kamme kate tasmim khaṇe kammaṃ vā kammanimittaṃ vā āgantvā upaṭṭhāti.

Tatridam kammanimittassa upaṭṭhāne vatthu – gopakasīvalī kira nāma tālapiṭṭhikavīhāre cetiyam kāresi. Tassa

maraṇamañce nipannassa cetiyam upaṭṭhāsi. So tadeva nimittam gaṇhitvā kālaṃkatvā devaloke nibbatti. Aññā sammūlḥakālakiriyā nāma hoti. Parammukhaṃ gacchantassa hi pacchato tikhiṇena asinā sīsam chindanti. Nipajjitvā niddāyantassāpi tikhiṇena asinā sīsam chindanti. Udahe osīdāpetvā mārenti. Evarūpepi kāle aññataram kammaṃ vā kammanimittam vā upaṭṭhāti. Aññam lahukamaraṇam nāma atthi. Nikhādanadaṇḍakamatthakasmīñhi nilīnamakkhikaṃ muggarena paharivā pisanti. Evarūpepi kāle kammaṃ vā kammanimittam vā upaṭṭhāti. Evaṃ pisiyamānāya pana makkhikāya paṭhamam kāyadvārāvajjanaṃ bhavaṅgam nāvaṭṭeti, manodvārāvajjanameva āvaṭṭeti. Atha javanam javitvā bhavaṅgam otarati. Dutiyaṃvāre kāyadvārāvajjanaṃ bhavaṅgam āvaṭṭeti. Tato kāyaviññāṇam, sampaṭicchanaṃ, santīraṇam, voṭṭhapananti vīthiccittāni pavattanti. Javanam javitvā bhavaṅgam otarati. Tatiyaṃvāre manodvārāvajjanaṃ bhavaṅgam āvaṭṭeti. Atha javanam javitvā bhavaṅgam otarati. Etasmiṃ ṭhāne kālakiriyam karoti. Idaṃ kimattham ābhatam? Arūpadhamānam visayo nāma evam lahukoti dīpanattham.

**Gatinimittam** nāma nibbattanakaokāse eko vaṇṇo upaṭṭhāti. Tattha niraye upaṭṭhahante lohakumbhisadiso hutvā upaṭṭhāti. Manussaloke upaṭṭhahante mātukucchikambalayānasadisā hutvā upaṭṭhāti. Devaloke upaṭṭhahante kapparukkavimānasayanādīni upaṭṭhahanti. Evaṃ kammaṃ, kammanimittam, gatinimittanti saṅkhepato paṭisandhiyā tīṇi ārammaṇāni honti.

Aparo nayo – paṭisandhiyā tīṇi ārammaṇāni honti? Atītam, paccuppannam, navattabbañca. Asaññīpaṭisandhi anārammaṇāti. Tattha viññāṇañcāyatananevasaññānāsanāññāyatanapaṭisandhīnam atītameva ārammaṇam. Dasanam kāmvācarānam atītam vā paccuppannam vā. Sesānam navattabbaṃ. Evaṃ tīsu ārammaṇesu pavattamānā pana paṭisandhi yasmā atītārammaṇassa vā navattabbārammaṇassa vā cuticcittassa anantameva hoti. Paccuppannārammaṇam pana cuticcittam nāma natthi. Tasmā dvīsu ārammaṇesu aññatarārammaṇāya cutiyā anantaram tīsu ārammaṇesu aññatarārammaṇāya paṭisandhiyā sugatiduggativasena pavattanākāro veditabbo.

Seyyathidaṃ – kāmvācarasugatiyam tāva ṭhitassa pāpakammīno puggalassa “tānissa tamhi samaye olambantī” tiādivacanato (ma. ni. 3.248) maraṇamañce nipannassa yathūpacitam pāpakammaṃ vā kammanimittam vā manodvāre āpāthamāgacchati. Tam ārabba uppannāya tadārammaṇapariyosānāya suddhāya vā javanavīthiyā anantaram bhavaṅgavisayam ārammaṇam katvā cuticcittam uppajjati. Tasmīṃ niruddhe tadeva āpāthagatam kammaṃ vā kammanimittam vā ārabba anupacchinnakilesabalavināmitam duggatipariyāpannam paṭisandhicittam uppajjati. Ayaṃ atītārammaṇāya cutiyā anantarā atītārammaṇā paṭisandhi.

Aparassa maraṇasamaye vuttappakārakammavasena narakādīsu aggijālavanādikam duggatinimittam manodvāre āpāthamāgacchati. Tassa dvikkhattam bhavaṅge uppajjitvā niruddhe tam ārammaṇam ārabba ekam āvajjanaṃ, maraṇassa āsannabhāvena mandībhūtagattā pañca javanāni, dve tadārammaṇāni tīṇi vīthiccittāni uppajjanti. Tato bhavaṅgavisayam ārammaṇam katvā ekam cuticcittam. Ettāvātā ekādasa cittakkhaṇā atītā honti. Athāvesapañcacittakkhaṇāyuke tasmīṃyeva ārammaṇe paṭisandhicittam uppajjati. Ayaṃ atītārammaṇāya cutiyā anantarā paccuppannārammaṇā paṭisandhi.

Aparassa maraṇasamaye pañcannam dvārānam aññatarasmiṃ dvāre rāgādihetubhūtam hīnārammaṇam āpāthamāgacchati. Tassa yathākkamena uppannavoṭṭhabbanāvasāne maraṇassa āsannabhāvena mandībhūtagattā pañca javanāni dve tadārammaṇāni ca uppajjanti. Tato bhavaṅgavisayamārammaṇam katvā ekam cuticcittam. Ettāvātā dve bhavaṅgāni, āvajjanaṃ, dassanam, sampaṭicchanaṃ, santīraṇam, voṭṭhabbanam, pañca javanāni, dve tadārammaṇāni, ekam cuticcittanti pañcadasa cittakkhaṇā atītā honti. Athāvesesaekacittakkhaṇāyuke tasmīṃ yeva ārammaṇe paṭisandhicittam uppajjati. Ayampi atītārammaṇāya cutiyā anantarā paccuppannārammaṇā paṭisandhi. Esa tāva atītārammaṇāya sugaticutiyā anantarā atītapaccuppannārammaṇāya duggatipaṭisandhiyā pavattanākāro.

Duggatiyam ṭhitassa pana upacitānavajjakammassa vuttanayeneva tam anavajjakammaṃ vā kammanimittam vā manodvāre āpāthamāgacchati kaṇhapakkhe sukkapakkham ṭhapetvā sabbam purimanayeneva veditabbaṃ. Ayaṃ atītārammaṇāya duggaticutiyā anantarā atītapaccuppannārammaṇāya sugatipaṭisandhiyā pavattanākāro.

Sugatiyam ṭhitassa pana upacitānavajjakammassa “tānissa tamhi samaye olambantī” tiādivacanato maraṇamañce nipannassa yathūpacitam anavajjakammaṃ vā kammanimittam vā manodvāre āpāthamāgacchati. Tañca kho upacitakāmvācarānavajjakammasseva. Upacitamahaggatakammassa pana kammanimittameva āpāthamāgacchati. Tam ārabba uppannāya tadārammaṇapariyosānāya suddhāya vā javanavīthiyā anantaram bhavaṅgavisayam ārammaṇam katvā cuticcittamuppajjati. Tasmīṃ niruddhe tadeva āpāthagatam kammaṃ vā kammanimittam vā ārabba anupacchinnakilesabalavināmitam sugatipariyāpannam paṭisandhicittamuppajjati. Ayaṃ atītārammaṇāya cutiyā anantarā atītārammaṇā navattabbārammaṇā vā paṭisandhi.

Aparassa maraṇasamaye kāmvācarānavajjakammavasena manussaloke mātukucchivaṇṇasaṅkhātam vā devaloke

uyyānakapparukkhādivaṇṇasankhātaṃ vā sugatinimittaṃ manodvāre āpāthamāgacchati. Tassa duggatinimutte dassitānukkameneva cuticcittānantaraṃ paṭisandhicittaṃ uppajjati. Ayaṃ atītārammaṇāya cutiyā anantaraṃ paccuppannārammaṇā paṭisandhi.

Aparassa maraṇasamaye ñātakā ‘ayaṃ, tāta, tavatthāya buddhapūjā karīyati, cittaṃ pasādehi’ ti vatvā pupphadāmadhajapaṭākādivasena rūpārammaṇaṃ vā dhammassavanatūriyapūjādivasena saddārammaṇaṃ vā dhūmavāsagandhādivasena gandhārammaṇaṃ vā ‘idaṃ, tāta, sāyassu, tavatthāya dātabbaṃ deyyadhamma’ nti vatvā madhuphāṇitādivasena rasārammaṇaṃ vā ‘idaṃ, tāta, phusassu, tavatthāya dātabbaṃ deyyadhamma’ nti vatvā cīnapaṭasomārapaṭādivasena phoṭṭhabbārammaṇaṃ vā pañcadvāre upasaṃharanti. Tassa tasmim̐ āpāthagate rūpādiārammaṇe yathākkamena uppannavoṭṭhapanāvasāne maraṇassa āsannabhāvena mandībhūtavagattā pañca javanāni dve tadārammaṇāni ca uppajjanti. Tato bhavaṅgavisayaṃ ārammaṇaṃ katvā ekaṃ cuticcittaṃ, tadavasāne tasmim̐ñeva ekacittakkhaṇaṭṭhitike ārammaṇe paṭisandhicittaṃ uppajjati. Ayampi atītārammaṇāya cutiyā anantaraṃ paccuppannārammaṇā paṭisandhi.

Aparassa pana pathavīkasiṇajjhānādivasena paṭiladdhamahaggatassa sugatiyaṃ ṭhitassa maraṇasamaye kāmāvacarakusalakamma-kammanimitta-gatinimittānaṃ aññatarāṃ pathavīkasiṇādikaṃ vā nimittaṃ mahaggatacittaṃ vā manodvāre āpāthamāgacchati. Cakkhusotānaṃ vā aññatarasmim̐ kusaluppattihetubhūtaṃ paṇītamārammaṇaṃ āpāthamāgacchati. Tassa yathākkamena uppannavoṭṭhabbanāvasāne maraṇassa āsannabhāvena mandībhūtavagattā pañca javanāni uppajjanti. Mahaggatagatikānaṃ pana tadārammaṇaṃ natthi. Tasmā javanānantaraṃyeva bhavaṅgavisayaṃ ārammaṇaṃ katvā ekaṃ cuticcittaṃ uppajjati. Tassāvasāne kāmāvacaramahaggatasugatiṇaṃ aññatarasugatiyāpannaṃ yathūpaṭṭhitesu ārammaṇesu aññatarārammaṇaṃ paṭisandhicittaṃ uppajjati. Ayaṃ navattabbārammaṇāya sugaticutiyā anantaraṃ atītapaccuppannavattabbānaṃ aññatarārammaṇā paṭisandhi.

Etenānusārena āruppacutiyāpi anantaraṃ paṭisandhi veditabbā. Ayaṃ atītanavattabbārammaṇāya sugaticutiyā anantaraṃ atītanavattabbapaccuppannārammaṇāya paṭisandhiyā pavattanākāro.

Duggatiyaṃ ṭhitassa pana pāpakammino vuttanayeneva taṃ kammaṃ kammanimittaṃ gatinimittaṃ vā manodvāre, pañcadvāre pana akusaluppattihetubhūtaṃ ārammaṇaṃ āpāthamāgacchati. Athassa yathākkamena cuticcittāvasāne duggatipariyāpannaṃ tesu ārammaṇesu aññatarārammaṇaṃ paṭisandhicittaṃ uppajjati. Ayaṃ atītārammaṇāya duggaticutiyā anantaraṃ atītapaccuppannārammaṇāya paṭisandhiyā pavattanākāroti. Ettāvata ekūnavīsatividhassāpi viññāṇassa paṭisandhivasena pavatti dīpitā hoti.

Tayidaṃ sabbampi evaṃ –

Pavattamānaṃ sandhimhi, dvidhā kamma vattati;  
Missādīhi ca bhedehi, bhedassa duvidhādiko.

Idaṇhi ekūnavīsatividhampi vipākaviññāṇaṃ paṭisandhimhi pavattamānaṃ dvidhā kamma vattati. Yathāsakaṇhi etassa janakaṃ kammaṃ nānākkhaṇīkakkammappaccayena ceva upanissayapaccayena ca paccayo hoti. Vuttaṇhetam̐ ‘kusalākusalaṃ kammaṃ vipākassa upanissayapaccayena paccayo’ ti (paṭṭhā. 1.1.423). Evaṃ vattamānassa panassa missādīhi bhedehi duvidhādīkopi bhedo veditabbo, seyyathidaṃ – idaṇhi paṭisandhivasena ekadhā vattamānampi rūpena saha missāmissabhedato duvidhaṃ, kāmarūpārūpabhavabhedato tividhaṃ, aṇḍajalābujasamśedajaopapātikayonivasena catubbidhaṃ, gativasena pañcavidhaṃ, viññāṇaṭṭhitivasena sattavidhaṃ, sattāvāsavasena aṭṭhavidhaṃ hoti. Tattha –

Missam̐ dvidhā bhāvabhedā, sabhāvaṃ tattha ca dvidhā;  
Dve vā tayo vā dasakā, omato ādinā saha.

‘Missam̐ dvidhā bhāvabhedā’ ti yaṇhetamettha aññatra arūpabhavā rūpamissaṃ paṭisandhiviññāṇaṃ uppajjati, taṃ rūpabhavē itthindriyapurisindriyasaṅkhātena bhāvena vinā uppattito kāmabhavē aññatra jātipaṇḍakapaṭisandhiyā bhāvena saha uppattito sabhāvaṃ abhāvanti duvidhaṃ hoti.

‘Sabhāvaṃ tattha ca dvidhā’ ti tatthāpi ca yaṃ sabhāvaṃ taṃ itthipurisabhāvānaṃ aññatarena saha uppattito duvidhameva hoti.

‘Dve vā tayo vā dasakā, omato ādinā saha’ ti yaṇhetamettha missam̐ amissanti dvaye ādibhūtaṃ rūpamissaṃ paṭisandhiviññāṇaṃ, tena saha vatthukāyadasakavasena dve vā vatthukāyabhāvadasakavasena tayo vā dasakā omato uppajjanti, natthi ito paraṃ rūpaparihānti. Taṃ panetaṃ evaṃ omakaparimāṇaṃ uppajjamānaṃ

aṇḍajajalābujanāmikāsu dvīsu yonīsu jātiunṇāya ekena aṃsunā uddhatatelasappimaṇḍappamāṇaṃ kalalanti laddhasaṅkhaṃ hutvā uppajjati. Tattha yonīnaṃ gativasena sambhavabhedo veditabbo. Etāsu hi –

Niraye bhummavajjesu, devesu ca na yoniyo;  
Tisso purimikā honti, catassopi gatittaye.

Tattha **devesu cāti** casaddena yathā niraye ca bhummavajjesu ca devesu, evaṃ nijjhāmatanḥhikāpetesu ca purimikā tisso yoniyo na santīti veditabbā. Opapātikā eva hi te honti. Sese pana tiracchānapettivīsayamanussasāṅkhāte gatittaye pubbe vajjitabhummadevesu ca catasso yoniyo honti. Tattha –

Tiṃsa nava ceva rūpīsu, sattati ukkaṃsatova rūpāni;  
Saṃsedajopapātīsu, atha vā avakaṃsato tiṃsa.

Rūpībrahmesu tāva opapātikayonikesu cakkhusotavattudasadakānaṃ jīvitānavakassa cāti catunnaṃ kalāpānaṃ vasena tiṃsa ca nava ca paṭisandhiviññānena saha rūpāni uppajjanti. Rūpībrahme pana ṭhapetvā aññesu saṃsedajaopapātikesu ukkaṃsato cakkhusotaghānājavhākāyabhāvavattudasadakānaṃ vasena sattati. Tāni ca niccaṃ devesu. Tattha vaṇṇo gandho raso oḷā catasso cāpi dhātuyo cakkhupasādo jīvitindriyanti ayaṃ dasarūpaparimāṇo rūpapuñño cakkhudasako nāma. Evaṃ sesā veditabbā. Avakaṃsato pana jaccandhabadhiraaghānakanapūmsakassa jivhākāyavattudasadakānaṃ vasena tiṃsa rūpāni uppajjanti. Ukkaṃsāvakaṃsānaṃ pana antare anurūpato vikappo veditabbo.

Evaṃ viditvā puna –

Khandhārammaṇagatihetu-vedanāpītivitakkavicārehi;  
Bhedābhedaviseso, cutisandhīnaṃ pariññeyyo.

Yāhesā missāmissato duvidhā paṭisandhi, yā cassā atītānantarā cuti, tāsāṃ imehi khandhādīhi bhedābhedaviseso ñātābhoti attho.

Kathaṃ? Kadāci catukkhādhāya āruppacutiya anantarā catukkhādhāva ārammaṇatopi abhinnā paṭisandhi hoti, kadāci amahaggatabahiddhārammaṇāya mahaggataajjhāttārammaṇā. Ayaṃ tāva arūpabhūmīsuyeva nayo. Kadāci pana catukkhādhāya āruppacutiya anantarā pañcakkhādhā kāmāvacarā paṭisandhi. Kadāci pañcakkhādhāya kāmāvacaracutiya rūpāvacaracutiya vā anantarā catukkhādhā āruppapāṭisandhi. Evaṃ atītārammaṇacutiya atītānavattābbapaccuppannārammaṇā paṭisandhi, ekaccasugaticutiya ekaccaduggatipaṭisandhi, ahetukacutiya sahetukapaṭisandhi, duhetukacutiya tihetukapaṭisandhi, upekkhāsahagatacutiya somanassasahagatapaṭisandhi, appītikacutiya sappītikapaṭisandhi, avitakkacutiya savitakkapaṭisandhi, avicāracutiya savicārapaṭisandhi, avitakkaavicāracutiya savitakkasavicārapaṭisandhīti tassa tassa viparītato ca yathāyogaṃ yojetabbaṃ.

Laddhappaccayamitidhamma-mattametaṃ bhavantaramupeti;  
Nāssa tato saṅkanti, na tato hetuṃ vinā hoti.

Iti hetuṃ laddhappaccayaṃ rūpārūpadhammattaṃ uppajjamānaṃ bhavantaraṃ upetīti vuccati, na satto, na jīvo. Tassa nāpi atītābhavato idha saṅkanti atthi, nāpi tato hetuṃ vinā idha pātubhāvo. Tayidaṃ pākāṭena manussacutiṭṭhānaṃ pakāṣayissāma –

Atītābhavasmiñhi sarasena upakkāmena vā samāsannamaraṇassa asayhānaṃ sabbaṅgapaccāṅgasandhibandhanacchedakānaṃ māraṇantikavedanāsattānaṃ sannipātaṃ asahantassa ātape pakkhittaharitatālapaṇṇamiva kamena upasussamāne sarīre niruddhesu cakkhādīsu indriyesu hadayaṃvattummatte paṭiṭṭhitesu kāyindriyamanindriyājīvitindriyesu taṅkhaṇāvasesaṃ hadayaṃvattusannissitaṃ viññānaṃ garusamāsevitāsannapubbakatānaṃ aññātaraṃ laddhāvasesapaccayasāṅkhārasāṅkhātaṃ kammaṃ vā tadupaṭṭhāpitaṃ vā kammanimittagatinimittasāṅkhātaṃ visayamārabha pavattati. Tadevaṃ pavattamānaṃ taṅhāavijjānaṃ appahīnattā avijjāpaṭicchādītādīnave tasmīṃ visaye taṅhā nāmeti, sahaajātasāṅkhārā khipanti. Taṃ santativasena taṅhāya nāmiyamānaṃ saṅkhārehi khippamānaṃ orimatīrarukkhavinibaddharajjūmalāmbitvā mātikātikkamakō viya purimaṅca nissayaṃ jahati, aparāṅca kammasamuṭṭhāpitaṃ nissayaṃ assādayamānaṃ vā anassādayamānaṃ vā ārammaṇādīhiyeva paccayehi pavattati.

Ettha ca purimaṃ cavanato cuti, pacchimaṃ bhavantarādipaṭisandhānato paṭisandhīti vuccati. Tadevaṃ nāpi purimabhavā idha āgataṃ, nāpi tato kammaṃsaṅkhāranativīsayādihetuṃ vinā pātubhūtaṃ veditabbaṃ.

Siyuṃ nidassanānettha, paṭighosādikā atha;  
Santānabandhato natthi, ekatā nāpi nānatā.

Ettha cetassa viññāṇassa purimabhavato idha anāgamane atītabhavapariyāpanahetūhi ca uppāde paṭighosapadīpamuddāpaṭibimbappakārā dhammā nidassanāni siyuṃ. Yathā hi paṭighosapadīpamuddacchāyā saddādīhetukā aññatra agantvā honti, evameva idaṃ cittaṃ. Ettha ca ‘**santānabandhato natthi ekatā nāpi nānatā**’. Yadi hi santānabandhe satī ekantamekatā bhavēyya, na khīrato dadhi sambhūtaṃ siyā. Athāpi ekantanānatā bhavēyya, na khīrassādhīno dadhi siyā. Esa nayo sabbahetuhetusamuppannesu. Evañca satī sabbalokavohāralopo siyā. So ca aniṭṭho. Tasmā ettha na ekantamekatā vā nānatā vā upagantabbāti.

Etthāha – nanu evaṃ asaṅkantipātubhāve satī ye imasmiṃ manussatthāve khandhā, tesāṃ niruddhattā phalapaccayassa ca kammassa tatha agamanato aññassa aññato ca taṃ phalaṃ siyā? Upabhuñjake ca asatī kassa taṃ phalaṃ siyā? Tasmā na sundaramidaṃ vidhānanti. Tatridaṃ vuccati –

Santāne yaṃ phalaṃ etaṃ, nāññassa na ca aññato;  
Bījānaṃ abhisāṅkhāro, etassatthassa sādako.

Ekasantānasmīhi phalamuppajjamānaṃ tatha ekantaṃ ekattanānattānaṃ paṭisiddhattā aññassatī vā aññatoti vā na hoti. Etassa ca panatthassa bījānaṃ abhisāṅkhāro sādako. Ambabījādīnañhi abhisāṅkhāresu katesu tassa bījassa santāne laddhapaccayo kālantare phalaviseso uppajjamāno na aññābījānaṃ nāpi aññābhisāṅkhārapaccayā uppajjati, na ca tāni bījāni te abhisāṅkhārā vā phalaṭṭhānaṃ pāpuṇanti. Evaṃ sampadamidaṃ vedītabbaṃ. Vijjāsipposadhādīhi cāpi bālasarīre upayuttehi kālantare vuḍḍhasarīrādīsu phaladehi ayamatto vedītabbo.

Yampi vuttaṃ ‘upabhuñjake ca asatī kassa taṃ phalaṃ siyā’ ti? Tattha –

Phalassuppattiyā eva, siddhā bhuñjakasammuti;  
Phaluppādena rukkhassa, yathā phalati sammuti.

Yathā hi rukkhasaṅkhātānaṃ dhammānaṃ ekadesabhūtassa rukkhaphalassa uppattiyā eva rukkho phalatīti vā phalitoti vā vuccati, tathā devamanussasaṅkhātānaṃ khandhānaṃ ekadesabhūtassa upabhogasaṅkhātassa sukhadukkhaphalassa uppādeneva devo vā manusso vā upabhuñjatīti vā sukhitoti vā dukkhitoti vā vuccati. Tasmā na ettha aññena upabhuñjakena nāma koci attho atthīti.

Yopi vadeyya – ‘evaṃ santēpi ete saṅkhārā vijjamānā vā phalassa paccayā siyuṃ, avijjamānā vā. Yadi ca vijjamānā pavattikkhaṇeyeva nesāṃ vipākena bhavitabbaṃ. Atha avijjamānā, pavattito pubbe ca pacchā ca niccaṃ phalāvahā siyu’nti. So evaṃ vattabbo –

Katattā paccayā ete, na ca niccaṃ phalāvahā;  
Pāṭibhogādikaṃ tatha, vedītabbaṃ nidassanaṃ.

Katattā eva hi saṅkhārā attano phalassa paccayā honti, na vijjamānatā vā avijjamānatā vā. Yathāha “kāmvācarassa kusalassa kammassa katattā upacitattā vipākaṃ cakkhuviññāṇaṃ uppannaṃ hotī” tiādi (dha. sa. 431). Yathārahassa attano phalassa ca paccayā hutvā na puna phalāvahā honti vipakkavipākattā. Etassa catthassa vibhāvena idaṃ pāṭibhogādikaṃ nidassanaṃ vedītabbaṃ.

Yathā hi loke yo kassaci atthassa niyyātanatthaṃ pāṭibhogo hoti, bhaṇḍaṃ vā kiṇāti, iṇaṃ vā gaṇhāti. Tassa taṃ kiriyākaraṇamattameva tadatthaniyyātanādīmhi paccayo hoti, na kiriyāya vijjamānatā vā avijjamānatā vā. Na ca tadatthaniyyātanādīto parampi dhāraḥ hoti. Kasmā? Niyyātanādīnaṃ katattā. Evaṃ katattāva saṅkhārāpi attano phalassa paccayā honti, na ca yathārahaṃ phaladānato parampi phalāvahā hontīti. Ettāvataṃ missāmissavasena dvidhāpi pavattamānassa paṭisandhiviññāṇassa saṅkhārapaccayā pavatti dīpitā hoti.

Idāni sabbesvetesu battiṃsaviññāṇesu sammohavighātattaṃ –

Paṭisandhippavattīnaṃ, vasenete bhavādisu;  
Vijānitabbā saṅkhārā, yathā yesaṅca paccayā.

Tattha tayo bhavā, catasso yoniyo, pañca gatiyo, satta viññāṇaṭṭhitiyo, nava sattāvāsātī ete bhavādayo nāma. Etesu bhavādisu paṭisandhiyaṃ pavatte ca ete yesāṃ vipākaviññāṇaṃ paccayā yathā ca paccayā honti tathā



vijānitabbāti attho.

Tattha – puññābhisaṅkhāre tāva kāmāvacaraaṭṭhacetaṇābhedo puññābhisaṅkhāro avisesena kāmabhava sugatīyaṃ navannaṃ vipākaviññāṇaṃ paṭisandhiyaṃ nānākkhaṇīkakkammaṃpaccayena ceva upanissayapaccayena cāti dvidhā paccayo. Rūpāvacaraṇācākusalaṇācetaṇābhedo puññābhisaṅkhāro rūpabhava paṭisandhiyaṃ eva pañcannaṃ. Uttappabhedakāmāvacaro pana kāmabhava sugatīyaṃ upekkhāsahagatāhetukamanoviññādhātuvajjānaṃ sattannaṃ parittavipākaviññāṇaṃ vuttanayeneva dvidhā paccayo pavatte, no paṭisandhiyaṃ. Sveva rūpabhava pañcannaṃ vipākaviññāṇaṃ tatheva paccayo pavatte, no paṭisandhiyaṃ. Kāmabhava pana duggatīyaṃ aṭṭhannampi parittavipākaviññāṇaṃ tatheva paccayo pavatte, no paṭisandhiyaṃ.

Tattha niraye mahāmogallānattherassa narakacārikādīsu iṭṭhārammaṇasamāyoge so paccayo hoti. Tiracchānesu pana nāgasupaṇṇapetamahiddhikesu ca iṭṭhārammaṇaṃ labbhatīyeva. Sveva kāmabhava sugatīyaṃ soḷasannampi kusalaṇāvipākaviññāṇaṃ tatheva paccayo pavatte ca paṭisandhiyaṇca. Avisesena puññābhisaṅkhāro rūpabhava dasannaṃ vipākaviññāṇaṃ tatheva paccayo pavatte ca paṭisandhiyaṇca.

Dvādasākusalacetaṇābhedo apuññābhisaṅkhāro kāmabhava duggatīyaṃ ekassa viññāṇassa tatheva paccayo paṭisandhiyaṃ, no pavatte; channaṃ pavatte, no paṭisandhiyaṃ; sattannampi akusalavipākaviññāṇaṃ pavatte ca paṭisandhiyaṇca. Kāmabhava pana sugatīyaṃ tesamīyeva sattannaṃ tatheva paccayo pavatte, no paṭisandhiyaṃ; rūpabhava catunnaṃ vipākaviññāṇaṃ tatheva paccayo pavatte, no paṭisandhiyaṃ. So ca kho kāmāvacare aniṭṭharūpadassanasaddasavanasena. Brahmaloṇe pana aniṭṭhā rūpādayo nāma natthi, tathā kāmāvacaradevalokepi.

Āneñjābhisaṅkhāro arūpabhava catunnaṃ vipākaviññāṇaṃ tatheva paccayo pavatte ca paṭisandhiyaṇca.

Kāmāvacarakusalākusalato pana sabbasaṅgāhikanayena vīsaticetaṇābhedopi kāyasaṅkhāro kāmabhava dasannaṃ vipākaviññāṇaṃ paṭisandhiyaṃ nānākkhaṇīkakkammaṃpaccayena ceva upanissayapaccayena cāti dvidhā paccayo. Sveva kāmabhava terasannaṃ, rūpabhava navannaṃ vipākaviññāṇaṃ tatheva paccayo pavatte, no paṭisandhiyaṃ. Sveva kāmabhava tevīsatiyā vipākaviññāṇaṃ tatheva paccayo pavatte ca paṭisandhiyaṇca. Vacīsāṅkhārepi eseva nayo.

Aṭṭhavīsatiekūṇaṭṭhacetaṇābhedopi pana cittasaṅkhāro tīsu bhavesu ekūṇavīsatiyā vipākaviññāṇaṃ tatheva paccayo paṭisandhiyaṃ, no pavatte. Sveva dvīsu bhavesu heṭṭhāvuttānaṃ terasannaṇca navannaṇcāti dvāvīsatiyā vipākaviññāṇaṃ tatheva paccayo pavatte, no paṭisandhiyaṃ. Tīsu pana bhavesu dvattīṃsāyapi vipākaviññāṇaṃ tatheva paccayo pavatte ceva paṭisandhiyaṇca. Evaṃ tāva bhavesu paṭisandhipavattīnaṃ vasena te saṅkhārā yesaṃ paccayā, yathā ca paccayā honti tathā vijānitabbā. Eteneva nayena yoniādīsipi veditabbā.

Tatridaṃ ādito paṭṭhāya mukhamattappakāsaṇaṃ – imesu hi saṅkhāresu yasmā puññābhisaṅkhāro tāva dvīsu bhavesu paṭisandhiṃ datvā sabbaṃ attano vipākāṃ janeti, tathā aṇḍajādīsū catūsū yonīsū, devamanussasaṅkhātīsū dvīsu gatīsū, nānattakāyanānattasaṅgāhīnānattakāyaekattasaṅgāhīnekattakāyanānattasaṅgāhīnekattakāyaekattasaṅgāhīsāṅkhātīsū manussānaṇceva paṭṭhamadutiyaṭṭhāṇābhūmīnaṇca vasena catūsū viññāṇaṭṭhītīsū. Asaṅgāṇasattāvāse panesa rūpamattamevābhisaṅkharotīti catūsuyeva sattāvāsesu ca paṭisandhiṃ datvā sabbaṃ attano vipākāṃ janeti. Tasmā esa etesu dvīsu bhavesu, catūsū yonīsū, dvīsu gatīsū, catūsū viññāṇaṭṭhītīsū, catūsū sattāvāsesu ca ekavīsatiyā vipākaviññāṇaṃ vuttanayeneva paccayo hoti yathāsambhavaṃ paṭisandhiyaṃ pavatte ca.

Apuññābhisaṅkhāro pana yasmā ekasmiññeva kāmabhava, catūsū yonīsū, avasesāsu tīsu gatīsū, nānattakāyaekattasaṅgāhīsāṅkhātāya ekissā viññāṇaṭṭhītīyā, tādiseyeva ca ekasmiṃ sattāvāse paṭisandhivasena vipaccati, tasmā esa ekasmiṃ bhava catūsū yonīsū, tīsu gatīsū, ekissā viññāṇaṭṭhītīyā, ekamhi ca sattāvāse sattannaṃ vipākaviññāṇaṃ vuttanayeneva paccayo hoti paṭisandhiyaṃ pavatte ca.

Āneñjābhisaṅkhāro pana yasmā ekasmiṃ arūpabhava, ekissā opapātikayoniyā, ekissā devagatīyā, ākāsaṇācāyatanādīsū tīsu viññāṇaṭṭhītīsū, ākāsaṇācāyatanādīsū ca catūsū sattāvāsesu paṭisandhivasena vipaccati, tasmā esa ekasmiṃyeva bhava, ekissā yoniyā, ekissā devagatīyā, tīsu viññāṇaṭṭhītīsū catūsū sattāvāsesu, catunnaṃ viññāṇaṃ vuttanayeneva paccayo hoti paṭisandhiyaṃ pavatte ca.

Kāyasaṅkhāropi yasmā ekasmiṃ kāmabhava, catūsū yonīsū, pañcasu gatīsū, dvīsu viññāṇaṭṭhītīsū, dvīsu ca sattāvāsesu paṭisandhiṃ datvā sabbaṃ attano vipākāṃ janeti, tasmā esa ekasmiṃ bhava, catūsū yonīsū, pañcasu gatīsū, dvīsu viññāṇaṭṭhītīsū, dvīsu ca sattāvāsesu tevīsatiyā vipākaviññāṇaṃ tatheva paccayo paṭisandhiyaṃ pavatte ca. Vacīsāṅkhārepi eseva nayo.

Cittasaṅkhāro pana yasmā ekaṃ sattāvāsaṃ ṭhapetvā na katthaci na vipaccati, tasmā esa tīsu bhavesu, catūsu yonīsu, pañcasu gatīsu, sattasu viññāṇaṭṭhitīsu, aṭṭhasu sattāvāsesu yathāyogaṃ dvattiṃsāya vipākaviññāṇaṃ tatheva paccayo paṭisandhiyaṃ pavatte ca. Aviññāṇake pana sattāvāse saṅkhārapaccayā viññāṇaṃ natthi.

Apica puññābhisaṅkhāro asaṅṅasattesu kaṭattārūpānaṃ nānākkhaṇikakammappaccayena paccayoti. Evaṃ –

Paṭisandhipavattīnaṃ, vasenete bhavādisu;  
Vijānitabbā saṅkhārā, yathā yesaṅca paccayāti.

Saṅkhārapaccayā viññāṇapadaniddeso.

### Nāmarūpapadaniddeso

228. Viññāṇapaccayā nāmarūpaniddese –

Desanābhedato sabba-bhavādisu pavattito;  
Saṅgahā paccayanayā, viññātabbo vinicchayo.

‘Desanābhedato’ ti ‘tatta katamaṃ rūpaṃ? Cattāro ca mahābhūtā catunnaṅca mahābhūtānaṃ upādāya rūpa’ nti (saṃ. nī. 2.2; ma. nī. 1.100) evaṃ tāva suttante ca idha rūpapadassa abhedato ekasadiṣā desanā katā; nāmapadassa pana bhedato.

Suttantasmīhi ‘tatta katamaṃ nāmaṃ? Vedanā saññā cetanā phasso manasikāro’ ti vuttaṃ. Idha ‘vedanākkhandho saññākkhandho saṅkhārakkhandho’ ti. Tatta hi yampi cakkhuvīññāṇapaccayā nāmaṃ uppajjati, uppannaṅca cittassa ṭhiti arūpīnaṃ dhammānaṃ āyūti evaṃ aññadharmasannissayena aggahetabbato pākaṭaṃ, taṃ dassento cetanāphassamanasikāravasena saṅkhārakkhandhaṃ tidhā bhinditvā dvīhi khandhehi saddhiṃ desesi. Idha pana tatta vuttaṅca avuttaṅca sabbaṃ nāmaṃ saṅgaṇhanto ‘tayo khandhā – vedanākkhandho saññākkhandho saṅkhārakkhandho’ ti āha.

Kiṃ pana ime tayo khandhāva nāmaṃ, viññāṇaṃ nāmaṃ nāma na hotīti? No na hoti. Tasmīṃ pana viññāṇe gayhamāne nāmaviññāṇassa ca paccayaviññāṇassa cāti dvinnaṃ viññāṇānaṃ sahabhāvo āpajjati. Tasmā viññāṇaṃ paccayaṭṭhāne ṭhapetvā paccayanibbattaṃ nāmaṃ dassetuṃ tayova khandhā vuttāti. Evaṃ tāva ‘desanābhedato’ viññātabbo vinicchayo.

‘Sabbabhavādisu pavattito’ ti ettha pana nāmaṃ ekaṃ sattāvāsaṃ ṭhapetvā sabbabhavayonigativīññāṇaṭṭhitisasattāvāsesu pavattati. Rūpaṃ dvīsu bhavesu, catūsu yonīsu, pañcasu gatīsu, purimāsu catūsu viññāṇaṭṭhitīsu, pañcasu ca sattāvāsesu pavattati. Evaṃ pavattamāne cetasmīṃ nāmarūpe yasmā abhāvakaḅbhaseyyakānaṃ aṇḍajānaṅca paṭisandhikkhaṇe vatthukāyavasena rūpato dve santatisīsāni tayo ca arūpino khandhā pātubhavanti, tasmā tesam vitthārena rūparūpato vīsati dhammā tayo ca arūpino khandhāti ete tevīsati dhammā viññāṇapaccayā nāmarūpanti veditabbā. Aggahitaggahaṇena pana ekasantatisīsato nava rūpadhamme apanetvā cuddasa, sabhāvakaṅkaṃ bhāvadasakaṃ pakkhipitvā tettīmsa. Tesampi aggahitaggahaṇena santatisīsadvayato aṭṭhārasa rūpadhamme apanetvā pannarasa.

Yasmā ca opapātikasattesu brahmakāyikādīnaṃ paṭisandhikkhaṇe cakkhusotavattthudasakānaṃ jīvitindriyanavakassa ca vasena rūparūpato cattāri santatisīsāni tayo ca arūpino khandhā pātubhavanti, tasmā tesam vitthārena rūparūpato ekūnacattālīsa dhammā tayo ca arūpino khandhāti ete dvācattālīsa dhammā viññāṇapaccayā nāmarūpanti veditabbā. Aggahitaggahaṇena pana santatisīsattayato sattavīsati dhamme apanetvā pannarasa.

Kāmabhave pana yasmā sesaopapātikānaṃ vā saṃsedajānaṃ vā sabhāvakaḅparipuṇṇāyatanānaṃ paṭisandhikkhaṇe rūparūpato satta santatisīsāni tayo ca arūpino khandhā pātubhavanti, tasmā tesam vitthārena rūparūpato sattati dhammā tayo ca arūpino khandhāti ete tesattati dhammā viññāṇapaccayā nāmarūpanti veditabbā. Aggahitaggahaṇena pana santatisīsachakkato catupaññāsa dhamme apanetvā ekūnavīsati. Esa ukkaṃsato. Avakaṃsena pana taṃtaṃrūpasantatisīsavikalānaṃ tassa tassa vasena hāpetvā hāpetvā saṅkhepato ca vitthārato ca paṭisandhivīññāṇapaccayā nāmarūpasāṅkhātā veditabbā. Arūpīnaṃ pana tayova arūpino khandhā. Asaṅṅīnaṃ rūpato jīvitindriyanavakamevāti. Esa tāva paṭisandhiyaṃ nayo.

Pavatte pana sabbattha rūpappavattidese paṭisandhicittassa ṭhitikkhaṇe paṭisandhicittena saha pavattatutoto utusamuṭṭhānaṃ suddhaṭṭhakaṃ pātubhavati. Paṭisandhicittaṃ pana rūpaṃ na samuṭṭhāpeti. Tañhi yathā papāte

paṭitapuriso parassa paccayo hotum na sakkoti, evaṃ vatthudubbalatāya dubbalattā rūpaṃ samuṭṭhāpetum na sakkoti. Paṭisandhicittato pana uddhaṃ paṭhamabhavaṅgato pabhuti cittasamuṭṭhānakam suddaṭṭhakam. Saddapātubhāvakāle paṭisandhikkhaṇato uddhaṃ pavattaututo ceva cittato ca saddanavakam. Ye pana kabaḷikārāhārūpajvino gabbhaseyyakasattā tesam –

“Yañcassa bhuñjati mātā, annam pānañca bhojanam;  
Tena so tattha yāpeti, mātukucchigato naro”ti. (sam. ni. 1.235);

Vacano mātārā ajjhoharītāhārena anugate sarīre, opapātikānam sabbapaṭhamam attano mukhagatam kheḷam ajjhoharaṅkāle āhārasamuṭṭhānam suddaṭṭhakanti idaṃ āhārasamuṭṭhānassa suddaṭṭhakassa utucittasamuṭṭhānañca ukkaṃsato dvinnaṃ navakānam vasena chabbāsatividham, pubbe ekekacittakkhaṇe tikkhattum uppajjamānam vuttam kammamuṭṭhānam sattatividhanti channavutividham rūpaṃ tayo ca arūpino khandhāti samāsato navanavuti dhammā. Yasmā vāsaddo aniyato kadācīdeva pātubhāvato, tasmā duvidhampi tam apantvā ime sattanavuti dhammā yathāsambhavam sabbasattānam viññāpaccayā nāmarūpanti veditabbā. Tesañhi suttānampi pamattānampi carantānampi khādantānampi pivantānampi divā ca rattiñca ete viññāpaccayā pavattanti. Tañca tesam viññāpaccayabhāvam parato vaṇṇayissāma.

Yaṃ panetametta kammajarūpaṃ tam bhavayonigativinñāṇaṭṭhitisattāvāsesu sabbapaṭhamam paṭiṭṭhahantampi tisamuṭṭhānikarūpena anupatthaddham na sakkoti sañṭhātum, nāpi tisamuṭṭhānikam tena anupatthaddham. Atha kho vātabbhāhatāpi catuddisavavattāpītā naḷakalāpiyo viya, ūmivegabbhāhatāpi mahāsamudde katthaci laddhapatiṭṭhā bhinnavāhanikā viya ca aññamaññūpatthaddhānevetāni apatamānāni sañṭhahitvā ekampi vassam dvepe vassāni...pe... vassatampi yāva tesam sattānam āyukkayo vā puññakkayo vā tāva pavattantīti. Evaṃ ‘sabbabhavādīsu pavattito’pettha viññātabbo vinicchayo.

‘**Saṅgahā**’ti ettha ca yaṃ āruppe pavattipaṭisandhīsu pañcavokārabhave ca pavattiyā viññāpaccayā nāameva, yañca asaññīsu sabbattha pañcavokārabhave ca pavattiyā viññāpaccayā rūpameva, yañca pañcavokārabhave sabbattha viññāpaccayā nāmarūpaṃ, tam sabbam nāmañca rūpañca nāmarūpañca nāmarūpanti evaṃ ekadesasarūpekasesanayena saṅgahetvā viññāpaccayā nāmarūpanti veditabbam. Asaññīsu viññābhāvā ayuttanti ce nāyuttam. Idañhi –

Nāmarūpassa yaṃ hetu, viññānam tam dvidhā matam;  
Vipākamavipākāñca, yuttameva yato idaṃ.

Yañhi nāmarūpassa hetu viññānam tam vipākāvipākabhedato dvidhā matam. Idañca asaññāssatesu kammamuṭṭhānatā pañcavokārabhave pavattaabhisankhāravinñāpaccayā rūpaṃ, tathā pañcavokāre pavattiyam kusalādicittakkhaṇe kammamuṭṭhānanti yuttameva idaṃ. Evaṃ ‘saṅgahato’pettha viññātabbo vinicchayo.

‘**Paccayanayā**’ti ettha hi –

Nāmassa pākaviññānam, navadhā hoti paccayo;  
Vatthurūpassa navadhā, sesarūpassa aṭṭhadhā.

Abhisankhāravinñānam, hoti rūpassa ekadhā;  
Tadaññam pana viññānam, tassa tassa yathāraham.

Yañhetam paṭisandhiyam pavattiyam vā vipākasañkhātānam nāmam, tassa rūpamissassa vā rūpaamissassa vā paṭisandhikam vā aññam vā vipākaviññānam sahaḷātaaññamaññanissayasampayuttavipākāāhāraindriyaatthiavigatapaccayehi navadhā paccayo hoti. Vatthurūpassa paṭisandhiyam sahaḷātaaññamaññanissayavipākāāhāraindriyavippayuttaatthiavigatapaccayehi navadhā paccayo hoti. Ṭhapetvā pana vatthurūpaṃ sesarūpassa imesu navasu aññamaññapaccayam apantvā sesehi aṭṭhahi paccayehi paccayo hoti. Abhisankhāravinñānam pana asaññasattarūpassa vā pañcavokāre vā kammajassa suttantikapariyāyena upanissayasasena ekadhāva paccayo hoti. Avasesam paṭhamabhavaṅgato pabhuti sabbampi viññānam tassa tassa nāmarūpassa yathāraham paccayo hotīti veditabbam. Vitthārato pana tassa paccayanaye dassiyamāne sabbāpi paṭṭhānakathā vitthāretabbā hotīti na tam ārabhāma.

Tattha siyā – katham panetam jānitabbam “paṭisandhināmarūpaṃ viññāpaccayā hoti”ti? Suttato yuttito ca. Sutte hi “cittānuparivattino dhammā”tiādinā (dha. sa. dukamātikā 62) nayena bahudhā vedanādīnam viññāpaccayatā siddhā. Yuttito pana –

Cittajena hi rūpena, idha diṭṭhena sijjhati;  
Adiṭṭhassāpi rūpassa, viññāṇaṃ paccayo iti.

Citte hi pasanne appasanne vā tadanurūpāni rūpāni uppajjamānāni diṭṭhāni. Diṭṭhena ca adiṭṭhassa anumānaṃ hotīti iminā idha diṭṭhena cittajarūpena adiṭṭhassāpi paṭisandhirūpassa viññāṇaṃ paccayo hotīti jānitabbameṭaṃ. Kammasamuṭṭhānassāpi hi tassa cittasamuṭṭhānasseva viññāṇapaccayatā paṭṭhāne (paṭṭhā. 1.1.53, 419) āgatāti. Evaṃ paccayanayato pettha viññātabbo vinicchayo.

Ettha ca ‘‘viññāṇapaccayā nāmarūpa’’nti bhāsamānena bhagavatā yasmā upaparikkhamānānaṃ paṇḍitānaṃ paramatthato nāmarūpamattameva pavattamānaṃ dissati, na satto, na poso; tasmā appaṭivattiyaṃ samaṇena vā brāhmaṇena vā devena vā mārena vā brahmunā vā kenaci vā lokasmiṃ anuttaraṃ dhammacakkaṃ pavattitaṃ hotīti.

Viññāṇapaccayā nāmarūpapadaniddeso.

### Salāyatanapadaniddeso

229. Nāmarūpapaccayā salāyatananiddese –

Nāmaṃ khandhattayaṃ rūpaṃ, bhūtavatthādikaṃ matam;  
Katekasesaṃ taṃ tassa, tādīssasseva paccayo.

Yañhetam salāyatanassa paccayabhūtaṃ nāmarūpaṃ, tattha nāmanti vedanādikkhandhattayaṃ, rūpaṃ pana sakasantatipariyāpannaṃ niyamato cattāri bhūtāni cha vatthūni jīvitindriyanti evaṃ bhūtavatthādikaṃ matanti veditabbaṃ. Tam pana ‘‘nāmañca rūpañca nāmarūpañca nāmarūpa’’nti evaṃ katekasesaṃ ‘‘chaṭṭhāyatanañca salāyatanañca salāyatana’’nti evaṃ katekasesasseva salāyatanassa paccayoti veditabbaṃ. Kasmā? Yasmā āruppe nāmameva paccayo. Tañca chaṭṭhāyatanasseva, na aññassa. ‘‘Nāmapaccayā chaṭṭhāyatana’’nti hi abyākatavāre vakkhati. Idha saṅgahitameva hi tattha vibhattanti veditabbaṃ.

Tattha siyā – katham panetaṃ jānitabbaṃ ‘‘nāmarūpaṃ salāyatanassa paccayo’’ti? Nāmarūpabhāve bhāvato. Tassa tassa hi nāmassa rūpassa ca bhāve tam tam āyatanam hoti, na aññathā. Sā panassa tabbhāvabhāvībhāvātā paccayanayasmiññeva āvibhavissati. Tasmā –

Paṭisandhiyaṃ pavatte vā, hoti yaṃ yassa paccayo;  
Yathā ca paccayo hoti, tathā neyyaṃ vibhāvinā.

Tatrāyaṃ atthadīpanā –

Nāmameva hi āruppe, paṭisandhipavattisu;  
Paccayo sattadhā chaṭṭhā, hoti tam avakaṃsato.

Katham? ‘**Paṭisandhiyaṃ**’ tāva avakaṃsato sahaajātaaññamaññanissayasampayuttavipākaatthiavigatapaccayehi sattadhā nāmaṃ chaṭṭhāyatanassa paccayo hoti. Kiñci panettha hetupaccayena, kiñci āhārapaccayenāti evaṃ aññathāpi paccayo hoti. Tassa vasena ukkaṃsāvakaṃso veditabbo.

‘**Pavatte**’pi vipākaṃ vuttanayeneva paccayo hoti. Itaraṃ pana avakaṃsato vuttappakāresu paccayesu vipākapaccayavajjehi chahi paccayo hoti. Kiñci panettha hetupaccayena, kiñci āhārapaccayenāti evaṃ aññathāpi paccayo hoti. Tassa vasena ukkaṃsāvakaṃso veditabbo.

Aññasmimpi bhava nāmaṃ, tatheva paṭisandhiyaṃ;  
Chaṭṭhassa itaresaṃ tam, chahākārehi paccayo.

Āruppato hi aññasmimpi pañcavokārabhave tam vipākanāmaṃ hadayavatthuno sahāyaṃ hutvā chaṭṭhassa manāyatanassa yathā āruppe vuttaṃ tatheva avakaṃsato sattadhā paccayo hoti. Itaresaṃ panetaṃ pañcannaṃ cakkhāyatanādīnaṃ catumahābhūtasahāyaṃ hutvā sahaajāta nissayavipākavippayuttaatthiavigatavasena chahākārehi paccayo hoti. Kiñci panettha hetupaccayena, kiñci āhārapaccayenāti evaṃ aññathāpi paccayo hoti. Tassa vasena ukkaṃsāvakaṃso veditabbo.

Pavattepi tathā hoti, pākaṃ pākassa paccayo;  
Apākaṃ avipākassa, chadhā chaṭṭhassa paccayo.

Pavattepi hi pañcavokārabhave yathā paṭisandhiyaṃ, tatheva vipākanāmaṃ vipākassa chaṭṭhāyanassa avakaṃsato sattadhā paccayo hoti. Avipākaṃ pana avipākassa chaṭṭhassa avakaṃsatova tato vipākapaccayaṃ apanetvā chadhāva paccayo hoti. Vuttanayeneva panettha ukkaṃsāvakaṃso veditabbo.

Tattheva sesapañcannaṃ, vipākaṃ paccayo bhava;  
Catudhā avipākampi, evameva pakāsitaṃ.

Tattheva hi pavatte sesānaṃ cakkhāyanādīnaṃ pañcannaṃ cakkhuppasādādivatthukampi itarampi vipākanāmaṃ pacchājātavippayuttaatthiavigatapaccayehi catudhā paccayo hoti. Yathā ca vipākaṃ, avipākampi evameva pakāsitaṃ. Tasmā kusalādibhedampi tesam catudhā paccayo hotīti veditabbaṃ. Evaṃ tāva nāmaeva paṭisandhiyaṃ pavatte vā yassa yassa āyanassa paccayo hoti, yathā ca hoti, tathā veditabbaṃ.

Rūpaṃ panettha āruppa-bhave bhavati paccayo;  
Na ekāyanassāpi, pañcakkhandhabhave pana.

Rūpato sandhiyaṃ vatthu, chadhā chaṭṭhassa paccayo;  
Bhūtāni catudhā honti, pañcannaṃ avisesato.

Rūpato hi paṭisandhiyaṃ vatthurūpaṃ chaṭṭhassa manāyanassa sahajātaaññamaññanissayavippayuttaatthiavigatapaccayehi chadhā paccayo hoti. Cattāri pana bhūtāni avisesato paṭisandhiyaṃ pavatte ca yaṃ yaṃ āyanam uppajjati, tassa tassa vasena pañcannampi cakkhāyanādīnaṃ sahajātanissayaatthiavigatapaccayehi catudhā paccayā honti.

Tidhā jīvitametesam, āhāro ca pavattiyaṃ;  
Tāneva chadhā chaṭṭhassa, vatthu tasseva pañcadhā.

Etesam pana cakkhādīnaṃ pañcannaṃ paṭisandhiyaṃ pavatte ca atthiavigataindriyavasena rūpajīvitam tidhā paccayo hoti.

‘**Āhāro cā**’ti āhāro ca atthiavigataāhāravasena tidhā paccayo hoti. So ca kho ye sattā āhārūpajīvino, tesam āhārānugate kāye pavattiyaṃyeva, no paṭisandhiyaṃ. Tāni pana pañca cakkhāyanādīni chaṭṭhassa cakkhusotaghānājavhākāyaviññāṇasaṅkhātassa manāyanassa nissayapurejātaindriyavippayuttaatthiavigatavasena chahākārehi paccayā hontī pavatte, no paṭisandhiyaṃ. Ṭhapetvā pana pañca viññāṇāni tasseva avasesamanāyanassa vatthurūpaṃ nissayapurejātavippayuttaatthiavigatavasena pañcadhā paccayo hoti pavatte, no paṭisandhiyaṃ. Evaṃ rūpameva paṭisandhiyaṃ pavatte vā yassa yassa āyanassa paccayo hoti yathā ca hoti tathā veditabbaṃ.

Nāmarūpaṃ panubhayaṃ, hoti yaṃ yassa paccayo;  
Yathā ca tampi sabbattha, viññātabbaṃ vibhāvinā.

Seyyathidaṃ – paṭisandhiyaṃ tāva pañcavokārabhave khandhattayavatthurūpasāṅkhātaṃ nāmarūpaṃ chaṭṭhāyanassa sahajātaaññamaññanissayavipākāsam payuttavippayuttaatthiavigatapaccayādīhi paccayo hotīti idamettha mukhamattaṃ. Vuttanayānusārena pana sakkā sabbam yojetunti na ettha vitthāro dassitoti.

Nāmarūpapaccayā saḷāyanapadaniddeso.

### Phassapadaniddeso

#### 230. Saḷāyanapaccayā phassaniddese –

Chaḷeva phassā saṅkhepā, cakkhusamphassādayo;  
Viññāṇamiva battiṃsa, vitthārena bhavanti te.

‘**Saṅkhepato**’ hi pāḷiyaṃ cakkhusamphassoti ādayo chaḷeva phassā āgatā. Vitthārena pana cakkhusamphassādayo pañca kusalavipākā pañca akusalavipākāti dasa, sesā bāvīsati lokiyavipākaviññāṇasampayuttā ca bāvīsatiṃti evaṃ

sabbepi sankhārapaccayā vuttaviññānamiva bāttiṃsa honti. Yaṃ panetassa bāttiṃsavidhassāpi phassassa paccayo saḷāyatanam. Tattha –

Chaṭṭhena saha ajjhataṃ, cakkhādiṃ bāhirehipi;  
Saḷāyatanamicchanti, chahi saddhiṃ vicakkhaṇā.

Tattha ye tāva “upādinnakapavattikathā aya”nti ekasantatipariyāpannameva paccayaṃ paccayuppannaṃ saḷāyatanaṃ phassassa paccayoti ekadesasarūpekasesaṃ katvā chaṭṭhena saha ajjhataṃ cakkhādiṃ saḷāyatananti icchanti. Tañhi chaṭṭhāyatanaṃ saḷāyatanaṃ saḷāyatanantveva saṅghaṃ gacchati. Ye pana paccayuppannameva ekasantatipariyāpannaṃ dīpenti, paccayaṃ pana bhinnasantānampi, te yaṃ yaṃ āyatanam phassassa paccayo hoti taṃ sabbaṃ dīpenti bāhirampi pariggahetvā tadeva chaṭṭhena saha ajjhataṃ bāhirehipi rūpāyatanādīhi saddhiṃ saḷāyatananti icchanti. Tampi hi chaṭṭhāyatanaṃ saḷāyatanaṃ saḷāyatananti etesaṃ ekasese kate saḷāyatanantveva sankhaṃ gacchati.

Etthāha – na sabbāyatanehi eko phasso sambhoti, nāpi ekamhā āyatanā sabbe phassā, ayaṃ saḷāyatanapaccayā phassoti ekova vutto, so kasmāti? Tatradaṃ vissajjanaṃ – saccametam. Sabbehi eko ekamhā vā sabbe na sambhonti, sambhoti pana anekehi eko; yathā cakkhusamphasso cakkhāyatanā rūpāyatanā cakkhuvīññānasankhātā manāyatanā avasesā sampayuttadhammāyatanā cāti evaṃ sabbattha yathānurūpaṃ yojetabbaṃ. Tasmā eva hi –

Eko panekāyatana-ppabhavo iti dīpito;  
Phassoyaṃ ekavacana-niddesenidha tādinā.

‘**Ekavacananiddesenā**’ti saḷāyatanapaccayā phassoti iminā hi ekavacananiddesena anekehi āyatanehi eko phasso hotīti tādinā dīpitoti attho. Āyatanesu pana –

Chadhā pañca tato ekaṃ, navadhā bāhirāni cha;  
Yathāsambhavametassa, paccayatte vibhāvaye.

Tatrāyaṃ vibhāvanā – cakkhāyatanādīni tāva pañca cakkhusamphassādibhedato pañcavidhassa phassassa nissayapurejātaindriyavippayuttaatthiavigatavasena chadhā paccayā honti. Tato paraṃ ekaṃ vipākamanāyatanam anekabhedassa vipākamanosamphassassa saha jātāññāmaññānissayavipākāhāraindriyasampayuttaatthiavigatavasena navadhā paccayo hoti. Bāhiresu pana rūpāyatanam cakkhusamphassassa ārammaṇapurejātaatthiavigatavasena catudhā paccayo hoti. Tathā saddāyatanādīni sotasaṃphassādīnam. Manosamphassassa pana tāni dhammāyatanaṃ tathā ca ārammaṇapaccayamatteva cāti evaṃ bāhirāni cha yathāsambhavametassa paccayatte vibhāvayeti.

Saḷāyatanapaccayā phassapadaniddeso.

### Vedanāpadaniddeso

231. Phassapaccayā vedanāniddese –

Dvārato vedanā vuttā, cakkhusamphassajādikā;  
Chaḷeva tā pabhedenā, ekūnavutī matā.

Cakkhusamphassajāvedanātiādinā hi nayena pāḷiyaṃ imā cakkhusamphassajādikā dvārato chaḷeva vedanā vuttā. Tā pana pabhedenā ekūnavutiyā cittehi sampayuttatā ekūnavutī matā.

Vedanāsu panetāsu, idha bāttiṃsa vedanā;  
Vipākacittayuttāva, adhippetāti bhāsītā.

Aṭṭhadhā tattha pañcannaṃ, pañcadvāramhi paccayo;  
Sesānaṃ ekadhā phasso, manodvārepi so tathā.

Tattha hi pañcadvāre cakkhupasādādivatthukānaṃ pañcannaṃ vedanānaṃ cakkhusamphassādiko phasso saha jātāññāmaññānissayavipākāhārasampayuttaatthiavigatavasena aṭṭhadhā paccayo hoti. Sesānaṃ pana ekekasmim dvāre sampañchanasantīraṇatadārammaṇavasena pavattānaṃ kāmāvacaravipākavedanānaṃ cakkhusamphassādiko phasso upanissayavasena ekadhāva paccayo hoti.

‘**Manodvārepi so tathā**’ti manodvārepi hi tadārammaṇavasena pavattānaṃ kāmāvacaravipākavedanānaṃ so sahaḷātamanosamphassasaṅkhāto phasso tatheva aṭṭhadhā paccayo hoti, paṭisandhibhavaṅgacutivasena ca pavattānaṃ tebhūmakavipākavedanānaṃpi. Yā panetā manodvāre tadārammaṇavasena pavattā kāmāvacaravedanā, tāsam manodvāre āvajjanasampayutto manosamphasso upanissayavasena ekadhā paccayo hotīti.

Phassapaccayā vedanāpadaniddeso.

### Tañhāpadaniddeso

232. Vedanāpaccayā tañhāniddeṣe –

Rūpatañhādibhedena, cha tañhā idha dīpitā;  
Ekeka tividhā tattha, pavattākārato matā.

Imasmiñhi vedanāpaccayā tañhāniddeṣe ‘seṭṭhiputto brāhmaṇaputto’ti pitito nāmasena putto viya imā rūpatañhā...pe... dhammatañhāti ārammaṇato nāmasena cha tañhā dīpitā pakāsītā kathītāti attho. Tattha rūpe tañhā rūpatañhāti iminā nāyena padattho veditabbo.

Tāsu ca pana tañhāsu ekeka tañhā pavattiākārato kāmatañhā, bhavatañhā, vibhavatañhāti evaṃ tividhā matā. Rūpatañhā eva hi yadā cakkhussa āpāthagataṃ rūpārammaṇaṃ kāmāssādasena assādayamānā pavattati, tadā kāmatañhā nāma hoti. Yadā tadevārammaṇaṃ dhuvam sassatanti pavattāya sassatadiṭṭhiyā saddhiṃ pavattati, tadā bhavatañhā nāma hoti. Sassatadiṭṭhisahagato hi rāgo bhavatañhāti vuccati. Yadā pana tadevārammaṇaṃ “ucchijjati vinassati”ti pavattāya ucchedadiṭṭhiyā saddhiṃ pavattati, tadā vibhavatañhā nāma hoti. Ucchedadiṭṭhisahagato hi rāgo vibhavatañhāti vuccati. Eseva nayo saddatañhādīsupīti etā aṭṭhārasa tañhā honti.

Tā ajjhatarūpādīsu aṭṭhārasa, bahiddhā aṭṭhārasāti chattimṣa. Iti atītā chattimṣa, anāgatā chattimṣa, paccuppannā chattimṣāti aṭṭhasataṃ tañhā honti. Tā pana saṃkhippamānā rūpādīārammaṇavasena cha, kāmatañhādivasena vā tissova tañhā hontīti veditabbā. Yasmā panime sattā puttam assādetvā putte mamattena dhātiyā viya rūpādīārammaṇavasena uppajjamānaṃ vedanaṃ assādetvā vedanāya mamattena rūpādīārammaṇadāyakanāṃ cittakāragandhabbagandhikasūdatantavāyārasāyanavidhāyakavejjādīnaṃ mahāsakkāraṃ karonti, tasmā sabbāpesā vedanāpaccayā tañhā hotīti veditabbā.

Yasmā cettha adhippetā, vipākasukhavedanā;  
Ekāva ekadhā cesā, tasmā tañhāya paccayo.

‘**Ekadhā**’ti upanissayapaccayena paccayo hoti. Yasmā vā –

Dukkhi sukhaṃ patthayati, sukhi bhīyopi icchatī;  
Upekkhā pana santattā, sukhamicceva bhāsītā.

Tañhāya paccayā tasmā, honti tissopi vedanā;  
Vedanāpaccayā tañhā, iti vuttā mahesinā.

Vedanā paccayā cāpi, yasmā nānusaṃyamaṃ vinā;  
Hoti tasmā na sā hoti, brāhmaṇassa vusīmatoti.

Vedanāpaccayā tañhāpadaniddeso.

### Upādānapadaniddeso

233. Tañhāpaccayā upādānaniddeṣe –

Upādānāni cattāri, tāni atthavibhāgato;  
Dhammasaṅkhepavithhārā, kamato ca vibhāvaye.

Pāḷiyañhi upādānanti kāmupādānaṃ...pe... attavādupādānanti imāni cattāri upādānāni āgatāni. Tesam ayaṃ **atthavibhāgo** – vatthusaṅkhātāṃ kāmāṃ upādīyatīti **kāmupādānaṃ**. Kāmo ca so upādānañcātipi **kāmupādānaṃ**.

**Upādānanti** daḷhaggahaṇaṃ. Daḷhattho hettha upasaddo upāyāsa-upakaṭṭhādīsu viya. Tathā diṭṭhi ca sā upādānañcāti **diṭṭhupādānaṃ**. Diṭṭhiṃ upādiyātīti vā **diṭṭhupādānaṃ**. Sassato attā ca loko cātiādīsu hi purimadiṭṭhiṃ uttaradiṭṭhi upādiyati. Tathā sīlabbataṃ upādiyātīti **sīlabbatupādānaṃ**. Sīlabbatañca taṃ upādānañcātipi **sīlabbatupādānaṃ**. Gosīlagovatādīni hi evaṃ suddhīti abhinivesato sayameva upādānānīti. Tathā vadanti etenāti vādo, upādiyanti etenāti upādānaṃ. Kiṃ vadanti upādiyanti vā? Attānaṃ. Attano vādupādānaṃ **attavādupādānaṃ**. Attavādamattameva vā attāti upādiyanti etenāti **attavādupādānaṃ**. Ayaṃ tāva tesāṃ atthavibhāgo.

**‘Dhammasaṅkhepavīthāre’** pana kāmupādānaṃ tāva “tatha katamaṃ kāmupādānaṃ? Yo kāmesu kāmaccchando kāmaraḅo kāmanandī kāmataṇhā kāmasneho kāmāpariḷāho kāmamucchā kāmajjhosānaṃ – idaṃ vuccati kāmupādānaṃ”nti āgatattā saṅkhepato taṇhādaḷhattaṃ vuttaṃ. Taṇhādaḷhattaṃ nāma purimataṇhāupanissayasaccayena daḷhasambhūtā uttarataṇhā eva. Keci paṇāhu – appattavisayapatthanā taṇhā, andhakāre corassa hatthappasāraṇaṃ viya. Sampattavisayaggahaṇaṃ upādānaṃ, tasseva bhaṇḍaggahaṇaṃ viya. Appicchataṣantutuḷḷhitāpaṭipakkhā ca te dhammā. Tathā pariyesanārakkhadukkhāmūlāti. Sesupādānattaṃ pana saṅkhepato diṭṭhimattameva.

Vitthārato pana pubbe rūpādīsu vuttāya aṭṭhasatappabhedāyapi taṇhāya daḷhabhāvo kāmupādānaṃ. Dasavatthukā micchādiṭṭhi diṭṭhupādānaṃ. Yathāha – “tatha katamaṃ diṭṭhupādānaṃ? Natthi dinnāṃ, natthi yīṭṭhaṃ...pe... sacchikatvā pavedentīti yā evarūpā diṭṭhi...pe... vipariyesaggāho – idaṃ vuccati diṭṭhupādānaṃ”nti (dha. sa. 1221; vibha. 938) sīlavatehi suddhiparāmasanaṃ pana sīlabbatupādānaṃ. Yathāha – “tatha katamaṃ sīlabbatupādānaṃ? Ito bahiddhā samaṇabrāhmaṇānaṃ sīlena suddhi, vatena suddhi, sīlabbatena suddhīti yā evarūpā diṭṭhi...pe... vipariyesaggāho – idaṃ vuccati sīlabbatupādānaṃ”nti (dha. sa. 1222; vibha. 938). Vīsativatthukā sakkāyadiṭṭhi attavādupādānaṃ. Yathāha – “tatha katamaṃ attavādupādānaṃ? Idha assutavā puthujjano...pe... sappurisadhamme avinīto rūpaṃ attato samanupassati...pe... vipariyesaggāho – idaṃ vuccati attavādupādānaṃ”nti (dha. sa. 1223; vibha. 938). Ayamettha dhammasaṅkhepavīthāro.

**‘Kamato’**ti ettha pana tividho kamo – uppattikkamo, pahānakkamo, desanākkamo ca. Tattha anamatagge saṃsāre imassa paṭhamaṃ uppattīti abhāvato kilesānaṃ nippariyāyena uppattikkamo na vuccati. Pariyāyena pana yebhuyena ekasmiṃ bhava attaggāhapubbaṅgamo sassatucchedaḅhiniveso. Tato “sassato ayaṃ attā”ti gaṇhato attavisuddhatthaṃ sīlabbatupādānaṃ, ucchiḷḷatīti gaṇhato paralokanirapekkhassa kāmupādānanti evaṃ paṭhamaṃ attavādupādānaṃ, tato diṭṭhisīlabbatupādānañcātipi ayametesāṃ ekasmiṃ bhava uppattikkamo.

Diṭṭhupādānādīni cettha paṭhamaṃ pahīyanti sotāpattimaggavajjhataṃ. Kāmupādānaṃ pacchā arahattamaggavajjhataṃ. Ayametesāṃ pahānakkamo.

Mahāvisayattā pana pākāṭṭā ca etesu kāmupādānaṃ paṭhamaṃ desitaṃ. Mahāvisayañhi taṃ aṭṭhacittasampayogā. Appavisayāni itarāni catucittasampayogā. Yebhuyena ca ālayarāmatāya pajāya pākāṭṭaṃ kāmupādānaṃ, na itarāni. Kāmupādānavā vatthukāmānaṃ samadhigamattaṃ kotūhalamaṅgalādibahulo hoti, na sassatadiṭṭhīti tadanantaraṃ diṭṭhupādānaṃ. Taṃ pabhijjamaṇaṃ sīlabbataattavādupādānavasena duvidhaṃ hoti. Tasmim dvaye gokiriyaṃ vā kukkurakiriyaṃ vā disvāpi veditabbato oḷārikanti sīlabbatupādānaṃ paṭhamaṃ desitaṃ, sukhumattā ante attavādupādānanti ayametesāṃ desanākkamo.

Taṇhā ca purimassettha, ekadhā hoti paccayo;  
Sattadhā aṭṭhadhā vāpi, hoti sesattayassa sā.

Ettha ca evaṃ desite upādānacatukke purimassa kāmupādānassa kāmataṇhā upanissayasena ekadhāva paccayo hoti taṇhābhīnandītesu visayesu uppattito. Sesattayassa pana sahaḷātaññamaññanissayasampayuttaatthiavigatahetuvāsena sattadhā vā upanissayena saha aṭṭhadhā vāpi paccayo hoti. Yadā ca sā upanissayasena paccayo hoti tadā asahajātāva hotīti.

Taṇhāpaccayā upādānapadaniddeso.

### Bhavapadaniddeso

234. Upādānapaccayā bhavaniddese –

Atthato dhammato ceva, sātthato bhedaṅgahā;  
Yaṃ yassa paccayo ceva, viññātabbo vinicchayo.

Tattha bhavatīti **bhavo**. **Duvidhenā**ti dvīhi ākārehi pavattitoti attho. Athavā duvidhenāti paccate karaṇavacanaṃ,



duvidhoti vuttaṃ hoti. **Atthīti** saṃvijjati. Kammameva bhavo **kammabhavo**. Upapattiyeva bhavo **upapattibhavo**. Ettha ca upapatti bhavatīti bhavo. Kammaṃ pana yathā sukhakāraṇattā “sukho buddhānamuppādo”ti (dha. pa. 194) vutto, evaṃ bhavakāraṇattā phalavohārena bhavoti veditabbaṃ. **Tattha katamo kammabhavoti** tesu dvīsu bhavesu yo kammabhavoti vutto, so katamoti attho. Puññābhisāṅkhārādayo vuttatthā eva. **Sabbanti** anavasesaṃ. Bhavaṃ gacchati gameti cāti **bhavadāmi**. Iminā lokuttaraṃ paṭikkhipati. Ayañhi vaṭṭakathā, tañca vivaṭṭanissitanti. Karīyatīti kammaṃ.

Kāmabhavādīsu kāmasāṅkhāto bhavo **kāmabhavo**. Esa nayo rūpārūpabhavesu. Saññāvataṃ bhavo, saññā vā ettha bhava atthīti **saññābhavo**. Vipariyāyena **asaññābhavo**. Oḷārikasaññāya abhāvā sukhumāya ca bhāvā neva saññā nāsaññā asmiṃ bhaveti **nevasaññānāsaññābhavo**. Ekena rūpakkhandhena vokiṇṇo bhavo **ekavokārabhavo**. Eko vā vokāro assa bhavassāti ekavokārabhavo. Eseva nayo catuvokārapañcavokārabhavesu. **Ayaṃ vuccati upapattibhavoti** esa navavidhopi upapattibhavo nāma vuccatīti. Evaṃ fāvettha ‘atthato’ viññātabbo vinicchayo.

‘**Dhammato**’ pana ettha hi puññābhisāṅkhāro dhammato terasa cetanā, apuññābhisāṅkhāro dvādasa, āneñjābhisāṅkhāro catasso. “Sabbampi bhavadāmi kamma”nti etena sabbepe dhammā cetanā sampayuttā vā kammaṃsaṅkhātā ācayagāmino dhammā saṅgahitā. Kāmabhavo pañca upādinnakkhandhā, tathā rūpabhavo, arūpabhavo cattāro, saññābhavo catupañca, asaññābhavo eko upādinnakkhandho, nevasaññānāsaññābhavo cattāro. Ekavokārabhavādayo ekacatupañcakkhandhā upādinnakkhandhehīti evamettha ‘dhammato’pi viññātabbo vinicchayo.

‘**Sāttatho**’ti yathā ca bhavaniddese tatheva kāmañca saṅkhāraniddese pi puññābhisāṅkhārādayova vuttā, evaṃ santepi purimā atītakammavasena idha paṭisandhiyā paccayattā vuttā. Ime paccuppannakammavasena āyatim paṭisandhiyā paccayattāti punavacanaṃ sāttakameva. Pubbe vā “tattha katamo puññābhisāṅkhāro? Kusalacetanā kāmāvacarā”ti evamādinā nayena cetanāya saṅkhārāti vuttā. Idha pana “sabbampi bhavadāmi kamma”nti vacanato cetanāsampayuttāpi. Pubbe ca viññānapaccayameva kammaṃ saṅkhārāti vuttaṃ, idāni asaññābhavanibbattakampi. Kiṃ vā bahunā? “Avijjāpaccayā saṅkhārā”ti ettha puññābhisāṅkhārādayova kusalākusaladhammā vuttā. “Upādānapaccayā bhavo”ti idha pana upapattibhavassāpi saṅgahitattā kusalākusalābyākātā dhammā vuttā. Tasmā sabbathāpi sāttakamevidaṃ punavacanaṃ. Evamettha ‘sāttatho’pi viññātabbo vinicchayo.

‘**Bhedasaṅgahā**’ti upādānapaccayā bhavassa bhedato ceva saṅgahato ca. Yañhi kāmupādānapaccayā kāmabhavanibbattaṃ kammaṃ kariyati, so kammabhavo. Tadabhinihattā khandhā upapattibhavo. Esa nayo rūpārūpabhavesu. Evaṃ kāmupādānapaccayā dve kāmabhavā, tadantogadhāva saññābhavapañcavokārabhavā; dve rūpabhavā, tadantogadhāva saññābhavaasaññābhavaekavokārabhavapañcavokārabhavā; dve arūpabhavā, tadantogadhāva saññābhavanevasaññānāsaññābhavacatuvokārabhavāti saddhiṃ antogadhehi cha bhavā. Yathā ca kāmupādānapaccayā saddhiṃ antogadhehi cha bhavā tathā sesupādānapaccayāpi evaṃ upādānapaccayā bhedato saddhiṃ antogadhehi catuvīsati bhavā.

**Saṅgahato** pana kammabhavaṃ upapattibhavañca ekato katvā kāmupādānapaccayā saddhiṃ antogadhehi eko kāmabhavo, tathā rūpārūpabhavāti tayo bhavā. Tathā sesupādānapaccayāpi evaṃ upādānapaccayā saṅgahato saddhiṃ antogadhehi dvādasa bhavā. Apica avisesena upādānapaccayā kāmabhavūpaṃ kammaṃ kammabhavo. Tadabhinihattā khandhā upapattibhavo. Esa nayo rūpārūpabhavesu. Evaṃ upādānapaccayā saddhiṃ antogadhehi dve kāmabhavā, dve rūpabhavā, dve arūpabhavāti aparenapi pariyaṃyena saṅgahato cha bhavā. Kammabhavaupapattibhavadhaṃ vā anupagamma saddhiṃ antogadhehi kāmabhavādivasena tayo bhavā honti. Kāmabhavādibhedañcāpi anupagamma kammabhavaupapattibhavasena dve bhavā honti. Kammupapattibhedañca anupagamma upādānapaccayā bhavoti bhavavasena eko bhavo hotīti. Evamettha upādānapaccayassa bhavassa bhedasaṅgahāpi viññātabbo vinicchayo.

‘**Yaṃ yassa paccayo cevā**’ti yañcetta upādānaṃ yassa paccayo hoti, tatopi viññātabbo vinicchayoti attho. Kiṃ panetta kassa paccayo hoti? Yaṃ kiñci yassa kassaci paccayo hotiyeva. Ummattako viya hi puthujjano. So ‘idaṃ yuttaṃ, idaṃ ayutta’nti avicāretvā yassa kassaci upādānassa vasena yaṃ kiñci bhavaṃ patthetvā yaṃ kiñci kammaṃ karotiyeva. Tasmā yadekacce “sīlabbatupādānena rūpārūpabhavā na hontī”ti vadanti, taṃ na gahetabbaṃ. Sabbena pana sabbo hotīti gahetabbaṃ, seyyathidaṃ – idhekacco anussavavasena vā diṭṭhānusārena vā “kāmā nāmete manussaloke ceva khattiyamahāsālakulādīsu chakāmāvacaradevaloke ca samiddhā”ti cintetvā tesam adhigamattam asaddhammasavanādīhi vañcito ‘iminā kamma kāmā sampajjanti’ti maññamāno kāmupādānavasena kāyaduccaritādīni pi karoti. So duccharitapāripūriyā apāye uppajjati; sandiṭṭhike vā pana kāme patthayamāno paṭiladdhe vā gopayamāno kāmupādānavasena kāyaduccaritādīni pi karoti. So duccharitapāripūriyā apāye uppajjati. Tatrāssa upapattihetubhūtaṃ kammaṃ kammabhavo, kammābhinihattā khandhā upapattibhavo saññābhavapañcavokārabhavā pana tadantogadhā eva.

Aparo pana saddhammasavanādīhi upabrūhitañāṇo “iminā kamma kāmā sampajjantī”ti maññamāno kāmupādānavasena kāyasucaritādīni karoti. So sucaritapāripūriyā devesu vā manusse vā uppajjati. Tatrāssa upapattihetubhūtaṃ kammaṃ kammabhavo, kammābhiniḃbattā khandhā upapattibhavo. Saññābhavapañcavokārabhavā pana tadantogadhā eva. Iti kāmupādānaṃ sappabhedassa sātogadhassa kāmabhavassa paccayo hoti.

Aparo “rūpārūpabhavesu tato samiddhatarā kāmā”ti sutvā vā parikappetvā vā kāmupādānavaseneva rūpārūpasamāpattiyo nibbattetvā samāpattibalena rūpārūpabrahmaloke uppajjati. Tatrāssa upapattihetubhūtaṃ kammaṃ kammabhavo, kammābhiniḃbattā khandhā upapattibhavo. Saññāsaññā nevasaññā nāsaññāekavokāracatuvokārapañcavokārabhavā pana tadantogadhā eva. Iti kāmupādānaṃ sappabhedānaṃ sātogadhānaṃ rūpārūpabhavānaṃ paccayo hoti.

Aparo “ayaṃ attā nāma kāmāvacarasampattibhave vā rūpārūpabhavānaṃ vā aññatarasmiṃ ucchinno suucchinno hoti”ti ucchedaditthiṃ upādāya tadupagaṃ kammaṃ karoti. Tassa taṃ kammaṃ kammabhavo, kammābhiniḃbattā khandhā upapattibhavo. Saññābhavādayo pana tadantogadhā eva. Iti ditthupādānaṃ sappabhedānaṃ sātogadhānaṃ tiṇṇaṃ kāmārūpārūpabhavānaṃ paccayo hoti.

Aparo “ayaṃ attā nāma kāmāvacarasampattibhave vā rūpārūpabhavānaṃ vā aññatarasmiṃ sukhī hoti, viḡatapariḷāho hoti”ti attavādupādānena tadupagaṃ kammaṃ karoti. Tassa taṃ kammaṃ kammabhavo, tadabhinibbattā khandhā upapattibhavo. Saññābhavādayo pana tadantogadhā eva. Iti attavādupādānaṃ sappabhedānaṃ sātogadhānaṃ tiṇṇaṃ bhavānaṃ paccayo hoti.

Aparo “idaṃ sīlabbataṃ nāma kāmāvacarasampattibhave vā rūpārūpabhavānaṃ vā aññatarasmiṃ paripūrentassa sukhaṃ pāripūriṃ gacchatī”ti sīlabbatupādānavasena tadupagaṃ kammaṃ karoti. Tassa taṃ kammaṃ kammabhavo, tadabhinibbattā khandhā upapattibhavo. Saññābhavādayo pana tadantogadhā eva. Iti sīlabbatupādānaṃ sappabhedānaṃ sātogadhānaṃ tiṇṇaṃ bhavānaṃ paccayo hotīti evamettha yaṃ yassa paccayo hoti tatopi viññātabbo vinicchayo.

Kiṃ panettha kassa bhavassa kathaṃ paccayo hotīti ce?

Rūpārūpabhavānaṃ, upanissayapaccayo upādānaṃ;  
Sahajātādīhi taṃ, kāmabhavassāti viññeyyaṃ.

Rūpārūpabhavānañhi kāmabhavapariyāpanassa ca kāmabhave kusalakammasseva upapattibhavassa cetam catubbidhampi upādānaṃ upanissayapaccayena ekadhā paccayo hoti. Kāmabhavattānaṃ sampayuttaakusalakammabhavassa saḡajātaaññamaññānissayasampayuttaatthiavigatahetupaccayappabhedehi saḡajātādīhi paccayo hoti. Vippayuttassa pana upanissayapaccayenevāti.

Upādānapaccayā bhavapadaniddeso.

### Jātijarāmarañādipadaniddeso

**235.** Bhavapaccayā jātiniddesādīsu jātiādīnaṃ vinicchayo saccavibhaṅge vuttanayeneva vedītabbo. **Bhavoti** panettha kammabhavova adhippeto. So hi jātiyā paccayo, na upapattibhavo. So pana kammappaccayaupanissayapaccayavasena dvidhāva paccayo hotīti.

Tattha siyā – kathaṃ panetaṃ jānitabbaṃ “bhavo jātiyā paccayo”ti ce? Bāhirapaccayasamattepi hīnapañītādīvisesadassanato. Bāhirānañhi janakajanettisukkasonītāhārādīnaṃ paccayānaṃ samattepi sattānaṃ yamakānaṃ sataṃ hīnapañītādīviseso dissati. So ca na ahetuko, sabbadā ca sabbesañca abhāvato; na kammabhavato aññāhetuko, tadabhinibbattakasattānaṃ ajjhattasantāne aññassa kāraṇassa abhāvato kammabhavahetukova. Kammañhi sattānaṃ hīnapañītādīvisesahetu. Tenāha bhagavā – “kammaṃ satte vibhajati yadidaṃ hīnapañītātāyā”ti (ma. ni. 3.289). Tasmā jānitabbametaṃ – “bhavo jātiyā paccayo”ti.

Yasmā ca asati jātiyā jarāmarāṇaṃ nāma na hoti, sokādayo ca dhammā na hontī, jātiyā pana sati jarāmarāṇaṃ jarāmarāṇasañkhātadukkhadhammaphuṭṭhassa ca bālassa jarāmarāṇābhisambandhā vā tena tena dukkhadhammena phuṭṭhassa anabhisambandhā vā sokādayo ca dhammā hontī, tasmā ayaṃ jātijarāmarāṇassa ceva sokādīnañca paccayo hotīti vedītabbā. Sā pana upanissayakoṭiyā ekadhāva paccayo hotīti.

Bhavapaccayā jātiādīpadaniddeso.

**242. Evametassātiādīnaṃ attho uddesavāre vuttanayeneva veditabbo. Saṅgatiādīni samudayavevacanāneva.**

Yasmā panettha sokādayo avasāne vuttā, tasmā yā sā avijjā ‘‘avijjāpaccayā saṅkhārā’’ti evametassa bhavacakkassa ādimhi vuttā, sā –

Sokādīhi avijjā, siddhā bhavacakkamaviditādimidaṃ;  
Kāravēdakarahitaṃ, dvādasavidhasuññatāsuññāṃ.

Sataṃ samitaṃ pavattatīti veditabbaṃ. Kathaṃ panettha sokādīhi avijjā siddhā? Kathamidaṃ bhavacakkam aviditādi? Kathaṃ kāravēdakarahitaṃ? Kathaṃ dvādasavidhasuññatāsuññanti ce? Ettha hi sokadukkhadomanassupāyāsā avijjāya aviyogino, paridevo ca nāma mūlhassatī tesu tāva siddhesu siddhāva hoti avijjā. Apica ‘‘āsavasamudayā avijjāsamudayo’’ti hi vuttāṃ. Āsasamudayā cete sokādayo honti. Kathaṃ? Vatthukānaviyoge tāva soko kāmasavasamudayo hoti? Yathāha –

‘‘Tassa ce kāmayānassa, chandajātassa jantuno;  
Te kāmā parihāyanti, sallavidhova ruppatī’’ti. (su. ni. 773);

Yathā cāha – ‘‘kāmato jāyatī soko’’ti (dha. pa. 215). Sabbepe cete diṭṭhāsavasamudayā honti, yathāha – ‘‘tassa ahaṃ rūpaṃ, mama rūpanti pariyuṭṭhatthāyino taṃ rūpaṃ vipariṇamati aññathā hoti. Tassa rūpavipariṇāmaññathābhāvā uppajjanti sokaparidevadukkhadomanassupāyāsā’’ti (saṃ. ni. 3.1). Yathā ca diṭṭhāsavasamudayā evaṃ bhavāsavasamudayāpi, yathāha – ‘‘yepi te devā dīghāyukā vaṇṇavanto sukhabahulā uccesu vimānesu ciraṭṭhitikā tepi tathāgatassa dhammadesanaṃ sutvā yebhuyyena bhayaṃ saṃvegaṃ santāsaṃ āpajja’’nti (saṃ. ni. 3.78; a. ni. 4.33) pañca pubbanimittāni disvā maraṇabhayena santajjitānaṃ devānaṃ viyāti. Yathā ca bhavāsavasamudayā evaṃ avijjāsavasamudayāpi, yathāha – ‘‘sa kho so, bhikkhave, bālo diṭṭheva dhamme tividaṃ dukkhadomanassaṃ paṭisaṃvedetī’’ti (ma. ni. 3.246).

Iti yasmā āsasamudayā ete honti, tasmā ete sijjhamānā avijjāya hetubhūte āsave sādheti. Āsavesu ca siddhesu paccayabhāve bhāvato avijjāpi siddhāva hotīti. Evaṃ tāvettha ‘**sokādīhi avijjā siddhā**’ hotīti veditabbā.

Yasmā pana evaṃ paccayabhāve bhāvato avijjāya siddhāya puna ‘‘avijjāpaccayā saṅkhārā, saṅkhārapaccayā viññāṇa’’nti evaṃ hetuphalaparamparāya pariyosānaṃ natthi, tasmā taṃ hetuphalasambandhavasena pavattaṃ dvādasāṅgaṃ ‘**bhavacakkam aviditādi**’ti siddhaṃ hoti.

Evaṃ sati ‘‘avijjāpaccayā saṅkhārā’’ti idaṃ ādimattakathanaṃ virujjhatīti ce? Nayidaṃ ādimattakathanaṃ, padhānadhammakathanaṃ panetaṃ. Tiṇṇāñhi vaṭṭānaṃ avijjā padhānā. Avijjāggahaṇena hi avasesaṃ kilesavaṭṭaṅga kammādīni ca bālaṃ paliveṭhenti, sappasiraggahaṇena sesaṃ sappasarīraṃ viya bāhaṃ. Avijjāsamucchede pana kate tehi vimokkho hoti, sappasiracchede kate paliveṭhitābhāvavimokkho viya. Yathāha – ‘‘avijjāyatveva asesavirāganirodhā saṅkhāranirodho’’tiādī (saṃ. ni. 2.1; mahāva. 1). Iti yaṃ gaṇhato bandho muñcato ca mokkho hoti, tassa padhānadhammassa kathanamidaṃ, na ādimattakathananti evamidaṃ bhavacakkam aviditādi veditabbaṃ. Tayidaṃ yasmā avijjādīhi kāraṇehi saṅkhārādīnaṃ pavatti, tasmā tato aññena ‘‘brahmā mahābrahmā seṭṭho sajita’’ti evaṃ parikkappitena brahmādinā vā saṃsārassa kārakena ‘‘so kho pana me ayaṃ attā vado vedeyyo’’ti evaṃ parikkappitena attanā vā sukhadukkhānaṃ vedakena rahitaṃ. Iti ‘**kāravēdakarahita**’nti veditabbaṃ.

Yasmā panettha avijjā udayabbayadhammakattā dhuvabhāvena, saṃkiliṭṭhattā saṃkilesikattā ca subhabhāvena, udayabbayaṭṭipīṭitattā sukhabhāvena, paccayāyattavuttittā vasavattanabhūtena attabhāvena ca suññā, tathā saṅkhārādīnipi aṅgāni; yasmā vā avijjā na attā, na attano, na attani, na attavatī, tathā saṅkhārādīnipi aṅgāni; tasmā ‘**dvādasavidhasuññatāsuññamidaṃ**’ bhavacakkanti veditabbaṃ.

Evañca viditvā puna –

Tassa avijjātaṅhā, mūlamatītādayo tayo kālā;  
Dve aṭṭha dve eva ca, sarūpato tesu aṅgāni.

Tassa kho panetassa bhavacakkassa avijjā taṅhā cāti dve dhammā mūlanti veditabbā. Tadetāṃ pubbantāharaṇato avijjāmūlaṃ vedanāvasānaṃ, aparantasantānato taṅhāmūlaṃ jarāmarāṇavasānanti duvidaṃ hoti. Tattha purimaṃ diṭṭhicaritavasena vuttāṃ, pacchimaṃ taṅhācaritavasena. Diṭṭhicaritānañhi avijjā, taṅhācaritānaṃ taṅhā saṃsāranāyikā.

Ucchedadiṭṭhisamuggahātāya vā paṭhamam, phaluppattiyā hetūnam anupacchedapakāsanato; sassatadiṭṭhisamuggahātāya dutiyam, uppannam jarāmaranapakāsanato; gabbhaseyyakavasena vā purimam, anupubbapavattidīpanato; opapātikavasena pacchimam sahuppattidīpanato.

Atītapaccuppannānāgatā cassa tayo kālā. Tesu pāliyam sarūpato āgatavasena avijjā saṅkhārā cāti dve aṅgāni atītakālāni, viññānādīni bhavāvasānāni aṭṭha paccuppannakālāni, jāti ceva jarāmaranañca dve anāgatakālānīti veditabbāni. Puna –

Hetuphalahetupubbaka-tisandhicatubhedasaṅgahañcetaṃ;  
Vīsatiākārāraṃ, tivattāmanavaṭṭhitam bhamati.

Itipi veditabbaṃ. Tattha saṅkhārānañca paṭisandhiviññāṇassa ca antarā eko hetuphalasandhi nāma. Vedanāya ca taṇhāya ca antarā eko phalahetusandhi nāma. Bhavassa ca jātiyā ca antarā eko hetuphalasandhīti. Evamidaṃ hetuphalahetupubbakatisandhīti veditabbaṃ. Sandhīnam ādipariyosānavatthitā panassa cattāro saṅgahā honti, seyyathidaṃ – avijjāsaṅkhārā eko saṅgaho, viññāṇanāmarūpasajāyatanaphassavedanā dutiyo, taṇhupādānabhavā tatiyo, jātijarāmaranaṃ catutthoti. Evamidaṃ catubhedasaṅgahanti veditabbaṃ.

Atīte hetavo pañca, idāni phalapañcakaṃ;  
Idāni hetavo pañca, āyatim phalapañcakanti.

Etehi pana vīsatiyā ākārehi arehi vīsatiākārāraṃti veditabbaṃ. Tattha ‘**atīte hetavo pañcā**’ti avijjā saṅkhārā cāti ime tāva dve vuttā eva. Yasmā pana avidvā paritassati, paritasito upādiyati, tassa upādānapaccayā bhavo, tasmā taṇhupādānabhavāpi gahitā honti. Tenāha ‘‘purimakammabhavasmim moho avijjā, āyūhanā saṅkhārā, nikanti taṇhā, upagamanam upādānam, cetanā bhavo, ime pañca dhammā purimakammabhavasmim idha paṭisandhiyā paccayā’’ti (paṭi. ma. 1.47).

Tattha **purimakammabhavasminti** purime kammabhavē, atītajātiyam kammabhavē kariyamāneti attho. **Moho avijjāti** yo tadā dukkhādīsu moho, yena mūlho kammaṃ karoti, sā avijjā. **Āyūhanā saṅkhārāti** taṃ kammaṃ karoto purimacetanāyo, yathā ‘dānam dassāmī’ti cittaṃ uppādetvā māsampi samvaccharampi dānūpakaraṇāni sajjentassa uppannā purimacetanāyo. Paṭiggāhakānam pana hatthe dakkhiṇam paṭiṭṭhāpayato cetanā bhavoti vuccati. Ekāvajjanesu vā chasu javanesu cetanā āyūhanasaṅkhārā nāma. Sattamā cetanā bhavo. Yā kāci vā pana cetanā bhavo, taṃsampayuttā āyūhanasaṅkhārā nāma. **Nikanti taṇhāti** yā kammaṃ karontassa tassa phale uppattibhave nikāmanā patthanā sā taṇhā nāma. **Upagamanam upādānanti** yaṃ kammaṃ bhavassa paccayabhūtaṃ; ‘idaṃ katvā asukasmim nāma ṭhāne kāme sevissāmi ucchijjissāmī’tiādīnā nayena pavattaṃ upagamanam gahaṇam parāmasanaṃ – idaṃ upādānam nāma. **Cetanā bhavoti** āyūhanāvasāne vuttacetanā bhavoti evamattho veditabbo.

‘**Idāni phalapañcaka**’nti viññānādi vedanāvasānam pāliyam āgatameva. Yathāha ‘‘idha paṭisandhi viññāṇam, okkanti nāmarūpaṃ, pasādo āyatanam, phuṭṭho phasso, vedayitam vedanā ime pañca dhammā idhūpapattibhavasim purekatassa kammassa paccayā’’ti (paṭi. ma. 1.47). Tattha **paṭisandhi viññāṇanti** yaṃ bhavantarapaṭisandhānavasena uppannattā paṭisandhīti vuccati, taṃ viññāṇam. **Okkanti nāmarūpanti** yā gabbhe rūpārūpadhammānam okkanti, āgantvā pavisanaṃ viya – idaṃ nāmarūpaṃ. **Pasādo āyatananti** idaṃ cakkhādipañcāyatanavasena vuttaṃ. **Phuṭṭho phassoti** yo ārammaṇam phuṭṭho phusanto uppanno – ayam phasso. **Vedayitam vedanāti** yaṃ paṭisandhiviññāṇena vā saṭṭāyatanapaccayena vā phassena sahuppannam vipākavedayitam, sā vedanāti evamattho veditabbo.

‘**Idāni hetavo pañcā**’ti taṇhādayo pāliyam āgatāva taṇhupādānabhavā. Bhavē pana gahite tassa pubbhāgā taṃsampayuttā vā saṅkhārā gahitāva honti, taṇhupādānaggahaṇena ca taṃsampayuttā, yāya vā mūlho kammaṃ karoti sā avijjā gahitāva hotīti evam pañca. Tenāha ‘‘idha paripakkattā āyatanānam moho avijjā, āyūhanā saṅkhārā, nikanti taṇhā, upagamanam upādānam, cetanā bhavo. Ime pañca dhammā idha kammabhavasmim āyatim paṭisandhiyā paccayā’’ti (paṭi. ma. 1.47). Tattha **idha paripakkattā āyatanānanti** paripakkāyatanassa kammakaraṇakāle sammoho dassito. Sesam uttānameva.

‘**Āyatim phalapañcaka**’nti viññānādīni pañca. Tāni jātigghaṇena vuttāni. Jarāmaranaṃ pana tesameva jarāmaranaṃ. Tenāha ‘‘āyatim paṭisandhi viññāṇam, okkanti nāmarūpaṃ, pasādo āyatanam, phuṭṭho phasso, vedayitam vedanā. Ime pañca dhammā āyatim upapattibhavasim idha katassa kammassa paccayā’’ti (paṭi. ma. 1.47). Evamidaṃ vīsatiākārāraṃ hoti.

Tattha purimabhavasmim pañca kmmasambhārā, etarahi pañca vipākasambhārā, etarahi pañca kmmasambhārā, anāgate pañca vipākadhammāti dasa dhammā kammaṃ, dasa vipākoti. Dvīsu ṭhānesu kammaṃ kammaṃ nāma, dvīsu



gaṇḍapīlakāghaṭṭanaṃ viya saḷāyatanapaccayā phasso, ghaṭṭanadukkhaṃ viya phassapaccayā vedanā, dukkhassa paṭikārābhilāso viya vedanāpaccayā taṇhā, paṭikārābhilāsenā asappāyaggahaṇaṃ viya taṇhāpaccayā upādānaṃ, upādinnaasappāyālepanaṃ viya upādānapaccayā bhavo, asappāyālepanena gaṇḍavikārapātubhāvo viya bhavapaccayā jāti, gaṇḍavikārato gaṇḍabhedo viya jātipaccayā jarāmaṇaṃ.

Yasmā vā panettha avijjā appaṭipattimicchāpaṭipattibhāvena satte abhibhavati paṭalaṃ viya akkhīni, tadabhibhūto ca bālo ponobbhavikehi saṅkhārehi attānaṃ veṭheti kosakārakimi viya kosappadesehi, saṅkhārapariggahitaṃ viññānaṃ gatīsu paṭiṭṭhaṃ labhati pariṇāyakaapariggahito viya rājakumāro rajje, upapattinimittaṃ parikkappaṇato viññānaṃ paṭisandhiyaṃ anekappakāraṃ nāmarūpaṃ abhinibbatteti māyākāro viya māyaṃ, nāmarūpe paṭiṭṭhitaṃ saḷāyatanāṃ vuddhiṃ virūḷhiṃ vepullaṃ pāpuṇāti subhūmiyaṃ paṭiṭṭhito vanappagumbo viya, āyatanaghaṭṭanaṃ phasso jāyati araṇisaḥitābhimaddanaṃ aggi viya, phassena phuṭṭhassa vedanā pātubhavati agginā phuṭṭhassa dāho viya, vedayamānassa taṇhā vaḍḍhati loṇūdakaṃ pivato pipāsā viya, tasito bhavesu abhilāsaṃ karoti pipāsito viya pānīye, tadassupādānaṃ upādānena bhavaṃ upādiyati āmisalobhena maccho baḷisaṃ viya, bhava sati jāti hoti bṭje sati ānkuro viya, jātassa avassaṃ jarāmaṇaṃ uppannassa rukkhassa patanaṃ viya, tasmā evaṃ **‘upamāhi’** peṭaṃ bhavacakkaṃ viññātabbaṃ yathārahaṃ.

Yasmā ca bhagavatā atthatoṇi dhammatoṇi desanātoṇi paṭivedhatopi gambhīrabhāvaṃ sandhāya “gambhīro cāyaṃ, ānanda, paṭiccasamuppādo gambhīrāvabhāso cā”ti (dī. ni. 2.95; saṃ. ni. 2.60) vuttaṃ, tasmā **‘gambhīrabhedato’** peṭaṃ bhavacakkaṃ viññātabbaṃ yathārahaṃ.

Tattha yasmā na jātito jarāmaṇaṃ na hoti, na ca jātiṃ vinā aññato hoti, itthañca jātito samudāgacchatīti evaṃ jātipaccayasamudāgataṭṭhassa duravabodhanīyato jarāmaṇassa jātipaccayasambhūtasamudāgataṭṭho gambhīro, tathā jātiyā bhavapaccaya...pe... saṅkhārānaṃ avijjāpaccayasambhūtasamudāgataṭṭho gambhīro, tasmā idaṃ bhavacakkaṃ atthagambhīranti. Ayaṃ tāvettha **‘atthagambhīratā’** hetuphalāñhi atthoti vuccati, yathāha “hetuphale ñānaṃ atthapaṭisambhidā”ti (vibha. 720).

Yasmā pana yenākārena yadavatthā ca avijjā tesam tesam saṅkhārānaṃ paccayo hoti, tassa duravabodhanīyato avijjāya saṅkhārānaṃ paccayaṭṭho gambhīro, tathā saṅkhārānaṃ...pe... jātiyā jarāmaṇassa paccayaṭṭho gambhīro, tasmā idaṃ bhavacakkaṃ dhammagambhīranti ayamettha **‘dhammagambhīratā’** hetuno hi dhammoti nāmaṃ, yathāha “hetumhi ñānaṃ dhammapaṭisambhidā”ti.

Yasmā cassa tena tena kāraṇena tathā tathā pavattetabbatā desanāpi gambhīrā, na tattha sabbaññutaññāto aññaṃ ñānaṃ paṭiṭṭhaṃ labhati, tathā hetam katthaci sutte anulomato, katthaci paṭilomato; katthaci anulomapaṭilomato, katthaci vemajjhato paṭṭhāya anulomato vā paṭilomato vā, katthaci tisandhicusāṅkhepaṃ, katthaci dvisandhicusāṅkhepaṃ, katthaci ekasandhidvisāṅkhepaṃ desitaṃ, tasmā idaṃ bhavacakkaṃ desanāgambhīranti ayaṃ **desanāgambhīratā**.

Yasmā panettha yo avijjādīnaṃ sabhāvo, yena paṭividdhena avijjādayo dhammā salakkhaṇato paṭividdhā honti, so duppariyogāhattā gambhīro, tasmā idaṃ bhavacakkaṃ paṭivedhagambhīraṃ. Tathā hettha avijjāya aññāñāḍassanasaccāsampaṭivedhatṭho gambhīro, saṅkhārānaṃ abhisāṅkharāṇāyūhanasārāgavirāgaṭṭho, viññānaṃ suññātaabyāpāraasāṅkantiṭṭhapaṭubhāvāṭṭho, nāmarūpassa ekuppādavinibbhogāvinibbhoganamanaruppanaṭṭho, saḷāyatanassa adhipatilokadvārakhattavisayavisayābhāvāṭṭho, phassassa phusanaṅghaṭṭanaṅgatisannipātaṭṭho, vedanāya ārammaṇarasānubhavanasukhadukkhamaññāṭṭho, taṇhāya abhinanditajjhosaṅkharāṇāṭṭho, upādānassa ādānaggahaṇābhini vesaparāmāsaduratikkamaṇaṭṭho, bhavassa āyūhanābhisaṅkharāṇayonigatiṭṭhitinivāsesu khipanaṭṭho, jātiyā jātiṣaṅgatiṭṭhapaṭubhāvāṭṭho, jarāmaṇassa khayavayabhedavipariṇāmaṭṭho gambhīroti ayamettha **paṭivedhagambhīratā**.

Yasmā panettha ekattanayo, nānattanayo, abyāpāranayo, evaṃdhammatānayoṇi cattāro atthanayā honti, tasmā **‘nayabhedato’** peṭaṃ bhavacakkaṃ viññātabbaṃ yathārahaṃ. Tattha “avijjāpaccayā saṅkhārā, saṅkhārapaccayā viññāna”nti evaṃ bṭjassa ānkurādibhāvena rukkhabhāvappatti viya santānānupacchedo **‘ekattanayo’** nāma; yaṃ sammā passanto hetuphalasambandhena pavattamānassa santānassa anupacchedāvabodhato ucchedadiṭṭhiṃ pajahati, micchā passanto hetuphalasambandhena pavattamānassa santānānupacchedassa ekattaggahaṇato sassatadiṭṭhiṃ upādiyati.

Avijjādīnaṃ pana yathāsakalakkhaṇavavattānaṃ **‘nānattanayo’** nāma; yaṃ sammā passanto navanavānaṃ uppādadassanaṃ sassatadiṭṭhiṃ pajahati, micchā passanto ekasantānāpatitassa bhinnasantānasseva nānattaggahaṇato ucchedadiṭṭhiṃ upādiyati.

Avijjāya ‘saṅkhārā mayā uppādetabbā’, saṅkhārānaṃ vā ‘viññānaṃ amhehi’ ti evamādi byāpārābhāvo ‘**abyāpāranayo**’ nāma; yaṃ sammā passanto kārakassa abhāvāvabodhato attadiṭṭhiṃ pajahati, micchā passanto yo asatipi byāpāre avijjādīnaṃ sabhāvaniyamasiddho hetubhāvo tassa aggahaṇato akiriyadiṭṭhiṃ upādiyati.

Avijjādīhi pana kāraṇehi saṅkhārādīnaṃyeva sambhavo khīrādīhi dadhiādīnaṃ viya, na aññesanti ayaṃ ‘**evamdhammātānayo**’ nāma; yaṃ sammā passanto paccayānurūpato phalāvabodhato ahētukadiṭṭhiṃca akiriyadiṭṭhiṃca pajahati, micchā passanto paccayānurūpaṃ phalappavattiṃ aggahetvā yato kutoci yassa kassaci asambhavaggaṇato ahētukadiṭṭhiṃceva niyatavādaṅca upādiyati ti evamidaṃ bhavacakkaṃ –

Saccappabhavato kiccā, vāraṇā upamāhi ca;  
Gambhīranayabhedā ca, viññātabbaṃ yathārahaṃ.

Idaṅhi gambhīrato agādhaṃ nānāyaggahaṇato durabhiyānaṃ ñāṇāsinaṃ samādhipavarasilāyaṃ sunisitena –

Bhavacakkamapadāletvā,  
Asanivicakkamiva niccanimmathanaṃ;  
Saṃsārabhayamatīto,  
Na koci supinantarepyatthi.

Vuttampi cetāṃ bhagavatā – ‘‘gambhīro cāyaṃ, ānanda, paṭiccasamuppādo gambhīrāvabhāso ca. Etassa, ānanda, dhammassa ananubodhā appaṭivedhā evamayaṃ pajā tantākulakajātā kulagaṇṭhikajātā muñjapabbajabhūtā apāyaṃ duggatiṃ vinipātaṃ saṃsāraṃ nātivattati’’ ti (dī. ni. 2.95; saṃ. ni. 2.60). Tasmā attano vā paresaṃ vā hitāya sukhāya paṭipanno avasesakiccāni pahāya –

Gambhīre paccayākāra-ppabhede idha paṇḍito;  
Yathā gādhaṃ labhetheva-manuyuñje sadā satoti.

Suttantabhājanīyavaṇṇanā.

## 2. Abhidhammabhājanīyavaṇṇanā

243. Evaṃ mahāpathaviṃ pattharanto viya ākāsaṃ vitthārayanto viya ca sabbadhammesu appaṭihatañāṇo satthā suttantabhājanīye niggaṇṭhiṃ nijaṭaṃ paccayākāraṃ nānācittavasena dassetvā idāni yasmā na kevalaṃ ayaṃ paccayākāro nānācittesuyeva hoti, ekacittepi hotiyeva, tasmā abhidhammabhājanīyavasena ekacittakkhaṇikaṃ paccayākāraṃ nānappakārato dassetuṃ **avijjāpaccayā saṅkhāro**tiādīnā nayena mātikaṃ tāva ṭhapesi. Evaṃ ṭhapitāya pana mātikāya –

Avijjādīhi mūlehi, nava mūlapadā nava;  
Nayā tattha catukkāni, vārabhedāṅca dīpaye.

Tatrāyaṃ dīpanā – ettha hi avijjāsaṅkhāraviññānaṃmachatṭhāyanaphassavedanāṅhāupādānappabhedehi avijjādīhi navahi mūlapadehi avijjādiko, saṅkhārādiko, viññānadiko, nāmādiko, chatṭhāyanādiko, phassādiko, vedanādiko, taṇhādiko, upādānadikoti ime nava mūlapadā nava nayā honti.

Tesu yo tāva ayaṃ avijjādiko nayo, tattha paccayacatukkaṃ, hetucatukkaṃ, sampayuttacatukkaṃ, aññamaññacatukkanti cattāri catukkāni honti. Yathā cettha evaṃ sesesupīti ekekasmim naye catunnaṃ catunnaṃ catukkānaṃ vasena chatṭiṃsa catukkāni. Tattha ekekena catukkena catunnaṃ catunnaṃ vārānaṃ saṅgahitattā catunnampi catukkānaṃ vasena ekekasmim naye soḷasa soḷasa vārāti catucattālīsādhikaṃ vārasatāṃ hotīti veditabbaṃ.

### 1. Paccayacatukkaṃ

Tattha yadetaṃ sabbapaṭhame avijjāmūlake naye paccayacatukkaṃ, tasmim paṭhamo nāmarūpaṭṭhāne nāmassa, saḷāyatanaṭṭhāne chaṭṭhāyanassa ca vuttattā aparipuṇṇaṅgadvayayutto dvādasāṅgikavāro nāma. Dutiyo nāmarūpaṭṭhāne nāmasseva, saḷāyatanaṭṭhāne ca na kassaci vuttattā aparipuṇṇaṅgavayutto ekādasāṅgikavāro nāma. Tatiyo saḷāyatanaṭṭhāne chaṭṭhāyanassa vuttattā paripuṇṇaṅgavayutto dvādasāṅgikavāro nāma. Catuttho pana paripuṇṇadvādasāṅgikoyeva.

Tattha siyā – ayampi chaṭṭhāyatanapaccayā phassoti vuttattā aparipuṇṇekaṅgayuttovēvāti? Na, tassa anaṅgattā. Phasso yeva hettha aṅgaṃ, na chaṭṭhāyatanam. Tasmā tassa anaṅgattā nāyaṃ aparipuṇṇekaṅgayuttoti. Aṭṭhakathāyaṃ pana vuttaṃ – “paṭhamo sabbasaṅgāhikaṭṭhena, dutiyo paccayavisesaṭṭhena, tatiyo gabbhaseyyakasattānaṃ vasena, catuttho opapātikasattānaṃ vasena gahito. Tathā paṭhamo sabbasaṅgāhikaṭṭhena, dutiyo paccayavisesaṭṭhena, tatiyo aparipuṇṇāyatanavasena, catuttho paripuṇṇāyatanavasena gahito. Tathā paṭhamo sabbasaṅgāhikaṭṭhena, dutiyo mahānidānasuttantavasena (dī. ni. 2.95 ādayo), tatiyo rūpabhavavasena, catuttho kāmabhavavasena gahito” ti.

Tattha paṭhamo imesu dutiyādīsu tīsu vāresu na katthaci na pavisaṭṭi sabbasaṅgāhikoti vutto. Sesānaṃ viseso parato āvibhavissati. Tassāvibhāvattaṃ –

Yaṃ yathā aññathā vuttaṃ, avuttañcāpi yaṃ yaḥim;  
Yaṃ yathā paccayo yassa, taṃ sabbamupalakkhaye.

Tatrāyaṃ nayo – avisesena tāva catūsūpi etesu suttantabhājanīye viya saṅkhārāti avatvā saṅkhāroti vuttaṃ, taṃ kasmāti? Ekacittakkhaṇikattā. Tatra hi nānācittakkhaṇiko paccayākāro vibhatto. Idha ekacittakkhaṇiko āraddho. Ekacittakkhaṇe ca bahū cetanā na santīti saṅkhārāti avatvā saṅkhāroti vuttaṃ.

Paṭhamavāre panettha ekacittakkhaṇapariyāpannadhammasaṅgahaṇato sabbatṭhānasādhāraṇato ca rūpaṃ chaḍḍetvā “viññāpaccayā nāma” ntveva vuttaṃ. Tañhi ekacittakkhaṇapariyāpannaṃ sabbatṭhānasādhāraṇaṅca, na katthaci viññāpavattitṭhāne na pavattati. Yasmā ca ekacittakkhaṇapariyāpanno ekovettha phasso, tasmā tassānurūpaṃ paccayabhūtaṃ āyatanam gaṇhanto saḷāyatanaṭṭhāne “nāmapaccayā chaṭṭhāyatana” nti ekaṃ manāyatanaṃ yeva āha. Tañhi ekassa akusalaphassassa anurūpaṃ paccayabhūtaṃ. Kāmañcetam saṅkhārapaccayā viññānanti etthāpi vuttaṃ, hetuphalavisesadassanattaṃ pana aṅgapuṇṇatthaṅca puna idha gahitaṃ. Tatra hi etassa visesena saṅkhāro hetu, avisesena nāmaṃ phalaṃ. Idha panassa avisesena nāmaṃ hetu, visesena phasso phalanti. Sokādayo pana yasmā sabbe ekacittakkhaṇe na sambhavanti, sabbasmiṅca cittappavattitṭhāne ceva citte ca na pavattanti, tasmā na gahitā. Jātijarāmarāṇāni pana acittakkhaṇamattānīpi samānāni cittakkhaṇe antogadhattā aṅgapariyāpannatthaṃ gahitāni. Evaṃ tāvettha ‘**yaṃ aññathā vuttaṃ. Yaṅca avuttaṃ**’ taṃ veditabbaṃ.

Yaṃ panettha ito paresu vāresu vuttaṃ, tassattho vuttanayeneva veditabbo. Yasmim yasmim pana vāre yo yo viseso āgato, taṃ taṃ tattha tattheva pakāsayissāma.

‘**Yaṃ yathā paccayo yassā**’ ti ettha pana saṅkhārassa avijjā sampayuttadhammasādhāraṇehi saha jātāaññamaññanissayasampayuttaatthiavigatapaccayehi chahi hetupaccayena cāti sattadhā paccayo. Tattha yasmā parato hetucatukādīni tīni catukkāni avigatasampayuttaaññamaññapaccayavasena vuttāni, tasmā idha tāni apantvā avasesānaṃ vasena avijjā saṅkhārassa catudhā paccayoti veditabbo.

Saṅkhāro viññāṇassa sādharmaṇehi chahi, kammāhārapaccayehi cāti aṭṭhadhā paccayo. Idha pana teyeva tayo apantvā pañcadhā. Viññāṇam nāmassa sādharmaṇehi chahi, indriyāhārādhipatīhi cāti navadhā. Idha pana tayo apantvā chadhā. Nāmaṃ chaṭṭhāyatanassa sādharmaṇehi chahi. Kiñci panettha adhipatipaccayena, kiñci āhārapaccayādītīhi anekadhā. Idha pana teyeva tayo apantvā tidhā catudhā pañcadhā vā. Chaṭṭhāyatanam phassassa yathā viññāṇam nāmassa. Evaṃ phasso vedanāya sādharmaṇehi chahi āhārapaccayena cāti sattadhā. Idha pana teyeva tayo apantvā catudhā. Vedanā taṇhāya sādharmaṇehi chahi jhānindriyapaccayehi cāti aṭṭhadhā. Idha pana teyeva tayo apantvā pañcadhā. Taṇhā upādānassa, yathā avijjā saṅkhārassa. Evaṃ upādānam bhavassa sādharmaṇehi chahi maggapaccayena cāti sattadhā. Idha pana teyeva tayo apantvā catudhā. Bhavo jātiyā, yasmā jātiṭi idha saṅkhatalakkaṇam adhippetam, tasmā pariyāyena upanissayapaccayeneva paccayo. Tathā jāti jarāmarāṇassāti.

Ye pana evaṃ vadanti – “imasmim catukke sabbesampi saṅkhārādīnam avijjādayo saha jātāpaccayena paccayā hontī. Saha jātāpaccayavaseneva hi paṭhamavāro āraddho” ti, te bhavādīnam tathā abhāvaṃ sesapaccayānaṅca sambhavaṃ dassetvā paṭikkhipitabbā. Na hi bhavo jātiyā saha jātāpaccayo hoti, na jāti jarāmarāṇassa. Ye cetesaṃ saṅkhārādīnam avasesā paccayā vuttā, tepī sambhavantiyeva. Tasmā na sakkā chaḍḍetunti. Evaṃ tāva paṭhamavāre yaṃ yathā aññathā vuttaṃ, avuttañcāpi yaṃ yaḥim, yaṅca yathā yassa paccayo hoti, taṃ veditabbaṃ. Dutiyavārādīsūpi eseva nayo.

Ayaṃ pana viseso – dutiyavāre “nāmapaccayā phasso” ti vatvā saḷāyatanaṭṭhāne na kiñci vuttaṃ, taṃ kimatthanti? Paccayavisesadassanattaṅca mahānidānadesanāsaṅgahatthaṅca. Phassassa hi na kevalaṅca chaṭṭhāyatanaṃ paccayo, vedanākkhandhādayo pana tayo khandhāpi paccayāyeva. Mahānidānasuttante cassa “atthi idappaccayā phassoti iti puṭṭhena satā, ānanda, atthītissa vacanīyaṃ. Kim paccayā phassoti? Iti ce vadeyya, nāmapaccayā phassoti iccassa vacanīya” nti (dī. ni. 2.96). Evaṃ saḷāyatanaṃ chaḍḍetvā ekādasāṅgiko



paṭiccasamuppādo vutto. Tasmā imassa paccayavisesassa dassanattamaṃ imissā ca mahānidānasuttantadesanāya pariggahattamaṃ dutiyavāre “nāmapaccayā phasso”ti vatvā saḷāyatanaṭṭhāne na kiñci vuttanti. Esa tāva dutiyavāre viseso.

Tatīyavāre pana “viññānapaccayā nāmarūpa”nti suttantabhājanīye āgatameva catutthamaṅgaṃ vuttaṃ, taṃ ekacittakkhaṇikattā paccayākārassa idha ayuttanti ce? Taṃ nāyuttaṃ. Kasmā? Sakakkhaṇe paccayabhāvato. Sacepi hi tattha rūpaṃ cittakkhaṇato uddhaṃ tiṭṭhati, tathāpissa taṃ viññānaṃ sakakkhaṇe paccayo hoti. Kathaṃ? Purejātassa tāva cittasamuṭṭhānassa aññassa vā pacchājātapaccayena. Vuttañcetamaṃ “pacchājātā cittacetāsikā dhammā purejātassa imassa kāyassa pacchājātapaccayena paccayo”ti (paṭṭhā. 1.1.11). Sahajātassa pana cittasamuṭṭhānassa nissayapaccayena paccayo. Yathāha “cittacetāsikā dhammā cittasamuṭṭhānānaṃ rūpānaṃ nissayapaccayena paccayo”ti (paṭṭhā. 1.1.8).

Yadi evaṃ, purimavāresu kasmā evaṃ na vuttanti? Rūpappavattidesaṃ sandhāya desitattā. Ayañhi paccayākāro rūpappavattidese kāmaḥhave gabbhaseyyakānañceva aparipuṇṇāyatanaopapātikānañca rūpāvacaradevānañca vasena desito. Tenevettha “nāmarūpapaccayā saḷāyatana”nti avatvā chaṭṭhāyatanaṃ vuttaṃ. Tattha nāmaṃ heṭṭhā vuttanayameva. Rūpaṃ pana hadayarūpaṃ veditabbaṃ. Taṃ panetassa chaṭṭhāyatanaṃ nissayapaccayena ceva purejātapaccayena cāti dvidhā paccayo hotīti esa tatīyavāre viseso.

Catutthavāro pana yonivasena opapātikānaṃ, āyatanavasena paripuṇṇāyatanaṃ, bhavavasena kāmāvacarasattānaṃ vasena vutto. Tenevettha “nāmarūpapaccayā saḷāyatana”nti vuttaṃ. Tattha nāmaṃ chaṭṭhāyatanaṃ saḥajātādīhi, cakkhāyatanaṃ pacchājātapaccayena. Rūpe hadayarūpaṃ chaṭṭhāyatanaṃ nissayapaccayapurejātapaccayehi, cattāri mahābhūtāni cakkhāyatanaṃ saḥajātānissayaatthiavigatehi. Yasmā panesa ekacittakkhaṇiko paccayākāro, tasmā ettha saḷāyatanaṃ paccayāti avatvā “chaṭṭhāyatanaṃ paccayā phasso”ti vuttoti ayaṃ catutthavāre viseso.

Evametesamaṃ nānākaraṇaṃ ñatvā puna sabbesveva tesu visesena paṭhamakā dve vārā arūpabhāve paccayākārādassanattamaṃ vuttāti veditabbā. Arūpabhāvasmiñhi rūpena asammissāni paṭiccasamuppādaṅgāni pavattanti. Tatīyo rūpabhāve paccayākārādassanattamaṃ vutto. Rūpabhāvasmiñhi satipi rūpasammissatte saḷāyatanaṃ na pavattati. Catuttho kāmaḥhave paccayākārādassanattamaṃ vutto. Kāmaḥhavepaccayāni sakalaṃ saḷāyatanaṃ pavattati. Tatīyo vā rūpabhāve ceva kāmaḥhave ca aparipuṇṇāyatanaṃ akusalappavattikkhaṇaṃ sandhāya vutto. Catuttho vā kāmaḥhave paripuṇṇāyatanaṃ. Paṭhamo vā sabbatthagāmitamaṃ sandhāya vutto. So hi na katthaci cittappavattidese na pavattati. Dutīyo paccayavisesamaṃ sandhāya vutto. Ekādasāṅgikattañhettha phassassa ca nāmapaccayattaṃ paccayaviseso. Tatīyo purimayonidvayaṃ sandhāya vutto. Purimāsu hi dvīsu yonīsu so sambhavati, tattha sadā saḷāyatanaṃ asambhavato. Catuttho pacchimayonidvayaṃ sandhāya vutto. Pacchimāsu hi so dvīsu yonīsu sambhavati, tattha sadā saḷāyatanaṃ sambhavatoti.

Ettāvātā ca yaṃ vuttaṃ catūsipi vāresu –

Yaṃ yattha aññathā vuttaṃ, avuttañcāpi yaṃ yaḥim;  
Yaṃ yathā paccayo yassa, taṃ sabbamupalakkhayeti.

Gāthāya atthadīpanā katā hoti.

Etenevānusārena, sabbametaṃ nayaṃ ito;  
Viseso yo ca taṃ jaññā, catukkesu paresupi.

## 2. Hetucatukkaṃ

**244.** Tattha yo tāva idha vutto nayo, so sabbattha pākaṭoyeva. Viseso pana evaṃ veditabbo – hetucatukke tāva avijjā hetu assāti **avijjāhetuko**. Avijjā assa saḥavattanato yāvabhaṅgā pavattikā gamikāti vuttaṃ hoti. “Avijjāpaccayā”ti ca ettāvātā saḥajātādīpaccayavasena sādharmaṇato saṅkhārassa avijjā paccayoti dassetvā, puna “avijjāhetuko”ti eteneva visesato avigatapaccayatā dassitā. **Saṅkhārappaccayā viññānaṃ saṅkhārahētukantiādīsipi** eseva nayo.

Kasmā pana bhavādīsū hetukaggahaṇaṃ na katanti? Avigatapaccayanīyamābhāvato abhāvato ca avigatapaccayassa. “Tattha katamo upādānapaccayā bhavo? Ṭhapetvā upādānaṃ vedanākkhandho saññākkhandho saṅkhārakkhandho viññānakkhandho – ayaṃ vuccati upādānapaccayā bhavo”ti vacanato upādānapaccayā catunnaṃ khandhānaṃ idha bhavoti nāmaṃ. Saṅkhārakkhandhe ca “jāti dvīhi khandhehi saṅgahitā”tiādivacanato (dhātu. 71)

jātijarāmarañāni antogadhāni.

Tattha yāva upādānaṃ tāva jātijarāmarañānaṃ anupalabbhanato upādānaṃ bhavassa na niyamato avigatapaccayo hoti. “Yā tesam tesam dhammānaṃ jāti”ti ādivacanato saṅkhatalakkhaṇesu jātiyā jarāmarāṇasaṅkhātassa bhavassa jātikkaṇamatteyeva abhāvato avigatapaccayabhāvo na sambhavati. Tathā jātiyā jarāmarāṇakkhaṇe abhāvato. Upanissayapaccayeneva pana bhavo jātiyā. Jāti jarāmarāṇassa paccayoti sabbathāpi avigatapaccayaniyamābhāvato abhāvato ca avigatapaccayassa bhavādīsu hetukaggahaṇaṃ na katanti vedittabbaṃ.

Keci panāhu – “bhavo duvidhenā”ti vacanato upapattimissako bhavo, na ca upapattibhavassa upādānaṃ avigatapaccayo hotīti “upādānapaccayā bhavo upādānahetuko”ti avatvā “upādānapaccayā bhavo”ti vutto. Idha pacchinnattā paratopi na vuttanti. Taṃ idha upapattimissakassa bhavassa anadhippetattā ayuttaṃ. Arūpakkhandhā hi idha bhavoti āgatā.

**Bhavapaccayā jāti**ti ettha ca ṭhapetvā jātijarāmarañāni avaseso bhavo jātiyā paccayoti vedittabbo. Kasmā? Jātiādīnaṃ jātiyā appaccayattā. Yadi evaṃ, ṭhapetvā jātijarāmarañāni bhavo jātiyā paccayoti vattabboti? Āma vattabbo, vattabbapadesābhāvato pana na vutto. Dasamaṅganiddese hi upādānapaccayasambhūto bhavo vattabbo. Ekādasamaṅganiddese jāti vattabbā. Yo pana bhavo jātiyā paccayo, tassa vattabbapadeso natthīti vattabbapadesābhāvato na vutto. Avuttopi pana yuttito gahetabboti. **Viññāṇapaccayā nāmarūpantiādīsu** ca viññāṇādīnaṃ avigatapaccayabhāvasambhavato viññāṇahetukādivacanāṃ katanti esa hetucattukke viseso.

### 3. Sampayuttacattukkaṃ

**245.** Sampayuttacattukkepi avijjāpaccayāti ettāvataḥ saha-jātādīpaccayavasena saṅkhārassa avijjāpaccayatam dassetvā puna “avijjāsampayutto”ti sampayuttapaccayatā dassitā. Sesapadesupi eseva nayo. Yasmā pana arūpīnaṃ dhammānaṃ rūpadhammehi sampayogo natthi, tasmā viññāṇapaccayā nāmarūpantiādīsu tatiyacattutthavārapadesu “viññāṇasampayuttaṃ nāma”ntiādīnaṃ nayena yaṃ labbhati, tadeva gahitanti esa sampayuttacattukke viseso.

### 4. Aññamaññacattukkaṃ

**246.** Aññamaññacattukkepi avijjāpaccayāti saha-jātādīpaccayavasena saṅkhārassa avijjāpaccayatam dassetvā “saṅkhārapaccayāpi avijjā”ti aññamaññapaccayatā dassitā. Sesapadesupi eseva nayo. Yasmā pana bhavo nippadeso, upādānaṃ sappadesaṃ, sappadesadhammo ca nippadesadhammassa paccayo hoti, na nippadesadhammo sappadesadhammassa, tasmā ettha “bhavapaccayāpi upādāna”nti na vuttaṃ; heṭṭhā vā desanāya pacchinnattā evaṃ na vuttaṃ. Yasmā ca nāmarūpapaccayā saḷāyatanaṃ atthi, saḷāyatanaṃ paccayā ekacittakkhaṇe nāmarūpaṃ natthi, yassa saḷāyatanaṃ aññamaññapaccayo bhavēya, tasmā cattutthavāre “chaṭṭhāyatanaṃ paccayāpi nāmarūpa”nti yaṃ labbhati tadeva gahitanti esa aññamaññacattukke viseso.

Avijjāmūlakanayamātikā.

### Saṅkhārādīpaccayamātikā

**247.** Idāni **saṅkhārapaccayā avijjā**ti saṅkhāramūlakanayo āradhho. Tatthāpi yathā avijjāmūlake evaṃ cattāri cattukāni soḷasa ca vārā vedittabbā. Paṭhamacattukke pana paṭhamavārameva dassetvā desanā saṃkhattā. Yathā cettha evaṃ viññāṇamūlakādīsopi. Tattha sabbesveva tesu saṅkhāramūlakādīsū aṭṭhasu navesu “saṅkhārapaccayā avijjā”tiādīnaṃ nayena saha-jātādīpaccayavasena avijjāya saṅkhārādīpaccayatam dassetvā puna “avijjāpaccayā saṅkhārā”tiādīnaṃ nayena ekacittakkhaṇepi paccayākāraccakassa pavatti dassitā.

Kasmā pana bhavamūlakā jātijarāmarāṇamūlakā vā nayā na vuttā? Kiṃ bhavapaccayā avijjā na hotīti? No na hoti. “Saṅkhārapaccayā avijjā”ti evamādīsū pana vuccamānesu na koci bhavapariyāpanno dhammo avijjāya paccayo na vutto. Tasmā apubbassa aññassa avijjāpaccayassa vattabbassa abhāvato bhavamūlako nayo na vutto. Bhavaggahaṇena ca avijjāpi saṅgahaṃ gacchati. Tasmā “bhavapaccayā avijjā”ti vuccamāne “avijjāpaccayā avijjā”tipi vuttaṃ siyā. Na ca ekacittakkhaṇe avijjā avijjāya paccayo nāma hoti. Tattha pacchinnattāva jātijarāmarāṇamūlakāpi nayā na gahitā. Apica bhavē jātijarāmarāṇāni antogadhāni. Na cetāni ekacittakkhaṇe avijjāya paccayā hotīti bhavamūlakā jātijarāmarāṇamūlakā vā nayā na vuttāti.

Mātikāvāṇṇanā.

### Akusalaniddesavaṇṇanā

**248-249.** Idāni yathā heṭṭhā cittuppādakaṇḍe kusalattikaṃ ādiṃ katvā nikkhittamātikāya paṭipāṭiyā paṭhamam kusalam bhājitam, tathā idha mātikāya anikkhittattā paṭhamam kusalam anāmasitvā “avijjāpaccayā saṅkhāro”ti akusaladhammavasena mātikāya nikkhittattā nikkhepapaṭipāṭiyāva avijjādāni paṭiccasamuppādaṅgāni bhājetvā dassetum **katame dhammā akusalā**tiādimāha. Tassattho heṭṭhā cittuppādakaṇḍe (dha. sa. aṭṭha. 365) vuttanayeneva veditabbo. Yasmā pana ekacittakkhaṇe taṇhāya ca kāmupādānassa ca sambhavo natthi, tasmā yaṃ ettha taṇhāpaccayā upādānaṃ labbhati, tadeva dassetum **diṭṭhi diṭṭhigatanti**ādi vuttaṃ.

Bhavaniddese ca yasmā upādānaṃ saṅkhārakkhandhe saṅgahaṃ gacchati, tasmā “ṭhapetvā upādānaṃ vedanākkhandho saññākkhandho saṅkhārakkhandho viññāṇakkhandho”ti vuttaṃ. Evañhi vuccamāne upādānassa upādānapaccayattam āpajjeyya. Na ca tadeva tassa paccayo hoti. Jātiādiniddesesu yasmā ete arūpadhammānaṃ jātiādayo, tasmā “khaṇḍiccaṃ, pāliccaṃ, valittacatā, cuti, cavanatā”ti na vuttaṃ.

**250.** Evaṃ paṭhamavāraṃ niṭṭhapetvā puna dutiyavāre yasmiṃ samaye paṭhamavārena paccayākāro dassito, tasmimyeva samaye aparenapi nayena paccayākāraṃ dassetum visum samayavavattānavāraṃ avatvā **tasmim samaye avijjāpaccayā saṅkhāro**tiādināva nayena desanā katā. Tattha **ṭhapetvā phassanti** idaṃ yasmā phassopi nāmapariyāpanno, tasmā phassassa nāmato nīharaṇattham vuttaṃ.

**252.** Tatiyavāre yassa cittasamuṭṭhānarūpassa viññāṇam paccayo, tasmim pavattamāne yasmā tenupatthaddhānaṃ cakkhāyatanādīnaṃ upacittattam paññāyati, tasmā **cakkhāyatanassa upacayoti**ādi vuttaṃ. Yasmā ca kammajarūpassapi tasmim samaye vattamānassa viññāṇam pacchājātapaccayena paccayo hoti, tasmāpi evaṃ vuttaṃ. Tattha kiñcāpi kammajaṃ cittasamuṭṭhānanti dveva santatiyo gahitā, itarāpi pana dve santatiyo gahetabbā. Tāsampi hi viññāṇam paccayo hotiyeva.

**254.** Catutthavāre pana yasmā ekacittakkhaṇepi mahābhūtarūpapaccayā cakkhāyatanādīni, hadayarūpapaccayā chaṭṭhāyatanam, nāmapaccayā ca pacchājātasahajātādivasena yathānurūpaṃ sabbānīpi pavattanti, tasmā **tattha katamaṃ nāmarūpapaccayā saḷāyatanam? Cakkhāyatananti**ādi vuttaṃ.

**256.** Dutiyacatukke sabbaṃ uttānameva.

**264.** Tatiyacatukke yassa sampayuttapaccayabhāvo na hoti, yassa ca hoti, taṃ visum visum dassetum **idaṃ vuccati viññāṇapaccayā nāmarūpaṃ viññāṇasampayuttam nāmanti**ādi vuttaṃ.

**272.** Catutthacatukke phassapaccayā nāmaniddese kiñcāpi “ṭhapetvā phassaṃ vedanākkhandho...pe... viññāṇakkhandho – idaṃ vuccati phassapaccayā nāma”nti na vuttaṃ, tathāpi anantarātiṭapadaniddese “ṭhapetvā phassaṃ vedanākkhandho...pe... viññāṇakkhandho”ti vuttattā avuttampi taṃ vuttameva hoti. Yadeva hi nāmaṃ phassassa paccayo, phassopi tasseva paccayoti.

Yathā cāyaṃ catucatukko soḷasavārappabhedo avijjāmūlako paṭhamanayo etasmim paṭhamākusalacitte pakāsito, evaṃ saṅkhāramūlakādayo aṭṭha nayāpi veditabbā. Pāḷi pana saṃkhittā. Evameva tasmim paṭhamākusalacittieyeva nava nayā, chaṭṭimsa catukkāni, catucattālīsādhikaṇca vārasatam hotīti veditabbaṃ.

**280.** Idāni imināva nayena sesākusalacittesupi paccayākāraṃ dassetum **katame dhammā akusalā**tiādi āradhāṃ. Tattha yasmā diṭṭhivippayuttesu taṇhāpaccayā upādānaṃ natthi, tasmā upādānaṭṭhāne upādānaṃ viya daḷhanipātīnā adhimokkkena padaṃ pūritaṃ. Domanassasahagatesu ca yasmā vedanāpaccayā taṇhāpi natthi, tasmā taṇhāṭṭhāne taṇhā viya balavakilesena paṭighena padaṃ pūritaṃ. Upādānaṭṭhāne adhimokkheneva. Vicikicchāsampayutte pana yasmā sannitṭhānābhāvato adhimokkhopi natthi, tasmā taṇhāṭṭhāne balavakilesabhūṭāya vicikicchāya padaṃ pūritaṃ. Upādānaṭṭhānaṃ parihīnameva. Uddhaccasampayutte pana yasmā adhimokkho atthi, tasmā taṇhāṭṭhāne balavakilesena uddhaccena padaṃ pūritaṃ. Upādānaṭṭhāne adhimokkheneva. Sabbattheva ca visesamattam dassetvā pāḷi saṃkhittā. Yo cāyaṃ viseso dassito, tattha kevalam adhimokkhaniddesova apubbo. Sesam heṭṭhā āgatameva.

Adhimokkhaniddese pana adhimuccanavasena **adhimokkho**. Adhimuccati vā tena ārammaṇe cittaṃ nibbicikicchātāya sannitṭhānaṃ gacchatīti **adhimokkho**. Adhimuccanākāro **adhimuccanā**. Tassa cittaṃ, tasmim vā ārammaṇe adhimuttattāti **tadadhimuttatā**. Sabbacittesu ca paṭhamacitte vuttanayeneva nayacatukkavārappabhedo veditabbo. Kevalañhi vicikicchāsampayutte upādānamūlakassa nayassa abhāvā aṭṭha nayā, dvattimsa catukkāni, aṭṭhavīsādhikaṇca vārasatam hotīti.

Akusalaniddesavaṇṇanā.

### Kusalaniddesavaṇṇanā

**292.** Idāni imināva nayena kusalacittādīsupi paccayākāraṃ dassetuṃ **katame dhammā kusalā**tiādi āraddhaṃ. Yathā pana akusale paṭhamam mātikaṃ nikkhipitvā pacchā niddeso kato, na tathā idha. Kasmā? Appanāvāre nānattasambhavato. Lokiyakusalādīsū hi tesam dhammānaṃ dukkhasaccapariyāpannattā “evametassa kevalassa dukkhakkhandhassā”ti appanā hoti, lokuttarakusalādīsū “evametesam dhammāna”nti. Tasmā ettha sādharmaṇato mātikaṃ ṭhapetuṃ na sakkāti pāṭiyekkaṃ tesam tesam kusalādīnaṃ mātikaṃ uddisitvāva niddeso katoti.

Tattha yasmā ekacittakkhaṇe kusalasāṅkhāreṇa saddhiṃ avijjā natthi, tasmā taṃ avatvā, avijjā viya akusalānaṃ, kusalānaṃ mūlato kusalamūlaṃ, taṇhupādānānaṃ abhāvato taṇhāṭṭhāne taṇhā viya ārammaṇe ajjhogāḷho pasādo, upādānaṭṭhāne upādānaṃ viya daḷhanipātī nāma adhimokkho vutto. Sesam heṭṭhā vuttanayeneva veditabbanti.

Kusalaniddesavaṇṇanā.

### Abyākataniddesavaṇṇanā

**306.** Abyākataṃ heṭṭhā cittuppādakaṇḍe āgatapaṭipāṭiyāva vibhattaṃ. Sabbavāresu ca avijjāmūlakā nayā parihīnā. Kasmā? Avijjāṭṭhāne ṭhapetabbassa abhāvato. Kusalacittesu hi avijjāṭṭhāne ṭhapetabbaṃ kusalamūlaṃ atthi, cakkhuvīññādīsū natthi. Sahetukesu pana kiñcāpi atthi, evaṃ santepi idha pacchinnattā tattha na gahitaṃ. Pañcaviññānasote sotapatitāva hutvā desanā katāti veditabbā.

Visesato panettha cakkhuvīññādīsū taṇhāṭṭhānaṃ upādānaṭṭhānaṃ parihīnaṃ. Kasmā? Taṇhāṭṭhānārahassa balavadhammassa abhāvā adhimokkharahitattā ca. Sesāhetukesu taṇhāṭṭhānameva parihīnaṃ. Sahetukesu pasādasabbhāvato taṇhāṭṭhāne pasādena padaṃ pūritaṃ. Evamettha kusalākusalavipākesu cakkhuvīññādīsū saṅkhāraviññānaṃ machaṭṭhāyanaphassavedanāmūlakā cha cha, sesāhetukesu adhimokkhamūlakena saddhiṃ satta satta, sahetukesu pasādamūlakena saddhiṃ aṭṭha aṭṭha nayā veditabbā.

Tattha cakkhuvīññādīsū catunnampi catukkānaṃ ādivārova vutto. Dutiyavāro paccayavisesaṭṭhena labbhamānopi na vutto. Tatiyacatutthavārā asambhavato yeva. Rūpamissakā hi te, na ca cakkhuvīññādīni rūpaṃ samuṭṭhāpentī. Yathā ca paṭhamacatukke dve vārā labbhanti, evaṃ sesacatukkesupi. Tasmā paṭhamacatukke dutiyavāro, sesacatukkesu ca dve dve vārā avuttāpi vuttāva hontīti veditabbā. Sesāhetukābyākate sabbacatukkesu sabbepi vārā labbhanti. Idha pacchinnattā pana parato na gahitā. Sotapatitāva hutvā desanā katāti. Sesasahetukavipākesupi eseva nayo aññātra arūpāvacaravipākā. Arūpāvacaravipākasmīhi vāradvayameva labbhatīti.

Abyākataniddesavaṇṇanā.

### Avijjāmūlakakusalaniddesavaṇṇanā

**334.** Idāni aparena pariyāyena ekacittakkhaṇe paccayākāraṃ dassetuṃ puna **katame dhammā kusalā**tiādi āraddhaṃ. Tattha **avijjāpaccayā**ti upanissayapaccayataṃ sandhāya vuttaṃ. Teneva niddesavāre “tattha katamā avijjā”ti avibhajitvā “tattha katamo avijjāpaccayā saṅkhāro”ti vibhattaṃ. Kusalacetanāsaṅkhāto hi saṅkhāro yeva tasmīṃ samaye cittaṇa sahaṅgato hoti, na avijjā.

Tattha lokiyakusalassa heṭṭhā suttantabhājanīye vuttanayeneva avijjā paccayo hoti. Yasmā pana appahīnāvijjo avijjāya pahānattaṃ lokuttaraṃ bhāveti, tasmā tassāpi samatikkamavasena paccayo hoti. Avijjāvato yeva hi kusalāyūhanaṃ hoti, na itarassa. Tattha tebhūmakakusale sammohavasena samatikkamabhāvanāvasena pi āyūhanaṃ labbhati; lokuttare samucchadabhāvanāvasenāti. Sesam vuttanayameva.

Ayaṃ pana viseso – yathā heṭṭhā ekekakusale catunnam catukkānaṃ vasena nava soḷasakā laddhā, tathā idha na labbhanti. Kasmā? Avijjāya avigatasampayuttaaññamaññapaccayābhāvato. Upanissayavasena panettha paṭhamacatukkameva labbhati. Tampi paṭhamavārameva dassetvā saṃkhittaṃ. Nīharitvā pana dassetabbanti.

Avijjāmūlakakusalaniddesavaṇṇanā.

### Kusalamūlakavipākaniddesavaṇṇanā

**343.** Idāni abyākatesupi apareneva nayena paccayākāraṃ dassetuṃ **katame dhammā abyākatā**tiādi āraddhaṃ.

Tattha **kusalamūlapaccayā**ti idampi upanissayapaccayatam sandhāya vuttam. Kusalavipākassa hi kusalamūlam, akusalavipākassa ca akusalamūlam upanissayapaccayo hoti; nānākkhaṇīkakkammappaccaye pana vattabbameva natthi. Tasmā esa upanissayapaccayena ceva nānākkhaṇīkakkammappaccayena ca paccayo hoti. Teneva niddesavāre “tattha katamam kusalamūla”nti avibhajitvā “tattha katamo kusalamūlapaccayā saṅkhāro”ti vibhattam. Akusalavipākepi eseve nayo.

Avijjāmūlakakusalaniddese viya ca imasmimpi vipākaniddese paṭhamam paccayatukkameva labbhati. Tampi paṭhamavāram dassetvā saṅkhittam. Tasmā ekekasmim vipākacitte ekamekaseva catukkassa vasena kusalamūlamūlake akusalamūlamūlake ca naye vārappabhedo vedītabbo. Kiriyādhamaṇam pana yasmā neva avijjā na kusalākusalamūlāni upanissayapaccayatam labhanti, tasmā kiriyavasena paccayākāro na vuttoti.

Evamesa –

Akusalakusalābyākata-dhammesu anekabhedato vatvā;  
Kusalākusalānam pana, vipāke ca upanissayavasena.

Puna ekadhāva vutto, vādippavarena paccayākāro;  
Dhammapaccayabhede, nāṇassa pabbhedajananattham.

Pariyattisavanacintana-paṭipattikkamavivajjitānañca;  
Yasmā nāṇapabhedo, na kadācīpi hoti etasmim.

Pariyattisavanacintana-paṭipattikkamato sadā dhīro;  
Tattha kayirā na haññam, karaṇīyataram tato atthīti.

Ayam pana paccayākāro suttantaabhidhammabhājanīyavasena dveparivaṭṭameva nīharitvā bhājetvā dassito hoti.

Abhidhammabhājanīyavaṇṇanā.

Sammohavinodaniyā vibhaṅgaṭṭhakathāya

Paṭiccasamuppādavibhaṅgavaṇṇanā niṭṭhitā.

## 7. Satipaṭṭhānavibhaṅgo

### 1. Suttantabhājanīyam uddesavāraṇṇanā

**355.** Idāni tadanantare satipaṭṭhānavibhaṅge **cattāro**ti gaṇanaparicchedo. Tena na tato heṭṭhā na uddhanti satipaṭṭhānaparicchedam dīpeti. **Satipaṭṭhānā**ti tayo satipaṭṭhānā – satigocaropi, tidhā paṭipannesu sāvakesu satthuno paṭidhānūyavītivattatāpi, satipi. “Catunnam, bhikkhave, satipaṭṭhānānam samudayañca atthaṅgamañca desessāmi. Tam suṇātha...pe... ko ca, bhikkhave, kāyassa samudayo? Āhārasamudayā kāyassa samudayo”tiādīsu (saṃ. ni. 5.408) hi satigocarō satipaṭṭhānanti vuccati. Tathā “kāyo upaṭṭhānam, no satī. Sati upaṭṭhānañceva satī cā”tiādīsu (paṭi. ma. 3.35). Tassattho – patiṭṭhāti asminti paṭṭhānam. Kā patiṭṭhāti? Sati. Satiyā paṭṭhānam **satipaṭṭhānam**, padhānam ṭhānanti vā paṭṭhānam; satiyā paṭṭhānam satipaṭṭhānam hatthiṭṭhānaassatṭhānādīni viya.

“Tayo satipaṭṭhānā yadariyo sevati, yadariyo sevamāno satthā gaṇam anusāsītumarahati”ti (ma. ni. 3.304, 311) ettha tidhā paṭipannesu sāvakesu satthuno paṭidhānūyavītivattatā satipaṭṭhānanti vuttā. Tassattho – paṭṭhapetabbato paṭṭhānam, pavattayitabbatoti attho. Kena paṭṭhapetabbatoti? Satiyā; satiyā paṭṭhānam satipaṭṭhānam. “Cattāro satipaṭṭhānā bhāvitā bahulīkatā satta bojjhaṅge paripūrenti”tiādīsu (ma. ni. 3.147) pana satiyeva satipaṭṭhānanti vuccati. Tassattho – patiṭṭhāti paṭṭhānam, upaṭṭhāti okkanditvā pakkhanditvā pavattatīti attho; satiyeva paṭṭhānaṭṭhena satipaṭṭhānam; athavā saraṇaṭṭhena satī, upaṭṭhānaṭṭhena paṭṭhānam. Iti satī ca sā paṭṭhānañcātipi satipaṭṭhānam. Idamidha adhippetam. Yadi evam, kasmā satipaṭṭhānāti bahuvacanam katanti? Satiyā bahuttā; ārammaṇabhedenā hi bahukā tā satiyoti.

Kasmā pana bhagavatā cattārova satipaṭṭhānā vuttā, anūnā anadhikāti? Veneyyahitattā. Taṇhācaritadiṭṭhacaritasamathayānikavipassanāyānikesu hi mandatikkhavasena dvidhā pavattesu mandassa taṇhācaritassa oḷārikam kāyānupassanāsatiipaṭṭhānam visuddhimaggo, tikkhassa sukhumam

vedanānupassanāsatipañhānaṃ. Diṭṭhacaritassapi mandassa nātipabbhedagataṃ cittānupassanāsatipañhānaṃ visuddhimaggo, tikkhassa atippabbhedagataṃ dhammānupassanāsatipañhānaṃ. Samathayānikassa ca mandassa akicchena adhigantabbanimittaṃ paṭhamañ satipañhānaṃ visuddhimaggo, tikkhassa oḷārikārammaṇe asaṅghahanato dutiyaṃ. Vipassanāyānikassāpi mandassa nātipabbhedagatārammaṇañ tatiyaṃ, tikkhassa atippabbhedagatārammaṇañ catutthaṃ. Iti cattārova vuttā, anūnā anadhikāti.

Subhasukhaniccaattabhāvavipallāsappahānatthaṃ vā. Kāyo hi asubho. Tattha subhavipallāsavipallatthā sattā. Tesañ tattha asubhabhāvadassanena tassa vipallāsassa pahānatthaṃ paṭhamañ satipañhānaṃ vuttā. Sukhaṃ, niccaṃ, attāti gahitesupi ca vedanādīsu vedanā dukkhā, cittaṃ aniccaṃ, dhammā anattā. Etesu ca sukhaniccaattabhāvavipallāsavipallatthā sattā. Tesañ tattha dukkhādibhāvadassanena tesañ vipallāsānaṃ pahānatthaṃ sesāni tīṇi vuttānti. Evaṃ subhasukhaniccaattabhāvavipallāsappahānatthaṃ vā cattārova vuttā anūnā anadhikāti veditabbā. Na kevalañca vipallāsapahānatthameva, atha kho caturoghayogāsavaganthaupādānaagatippahānatthampi catubbidhāharaparīññatthañca cattārova vuttāti veditabbā. Ayaṃ tāva pakaraṇanyo.

Aṭṭhakathāyaṃ pana “saraṇavasena ceva ekattasamosaraṇavasena ca ekameva satipañhānaṃ ārammaṇavasena cattāroti etadeva vuttā. Yathā hi catudvāre nagare pācīnato āgacchantā pācīnadisāya uṭṭhānakaṃ bhaṇḍañ gahetvā pācīnadvārena nagarameva pavisanti, dakkhiṇato, pacchimato, uttarato āgacchantā uttaradisāya uṭṭhānakaṃ bhaṇḍañ gahetvā uttaradvārena nagarameva pavisanti, evañ sampadamidaṃ veditabbā. Nagaraṃ viya hi nibbānamahānagaraṃ, dvāraṃ viya aṭṭhaṅgiko lokuttaramaggo. Pācīnadisādayo viya kāyādayo.

Yathā pācīnato āgacchantā pācīnadisāya uṭṭhānakaṃ bhaṇḍañ gahetvā pācīnadvārena nagarameva pavisanti, evañ kāyānupassanāmukhena āgacchantā cuddasavidhena kāyānupassanaṃ bhāvetvā kāyānupassanābhāvanānubhāvanibbattena ariyamaggena ekaṃ nibbānameva osaranti. Yathā dakkhiṇato āgacchantā dakkhiṇadisāya uṭṭhānakaṃ bhaṇḍañ gahetvā dakkhiṇadvārena nagarameva pavisanti, evañ vedanānupassanāmukhena āgacchantā navavidhena vedanānupassanaṃ bhāvetvā vedanānupassanābhāvanānubhāvanibbattena ariyamaggena ekaṃ nibbānameva osaranti. Yathā pacchimato āgacchantā pacchimadisāya uṭṭhānakaṃ bhaṇḍañ gahetvā pacchimadvārena nagarameva pavisanti, evañ cittānupassanāmukhena āgacchantā soḷasavidhena cittānupassanaṃ bhāvetvā cittānupassanābhāvanānubhāvanibbattena ariyamaggena ekaṃ nibbānameva osaranti. Yathā uttarato āgacchantā uttaradisāya uṭṭhānakaṃ bhaṇḍañ gahetvā uttaradvārena nagarameva pavisanti, evañ dhammānupassanāmukhena āgacchantā pañcavidhena dhammānupassanaṃ bhāvetvā dhammānupassanābhāvanānubhāvanibbattena ariyamaggena ekaṃ nibbānameva osaranti. Evaṃ saraṇavasena ceva ekattasamosaraṇavasena ca ekameva satipañhānaṃ ārammaṇavasena cattāroti vuttāti veditabbā.

**Idha bhikkhūti** ettha kiñcāpi bhagavatā devaloke nisīditvā ayaṃ satipañhānavibhaṅgo kathito, ekabhikkhupi tattha bhagavato santike nisinnako nāma natthi. Evaṃ santepi yasmā ime cattāro satipañhāne bhikkhū bhāventi, bhikkhugocārā hi ete, tasmā idha bhikkhūti ālapati. Kiṃ panete satipañhāne bhikkhūyeva bhāventi, na bhikkhunīdayoti? Bhikkhunīdayopi bhāventi. Bhikkhū pana aggaparīsā. Iti aggaparīsattā idha bhikkhūti ālapati. Paṭipattiyā vā bhikkhubhāvadassanato evamāha. Yo hi imaṃ paṭipattiṃ paṭipajjati, so bhikkhu nāma hoti. Paṭipannako hi devo vā hotu manusso vā, bhikkhūti saṅkhaṃ gacchatiyeva. Yathāha –

“Alaṅkato cepi samañcareyya,  
Santo danto niyato brahmacārī;  
Sabbesu bhūtesu nidhāya daṇḍañ,  
So brāhmaṇo so samaṇo sa bhikkhū”ti. (dha. pa. 142);

### Kāyānupassanāuddesavaṇṇanā

**Ajjhattanti** niyakajhattañ adhippetañ. Tasmā **ajjhataṃ kāyeti** attano kāyeti attho. Tattha **kāyeti** rūpakāye. Rūpakāyo hi idha aṅgapaccāṅgānaṃ kesādīnañca dhammānaṃ samūhaṭṭhena, hatthikāyaassakāyarathakāyādayo viya, kāyoti adhippeto. Yathā ca samūhaṭṭhena evañ kucchitānaṃ āyaṭṭhena. Kucchitānañhi paramajegucchānaṃ so āyotipi **kāyo**. **Āyoti** uppattideso. Tatrāyaṃ vacanatto – āyanti tatoti āyo. Ke āyanti? Kucchitā kesādayo. Iti kucchitānaṃ kesādīnaṃ āyoti kāyo.

**Kāyānupassīti** kāyaṃ anupassanasīlo, kāyaṃ vā anupassamāno **kāyeti** ca vatvāpi puna **kāyānupassīti** dutiyaṃ kāyaggahaṇañ asammissato vavatthānaghanavinibbhogādīdassanattaṃ katanti veditabbā. Tena na kāye vedanānupassī cittadhammānupassī vā; atha kho kāye kāyānupassī yevāti kāyasankhāte vatthusmiṃ kāyānupassanākārasseva dassanena asammissato vavatthānaṃ dassitaṃ hoti. Tathā na kāye aṅgapaccāṅgavinimuttaekadhammānupassī, nāpi kesalomādivinimuttaitthipurisānupassī. Yopi cettha kesalomādiko

bhūtopādāyasamūhasaṅkhāto kāyo, tatthāpi na bhūtopādāyavinimuttaekadhammānupassī; atha kho rathasambhārānupassako viya aṅgapaccaṅgasamūhānupassī, nagarāvayavānupassako viya kesalomādīsamūhānupassī, kadalikkhandhapattavaṭṭiviniḥṅako viya rittamuttṭhiviniveṭhako viya ca bhūtopādāyasamūhānupassīyevāti nānappakārato samūhavasena kāyasaṅkhātassa vatthuno dassanena ghanavinibbhogo dassīto hoti. Na hettha yathāvuttasamūhavinimutto kāyo vā itthī vā puriso vā añño vā koci dhammo dissati. Yathāvuttadhammasamūhamatteyeva pana tathā tathā sattā micchābhinivesaṃ karonti. Tenāhu porāṇā –

“Yaṃ passati na taṃ diṭṭhaṃ, yaṃ diṭṭhaṃ taṃ na passati;  
Apassaṃ bajjhate mūḷho, bajjhamāno na muccaṭṭi”ti.

Ghanavinibbhogādīdassanattanti vuttaṃ. Ādisaddena cettha ayampi attho vedītabbo – ayañhi etasmiṃ kāye kāyānupassīyeva, na aññadhamaṇānupassī. Kiṃ vuttaṃ hoti? Yathā anudakabhūṭāyapi marīciyā udakānupassino honti, na evaṃ aniccadukkhānattaasubhabhūteyeva imasmiṃ kāye niccasukhaattasubhabhāvānupassī; atha kho kāyānupassī aniccadukkhānattaasubhākārasamūhānupassīyevāti vuttaṃ hoti. Atha vā yvāyaṃ mahāsatiṭṭhāne “idha, bhikkhave, bhikkhu araññaṅgato vā...pe... so satova assasati”tiādīnā (dī. ni. 2.374; ma. ni. 1.107) nayena assāsapassāsādicunṅakajātaatṭhikapariyosāno kāyo vutto, yo ca “idhekacco pathavīkāyaṃ aniccato anupassati, tathā āpokāyaṃ, tejokāyaṃ, vāyokāyaṃ, kesakāyaṃ, lomakāyaṃ, chavikāyaṃ, cammakāyaṃ, maṃsakāyaṃ, rudhirakāyaṃ, nhārukāyaṃ, aṭṭhikāyaṃ, aṭṭhimiṅjakāya”nti paṭisambhidāyaṃ kāyo vutto, tassa sabbassa imasmiṃyeva kāye anupassanato kāye kāyānupassīti evampi attho daṭṭhabbo.

Atha vā kāye ahanti vā mamanti vā evaṃ gahetabbassa kassaci ananupassanato, tassa tasseva pana kesalomādīkassa nānādhamaṇāsamūhassa anupassanato kāye kesādīdhammasamūhasaṅkhāte kāyānupassīti evamattho daṭṭhabbo. Apica “imasmiṃ kāye aniccato anupassati, no niccato”tiādīnā (paṭi. ma. 3.35) anukkamena paṭisambhidāyaṃ āgatanayassa sabbasseva aniccalakkhaṇādīno ākārasamūhasaṅkhātassa kāyassa anupassanato kāye kāyānupassīti evampi attho daṭṭhabbo.

Tathā hi ayaṃ kāye kāyānupassanāpaṭipadaṃ paṭipanno bhikkhu imaṃ kāyaṃ aniccānupassanādīnaṃ sattanaṃ anupassanānaṃ vasena aniccato anupassati no niccato, dukkhato anupassati no sukhato, anattato anupassati no attato, nibbindati no nandati, virajjati no rajjati, nirodheti no samudeti, paṭinissajjati no ādiyati. So taṃ aniccato anupassanto niccasaññaṃ pajahati, dukkhato anupassanto sukhasaññaṃ pajahati, anattato anupassanto attasaññaṃ pajahati, nibbindanto nandiṃ pajahati, virajjanto rāgaṃ pajahati, nirodhento samudayaṃ pajahati, paṭinissajjanto ādānaṃ pajahati (paṭi. ma. 3.35) vedītabbo.

**Viharatīti** catūsu iriyāpathavihāresu aññataravīhārasamāyogaparidīpanametam, ekaṃ iriyāpathabādhanaṃ aparena iriyāpathena vicchinditvā apatamānaṃ attabhāvaṃ harati pavatteṭīti attho.

**Bahiddhā kāyeti** parassa kāye. **Ajjhattabahiddhā kāyeti** kālena attano kāye, kālena parassa kāye. Paṭhamanayena hi attano kāye kāyapariggaho vutto, dutiyanayena parassa kāye, tatiyanayena kālena attano kālena parassa kāye. Ajjhattabahiddhā pana ghaṭṭitārammaṇaṃ nāma natthi. Paṅṅakammaṭṭhānassa pana aparāparaṃ sañcaraṇakālo ettha kathito. **Ātāpīti** kāyapariggāhakavīriyasamāyogaparidīpanametam. So hi yasmā tasmīṃ samaye yaṃ taṃ vīriyaṃ tīsu bhavesu kilesānaṃ ātāpanato ātāpoti vuccati, tena samannāgato hoti, tasmā **ātāpīti** vuccati.

**Sampajānoti** kāyapariggāhakena sampajāññaṅkhātēna ñāṇena samannāgato. **Satimāti** kāyapariggāhikāya satiyā samannāgato. Ayaṃ pana yasmā satiyā ārammaṇaṃ pariggahetvā paññāya anupassati, na hi sativirahitassa anupassanā nāma atthi, tenevāha – “satiñca khvāhaṃ, bhikkhave, sabbatthikaṃ vadāmi”ti (saṃ. ni. 5.234), tasmā ettha “kāye kāyānupassī viharatī”ti ettāvata kāyānupassanāsatiṭṭhānakammaṭṭhānaṃ vuttaṃ hoti. Atha vā yasmā anātāpino antosaṅkhepo antarāyako hoti, asampajāno upāyapariggāhe anupāyaparivajjane ca sammuyhāti, muṭṭhassati upāyapariccāge anupāyapariggāhe ca asamatthova hoti, tenassa taṃ kammaṭṭhānaṃ na sampajjati; tasmā yesaṃ dhammānaṃ ānubhāvena taṃ sampajjati tesaṃ dassanattamaṃ “ātāpī sampajāno satimā”ti idaṃ vuttanti vedītabbaṃ.

Iti kāyānupassanāsatiṭṭhānaṃ sampayogaṅgañca dassetvā idāni pahānaṅgaṃ dassetuṃ **vineyya loke abhijjhādomanassanti** vuttaṃ. Tattha **vineyyāti** tadanāgavinayena vā vikkhambhanavinayena vā vinayitvā. **Loketi** ettha yvāyaṃ ajjhātibhedo kāyo pariggāhito sveva idha loko nāma. Tasmīṃ loke abhijjhādomanassaṃ vinayitvāti attho. Yasmā panettha abhijjhāgahaṇena kāmacchando, domanassaggahaṇena byāpādo saṅgahaṃ gacchati, tasmā nīvaraṇapariyāpanabalavadhammadvayadassanena nīvaraṇappahānaṃ vuttaṃ hotīti vedītabbaṃ.

Visesena cettha abhijjhāvinayena kāyasampattimūlakassa anurodhassa, domanassavinayena kāyavipattimūlakassa

virodhassa, abhijjhāvinayena ca kāye abhiratiyā, domanassavinayena kāyabhāvanāya anabhiratiyā, abhijjhāvinayena kāye abhūtānaṃ subhasukhabhāvādīnaṃ pakkhepassa, domanassavinayena kāye bhūtānaṃ asubhāsukhabhāvādīnaṃ apānayanassa ca pahānaṃ vuttaṃ. Tena yogāvacarassa yogānubhāvo yogasamattatā ca dīpita hoti. Yogānubhāvo hi esa yadidaṃ anurodhavirodhavippamutto, aratiratisaho, abhūtapakkhepabhūtāpanayanavirahito ca hoti. Anurodhavirodhavippamutto cesa aratiratisaho abhūtaṃ apakkhipanto bhūtaṃ anapanento yogasamatto hoti.

Aparo nayo – “kāye kāyānupassī” ti ettha anupassanāya kammaṭṭhānaṃ vuttaṃ. Viharatīti ettha vuttavihārena kammaṭṭhānikassa kāyapariharaṇaṃ. Ātāpītiādīsu ātāpena sammappadhānaṃ, satisampajaññena sabbatthikakammaṭṭhānaṃ, kammaṭṭhānapariharaṇūpāyo vā; sati yā vā kāyānupassanāvasena paṭiladdhasamatho, sampajaññena vipassanā, abhijjhādomanassavinayena bhāvanāphalaṃ vuttanti veditabbaṃ. Ayaṃ tāva kāyānupassanāsati paṭṭhānuddesassa atthavaṇṇanā.

### Vedanānupassanādiuddesavaṇṇanā

Vedanānupassanāsati paṭṭhānuddesādīsūpi **ajjhata**dīni vuttanayeneva veditabbāni. Etesūpi hi attano vedanādīsū, parassa vedanādīsū, kālena attano kālena parassa vedanādīsūti tividho pariggaho vutto. **Vedanāsu vedanānupassī**tiādīsū ca vedanādīnaṃ punavacane payojanaṃ kāyānupassanāyaṃ vuttanayeneva veditabbaṃ. Vedanāsu vedanānupassī, citte cittānupassī, dhammesu dhammānupassīti ettha pana **vedanā**ti tisso vedanā. Tā ca lokiyā eva; cittaṃpi lokiyaṃ, tathā dhammā. Tesāṃ vibhāgo niddesavāre pākāṭo bhavissati. Kevalaṃ panidha yathā vedanā anupassitabbā tathā anupassanto “vedanāsu vedanānupassī” ti veditabbo. Esa nayo cittadhammesu. Kathaṃ vedanā anupassitabbā? Sukhā tāva vedanā dukkhato, dukkhā sallato, adukkhamasukhā aniccato. Yathāha –

“Yo sukhaṃ dukkhato adda, dukkhamaddakkhi sallato;  
Adukkhamasukhaṃ santaṃ, addakkhi naṃ aniccato;  
Sa ve sammadaso bhikkhu, upasanto carissatī” ti. (saṃ. ni. 4.253);

Sabbā eva cetā dukkhātipi anupassitabbā. Vuttañcetaṃ – “yaṃ kiñci vedayitaṃ taṃ dukkhasminti vadāmī” ti (saṃ. ni. 4.259). Sukhadukkhatoṃ ca anupassitabbā, yathāha – “sukhā kho, āvuso visākha, vedanā ṭhitisukhā, vipariṇāmadukkhā” ti (ma. ni. 1.465) sabbāṃ vitthāretabbaṃ. Apica aniccādisattānupassanāvasenapi (paṭi. ma. 3.35) anupassitabbā. Sesāṃ niddesavāreyeva pākāṭaṃ bhavissati.

Cittadhammesūpi cittaṃ tāva ārammaṇādhipatisahajātabhūmikammavipākakiriyādīnānattabhedānaṃ aniccādinupassanānaṃ niddesavāre āgatasarāgādībhedānaṃ vasena anupassitabbaṃ. Dhammā salakkhaṇasāmaññalakkhaṇānaṃ suññatādhammassa aniccādisattānupassanānaṃ niddesavāre āgatasantāsantādībhedānaṃ vasena anupassitabbā. Sesāṃ vuttanayameva. Kāmañcetta yassa kāyasaṅkhāte loka abhijjhādomanassaṃ pahīnaṃ, tassa vedanādīlokesūpi taṃ pahīnameva. Nānāpuggalavasena pana nānācittakkaṇikasati paṭṭhānabhāvanāvasena ca sabbattha vuttaṃ. Yato vā ekattha pahīnaṃ, sesesūpi pahīnaṃ hoti. Tenevassa tattha pahānadassanattampi evaṃ vuttanti veditabbanti.

Uddesavāraṇṇanā niṭṭhitā.

### Kāyānupassanāniddesavaṇṇanā

**356.** Idāni seyyathāpi nāma cheko vilīvakārako thūlakilañjasaṅhakilāñjacaṅkoṭakapeḷāpuṭādīni upakaraṇāni kattukāmo ekaṃ mahāveḷuṃ labhivā catudhā chinditvā tato ekekaṃ veḷukhaṇḍaṃ gahetvā phāletvā taṃ taṃ upakaraṇaṃ kareyya, yathā vā pana cheko suvaṇṇakāro nānāvihitaṃ piḷandhanavikatiṃ kattukāmo suparisuddhaṃ suvaṇṇaghaṭikaṃ labhivā catudhā bhinditvā tato ekekaṃ koṭṭhāsaṃ gahetvā taṃ taṃ piḷandhanaṃ kareyya, evameva bhagavā satipaṭṭhānadesanāya sattānaṃ anekappakāraṃ viśesādhigamaṃ kattukāmo ekameva sammāsatiṃ “cattāro satipaṭṭhānā – idha bhikkhu ajjhataṃ kāye kāyānupassī viharatī” tiādīnā nayena ārammaṇavasena catudhā bhinditvā tato ekekaṃ satipaṭṭhānaṃ gahetvā vibhajanto **kathaṃca bhikkhu ajjhataṃ kāyeti**ādīnā nayena niddesavāraṃ vattumāraddho.

Tattha **kathaṃcā**tiādī vitthāretuṃ kathetukamyatāpucchā. Ayaṃ panettha saṅkhepattho – kena ca ākārena kena pakārena bhikkhu ajjhataṃ kāye kāyānupassī viharatī? Sesapucchāvāresūpi eseva nayo. **Idha bhikkhū**ti imasmim sāsane bhikkhu. Ayañhettha idha-saddo ajjhatadivasena sabbappakāra kāyānupassanānibbattakassa puggalassa sannissayabhūtasāsanaparidīpano aññāsāsanassa tathābhāvapaṭisedhano ca. Vuttañhettaṃ – “idheva, bhikkhave, samaṇo...pe... suññā parappavādā samaṇebhi aññehī” ti (ma. ni. 1.139; a. ni. 4.241). Tena vuttaṃ “imasmim sāsane



bhikkhū’’ti.

**Ajjhattaṃ kāyanti** attano kāyaṃ. **Uddhaṃ pādatalāti** pādatalato upari. **Adho kesamatthakāti** kesaggato heṭṭhā. **Tacapariyantanti** tiriyaṃ tacaparicchinnāṃ. **Pūraṃ nānappakārassa asucino paccavekkhatīti** nānappakārakesādiyasucibharito ayaṃ kāyoti passati. Kathaṃ? **Atthi imasmiṃ kāye kesā...pe... muttanti.** Tattha **atthīti** saṃvijjanti. **Imasminti** yvāyaṃ uddhaṃ pādatalā adho kesamatthakā tiriyaṃ tacapariyanto pūro nānappakārassa asucinoti vuccati tasmīṃ. **Kāyeti** sarīre. Sarīrañhi asucisañcayato kucchitānaṃ kesādīnañceva cakkhurogādīnañca rogasatānaṃ āyabhūtato kāyoti vuccati.

**Kesā lomāti** ete kesādayo dvattiṃsākārā. Tattha atthi imasmiṃ kāye kesā, atthi imasmiṃ kāye lomāti evaṃ sambandho vedītabbo. Imasmiñhi pādatalato paṭṭhāya upari, kesamatthakā paṭṭhāya heṭṭhā, tacato paṭṭhāya tiriyantatoti ettake byāmamatte kaḷevare sabbākārenapi vicinanto na koci kiñci muttaṃ vā maṇiṃ vā veḷuriyaṃ vā agaruṃ vā kuṅkumaṃ vā kappūraṃ vā vāsacuṇṇādīṃ vā aṇumattampi sucibhāvaṃ passati, atha kho paramaduggandhajeccchaṃ assirīkadassanaṃ nānappakāraṃ kesalomādibhedhaṃ asuciṃyeva passati. Tena vuttaṃ – **atthi imasmiṃ kāye kesā lomā...pe... muttanti.** Ayamettha padasambandhato vaṇṇanā.

Imaṃ pana kammaṭṭhānaṃ bhāvetvā arahattaṃ pāpūṇitukāmena kulaputtana āditova catubbidhaṃ sīlaṃ sodhetvā suparisuddhasīle paṭiṭṭhitaṃ, yvāyaṃ dasasu palibodhesu palibodho atthi taṃ upacchinditvā, paṭikkūlamanasikāraṃ kammaṭṭhānabhāvanāya paṭhamajjhānaṃ nibbattetvā, jhānaṃ pādakaṃ katvā vipassanaṃ paṭṭhapetvā, arahattaṃ anāgāmiṃ phalādīsu vā aññatarāṃ pattassa sabbantimena paricchadena sātṭhakathāya pāḷiyā kataparicayassa tantīācariyassāpi kalyāṇamittassa santike uggahetabbaṃ. Visuddhaṃ tathārūpaṃ kalyāṇamittaṃ ekavīhāre alabhantaṃ tassa vasanaṭṭhānaṃ gantvā uggahetabbaṃ. Tattha catubbidhasīlavisodhanañceva (visuddhi. 1.19) palibodho (visuddhi. 1.41) ca palibodhupacchedo ca ācariyassa santikaṃ upasaṅkamanavidhānañca sabbampi visuddhimagge vitthārato kathitaṃ. Tasmā taṃ tattha kathitanayeneva vedītabbaṃ.

Ācariyena pana kammaṭṭhānaṃ kathentaṃ tividhena kathetabbaṃ. Eko bhikkhu pakatiyā uggahitakammaṭṭhāno hoti. Tassa ekaṃ dve nisajjavāre sajjhāyaṃ kāretvā kathetabbaṃ. Eko santike vasitvā uggaṇhitukāmo hoti. Tassa āgatāgatavelāya kathetabbaṃ. Eko uggaṇhitvā aññattha gantukāmo hoti. Tassa nātipapañcaṃ nātipapañcaṃ katvā nijjaṭṭhaṃ niggaṇṭhikaṃ kammaṭṭhānaṃ kathetabbaṃ. Kathentaṃ kiṃ ācikkhitabbaṃ? Sattadhā uggahakosallaṃ dasadhā ca manasikāraṃ ācikkhitabbaṃ.

Tattha vacasā manasā vaṇṇato saṅghānato disato okāsato pariccheditoti evaṃ sattadhā uggahakosallaṃ ācikkhitabbaṃ. Imasmiñhi paṭikkūlamanasikāraṃ kammaṭṭhāne yopi tipīṭako hoti, tenapi manasikāraṃ kālā paṭhamāṃ vācāya sajjhāyo kātabbo. Ekaccassa hi sajjhāyaṃ karontasseva kammaṭṭhānaṃ pākaṭṭhaṃ hoti, malayavāsīmahādevattherassa santike uggahitakammaṭṭhānaṃ dvinnāṃ therānaṃ viya. Thero kira tehi kammaṭṭhānaṃ yācīto ‘cattāro māse imaṃ evaṃ sajjhāyaṃ karothā’’ti dvattiṃsākārapāḷiṃ adāsi. Te, kiñcāpi tesāṃ dve tayo nikāyā paguṇā, padakkhiṇṇaggāhitāya pana cattāro māse dvattiṃsākāraṃ sajjhāyantāva sotāpannā ahesuṃ.

Tasmā kammaṭṭhānaṃ kathentaṃ ācariyena antevāsiko vattabbo – ‘paṭhamāṃ tāva vācāya sajjhāyaṃ karohī’’ti. Karontena ca tacapañcakādīni paricchinditvā anulomapaṭilomavasena sajjhāyo kātabbo. ‘‘Kesā lomā nakhā dantā taco’’ti hi vatvā puna paṭilomato ‘‘taco dantā nakhā lomā kesā’’ti vattabbaṃ. Tadanantaraṃ vakkapañcake ‘‘maṃsaṃ nhāru aṭṭhi aṭṭhimiñjaṃ vakkā’’nti vatvā puna paṭilomato ‘‘vakkāṃ aṭṭhimiñjaṃ aṭṭhi nhāru maṃsaṃ taco dantā nakhā lomā kesā’’ti vattabbaṃ. Tato papphāsaṃ pihakaṃ kilomakaṃ pihakaṃ papphāsa’’nti vatvā puna paṭilomato ‘‘papphāsaṃ pihakaṃ kilomakaṃ yakanāṃ hadayaṃ vakkāṃ aṭṭhimiñjaṃ aṭṭhi nhāru maṃsaṃ taco dantā nakhā lomā kesā’’ti vattabbaṃ.

Tato imaṃ tantīṃ anāruḥhampi paṭisambhidāmagge (paṭi. ma. 1.4) āgataṃ matthaluṅgaṃ karīsāvasāne tantīṃ āropetvā imasmiṃ matthaluṅgaṃ paṭilomato ‘‘antaṃ antaṅgaṃ udariyaṃ karīsaṃ matthaluṅga’’nti vatvā puna paṭilomato ‘‘matthaluṅgaṃ karīsaṃ udariyaṃ antaṅgaṃ antaṃ papphāsaṃ pihakaṃ kilomakaṃ yakanāṃ hadayaṃ vakkāṃ aṭṭhimiñjaṃ aṭṭhi nhāru maṃsaṃ taco dantā nakhā lomā kesā’’ti vattabbaṃ.

Tato medachakke ‘‘pittaṃ semhaṃ pubbo lohitaṃ sedo medo’’ti vatvā puna paṭilomato ‘‘medo sedo lohitaṃ pubbo semhaṃ pittaṃ matthaluṅgaṃ karīsaṃ udariyaṃ antaṅgaṃ antaṃ papphāsaṃ pihakaṃ kilomakaṃ yakanāṃ hadayaṃ vakkāṃ aṭṭhimiñjaṃ aṭṭhi nhāru maṃsaṃ taco dantā nakhā lomā kesā’’ti vattabbaṃ.

Tato muttachakke ‘‘assu vasā kheḷo siṅghānikā lasikā mutta’’nti vatvā puna paṭilomato ‘‘muttaṃ lasikā siṅghānikā kheḷo vasā assu medo sedo lohitaṃ pubbo semhaṃ pittaṃ matthaluṅgaṃ karīsaṃ udariyaṃ antaṅgaṃ antaṃ papphāsaṃ pihakaṃ kilomakaṃ yakanāṃ hadayaṃ vakkāṃ aṭṭhimiñjaṃ aṭṭhi nhāru maṃsaṃ taco dantā nakhā lomā kesā’’ti vattabbaṃ.

lomā kesā”ti evaṃ kālasatampi kālasahassampi kālasatasahassampi vācāya sajjhāyo kātabbo. Vacasā sajjhāyena hi kammaṭṭhānātanti paguṇā hoti; na ito cito ca cittaṃ vidhāvati; koṭṭhāsā pākaṭā honti, hatthasaṅkhalikā viya khāyanti, vatipādapanti viya ca khāyanti. Yathā ca pana vacasā, tatheva manasāpi sajjhāyo kātabbo. Vacasā sajjhāyo hi manasā sajjhāyassa paccayo hoti. Manasā sajjhāyo lakkhaṇapaṭivedhassa paccayo hoti. Lakkhaṇapaṭivedho maggaphalapaṭivedhassa paccayo hoti.

‘**Vaṇṇato**’ti kesādīnaṃ vaṇṇo vavatthapetabbo. ‘**Sanṭhānato**’ti tesamyeva sanṭhānaṃ vavatthapetabbaṃ. ‘**Disato**’ti imasmiṃ sarīre nābhīto uddhaṃ uparimā disā, adho heṭṭhimā disā. Tasmā “ayaṃ koṭṭhāso imissā nāma disāyā”ti disā vavatthapetabbā. ‘**Okāsato**’ti “ayaṃ koṭṭhāso imasmiṃ nāma okāse paṭiṭṭhito”ti evaṃ tassa tassa okāso vavatthapetabbo. ‘**Paricchedato**’ti sabhāgaparicchedo visabhāgaparicchedoti dve paricchedā. Tattha “ayaṃ koṭṭhāso heṭṭhā ca upari ca tiriyaṅca iminā nāma paricchinnō”ti evaṃ sabhāgaparicchedo veditabbo. “Kesā na lomā, lomāpi na kesā”ti evaṃ amissīkatavasena visabhāgaparicchedo veditabbo.

Evaṃ sattadhā uggahakosallaṃ ācikkhantena pana “idaṃ kammaṭṭhānaṃ asukasmiṃ sutte paṭikkūlavasena kathitaṃ, asukasmiṃ dhātuvasenā”ti ṅatvā ācikkhitabbaṃ. Idañhi mahāsatipaṭṭhāne (dī. ni. 2.372; ma. ni. 1.105 ādayo) paṭikkūlavaseneva kathitaṃ, mahāhatthipadopama (ma. ni. 1.300 ādayo) -mahārāhulovāda (ma. ni. 2.113 ādayo) -dhātvubhaṅgesu (ma. ni. 3.342 ādayo) dhātuvasena kathitaṃ. Kāyagatāsatisutte (ma. ni. 3.153 ādayo) pana yassa vaṇṇato upaṭṭhāti, taṃ sandhāya cattāri jhānāni vibhattāni. Tattha dhātuvasena kathitaṃ vipassanākammaṭṭhānaṃ hoti, paṭikkūlavasena kathitaṃ samathakammaṭṭhānaṃ. Tadetam idha samathakammaṭṭhānaṃ avisesato sabbasādhāraṇavasena kathitanti vadantiyevāti.

Evaṃ sattadhā uggahakosallaṃ ācikkhitvā “anupubbato, nātisīghato, nātisaṅkato, vikkhepaṭibāhanato, paṇṇattisamatikkamanato, anupubbamuñcanato, appanāto, tayo ca suddantā”ti evaṃ dasadhā manasikārakosallaṃ ācikkhitabbaṃ. Tattha ‘**anupubbato**’ti idañhi sajjhāyakaraṇato paṭṭhāya anupaṭipāṭiyā manasikātabbaṃ, na ekantarikāya. Ekantarikāya hi manasikaronto yathā nāma akusalo puriso dvattiṃsapadaṃ nissenīṃ ekantarikāya ārohanto kilantakāyo patati, na ārohanaṃ sampādeti; evameva bhāvanāsampattivasena adhigantabbassa assādassa anadhigamā kilantacitto patati, na bhāvanaṃ sampādeti.

Anupubbato manasikarontenāpi ca ‘**nātisīghato**’ manasikātabbaṃ. Atisīghato manasikaroto hi yathā nāma tiyojanaṃ maggaṃ paṭipajjivā okkamanavissajjanaṃ asallakkhetvā sīghena javena sattakkhattumpi gamanāgamaṇaṃ karoto purisassa kiñcāpi addhānaṃ parikkhayaṃ gacchati, atha kho pucchivāva gantabbaṃ hoti; evameva kevalaṃ kammaṭṭhānaṃ pariyoṣānaṃ pāpuṇāti, avibhūtaṃ pana hoti, na visesaṃ āvahati. Tasmā nātisīghato manasikātabbaṃ.

Yathā ca nātisīghato evaṃ ‘**nātisaṅkato**’pi. Atisaṅkato manasikaroto hi yathā nāma tadaheva tiyojanaṃ maggaṃ gantukāmassa purisassa antarāmagge rukkhapabbatagahanādīsu vilambamānassa maggo parikkhayaṃ na gacchati, dvīhatīhena pariyoṣāpetabbo hoti; evameva kammaṭṭhānaṃ pariyoṣānaṃ na gacchati, visesādhigamassa paccayo na hoti.

‘**Vikkhepaṭibāhanato**’ti kammaṭṭhānaṃ vissajjetvā bahiddhā puthuttārammaṇe cetaso vikkhepo paṭibāhitabbo. Appaṭibāhato hi yathā nāma ekapadikaṃ papātamaggaṃ paṭipannassa purisassa akkamanapadaṃ asallakkhetvā ito cito ca vilokayato padavāro virajjhati, tato sataporise papāte patitabbaṃ hoti; evameva bahiddhā vikkhepe sati kammaṭṭhānaṃ parihāyati, paridhaṃsati. Tasmā vikkhepaṭibāhanato manasikātabbaṃ.

‘**Paṇṇattisamatikkamanato**’ti yā ayaṃ “kesā lomā”ti ādikā paṇṇatti taṃ atikkamitvā paṭikkūlanti cittaṃ ṭhapetabbaṃ. Yathā hi udakadullabhakāle manussā araṅṅe udapānaṃ disvā tattha tālapaṇṇādikaṃ kiñcīdeva saññānaṃ bandhitvā tena saññāneṇa āgantvā nhāyanti ceva pivanti ca, yadā pana tesam abhiṅhasaṅcāreṇa āgatāgatapadaṃ pākaṭaṃ hoti, tadā saññāneṇa kiccaṃ na hoti, icchicchitakkhaṇe gantvā nhāyanti ceva pivanti ca; evameva pubbabhāge ‘kesā lomā’ti paṇṇattivasena manasikaroto paṭikkūlabhāvo pākaṭo hoti. Atha ‘kesā lomā’ti paṇṇattim samatikkamitvā paṭikkūlabhāveyeva cittaṃ ṭhapetabbaṃ.

‘**Anupubbamuñcanato**’ti yo yo koṭṭhāso na upaṭṭhāti, taṃ taṃ muñcantena anupubbamuñcanato manasikātabbaṃ. Ādikammikassa hi ‘kesā’ti manasikaroto manasikāro gantvā ‘mutta’nti imaṃ pariyoṣānaṃ koṭṭhāsameva āhacca tiṭṭhati. ‘Mutta’nti ca manasikaroto manasikāro gantvā ‘kesā’ti imaṃ ādikoṭṭhāsameva āhacca tiṭṭhati. Athassa manasikaroto keci koṭṭhāsā upaṭṭhahanti, keci na upaṭṭhahanti. Tena ye ye upaṭṭhahanti tesu tesu tāva kammaṃ kātabbaṃ, yāva dvīsu upaṭṭhitesu tesampi eko suṭṭhutarāṃ upaṭṭhahati. Evaṃ upaṭṭhitaṃ pana tameva punappunaṃ manasikarontena appanā uppādetabbā.

Tatrāyaṃ upamā – yathā hi dvattiṃsatālake tālavane vasantaṃ makkaṭaṃ gahetukāmo luddo ādimhi ṭhitatālassa

paṇṇaṃ sarena vijjhivā ukkuṭṭhiṃ kareyya; atha so makkaṭo paṭipāṭiyā tasmim̐ tasmim̐ tāle pativā pariyantatālemeva gaccheyya; tatthapi gantvā luddena tatheva kate puna teneva nayena āditālaṃ āgaccheyya; so evaṃ punappunaṃ paṭipāṭiyā gacchanto ukkuṭṭhukkuṭṭhiṭṭhāneyeva uṭṭhahivā puna anukkamena ekasmim̐ tāle nipativā tassa vemajjhe makulaṭālapaṇṇasūcim̐ daḷhaṃ gahetvā vijjhiyamānopi na uṭṭhaheyya, evaṃsappadamidaṃ daṭṭhabbaṃ.

Tatridaṃ opammaṣaṃsandanaṃ – yathā hi tālavane dvattiṃsatālā, evaṃ imasmim̐ kāye dvattiṃsa koṭṭhāsā; makkaṭo viya cittaṃ; luddo viya yogāvacaro; makkaṭassa dvattiṃsatālake tālavane nivāso viya yogino cittaṃ dvattiṃsakoṭṭhāsake kāye ārammaṇavasena anusaṃcaraṇaṃ; luddena ādimhi ṭhitatālassa paṇṇaṃ sarena vijjhivā ukkuṭṭhiyā katāya makkaṭassa tasmim̐ tasmim̐ tāle pativā pariyantatālagamaṇaṃ viya yogino ‘kesā’ti manasikāre āraddhe paṭipāṭiyā gantvā pariyoṣānakoṭṭhāse eva cittaṃ saṅghānaṃ; puna paccāgamanepi eseva nayo; punappunaṃ paṭipāṭiyā gacchamānassa makkaṭassa ukkuṭṭhukkuṭṭhiṭṭhāne uṭṭhānaṃ viya punappunaṃ manasikaroto kesuci kesuci upaṭṭhitesu anupaṭṭhahante vissajjetvā upaṭṭhitesu parikkammaṅgaṇaṃ; anukkamena ekasmim̐ tāle nipativā tassa vemajjhe makulaṭālapaṇṇasūcim̐ daḷhaṃ gahetvā vijjhiyamānassāpi anuṭṭhānaṃ viya avasāne dvīsu upaṭṭhitesu yo suṭṭharaṃ upaṭṭhāti tameva punappunaṃ manasikarivā appanāya uppādanaṃ.

Aparāpi upamā – yathā nāma piṇḍapātiko bhikkhu dvattiṃsakulaṃ gāmaṃ upanissāya vasanto paṭṭhamagehe eva dve bhikkhā labhivā parato ekaṃ vissajjeyya; punadivase tisso labhivā parato dve vissajjeyya; tatiyadivase ādimhiyeva pattapūraṃ labhivā āsanasālaṃ gantvā paribhuñjeyya, evaṃsappadamidaṃ daṭṭhabbaṃ. Dvattiṃsakulagāmo viya hi dvattiṃsākāro; piṇḍapātiko viya yogāvacaro; tassa taṃ gāmaṃ upanissāya vāso viya yogino dvattiṃsākāre parikkammaṅgaṇaṃ; paṭṭhamagehe dve bhikkhā labhivā parato ekissā vissajjanaṃ viya dutiyadivase tisso labhivā parato dvinnaṃ vissajjanaṃ viya ca manasikaroto manasikaroto anupaṭṭhahante anupaṭṭhahante vissajjetvā upaṭṭhitesu upaṭṭhitesu yāva koṭṭhāsadvaye parikkammaṅgaṇaṃ; tatiyadivase ādimhiyeva pattapūraṃ labhivā āsanasālayaṃ nisīditvā paribhogo viya dvīsu yo suṭṭharaṃ upaṭṭhahati tameva punappunaṃ manasikarivā appanāya uppādanaṃ.

‘**Appanāto**’ti appanākoṭṭhāsato. Kesādīsu ekekasmim̐ koṭṭhāse appanā hotīti veditabbāti ayamettha adhippāyo.

‘**Tayo ca suttantā**’ti adhiccittaṃ, sītibhāvo, bojjaṅgakosallanti ime tayo suttantā vīriyasamādhiyojanatthaṃ veditabbāti ayamettha adhippāyo. Tattha –

“Adhiccittamanuyuttena, bhikkhave, bhikkhunā tīṇi nimittāni kālena kālaṃ manasikātabbāni...kālena kālaṃ samādhinimittaṃ manasikātabbaṃ, kālena kālaṃ paggahanimittaṃ manasikātabbaṃ, kālena kālaṃ upekkhānimittaṃ manasikātabbaṃ. Sace, bhikkhave, adhiccittamanuyutto bhikkhu ekantaṃ samādhinimittānyeva manasikareyya, ṭhānaṃ taṃ cittaṃ kosajjāya saṃvatteyya. Sace, bhikkhave, adhiccittamanuyutto bhikkhu ekantaṃ paggahanimittānyeva manasikareyya, ṭhānaṃ taṃ cittaṃ uddhaccāya saṃvatteyya. Sace, bhikkhave, adhiccittamanuyutto bhikkhu ekantaṃ upekkhānimittānyeva manasikareyya, ṭhānaṃ taṃ cittaṃ na sammāsamādhiyeva āsavānaṃ khayāya. Yato ca kho, bhikkhave, adhiccittamanuyutto bhikkhu kālena kālaṃ samādhinimittaṃ, paggahanimittaṃ, upekkhānimittaṃ manasikaroti, taṃ hoti cittaṃ mudu ca kammaniyañca pabhassarañca, na ca pabhaṅgu, sammā samādhiyati āsavānaṃ khayāya.

“Seyyathāpi, bhikkhave, suvaṇṇakāro vā suvaṇṇakārantevāsī vā ukkaṃ bandhati, ukkaṃ bandhivā ukkāmuḥkaṃ ālimpeti, ukkāmuḥkaṃ ālimpetvā saṅghāsena jātarūpaṃ gahetvā ukkāmuḥke pakkhipeyya, ukkāmuḥke pakkhipitvā kālena kālaṃ abhidhamati, kālena kālaṃ udakena paripphoseti, kālena kālaṃ ajjupekkhati. Sace, bhikkhave, suvaṇṇakāro vā suvaṇṇakārantevāsī vā taṃ jātarūpaṃ ekantaṃ abhidhameyya, ṭhānaṃ taṃ jātarūpaṃ ḍaheyya. Sace, bhikkhave, suvaṇṇakāro vā suvaṇṇakārantevāsī vā taṃ jātarūpaṃ ekantaṃ udakena paripphoseyya, ṭhānaṃ taṃ jātarūpaṃ nibbāyeyya. Sace, bhikkhave, suvaṇṇakāro vā suvaṇṇakārantevāsī vā taṃ jātarūpaṃ ekantaṃ ajjupekkheyya, ṭhānaṃ taṃ jātarūpaṃ na sammā paripākaṃ gaccheyya.

“Yato ca kho, bhikkhave, suvaṇṇakāro vā suvaṇṇakārantevāsī vā taṃ jātarūpaṃ kālena kālaṃ abhidhamati, kālena kālaṃ udakena paripphoseti, kālena kālaṃ ajjupekkhati, taṃ hoti jātarūpaṃ mudu ca kammaniyañca pabhassarañca, na ca pabhaṅgu, sammā upeti kammāya; yassā yassā ca piḷandhanavikatiyā ākankhati – yadi paṭṭikāya yadi kuṇḍalāya yadi gīveyyakāya yadi suvaṇṇamālāya, tañcassa atthaṃ anubhoti.

“Evameva kho, bhikkhave, adhiccittamanuyuttena...pe... sammā samādhiyati āsavānaṃ khayāya; yassa yassa ca abhiññāsacchikaraṇīyassa dhammassa cittaṃ abhininnāmeti abhiññā sacchikiriyāya, tatra tatreva sakkhibbattaṃ pāpuṇāti sati satiāyatane”ti (a. ni. 3.103) idaṃ suttaṃ adhiccittanti veditabbāṃ.

“Chahi, bhikkhave, dhammehi samannāgato bhikkhu bhabbo anuttaram sītibhāvaṃ sacchikātuṃ. Katamehi chahi? Idha, bhikkhave, bhikkhu yasmiṃ samaye cittaṃ niggahetabbaṃ tasmīṃ samaye cittaṃ niggaṇhāti, yasmiṃ samaye cittaṃ paggahetabbaṃ tasmīṃ samaye cittaṃ paggaṇhāti, yasmiṃ samaye cittaṃ sampahaṃsitabbaṃ tasmīṃ samaye cittaṃ sampahaṃseti, yasmiṃ samaye cittaṃ ajjupekkhitabbaṃ tasmīṃ samaye cittaṃ ajjupekkhati, pañitādhimuttiko ca hoti nibbānābhīrato ca. Imehi kho, bhikkhave, chahi dhammehi samannāgato bhikkhu bhabbo anuttaram sītibhāvaṃ sacchikātu’nti (a. ni. 6.85) idaṃ suttaṃ sītibhāvoti veditabbaṃ.

Bojjhaṅgakosallaṃ pana “evameva kho, bhikkhave, yasmiṃ samaye līnaṃ cittaṃ hoti, akālo tasmīṃ samaye passaddhisambojjhaṅgassa bhāvanāyā’ti (saṃ. ni. 5.234) saṃyuttamahāvagge bojjhaṅgasamyyutte āgatameva.

Iti idaṃ sattavidhaṃ uggahakosallaṃ suggahitaṃ katvā imaṅca dasavidhaṃ manasikāraṅkosallaṃ suṭṭhu vavatthapetvā tena yoginā ubhayakosallavasena kammaṭṭhānaṃ sādhuṃ uggahetabbaṃ. Sace panassa ācariyena saddhiṃ ekavihāreyeva phāsu hoti, evaṃ vitthārena akathāpetvā kammaṭṭhānamanuyūñjantena visesaṃ labhitvā uparūpari kathāpetabbaṃ. Aññattha vasitukāmena yathāvuttena vidhinā vitthārato kathāpetvā punappunaṃ parivattetvā sabbaṃ gaṇṭhiṭṭhānaṃ chinditvā kammaṭṭhānabhāvanāya ananurūpaṃ senāsanāṃ pahāya mahāvāsātādiṭṭhārasadosavajjite anurūpe vihāre viharantena khuddakapalibodhupacchedaṃ katvā yo tāva rāgacarito hoti, tena yasmā rāgo pahātabbo, tasmā paṭikkūlamanasikāre parikkammaṃ katabbaṃ.

Karontena pana kesesu tāva nimittaṃ gahetabbaṃ. Kathaṃ? Ekaṃ vā dve vā kese luñcivā hatthatale ṭhapetvā vaṇṇo tāva vavatthapetabbo. Chinnaṭṭhānēpi kese oloketuṃ vaṭṭati; udakapatte vā yāgupatte vā oloketumpi vaṭṭatiyeva. Kālakakāle disvā kālakāti manasikātabbā; setakāle setāti. Missakakāle pana usadavasena manasikātabbā honti. Yathā ca kesesu, evaṃ sakalepi tacapañcake disvāva nimittaṃ gahetabbaṃ. Evaṃ nimittaṃ gahetvā sabbakoṭṭhāsesu vaṇṇasaṅṭhānadisokāsaparicchedavasena vavatthapetvā vaṇṇasaṅṭhānagandhaāsayaokāsavasena pañcadhā paṭikkūlato vavatthapetabbā.

Tatrāyaṃ sabbakoṭṭhāsesu anupubbakathā – **kesā** tāva pakativāṇṇena kālakā addāriṭṭhakavaṇṇā, saṅṭhānato dīghavaṭṭalīkā tulādaṇḍasaṅṭhānā, disato uparimadisāya jātā, okāsato ubhosu passesu kaṇṇacūlikāhi, purato nalāṭantena, pacchato galavāṭakena paricchinnā. Sīsakaṭṭhāhaveṭhanāṃ allacammaṃ kesānaṃ okāso. Paricchedato kesā sīsaveṭhanacamme vīhaggamattaṃ pavisitvā patiṭṭhitena heṭṭhā attano mūlatalena, upari ākāsena, tiriyāṃ aññamaññena paricchinnā. Dve kesā ekato natthīti ayaṃ sabhāgaparicchedo.

‘Kesā na lomā, lomā na kesā’ti evaṃ avasesehi ekatiṃsakoṭṭhāsehi amissīkatā kesā nāma pāṭiyekko koṭṭhāsoti ayaṃ visabhāgaparicchedo. Idaṃ kesānaṃ vaṇṇādito vavatthāpanaṃ.

Idaṃ pana tesāṃ vaṇṇādivasena pañcadhā paṭikkūlato vavatthāpanaṃ – kesā ca nāmete vaṇṇatopi paṭikkūlā, saṅṭhānatopi gandhatopi āsayatopi okāsato paṭikkūlā. Manuññēpi hi yāgupatte vā bhattapatte vā kesavaṇṇaṃ kiñci disvā ‘kesamissakamidaṃ, haratha na’nti jigucchanti. Evaṃ kesā **vaṇṇato** paṭikkūlā. Rattiṃ bhuñjantāpi kesasaṅṭhānaṃ akkavākaṃ vā makacivākaṃ vā chupitvāpi tatheva jigucchanti. Evaṃ **saṅṭhānato** paṭikkūlā.

Telamakhanapupphadhūmādisankhāravirahitānaṅca kesānaṃ gandho paramajjeguccho hoti, tato jegucchataro aggimhi pakkhittānaṃ. Kesā hi vaṇṇasaṅṭhānato appaṭikkūlāpi siyūṃ, gandhena pana paṭikkūlayeva. Yathā hi daharassa kumārassa vaccaṃ vaṇṇato haḷiddivaṇṇaṃ, saṅṭhānatopi haliddipiṇḍasaṅṭhānaṃ; saṅkhāraṭṭhāne chaḍḍitaṅca uddhumātakakālasunakhasarīraṃ vaṇṇato tālapakkavaṇṇaṃ, saṅṭhānato vaṭṭetvā vissaṭṭhamudiṅgasaṅṭhānaṃ, dāṭhāpissa sumanamakuḷasadisāti ubhayampi vaṇṇasaṅṭhānato siyā appaṭikkūlaṃ, gandhena pana paṭikkūlameva; evaṃ kesāpi siyūṃ vaṇṇasaṅṭhānato appaṭikkūlā, gandhena pana paṭikkūlā evāti.

Yathā pana asuciṭṭhāne gāmanissandena jātāni sūpeyyapaṇṇāni nāgarikamanussānaṃ jegucchāni honti aparibhogāni, evaṃ kesāpi pubbalohitamuttakarīsapittasemhādiniṃsandena jātattā atijegucchāti idaṃ nesaṃ ‘**āsayato**’ pāṭikulyaṃ. Ime ca kesā nāma gūtharāsīmhi uṭṭhitakaṇṇikaṃ viya ekatiṃsakoṭṭhāsarāsīmhi jātā. Te susānasaṅkhāraṭṭhānādīsu jātasaṅkaṃ viya, parikhādīsu jātakamalakuvalayādipupphaṃ viya ca asuciṭṭhāne jātattā paramajjegucchāti idaṃ tesāṃ ‘**okāsato**’ pāṭikkūlyaṃ.

Yathā ca kesānaṃ, evaṃ sabbakoṭṭhāsānaṃ vaṇṇasaṅṭhānagandhāsayokāsavasena pañcadhā paṭikkūlato vavatthapetabbā. Vaṇṇasaṅṭhānadisokāsaparicchedavasena pana sabbepi visuṃ visuṃ vavatthapetabbā.

Tattha **lomā** tāva pakativāṇṇato na kesā viya asambhinnakālakā, kālapīṅgalā pana honti; saṅṭhānato onataggatālamūlasaṅṭhānā; disato dvīsu disāsu jātā; okāsato ṭhapetvā kesānaṃ patiṭṭhitokāsaṅca hatthapādātālāni ca



mahānhārū kāyaṃ vinaddhamānā otiṇṇā, ye kaṇḍarātipi vuccanti. Te sabbepi kandalamakuḷasaṅghānā.

Aññe pana taṃ taṃ padesaṃ ajjhottharivā t̥hitā tato sukhumatarā suttarajjukasaṅghānā. Aññe tato sukhumatarā pūtilatasaṅghānā. Aññe tato sukhumatarā mahāvīṇāntantisaṅghānā. Aññe thūlasuttakasaṅghānā. Hatthapādapiṭṭhiyaṃ nhārū sakunaḥpādasāṅghānā. Sīsanhārū dāraḥkānaṃ sīsajālakasaṅghānā. Piṭṭhinhārū ātape pasāritaallajālasāṅghānā. Avasesā taṃtaṃaṅgapaccaṅgānugatā nhārū sarīre paṭimukkajālakañcukasaṅghānā. Disato dvīsu disāsu jātā. Okāsato sakalasarīre aṭṭhīni ābandhitvā t̥hitā. Paricchedato heṭṭhā tiṇṇaṃ aṭṭhisatānaṃ upari patiṭṭhitatalehi, upari maṃsacammāni āhacca t̥hitapadesehi, tiriyaṃ aññamaññena paricchinnā. Ayaṃ nesaṃ sabhāgaparicchedo. Visabhāgaparicchedo pana kesasadisoyeva.

**Aṭṭhīti** t̥hapetvā dvattimsa dantaṭṭhīni avasesāni cusaṭṭhi hatthāṭṭhīni, cusaṭṭhi pādāṭṭhīni, cusaṭṭhi maṃsanissitāni muduaṭṭhīni, dve paṇhikaṭṭhīni, ekekasmim pāde dve goppakaṭṭhīni, dve jaṅghaṭṭhīni, dve jaṅṇukaṭṭhīni, dve ūruṭṭhīni, dve kaṭiṭṭhīni, aṭṭhārasa piṭṭhikaṅṭakaṭṭhīni, catuvīsati phāsukaṭṭhīni, cuddasa uraṭṭhīni, ekaṃ hadayaṭṭhi, dve akkhakaṭṭhīni, dve koṭṭhaṭṭhīni, dve bāhaṭṭhīni, dve dve aggabāhaṭṭhīni, satta gīvaṭṭhīni, dve hanukaṭṭhīni, ekaṃ nāsikaṭṭhi, dve akkhiṭṭhīni, dve kaṇṇaṭṭhīni, ekaṃ nalāṭṭhi, ekaṃ muddhaṭṭhi, nava sīsakapālāṭṭhīnīti evaṃ timattāni aṭṭhisatāni.

Tāni sabbānipi vaṇṇato setāni, saṅghānato nānāsaṅghānāni. Tattha hi aggapādaṅgulīṭṭhīni katakabījasaṅghānāni. Tadanantarāni majjhappaṭṭhīni panasaṭṭhisāṅghānāni. Mūlapappaṭṭhīni paṇavasāṅghānāni. Piṭṭhipādāṭṭhīni koṭṭhitakandalakandarāsisaṅghānāni. Paṇhikaṭṭhi ekaṭṭhitālapalabījasaṅghānaṃ. Goppakaṭṭhīni bandhakīlāgoḷakasaṅghānāni. Jaṅghaṭṭhīnaṃ goppakaṭṭhīsu patiṭṭhitaṭṭhānaṃ anapanītatacasindikaḷīrasaṅghānaṃ. Khuddakajaṅghaṭṭhikaṃ dhanukadaṇḍasaṅghānaṃ, mahantaṃ milātasappaṭṭhisāṅghānaṃ. Jaṅṇukaṭṭhi ekato parikkhīṇaphēnakasaṅghānaṃ.

Tattha jaṅghaṭṭhikassa patiṭṭhitaṭṭhānaṃ atikhīṇaggagosīṅgasaṅghānaṃ. Ūruṭṭhi duttacchitavāsīpharasudaṇḍakasaṅghānaṃ. Tassa kaṭiṭṭhimhi patiṭṭhitaṭṭhānaṃ kīlāgoḷakasaṅghānaṃ. Tena kaṭiṭṭhino patiṭṭhitaṭṭhānaṃ aggacchinmahāpunnāgaphalasaṅghānaṃ. Kaṭiṭṭhīni dvepi ekābaddhāni hutvā kumbhakāraḥkuddhanasaṅghānāni, pāṭiyekkaṃ kammārakūṭayottakasaṅghānāni. Koṭṭhiyaṃ t̥hitānisadaṭṭhi adhomukhaṃ katvā gahitasappaphaṇasaṅghānaṃ sattu sa t̥hānesu chiddāvachiddaṃ. Piṭṭhikaṅṭakaṭṭhīni abhantarato uparūpari t̥hapitasīsakapaṭṭaveṭṭhakaṅṭakaṅṭhānāni, bāhīro vaṭṭanāvāḷisaṅghānāni. Tesāṃ antarantārā kakacadantasadisā dve tayo kaṅṭakā honti. Catuvīsatiyā phāsukaṭṭhīsu aparipunnāni aparipunnāsitasāṅghānāni, paripunnāni paripunnāsitasāṅghānāni. Sabbānipi odātakukkuṭassa pasāritapakkaṅṭhānāni.

Cuddasa uraṭṭhīni jīṇasandamānikapañjaraṅghānāni. Hadayaṭṭhi dabbiphaṇasaṅghānaṃ. Akkhakaṭṭhīni khuddakalohavāsīdaṇḍasaṅghānāni. Koṭṭhaṭṭhīni ekato parikkhīṇasāḥakudālasāṅghānāni. Bāhuṭṭhīni ādāsadaṇḍakasaṅghānāni. Aggabāhuṭṭhīni yamakātālakandaṅghānāni. Maṇibandhaṭṭhīni ekato allīyāpetvā t̥hapitasīsakapaṭṭaveṭṭhakaṅṭakaṅṭhānāni. Piṭṭhihatthāṭṭhīni koṭṭhitakandalakandarāsisaṅghānāni. Hatthāṅgulīsu mūlapappaṭṭhīni paṇavasāṅghānāni; majjhappaṭṭhīni aparipunnapanasaṭṭhisāṅghānāni; aggapappaṭṭhīni katakabījasaṅghānāni. Satta gīvaṭṭhīni daṇḍena vijjhivā paṭipāṭiyā t̥hapitavamaṃsakaḷīracakkalikaṅṭhānāni. Heṭṭhimahanukaṭṭhi kammārānaṃ ayokūṭayottakasaṅghānaṃ, uparimaṃ avalekhanasatthakaṅṭhānaṃ.

Akkhikūpanāsākūpaṭṭhīni apanītamiñjataruṇatālāṭṭhisāṅghānāni. Nalāṭṭhi adhomukhaṭṭhapitasāṅkhathālakakapālasāṅghānaṃ. Kaṇṇacūḷikaṭṭhīni nhāpitakhurakosakaṅṭhānāni. Nalāṭṭhakaṇṇacūḷikānaṃ upari paṭṭabandhanokāse aṭṭhi saṅkuṭitaghaṭṭapunnapaṭalakhāṇḍasaṅghānaṃ. Muddhaṭṭhi mukhacchinnavāṅkanāḷīkeraṅghānaṃ. Sīsaṭṭhīni sibbetvā t̥hapitajajjaralābukaṭṭhāsaṅghānāni.

Disato dvīsu disāsu jātāni. Okāsato avisesena sakalasarīre t̥hitāni. Visesena panettha sīsaṭṭhīni gīvaṭṭhīsu patiṭṭhitāni, gīvaṭṭhīni piṭṭhikaṅṭakaṭṭhīsu, piṭṭhikaṅṭakaṭṭhīni kaṭiṭṭhīsu, kaṭiṭṭhīni ūruṭṭhīsu, ūruṭṭhīni jaṅṇukaṭṭhīsu, jaṅṇukaṭṭhīni jaṅghaṭṭhīsu, jaṅghaṭṭhīni goppakaṭṭhīsu, goppakaṭṭhīni piṭṭhipādāṭṭhīsu patiṭṭhitāni. Paricchedato anto aṭṭhimiñjēna, upari maṃsena, agge mūle ca aññamaññena paricchinnāni. Ayaṃ nesaṃ sabhāgaparicchedo. Visabhāgaparicchedo pana kesasadisova.

**Aṭṭhimiñjanti** tesāṃ tesāṃ aṭṭhīnaṃ abhantaragataṃ miñjaṃ. Taṃ vaṇṇato setaṃ. Saṅghānato mahantamahantānaṃ aṭṭhīnaṃ abhantaragataṃ veḷunāḷiyaṃ pakkhittaseditamahāvettaggasaṅghānaṃ, khuddānukhuddakānaṃ abhantaragataṃ veḷuyaṭṭhipabbesu pakkhittaseditanuvettaggasaṅghānaṃ. Disato dvīsu disāsu jātā. Okāsato aṭṭhīnaṃ abhantare patiṭṭhitaṃ. Paricchedato aṭṭhīnaṃ abhantaratalehi paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Vakkanti** ekabandhanā dve maṃsapiṇḍā. Taṃ vaṇṇato mandarattaṃ pālībhaddakaṭṭhivaṇṇaṃ. Saṅghānato dārakānaṃ yamakakīlāgoḷakasāṅghānaṃ, ekavaṇṇapaṭṭibaddhaambaphaladvayasāṅghānaṃ vā. Disato uparimāya disāya jātaṃ. Okāsato galavāṭakā nikkhantena ekamūlena thokaṃ gantvā dvidhā bhinnena thūlanhārunā vinibaddhaṃ hutvā hadayamaṃsaṃ parikkhipitvā ṭhitaṃ. Paricchedato vakkaṃ vakkabhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Hadayanti** hadayamaṃsaṃ. Taṃ vaṇṇato rattaṃ padumapattapiṭṭhivaṇṇaṃ. Saṅghānato bāhirapattāni apānetvā adhomukhaṭṭhapitapadumamakūlasāṅghānaṃ. Bahi maṭṭhaṃ; anto kosātakīphalassa abbhantarasadisāṃ. Paññavantānaṃ thokaṃ vikasitaṃ, mandapaññānaṃ makūḷitameva. Anto cassa punnāgaṭṭhipatiṭṭhānamatto āvāṭako hoti, yattha aḍḍhapasatamattaṃ lohitaṃ saṅghāti; yaṃ nissāya manodhātu manoviññādhātu ca vattanti. Taṃ panetaṃ rāgacaritassa rattaṃ hoti, dosacaritassa kāḷakaṃ, mohacaritassa maṃsadhovanudakasadisāṃ, vitakkacaritassa kulatthayūsavāṇṇaṃ, saddhācaritassa kaṇikārapupphavaṇṇaṃ, paññācaritassa acchaṃ vipasannaṃ anāvilāṃ paṇḍaraṃ parisuddhaṃ niddhotajātimaṇi viya jutimantaṃ khāyati. Disato uparimāya disāya jātaṃ. Okāsato sarīrabhantare dvinnaṃ thanānaṃ majjhe patiṭṭhitaṃ. Paricchedato hadayaṃ hadayabhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Yakananti** yamakamaṃsapaṭalaṃ. Taṃ vaṇṇato rattapaṇḍukadhātukaṃ, nātirattakumudassa pattapiṭṭhivaṇṇaṃ. Saṅghānato mūle ekaṃ, agge yamakaṃ koviḷārapattasāṅghānaṃ. Tañca dandhānaṃ ekameva hoti mahantaṃ, paññavantānaṃ dve vā tīṇi vā khuddakāni. Disato uparimadisāya jātaṃ. Okāsato dvinnaṃ thanānaṃ abbhantare dakkhiṇapassaṃ nissāya ṭhitaṃ. Paricchedato yakanāṃ yakanabhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Kilomakanti** paṭicchannapaṭicchannabhedato duvidhaṃ pariyonahanamaṃsaṃ. Taṃ duvidhampi vaṇṇato setaṃ, dukūlapilotikavaṇṇaṃ. Saṅghānato attano okāsasāṅghānaṃ. Disato paṭicchannakilomakaṃ uparimāya disāya jātaṃ. Itaraṃ dvīsu disāsu jātaṃ. Okāsato paṭicchannakilomakaṃ hadayañca vakkañca paṭicchādetvā ṭhitaṃ. Apaṭicchannakilomakaṃ sakalasarīre cammassa heṭṭhato maṃsaṃ pariyonaddhitvā ṭhitaṃ. Paricchedato heṭṭhā maṃsena, upari cammena, tiriyaṃ kilomakabhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Pihakanti** udarajivhāmaṃsaṃ. Taṃ vaṇṇato nīlaṃ nigguṇḍikapupphavaṇṇaṃ. Saṅghānato sattaṅgulappamāṇaṃ abandhanaṃ kāḷavacchakajivhāsāṅghānaṃ. Disato uparimāya disāya jātaṃ. Okāsato hadayassa vāmapasse udarapaṭalassa matthakapassaṃ nissāya ṭhitaṃ, yasmiṃ paharaṇappahārena bahi nikkhante sattānaṃ jīvitakkhaya hoti. Paricchedato pihakabhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Papphāsanti** dvattiṃsamamaṃsakhaṇḍappabhedam papphāsamaṃsaṃ. Taṃ vaṇṇato rattaṃ nātipakkaudumbaraphalavaṇṇaṃ. Saṅghānato visamacchinnabahalapūvakhaṇḍasāṅghānaṃ. Abbhantare asitapītānaṃ abhāve uggatena kammajatejusmanā abbhāhatattā sankhādīpalālapīṇḍamiva nirasāṃ nirojaṃ. Disato uparimāya disāya jātaṃ. Okāsato sarīrabhantare dvinnaṃ thanānamantare hadayañca yakanañca paṭicchādetvā olambantaṃ ṭhitaṃ. Paricchedato phapphāsabhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Antanti** purisassa dvattiṃsa hatthā, itthiyā aṭṭhavīsatihatthā ekavīsatiyā ṭhānesu obhaggā antavaṭṭi. Tadetam vaṇṇato setaṃ sakkharasudhāvaṇṇaṃ. Saṅghānato lohitaḍoṇiyaṃ ābhujitvā ṭhapitasīsacchinnasappasāṅghānaṃ. Disato dvīsu disāsu jātaṃ. Okāsato upari galavāṭake heṭṭhā ca karīsamagge vinibandhattā galavāṭakakarīsamaggapariyante sarīrabhantare ṭhitaṃ. Paricchedato antabhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Antaguṇanti** antabhogaṭṭhānesu bandhanaṃ. Taṃ vaṇṇato setaṃ dakasītalikamūlavaṇṇaṃ. Saṅghānato dakasītalikamūlasāṅghānameva. Disato dvīsu disāsu jātaṃ. Okāsato kudāḷapharasukammādīni karontānaṃ yantākaḍḍhanakāle yantasuttamiva, yantaphalakāni antabhoge ekato agaḷante ābandhitvā pādapuñchanarajjumaṇḍalakassa antarā taṃ sibbetvā ṭhitarajjukā viya ekavīsatiyā ṭhānesu antabhogānaṃ antarā ṭhitaṃ. Paricchedato antaguṇabhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Udariyanti** udare bhavaṃ asitapitakhāyitasāyitaṃ. Taṃ vaṇṇato ajjhohaṭṭhāhāraṇṇaṃ. Saṅghānato parissāvane sithilabandhataṇḍulasāṅghānaṃ. Disato uparimāya disāya jātaṃ. Okāsato udare ṭhitaṃ. Udaraṃ nāma ubhato nippīliyamānassa allasāṭakassa majjhe sañjātaphoṭakasadisāṃ antapaṭalaṃ; bahi maṭṭhaṃ, anto maṃsakasambukapaliveṭhanakiliṭṭhapāvārapupphakasadisāṃ, kuthitapanasatacassa abbhantarasadisanti pi vattum

vaṭṭati; yattha takkoṭakā, gaṇḍuppadakā, tālahīrakā, sūcimukhakā, paṭatantasuttakā iccevamādidvattiṃsakulappabhedā kimayo ākulabyākulā saṇḍasaṇḍacārino hutvā nivasanti; ye pānabhojanādīmhi avijjamāne ullāṅghitvā viravantā hadayamaṃsaṃ abhihananti, pānabhojanādiājjhoharaṇavelāya ca uddhammukhā hutvā paṭhamajjhohate dve tayo ālope turitaturitā vilumpanti; yaṃ tesam kimīnaṃ sūtiḡharam, vaccakuṭi, gilānasālā, susānañca hoti.

Yattha seyyathāpi nāma caṇḍālagāmadvāre candanikāya nidāghasamaye thūlaphusitake deve vassante udakena vuyhamānaṃ muttakarīsacammaatṭhinhārukhaṇḍakheḷasiṅghānikalohitappabhuti nānakuṇapajātaṃ nipatitvā kaddamodakālulītaṃ dvīhatṭhaccayena sañjātakimikulam sūriyātapavegasantāpakuthitaṃ upari pheṇapubbulake muñcantam abhinīlavanṇam paramaduggandhajegucchaṃ neva upagantum na daṭṭhum araharūpataṃ āpajjitvā tiṭṭhati, pageva ghāyitum vā sāyitum vā; evameva nānappakārapānabhojanādidantamusalasañcuṇṇitam jivhāhatthaparivattitakheḷalālāpalibuddham taṅkhaṇavigatavaṇṇagandharasādisampadam tantavāyakhalisuvānavamathusadisam nipatitvā pittasemhavātapalivethitaṃ hutvā udaraggisantāpavegakuthitaṃ kimikulākulam uparūpari pheṇapubbulakāni muñcantam paramakasambuduggandhajegucchabhāvaṃ āpajjitvā tiṭṭhati; yaṃ sutvāpi pānabhojanādisu amanuññatā saṅṭhāti, pageva paññācakkhunā avaloketvā, yattha ca patitam pānabhojanādi pañcadhā vibhāgaṃ gacchati – ekaṃ bhāgaṃ pānakā khādanti, ekaṃ bhāgaṃ udaraggi jhāpeti, eko bhāgo muttam hoti, eko karīsam, eko rasabhāvaṃ āpajjitvā soṇitamamāsādīni upabrūhayati. Paricchedato udarapaṭalena ceva udariyabhāgena ca paricchinnam. Ayamassa sabhāgaparicchedo. Visabhāgaparicchedo pana kesasadisova.

**Karīsanti** vaccaṃ. Tam vaṇṇato yebhuyyena ajjhohatāhāraṇṇameva hoti. Saṅṭhānato okāsasaṅṭhānaṃ. Disato heṭṭhimāya disāya jātam. Okāsato pakkāsaye ṭhitaṃ. Pakkāsayo nāma heṭṭhā nābhīpiṭṭhikaṇṭakamūlānamantare antāvasāne ubbedhena aṭṭhaṅgulamatto veḷunālīkasadisova, yattha seyyathāpi nāma uparūpari bhūmibhāge patitam vassodakam ogaḷitvā heṭṭhā bhūmibhāgaṃ pūretvā tiṭṭhati; evameva yaṃ kiñci āmāsaye patitam pānabhojanādikam udaragginā pheṇuddehakaṃ pakkam pakkam nisadāya pisitamiva saṅhabhāvaṃ āpajjitvā antabilena ogaḷitvā ogaḷitvā madditvā veḷupabbe pakkhipamānapaṇḍumattikā viya sannicitaṃ hutvā tiṭṭhati. Paricchedato pakkāsayaṭalena ceva karīsabhāgena ca paricchinnam. Ayamassa sabhāgaparicchedo. Visabhāgaparicchedo pana kesasadisova.

**Matthaluṅganti** sīsakaṭāhabbhantare ṭhitamiñjarāsi. Tam vaṇṇato setam ahicchattakapiṇḍikavaṇṇam, dadhibhāvaṃ asampattaduṭṭhakhīraṇṇantipi vattum vaṭṭati. Saṅṭhānato okāsasaṅṭhānaṃ. Disato uparimāya disāya jātam. Okāsato sīsakaṭāhabbhantare cattāro sibbinimamme nissāya samodhānetvā ṭhapitā cattāro piṭṭhapiṇḍā viya samohitaṃ tiṭṭhati. Paricchedato sīsakaṭāhassa abbhantaratalehi ceva matthaluṅgabhāgena ca paricchinnam. Ayamassa sabhāgaparicchedo. Visabhāgaparicchedo pana kesasadisova.

**Pittanti** dve pittāni – baddhapittañca abaddhapittañca. Tattha baddhapittam vaṇṇato bahalamadhukatelavaṇṇam, abaddhapittam milātaākulitapupphavaṇṇam. Tam saṅṭhānato ubhayampi okāsasaṅṭhānaṃ. Disato baddhapittam uparimāya disāya jātam, itaram dvīsu disāsu jātam. Okāsato abaddhapittam ṭhapetvā kesalomadantanakhānaṃ maṃsaviniṃmuttatṭhānañceva thaddhasukkhacammañca udakamiva telabinduṃ avasesasarīram byāpetvā ṭhitaṃ, yamhi kupite akkhīni pītākāni honti bhamanti, gattam kampati kaṇḍuyati. Baddhapittam hadayapapphāsānamantare yakanamaṃsaṃ nissāya patiṭṭhite mahākosātakīkosakasādise pittakosake ṭhitaṃ, yamhi kupite sattā ummattakā honti, vipallatthacittā hirottappaṃ chaḍḍetvā akattabbaṃ karonti, abhāsītabbaṃ bhāsanti, acintetabbaṃ cintenti. Paricchedato pittabhāgena paricchinnam. Ayamassa sabhāgaparicchedo. Visabhāgaparicchedo pana kesasadisova.

**Semhanti** sarīrabbhantare ekapattapūrappamānaṃ semham. Tam vaṇṇato setam nāgabalaṇṇarasavaṇṇam. Saṅṭhānato okāsasaṅṭhānaṃ. Disato uparimāya disāya jātam. Okāsato udarapaṭale ṭhitaṃ, yaṃ pānabhojanādiṃ ajjhoharaṇakāle seyyathāpi nāma udake sevālaṇṇakam kaṭṭhe vā kapāle vā patante chijjitvā dvidhā hutvā puna ajjhottharivā tiṭṭhati, evameva pānabhojanādimhi nipatante chijjitvā dvidhā hutvā puna ajjhottharivā tiṭṭhati; yamhi ca mandībhūte pakkagaṇḍo viya pūtikukkuṭaṇḍamiva ca udaram paramajegucchaṃ kuṇapagandham hoti; tato uggatena ca gandhena uddekopi mukhampi duggandham pūtikūnapasadisam hoti; so ca puriso ‘apehi, duggandham vāyasī’ ti vattabbaṃ āpajjati; yañca vaḍḍhitvā bahalattamāpanam pidhānaphalakamiva vaccakuṭiyā udarapaṭalassa abbhantareyeva kuṇapagandham sannirujjhivā tiṭṭhati. Paricchedato semhabhāgena paricchinnam. Ayamassa sabhāgaparicchedo. Visabhāgaparicchedo pana kesasadisova.

**Pubboti** pūtilohitavasena pavattapubbo. So vaṇṇato paṇḍupalāsavaṇṇo, matakasarīre pana pūtibahalācāmavaṇṇo hoti. Saṅṭhānato okāsasaṅṭhāno. Disato dvīsu disāsu jāto. Okāsato pana pubbassa okāso nāma nibaddho natthi yattha so sannicito tiṭṭheyya; yatra yatra pana khāṇukaṇṭakappaharaṇaggijālādīni abhihate sarīrappadesa lohitaṃ saṅṭhahitvā paccati, gaṇḍapilakādayo vā uppajjanti, tatra tatreva tiṭṭhati. Paricchedato pubbabhāgena paricchinnam. Ayamassa sabhāgaparicchedo. Visabhāgaparicchedo pana kesasadisova.



**Lohitanti** dve lohitāni – sannicitalohitañca saṃsaraṇalohitañca. Tattha sannicitalohitaṃ vaṇṇato nipakkabahalalākhārasavaṇṇaṃ, saṃsaraṇalohitaṃ acchalākhārasavaṇṇaṃ. Saṅghānato ubhayampi okāsasaṅghānaṃ. Disato sannicitalohitaṃ uparimāya disāya jātaṃ, itaraṃ dvīsu disāsu jātaṃ. Okāsato saṃsaraṇalohitaṃ, ṭhapetvā kesalomadantanakhānaṃ maṃsavinimuttatṭhānañceva thaddhasukkhacammañca, dhamañijālānusārena sabbaṃ upādinnakasarīraṃ pharivā ṭhitaṃ; sannicitalohitaṃ yakanaṭṭhānassa heṭṭhābhāgaṃ pūretvā ekapattapūramattaṃ hadayaavakkapapphāsānaṃ upari thokaṃ thokaṃ paggharantaṃ vakkahadayayakanapapphāse temayamaṇaṃ ṭhitaṃ. Tasmīñhi vakkahadayādīni atemente sattā pipāsītā honti. Paricchedato lohitaḥhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Sedoti** lomakūpādīhi paggharaṇakaāpodhātu. So vaṇṇato vippasannatilatelavaṇṇo. Saṅghānato okāsasaṅghāno. Disato dvīsu disāsu jāto. Okāsato sedassokāso nāma nibaddho natthi, yatha so lohitaṃ viya sadā tiṭṭheyya; yadā pana aggisantāpasūriyasantāpautuvikārādīhi sarīraṃ santappati tadā udakato abbuḷhamattavisamacchinnabhisamūlākakumudanañjalakāpo viya sabbakesalomakūpavivarehi paggharati. Tasmā tassa saṅghānampi kesalomakūpavivarānaṃyeva vasena veditabbaṃ. Sedapariggaṇhakena ca yoginā kesalomakūpavivare pūretvā ṭhitavaseneva sedo manasikātabbo. Paricchedato sedabhāgena paricchino. Ayamassa sabhāgaparicchedo. Visabhāgaparicchedo pana kesasadisova.

**Medoti** thinasineho. So vaṇṇato phālitaliddivaṇṇo. Saṅghānato thūlasarīrassa tāva cammamaṃsantare ṭhapitaliddivaṇṇadukūlapilotikasaṅghāno hoti, kisasarīrassa jaṅghamaṃsaṃ ūrumaṃsaṃ piṭṭhikaṇṭakanissitaṃ piṭṭhamaṃsaṃ udaravaṭṭimaṃsanti etāni nissāya diguṇaṃ tiguṇaṃ katvā ṭhapitaliddivaṇṇadukūlapilotikasaṅghāno. Disato dvīsu disāsu jāto. Okāsato thūlassa sakalasarīraṃ pharivā, kisassa jaṅghamaṃsādīni nissāya ṭhito, yaṃ sinehasaṅkhaṃ gatampi paramajegucchattā neva muddhani telatthāya, na nāsātelādīnaṃ atthāya gaṇhanti. Paricchedato heṭṭhā maṃsena, upari cammena, tiriyaṃ medabhāgena paricchino. Ayamassa sabhāgaparicchedo. Visabhāgaparicchedo pana kesasadisova.

**Assūti** akkhīhi paggharaṇakaāpodhātu. Taṃ vaṇṇato vippasannatilatelavaṇṇaṃ. Saṅghānato okāsasaṅghānaṃ. Disato uparimāya disāya jātaṃ. Okāsato akkhikūpakesu ṭhitaṃ. Na cetāṃ pittakosake pittamiva akkhikūpakesu sadā sannicitaṃ tiṭṭhati; yadā pana sattā somanassajātā mahāhasitaṃ hasanti, domanassajātā rodanti paridevanti tathārūpaṃ visabhāgāhāraṃ āharanti, yadā ca nesāṃ akkhīni dhūmarajapaṃsukādīhi abhihaññanti, tadā etehi somanassadomanassavisabhāgāhārautūhi samuṭṭhahitvā akkhikūpake pūretvā tiṭṭhati vā paggharati vā. Assupariggaṇhakena pana yoginā akkhikūpake pūretvā ṭhitavaseneva pariggaṇhitabbaṃ. Paricchedato assubhāgena paricchinnaṃ. Ayamassa sabhāgaparicchedo. Visabhāgaparicchedo pana kesasadisova.

**Vasāti** vilīnasineho. Sā vaṇṇato nālikeratelavaṇṇā, ācāme āsittatelavaṇṇātipi vattum vaṭṭati. Saṅghānato nhānakāle pasannaudakassa upari paribbhamantasinehabinduvisaṭṭasaṅghānā. Disato dvīsu disāsu jātā. Okāsato yebhuyyena hatthatalahatthapiṭṭhipādatalapādapiṭṭhināsāpuṭanalātaṃsakūṭesu ṭhitā. Na cesā etesu okāsesu sadā vilīnāva hutvā tiṭṭhati; yadā pana aggisantāpasūriyasantāpautuvisabhāgadhātuvisabhāgehi te padesā usmā jātā honti, tadā tattha nhānakāle pasannaudakūpari sinehabinduvisaṭṭo viya ito cito ca saṃsarati. Paricchedato vasābhāgena paricchinnā. Ayamassā sabhāgaparicchedo. Visabhāgaparicchedo pana kesasadisova.

**Kheḷoti** antomukhe pheṇamissā āpodhātu. So vaṇṇato seto pheṇavaṇṇo. Saṅghānato okāsasaṅghāno, pheṇasaṅghānatotipi vattum vaṭṭati. Disato uparimāya disāya jāto. Okāsato ubhohi kapolapassehi oruyha jivhāya ṭhito. Na cesa ettha sadā sannicito hutvā tiṭṭhati. Yadā pana sattā tathārūpaṃ āhāraṃ passanti vā saranti vā uṇhatittakaṭukaloṇambilānaṃ vā kiñci mukhe ṭhapenti, yadā vā nesāṃ hadayaṃ ākilāyati, kismiñciveva vā jigucchā uppajjati, tadā kheḷo uppajjitvā ubhohi kapolapassehi oruyha jivhāya saṅghāti. Aggajivhāya cesa tanuko hoti, mūlajivhāya bahalo; mukhe pakkhittañca puthukaṃ vā taṇḍulaṃ vā aññaṃ vā kiñci khādanīyaṃ, nadīpūline khatakūpakasalilaṃ viya, parikkhayaṃ agacchantova temetuṃ samattho hoti. Paricchedato kheḷabhāgena paricchino. Ayamassa sabhāgaparicchedo. Visabhāgaparicchedo pana kesasadisova.

**Singhānikāti** matthaluṅgato paggharaṇakaasuci. Sā vaṇṇato taruṇatālaṭṭhimiñjavanā. Saṅghānato okāsasaṅghānā. Disato uparimāya disāya jātā. Okāsato nāsāpuṭe pūretvā ṭhitā. Na cesā ettha sadā sannicitaṃ hutvā tiṭṭhati; atha kho yathā nāma puriso paduminīpattena dadhiṃ bandhitvā heṭṭhā kaṇṭakena vijjheyya, atha tena chiddena dadhimatthu gaḷitvā bahi pateyya, evameva yadā sattā rodanti vā visabhāgāhārautavasena vā sañjātadhātukkabhā honti, tadā antosīsato pūtisemabhāvaṃ āpannaṃ matthaluṅgaṃ gaḷitvā tālumatthakavivarena otarivā nāsāpuṭe pūretvā tiṭṭhati vā paggharati vā. Singhānikā pariggaṇhakena pana yoginā nāsāpuṭe pūretvā ṭhitavaseneva pariggaṇhitabbā. Paricchedato singhānikābhāgena paricchinnā. Ayamassa sabhāgaparicchedo. Visabhāgaparicchedo pana kesasadisova.

**Lasikāti** sarīrasandhīnaṃ abhantare picchilakuṇapaṃ. Sā vaṇṇato kaṇikāriyāsavanā. Saṅghānato

okāsasaṅṭhānā. Disato dvīsu disāsu jātā. Okāsato aṭṭhisandhīnaṃ abbhāṅjanakiccaṃ sādhamānā asītisatasandhīnaṃ abbhantare ṭhitā. Yassa cesā mandā hoti, tassa uṭṭhahantassa nisīdantassa abhikkamantassa paṭikkamantassa sammiṅṅantassa pasārentassa aṭṭhikāni kaṭakaṭāyanti, accharāsaddaṃ karonto viya vicarati, ekayojanadvijoyanamattampi addhānaṃ gatassa vāyodhātu kuppāti, gattāni dukkhanti. Yassa pana bahukā hoti tassa uṭṭhānisajjādīsu na aṭṭhīni kaṭakaṭāyanti, dīghampi addhānaṃ gatassa na vāyodhātu kuppāti, na gattāni dukkhanti. Paricchato lasikābhāgena paricchinnā. Ayamassa sabhāgaparicchato. Visabhāgaparicchato pana kesasādisova.

**Muttanti** vaṇṇato māsakhārodakavaṇṇaṃ. Saṅṭhānato adhomukhaṭhapitaudakakumbhantaragataudakasaṅṭhānaṃ. Disato heṭṭhimāya disāya jātaṃ. Okāsato vatthissa abbhantare ṭhitaṃ. Vatthi nāma vatthipuṭo vuccati, yattha seyyathāpi nāma candanikāya pakkhitte amukhe ravaṇaghaṭe candanikaraso pavisati, na cassa pavisanamaggo paññāyati; evameva sarīrato muttaṃ pavisati, na cassa pavisanamaggo paññāyati, nikkhamanamaggo pana pākaṭo hoti; yamhi ca muttassa bharite ‘passāvaṃ karomā’ti sattānaṃ āyūhanaṃ hoti. Paricchato vatthiabbhantarena ceva muttabhāgena ca paricchinnaṃ. Ayamassa sabhāgaparicchato. Visabhāgaparicchato pana kesasādisova.

Evañhi kesādike koṭṭhāse vaṇṇasaṅṭhānadisokāsaparicchadavasena vavatthapetvā anupubbato nātisīghato nātisaṅkatotīādīnā nayena vaṇṇasaṅṭhānagandhāsavāsena pañcadhā ‘paṭikkūlā paṭikkūlā’ti manasikaroto paṇṇattisamatikkamavasena, seyyathāpi cakkhumato purisassa dvattimsavaṇṇānaṃ kusumānaṃ ekasuttagaṅṭhitaṃ mālaṃ oloketassa sabbapupphāni apubbāpariyamiva pākaṭāni honti, evameva ‘atthi imasmiṃ kāye kesā’ti imaṃ kāyaṃ oloketassa sabbe te dhammā apubbāpariyamiva pākaṭā honti. Tena vuttaṃ manasikāraṃ sakkāyamaṃ ‘ādikkamikkassa hi ‘kesā’ti manasikaroto manasikāro gantvā ‘mutta’nti imaṃ pariyosānaṃ koṭṭhāsameva āhacca tiṭṭhātī’ti.

Sace pana bahiddhāpi manasikāraṃ upasaṃharati, athassa evaṃ sabbakoṭṭhāsesu pākaṭbhūtesu āhiṇḍantā manussatiracchānādayo sattākāraṃ vijahitvā koṭṭhāsarāsivaseneva upaṭṭhahanti; tehi ca ajjhohariyamānaṃ pānabhojanādi koṭṭhāsarāsīmihi pakkhiyāyamaṃ upaṭṭhātī. Athassa anupubbamuñcanādivasena ‘paṭikkūlā paṭikkūlā’ti punappunaṃ manasikaroto anukkamena appanā uppajjati.

Tattha kesādīnaṃ vaṇṇasaṅṭhānadisokāsaparicchadavasena upaṭṭhānaṃ uggahanimittaṃ, sabbākārato paṭikkūlavasena upaṭṭhānaṃ paṭibhāganimittaṃ. Taṃ punappunaṃ āvajjentassa manasikarontassa takkāhatam vitakkāhatam karontassa cattāro khandhā paṭikkūlārammaṇā honti, paṭhamajjhānavasena appanā pavattati. Pubbhāge parikkammaupacārācittāni savitakkasavicārāni sappītikāni somanassasahagatāni paṭikkūlanimittārammaṇāni; appanāpi savitakkasavicārā sappītikā somanassasahagatāva. Bhūmantarena pana mahaggaṭā rūpāvacarā honti. Paṭikkūlepi ca etasmiṃ ārammaṇe ānisaṃsadassāvitāya somanassaṃ uppajjati, ekattārammaṇabaleneva vā taṃ uppajjati. Dutiyajjhānādīni panettha na nibbattanti. Kasmā? Oḷārikattā. Idañhi ārammaṇaṃ oḷārikaṃ. Vitakkabalenevettha cittaṃ kaggatā jāyati, na vitakkasamatikkamena. Ayaṃ tāva samathavasena kammaṭṭhānakathā.

Avisesato pana sādharmaṇavasena evaṃ veditabbaṃ – idañhi kammaṭṭhānaṃ bhāvetukāmena kammaṭṭhānaṃ uggahetvā sajjhāyākāle eva kesādīnaṃ vaṇṇanimittasaṅṭhānanimittadisānimittāokāsanimittaparicchadanimittāni vācāya pothetvā pothetvā ekekakoṭṭhāse ‘ayaṃ etaṃsarikkhako’ti tividhena sajjhāyo kātabbo. Kathaṃ? Tacapañcake tāva heṭṭhā vuttanayeneva anulomato pañcāhaṃ, paṭilomato pañcāhaṃ, anulomapaṭilomato pañcāhanti addhamāsaṃ sajjhāyo kātabbo. Tato ācariyassa santikaṃ gantvā vakkapañcakaṃ uggāṇhitvā tatheva addhamāsaṃ sajjhāyo kātabbo. Tato te dasapi koṭṭhāse ekato katvā addhamāsaṃ. Puna papphāsapañcakādīsipi ekekaṃ uggāṇhitvā addhamāsaṃ. Tato te pañcadasapi koṭṭhāse addhamāsaṃ. Matthaluṅgapañcakaṃ addhamāsaṃ. Tato tevīsati koṭṭhāse addhamāsaṃ. Medachakkaṃ addhamāsaṃ. Tato te chabbīsati koṭṭhāse ekato katvā addhamāsaṃ. Muttachakkaṃ addhamāsaṃ. Tato sabbepi dvattimsa koṭṭhāse ekato katvā addhamāsanti evaṃ cha māse sajjhāyo kātabbo.

Tattha – upanissayasampannassa sappaññassa bhikkhuno kammaṭṭhānaṃ uggāṇhantasēva koṭṭhāsā upaṭṭhahanti, ekaccassa na upaṭṭhahanti. Tena ‘na upaṭṭhahanti’ti vīriyaṃ na vissajjetabbaṃ. Yattakā koṭṭhāsā upaṭṭhahanti tattake gahetvā sajjhāyo kātabbo. Evaṃ kammaṭṭhānaṃ kathentena pana neva paññavato na mandapaññassa vasena kathetabbaṃ, majjhimapaññassa vasena kathetabbaṃ. Majjhimapaññassa hi vasena ācariyā chahi māsehi paricchinditvā tantim ṭhapayimsu. Yassa pana ettāvātāpi koṭṭhāsā pākaṭā na honti, tena tato parampi sajjhāyo kātabbo eva; no ca kho aparicchinditvā, cha cha māse paricchinditvā kātabbo.

Sajjhāyaṃ karontena vaṇṇo na paccavekkhitabbo, na lakkhaṇaṃ manasikātabbaṃ, koṭṭhāsavaseneva sajjhāyo kātabbo. Ācariyenāpi ‘vaṇṇavasena sajjhāyaṃ karohī’ti niyametvā na kathetabbaṃ. Niyametvā kathite ko dosoti? Sampattiyampi vipattisaññāpajjanaṃ. Sace hi ācariyena ‘vaṇṇavasena sajjhāyaṃ karohī’ti vutte imassa bhikkhuno tathā karontassa kammaṭṭhānaṃ vaṇṇato na upaṭṭhātī, paṭikkūlavasena vā dhātuvasena vā upaṭṭhātī, athesa ‘na idaṃ kammaṭṭhānaṃ vilakkhaṇa’nti saññī hoti, ācariyena kathitameva kappetvā gaṇhātī. ‘Paṭikkūlavasena sajjhāyaṃ karohī’ti

vuttepi sace tassa tathā karontassa paṭikkūlato na upaṭṭhāti, vaṇṇavasena vā dhātuvasena vā upaṭṭhāti, athesa ‘nayidaṃ kammaṭṭhānaṃ vilakkhaṇa’nti saññī hoti, ācariyena kathitameva kappetvā gaṇhāti. ‘Dhātuvasena taṃ sajjhāyaṃ karohī’ti vuttepi sace tassa tathā karontassa dhātuto na upaṭṭhāti, vaṇṇavasena vā paṭikkūlavasena vā upaṭṭhāti, athesa ‘nayidaṃ kammaṭṭhānaṃ vilakkhaṇa’nti saññī hoti, ācariyena kathitameva kappetvā gaṇhāti. Ayaṃ ācariyena niyametvā kathite doso.

Kinti pana vattabbo hotīti? ‘Koṭṭhāsavasena sajjhāyaṃ karohī’ti vattabbo. Kathaṃ? ‘Kesakoṭṭhāso lomakoṭṭhāsoti sajjhāyaṃ karohī’ti vattabbo. Sace panassa evaṃ koṭṭhāsavasena sajjhāyaṃ karontassa vaṇṇato upaṭṭhāti, athānena ovādācariyassa ācikkhitabbaṃ – ‘ahaṃ dvattiṃsākāraṃ koṭṭhāsavasena sajjhāyaṃ karomi; mayhaṃ pana vaṇṇato upaṭṭhātī’ti. Ācariyena ‘kammaṭṭhānaṃ viya akammaṭṭhānaṃ, vilakkhaṇaṃ eta’nti na viṣaṃvādetabbaṃ. ‘Sādhu, sappurisa, pubbe tayā vaṇṇakasiṇe parikammaṃ katapubbaṃ bhavissati. Etadeva kammaṭṭhānaṃ tuyhaṃ sappāyaṃ. Vaṇṇavaseneva sajjhāyaṃ karohī’ti vattabbo. Tenapi vaṇṇavaseneva sajjhāyo kātabbo.

So evaṃ karonto ajjhataṃ nīlakaṃ pītakaṃ lohitaṃ odātakanti cattāri vaṇṇakasiṇāni labhati. Kathaṃ? Tassa hi kesalomapittesu ceva akkhīnaṅca kālakāṭṭhāne vaṇṇaṃ ‘nīlaṃ nīla’nti manasikarontassa catukkapañcakajjhānāni uppajjanti; jhānaṃ pādakaṃ katvā vipassanaṃ paṭṭhapetvā arahattaṃ pāpuṇāti. Medasmiṃ pana akkhīnaṅca pītakaṭṭhāne vaṇṇaṃ ‘pītakaṃ pītaka’nti manasikarontassa catukkapañcakajjhānāni uppajjanti; jhānaṃ pādakaṃ katvā vipassanaṃ paṭṭhapetvā arahattaṃ pāpuṇāti. Maṃsalohitesu pana akkhīnaṅca rattatṭhāne vaṇṇaṃ ‘lohitaṃ lohita’nti manasikarontassa catukkapañcakajjhānāni uppajjanti; jhānaṃ pādakaṃ katvā vipassanaṃ paṭṭhapetvā arahattaṃ pāpuṇāti. Nakhadantacammaṭṭhīsu pana akkhīnaṅca paṇḍaraṭṭhāne vaṇṇaṃ ‘odātaṃ odāta’nti manasikarontassa catukkapañcakajjhānāni uppajjanti; jhānaṃ pādakaṃ katvā vipassanaṃ paṭṭhapetvā arahattaṃ pāpuṇāti. Idaṃ vaṇṇavasena abhinivīṭṭhassa bhikkhuno yāva arahattā nigamanaṃ.

Aparassa koṭṭhāsavasena sajjhāyaṃ karontassa paṭikkūlato upaṭṭhāti. Athānena ovādācariyassa ācikkhitabbaṃ. Ācariyena ‘kammaṭṭhānaṃ viya akammaṭṭhānaṃ, vilakkhaṇaṃ eta’nti na viṣaṃvādetabbaṃ. ‘Sādhu, sappurisa, pubbe tayā paṭikkūlamanasikāre yogo kato bhavissati. Etadeva kammaṭṭhānaṃ tuyhaṃ sappāyaṃ. Paṭikkūlavaseneva sajjhāyaṃ karohī’ti vattabbo. Tenapi paṭikkūlavasena sajjhāyo kātabbo. Tassa kesā nāma ‘ajaññā duggandhā jegucchā paṭikkūlā’ti evaṃ paṭikkūlavasena sajjhāyaṃ karontassa paṭikkūlārammaṇe paṭhamajjhānaṃ nibbattati. So jhānaṃ pādakaṃ katvā vipassanaṃ paṭṭhapetvā arahattaṃ pāpuṇāti. Idaṃ paṭikkūlavasena abhinivīṭṭhassa bhikkhuno yāva arahattā nigamanaṃ.

Aparassa koṭṭhāsavasena sajjhāyaṃ karontassa dhātuto upaṭṭhāti. Dhātuto upaṭṭhahantaṃ kīdisaṃ hutvā upaṭṭhātīti? Kesā tāva vammikamatthake jātakunthatiṇakāni viya hutvā upaṭṭhahanti. Lomā purāṇagāmaṭṭhāne jātaḍḍhatīṇakāni viya. Nakhā daṇḍakesu ṭhapitamadhukaphalaṭṭhikosakā viya. Dantā mattikāpiṇḍe pavesetvā ṭhapitaalābubḍijāni viya. Taco viṇāpabbake pariyaṇaddhaallagocammaṃ viya, maṃsaṃ bhittiyaṃ anulittamattikā viya. Nhāru dabbasambhārabaddhavallī viya. Aṭṭhi ussāpetvā ṭhapitabhittidabbasambhāro viya. Aṭṭhimiññaṃ mahāveḷumhi pakkhittaseditavettaggaṃ viya. Vakkhaṃ, hadayaṃ, yakaṇaṃ, kilomakaṃ, pihakaṃ, papphāsanti ime cha koṭṭhāsā sūnakāragharaṃ viya hutvā upaṭṭhahanti. Dvattiṃsahattaṃ antaṃ lohitaḍḍhiyaṃ saṃvellitvā ṭhapitaḍḍhiyaṃ viya. Antagaṇaṃ pādapuñchanake sabbitarajjukā viya. Udariyaṃ parissāvane sithilabandhataṇḍulaṃ viya. Karīsaṃ veṇupabbe pakkhittapaṇḍumattikā viya. Matthaluṅgaṃ omadditvā ṭhapitā cattāro taṇḍulapiṭṭhapiṇḍā viya. Dvādasavidhā āpodhātu paṭipāṭiyā ṭhapitesu dvādasasu udakasārvakesu pūritaḍḍhiyaṃ viya hutvā upaṭṭhāti.

Athānena ovādācariyassa ācikkhitabbaṃ. Ācariyena ‘kammaṭṭhānaṃ viya akammaṭṭhānaṃ, vilakkhaṇaṃ eta’nti na viṣaṃvādetabbaṃ. ‘Sādhu, sappurisa, pubbe tayā dhātumanasikāre yogo kato bhavissati. Etadeva kammaṭṭhānaṃ tuyhaṃ sappāyaṃ. Dhātuvaseneva sajjhāyaṃ karohī’ti vattabbo. Tenapi dhātuvasena sajjhāyo kātabbo.

Tatridaṃ manasikāramukheneva sajjhāyavidhānaṃ – idha bhikkhu ‘kesā sīsaṃ pariyaṇaddhitvā ṭhitacamma jāta. Te na jānanti ‘mayaṃ sīsaṃ pariyaṇaddhitvā ṭhitacamma jāta’ti; sīsaṃ pariyaṇaddhitvā ṭhitacammampi na jānāti ‘kesā mayi jāta’ti; acetanā ete abyākātā suññā thaddhā patthinnā pathavīdhātu esā’ti manasikaroti. ‘Lomā sarīraṃ pariyaṇahanacamma jāta. Te na jānanti ‘mayaṃ sarīraṃ pariyaṇahanacamma jāta’ti. Sarīraṃ pariyaṇahanacammampi na jānāti ‘lomā mayi jāta’ti etepi acetanā. Nakhā aṅgulīnaṃ aggesu jāta. Te na jānanti ‘mayaṃ aṅgulīnaṃ aggesu jāta’ti. Aṅgulīnaṃ agganipi na jānanti ‘nakhā amhesu jāta’ti. Etepi acetanā. Dantā hanukaṭṭhike jāta. Te na jānanti ‘mayaṃ hanukaṭṭhike jāta’ti. Hanukaṭṭhikampi na jānāti ‘dantā mayi jāta’ti. Etepi acetanā. Taco na jānāti ‘sarīraṃ mayā pariyaṇaddha’nti. Sarīrampi na jānāti ‘ahaṃ tacena pariyaṇaddha’nti. Ayampi acetano. Maṃsaṃ na jānāti ‘mayā sarīraṃ anulitta’nti. Sarīrampi na jānāti ‘ahaṃ maṃsena anulitta’nti. Idampi acetanaṃ. Nhāru na jānāti ‘ahaṃ aṭṭhipuññaṃ ābandhitvā ṭhita’nti. Aṭṭhipuñjopi na jānāti ‘nhārujālenāhaṃ ābaddho’ti. Idampi acetanaṃ.

Sīsaṭṭhi na jānāti ‘ahaṃ gīvaṭṭhike patiṭṭhita’nti. Gīvaṭṭhikampi na jānāti ‘mayi sīsaṭṭhikaṃ patiṭṭhita’nti. Gīvaṭṭhi na jānāti ‘ahaṃ piṭṭhikaṇṭhake ṭhita’nti. Piṭṭhikaṇṭṭhikopi kaṭṭhikaṃ ūruṭṭhikaṃ jaṅghaṭṭhikaṃ gopphakaṭṭhikaṃ na

jānāti ‘ahaṃ pañhikaṭṭhike patiṭṭhita’nti. Pañhikaṭṭhikampi na jānāti ‘ahaṃ gopphakaṭṭhikaṃ ukkhipitvā ṭhitanti... pe... gīvatṭhikaṃ na jānāti ‘ahaṃ sīsaṭṭhikaṃ ukkhipitvā ṭhita’nti.

Paṭipāṭiyā aṭṭhīni ṭhitāni koṭiyā,  
Anekasandhiyamito na kehici;  
Baddho nahārūhi jarāya codito,  
Acetano kaṭṭhakalīṅgarūpamo.

‘Idampi acetanaṃ. Aṭṭhimiñjaṃ; vakkhaṃ...pe... matthaluṅgaṃ acetanaṃ abyākataṃ suññaṃ thaddhaṃ patthinnaṃ pathavīdhātū’ti manasikaroti. ‘Pittaṃ semhaṃ...pe... muttaṃ acetanaṃ abyākataṃ suññaṃ yūsagataṃ āpodhātū’ti manasikaroti.

Ime dve mahābhūte pariggaṇhantassa udare ussadhā tejjodhātu pākaṭā hoti, nāsāya ussadhā vāyodhātu pākaṭā hoti. Ime cattāro mahābhūte pariggaṇhantassa upādārūpaṃ pākaṭaṃ hoti. Mahābhūtaṃ nāma upādārūpena paricchinnaṃ, upādārūpaṃ mahābhūtena. Yathā ātapo nāma chāyāya paricchinnā, chāyā ātapaṇa; evameva mahābhūtaṃ upādārūpena paricchinnaṃ, upādārūpaṃ mahābhūtena. Athassa evaṃ ‘cattāri mahābhūtāni tevīsati upādārūpāni rūpakkhandho’ṭi rūpakkhandhaṃ pariggaṇhantassa āyatanadvārasena arūpino khandhā pākaṭā honti. Iti rūpārūpariggaho pañcakkhandhā honti, pañcakkhandhā dvādasāyatanāni honti, dvādasāyatanāni aṭṭhārasa dhātuyo hontīti khandhāyatanadhātuvaseṇa yamakātālakandhaṃ phāleṇo viya dve koṭṭhāse katvā nāmarūpaṃ vavatthapeti.

So ‘‘idaṃ nāmarūpaṃ na ahetu na appaccayā nibbattaṃ, sahetu sappaccayā nibbattaṃ. Ko panaṃ hetu? Ko pana paccayo’’ṭi upaparikkhanto ‘‘avijjāpaccayā taṇhāpaccayā kammaṃpaccayā āhārapaccayā cā’’ṭi tassa paccayaṃ vavatthapetvā ‘‘atītepi paccayā ceva paccayasamuppānadhamaṃ ca anāgatepi etarahipi paccayā ceva paccayasamuppānadhamaṃ ca, tato uddhaṃ satto vā puggalo vā natthi, suddhasaṅkhārapuñjo evā’’ṭi – evaṃ tīsu addhāsu kaṅkhaṃ vitarati. Ayaṃ pana vipassanāsaṅkhārasallakkhaṇā **nātapariññā** nāma.

Evaṃ saṅkhāre sallakkhetvā ṭhitassa pana bhikkhussa dasabalassa sāsane mūlaṃ otiṇṇaṃ nāma hoti, patiṭṭhā laddhā nāma, cūlasotāpanno nāma hoti niyatagatiko. Tathārūpaṃ pana utusappāyaṃ, puggalasappāyaṃ, bhojanasappāyaṃ, dhammasavaṇasappāyaṃ labhitvā ekāsane ekapallaṅkavaragato tīṇi lakkhaṇāni āropetvā vipassanāpaṭipāṭiyā saṅkhāre sammāsanto arahattaṃ gaṇhātīti idaṃ dhātuvaseṇa abhinivīṭṭhassa bhikkhuno yāva arahattā nigamaṇaṃ.

Yassa pana neva vaṇṇato upaṭṭhāti na paṭikūlato na suññato tena ‘na me upaṭṭhātī’ṭi na kammaṭṭhānaṃ vissajjetvā nisīditabbaṃ, koṭṭhāsamanasikāreyeva pana yogo kātabbo. Porāṇakattherā kira ‘koṭṭhāsamanasikārova pamāṇa’nti āhaṃsu. Iccassa punappaṇaṃ koṭṭhāsavasena sajjhāyaṃ karontassa koṭṭhāsā paguṇā honti. Kadā pana paguṇā nāma hontīti? Yadhā ‘kesā’ṭi āvajjītamatte manasikāro gantvā ‘matthaluṅga’nti antimakoṭṭhāse patiṭṭhāti, ‘matthaluṅga’nti āvajjītamatte manasikāro āgantvā ‘kesā’ṭi ādikoṭṭhāse patiṭṭhāti.

Athassa yathā nāma cakkhumato purisassa dvattiṃsavaṇṇānaṃ pupphānaṃ ekasuttaganthitaṃ mālaṃ olokentassa paṭipāṭiyā vā pana nikhāte dvattiṃsavatīpāde paṭikkamitvā olokentassa paṭipāṭiyāva dvattiṃsavaṇṇāni pupphāni vatīpādā vā pākaṭā honti, evameva dvattiṃsa koṭṭhāsā upaṭṭhahanti, vicarantā tiracchānagatāpi manussāpi sattātī na upaṭṭhahanti, koṭṭhāsāti upaṭṭhahanti, khādanīyabhojanīyaṃ koṭṭhāsantare pakhippamānaṃ viya hoti.

Koṭṭhāsānaṃ paguṇakālato paṭṭhāya tīsu mukhesu ekena mukhena vimuccissati. Kammaṭṭhānaṃ vaṇṇato vā paṭikūlato vā suññato vā upaṭṭhāti. Yathā nāma pūve pacitukāmā itthī madditvā ṭhapitapīṭṭhato yaṃ yaṃ icchati taṃ taṃ pacati, yathā vā pana same bhūmippadesa ṭhapitaṃ udakapūraṃ kumbhaṃ yato yato āvijjhanti tato tatova udakaṃ nikkhamati; evameva koṭṭhāsānaṃ paguṇakālato paṭṭhāya tīsu mukhesu ekena mukhena vimuccissati. Ākaṅkhamānassa vaṇṇato, ākaṅkhamānassa paṭikūlato, ākaṅkhamānassa suññato kammaṭṭhānaṃ upaṭṭhahissatiyeva. Ayaṃ ettako uggahasandhi nāma. Imasmiṃ uggahasandhismiṃ ṭhatvā arahattaṃ pattā bhikkhu gaṇanapathaṃ vītivattā.

Yassa pana uggahasandhismiṃ kammaṭṭhānaṃ na upaṭṭhāti, tena kammaṭṭhānaṃ uggahetvā, sace yattha ācariyo vasati, so āvāso sappāyo hoti, iccetaṃ kusalaṃ; no ce, sappāyaṭṭhāne vasitabbaṃ. Vasantena aṭṭhārasa viharādose (visuddhi. 1.52) vajjetvā pañcaṅgasamānāgate senāsane vasitabbaṃ, sayampi pañcaṅgasamānāgatena bhavitabbaṃ. Tato pacchābhattaṃ piṇḍapātaṭṭhāntena rattīṭṭhānaṃ vā divāṭṭhānaṃ vā pavisitvā kammaṭṭhānaṃ manasikātabbaṃ.

Kathaṃ? Ādito tāva heṭṭhā vuttanayeneva anupubbato manasikātabbaṃ, na ekantarikā. Anupubbato manasikaronto hi dvattiṃsapadaṃ nisseṇiṃ padapaṭipāṭiyā akkamanto pāsādaṃ āruyha pāsādānisamsaṃ

anubhavanakapuriso viya ‘kesā lomā’ti paṭipāṭiyā kammaṭṭhānaṃ manasikaronto kammaṭṭhānato ca na parihāyati, pāsādānisamsasadiṣe ca nava lokuttaradhamme anubhavati. Anupubbato manasikarontenāpi ca nātisīghato nātisaṇikato manasikātabbaṃ. Atisīghato manasikarontassa hi kiñcāpi kammaṭṭhānaṃ paguṇaṃ hoti, avibhūtaṃ pana hoti. Tattha opammaṃ heṭṭhā vuttameva.

Atisaṇikato manasikarontassa kammaṭṭhānaṃ pariyoṣānaṃ na gacchati, antarāva osakkitaṃ hoti. Yathā hi puriso tiyojanaṃ maggaṃ sāyaṃ kacchaṃ bandhivā paṭipanno nikkhantaṭṭhānato paṭṭhāya sītalacchāyaṃ disvā vissamati, ramaṇīyaṃ vālikatalaṃ disvā piṭṭhiṃ pasāreti, vanapokkharāṇiṃ disvā pānīyaṃ pīvati nhāyati, pabbataṃ disvā āruya pabbatarāmaṇeyyakāṃ passati, taṃ antarāyeva sīho vā byaggho vā dīpi vā hanati, corā vā pana viluppanti ceva hananti ca; evameva atisaṇikaṃ manasikarontassa kammaṭṭhānaṃ pariyoṣānaṃ na gacchati, antarāva osakkitaṃ hoti.

Tasmā nātisīghaṃ nātisaṇikaṃ ekadivasaṃ tiṃsavāre manasikātabbaṃ; pātova dasa vāre, majjhanhike dasavāre, sāyanhe dasa vāre sajjhāyo kātabbo, no kātuṃ na vaṭṭati. Yathā hi pātova utṭhāya mukhaṃ no dhovituṃ na vaṭṭati, khādanīyaṃ bhojanīyaṃ no khādituṃ no bhuñjituṃ na vaṭṭati; etaṃ pana vaṭṭeyya; idameva ekantena no kātuṃ na vaṭṭati; karonto mahantaṃ atthaṃ gahetvā tiṭṭhati. Yathā hi ekassa purisassa tīṇi khetṭāni; ekaṃ khettaṃ aṭṭhakumbhaṃ deti, ekaṃ soḷasa, ekaṃ dvattiṃsa; tena tīṇipi khetṭāni paṭijaggituṃ asakkontena dve chaḍḍetvā ekaṃ dvattiṃsakumbhadāyakameva paṭijaggitaṃ; tattheva kasanavapananiddānādīni kātābāni; tadevassa itaresu dvīsu utṭhānakadāyaṃ dassati; evameva sesaṃ mukhadhovanādikammaṃ chaḍḍetvāpi ettheva kammaṃ kātābbaṃ, no kātuṃ na vaṭṭati. Karonto mahantaṃ atthaṃ gaṇhitvā tiṭṭhatīti ettāvataṃ majjihimā paṭipadā nāma kathitā.

Evaṃ paṭipannenāpi vikkhepo paṭibāhitaṃ. Kammaṭṭhānaṃhi vissajjetvā citte bahiddhā vikkhepaṃ gacchante kammaṭṭhānato parihāyati, vaṭṭabhayaṃ samatikkamituṃ na sakkoti. Yathā hi eko puriso sahasuddhāraṃ sādhetvā vaḍḍhiṃ labhitvā addhānaṃ paṭipanno antarāmagge kumbhīlamakaragāharakkhasasamuṭṭhitāya gambhīragirikandarāya upari atthataṃ ekapadikaṃ daṇḍakasetuṃ āruya gacchanto akkamanapadaṃ vissajjetvā ito cito ca olovento paripatitvā kumbhīlādibhattaṃ hoti, evameva ayampi kammaṭṭhānaṃ vissajjetvā sacitte bahiddhā vikkhepaṃ gacchante kammaṭṭhānato parihāyati, vaṭṭabhayaṃ samatikkamituṃ na sakkoti.

Tatridaṃ opammaṃsandanaṃ – purisassa sahasuddhāraṃ sādhetvā vaḍḍhiṃ laddhakālo viya hi imassa bhikkhuno ācariyasantike kammaṭṭhānaṃsa uggahitakālo; antarā gambhīragirikandarā viya saṃsāro; tassa kumbhīlādīhi daṭṭhakālo viya vaṭṭamūlakāni mahādukkhāni; ekapadikadaṇḍakasetu viya imassa bhikkhuno sajjhāyavīthi; tassa purisassa ekapadikaṃ daṇḍakasetuṃ āruya akkamanapadaṃ vissajjetvā ito cito ca olokontassa paripatitvā kumbhīlādīnaṃ bhattabhāvaṃ āpannakālo viya imassa bhikkhuno kammaṭṭhānaṃ vissajjetvā bahiddhā vikkhittacittassa kammaṭṭhānato parihāyitvā vaṭṭabhayaṃ samatikkamituṃ asamatthabhāvo veditaṃ.

Tasmā kesā manasikātabbā. Kese manasikarivā cittuppādassa bahiddhā vikkhepaṃ paṭibāhitvā suddhacitteneva ‘lomā nakhā dantā taco’ti manasikātabbaṃ. Evaṃ manasikaronto kammaṭṭhānato na parihāyati, vaṭṭabhayaṃ samatikkamati. Opammaṃ panettha tadeva parivattetvā veditaṃ. Sahassuddhāraṃ sādhetvā vaḍḍhiṃ labhitvā chekassa purisassa daṇḍakasetuṃ āruya nivāsanapārupanaṃ saṃvidhāya dhātupatthaddhakāyaṃ katvā sotthinā paraṭṭragamaṇaṃ viya chekassa bhikkhuno kese manasikarivā cittuppādassa bahiddhā vikkhepaṃ paṭibāhitvā suddhacitteneva ‘lomā nakhā dantā taco’ti manasikarontassa kammaṭṭhānato aparihāyitvā vaṭṭabhayaṃ samatikkamaṇaṃ veditaṃ.

Evaṃ bahiddhā vikkhepaṃ paṭibāhantenāpi heṭṭhā vuttanayeneva paṇṇattiṃ samatikkamanaṃ manasikātabbaṃ. ‘Kesā lomā’ti paṇṇattiṃ vissajjetvā ‘paṭikūlaṃ paṭikūla’nti sati ṭhapetabbā. Paṭhamāyeva pana paṭikūlato na upaṭṭhāti. Yāva na upaṭṭhāti tāva paṇṇatti na vissajjetabbā. Yadā upaṭṭhāti tadā paṇṇattiṃ vissajjetvā ‘paṭikūla’nti manasikātabbaṃ. Karontena ca heṭṭhā vuttanayeneva pañcahākārehi paṭikūlato manasikātabbā. Tacapañcakasmiñhi vaṇṇasaṇṭhānagandhāsavāseneva pañcavidhampi paṭikūlyaṃ labbhati. Sesesupi yaṃ yaṃ labbhati, tassa tassa vasena manasikāro pavattetabbo.

Tattha kesādayo pañca koṭṭhāsā subhanimittaṃ rāgaṭṭhāniyaṃ iṭṭhārammaṇanti saṅkhaṃ gatā. Ye keci rajjanakasattā nāma, sabbe te imesu pañcasu koṭṭhāsesu rajjanti. Ayaṃ pana bhikkhu mahājanassa rajjanaṭṭhāne ‘paṭikūla’nti appanaṃ pāpeti. Tattha appanāppattito paṭṭhāya parato akilamantova appanaṃ pāpuṇāti.

Tatridaṃ opammaṃ – yathā hi cheko dhanuggaho rājānaṃ āradhetvā sataśahassuṭṭhānakaṃ gāmaṃ labhitvā sannaddhapañcāvudho tattha gacchanto antarāmagge dvattiṃsa core disvā tesu pañcacoraṇeṭṭhake ghāteyya; tesam ghātitakālo paṭṭhāya tesu dve ekamaggaṃ paṭipajjamānā nāma na honti; evaṃsāmpadamidaṃ daṭṭhabbaṃ. Dhanuggahassa rājānaṃ āradhetvā gāmaṃ laddhakālo viya hi imassa bhikkhuno ācariyasantike kammaṭṭhānaṃ

uggahetvā t̥hitakālo; dvattiṃsa corā viya dvattiṃsa koṭṭhāsā; pañca corajetṭhakā viya kesādayo pañca; corajetṭhakānaṃ ghāṭitakālo viya imassa bhikkhuno sabbasattānaṃ rajjanaṭṭhāne tacapaṇcake ‘paṭikūla’nti appanāya pāpitakālo; sesacorānaṃ pāṇipphāreṇeva palāyitakālo viya sesakoṭṭhāsesu akilamantasseva appanāppatti veditabbā.

Evaṃ paṇṇattim samatikkamantena ca anupubbamuñcanato manasikāro pavattetabbo – kese manasikarontena manasikaronteneva kesesu sāpekkhena hutvā lomesu sati pesetabbā. Yāva lomā na upaṭṭhahanti tāva ‘kesā kesā’ti manasikātabbā. Yadā pana lomā upaṭṭhahanti tadā kese vissajjetvā lomesu sati upaṭṭhapetabbā. Evaṃ nakhādīsupi manasikāro pavattetabbo.

Tatridaṃ opammaṃ – yathā hi jalūkā gacchamānā yāva purato patiṭṭhaṃ na labhati tāva pacchato naṅguṭṭhena gahitaṭṭhānaṃ na muñcati; yadā pana purato patiṭṭhaṃ labhati tadā naṅguṭṭhaṃ ukkhipitvā mukhena gahitaṭṭhāne ṭhapeti; evameva kese manasikarontena manasikaronteneva kesesu sāpekkhena hutvā lomesu sati pesetabbā. Yāva lomā na upaṭṭhahanti tāva ‘kesā kesā’ti manasikātabbā. Yadā lomā upaṭṭhahanti tadā kese vissajjetvā lomesu sati upaṭṭhapetabbā. Evaṃ nakhādīsupi manasikāro pavattetabbo.

Evaṃ pavattentena appanā hotīti vuttamanasikāraḥkosallaṃ sampādetabbam. Kathaṃ? Idañhi appanākammatṭhānaṃ manasikarontassa appanaṃ pāpuṇāti; paṭhamameva tāva na upaṭṭhāti; anamataggasmīñhi saṃsāraṇaṃ ca nānārammaṇesu vaḍḍhitam cittaṃ ‘kesā’ti āvajjitamatte sajjhāyasotānusāreṇa gantvā matthaluṅge patiṭṭhāti. ‘Matthaluṅga’nti āvajjitamatte sajjhāyasotānusāreṇa āgantvā kesesu patiṭṭhāti. Manasikarontassa manasikarontassa pana so so koṭṭhāso upaṭṭhāti. Sati samādhināpi tiṭṭhamānā pavattati. Tena yo yo koṭṭhāso adhikataṃ upaṭṭhāti tattha tattha dviguṇena yogaṃ katvā appanā pāpetabbā. Evaṃ appanāya pāpitakālato paṭṭhāya sesakoṭṭhāsesu akilamanto appanaṃ pāpeti. Tattha tālavanamakkaṭova opammaṃ.

Apicettha evampi yojanā veditabbā – dvattiṃsatālakasmīñhi tālavane makkaṭo paṭivasati. Taṃ gahetukāmo luddo koṭiyam t̥hitatālamūle thatvā ukkuṭṭhimakāsi. Mānajātiko makkaṭo taṃ taṃ tālam laṅghitvā pariyantatāle aṭṭhāsi. Luddo tatthapi gantvā ukkuṭṭhimakāsi. Makkaṭo puna tatheva purimatāle patiṭṭhāsi. So aparāparaṃ anubandhiyamāno kilamanto tassa tasseva tālassa mūle thatvā ukkuṭṭhukkuṭṭhikāle uṭṭhahitvā gacchanto gacchanto atikilamanto ekassa tālassa makulaṇṇasūciṃ dalhaṃ gahetvā dhanukoṭiyā vijjhivā gaṇhantopi na palāyati.

Tattha dvattiṃsa tālā viya dvattiṃsa koṭṭhāsā; makkaṭo viya cittaṃ; luddo viya yogāvacaro; luddena tālamūle thatvā ukkuṭṭhikāle mānajātikassa makkaṭassa palāyitvā pariyantakoṭiyam t̥hitakālo viya anamatagge saṃsāraṇaṃ ca nānārammaṇesu vaḍḍhitacittassa ‘kesā’ti āvajjitamatte sajjhāyasotānusāreṇa gantvā matthaluṅge patiṭṭhānaṃ; pariyantakoṭiyam thatvā ukkuṭṭhe orimakotiṃ āgamanakālo viya ‘matthaluṅga’nti āvajjitamatte sajjhāyasotānusāreṇa gantvā kesesu patiṭṭhānaṃ; aparāparaṃ anubandhiyamānassa kilamantassa ukkuṭṭhukkuṭṭhikāle uṭṭhānakālo viya manasikarontassa manasikarontassa tasmim tasmim koṭṭhāse upaṭṭhahante satiyā patiṭṭhāya patiṭṭhāya gamanaṃ; dhanukoṭiyā vijjhivā gaṇhantassāpi apalāyanakālo viya yo koṭṭhāso adhikataṃ upaṭṭhāti, tasmim dviguṇam manasikāram katvā appanāya pāpanam.

Tattha appanāya pāpitakālato paṭṭhāya sesakoṭṭhāsesu akilamantova appanaṃ pāpessati. Tasmā ‘paṭikūlam paṭikūla’nti punappunaṃ āvajjitabbaṃ samannāharitabbaṃ, takkāhataṃ vitakkāhataṃ kātabbaṃ. Evaṃ karontassa cattāro khandhā paṭikūlārammaṇā honti, appanaṃ pāpuṇāti. Pubbhāgacittāni parikkammaupacārasankhātāni savitakkasavicārānīti sabbam heṭṭhā vuttasadisameva. Ekaṃ pana koṭṭhāsam manasikarontassa ekameva paṭhamajjhānaṃ nibbattati. Pāṭiyekkaṃ manasikarontassa dvattiṃsa paṭhamajjhānāni nibbattanti. Hatthe gahitapañhāvattu pākatikameva.

**So taṃ nimittanti** so bhikkhu taṃ kammaṭṭhānamittam. **Āsevatīti** sevati bhajati. **Bhāvetīti** vaḍḍheti. **Bahulīkarotīti** punappunaṃ karoti. **Svāvattitāṃ vavattapetīti** suvavattitāṃ karoti. **Bahiddhā kāye cittaṃ upasaṃharatīti** evaṃ katvā bahiddhā parassa kāye attano cittaṃ upasaṃharati ṭhapeti peseti.

**Atthissa kāyeti** atthi assa kāye. **Ajjhattabahiddhākāye cittaṃ upasaṃharatīti** kālena attano kālena paresam kāye cittaṃ upanāmeti. **Atthi kāyeti** idaṃ yasmā na ekantena attano kāyo nāpi parasseva kāyo adhippeto, tasmā vuttam. Ettha pana attano jīvamānakasarīre ‘paṭikūla’nti parikkammaṃ karontassa appanāpi upacārampi jāyati. Parassa jīvamānakasarīre ‘paṭikūla’nti manasikarontassa neva appanā jāyati, na upacāram. Nanu ca dasasu asubhesu ubhayampetaṃ jāyatīti? Āma, jāyati. Tāni hi anupādinnaḥkapakkhe t̥hitāni. Tasmā tattha appanāpi upacārampi jāyati. Idaṃ pana upādinnaḥkapakkhe t̥hitam. Tenevettha ubhayampetaṃ na jāyati. Asubhānupassanāsankhātā pana vipassanābhāvanā hotīti veditabbā. Imasmim pabbe kiṃ kathitanti? Samathavipassanā kathitā.

Idānettha evaṃ sabbam manasikārasādhāraṇam pakiṇṇakam veditabbam. Etesaṃhi –

Nimittato lakkhaṇato, dhātuto atha suññato;  
Khandhādito ca viññeyyo, kesādīnaṃ vinicchayo.

Tattha ‘**nimittato**’ti dvattiṃsākāre saṅghisatam nimittāni, yesam vasena yogāvacaro dvattiṃsākāram koṭṭhāsato pariggaṇhāti, seyyathidaṃ – kesassa vaṇṇanimittam, saṅghānimittam, disānimittam, okāsanimittam, paricchedanimitanti pañca nimittāni honti. Lomādīsupi eseva nayo.

‘**Lakkhaṇato**’ti dvattiṃsākāre aṭṭhavīsatisatam lakkhaṇāni honti, yesam vasena yogāvacaro dvattiṃsākāram lakkhaṇato manasikaroti, seyyathidaṃ – kese thaddhattalakkhaṇam, ābandhattalakkhaṇam, uṇhattalakkhaṇam, vitthambhanalakkhaṇanti cattāri lakkhaṇāni honti. Lomādīsupi eseva nayo.

‘**Dhātuto**’ti dvattiṃsākāre ‘catudhāturo ayam, bhikkhu, puriso’ ti vuttāsu dhātūsu aṭṭhavīsatisatam dhātuyo honti, yāsam vasena yogāvacaro dvattiṃsākāram dhātuto pariggaṇhāti, seyyathidaṃ – kese kakkhaḷatā pathavīdhātu, ābandhanatā āpodhātu, uṇhatā tejodhātu, vitthambhanatā vāyodhātūti catasso dhātuyo honti. Lomādīsupi eseva nayo.

‘**Suññato**’ti dvattiṃsākāre channavuti suññatā honti, yāsam vasena yogāvacaro dvattiṃsākāram suññato vipassati, seyyathidaṃ – kesā suññā attena vā attaniyena vā niccena vā dhuvēna vā sassatena vā avipariṇāmadhammena vāti. Kese tāva attasuññatā, attaniyasuññatā, niccabhāvasuññatāti tisso suññatā honti. Lomādīsupi eseva nayo.

‘**Khandhādito**’ti dvattiṃsākāre kesādīsū khandhādivasena pariggaṇhamānesu kesā kati khandhā honti, kati āyatanāni, kati dhātuyo, kati saccāni, kati satipaṭṭhānānītiādīnā nayena pettha vinicchayo viññātabbo.

357. Evaṃ ajjhataḍḍibhedato tividhena kāyānupassanaṃ vitthārato dassetvā idāni ‘kāyānupassī viharati ātāpī sampajāno’ tiādīni padāni bhājetvā dassetuṃ **anupassīti**ādi āradham. Tattha yāya anupassanāya kāyānupassī nāma hoti, tam dassetuṃ **tattha katamā anupassanā? Yā paññā pajānanā**tiādi vuttam. **Ātāpī**tiādīsupi eseva nayo.

Tattha **paññā pajānanā**tiādīni heṭṭhā cittuppādakaṇḍavaṇṇanāyam (dha. sa. aṭṭha. 16) vuttanayeneva veditabbāni. **Upetoti**ādīni sabbāni aññamaññavevacanāni. Apica āsevanavasena **upeto**, bhāvanāvasena suṭṭhu upetoti **samupeto**. **Upāgato samupāgato, upaṇno sampannoti** imesupi dvīsū dukesu ayameva nayo. Bahulīkāravasena pana **samannāgatoti** evamettha yojanā veditabbā. **Iminā ātāpena upetoti** ādīsupi eseva nayo.

**Viharatī**ti pade ‘tattha katamo viharo’ ti puccham akatvā puggalādhīṭṭhānāya desanāya desento **iriyatī**tiādīmāha. Tassattho – catunnam iriyāpathānam aññatarasamaṅgībhāvato **iriyati**. Tehi iriyāpathacatukkehi kāyasakaṭavattanena **vattati**. Ekam iriyāpathadukkham aparena iriyāpathena bādhitvā ciraṭṭhitikabhāvena sarīrakkhanato **pāleti**. Ekasmiṃ iriyāpatha asañṭhahitvā sabbiriyāpathavatanato **yapeti**. Tena tena iriyāpathena tathā tathā kāyassa yāpanato **yāpeti**. Cīrakālavattāpanato **carati**. Iriyāpathena iriyāpatham vicchinditvā jīvitaharaṇato **viharati**.

362. **Sveva kāyo lokoti** yasmim kāye kāyānupassī viharati, sveva kāyo lujjanapalujjanaṭṭhena loko. Yasmā panassa kāye pahīyamānam abhijjhādomanassam vedanādīsupi pahīyati eva, tasmā **pañcapi upādānakkhandhā lokoti** vuttam.

**Santā**tiādīsupi nirodhavasena santatāya **santā**. Bhāvanāya samitattā **samitā**. Vatthupariññāya appavattivūpasamavasena **vūpasantā**. Nirodhasaṅkhātāṃ attham gatāti **atthaṅgatā**. Punappunam nibbattiyā paṭibāhitattā ativiya attham gatāti **abbhatthaṅgatā**. **Appitā**ti vināsītā, appavattiyam ṭhapitātipi attho. **Byappitā**ti suvināsītā, ativiya appavattiyam ṭhapitātipi attho. Yathā puna na anvassavanti evam sositattā **sositā**. Suṭṭhu sositāti **visositā**, sukkhāpitāti attho. Vigatantā katāti **byanti katā**. Ettha ca anupassanāya kammaṭṭhānavihārena kammaṭṭhānikassa kāyapariharaṇam, ātāpena sammappadhānam, satisampajāññena kammaṭṭhānapariharaṇupāyo; satiyā vā kāyānupassanāvasena paṭiladdho samatho, sampajāññena vipassanā, abhijjhādomanassavinayena bhāvanāphalam vuttanti veditabbam.

Kāyānupassanāniddesavaṇṇanā niṭṭhitā.

### Vedanānupassanāniddesavaṇṇanā

363. Vedanānupassanāniddesepe heṭṭhā vuttasadisam vuttanayeneva veditabbam. **Sukham vedanam vedayamāno**tiādīsū pana **sukham vedananti** kāyikam vā cetasikam vā sukham vedanam vedayamāno ‘aham sukham

vedanaṃ vedayāmi'ti pajānātīti attho. Tattha kāmaṃ uttānaseyyakāpi dāraḷā thaññapivanādikāle sukhaṃ vedayamānā 'sukhaṃ vedanaṃ vedayāmi'ti pajānanti, na panetaṃ evarūpaṃ jānanaṃ sandhāya vuttaṃ. Evarūpañhi jānanaṃ sattūpaladdhiṃ nappaḷahati, sattaṣaṇṇaṃ na ugghāḷeti, kammaṭṭhānaṃ vā satipaṭṭhānabhāvanā vā na hoti. Imassa pana bhikkhuno jānanaṃ sattūpaladdhiṃ paḷahati, sattaṣaṇṇaṃ ugghāḷeti, kammaṭṭhānañceva satipaṭṭhānabhāvanā ca hoti. 'Idaṇhi ko vedayati, kassa vedanā, kiṃ kāraṇā vedanā'ti evaṃ sampajānavediyaṃ sandhāya vuttaṃ.

Tattha **ko vedayati**? Na koci satto vā puggalo vā vedayati. **Kassa vedanā**? Na kassaci sattassa vā puggalassa vā vedanā. **Kiṃ kāraṇā vedanā**? Vatthuārammaṇā ca panesā vedanā. Tasmā esa evaṃ pajānati – 'taṃ taṃ sukhādīnaṃ vatthuṃ ārammaṇaṃ katvā vedanāya vedayati; taṃ pana vedanāpavattiṃ upādāya 'ahaṃ vedayāmi'ti vohāramattaṃ hoti'ti. Evaṃ vatthuṃ ārammaṇaṃ katvā vedanāya vedayati sallakkhento 'esa sukhaṃ vedanaṃ vedayāmi'ti pajānātīti veditabbo, cittalappabate aññataro thero viya.

Thero kira aphāsukakāle balavavedanāya nitthunanto aparāparaṃ parivattati. Tameko daharo āha – 'kataraṃ vo, bhante, ṭhānaṃ rujati'ti? 'Āvuso, pāṭiyekkaṃ rujanaṭṭhānaṃ nāma natthi; vatthuṃ ārammaṇaṃ katvā vedanāya vedayati'ti. 'Evaṃ jānanakālate paṭṭhāya adhvāsetuṃ vaṭṭati no, bhante'ti. 'Adhvāsemi, āvuso'ti. 'Adhvāsanā, bhante, seyyo'ti. Thero adhvāsesi. Vāto yāva hadayā phālesi. Mañcake antāni rāsikatāni ahesuṃ. Thero daharassa dassesi – 'vaṭṭatāvuso, ettakā adhvāsanā'ti? Daharo tuṇhī ahoṣi. Thero vīriyasamādhiṃ yojetvā sahapaṭṭisambhidāhi arahattaṃ pāpuṇitvā **samasīsī** hutvā parinibbāyi.

Yathā ca sukhaṃ, evaṃ dukkhaṃ...pe... nirāmiṣaṃ adukkhamasukhaṃ vedanaṃ vedayamāno 'nirāmiṣaṃ adukkhamasukhaṃ vedanaṃ vedayāmi'ti pajānati. Iti bhagavā rūpakammaṭṭhānaṃ kathetvā arūpakammaṭṭhānaṃ kathento vedanāvasena kathesi. Duvidhañhi kammaṭṭhānaṃ – rūpakammaṭṭhānaṃ arūpakammaṭṭhānaṃ; rūpapariggaho arūpapariggahoti etadeva vuccati. Tattha bhagavā rūpakammaṭṭhānaṃ kathento saṅkhepamanasikārasena vā vitthāramanasikārasena vā catudhātuvavatthānaṃ kathesi. Tadubhayampi visuddhimagge sabbākāro dassitameva.

Arūpakammaṭṭhānaṃ pana kathento yebhuyena vedanāvasena kathesi. Tividho hi arūpakammaṭṭhāne abhiniveso – phassavasena, vedanāvasena, cittavasenāti. Kathaṃ? Ekaccassa hi saṃkhittena vā vitthārena vā pariggahite rūpakammaṭṭhāne tasmiṃ ārammaṇe cittacetasikānaṃ paṭhamābhiniṇṇāto taṃ ārammaṇaṃ phusanto uppajjamāno phasso pākaṭo hoti. Ekaccassa taṃ ārammaṇaṃ anubhavanti uppajjamānā vedanā pākaṭā hoti. Ekaccassa taṃ ārammaṇaṃ pariggahetvā vijānantaṃ uppajjamānaṃ viññānaṃ pākaṭaṃ hoti.

Tattha yassa phasso pākaṭo hoti, sopi 'na kevalaṃ phasso vā uppajjati; tena saddhiṃ tadevārammaṇaṃ anubhavamānā vedanāpi uppajjati, sañjānamānā saññāpi, cetaṃamānā cetaṇāpi, vijānanamānaṃ viññānaṃpi uppajjati'ti phassapañcamakeyeva pariggaṇhāti. Yassa vedanā pākaṭā hoti, sopi 'na kevalaṃ vedanā vā uppajjati; tāya saddhiṃ tadevārammaṇaṃ phusamāno phassopi uppajjati, sañjānamānā saññāpi, cetaṃamānā cetaṇāpi, vijānanamānaṃ viññānaṃpi uppajjati'ti phassapañcamakeyeva pariggaṇhāti. Yassa viññānaṃ pākaṭaṃ hoti, sopi 'na kevalaṃ viññānameva uppajjati; tena saddhiṃ tadevārammaṇaṃ phusamāno phassopi uppajjati, anubhavamānā vedanāpi, sañjānamānā saññāpi, cetaṃamānā cetaṇāpi uppajjati'ti phassapañcamakeyeva pariggaṇhāti.

So 'ime phassapañcamakā dhammā kiṃnissitā'ti upadhārento 'vatthunissitā'ti pajānati. Vatthu nāma karajakāyo; yaṃ sandhāya vuttaṃ 'idaṇca pana me viññānaṃ etthasitaṃ, etthapaṭibaddha'ti (dī. nī. 1.235). So atthato bhūtāni ceva upādārūpāni ca. Evamettha vatthu rūpaṃ, phassapañcamakā nāmantī nāmarūpameva passati. Rūpañcettha rūpakkhandho, nāmaṃ cattāro arūpino khandhāti pañcakkhandhamattaṃ hoti. Nāmarūpavinimuttā hi pañcakkhandhā pañcakkhandhavinimuttaṃ vā nāmarūpaṃ natthi.

So 'ime pañcakkhandhā kiṃhetukā'ti upaparikkhanto 'avijjādihetukā'ti passati; tato paccayo ceva paccayuppannañca idaṃ; añño satto vā puggalo vā natthi; suddhasaṅkhārapuñjamattamevāti sappaccayanāmarūpavasena tilakkhaṇaṃ āropetvā vipassanāpaṭipāṭiyā 'aniccaṃ dukkhaṃ anattā'ti sammasanto vicarati. So 'ajja ajjā'ti paṭivedhaṃ ākaṅkhamāno tathārūpe divase utusappāyaṃ, puggalasappāyaṃ, bhojanasappāyaṃ, dhammasavanasappāyaṃ vā labhitvā ekapallākena nisinnova vipassanaṃ matthakaṃ pāpetvā arahatte paṭiṭṭhāti. Evaṃ imesaṃ tiṇṇaṃpi janānaṃ yāva arahattā kammaṭṭhānaṃ kathitaṃ hoti.

Idha pana bhagavā arūpakammaṭṭhānaṃ kathento vedanāvasena kathesi. Phassavasena vā hi viññānavasena vā kathiyamānaṃ na pākaṭaṃ hoti, andhakāraṃ viya khāyati. Vedanāvasena pana pākaṭaṃ hoti. Kasmā? Vedanānaṃ uppattipākaṭatāya. Sukhadukkavedanānañhi uppatti pākaṭā. Yadā sukhaṃ uppajjati, sakalasarīraṃ khobhentaṃ maddantaṃ pharamānaṃ abhisandayamānaṃ satadhotasappaṃ khādāpayantaṃ viya, satapākatelaṃ



makkhāpayamānaṃ viya, udakaghaṭasahassena pariḷāhaṃ nibbāpayamānaṃ viya, ‘aho sukhaṃ! Aho sukhaṃ!’ Vācaṃ nicchārayamānameva uppajjati. Yadaṃ dukkhaṃ uppajjati, sakalasarīraṃ khobhentaṃ maddantaṃ pharamānaṃ abhisandayamānaṃ tattaphālaṃ pavesentaṃ viya, vilīnatambalohena āsiñcantaṃ viya, sukkhatiṇavanappatimhi araññe dāruukkākālāpaṃ pakkhipamānaṃ viya ‘aho dukkhaṃ! Aho dukkhaṃ!’ Vipālāpayamānameva uppajjati. Iti sukhadukkhavedanānaṃ uppatti pākaṭā hoti.

Adukkhamasukhā pana duddīpanā andhakārā avibhūtā. Sā sukhadukkhānaṃ apagame sātāsātapaṭikkhepavasena majjhataṅkārabhūtā adukkhamasukhā vedanāti nayato gaṇhantassa pākaṭā hoti. Yathā kiṃ? Antarā piṭṭhipāsānaṃ āruhitvā palāyantassa migassa anupathaṃ gacchanta migaluddako piṭṭhipāsānaṃ orabhāge aparabhāgepi padaṃ disvā majjhe apassantopi ‘ito āruḷho, ito oruḷho, majjhe piṭṭhipāsāne iminā padesena gato bhavissati’ ti nayato jānāti. Evaṃ āruḷhaṭṭhāne padaṃ viya hi sukhāya vedanāya uppatti pākaṭā hoti; oruḷhaṭṭhāne padaṃ viya dukkhāya vedanāya uppatti pākaṭā hoti. ‘Ito āruḷho, ito oruḷho, majjhe evaṃ gato’ ti nayato gahaṇaṃ viya sukhadukkhānaṃ apagame sātāsātapaṭikkhepavasena majjhataṅkārabhūtā adukkhamasukhā vedanāti nayato gaṇhantassa pākaṭā hoti.

Evaṃ bhagavā paṭhamaṃ rūpakammaṭṭhānaṃ kathetvā pacchā arūpakammaṭṭhānaṃ kathento vedanāvasena vinivattetvā dassesi; na kevalaṇca idheva evaṃ dasseti, dīghanikāyamhi mahānidāne, sakkapañhe, mahāsatiṭṭhāne, majjhimanikāyamhi satipaṭṭhāne ca cūḷatanhāsānkhaye, mahātanhāsānkhaye, cūḷavedalle, mahāvedalle, raṭṭhapālasutte, māgaṇḍiyasutte, dhātuvibhaṅge, āneñjasappāye, saṃyuttanikāyamhi cūḷanidānasutte, rukkhopame, parivīmaṃsanāsutte, sakale vedanāsaṃyutteti evaṃ anekesu suttesu paṭhamaṃ rūpakammaṭṭhānaṃ kathetvā pacchā arūpakammaṭṭhānaṃ vedanāvasena vinivattetvā dassesi. Yathā ca tesu tesu, evaṃ imasmimpī satipaṭṭhānavibhaṅge paṭhamaṃ rūpakammaṭṭhānaṃ kathetvā pacchā arūpakammaṭṭhānaṃ vedanāvasena vinivattetvā dassesi.

Tattha **sukhaṃ vedanā**tiādīsu ayaṃ aparopi pajānanapariyāyo – **sukhaṃ vedanaṃ vedayāmīti pajānāti**ti sukhavedanākkhaṇe dukkhāya vedanāya abhāvato sukhaṃ vedanaṃ vedayamāno ‘sukhaṃ vedanaṃ vedayāmī’ ti pajānāti. Tena yā pubbe bhūtapubbā dukkhā vedanā, tassā idāni abhāvato imissā ca sukhāya ito paṭhamaṃ abhāvato vedanā nāma aniccā addhuvā vipariṇāmadhammāti itiha tattha sampajāno hoti. Vuttampi cetaṃ bhagavatā –

“Yasmim, aggivessana, samaye sukhaṃ vedanaṃ vedeti, neva tasmim samaye dukkhaṃ vedanaṃ vedeti, na adukkhamasukhaṃ vedanaṃ vedeti, sukhaṃyeva tasmim samaye vedanaṃ vedeti. Yasmim, aggivessana, samaye dukkhaṃ...pe... adukkhamasukhaṃ vedanaṃ vedeti, neva tasmim samaye sukhaṃ vedanaṃ vedeti, na dukkhaṃ vedanaṃ vedeti, adukkhamasukhaṃyeva tasmim samaye vedanaṃ vedeti. Sukhāpi kho, aggivessana, vedanā aniccā saṅkhatā paṭiccasamuppannā khayadhammā vayadhammā virāgadhammā nirodhadhammā. Dukkhāpi kho...pe... adukkhamasukhāpi kho, aggivessana, vedanā aniccā saṅkhatā...pe... nirodhadhammā. Evaṃ passaṃ, aggivessana, sutavā ariyasāvako sukhāyapi vedanāya nibbindati, dukkhāyapi vedanāya nibbindati, adukkhamasukhāyapi vedanāya nibbindati, nibbindaṃ virajjati, virāgā vimuccati, vimuttasmim vimuttamīti ñānaṃ hoti; ‘khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyā’ ti pajānāti” ti (ma. ni. 2.205).

**Sāmisam vā sukhaṃ**tiādīsu **sāmisā sukhā** nāma pañcakāmaguṇāmisaniṣṭā cha gehassitasomanassavedanā; **nirāmisā sukhā** nāma cha nekkhammassitasomanassavedanā; **sāmisā dukkhā** nāma cha gehassitadomanassavedanā; **nirāmisā dukkhā** nāma cha nekkhammassitadomanassavedanā; **sāmisā adukkhamasukhā** nāma cha gehassitaupekkhavedanā; **nirāmisā adukkhamasukhā** nāma cha nekkhammassitaupekkhavedanā. Tāsaṃ vibhāgo upariṇānāse pāḷiyaṃ (ma. ni. 3.304 ādayo) āgatoyeva. **So taṃ nimittanti** so taṃ vedanānimittaṃ. **Bahiddhā vedanāsūti** parapuggalassa vedanāsu. **Sukhaṃ vedanaṃ vedayamānanti** parapuggalaṃ sukhavedanaṃ vedayamānaṃ. **Ajjhattabahiddhāti** kālena attano kālena parassa vedanāsu cittaṃ upasaṃharati. Imasmim vāre yasmā neva attā, na paro niyamito; tasmā vedanāpariggahamattameva dassetuṃ “idha bhikkhu sukhaṃ vedanaṃ sukhā vedanā”tiādī vuttaṃ. Sesamettha uttānameva. Imasmim pana pabbe suddhavipassanāva kathitāti.

Vedanānupassanāniddesavaṇṇanā niṭṭhitā.

### Cittānupassanāniddesavaṇṇanā

365. Cittānupassanāniddeseṃ heṭṭhā vuttasadiṣaṃ vuttanayeneva veditaḃbaṃ. **Sarāgaṃ vā cittanti**ādīsu pana **sarāganti** aṭṭhavidhaṃ lobhasahagataṃ. **Vitarāganti** lokiyakusalābyākataṃ. Idaṃ pana yasmā sammānaṃ na dhammasamodhānaṃ, tasmā idha ekapadeṃ lokuttaraṃ na labbhati. Yasmā pahānekaṭṭhavasena rāgādīhi saha vattanti pahīyanti, tasmā dvīsu padesu nippariyāyena na labbhanti na gahitāni. Sesāni cattāri akusalacittāni neva purimapadaṃ, na pacchimapadaṃ bhajanti. **Sadosanti** duvidhaṃ domanassasahagataṃ. **Vīadosanti** lokiyakusalābyākataṃ. Sesāni dasa akusalacittāni neva purimapadaṃ, na pacchimapadaṃ bhajanti. **Samohanti**

vicikicchāsahagatañceva uddhaccasahagatañcāti duvidham. Yasmā pana moho sabbākusalesu uppajjati, tasmā sesānīpi idha vaṭṭanti eva. Imasmiṃ yeva hi duke dvādasākusalacittāni pariyādiṇṇānīti. **Vītamohanti** lokiyakusalābyākatam. **Samkhittanti** thinamiddhānupatitam. Etañhi saṅkuṭitacittam nāma. **Vikkhittanti** uddhaccasahagatam. Etañhi pasatācittam nāma.

**Mahaggatanti** rūpāvacaṃ arūpāvacaṃ. **Amahaggatanti** kāmāvacaṃ. **Sauttaranti** kāmāvacaṃ. **Anuttaranti** rūpāvacaṃ arūpāvacaṃ. Tatrāpi sauttaram rūpāvacaṃ, anuttaram arūpāvacaṃ. **Samāhitanti** yassa appanāsamādhī upacārasamādhī vā atthi. **Asamāhitanti** ubhayasamādhivirahitam. **Vimuttanti** tadaṅgavikkhambhanavimuttīhi vinimuttam. **Avimuttanti** ubhayavimuttirahitam; samucchedaṭṭippassaddhinissaraṇavimuttīnam pana idha okāsova natthi. **Sarāgamassa cittanti** sarāgam assa cittam. Sesam heṭṭhā vuttanayattā uttānatthameva. Imasmiṃ pabbe suddhavipassanāva kathitāti.

Cittānupassanāniddesavaṇṇanā niṭṭhitā.

### Dhammānupassanāniddesavaṇṇanā

#### Nīvaraṇapabbavaṇṇanā

367. Ettāvata yasmā kāyānupassanāya rūpakkhandhapariggahova kathito, vedanānupassanāya vedanākkhandhapariggahova cittānupassanāya viññākkhandhapariggahova tasmā idāni sampayuttadhammasīsenā saññāsaṅkhārakkhandhapariggahampi kathetum dhammānupassanam dassento **kathaṇca bhikkhūtī**ādīmāha. Tattha **santanti** abhiṅhasamudācāravasena saṃvijjāmanam. **Asantanti** asamudācāravasena vā pahīnattā vā avijjāmanam. **Yathā cāti** yena kāraṇena kāmaccandassa uppādo hoti. **Taṇca pajānātī** taṇca kāraṇam pajānāti. Iminā nayena sabbapadesu attho veditabbo.

Tattha subhanimutte ayonisomanasikārena kāmaccandassa uppādo hoti. **Subhanimittam** nāma subhampi subhanimittam, subhārammaṇampi subhanimittam. **Ayonisomanasikāro** nāma anupāyamanasikāro uppathamanasikāro, anicce niccanti vā dukkhe sukham vā anattani attāti vā asubhe subhanti vā manasikāro. Tam tattha bahulam pavattayato kāmaccando uppajjati. Tenāha bhagavā –

“Atthi, bhikkhave, subhanimittam. Tattha ayonisomanasikārabahulīkāro – ayamāhāro anuppanna vā kāmaccandassa uppādāya, uppanna vā kāmaccandassa bhīyyobhāvāya vepullāyā”ti (saṃ. ni. 5.232).

Asubhanimutte pana yonisomanasikārenassa pahānam hoti. **Asubhanimittam** nāma asubhampi asubhanimittam, asubhārammaṇampi asubhanimittam. **Yonisomanasikāro** nāma upāyamanasikāro pathamanasikāro, anicce aniccanti vā dukkhe dukkhanti vā anattani anattāti vā asubhe asubhanti vā manasikāro. Tam tattha bahulam pavattayato kāmaccando pahīyati. Tenāha bhagavā –

“Atthi, bhikkhave, asubhanimittam. Tattha yonisomanasikārabahulīkāro ayamanāhāro anuppanna vā kāmaccandassa uppādāya, uppanna vā kāmaccandassa bhīyyobhāvāya, vepullāyā”ti (saṃ. ni. 5.232).

Apica cha dhammā kāmaccandassa pahānāya saṃvattanti – asubhanimittassa uggaho, asubhabhāvanānuyogo, indriyesu guttadvāratā, bhojane mattaññutā, kalyāṇamittatā, sappāyakathāti. Dasavidhañhi asubhanimittam uggaṇhantassāpi kāmaccando pahīyati, bhāventassāpi; indriyesu pihitadvāressāpi; catunnam pañcannam ālopānam okāse satī udakam pivivā yāpanasīlatāya bhojane mattaññunopi. Tena vuttam –

“Cattāro pañca ālope, abhuvā udakam pive;  
Alam phāsuvihārāya, pahitattassa bhikkhuno”ti. (theragā. 983);

Asubhakammikattissattherasadise asubhabhāvanārate kalyāṇamitte sevantassāpi kāmaccando pahīyati; ṭhānanisajjādīsū dasaasubhanissitasappāyakathāyapi pahīyati. Tena vuttam “cha dhammā kāmaccandassa pahānāya saṃvattanti”ti. Imehi pana chahi dhammehi pahīnassa kāmaccandassa arahattamaggena āyatim anuppādo hotīti pajānāti.

Paṭighanimutte ayonisomanasikārena pana byāpādassa uppādo hoti. Tattha paṭighampi paṭighanimittam nāma; paṭighārammaṇampi paṭighanimittam. Ayonisomanasikāro sabbattha ekalakkhānova. Tam tasmim nimitte bahulam pavattayato byāpādo uppajjati. Tenāha bhagavā –

“Atthi, bhikkhave, paṭighanimittam. Tattha ayonisomanasikārabahulīkāro – ayamāhāro anuppanassa vā byāpādassa uppādāya, uppanassa vā byāpādassa bhīyyobhāvāya vepullāyā”ti (saṃ. ni. 5.232).

Mettāya pana cetovimuttiyā yonisomanasikārenassa pahānaṃ hoti. Tattha mettāti vutte appanāpi upacāropi vaṭṭati; cetovimuttīti appanāva. Yonisomanasikāro vuttalakkhaṇova. Taṃ tattha bahulaṃ pavattayato byāpādo pahīyati. Tenāha bhagavā –

“Atthi, bhikkhave, mettācetovimutti. Tattha yonisomanasikārabahulīkāro – ayamāhāro anuppanassa vā byāpādassa uppādāya, uppanassa vā byāpādassa bhīyyobhāvāya, vepullāyā”ti (saṃ. ni. 5.232 thokaṃ visadisam).

Apica cha dhammā byāpādassa pahānāya saṃvattanti – mettānimittassa uggaho, mettābhāvanānuyogo, kammassakatāpaccavekkhaṇā, paṭisaṅkhānabahulīkatā, kalyāṇamittatā, sappāyakathāti. Odissakānodissakadisāpharaṇānañhi aññataravasena mettam uggaṇhantassāpi byāpādo pahīyati. Odhiso anodhiso disāpharaṇavasena mettam bhāventassāpi. ‘Tvaṃ etassa kuddho kiṃ karissasi, kimassa sīlādīni vināsetuṃ sakkhissasi? Nanu tvaṃ attano kammena āgantvā attano kammeneva gamissasi? Parassa kujjhaṇaṃ nāma vītaccitaṅgāratattaayasalākagūthādīni gahetvā parassa paharitukāmatāsadisam hoti. Esopi tava kuddho kiṃ karissati? Kiṃ te sīlādīni vināsetuṃ sakkhissati? Esa attano kammenāgantvā attano kammeneva gamissati; appaṭicchitapaheṇakaṃ viya paṭivātakhittarajomuttīhi viya ca etassevesa kodho matthake patissati’ti. Evaṃ attano ca parassa ca kammassakataṃ paccavekkhatopi, ubhayakammassakataṃ paccavekkhitvā paṭisaṅkhāne ṭhitassāpi, assaguttattherasadise mettābhāvanārate kalyāṇamitte sevantassāpi byāpādo pahīyati; ṭhānanisajjādīsu mettānissitasappāyakathāyapi pahīyati. Tena vuttaṃ “cha dhammā byāpādassa pahānāya saṃvattanti”ti. Imehi pana chahi dhammehi pahīnassa byāpādassa anāgāmimaggena āyatīṃ anuppādo hotīti pajānāti.

**Aratī**tiādīsu ayonisomanasikārena thinamiddhassa uppādo hoti. **Arati** nāma ukkaṇṭhitatā. **Tandī** nāma kāyālasīyatā. **Vijambhikā** nāma kāyavināmanā. **Bhattasammado** nāma bhattamucchā bhattapariḷāho. **Cetaso līnattam** nāma cittassa līnākāro. Imesu aratīādīsu ayonisomanasikāraṃ bahulaṃ pavattayato thinamiddhaṃ uppajjati. Tenāha bhagavā –

“Atthi, bhikkhave, arati tandī vijambhikā bhattasammado cetaso ca līnattam. Tattha ayonisomanasikārabahulīkāro – ayamāhāro anuppanassa vā thinamiddhassa uppādāya, uppanassa vā thinamiddhassa bhīyyobhāvāya vepullāyā”ti (saṃ. ni. 5.232).

Ārambhadhātuādīsu pana yonisomanasikārenassa pahānaṃ hoti. **Ārambhadhātu** nāma paṭhamārambhavīriyaṃ. **Nikkamadhātu** nāma kosajjato nikkhantattā tato balavataṃ. **Parakkamadhātu** nāma paraṃ paraṃ ṭhānaṃ akkamanato tatopi balavataṃ. Imasmiṃ tippabhede vīriye yonisomanasikāraṃ bahulaṃ pavattayato thinamiddhaṃ pahīyati. Tenāha bhagavā –

“Atthi, bhikkhave, ārambhadhātu, nikkamadhātu, parakkamadhātu. Tattha yonisomanasikārabahulīkāro – ayamañāhāro anuppanassa vā thinamiddhassa uppādāya, uppanassa vā thinamiddhassa bhīyyobhāvāya, vepullāyā”ti (saṃ. ni. 5.232).

Apica cha dhammā thinamiddhassa pahānāya saṃvattanti – atibhojane nimittaggāho, iriyāpathasamparivattanā, ālokasaññāmanasikāro, abbhokāsavāso, kalyāṇamittatā, sappāyakathāti. Āharahatthaka bhuttavamitaka tatravaṭṭaka alaṃsāṭaka kākamāsakabhojanaṃ bhuñjitvā rattiṭṭhānadivāṭṭhāne nisinnassa hi samaṇadhammaṃ karoto thinamiddhaṃ mahāhatthī viya ottharantaṃ āgacchati. Catupañcaālopaokāsaṃ pana ṭhapetvā pānīyaṃ pivitvā yāpanasīlassa bhikkhuno taṃ na hotīti atibhojane nimittam gaṇhantassāpi thinamiddhaṃ pahīyati. Yasmiṃ iriyāpathe thinamiddhaṃ okkamati tato aññaṃ parivattentassāpi, rattiṃ candālokadīpālokaukkāloke divā sūriyālokaṃ manasikarontassāpi, abbhokāse vasantassāpi, mahākassapattherasadise pahīnathinamiddhe kalyāṇamitte sevantassāpi thinamiddhaṃ pahīyati; ṭhānanisajjādīsu dhutaṅganissitasappāyakathāyapi pahīyati. Tena vuttaṃ “cha dhammā thinamiddhassa pahānāya saṃvattanti”ti. Imehi pana chahi dhammehi pahīnassa thinamiddhassa arahattamaggena āyatīṃ anuppādo hotīti pajānāti.

Cetaso avūpasame ayonisomanasikārena uddhaccakukkucassa uppādo hoti. **Avūpasamo** nāma avūpasantākāro; uddhaccakukkucamevetam atthato. Tattha ayonisomanasikāraṃ bahulaṃ pavattayato uddhaccakukkucam uppajjati. Tenāha bhagavā –

“Atthi, bhikkhave, cetaso avūpasamo. Tattha ayonisomanasikārabahulīkāro – ayamāhāro anuppanassa

vā uddhaccakukkuccassa uppādāya, uppannassa vā uddhaccakukkuccassa bhīyobhāvāya vepullāyā”ti (saṃ. ni. 5.232).

Samādhisaṅkhāte pana cetaso vūpasame yonisomanasikārenassa pahānaṃ hoti. Tenāha bhagavā –

“Atthi, bhikkhave, cetaso vūpasamo. Tattha yonisomanasikārabahulīkāro – ayamaṇhāro anuppannassa vā uddhaccakukkuccassa uppādāya, uppannassa vā uddhaccakukkuccassa bhīyobhāvāya, vepullāyā”ti (saṃ. ni. 5.232).

Apica cha dhammā uddhaccakukkuccassa pahānāya saṃvattanti – bahussutā, paripucchakā, vināye pakataññūtā, vuḍḍhasevitā, kalyāṇamittatā, sappāyakathā. Bāhusaccenāpi hi ekaṃ vā dve vā tayo vā cattāro vā pañca vā nikāye pālīvasena ca atthavasena ca uggaṇhantassāpi uddhaccakukkuccaṃ pahīyati. Kappiyākappiyaparipucchābahulassāpi, vināyapaññātiyaṃ ciṇṇavasībhāvatāya pakataññunopi, vuḍḍhe mahallakatthere upasaṅkamantassāpi, upālittherasadise vināyadhare kalyāṇamitte sevantassāpi uddhaccakukkuccaṃ pahīyati; ṭhānanisajjādīsu kappiyākappiyaniṣṣitasappāyakathāyapi pahīyati. Tena vuttaṃ “cha dhammā uddhaccakukkuccassa pahānāya saṃvattanti”ti. Imehi pana chahi dhammehi pahīne uddhaccakukkucce uddhaccassa arahattamaggena kukkuccassa anāgāmimaggena āyatim anuppādo hotīti pajānāti.

Vicikicchāṭṭhānīyesu dhammesu ayonisomanasikārena vicikicchāya uppādo hoti. **Vicikicchāṭṭhānīyā dhammā** nāma punappunaṃ vicikicchāya kāraṇattā vicikicchāva. Tattha ayonisomanasikāraṃ bahulaṃ pavattayato vicikicchā uppajjati. Tenāha bhagavā –

“Atthi, bhikkhave, vicikicchāṭṭhānīyā dhammā. Tattha ayonisomanasikārabahulīkāro – ayamaṇhāro anuppannāya vā vicikicchāya uppādāya, uppannāya vā vicikicchāya bhīyobhāvāya vepullāyā”ti (saṃ. ni. 5.232).

Kusalādīdhammesu yonisomanasikārena panassā pahānaṃ hoti. Tenāha bhagavā –

“Atthi, bhikkhave, kusalākusalā dhammā, sāvajjānavajjā dhammā, hīnappaṇītā dhammā, kaṇhasukkasappaṭibhāgā dhammā. Tattha yonisomanasikārabahulīkāro – ayamaṇhāro anuppannāya vā vicikicchāya uppādāya, uppannāya vā vicikicchāya bhīyobhāvāya, vepullāyā”ti (saṃ. ni. 5.232).

Apica cha dhammā vicikicchāya pahānāya saṃvattanti – bahussutā, paripucchakā, vināye pakataññūtā, adhimokkhabahulatā, kalyāṇamittatā, sappāyakathā. Bāhusaccenāpi hi ekaṃ vā...pe... pañca vā nikāye pālīvasena ca atthavasena ca uggaṇhantassāpi vicikicchā pahīyati. Tīṇi ratanāni ārabba paripucchābahulassāpi, vināye ciṇṇavasībhāvassāpi, tīsu ratanesu okappaniyasaddhāsāṅkhātāadhimokkhabahulassāpi, saddhādhimutte vakkalittherasadise kalyāṇamitte sevantassāpi vicikicchā pahīyati. ṭhānanissajjādīsu tiṇṇaṃ ratanānaṃ guṇaniṣṣitasappāyakathāyapi pahīyati. Tena vuttaṃ “cha dhammā vicikicchāya pahānāya saṃvattanti”ti. Imehi pana chahi dhammehi pahīnāya vicikicchāya sotāpattimaggena āyatim anuppādo hotīti pajānāti.

Nīvaraṇapabbavaṇṇanā.

### Bojjhaṅgapabbavaṇṇanā

Bojjhaṅgapabbe **santanti** paṭilābhavasena vijjamānaṃ. **Asantanti** appaṭilābhavasena avijjamānaṃ. **Yathā ca anuppannassāti**ādīsu pana satisambojjhaṅgassa tāva –

“Atthi, bhikkhave, satisambojjhaṅgaṭṭhānīyā dhammā. Tattha yonisomanasikārabahulīkāro – ayamaṇhāro anuppannassa vā satisambojjhaṅgassa uppādāya, uppannassa vā satisambojjhaṅgassa bhīyobhāvāya vepullāya bhāvanāya pāripūriyā saṃvattati”ti (saṃ. ni. 5.183) – evaṃ uppādo hoti. Tattha satīyeva satisambojjhaṅgaṭṭhānīyā dhammā. Yonisomanasikāro vuttalakkhaṇoyeva. Taṃ tattha bahulaṃ pavattayato satisambojjhaṅgo uppajjati.

Apica cattāro dhammā satisambojjhaṅgassa uppādāya saṃvattanti – satisampajāññaṃ, muṭṭhassatipuggalaparivajjanatā, upaṭṭhitassatipuggalasevanatā, tadadhimuttatā. Abhikkantādīsu hi sattuṃ ṭhānesu satisampajāññena, bhattanikkhattakāsadise muṭṭhassatipuggale parivajjanena, tissadattattheraabhayattherasadise upaṭṭhitassatipuggale sevanena, ṭhānanissajjādīsu satisamuṭṭhāpanatthaṃ ninnapaṇapabbhāracittatāya ca satisambojjhaṅgo uppajjati. Evaṃ catūhi kāraṇehi uppannassa panassa arahattamaggena bhāvanāpāripūri hotīti

pajānāti.

Dhammavicayasambojjhaṅgassa pana –

“Atthi, bhikkhave, kusalākusalā dhammā...pe... kaṇhasukkasappaṭibhāgā dhammā. Tattha yonisomanasikārabahulīkāro – ayamāhāro anuppannassa vā dhammavicayasambojjhaṅgassa uppādāya, uppannassa vā dhammavicayasambojjhaṅgassa bhīyyobhāvāya vepullāya bhāvanāya pāripūriyā saṃvattatī” ti (saṃ. ni. 5.232) –

Evam uppādo hoti.

Apica satta dhammā dhammavicayasambojjhaṅgassa uppādāya saṃvattanti – paripucchakatā, vatthuvisadakiriya, indriyasamattapaṭipādanā, duppaññapuggalaparivajjanā, paññavantapuggalasevanā, gambhīraññācariyapaccavekkhaṇā, tadadhimuttatāti. Tattha **paripucchakatāti** khandhadhātuāyatanaindriyabalabojjhaṅgamaggaṅgajhānasamathavipassanānaṃ atthasannissitaparipucchābahulatā. **Vatthuvisadakiriya**ti ajjhattikabāhirānaṃ vatthūnaṃ visadabhāvakaraṇaṃ. Yadā hissa kesanakhalomāni dīghāni honti, sarīraṃ vā ussannadosaṇceva sedamalamakkhitaṇca, tadā ajjhattikaṃ vatthu avisadaṃ hoti aparisuddhaṃ. Yadā pana cīvaraṃ jiṇṇaṃ kiliṭṭhaṃ duggandhaṃ hoti, senāsaṇaṃ vā uklāpaṃ, tadā bāhiraṃ vatthu avisadaṃ hoti aparisuddhaṃ. Tasmā kesādichedanena uddhaṃvirecanaadhovirecanādīhi sarīrasallahukabhāvakaraṇena, ucchādanahāpanena ca ajjhattikavatthu visadaṃ kātappaṃ. Sūcikkammadhovanarajanaparibhaṅḍakaraṇādīhi bāhiravatthu visadaṃ kātappaṃ. Etasmiñhi ajjhattikabāhiravatthumhi avisade uppannesu cittacetāsikesu ñāṇampi avisadaṃ hoti aparisuddhaṃ; aparisuddhāni dīpakapallakavaṭṭitelāni nissāya uppannadīpasikhāya obhāso viya. Visade pana ajjhattikabāhiravatthumhi uppannesu cittacetāsikesu ñāṇampi visadaṃ hoti parisuddhāni dīpakapallakavaṭṭitelāni nissāya uppannadīpasikhāya obhāso viya. Tena vuttaṃ “vatthuvisadakiriya dhammavicayasambojjhaṅgassa uppādāya saṃvattatī” ti.

**Indriyasamattapaṭipādanā** nāma saddhādīnaṃ indriyānaṃ samabhāvakaraṇaṃ. Sace hissa saddhindriyaṃ balavaṃ hoti, itarāni mandāni, tato vīriyindriyaṃ paggahakiccaṃ, satindriyaṃ upaṭṭhānakiccaṃ, samādhindriyaṃ avikkhepakiccaṃ, paññindriyaṃ dassanakiccaṃ kātuṃ na sakkoti. Tasmā taṃ dhammasabhāvapaccavekkhaṇena vā yathā vā manasikaroto balavaṃ jātaṃ, tathā amanasikārena hāpetappaṃ. Vakkalītheravatthu cettha nidassanaṃ. Sace pana vīriyindriyaṃ balavaṃ hoti, atha neva saddhindriyaṃ adhimokkhakiccaṃ kātuṃ sakkoti, na itarāni itarakiccabhedāṃ. Tasmā taṃ passaddhādibhāvanāya hāpetappaṃ. Tatrāpi soṇattheravatthu dassetappaṃ. Evam sesesupi ekassa balavabhāve sati itaresaṃ attano kicesu asamattatā veditabbā.

Visesato panettha saddhāpaññānaṃ samādhivīriyānaṇca samataṃ pasamsanti. Balavasaddho hi mandapañño muddhappasanno hoti, avatthusmiṃ pasīdati. Balavapañño mandasaddho kerāṭīkapakkhaṃ bhajati, bhesajjasamuṭṭhito viya rogo atekiccho hoti ‘cittuppādamatteneva kusalaṃ hotī’ ti atidhāvītvā dānādīni puññāni akaronto niraye uppajjati. Ubhinnaṃ pana samatāya vatthusmiṃyeva pasīdati. Balavasamādhimṃ pana mandavīriyaṃ, samādhissa kosajjapakkhattā, kosajjaṃ adhibhavati. Balavavīriyaṃ mandasamādhimṃ, vīriyassa uddhaccapakkhattā, uddhaccaṃ adhibhavati. Samādhī pana vīriyena saṃyojito kosajje patituṃ na labhati. Vīriyaṃ samādhinā saṃyojitaṃ uddhacce patituṃ na labhati. Tasmā tadubhayampi samaṃ kātappaṃ. Ubhayasamatāya hi appanā hoti. Apica samādhikammikassa balavatīpi saddhā vaṭṭati. Evam so saddahanto okappento appanaṃ pāpuṇṇissati.

Samādhīpaññāsu pana samādhikammikassa ekaggaṭā balavatī vaṭṭati. Evañhi so appanaṃ pāpuṇṇāti. Vipassanākammikassa paññā balavatī vaṭṭati. Evañhi so lakkhaṇapaṭivedhaṃ pāpuṇṇāti. Ubhinnaṃ pana samatāya appanā hotiyeva. Sati pana sabbattha balavatī vaṭṭati. Sati hi cittaṃ uddhaccapakkhikānaṃ saddhāvīriyapaññānaṃ vasena uddhaccapātato, kosajjapakkhikena ca samādhinā kosajjapātato rakkhati. Tasmā sā, loṇadhūpanaṃ viya sabbabyañjanesu, sabbakammikaamacco viya ca sabbarājakesu, sabbattha icchitabbā. Tenāha “sati ca pana sabbatthikā vuttā bhagavatā. Kiṃ kāraṇā? Cittañhi satipaṭisaraṇaṃ, ārakkhapaccupaṭṭhānā ca sati; na vinā satiyā cittassa paggahaniggaho hotī” ti.

**Duppaññapuggalaparivajjanā** nāma khandhādibhede anogālhapaññānaṃ dummedhapuggalānaṃ ārakā parivajjanaṃ. **Paññavantapuggalasevanā** nāma samapaññāsalakkhaṇapariggāhikāya udayabbayapaññāya samannāgatapuggalasevanā. **Gambhīraññācariyapaccavekkhaṇā** nāma gambhīresu khandhādīsū pavattāya gambhīrapaññāya pabhedapaccavekkhaṇā. **Tadadhimuttatā** nāma ṭhānanisajjādīsū dhammavicayasambojjhaṅgasamuṭṭhāpanatthaṃ ninnapoṇapabbhāracittatā. Evam uppannassa panassa arahattamaggena bhāvanāpāripūri hotīti pajānāti.

Vīriyasambojjhaṅgassa –

“Atthi, bhikkhave, ārambhadhātu nikkamadhātu parakkamadhātu. Tattha yonisomanasikārabahulīkāro – ayamāhāro anuppannassa vā vīriyasambojjhaṅgassa uppādāya, uppannassa vā vīriyasambojjhaṅgassa bhīyyobhāvāya vepullāya bhāvanāya pāripūriyā saṃvattatī” ti (saṃ. ni. 5.232) –

Evam uppādo hoti.

Apica ekādasa dhammā vīriyasambojjhaṅgassa uppādāya saṃvattanti – apāyabhayapaccavekkhaṇatā, ānisaṃsadassāvītā, gamanavīthipaccavekkhaṇatā, piṇḍapātāpacāyanatā, dāyajjamahattapaccavekkhaṇatā, satthumahattapaccavekkhaṇatā, jātimahattapaccavekkhaṇatā, sabrahmacārimahattapaccavekkhaṇatā, kusītapuggalaparivajjanatā, āradhāvīriyapuggalasevanatā, tadadhimuttatāti.

Tattha nirayesu pañcavidhabandhanakammakāraṇato paṭṭhāya mahādukkhaṃ anubhavanakālepi, tiracchānayanīyaṃ jālakkipakumīnādīhi gahitakālepi, pācanakaṇṭhakādippahārāvītunnassa pana sakaṭavahanādīkalepi, pettivisaye anekānīpi vassasahassāni ekaṃ buddhantarampi khuppiṇpāsāhi āturībhūtakālepi, kālakaṇṭhikaasuresu saṭṭhihaththaasīthathappamāṇena aṭṭhicammamatteneva attabhāvena vātātapādidukkhanubhavanakālepi na sakkā vīriyasambojjhaṅgaṃ uppādetuṃ. ‘Ayameva te, bhikkhu, kālo vīriyakaraṇāyā’ ti evaṃ apāyabhayaṃ paccavekkhantassāpi vīriyasambojjhaṅgaṃ uppajjati. ‘Na sakkā kusītena nava lokuttaradhammā laddhuṃ; āradhāvīriyeneva sakkā; ayamānisaṃso vīriyassā’ ti evaṃ ānisaṃsadassāvinopi uppajjati. ‘Sabbabuddhapaccekabuddhamahāsāvakeheva te gatamaggo gantabbo; so ca na sakkā kusītena gantu’nti evaṃ gamanavīthiṃ paccavekkhantassāpi uppajjati. ‘Ye taṃ piṇḍapātādīhi upaṭṭhahanti, ime te manussā neva nītakā, na dāsakammakarā, nāpi taṃ nissāya ‘jīviṣṣāma’ ti te paṇṭīni piṇḍapātādīni denti; atha kho attano kāraṇaṃ mahapphalataṃ paccāsiṃsamānā denti. Satthārāpi ‘ayaṃ ime paccaye paribhuñjivā kāyadaḥhābahulo sukhaṃ viharissatī’ ti na evaṃ sampassatā tuyhaṃ paccayā anuññatā; atha kho ‘ayaṃ ime paribhuñjamāno samaṇadhammaṃ katvā vaṭṭadukkhatō muccissatī’ ti te paccayā anuññatā. So dāni tvaṃ kusīto viharanto na taṃ piṇḍapātaṃ apacāyissasi. Āradhāvīriyasēva hi piṇḍapātāpacāyanaṃ nāma hotī’ ti evaṃ piṇḍapātāpacāyanaṃ paccavekkhantassāpi uppajjati, mahāmittatherassa viya.

Thero kira kassakaleṇe nāma paṭivasatī. Tassa ca gocaragāme ekā mahāupāsikā therāṃ puttāṃ katvā paṭijaggati. Sā ekadivasāṃ araṇṇiṃ gacchantī dhītaraṃ āha – “amma, asukasmīṃ ṭhāne purāṇataṇḍulā, asukasmīṃ khīraṃ, asukasmīṃ sappi, asukasmīṃ phāṇitaṃ. Tava bhātikassa ayyamittassa āgatakāle bhataṃ pacitvā khīrasappiphāṇitehi saddhiṃ dehi, tvaṅca bhuñjeyyāsī’ ti. “Tvaṃ pana kiṃ bhuñjissasi, ammā’ ti? “Ahaṃ pana hiyyo pakkāṃ pāriṇāsikabhataṃ kaṅgiyena bhuttamhī’ ti. “Divā kiṃ bhuñjissasi, ammā’ ti? “Sākapaṇṇaṃ pakkhipitvā kaṇṭaṇḍulehi ambilayāguṃ pacitvā ṭhapehi, ammā’ ti.

Thero cīvaraṃ pārupitvā pattaṃ nīharantova taṃ saddaṃ sutvā attānaṃ ovadi – ‘mahāupāsikā kira kaṅgiyena pāriṇāsikabhataṃ bhuñji; divāpi kaṇṭapaṇṇambilayāguṃ bhuñjissati; tuyhaṃ atthāya pana purāṇataṇḍulādīni ācikkhati. Taṃ nissāya kho panesā neva khettaṃ, na vatthuṃ, na bhattaṃ, na vatthaṃ paccāsīsatī; tisso pana sampattiyo patthayamānā deti. Tvaṃ etissā tā sampattiyo dātuṃ sakkhissasi, na sakkhissasīti? Ayaṃ kho pana piṇḍapāto tayā sarāgena sadosena samohena na sakkā bhuñjitu’nti pattaṃ thavikāya pakkhipitvā gaṇṭhikaṃ muñcitvā nivattitvā kassakaleṇameva gantvā pattaṃ heṭṭhāmañce cīvaraṃ cīvaravaṃse ṭhapatvā ‘arahattaṃ apāpuṇitvā na nikkhamissāmī’ ti vīriyaṃ adhiṭṭhahitvā nisīdi. Dīgharattaṃ appamatto hutvā nivutthabhikkhu vipassanaṃ vaḍḍhetvā purebhataṃ arahattaṃ patvā vīkasaṃānāniva padumaṃ mahākhiṇāsavo sitaṃ karontova nisīdi. Leṇadvāre rukkhamaṃhi adhiṇatthā devatā –

“Namo te purisājañña, namo te purisuttama;  
Yassa te āsavā khīṇā, dakkhiṇeyyosi mārisā” ti.

Udānaṃ udānetvā – ‘bhante, piṇḍāya pavitṭhānaṃ tumhādisānaṃ arahantānaṃ bhikkhaṃ datvā mahallakittiyo dukkhā muccissantī’ ti āha.

Thero utṭhahitvā dvāraṃ vivaritvā kālaṃ olokento ‘pātoyevā’ ti ṇatvā pattaṃcīvaramādāya gāmaṃ pāvīsi. Dārīkāpi bhataṃ sampādetvā ‘idāni me bhātā āgamissati, idāni me bhātā āgamissatīti dvāraṃ vivaritvā olokayamānā nisīdi. Sā, there gharadvāraṃ sampatte, pattaṃ gahetvā sappiphāṇitayojitassa khīrapīṇḍapātassa pūretvā hatthe ṭhapesi. Thero ‘sukhaṃ hotū’ ti anumodanaṃ katvā pakkāmi. Sāpi taṃ olokayamānā aṭṭhāsī.

Therassa hi tadā ativiya parisuddho chavivaṇṇo ahosi, vipassannāni indriyāni, mukhaṃ bandhanā

muttātālapakkaṃ viya ativiya virocittha. Mahāupāsikā araṇṇā āgantvā – “kiṃ, amma, bhātiko te āgato”ti pucchi. Sā sabbaṃ taṃ pavattiṃ ārocesi. Upāsikā ‘ajja me puttassa pabbajitakiccaṃ matthakaṃ patta’nti ñatvā “abhiramati te, amma, bhātā buddhasāsane, na ukkaṇṭhatī”ti āha.

Mahantaṃ kho panetaṃ satthu dāyajjaṃ yadidaṃ satta ariyadhanāni nāma. Taṃ na sakkā kusītena gahetuṃ. Yathā hi vipaṭṭipannaṃ puttaṃ mātāpitaro ‘ayaṃ amhākaṃ aputto’ti paribāhiraṃ karonti; so tesam accayena dāyajjaṃ na labhati; evaṃ kusītopi idaṃ ariyadhanadāyajjaṃ na labhati, āradhaviyova labhatīti **dāyajjamahattaṃ** paccavekkhatopi uppajjati. ‘Mahā kho pana te satthā. Satthuno hi te mātukucchismiṃ paṭisandhigaṇhanakālepi abhinikkhamanepi abhisambodhiyampi dhammacakkapavattanayamakapāṭihāriyadevorohanaāyusaṅkhāravossajjanesupi parinibbānakālepi dasasahasilokadhātu kampittha. Yuttaṃ nu te evarūpassa satthuno sāsane pabbajivā kusītena bhavitu’nti evaṃ **sattumahattaṃ** paccavekkhatopi uppajjati.

‘Jātiyāpi tvaṃ idāni na lāmakajātikosi; asambhinnāya mahāsammatapaveṇiyā āgate okkākarājavamse jāto; sirisuddhodanamahārājassa ca mahāmāyādeviyā ca nattā; rāhulabhaddassa kaniṭṭho. Tayā nāma evarūpena jinaputtena hutvā na yuttaṃ kusītena viharitu’nti evaṃ **jātimahattaṃ** paccavekkhatopi uppajjati. ‘Sāriputtamoggallānā ceva asītimahāsāvaka ca vīriyeneva lokuttaradhammaṃ paṭivijjhīmsu. Tvaṃ etesaṃ sabrahmacārīnaṃ maggaṃ paṭipajjasi, nappaṭipajjasī’ti evaṃ **sabrahmacārimahattaṃ** paccavekkhatopi uppajjati.

Kucchiṃ pūretvā ṭhitaajagarasadiṣe viṣaṭṭhakāyikacetasi kavīriye kusītapuggale parivajjentassāpi āradhaviyeva pahitatte puggale sevantassāpi ṭhānanisajjādīsu viriyuppādanatthaṃ ninnapoṇapabbhāracittassāpi uppajjati. Evaṃ uppannaṣa panassa arahattamaggena bhāvanāpāripūri hotīti pajānāti.

Pītisambojjhaṅgassa –

“Atthi, bhikkhave, pītisambojjhaṅgaṭṭhānīyā dhammā. Tattha yonisomanasikārabahulīkāro – ayamāhāro anuppannaṣa vā pītisambojjhaṅgassa uppādāya, uppannaṣa vā pītisambojjhaṅgassa bhīyyobhāvāya vepullāya bhāvanāya pāripūriyā saṃvattatī”ti (saṃ. ni. 5.232) –

Evaṃ uppādo hoti. Tattha pītiyeva pītisambojjhaṅgaṭṭhānīyā dhammā nāma. Tassā uppādakamanasikāro yonisomanasikāro nāma.

Apica ekādasa dhammā pītisambojjhaṅgassa uppādāya saṃvattanti – buddhānussati, dhammasaṅghasīlacāgadevatānussati, upasamānussati, lūkhapuggalaparivajjanatā, siniddhapuggalasevanatā, pasādanīyasuttantapaccavekkhanatā, tadadhimuttatīti.

Buddhaguṇe anussarantassāpi hi yāva upacārā sakalasarāma pharamāno pītisambojjhaṅgo uppajjati; dhammasaṅghaguṇe anussarantassāpi, dīgharattaṃ akkhaṇḍaṃ katvā rakkhitaṃ catupārisuddhisīlaṃ paccavekkhantassāpi, gihino dasasīlaṃ pañcasīlaṃ paccavekkhantassāpi, dubbhikkhabhayādīsu paṇītaṃ bhojanaṃ sabrahmacārīnaṃ datvā ‘evaṃ nāma adamhā’ti cāgaṃ paccavekkhantassāpi, gihinopi evarūpe kāle sīlavantānaṃ dinnadānaṃ paccavekkhantassāpi, yehi guṇehi samannāgatā devatā devattaṃ pattā tathārūpanaṃ guṇānaṃ attani atthitaṃ paccavekkhantassāpi, samāpattiyā vikkhambhite kilese satṭhipi sattatipi vassāni na samudācarantīti paccavekkhantassāpi, cetiyadassanabodhidassanatheradassanesu asakkaccakiriyāya saṃsūcitalūkhabhāve buddhādīsu pasādasinehābhāvena gadrabhapiṭṭhe rajasadiṣe lūkhapuggale parivajjentassāpi, buddhādīsu pasādabahule muducitte siniddhapuggale sevantassāpi, ratanattayaguṇaparidīpake pasādanīyasuttante paccavekkhantassāpi, ṭhānanisajjādīsu pītiuppādanatthaṃ ninnapoṇapabbhāracittassāpi uppajjati. Evaṃ uppannaṣa panassa arahattamaggena bhāvanāpāripūri hotīti pajānāti.

Passaddhisambojjhaṅgassa –

“Atthi, bhikkhave, kāyapassaddhi cittapassaddhi. Tattha yonisomanasikārabahulīkāro – ayamāhāro anuppannaṣa vā passaddhisambojjhaṅgassa uppādāya, uppannaṣa vā passaddhisambojjhaṅgassa bhīyyobhāvāya vepullāya bhāvanāya pāripūriyā saṃvattatī”ti (saṃ. ni. 5.232) –

Evaṃ uppādo hoti. Apica satta dhammā passaddhisambojjhaṅgassa uppādāya saṃvattanti – paṇītabhojanasevanatā, utusukhasevanatā, iriyāpathasukhasevanatā, majjhataṭṭhapayogatā, sāraddhakāyapuggalaparivajjanatā, passaddhikāyapuggalasevanatā, tadadhimuttatīti. Paṇītañhi siniddhaṃ sappāyabhojanaṃ bhuñjantassāpi, sītuṇhesu utusu ṭhānādīsu ca iriyāpathesu sappāyaṃ utuñca iriyāpathaṅga

sevantassāpi passaddhi uppajjati. Yo pana mahāpurisajātiko sabbauturiyāpathakkhamova hoti, na taṃ sandhāyetam vuttam. Yassa sabhāgavisabhāgatā atthi, tasseva visabhāge uturiyāpathe vajjetvā sabhāge sevantassāpi uppajjati. Majjhataṭṭapayogo vuccati attano ca parassa ca kammassakatapaccavekkhaṇā; iminā majjhataṭṭapayogena uppajjati. Yo leḍḍudaṇḍādīhi paraṃ viheṭṭhayamānova vicarati, evarūpaṃ sāraddhakāyaṃ puggalaṃ parivajjentassāpi, saṃyatapādapaṇiṃ passaddhakāyaṃ puggalaṃ sevantassāpi, ṭhānanisajjādīsu passaddhiuppādanatthāya ninnapoṇapabbhāracittassāpi uppajjati. Evaṃ uppannassa panassa arahattamaggena bhāvanāpāripūri hotīti pajānāti.

Samādhisambojjhaṅgassa –

“Atthi, bhikkhave, samathanimittam abyaggaṇimittam. Tattha yonisomanasikārabahulīkāro – ayamāhāro anuppannassa vā samādhisambojjhaṅgassa uppādāya, uppannassa vā samādhisambojjhaṅgassa bhīyyobhāvāya vepullāya bhāvanāya pāripūriyā saṃvattatī”ti (saṃ. ni. 5.232) –

Evaṃ uppādo hoti. Tattha samathova samathanimittam, avikkhepaṭṭhena ca abyaggaṇimittanti.

Apica ekādasa dhammā samādhisambojjhaṅgassa uppādāya saṃvattanti – vatthuisadakiriyaṭṭā, indriyasamattapaṭipādanatā, nimittakusalatā, samaye cittassa paggaṇhanatā, samaye cittassa niggahaṇanatā, samaye sampahaṃsanatā, samaye ajjupekkhanatā, asamāhitapuggalaparivajjanatā, samāhitapuggalasevanatā, jhānavimokkhapaccavekkhanatā, tadadhimuttatāti. Tattha **vatthuisadakiriyaṭṭā** ca **indriyasamattapaṭipādanatā** ca vuttanayeneva veditabbā.

**Nimittakusalatā** nāma kasiṇanimittassa uggahaṇakusalatā. **Samaye cittassa paggaṇhanatā**ti yasmim samaye atisithilavīriyatādīhi līnam cittam hoti, tasmim samaye dhammavicaya vīriyapītisambojjhaṅgasamuṭṭhāpanena tassa paggaṇhanam. **Samaye cittassa niggahaṇanatā**ti yasmim samaye accāraddhavīriyatādīhi uddhaṭam cittam hoti, tasmim samaye passaddhisamādhipekkhāsambojjhaṅgasamuṭṭhāpanena tassa niggahaṇanam. **Samaye sampahaṃsanatā**ti yasmim samaye cittam paññāpayogamandatāya vā upasamasukhānadhigamena vā nirassādam hoti, tasmim samaye aṭṭhasaṃvegavatthupaccavekkhaṇena saṃvejeti. **Aṭṭha saṃvegavatthūni** nāma jātiarābyādhimaraṇāni cattāri, apāyadukkham pañcamam, atīte vaṭṭamūlakam dukkham, anāgate vaṭṭamūlakam dukkham, paccuppane āhārapariyeṭṭhimūlakam dukkham. Ratanattayaguṇānussaraṇena ca pasādam janeti. Ayam vuccati samaye sampahaṃsanatāti.

**Samaye ajjupekkhanatā** nāma yasmim samaye sammāpaṭipattiṃ āgamma alīnam anuddhaṭam anirassādam ārammaṇe samappavattam samathavīthipaṭipannaṃ cittam hoti, tadāyam paggaṇaniggahasampahaṃsanesu na byāpāram āpajjati sārathī viya samappavattesu assesu. Ayam vuccati samaye ajjupekkhanatāti. **Asamāhitapuggalaparivajjanatā** nāma upacāram vā appanam vā appattānam vikkhittacittānam puggalaṇam ārakā parivajjanam. **Samāhitapuggalasevanatā** nāma upacārena vā appanāya vā samāhitacittānam sevā bhajānā payirupāsānā. **Tadadhimuttatā** nāma ṭhānanisajjādīsu samādhīuppādanatthānyeva ninnapoṇapabbhāracittatā. Evañhi paṭipajjato esa uppajjati. Evaṃ uppannassa panassa arahattamaggena bhāvanāpāripūri hotīti pajānāti.

Upekkhāsambojjhaṅgassa –

“Atthi, bhikkhave, upekkhāsambojjhaṅgaṭṭhānīyā dhammā. Tattha yonisomanasikārabahulīkāro – ayamāhāro anuppannassa vā upekkhāsambojjhaṅgassa uppādāya, uppannassa vā upekkhāsambojjhaṅgassa bhīyyobhāvāya vepullāya bhāvanāya pāripūriyā saṃvattatī”ti (saṃ. ni. 5.232) –

Evaṃ uppādo hoti. Tattha upekkhāva upekkhāsambojjhaṅgaṭṭhānīyā dhammā nāma. Apica pañca dhammā upekkhāsambojjhaṅgassa uppādāya saṃvattanti – sattamajjhataṭṭā, saṅkhāramajjhataṭṭā, sattaṅkhārelāyanapuggalaparivajjanatā, sattaṅkhāramajjhataṭṭapuggalasevanatā, tadadhimuttatāti.

Tattha dvīhākārehi **sattamajjhataṭṭam** samuṭṭhāpeti – ‘tvam attano kammena āgantvā attanova kammena gamissasi. Esopi attano kammena āgantvā attanova kammena gamissati. Tvam kam kelāyasī’ti evam kammassakatapaccavekkhaṇena ca ‘paramatthato sattoyeva natthi. So tvam kam kelāyasī’ti evam nissattapaccavekkhaṇena ca. Dvīhevākārehi **saṅkhāramajjhataṭṭam** samuṭṭhāpeti – ‘idaṃ cīvaram anupubbena vaṇṇavikāraṇeva jīṇṇabhāvaṇca upagantvā pādapuñchanacoḷakam hutvā yaṭṭhikoṭiyā chaḍḍaniyam bhavissati. Sace panassa sāmiko bhavyaya, nāssa evam vinassitum dadeyyā’ti evam assāmikabhāvapaccavekkhaṇena ca. ‘Anaddhaniyam idaṃ tāvakālika’nti evam tāvakālikabhāvapaccavekkhaṇena ca. Yathā ca cīvare, evam pattādīsupi yojanā kātabbā.



**Sattasaṅkhārakelāyanapuggalaparivajjanatāti** ettha yo puggalo gihī vā attano puttadhītādike, pabbajito vā attano antevāsikasamānupajjhāyakādike mamāyati, sahattheneva nesam kesacchedanasūcikammacīvaradhovanarajanapattapacanādīni karoti, muhuttampi apassanto ‘asuko sāmaṇero kuhiṃ? Asuko daharo kuhi’nti? Bhantamigo viya ito cito ca āloketi; aññena kesacchedanādīnaṃ atthāya ‘muhuttaṃ tāva asukaṃ pesethā’ti yāciyamānopi ‘amhepi taṃ attano kammaṃ na kārema, tumhe naṃ gahetvā kilamessathā’ti na deti – ayaṃ **sattakelāyano** nāma.

Yo pana cīvarapattathālakakattarayaṭṭhiādīni mamāyati, aññassa hatthena parāmasitumpi na deti, tāvakālikam yācitopi ‘mayampi imaṃ mamāyantā na paribhuñjāma, tumhākaṃ kiṃ dassamā’ti vadati – ayaṃ **saṅkhārakelāyano** nāma. Yo pana tesu dvīsupi vatthūsu majjhato udāsīno – ayaṃ **sattasaṅkhāramajjhato** nāma. Iti ayaṃ upekkhāsambojjhaṅgo evarūpe sattasaṅkhārakelāyanapuggale ārakā parivajjentassāpi, sattasaṅkhāramajjhattapuggale sevantassāpi, ṭhānanisajjādīsu taduppādanatthaṃ ninnapoṇapabbhāracittassāpi uppajjati. Evaṃ uppannaṃ panassa arahattamaggena bhāvanāpāripūri hotīti pajānāti. Sesam sabbattha uttānatthamevāti.

Bojjhaṅgapabbavaṇṇanā.

Imesupi dvīsū pabbesu suddhavipassanāya kathitā. Iti ime cattāro satipaṭṭhānā pubbabhāge nānācittesu labbhanti. Aññeneva hi cittena kāyaṃ pariggaṇhāti, aññena vedanaṃ, aññena cittaṃ, aññena dhamme pariggaṇhāti; lokuttaramaggakkhaṇe pana ekacittēva labbhanti. Ādito hi kāyaṃ pariggaṇhitvā āgatassa vipassanāsampayuttā sati **kāyānupassanā** nāma. Tāya satiyā samannāgato puggalo **kāyānupassī** nāma. Vipassanaṃ ussukkāpetvā ariyamaggaṃ pattassa maggakkhaṇe maggasampayuttā sati kāyānupassanā nāma. Tāya satiyā samannāgato puggalo kāyānupassī nāma. Vedanaṃ pariggaṇhitvā.... Cittaṃ pariggaṇhitvā.... Dhamme pariggaṇhitvā āgatassa vipassanāsampayuttā sati **dhammānupassanā** nāma. Tāya satiyā samannāgato puggalo **dhammānupassī** nāma. Vipassanaṃ ussukkāpetvā ariyamaggaṃ pattassa maggakkhaṇe maggasampayuttā sati dhammānupassanā nāma. Tāya satiyā samannāgato puggalo dhammānupassī nāma. Evaṃ tāva desanā puggale tiṭṭhati. Kāye pana ‘subha’nti vipallāsappahānā kāyapariggāhikā sati maggena samijjhatīti kāyānupassanā nāma. Vedanāya ‘sukha’nti vipallāsappahānā vedanāpariggāhikā sati maggena samijjhatīti vedanānupassanā nāma. Citte ‘nicca’nti vipallāsappahānā cittapariggāhikā sati maggena samijjhatīti cittānupassanā nāma. Dhammesu ‘attā’nti vipallāsappahānā dhammapariggāhikā sati maggena samijjhatīti dhammānupassanā nāma. Iti ekāva maggasampayuttā sati catukkasādhanatṭhena cattāri nāmāni labhati. Tena vuttaṃ – ‘lokuttaramaggakkhaṇe pana ekacittēva labbhanti’ti.

Suttantabhājanīyavaṇṇanā.

## 2. Abhidhammabhājanīyavaṇṇanā

**374.** Abhidhammabhājanīye lokuttarasatipaṭṭhānavasena desanāya āradhattā yathā kāyādiārammaṇesu lokiyasatipaṭṭhānesu tanti ṭhapitā, evaṃ aṭṭhapetvā sabbānīpi kāyānupassādīni satipaṭṭhānāni dhammasaṅgaṇīyaṃ (dha. sa. 355 ādayo) vibhattassa desanāyassa mukhamattameva dassentena niddiṭṭhāni.

Tattha nayabhedo veditabbo. Kathaṃ? Kāyānupassanāya tāva sotāpattimagge jhānābhīnivese suddhikapaṭipadā, suddhikasūññatā, suññatapaṭipadā, suddhikaappaṇihitaṃ, appaṇihitapaṭipadāti imesu pañcasu ṭhānesu dvīnaṃ dvīnaṃ catukkapañcakanāyānaṃ vasena dasa nayā honti. Evaṃ sesesupīti vīsatiyā abhinivesesu dve nayasatāni. Tāni catūhi adhipatīhi catuguṇitāni aṭṭha. Iti suddhikāni dve sādhipatīni aṭṭhāti sabbampi nayasahassaṃ hoti. Tathā vedanānupassanādīsu suddhikasatipaṭṭhāne cāti sotāpattimagge pañca nayasahassāni. Yathā ca sotāpattimagge, evaṃ sesamaggesupīti kusale vīsati nayasahassāni; suññatapaṇihitānimittādibhedesu pana tato tiguṇe vipāke saṭṭhi nayasahassānti. Evameva sakiccasādhakānañceva saṃsiddhikakiccānañca kusalavipākasatipaṭṭhānānaṃ niddesavasena duvidho kāyānupassanādivasena ca suddhikavasena ca kusale pañcannaṃ vipāke pañcannanti dasannaṃ niddesavārānaṃ vasena dasappabhedo asītinayasahassapatimaṇḍito abhidhammabhājanīyaniddeso.

## 3. Pañhāpucchakavaṇṇanā

**386.** Pañhāpucchake pālianusārenea satipaṭṭhānānaṃ kusalādibhāvo veditabbo. Ārammaṇattikesu pana sabbānīpi etāni appamāṇaṃ nibbānaṃ ārabha pavattanato appamāṇārammaṇāneva, na maggārammaṇāni; sahaṅgāhetuvasena pana maggaṇhetukāni; vīriyaṃ vā vīmaṃsaṃ vā jeṭṭhakaṃ katvā maggabhāvanākāle maggādhipatīni; chandacittajeṭṭhakāya maggabhāvanāya navattabbāni maggādhipatīni phalakālepi navattabbāneva; atītādīsu ekārammaṇabhāvenapi navattabbāni; nibbānassa pana bahiddhādharmattā bahiddhārammaṇāni nāma hontīti. Evametasmīṃ pañhāpucchake nibbattitalokuttarāneva satipaṭṭhānāni kathitāni. Sammāsambuddhena hi suttantabhājanīyasmiṃyeva lokiyalokuttaramissakā satipaṭṭhānā kathitā; abhidhammabhājanīyapañhāpucchakesu pana

lokuttarāyevāti. Evamayaṃ satipaṭṭhānavibhaṅgopi te parivaṭṭaṃ nīharitvā bhājetvā dassitoti.

Sammohavinodaniyā vibhaṅgaṭṭhakathāya

Satipaṭṭhānavibhaṅgavaṇṇanā niṭṭhitā.

## 8. Sammappadhānavibhaṅgo

### 1. Suttantabhājanīyavaṇṇanā

390. Idāni tadanantare sammappadhānavibhaṅge **cattāro**ti gaṇanaparicchedo. Tena na tato heṭṭhā na uddhanti sammappadhānaparicchedaṃ dīpeti. **Sammappadhānā**ti kāraṇappadhānā upāyappadhānā yonisopadhānā. **Idha bhikkhū**ti imasmiṃ sāsane paṭipannaṃ bhikkhu. **Anuppannā**nti anibbattānaṃ. **Pāpakā**nti lāmakānaṃ. **Akusalānaṃ dhammā**nti akosallasambhūtānaṃ dhammānaṃ. **Anuppādā**yāti na uppādanatthāya. **Chandaṃ janetī**ti kattukamyatāsankhātāṃ kusalacchandaṃ janeti uppādeti. **Vāyama**tīti payogaṃ parakkamaṃ karoti. **Vīriyaṃ ārabha**tīti kāyikacetasiṃ vīriyaṃ karoti. **Cittaṃ paggaṇhā**tīti teneva sahaṅgāyāyāna cittaṃ ukkhipati. **Padaha**tīti padhānavīriyaṃ karoti. Paṭipāṭiyā panetāni cattāripi padāni āsevanābhāvanābahulīkammaśācchakiriyāhi yojetabbāni.

**Uppannānaṃ pāpakā**nti anuppannanti avattabbaṃ āpannānaṃ pāpadhammānaṃ. **Pahānā**yāti pajānanatthāya. **Anuppannānaṃ kusalānaṃ dhammā**nti anibbattānaṃ kosallasambhūtānaṃ dhammānaṃ. **Uppādā**yāti uppādanatthāya. **Uppannā**nti nibbattānaṃ. **Ṭhiti**yāti ṭhitatthāya. **Asamma**sāyāti anassanatthāya. **Bhīyyobhāvā**yāti punappunaṃ bhāvāya. **Vepullā**yāti vipulabhāvāya. **Bhāvanā**yāti vaḍḍhiyā. **Pāri**pūriyāti paripūraṇatthāya. Ayaṃ tāva catunnaṃ sammappadhānaṃ uddeśavārasena ekapaḍāko atthuddhāro.

391. Idāni paṭipāṭiyā tāni padāni bhājetvā dassetuṃ **kathaṅca bhikkhu anuppannā**ntiādinā nayena niddesavāro āradhā. Tattha yaṃ heṭṭhā dhammasaṅgāhe āgatasadisāṃ, taṃ tassa vaṇṇāyāya vuttanāyena veditaṃ. Yaṃ pana tasmiṃ anāgataṃ, tattha chandaniddese tāva **yo chando**ti yo chandanīyavasena chando. **Chandika**tāti chandikabhāvo, chandakaraṇākāro vā. **Kattukamyatā**ti kattukāmatā. **Kusaloti** cheko. **Dhammacchando**ti sabhāvacchando. Ayaṃhi chando nāma taṇhāchando, diṭṭhichando, vīriyachando, dhammacchandoti bahuvīdho nānappaḍāko. Tesu dhammacchandoti imasmiṃ ṭhāne kattukamyatākusaladhammacchando adhippeto.

**Imaṃ chandaṃ janetī**ti chandaṃ kurumānāna chandaṃ janeti nāma. **Sañjanetī**ti upasaggena padaṃ vaḍḍhitāṃ. **Uṭṭhapetī**ti chandaṃ kurumānāna taṃ uṭṭhapeti nāma. **Samuṭṭhapetī**ti upasaggena padaṃ vaḍḍhitāṃ. **Nibbattetī**ti chandaṃ kurumānāna taṃ nibbatteti nāma. **Abhinibbattetī**ti upasaggena padaṃ vaḍḍhitāṃ. Apica chandaṃ karontova chandaṃ **janeti** nāma. Tameva satataṃ karonto **sañjaneti** nāma. Kenacideva antarāyena patitaṃ puna ukkhipanto **uṭṭhapeti** nāma. Pabandhaṭṭhitāṃ pāpento **samuṭṭhapeti** nāma. Taṃ pākaṭaṃ karonto **nibbatteti** nāma. Anosakkantāya alīnavuttitāya anolīnavuttitāya abhimukhabhāvena nibbattento **abhinibbatteti** nāma.

394. Vīriyaniddese vīriyaṃ karontova vīriyaṃ **ārabhati** nāma. Dutiyapadaṃ upasaggena vaḍḍhitāṃ. Vīriyaṃ karontoyeva ca **āsevatī bhāvetī** nāma. Punappunaṃ karonto **vahulīkaroti**. Āditova karonto **ārabhati**. Punappunaṃ karonto **samārabhati**. Bhāvanāvasena bhajanto **āsevatī**. Vaḍḍhento **bhāvetī**. Sabbakiccesu tadeva bahulīkaronto **bahulīkaroti**ti veditaṃ.

395. Cittapaggahaniddese vīriyapaggahena yovento cittaṃ **paggaṇhā**ti, ukkhipatīti attho. Punappunaṃ paggaṇhanto **sampaggaṇhā**ti. Evaṃ sampaggaṇhitaṃ yathā na patati tathā naṃ vīriyupatthambhena upatthambhento **upatthambheti**. Upatthambhitampi thirabhāvattāya punappunaṃ upatthambhento **paccupatthambheti** nāma.

406. **Ṭhiti**yātipadassa niddese sabbesampi asammosādīnaṃ ṭhitivevacanabhāvaṃ dassetuṃ **yā ṭhiti so asammosoti**ādi vuttaṃ. Ettha hi heṭṭhimāṃ heṭṭhimāṃ padaṃ uparimassa uparimassa padassa attho, uparimaṃ uparimaṃ padaṃ heṭṭhimassa heṭṭhimassa atthotipi vattaṃ vaṭṭati. Sesāṃ sabbattha uttānatthamevāti. Ayaṃ tāva pāḷivaṇṇanā.

Ayaṃ panettha vinicchayakathā. Ayaṃhi sammappadhānakathā nāma duvidhā – lokiyā lokuttarā ca. Tattha lokiyā sabbapubbabhāge hoti. Sā kassapasāmyuttapariyāyena lokiyamaggakkhaṇe veditaṃ. Vuttaṃhi tattha –

“Cattāro me, āvuso, sammappadhānā. Katame cattāro?”

Idhāvuso, bhikkhu ‘anuppannā me pāpakā akusalā dhammā uppajjamānā anathāya saṃvatteyyu’nti ātappaṃ karoti; ‘uppannā me pāpakā akusalā dhammā appahīyamānā anathāya saṃvatteyyu’nti ātappaṃ karoti; ‘anuppannā me kusalā dhammā anuppajjamānā anathāya saṃvatteyyu’nti ātappaṃ karoti. ‘Uppannā me kusalā dhammā nirujjhamānā anathāya saṃvatteyyu’nti ātappaṃ karoti’ (saṃ. ni. 2.145).

Ettha ca ‘**anuppannā me kusalā dhammā**’ti samathavipassanā ceva maggo ca. **Uppannā kusalā** nāma samathavipassanāva. Maggo pana sakim̃ uppajjivā nirujjhamāno anathāya saṃvattanako nāma natthi. So hi phalassa paccayaṃ datvāva nirujjhati. Purimasmim̃ vā samathavipassanāva gahetabbāti vuttaṃ, taṃ pana na yuttaṃ.

Tattha “uppannā samathavipassanā nirujjhamānā anathāya saṃvattantī”ti atthassa āvibhāvattaṃ idam̃ vatthu – eko kira khīṇāsavatto ‘mahācetiyañca mahābodhiñca vandissāmī’ti samāpattilābhinaṃ bhaṇḍagāhakaśāmaṇerena saddhim̃ janapadato mahāvihāraṃ āgantvā vihārapariveṇaṃ pāvisi; sāyanhasamaye mahābhikkhusaṅge cetiyaṃ vandamāne cetiyaṃ vandanathāya na nikkhami. Kasmā? Khīṇāsavānañhi tīsu ratanesu mahantaṃ gāraṃ hoti. Tasmā bhikkhusaṅge vanditvā paṭikkante manussānaṃ sāyamāsabhuttavelāya śāmaṇerampi ajānāpetvā ‘cetiyaṃ vandissāmī’ti ekakova nikkhami. Śāmaṇero ‘kiṃ nu kho thero avelāya ekakova gacchati, jānissāmī’ti upajjhāyassa padānupadikova nikkhami. Thero anāvajjanena tassa āgamaṇaṃ ajānanto dakkhiṇadvārena mahācetiyaṅgaṇaṃ āruḷho. Śāmaṇeropi anupadaṃyeva āruḷho.

Mahāthero mahācetiyaṃ ulloketvā buddhārammaṇaṃ pītiṃ gahetvā sabbaṃ cetaso samannāharitvā haṭṭhapahaṭṭho mahācetiyaṃ vandati. Śāmaṇero therassa vandanākāraṃ disvā ‘upajjhāyo me ativiya pasannacitto vandati; kiṃ nu kho pupphāni labhitvā pūjaṃ kareyyā’ti cintesi. There vanditvā utṭhāya sirasi añjaliṃ ṭhapetvā mahācetiyaṃ ulloketvā ṭhite śāmaṇero ukkāsitvā attano āgatabhāvaṃ jānāpesi. Thero parivattetvā olokeno “kadā āgatosī”ti pucchi. “Tumhākaṃ cetiyaṃ vandanakāle, bhante; ativiya pasannā cetiyaṃ vandittha; kinnu kho pupphāni labhitvā pūjeyyāthā”ti? “Āma, śāmaṇera, imasmim̃ cetiye viya aññatra ettakaṃ dhātunidhānaṃ nāma natthi. Evarūpaṃ asadisam̃ mahāthūpaṃ pupphāni labhitvā ko na pūjeyyā”ti? “Tena hi, bhante, adhivāsetha, āharissāmī”ti tāvadeva jhānaṃ samāpajjivā iddhiyā himavantaṃ gantvā vaṇṇagandhasampannāni pupphāni gahetvā parissāvanaṃ pūretvā mahāthere dakkhiṇamukhato pacchimamukhe asampatteyeva āgantvā pupphaparissāvanaṃ hatthe ṭhapetvā “pūjetha bhante”ti āha. Thero “atimandāni no, śāmaṇera, pupphāni”ti āha. “Gacchatha, bhante, bhagavato guṇe āvajjtvā pūjethā”ti.

Thero pacchimamukhanissitena sopānena āruya kucchivedikābhūmiyaṃ pupphapūjaṃ kātuṃ āradhho. Veditkābhūmi paripuṇṇā; pupphāni pativā dutiyabhūmiyaṃ jaṇṇupamāṇena odhinā pūrayimsu. Tato otarivā pādapiṭṭhikapantiṃ pūjesi; sāpi paripūri; paripuṇṇabhāvaṃ ṇatvā heṭṭhimatale vikiranto agamāsi; sabbaṃ cetiyaṅgaṇaṃ paripūri; tasmim̃ paripuṇṇe “śāmaṇera, pupphāni na khīyanti”ti āha. “Parissāvanaṃ, bhante, adhomukhaṃ karothā”ti. Adhomukhaṃ katvā cālesi. Tadā pupphāni khīṇāni. Thero parissāvanaṃ śāmaṇerassa datvā saddhim̃ hatthipākārena cetiyaṃ tikkhattuṃ padakkhiṇaṃ katvā catūsu ṭhānesu vanditvā pariveṇaṃ gacchanto cintesi – ‘yāva mahiddhiko vatāyaṃ śāmaṇero; sakkhissati nu kho imaṃ iddhānubhāvaṃ rakkhitunti? Tato ‘na sakkhissati’ti disvā śāmaṇeraṃ āha – “śāmaṇera, tvaṃ idāni mahiddhiko; evarūpaṃ pana iddhiṃ nāsetvā pacchimakāle kāṇapesakāriyā hatthena madditaṃkañjiyaṃ pivissasī”ti. Daharakabhāvassa nāmesa doso yaṃ so upajjhāyassa kathāya saṃvejetvā ‘kammaṭṭhānaṃ me, bhante, ācikkhathā’ti na yāci; ‘amhākaṃ upajjhāyo kiṃ vadati’ti taṃ pana asuṇanto viya agamāsi.

Thero mahācetiyañca mahābodhiñca vanditvā śāmaṇeraṃ pattacīvaraṃ gāhāpetvā anupubbena kuṭeḷitissamahāvihāraṃ agamāsi. Śāmaṇero upajjhāyassa padānupadiko hutvā bhikkhācāraṃ na gacchati. “Kataraṃ gāmaṃ pavisatha, bhante”ti pucchitvā pana ‘idāni me upajjhāyo gāmadvāraṃ sampatto bhavissati’ti ṇatvā attano ca upajjhāyassa ca pattacīvaraṃ gahetvā ākāsenāgantvā therassa pattacīvaraṃ datvā piṇḍāya pavisati. Thero sabbakālaṃ ovadati – “śāmaṇera, mā evamakāsi; puthujjaniddhi nāma calā anibaddhā; asappāyaṃ rūpādīraṃmaṇaṃ labhitvā appamattakeneva bhijjati; santāya samāpattiyā parihīnā brahmacariyavāse santhambhituṃ na sakkonti”ti. Śāmaṇero ‘kiṃ katheti mayhaṃ upajjhāyo’ti sotuṃ na icchati, tatheva karoti. Thero anupubbena cetiyavandanaṃ karonto kammupendavihāraṃ nāma gato. Tattha vasantepi there śāmaṇero tatheva karoti.

Athekadivasam̃ ekā pesakāradhītā abhirūpā paṭhamavaye ṭhitā kammupendagāmato nikkhamitvā padumassaraṃ oruya gāyamānā pupphāni bhañjati. Tasmim̃ samaye śāmaṇero padumassaramatthakena gacchati gacchanto pana, sakkaralāsikāya kāṇamakkhikā viya, tassā gītasadde bajji; tāvadeva iddhi antarahitā, chinnaṃpakko kāko viya ahosi. Santasamāpattibalena pana tatheva udakapiṭṭhe apatitvā simbalitūlaṃ viya patamānaṃ anupubbena padumassaratīre aṭṭhāsī. So vegena gantvā upajjhāyassa pattacīvaraṃ datvā nivatti. Mahāthero ‘pagevetaṃ mayā diṭṭhaṃ, nivāriyamānopi na nivattissati’ti kiñci avatvā piṇḍāya pāvisi.

Sāmaṇero gantvā padumassaratiṛe aṭṭhāsi tassā paccuttaraṇaṃ āgamayamāno. Sāpi sāmaṇeraṃ ākāseṇa gacchantaṇca punāgantvā ṭhitaṇca disvā ‘addhā esa maṃ nissāya ukkaṇṭhito’ti ṇiatvā ‘paṭikkama sāmaṇerā’ti āha. Sopi paṭipakkami. Itarā paccuttarivā sāṭakaṃ nivāsetvā taṃ upasaṅkamitvā ‘kiṃ, bhante’ti pucchi. So tamatthaṃ ārocesi. Sā bahūhi kāraṇehi gharāvāse ādīnavaṃ brahmacariyavāse ānisaṃsaṇca dassetvā ovadamānāpi tassa ukkaṇṭhaṃ vinodetum asakkantī ‘ayaṃ mama kāraṇā evarūpāya iddhiyā parihīno; na dāni yuttaṃ pariccajitu’nti. ‘Idheva tiṭṭhā’ti vatvā gharaṃ gantvā mātāpitūnaṃ taṃ pavattim ārocesi. Tepi āgantvā nānappakāraṃ ovadamānā vacanaṃ aggaṇhantaṃ āhaṃsu – ‘tvam amhe uccākulāti mā sallakkhesi. Mayaṃ pesakārā. Sakkhissasi pesakārakammaṃ kātu’nti? Sāmaṇero āha – ‘upāsaka, gihībūto nāma pesakārakammaṃ vā kareyya naṭakārakammaṃ vā, kiṃ iminā, mā sāṭakamatte lobhaṃ karoṭhā’ti. Pesakārako udare baddhasāṭakaṃ datvā gharaṃ netvā dhītaraṃ adāsi.

So pesakārakammaṃ uggaṇhitvā pesakārehi saddhim sālāya kammaṃ karoti. Aññesaṃ itthiyo pātova bhattaṃ sampādetvā āharimūsu. Tassa bhariyā na tāva āgacchati. So itaresu kammaṃ vissajjetvā bhuñjamānesu tasaraṃ vaṭṭento nisīdi. Sā pacchā āgamāsi. Atha naṃ so ‘aticirena āgataṃ’ti tajjesi. Mātugāmo ca nāma api cakkavattirājānaṃ attani paṭibaddhacittam ṇiatvā dāsaṃ viya sallakkheti. Tasmā sā evamāha – ‘aññesaṃ ghare dārupaṇṇaloṇādīni sannihitāni; bāhirato āharitvā dāyakaṃ pesakārakāpi atthi. Ahaṃ pana ekikā; tvampi ‘mayhaṃ ghare idaṃ atthi, idaṃ natthi’ti na jānāsi. Sace icchasi bhuñja, no ce icchasi mā bhuñjā’ti. So ‘na kevalaṃ ussūre bhattaṃ āharasi, vācāyapi maṃ ghaṭṭesi’ti kujjhitvā aññaṃ paharaṇaṃ apassanto tameva tasaraṇaṇḍakaṃ tasarato luñcitvā khipi. Sā taṃ āgacchantam disvā īsakaṃ parivatti. Tasaraṇaṇḍakassa ca koṭi nāma tikhiṇā hoti. Sā tassā parivattamānāya akkhikoṭiyaṃ pavisitvā aṭṭhāsi. Sā ubhohi hatthehi vegena akkhim aggahehi. Bhinnaṭṭhānato lohitaṃ paggharati.

So tasmim kāle upajjhāyassa vacanaṃ anussari ‘idaṃ sandhāya maṃ upajjhāyo ‘anāgate kāle kāṇapesakāriyā hatthena madditaṃ kaṇṇiyaṃ pivissasī’ti āha. Idaṃ therena diṭṭhaṃ bhavissati. Aho dīghadassī ayyo’ti mahāsaddena roditum ārabhi. Tameṇaṃ añña ‘alaṃ, āvuso, mā rodi; akkhi nāma bhinnaṃ na sakkā rodanena paṭipākātikaṃ kātu’nti āhaṃsu. So ‘nāhaṃ etamatthaṃ rodāmi; apica kho idaṃ sandhāya rodāmi’ti sabbaṃ pavattim paṭipāṭiyā kathesi. Evaṃ uppannā samathavipassanā nirujjhamānā anattāya saṃvattanti.

Aparampi vatthu – tiṃsamattā bhikkhū kalyāṇiyaṃ mahācetiyaṃ vanditvā aṭṭavimaggena mahāmaggaṃ otaramānā antarāmagge jhāmakkhette kammaṃ katvā āgacchantam ekaṃ manussaṃ addasaṃsu. Tassa sarīraṃ masimakkhitaṃ hoti, masimakkhitameva ca ekaṃ kāsāvaṃ kacchaṃ piṭetvā nivatthaṃ. Olokiyamāno jhāmakkhāṇuko viya khāyati. So divasabhāge kammaṃ katvā upaḍḍhajjhāyamānānaṃ dārūnaṃ kalāpaṃ ukkhipitvā piṭṭhiyaṃ vippakiṇṇehi kesehi kummagga āgantvā bhikkhūnaṃ sammukhe aṭṭhāsi. Sāmaṇerā disvā aññamaññaṃ olokayamānā ‘āvuso, tuyhaṃ pitā, tuyhaṃ mahāpitā, tuyhaṃ mātulo’ti hasamānā gantvā ‘ko nāmosi tvam, upāsakā’ti nāmaṃ pucchiṃsu. So nāmaṃ pucchito vipaṭṭisārī hutvā dārūkalāpaṃ chaḍḍetvā vatthaṃ saṃvidhāya nivāsetvā mahāthere vanditvā ‘tiṭṭhatha tāva, bhante’ti āha. Mahātherā aṭṭhaṃsu.

Dahasāmaṇerā āgantvā mahātherānaṃ sammukhāpi parihāsaṃ karonti. Upāsako āha – ‘bhante, tumhe maṃ passitvā parihasatha; ettakeneva matthakaṃ pattamhāti sallakkhetha. Ahampi pubbe tumhādisova samaṇo ahoṣim. Tumhākaṃ pana cīttekaggaṭamattampi natthi. Ahaṃ imasmim sāsane mahiddhiko mahānubhāvo ahoṣim; ākāsaṃ gahetvā pathaviṃ karomī, pathaviṃ ākāsaṃ; dūraṃ gaṇhitvā santikaṃ karomī, santikaṃ dūraṃ; cakkavāḷasahassaṃ khaṇena vinivijjhāmi. Hatthe me passatha; idāni pana makkaṭṭhaṭṭhasadisā. Ahaṃ imeheva hatthehi idha nisinnova candimasūriye parāmasim. Imesaṃyeva pādānaṃ candimasaūriye pādakathalikaṃ katvā nisīdim. Evarūpā me iddhi pamādena antarahitā. Tumhe mā pamajjittha. Pamādena hi evarūpaṃ byasanaṃ pāpuṇanti. Appamattā viharantā jātijarāmarānaṃ antaṃ karonti. Tasmā tumhe maññeva āramaṇaṃ karitvā appamattā hotha, bhante’ti tajjetvā ovādamadāsi. Te tassa kathentasseva saṃvegaṃ āpajjitvā vipassamānā tiṃsa jānā tattheva arahattaṃ pāpuṇimūti. Evampi uppannā samathavipassanā nirujjhamānā anattāya saṃvattantīti veditabbā. Ayaṃ tāva lokiyasammappadhānakathāya vinicchayo.

Lokuttaramaggakkhaṇe panetaṃ ekameva vīriyaṃ catukiccasādhanaśasena cattāri nāmāni labhati. Tattha **anuppannānanti** asamudācāraśasena vā ananubhūṭāramaṇaśasena vā anuppannānaṃ; aññāthā hi anamatagge saṃsāre anuppannā pāpakā akusalā dhammā nāma natthi. Anuppannā pana uppajjamānāpi eteveya uppajjanti, pahīyamānāpi eteveya pahīyanti.

Tattha ekaccassa vattavaśena kilesā na samudācaranti. Ekaccassa ganthadhutaṅgasamādhivipassanā navakammikānaṃ aññataravaśena. Kathaṃ? Ekacco hi vattasampanno hoti. Tassa dvāsītikhuddakavattāni (cūḷava. 243 ādayo), cuddasa mahāvattāni (cūḷava. 356 ādayo), cetiyaṅgaṇabodhiyaṅgaṇapānīyamāḷauposathāgāraāgantukagamikavattāni ca karontasseva kilesā okāsaṃ na labhanti; aparabhāge panassa vattaṃ vissajjetvā bhinnavattassa vicarato ayonisomanasikāraṇceva sativossaggaṇca āgamma uppajjanti. Evaṃ asamudācāraśasena anuppannā uppajjanti nāma.

Ekacco ganthayutto hoti; ekampi nikāyaṃ gaṇhāti, dvepi, tayopi, cattāropi, pañcapi. Tasseva tepitakam buddhavacanam atthavasena pālivasena anusandhivasena pubbāparavasena gaṇhantassa sajjhāyantassa cintentassa vācentassa desentassa pakāsantassa kilesā okāsam na labhanti; aparabhāge panassa ganthakammaṃ pahāya kusītassa vicarato ayonisomanasikārasativossagge āgama uppañjanti. Evampi asamudācāravasena anuppannā uppañjanti nāma.

Ekacco pana dhutaṅgadhara hoti, terasa dhutaṅgaguṇe samādāya vattati. Tassa dhutaṅgaguṇe pariharantassa kilesā okāsam na labhanti; aparabhāge panassa dhutaṅgāni vissajjetvā bhūllāya āvaṭṭassa vicarato ayonisomanasikārasativossagge āgama uppañjanti. Evampi asamudācāravasena anuppannā uppañjanti nāma.

Ekacco pana aṭṭhasu samāpattīsu ciṅṇavaśī hoti. Tassa paṭhamajjhānādīsu āvajjanavasādīnaṃ vasena viharantassa kilesā okāsam na labhanti; aparabhāge panassa parihīnajjhānassa vā vissatṭhajjhānassa vā bhassādīsu anuyuttassa viharato ayonisomanasikārasativossagge āgama uppañjanti. Evampi asamudācāravasena anuppannā kilesā uppañjanti nāma.

Ekacco pana vipassako hoti; sattasu vā vipassanāsu aṭṭhārasasu vā mahāvīpassanāsu kammaṃ karonto viharati. Tassevaṃ viharato kilesā okāsam na labhanti; aparabhāge panassa vipassanākammaṃ pahāya kāyadaḥhībahulassa viharato ayonisomanasikārasativossagge āgama uppañjanti. Evampi asamudācāravasena anuppannā kilesā uppañjanti nāma.

Ekacco pana navakammiko hoti, uposathāgārabhojanasālādīni karoti. Tassa tesam upakaraṇāni cintentassa kilesā okāsam na labhanti; aparabhāge panassa navakamme niṭṭhite vā vissatṭhe vā ayonisomanasikārasativossagge āgama uppañjanti. Evampi asamudācāravasena anuppannā kilesā uppañjanti nāma.

Ekacco pana brahmalokā āgato suddhasatto hoti. Tassa anāsevanāya kilesā okāsam na labhanti; aparabhāge panassa laddhāsevanassa ayonisomanasikārasativossagge āgama uppañjanti. Evampi asamudācāravasena anuppannā kilesā uppañjanti nāma. Evaṃ tāva asamudācāravasena anuppannatā vedītabbā.

Katham ananubhūtarammaṇavasena? Idhekacco ananubhūtapubbaṃ manāpiyādibhedam ārammaṇam labhati. Tassa tattha ayonisomanasikārasativossagge āgama rāgādayo kilesā uppañjanti. Evaṃ ananubhūtarammaṇavasena anuppannā uppañjanti nāma. Lokuttaramaggakkhaṇe pana ekameva vīriyaṃ.

Ye ca evaṃ anuppannā uppañjeyyūṃ, te yathā neva uppañjanti, evaṃ nesaṃ anuppādakiccaṃ uppannānañca pahānakiccaṃ sādheti. Tasmā **uppannānaṃ pāpakānanti** ettha pana catubbidham uppannaṃ – vattamānuppannaṃ, bhutvā vīgatuppannaṃ, okāsakuppannaṃ, bhūmiladdhuppannanti. Tattha ye kilesā vijjamānā uppādādisamaṅgino – idaṃ **vattamānuppannaṃ** nāma. Kamme pana javite ārammaṇarasam anubhavitvā niruddhavipāko bhutvā vīgataṃ nāma. Kammaṃ uppañjivā niruddham bhutvā vīgataṃ nāma. Tadubhayampi **bhutvā vīgatuppannanti** saṅkham gacchati. Kusalākusalakammaṃ aññassa kammassa vipākaṃ paṭibāhitvā attano vipākassa okāsam karoti. Evaṃ kate okāse vipāko uppañjamāno okāsakaraṇato paṭṭhāya uppannoti vuccati. Idaṃ **okāsakuppannaṃ** nāma.

Pañcakkhandhā pana vipassanāya bhūmi nāma. Te atītādibhedā honti. Tesu anusayitakilesā pana atītā vā anāgatā vā paccuppannā vāti na vattabbā. Atītakkhandhesu anusayitāpi hi appahīnāva honti. Anāgatakkhandhesu, paccuppannakkhandhesu anusayitāpi appahīnāva honti. Idaṃ **bhūmiladdhuppannaṃ** nāma. Tenāhu porāṇā – ‘‘tāsu tāsu bhūmīsu asamugghātītā kilesā bhūmiladdhuppannāti saṅkham gacchantī’’ti.

Aparampi catubbidham uppannaṃ – samudācāruppannaṃ, ārammaṇadhigahituppannaṃ, avikkhambhituppannaṃ, asamugghātītuppannanti. Tattha sampati vattamānaṃyeva ‘**samudācāruppannaṃ**’ nāma. Sakim cakkhūni ummīletvā ārammaṇe nimitte gahite anussarītānussaritakkhaṇe kilesā nuppañjissantīti na vattabbā. Kasmā? Ārammaṇassa adhigahitattā. Yathā kim? Yathā khīrarukkhassa kuṭhāriyā āhatāhataṭṭhāne khīraṃ na nikkhamissatīti na vattabbam, evaṃ. Idaṃ ‘**ārammaṇadhigahituppannaṃ**’ nāma. Samāpattiyā avikkhambhitakilesā pana imasmim nāma ṭhāne nuppañjissantīti na vattabbā. Kasmā? Avikkhambhitattā. Yathā kim? Yathā sace khīrarukkham kuṭhāriyā āhaneyyūṃ, ‘imasmim nāma ṭhāne khīraṃ na nikkhameyyā’’ti na vattabbam, evaṃ. Idaṃ ‘**avikkhambhituppannaṃ**’ nāma. Maggena asamugghātītakilesā pana bhavagge nibbattassāpi nuppañjissantīti purimanayeneva vīthāretabbam. Idaṃ ‘**asamugghātītuppannaṃ**’ nāma.

Imesu uppannesu vattamānuppannaṃ, bhutvāvīgatuppannaṃ, okāsakuppannaṃ, samudācāruppannanti catubbidham uppannaṃ na maggavajjham; bhūmiladdhuppannaṃ, ārammaṇadhigahituppannaṃ, avikkhambhituppannaṃ, asamugghātītuppannanti catubbidham maggavajjham. Maggo hi uppañjamāno ete kilese pajahati. So ye kilese pajahati, te atītā vā anāgatā vā paccuppannā vāti na vattabbā. Vuttampi cetam –

“Hañci atīte kilese pajahati, tena hi khīṇaṃ khepeti, niruddhaṃ nirodheti, vigataṃ vigameti, atthaṅgataṃ atthaṃ gameti, atītaṃ yaṃ natthi taṃ pajahati. Hañci anāgate kilese pajahati, tena hi ajātaṃ pajahati, anibbattaṃ anuppannaṃ apātubhūtaṃ pajahati, anāgataṃ yaṃ natthi taṃ pajahati. Hañci paccuppanne kilese pajahati, tena hi ratto rāgaṃ pajahati, duṭṭho dosaṃ, mūḷho mohaṃ, vinibaddho mānaṃ, parāmaṭṭho diṭṭhiṃ, vikkhepagato uddhaccaṃ, anīṭhaṅgato vicikicchā, thāmagato anusayaṃ pajahati; kaṇhasukkadhamaṃ yuganaddhā samameva vattanti; saṃkilesikā maggabhāvanā hoti...pe... tena hi natthi maggabhāvanā, natthi phalasaṃchikiriyā, natthi kilesappahānaṃ, natthi dhammābhisamayo’ti. ‘Atthi maggabhāvanā...pe... atthi dhammābhisamayo’ti. Yathā kathaṃ viya? Seyyathāpi taruṇo rukkho...pe... apātubhūtāneva na pātubhavanti’”ti (paṭi. ma. 3.21).

Iti pālīyaṃ ajātapaharukko āgato; jātapaharukkheṇa pana dīpetabbaṃ. Yathā hi saphalo taruṇaambarukko. Tassa phalāni manussā paribhuñjeyyūṃ, sesāni pātetvā pacchiyo pūreyyūṃ. Athañño puriso taṃ pharasunā chindeyya. Tenassa neva atītāni phalāni nāsītāni honti, na anāgatapaccuppannāni ca nāsītāni; atītāni hi manussehi paribhuttāni, anāgatāni anibbattāni na sakkā nāsetuṃ. Yasmiṃ pana samaye so chinno tadā phalāniyeva natthīti paccuppannāni anāsītāni. Sace pana rukkho acchinno assa, athassa pathavīrasaṅga āporasaṅga āgamma yāni phalāni nibbatteyyūṃ, tāni nāsītāni honti. Tāni hi ajātāneva na jāyanti, anibbattāneva na nibbattanti, apātubhūtāneva na pātubhavanti. Evameva maggo nāpi atītādibhede kilese pajahati, nāpi na pajahati. Yesañhi kilesānaṃ maggena khandhesu apariññātesu uppatti siyā, maggena uppajjitvā khandhānaṃ pariññātatā te kilesā ajātāva na jāyanti, anibbattāva na nibbattanti, apātubhūtāva na pātubhavanti. Taruṇaputtāya itthiyā puna avijāyanatthaṃ byādhitānaṃ rogavūpasamatthaṃ pītabhesajjehi cāpi ayamattho vibhāvetabbo. Evaṃ maggo ye kilese pajahati, te atītā vā anāgatā vā paccuppannā vāti na vattabbā. Na ca maggo kilese na pajahati. Ye pana maggo kilese pajahati, te sandhāya ‘uppannānaṃ pāpakāna’ntiādi vuttaṃ.

Na kevalaṅca maggo kileseyeva pajahati, kilesānaṃ pana appahīnatā ye uppajjeyyūṃ upādinnakkhandhā, tepi pajahatiyeva. Vuttampi cetāṃ “soṭāpattimaggañāṇeṇa abhisankhāravīññāṇassa nirodhena satta bhavā tṭhapetvā amatagge saṃsāre ye uppajjeyyūṃ nāmaṅca rūpaṅca etthete nirujjhanti”ti (cūḷani. ajitamāṇavapucchāniddeṣa 6) vitthāro. Iti maggo upādinnato anupādinnato ca vuṭṭhāti. Bhavavasena pana soṭāpattimaggo apāyabhavato vuṭṭhāti. Sakadāgāmi maggo sugatibhavekadesato; anāgāmi maggo sugatikāmbhavato; vuṭṭhāti arahattamaggo rūpārūpabhavato vuṭṭhāti, sabbabhavēhi vuṭṭhātiyevātipi vadanti.

Atha maggakkhaṇe kathaṃ anuppannānaṃ uppādāya bhāvanā hoti? Kathaṃ vā uppannānaṃ ṭhītiyāti? Maggappavattiyā eva. Maggo hi pavattamāno pubbe anuppannapubbattā anuppanno nāma vuccati. Anāgatapubbañhi ṭhānaṃ gantvā ananubhūtapubbaṃ vā ārammaṇaṃ anubhavivā vattāro bhavanti – ‘anāgataṭṭhānaṃ āgatamha, ananubhūtaṃ ārammaṇaṃ anubhavāmā’ti. Yā cassa pavatti, ayameva ṭhīti nāmāti ṭhītiyā bhāvetīti vattūṃ vaṭṭati. Evametassa bhikkhuno idaṃ lokuttaramaggakkhaṇe vīriyaṃ “anuppannānaṃ pāpakānaṃ akusalānaṃ dhammānaṃ anuppādāyā”tiādīni cattāri nāmāni labhati. Ayaṃ lokuttaramaggakkhaṇe sammappadhānakathā. Evamettha lokiyalokuttaramissakā sammappadhānā niddiṭṭhāti.

Suttantabhājanīyavaṇṇanā.

## 2. Abhidhammabhājanīyavaṇṇanā

408. Abhidhammabhājanīye sabbānipi sammappadhānāni dhammasaṅgaṇīyaṃ vibhattassa desanāyassa mukhamattameva dassentena niddiṭṭhāni. Tattha nayabhedo veditabbo. Kathaṃ? Paṭhamasammappadhāne tāva soṭāpattimagge jhānābhīnivese suddhikapaṭipadā, suddhikasūññatā, suññatapaṭipadā, suddhikaappaṇihitā, appaṇihitapaṭipadāti imesu pañcasu ṭhānesu dvinnāṃ dvinnāṃ catukkapañcakanāyānaṃ vasena dāsa nayā honti. Evaṃ sesesupīti vīsatiyā abhinivesesu dve nayasatāni. Tāni catūhi adhipatīhi catugguṇitāni aṭṭha. Iti suddhikāni dve sādhipatīni aṭṭhāti sabbampi nayasahassaṃ hoti. Tathādutiyasammappadhānādīsu suddhikasammappadhāne cāti soṭāpattimagge pañcanayasahassāni. Yathā ca soṭāpattimagge, evaṃ sesamaggasupīti kuslavaseneva vīsati nayasahassāni. Vipāke pana sammappadhānehi kattabbakiccaṃ natthīti vipākavāro na gahitoti. Sammappadhānāni panettha nibbattalokuttarāneva kathitānīti veditabbāni.

Abhidhammabhājanīyavaṇṇanā.

## 3. Pañhāpucchakavaṇṇanā

427. Pañhāpucchake pālīyanusāreṇeva sammappadhānānaṃ kusalādibhāvo veditabbo. Ārammaṇattikesu pana sabbānipi etāni appamāṇaṃ nibbānaṃ ārabba pavattito appamāṇārammaṇāneva, na maggārammaṇāni;

sahajātahetuvasena pana maggahetukāni; vīmaṃsaṃ jeṭṭhakaṃ katvā maggabhāvanākāle maggādhipatīni; chandacittajeṭṭhikāya maggabhāvanāya na vattabbāni maggādhipatīnīti; vīriyajeṭṭhikāya pana aññassa vīriyassa abhāvā na vattabbāni maggādhipatīnīti vā na maggādhipatīnīti vā; atītādīsu ekārammaṇabhāvenapi na vattabbāni; nibbānassa pana bahiddhādhammattā bahiddhārammaṇāni nāma hontīti. Evametasmim pañhāpucchake nibbattitalokuttarāneva sammappadhānāni kathitāni. Sammāsambuddhena hi suttantabhājanīyasmimyeva lokiyalokuttaramissakā sammappadhānā kathitā; abhidhammabhājanīyapañhāpucchakesu pana lokuttarāyevāti. Evamayam sammappadhānavibhaṅgopi teparivaṭṭam nīharitvāva bhājetvā dassitoti.

Sammohavinodaniyā vibhaṅgaṭṭhakathāya

Sammappadhānavibhaṅgavaṇṇanā niṭṭhitā.

## 9. Iddhipādavibhaṅgo

### 1. Suttantabhājanīyavaṇṇanā

431. Idāni tadanantare iddhipādavibhaṅge **cattāroti** gaṇanaparicchedo. **Iddhipādāti** ettha ijjhatīti iddhi, samijjhati nipphajjati attho. Ijjhanti vā etāya sattā iddhā vuddhā ukkaṃsagatā hontītipi iddhi. Paṭhamenatthena iddhi eva pādo iddhipādo, iddhi koṭṭhāsoti attho. Dutiyenatthena iddhiyā pādoti iddhipādo; pādoti patiṭṭhā, adhigamupāyoti attho. Tena hi yasmā uparūparivisesasaṅkhātāṃ iddhiṃ pajjanti pāpuṇanti, tasmā pādoti vuccati. Evaṃ tāva “cattāro iddhipādā”ti ettha attho vedītabbo.

Idāni te bhājetvā dassetuṃ **idha bhikkhūti**ādi āradham. Tattha **idha bhikkhūti** imasmim sāsane bhikkhu. **Chandasamādhipadhānasaṅkhārasamannāgatanti** ettha chandahetuko chandādihiko vā samādhi **chandasamādhi**. Kattukamyatāchandaṃ adhipatiṃ karitvā paṭiladdhasamādhissetaṃ adhivacanaṃ. Padhānabhūtā saṅkhārā **padhānasaṅkhārā**. Catukiccasādhakassa sammappadhānavīriyasettaṃ adhivacanaṃ. **Samannāgatanti** chandasamādhinā ca padhānasaṅkhārehi ca upetaṃ. **Iddhipādanti** nipphattipariyāyena vā ijjhanakatṭhena ijjhanti etāya sattā iddhā vuddhā ukkaṃsagatā hontīti iminā vā pariyāyena iddhīti saṅkhaṃ gatānaṃ upacārajjhānādikusalaccittasampayuttānaṃ chandasamādhipadhānasaṅkhārānaṃ adhiṭṭhānaṭṭhena pādabhūtaṃ sesacittacetāsikarāsinti attho. Yañhi parato “iddhipādoti tathābhūtassa vedanākkhandho...pe... viññāṇakkhandho”ti vuttaṃ, taṃ iminā atthena yujjati. Iminā nayena sesesupi attho vedītabbo. Yatheva hi chandaṃ adhipatiṃ karitvā paṭiladdhasamādhi chandasamādhīti vutto, evaṃ vīriyaṃ...pe... cittaṃ. Vīmaṃsaṃ adhipatiṃ karitvā paṭiladdhasamādhi vīmaṃsasamādhīti vuccati.

Idāni chandasamādhiādīni padāni bhājetvā dassetuṃ **kathaṅca bhikkhūti**ādi āradham. Tattha **chandaṅce bhikkhu adhipatiṃ karitvāti** yadi bhikkhu chandaṃ adhipatiṃ chandaṃ jeṭṭhakaṃ chandaṃ dhuraṃ chandaṃ pubbaṅgamaṃ katvā samādhim paṭilabhati nibbatteti, evaṃ nibbattito ayaṃ samādhi chandasamādhi nāma vuccatīti attho. **Vīriyaṅceti**ādisupi eseva nayo. **Ime vuccanti padhānasaṅkhārāti** ettāvata chandiddhipādaṃ bhāvayamānassa bhikkhuno padhānābhisaṅkhārasaṅkhātacatukiccasādhakam vīriyaṃ kathitaṃ. **Tadekajjham abhisaṅñūhitvāti** taṃ sabbaṃ ekato rāsiṃ katvāti attho. **Saṅkhyam gacchatīti** etaṃ vohāraṃ gacchatīti vedītabbanti attho.

433. Idāni “chandasamādhipadhānasaṅkhāro”ti etasmim padasamūhe chandādidhamme bhājetvā dassetuṃ **tattha katamo chandoti**ādi āradham. Taṃ uttānatthameva.

**Upeto hotīti** iddhipādasāṅkhāto dhammārāsi upeto hoti. **Tesaṃ dhammānanti** tesaṃ sampayuttānaṃ chandādidhammānaṃ. **Iddhi samiddhīti**ādīni sabbāni nipphattivevacanāneva. Evaṃ santepe ijjhanakatṭhena **iddhi**. Sampuṇṇā iddhi **samiddhi**; upasaggena vā padaṃ vaḍḍhitaṃ. Ijjhanākāro **ijjhanā**. **Samijjhanāti** upasaggena padaṃ vaḍḍhitaṃ. Attano santāne pātubhāvavasena labhanaṃ **lābho**. Parihīnānampi vīriyārambhavasena puna lābho **paṭilābho**; upasaggena vā padaṃ vaḍḍhitaṃ. **Pattīti** adhigamo. Aparihānavasena sammā pattīti **sampatti**. **Phusanāti** paṭilābhaphusana. **Sacchikiriyāti** paṭilābhasacchikiriyāva. **Upasampadāti** paṭilābhaupasampadā evāti vedītabbā.

**Tayābhūtassāti** tena ākārena bhūtassa; te chandādidhamme paṭilābhivā ṭhitassāti attho. **Vedanākkhandhoti**ādīni chandādayo anto katvā cattāropi khandhā kathitā. **Te dhammeti** te cattāro arūpakkhandhe; chandādayo vā tayo dhammetipi vuttaṃ. **Āsevatīti**ādīni vuttatthāneva. Sesaidhipādaniddesesupi imināva nayena attho vedītabbo.

Ettāvata kiṃ kathitanti? Catunnaṃ bhikkhūnaṃ matthakappattaṃ kammaṭṭhānaṃ kathitaṃ. Eko hi bhikkhu chandaṃ avassayati; kattukamyatākusaladhammacchandaṃ atthanipphattiyaṃ sati ‘ahaṃ lokuttaradhammaṃ

nibbattessāmi, natthi mayhaṃ etassa nibbattane bhāro'ti chandaṃ jeṭṭhakaṃ chandaṃ dhuraṃ chandaṃ pubbaṅgamaṃ katvā lokuttaradhammaṃ nibbatteti. Eko vīriyaṃ avassayati. Eko cittaṃ, eko paññaṃ avassayati. Paññāya atthanipphattiyaṃ sati 'ahaṃ lokuttaradhammaṃ nibbattessāmi, natthi mayhaṃ etassa nibbattane bhāro'ti paññaṃ jeṭṭhakaṃ paññaṃ dhuraṃ paññaṃ pubbaṅgamaṃ katvā lokuttaradhammaṃ nibbatteti.

Kathaṃ? Yathā hi catūsu amaccaputtesu ṭhānantaraṃ patthetvā vicarantesu eko upaṭṭhānaṃ avassayi, eko sūrabhāvaṃ, eko jātiṃ, eko mantāṃ. Kathaṃ? Tesu hi paṭṭhāmo 'upaṭṭhāne appamādakāritāya atthanipphattiyaṃ sati labbhamānaṃ lacchāmetāṃ ṭhānantara'nti upaṭṭhānaṃ avassayi. Dutiyo 'upaṭṭhāne appamattopi ekacco saṅgāme paccupaṭṭhite saṅghātuṃ na sakkoti; avassaṃ kho pana rañño paccanto kuppissati; tasmim kuppite rathadhure kammaṃ katvā rājānaṃ ārādhetvā āharāpessāmetāṃ ṭhānantara'nti sūrabhāvaṃ avassayi. Tatiyo 'sūrabhāvepi sati ekacco hīnajatiko hoti; jātiṃ sodhetvā ṭhānantaraṃ dadantā mayhaṃ dassanti'ti jātiṃ avassayi. Catuttho 'jātimāpi eko amantanīyo hoti; mantena kattabbakicce uppanne āharāpessāmetāṃ ṭhānantara'nti mantāṃ avassayi. Te sabbepi attano attano avassayabalena ṭhānantarāni pāpuṃṃsu.

Tattha upaṭṭhāne appamatto hutvā ṭhānantaraṃ patto viya chandaṃ avassāya kattukamyatākusaladhammacchandena atthanibbattiyaṃ sati 'ahaṃ lokuttaradhammaṃ nibbattessāmi, natthi mayhaṃ etassa nibbattane bhāro'ti chandaṃ jeṭṭhakaṃ chandaṃ dhuraṃ chandaṃ pubbaṅgamaṃ katvā lokuttaradhammanibbattako daṭṭhabbo, raṭṭhapālathero (ma. ni. 2.293 ādayo) viya. So hi āyasmā chandaṃ dhuraṃ katvā lokuttaradhammaṃ nibbattesi. Sūrabhāvena rājānaṃ ārādhetvā ṭhānantaraṃ patto viya vīriyaṃ jeṭṭhakaṃ vīriyaṃ dhuraṃ vīriyaṃ pubbaṅgamaṃ katvā lokuttaradhammanibbattako daṭṭhabbo, soṇatthero (mahāva. 243) viya. So hi āyasmā vīriyaṃ dhuraṃ katvā lokuttaradhammaṃ nibbattesi.

Jātisampattiyaṃ ṭhānantaraṃ patto viya cittaṃ jeṭṭhakaṃ cittaṃ dhuraṃ cittaṃ pubbaṅgamaṃ katvā lokuttaradhammanibbattako daṭṭhabbo, sambhūtathero viya. So hi āyasmā cittaṃ dhuraṃ katvā lokuttaradhammaṃ nibbattesi. Mantāṃ avassāya ṭhānantarappatto viya vīmaṃsaṃ jeṭṭhakaṃ vīmaṃsaṃ dhuraṃ vīmaṃsaṃ pubbaṅgamaṃ katvā lokuttaradhammanibbattako daṭṭhabbo, thero mogharājā viya. So hi āyasmā vīmaṃsaṃ dhuraṃ katvā lokuttaradhammaṃ nibbattesi.

Ettha ca tayo chandasamādhīpadhānasāṅkhārasāṅkhātā dhammā iddhīpi honti iddhipādāpi. Sesā pana sampayuttakā cattāro khandhā iddhipādāyeva. Vīriyacittavīmaṃsasamādhīpadhānasāṅkhārasāṅkhātāpi tayo dhammā iddhīpi honti iddhipādāpi. Sesā pana sampayuttakā cattāro khandhā iddhipādāyeva. Ayaṃ tāva abhedato kathā.

Bhedato pana 'chando' iddhi nāma. Chandadhurena bhāvitā cattāro khandhā chandiddhipādo nāma. Samādhī padhānasāṅkhāroti dve dhammā saṅkhārakkhandhavasena chandiddhipāde pavisanti; pāde pavīṭṭhātipi vattuṃ vaṭṭatiyeva. Tattheva 'samādhī' iddhi nāma. Samādhīdhurena bhāvitā cattāro khandhā samādhīddhipādo nāma. Chando padhānasāṅkhāroti dve dhammā saṅkhārakkhandhavasena samādhīddhipāde pavisanti; pāde pavīṭṭhātipi vattuṃ vaṭṭati eva. Tattheva 'padhānasāṅkhāro' iddhi nāma. Padhānasāṅkhārābhāvitā cattāro khandhā padhānasāṅkhāridhipādo nāma. Chando samādhīti dve dhammā saṅkhārakkhandhavasena padhānasāṅkhāridhipāde pavisanti; pāde pavīṭṭhātipi vattuṃ vaṭṭati eva. Tattheva 'vīriyaṃ' iddhi nāma, 'cittaṃ' iddhi nāma, 'vīmaṃsā' iddhi nāma...pe... pāde pavīṭṭhātipi vattuṃ vaṭṭati eva. Ayaṃ bhedato kathā nāma.

Ettha pana abhinavaṃ natthi; gahitameva vibhūtadhātukaṃ kataṃ. Kathaṃ? Chando, samādhī, padhānasāṅkhāroti ime tayo dhammā iddhīpi honti iddhipādāpi. Sesā sampayuttakā cattāro khandhā iddhipādāyeva. Ime hi tayo dhammā ijjhamānā sampayuttakehi catūhi khandhehi saddhiṃyeva ijjhanti, na vinā. Sampayuttakā pana cattāro khandhā ijjhanakaṭṭhena iddhi nāma honti, paṭiṭṭhānaṭṭhena pādo nāma. 'Iddhī'ti vā 'iddhipādo'ti vā na aññassa kassaci adhivacanaṃ, sampayuttakānaṃ catunnaṃ khandhānaṃyeva adhivacanaṃ. Vīriyaṃ, cittaṃ, vīmaṃsāsamādhīpadhānasāṅkhāroti tayo dhammā...pe... catunnaṃ khandhānaṃyeva adhivacanaṃ.

Apica pubbabhāgo pubbabhāgo iddhipādo nāma; paṭilābho paṭilābho iddhi nāmāti veditabbo. Ayamatto upacārena vā vipassanāya vā dīpetabbo. Paṭhamajjhānaparikammañhi iddhipādo nāma, paṭhamajjhānaṃ iddhi nāma. Dutiyaṭṭiyacatutthaākaśānañcāyatana, viññānañcāyatanaākiñcaññāyatanaṃ nevasaññānāsaññāyatanaṃ iddhipādo nāma, nevasaññānāsaññāyatanaṃ iddhi nāma. Sotāpattimaggaṃ vipassanā iddhipādo nāma, sotāpattimaggaṃ iddhi nāma. Sakadāgāmi, anāgāmi, arahattamaggaṃ vipassanā iddhipādo nāma, arahattamaggaṃ iddhi nāma. Paṭilābhenāpi dīpetuṃ vaṭṭatiyeva. Paṭhamajjhānañhi iddhipādo nāma, dutiyajjhānaṃ iddhi nāma; dutiyajjhānaṃ iddhipādo nāma, tatiyajjhānaṃ iddhi nāma...pe... anāgāmimaggaṃ iddhipādo nāma, arahattamaggaṃ iddhi nāma.

Kenatṭhena iddhi? Kenatṭhena pādoti? Ijjhanakaṭṭheneva iddhi. Paṭiṭṭhānaṭṭheneva pādo. Evamidhāpi iddhīti vā



pādoti vā na aññassa kassaci adhivacanaṃ, sampayuttakānaṃ catunnaṃ khandhānaṃyeva adhivacanaṃti. Evaṃ vutte pana idamāhaṃsu – catunnaṃ khandhānameva adhivacanaṃ bhaveyya, yadi satthā parato uttaracūḷabhājanīyaṃ nāma na āhareyya. Uttaracūḷabhājanīye pana “chandoyeva chandiddhipādo, vīriyameva, cittameva, vīmaṃsāva vīmaṃsiddhipādo”ti kathitaṃ. Keci pana “iddhi nāma anipphannā, iddhipādo nipphanno”ti vadiṃsu. Tesāṃ vacanaṃ paṭikkhipitvā iddhīpi iddhipādopi ‘nipphanno tilakkhaṇabbhāhato’ti sannitthānaṃ kataṃ. Iti imasmiṃ suttantabhājanīye lokiyalokuttaramissakā iddhipādā kathitāti.

Suttantabhājanīyavaṇṇanā.

## 2. Abhidhammabhājanīyavaṇṇanā

444. Abhidhammabhājanīyaṃ uttānatthameva. Nayā panettha gaṇetabbā. “Chandasamādhipadhānaśākhārasamannāgataṃ iddhipādāṃ bhāveti”ti vuttaṭṭhānaśmīhi lokuttarāni cattāri nayasaḥassāni vibhattāni. Vīriyasamādhiādīsopi eseva nayo. Tathā uttaracūḷabhājanīye chandiddhipāde cattāri nayasaḥassāni vibhattāni, vīriyacittavīmaṃsiddhipāde cattāri cattārīti sabbānīpi aṭṭhannaṃ catukkānaṃ vasena dvattiṃsa nayasaḥassāni vibhattāni. Evametāṃ nibbattalokuttarānaṃyeva iddhipādānaṃ vasena dvattiṃsanayasahaḥsappaṭimaṇḍitaṃ abhidhammabhājanīyaṃ kathitanti veditabbaṃ.

## 3. Pañhāpucchakavaṇṇanā

462. Pañhāpucchake pāḷianusāreṇeva iddhipādānaṃ kusalādibhāvo veditabbo. Ārammaṇattikesu pana sabbepe appamāṇaṃ nibbānaṃ ārabha pavattito appamāṇārammaṇā eva, na maggārammaṇā; sahaṅgātaḥetuvasena pana maggahetukā, na maggādhipatino. Cattāro hi adhipatayo aññamaññaṃ garuṃ na karonti. Kasmā? Sayāṃ jeṭṭhakattā. Yathā hi samajātikā samavayā samathāmā samasippā cattāro rājaputtā attano attano jeṭṭhakatāya aññamaññaṃ apacitiṃ na karonti, evamimepi cattāro adhipatayo pāṭiyekkaṃ pāṭiyekkaṃ jeṭṭhakadhammatāya aññamaññaṃ garuṃ na karontīti ekanteneva na maggādhipatino. Atītādīsū ekārammaṇabhāvepi na vattabbā. Nibbānaṃ pana bahiddhādhammatā bahiddhārammaṇā nāma hontīti. Evametasmaṃ pañhāpucchake nibbattalokuttarāva iddhipādā kathitā. Sammāsambuddhena hi suttantabhājanīyaṃyeva lokiyalokuttaramissakā iddhipādā kathitā, abhidhammabhājanīyapañhāpucchakesu pana lokuttarāyevāti. Evamayaṃ iddhipādavibhaṅgopi teparivaṭṭaṃ nīharitvāva dassitoti.

Sammohavinodaniyā vibhaṅgaṭṭhakathāya

Iddhipādavibhaṅgavaṇṇanā niṭṭhitā.

# 10. Bojjhaṅgavibhaṅgo

## 1. Suttantabhājanīyavaṇṇanā

466. Idāni tadanantare bojjhaṅgavibhaṅge **sattāti** gaṇanaparicchedo. **Bojjhaṅgāti** bodhiyā bodhissa vā aṅgāti **bojjhaṅgā**. Idaṃ vuttaṃ hoti – yā esā dhammasāmaggī yāya lokuttaramaggaḥkhaṇe uppajjamānāya līnuddhaccapatiṭṭhānāyūhanakāmasukhattakilamathānuyogaucchedasassatābhinivesādīnaṃ anekesaṃ upaddavānaṃ paṭipakkhabhūtāya satīdhammavicayavīriyapītipassaddhisamādhiupekkhāsāṅkhātāya dhammasāmaggiyā ariyasāvako bujjhatīti katvā bodhīti vuccati, bujjhati kilesasantānaniddāya utthahati, cattāri vā ariyasaccāni paṭivijjhāti, nibbānameva vā sacchikaroti, tassā dhammasāmaggīsāṅkhātāya bodhiyā aṅgātipi **bojjhaṅgā**, jhānaṅgamaggaṅgādīni viya. Yo panesa yathāvuttappakārāya etāya dhammasāmaggiyā bujjhatīti katvā ariyasāvako bodhīti vuccati, tassa bodhissa aṅgātipi **bojjhaṅgā**, senaṅgarathāṅgādayo viya. Tenāhu aṭṭhakathācariyā – “bujjhanakassa puggalassa aṅgāti vā bojjhaṅgā”ti.

Apica “bojjhaṅgāti kenatthena bojjhaṅgā? Bodhāya saṃvattantīti bojjhaṅgā, bujjhantīti bojjhaṅgā, anubujjhantīti bojjhaṅgā, paṭibujjhantīti bojjhaṅgā, sambujjhantīti bojjhaṅgā”ti iminā paṭisambhidānāyenaṃpi bojjhaṅgattho veditabbo.

**Satisambojjhaṅgoti**ādīsū pasattho sundaro ca bojjhaṅgo sambojjhaṅgo, satiyeva sambojjhaṅgo **satisambojjhaṅgo**. Tattha upaṭṭhānalakkaṇo satisambojjhaṅgo, pavicalakkhaṇo dhammavicayasambojjhaṅgo, paggalalakkaṇo vīriyasambojjhaṅgo, pharaṇalakkaṇo pītisambojjhaṅgo, upasamalakkhaṇo passaddhisambojjhaṅgo, avikkhepalakkhaṇo samādhisambojjhaṅgo, paṭisaṅkhānalakkhaṇo upekkhāsambojjhaṅgo. Tesu “satiṅca khvāhaṃ,

bhikkhave, sabbatthikaṃ vadāmi”ti (saṃ. ni. 5.234) vacanato sabbesaṃ bojjhaṅgānaṃ upakārakattā satisambojjhaṅgo paṭhamañ vutto. Tato paraṃ “so tathā sato viharanto taṃ dhammaṃ paññāya pavicinatī”tiādinā (ma. ni. 150) nayena evañ anukkameneva nikkhepapayojanaṃ pāliyaṃ āgatameva.

Kasmā panete satteva vuttā, anūnā anadhikāti? Līnuddhaccapaṭipakkhato sabbatthikato ca. Ettha hi tayo bojjhaṅgā līnassa paṭipakkhā, yathāha – “yasmīṇca kho, bhikkhave, samaye līnaṃ cittaṃ hoti, kālo tasmīṃ samaye dhammavicayasambojjhaṅgassa bhāvanāya, kālo vīriyasambojjhaṅgassa bhāvanāya, kālo pītisambojjhaṅgassa bhāvanāya”ti (saṃ. ni. 5.234). Tayo uddhaccassa paṭipakkhā, yathāha – “yasmīṇca kho, bhikkhave, samaye udhatam cittaṃ hoti, kālo tasmīṃ samaye passaddhisambojjhaṅgassa bhāvanāya, kālo samādhisambojjhaṅgassa bhāvanāya, kālo upekkhāsambojjhaṅgassa bhāvanāya”ti (saṃ. ni. 5.234). Eko panettha loṇadhūpanaṃ viya sabbabyañjanesu, sabbakammikaamacco viya ca sabbesu rājakicesu, sabbabojjhaṅgesu icchitabbato sabbatthiko, yathāha – “satiṇca khvāhaṃ, bhikkhave, sabbatthikaṃ vadāmi”ti. “Sabbatthaka”ntipi pāli. Dvinnampi sabbattha icchitabbanti attho. Evañ līnuddhaccapaṭipakkhato sabbatthikato ca satteva vuttāti veditabbā.

**467.** Idāni nesaṃ ekasmiṃyevārammaṇe attano attano kiccavasena nānākaraṇaṃ dassetuṃ **tattha katamo satisambojjhaṅgoti** āradhamaṃ. Tattha **idha bhikkhūti** imasmiṃ sāsane bhikkhu. **Satimā hotīti** paññāya paññavā, yasena yasavā, dhanena dhanavā viya satiyā satimā hoti, satisampannoti attho. **Paramenāti** uttamaṇa; tañhi paramatthasaccassa nibbānassa ceva maggassa ca anulomato paramañ nāma hoti uttamaṃ seṭṭhaṃ. **Satinepakkenāti** nepakkaṃ vuccati paññā; satiyā ceva nepakkena cāti attho.

Kasmā pana imasmiṃ satibhājanīye paññā saṅgahitāti? Satiyā balavabhāvadīpanatthaṃ. Sati hi paññāya saddhimpī uppajjati vināpi, paññāya saddhimpī uppajjamānā balavatī hoti, vinā uppajjamānā dubbalā. Tenassā balavabhāvadīpanatthaṃ paññā saṅgahitā. Yathā hi dvīsu disāsu dve rājamahāmatā tiṭṭheyyuṃ; tesu eko rājaputtaṃ gahetvā tiṭṭheyya, eko attano dhammatāya ekakova tesu rājaputtaṃ gahetvā ṭhito attanopi tejena rājaputtassapi tejena tejavā hoti; attano dhammatāya ṭhito na tena samatejo hoti; evameva rājaputtaṃ gahetvā ṭhitamahāmatto viya paññāya saddhimpī uppannā sati, attano dhammatāya ṭhito viya vinā paññāya uppannā. Tattha yathā rājaputtaṃ gahetvā ṭhito attanopi tejena rājaputtassapi tejena tejavā hoti, evañ paññāya saddhimpī uppannā sati balavatī hoti; yathā attano dhammatāya ṭhito na tena samatejo hoti, evañ vinā paññāya uppannā dubbalā hotīti balavabhāvadīpanatthaṃ paññā gahitāti.

**Cirakatampīti** attano vā parassa vā kāyena cirakataṃ vattaṃ vā kasiṇamaṇḍalaṃ vā kasiṇaparikkamaṃ vā. **Cirabhāsitamīti** attanā vā parena vā vācāya cirabhāsitaṃ bahukampi, vattasīse ṭhatvā dhammakathaṃ vā kammatṭhānavicchayaṃ vā, vimuttāyatanasīse vā ṭhatvā dhammakathameva. **Saritā hotīti** taṃ kāyaviññattiṃ vacīviññattiṇca samuṭṭhāpetvā pavattaṃ arūpadhammakotṭhāsaṃ ‘evañ uppajjitvā evañ niruddho’ti saritā hoti. **Anussaritāti** punappunaṃ saritā. **Ayaṃ vuccati satisambojjhaṅgoti** ayaṃ evañ uppannā sesabojjhaṅgasamuṭṭhāpikā vipassanāsampayuttā sati satisambojjhaṅgo nāma kathīyati.

**So tathā sato viharantoti** so bhikkhu tenākārena uppannāya satiyā sato hutvā viharanto. **Taṃ dhammanti** taṃ cirakataṃ cirabhāsitaṃ heṭṭhā vuttappakāraṃ dhammaṃ. **Paññāya pavicinatīti** paññāya ‘aniccaṃ dukkhaṃ anattā’ti pavicinati. **Pavicaratīti** ‘aniccaṃ dukkhaṃ anattā’ti tattha paññaṃ carāpento pavicarati. **Parivīmaṃsaṃ āpajjatīti** olokanañ gavesanaṃ āpajjati. **Ayaṃ vuccatīti** idaṃ vuttappakāraṃ bojjhaṅgasamuṭṭhāpakaṃ vipassanāññaṃ dhammavicayasambojjhaṅgo nāma vuccati.

**Tassa taṃ dhammanti** tassa bhikkhuno taṃ heṭṭhā vuttappakāraṃ dhammaṃ. **Āradhamaṃ hotīti** paripuṇṇañ hoti paggahitaṃ. **Asallīnanti** āradhattāyeva asallīnaṃ. **Ayaṃ vuccatīti** idaṃ bojjhaṅgasamuṭṭhāpakaṃ vipassanāsampayuttaṃ vīriyaṃ vīriyasambojjhaṅgo nāma vuccati.

**Nirāmisāti** kāmāmisalokāmisavattāmisānaṃ abhāvena nirāmisā parisuddhā. **Ayaṃ vuccatīti** ayaṃ bojjhaṅgasamuṭṭhāpikā vipassanāsampayuttā pīti pītisambojjhaṅgo nāma vuccati.

**Pītimanassāti** pītisampayuttacittassa. **Kāyopi passambhatīti** khandhattayasāṅkhāto nāmakāyo kilesadarathapaṭippassaddhiyā passambhati. **Cittampīti** viññāṇakkhandhopi tatheva passambhati. **Ayaṃ vuccatīti** ayaṃ bojjhaṅgasamuṭṭhāpikā vipassanāsampayuttā passaddhi passaddhisambojjhaṅgo nāma vuccati.

**Passaddhakāyassa sukhinoti** passaddhakāyatāya uppannasukhena sukhītassa. **Samādhīyatīti** sammā ādhiyati, niccalaṃ hutvā ārammaṇe ṭhapīyati, appanāpattaṃ viya hoti. **Ayaṃ vuccatīti** ayaṃ bojjhaṅgasamuṭṭhāpikā vipassanāsampayuttā cīttekaggatā samādhisambojjhaṅgo nāma vuccati.

**Tathā samāhitanti** tena appanāppattena viya samādhinā samāhitam. **Sādhukam ajjupekkhitā hotīti** suṭṭhu ajjupekkhitā hoti; tesam dhammānam pahānavadḍhane abyāvaṭo hutvā ajjupekkhati. **Ayam vuccatīti** ayam channam bojhaṅgānam anosakkanaanativattanabhāvasādhako majjhatakkāro upekkhāsambojjhaṅgo nāma vuccati.

Ettāvata kim kathitam nāma hoti? Apubbam acarimam ekacittakkhaṇe nānārasalakkaṇā pubbabhāgavipassanā bojhaṅgā kathitā hotīti.

Paṭhamo nayo.

**468-469.** Idāni yena pariyāyena satta bojhaṅgā cuddasa honti, tassa pakāsanattham dutiyanayam dassento puna **satta bojhaṅgā**tiādīmāha. Tatrāyam anupubbapadaṅṇanā – **ajjhataṃ dhammesu satīti** ajjhaticasaṅkhāre pariggaṇhantassa uppannā sati. **Bahiddhā dhammesu satīti** bahiddhāsaṅkhāre pariggaṇhantassa uppannā sati. **Yadapīti** yāpi. **Tadapīti** sāpi. **Abhiññāyāti** abhiññeyyadhamme abhijānanatthāya. **Sambodhāyāti** sambodhi vuccati maggo, maggathāyāti attho. **Nibbānāyāti** vānam vuccati taṇhā; sā tattha natthīti nibbānam, tadatthāya, asaṅkhatāya amatadhātuyā sacchikiriyatthāya saṃvattatīti attho. **Dhammavicayasambojjhaṅgepi** eseva nayo.

**Kāyikam vīriyanti** caṅkamaṃ adhiṭṭhahantassa uppannavīriyam. **Cetasikam vīriyanti** “na tāvāham imam pallaṅkam bhindissāmi yāva me na anupādāya āsavehi cittaṃ vimuccissatī”ti evam kāyapayogaṃ vinā uppannavīriyam. **Kāyapassaddhīti** tiṇṇam khandhānam darathapassaddhi. **Cittapassaddhīti** viññāṇakkhandhassa darathapassaddhi. Upekkhāsambojjhaṅge satisambojjhaṅgasadisova vinicchayo. Imasmim naye satta bojhaṅgā lokiyalokuttaramissakā kathitā.

Porānakattherā pana ‘ettakena pākaṭam na hotī’ti vibhajitvā dassesum. Etesu hi ajjhataḍḍhammesu sati pavicayo upekkhāti ime tayo attano khandhārammaṇatā lokiyāva honti. Tathā maggaṃ appattaṃ kāyikavīriyam. Avitakkaavicārā pana pītisamādhiyo lokuttarā honti. Sesā lokiyalokuttaramissakāti.

Tattha ajjhataṃ tāva dhammesu satipavicayaupekkhā ajjhataḍḍhammaṇā, lokuttarā pana bahiddhārammaṇāti tesam lokuttarabhāvo mā yujjittha. Caṅkamappayogena nibbattavīriyampi lokiyanti vadanto na kilamati. Avitakkaavicārā pana pītisamādhiyo kadā lokuttarā hotīti? Kāmāvacare tāva pītisambojjhaṅgo labbhati, avitakkaavicārā pīti na labbhati. Rūpāvacare avitakkaavicārā pīti labbhati, pītisambojjhaṅgo pana na labbhati. Arūpāvacare sabbena sabbam na labbhati. Ettha pana alabbhamānakam upādāya labbhamānakāpi paṭikkhittā. Evamayam avitakkaavicāro pītisambojjhaṅgo kāmāvacaratopi nikkhanto rūpāvacaratopi arūpāvacaratopīti nibbattitalokuttaro yevāti kathito.

Tathā kāmāvacare samādhisambojjhaṅgo labbhati, avitakkaavicāro pana samādhi na labbhati. Rūpāvacaraarūpāvacaresu avitakkaavicāro samādhi labbhati, samādhisambojjhaṅgo pana na labbhati. Ettha pana alabbhamānakam upādāya labbhamānakopī paṭikkhitto. Evamayam avitakkaavicāro samādhi kāmāvacaratopi nikkhanto rūpāvacaratopi arūpāvacaratopīti nibbattitalokuttaro yevāti kathito.

Apica lokiyam gahetvā lokuttaro kātabbo; lokuttaram gahetvā lokiyō kātabbo. Ajjhataḍḍhammesu hi satipavicayaupekkhānam lokuttarabhāvanākālopi atthi. Tatrīdam suttaṃ – “ajjhataḍḍham khvāham, āvuso, sabbupādānakkhayaṃ vadāmi; evamassime āsavā nānusenatī”ti (saṃ. ni. 2.32 thokam visadisam) iminā suttana lokuttarā honti. Yadā pana caṅkamappayogena nibbatte kāyikavīriye anupasanteyeva vipassanā maggena ghaṭiyati, tadā tam lokuttaram hoti. Ye pana therā “kasiṇajjhāne, ānāpānājjhāne, brahmavihārajjhāne ca bojhaṅgo uddharanto na vāretabbo”ti vadanti, tesam vāde avitakkaavicārā pītisamādhisambojjhaṅgā lokiyā hotīti.

Dutiyo nayo.

**470-471.** Idāni bojhaṅgānam bhāvanāvasena pavattaṃ tatiyanayam dassento puna **satta bojhaṅgā**tiādīmāha. Tatthāpi ayam anupubbapadaṅṇanā – **bhāvetīti** vadḍheti; attano santāne punappunam janeti abhinibbatteti. **Vivekanissitanti** viveke nissitam. **Vivekoti** vivittatā. So cāyam tadaṅgaviveko, vikkhambhanasamucchedapaṭippassaddhinissaraṇavivekoti pañcavidho. Tattha tadaṅgaviveko nāma vipassanā. Vikkhambhanaviveko nāma atṭha samāpattīyo. Samucchedaviveko nāma maggo. Paṭippassaddhiviveko nāma phalaṃ. Nissaraṇaviveko nāma sabbanimittanissaṭam nibbānam. Evametasmim pañcavidhe viveke nissitam vivekanissitanti tadaṅgavivekanissitam samucchedavivekanissitam nissaraṇavivekanissitaṅca satisambojjhaṅgam bhāvetīti ayamatto veditabbo.

Tathā hi ayam satisambojjhaṅgabhāvanānuyogamanuyutto yogī vipassanākkhaṇe kiccato tadaṅgavivekanissitam, ajjhāsayaṭo nissaraṇavivekanissitam, maggakāle pana kiccato samucchedavivekanissitam, ārammaṇato

nissaraṇavivekanissitaṃ, satisambojjhaṅgaṃ bhāveti. Pañcavivekanissitampīti eke. Te hi na kevalaṃ balavavipassanāmaggaḥalakkhaṇesu eva bojjaṅgaṃ uddharanti, vipassanāpādaḥakasiṇajjhānānāpānāsuhabhrahmavihārajjhānesupi uddharanti, na ca paṭisiddhā aṭṭhakathācariyehi. Tasmā tesam matena etesam jhānānaṃ pavattikkhaṇe kiccato eva vikkhambhanavivekanissitaṃ. Yathā ca vipassanākkhaṇe “ajjhāsayaṭo nissaraṇavivekanissita”nti vuttaṃ, evaṃ “paṭippassaddhivivekanissitampi bhāveti”ti vattum vaṭṭati. Esa nayo virāganissitādīsu. Vivekathā eva hi virāgādayo.

Kevalañcetta vossaggo duvidho – pariccāgavossaggo ca pakkhandanavossaggo cāti. Tattha ‘**pariccāgavossaggo**’ti vipassanākkhaṇe ca tadaṅgavasena maggakkhaṇe ca samucchadavasena kilesappahānaṃ. ‘**Pakkhandanavossaggo**’ti vipassanākkhaṇe tanninnabhāvena, maggakkhaṇe pana ārammaṇakaraṇena nibbānapakkhandanaṃ. Tadubhayampi imasmiṃ lokiya lokuttaramissake atthavaṇṇanānaye vaṭṭati. Tathā hi ayaṃ sati sambojjhaṅgo yathāvuttena pakārena kilese pariccajati, nibbānañca pakkhandati.

**Vossagga pariṇāmi**nti iminā pana sakalena vacanena vossaggaṭṭhaṃ pariṇāmanāṃ pariṇātañca, pariṇāmanāṃ pariṇātañca idam vuttaṃ hoti. Ayañhi bojjaṅgabhāvanamanuyutto bhikkhu yathā satisambojjhaṅgo kilesa pariccāgavossaggaṭṭhaṃ nibbānapakkhandanavossaggaṭṭhañca pariṇāmanā, yathā ca pariṇāmanā hoti, tathā naṃ bhāvetīti. Esa nayo sesambojjhaṅgesupi. Imasmiṃ naye lokiya lokuttaramissakā bojjaṅgā kathitāti.

Suttantabhājanīyavaṇṇanā.

## 2. Abhidhammabhājanīyavaṇṇanā

**472.** Abhidhammabhājanīye sattapi bojjaṅge ekato pucchitvā vissajjanassa ca pāṭiyekkaṃ pucchitvā vissajjanassa ca vasena dve nayā. Tesam atthavaṇṇanā heṭṭhā vuttanayeneva veditabbā.

Upekkhāsambojjhaṅganiddese pana upekkhanavasena **upekkhā**. Upekkhanākāro **upekkhanā**. Upekkhitabbayutte samappavatte dhamme ikkhati, na codetīti **upekkhā**. Puggalaṃ upekkhāpetīti upekkhanā. Bojjaṅgabhāvappattiyā lokiya upekkhanāya adhiḥā upekkhanā **ajjupekkhanā**. Abyāpārāpajjanena majjhataḥbhāvo majjhataṭā. Sā pana cittassa, na sattassāti dīpetum **majjhataṭā cittassāti** vuttanti. Ayametta anupubbapadavaṇṇanā.

Nayā panettha gaṇetabbā – sattanampi hi bojjaṅgānaṃ ekato pucchitvā vissajjane ekeka magge nayasahassaṃ nayasahassanti cattāri nayasahassāni vibhattāni. Pāṭiyekkaṃ pucchitvā vissajjane ekeka bojjaṅgavasena cattāri cattārīti satta catukkā aṭṭhavīsati. Tāni purimehi catūhi saddhiṃ dvattiṃsāti sabbānīpi abhidhammabhājanīye dvattiṃsa nayasahassāni vibhattāni kusalāneva. Yasmā pana phalakkhaṇepi bojjaṅgā labbhanti, kusalahetukāni ca sāmāññaphalāni, tasmā tesupi bojjaṅgadassanattam kusalaniddesapubbāṅgamāya eva tantiyā vipākanayo āradhho. Sopi ekato pucchitvā vissajjanassa ca, pāṭiyekkaṃ pucchitvā vissajjanassa ca vasena duvidho hoti. Sesamettha heṭṭhā vuttanayeneva veditabbam. Vipāke pana kusalato tiguṇā nayā kātabbāti.

Abhidhammabhājanīyavaṇṇanā.

## 3. Pañhāpucchakavaṇṇanā

**482.** Pañhāpucchake pāṭianusāreṇeva bojjaṅgānaṃ kusalādibhāvo veditabbo. Ārammaṇattikesu pana sabbepe appamaṇaṃ nibbānaṃ ārabha pavattito appamaṇārammaṇā eva, na maggārammaṇā. Sahajāta hetuvasena panettha kusalā magga hetukā, vīriyaṃ vā vīmaṃsaṃ vā jeṭṭhakaṃ katvā maggabhāvanākāle maggādhipatino, chandacittajeṭṭhikāya maggabhāvanāya na vattabbā maggādhipatinoti, phalākālepi na vattabbā eva.

Atitādīsu ekārammaṇabhāvenapi na vattabbā, nibbānassa pana bahiddhādhammattā bahiddhārammaṇā nāma hontīti. Evametasmim pañhāpucchakepi nibbattitalokuttarāva bojjaṅgā kathitā. Sammāsambuddhena hi suttantabhājanīyasēva paṭhamanayasmim lokiya, dutiyatīyesu lokiya lokuttaramissakā bojjaṅgā kathitā. Abhidhammabhājanīyassa pana catūsipi nāyesu imasmiñca pañhāpucchake lokuttarāyevāti evamayam bojjaṅgavibhaṅgopi te parivaṭṭam nīharitvāva bhājetvā dassitoti.

Sammohavinodaniyā vibhaṅgaṭṭhakathāya

Bojjaṅgavibhaṅgavaṇṇanā niṭṭhitā.

## 11. Maggaṅgavibhaṅgo

### 1. Suttantabhājanīyaṇṇanā

**486.** Idāni tadanantare maggavibhaṅge **ariyo aṭṭhaṅgiko maggoti**ādi sabbam saccavibhaṅge dukkhanirodhagāminīpaṭipadāniddese vuttanayeneva vedītabbam. Bhāvanāvasena pāṭiyekkam dassite dutiyanayepi **sammādiṭṭhiṃ bhāveti vivekanissitanti**ādi sabbam bojhaṅgavibhaṅge vuttanayeneva vedītabbam. Evamidam dvinnampi nayānam vasena suttantabhājanīyam lokiyalokuttaramissakameva kathitam.

### 2. Abhidhammabhājanīyaṇṇanā

**490.** Abhidhammabhājanīye ‘ariyo’ti avatvā **aṭṭhaṅgiko maggoti** vuttam. Evaṃ avuttepi ayam ariyo eva. Yathā hi muddhābhisittassa rañño muddhābhisittāya deviyā kucchimim jāto putto rājaputtoti avuttepi rājaputtoyeva hoti, evamayampi ariyoti avuttepi ariyo evāti vedītabbo. Sesamidhāpi saccavibhaṅge vuttanayeneva vedītabbam.

**493.** Pañcaṅgikavārepi aṭṭhaṅgikoti avuttepi aṭṭhaṅgiko eva vedītabbo. Lokuttaramaggo hi pañcaṅgiko nāma natthi. Ayamettha ācariyānam samānatthakathā. Vitaṇḍavādī panāha – “lokuttaramaggo aṭṭhaṅgiko nāma natthi, pañcaṅgikoyeva hoti”ti. So “suttam āharāhi”ti vutto addhā aññaṃ apassanto imam mahāsaḷāyatanato suttappadesam āharissati “yā tathābhūtaṃ diṭṭhi, sāsā hoti sammādiṭṭhi. Yo tathābhūtaṃ saṅkappo, vāyāmo, satī, yo tathābhūtaṃ samādhi, svāsā hoti sammāsamādhi. Pubbeva kho panassa kāyakammaṃ vacīkammaṃ ājīvo suparisuddho hoti”ti.

Tato “etassa anantaram suttapadam āharā”ti vattabbo. Sace āharati iccetaṃ kusalam, no ce āharati sayam āharitvā “evamassāyam ariyo aṭṭhaṅgiko maggo bhāvanāpāripūriṃ gacchati”ti (ma. ni. 3.431) “iminā te satthusāsanena vādo bhinno; lokuttaramaggo pañcaṅgiko nāma natthi, aṭṭhaṅgikova hoti”ti vattabbo.

Imāni pana tīṇi aṅgāni pubbe parisuddhāni vattanti, lokuttaramaggakkhaṇe parisuddhatarāni honti. Atha ‘pañcaṅgiko maggo’ti idaṃ kimattham gahitanti? Atirekakiccadassanattam. Yasmiñhi samaye micchāvācam pajahati, sammāvācam pūreti, tasmim samaye sammākammantasammāājīvā natthi. Imāni pañcakārāpakaṅgāneva micchāvācam pajahanti; sammāvācā pana sayam virativasena pūreti. Yasmiṃ samaye micchākammantaṃ pajahati, sammākammantaṃ pūreti, tasmim samaye sammāvācāsammāājīvā natthi. Imāni pañca kārāpakaṅgāneva micchākammantaṃ pajahanti; sammākammanto pana sayam virativasena pūreti. Yasmiṃ samaye micchāājīvaṃ pajahati, sammāājīvaṃ pūreti, tasmim samaye sammāvācāsammākammantā natthi. Imāni pañca kārāpakaṅgāneva micchāājīvaṃ pajahanti; sammāājīvo pana sayam virativasena pūreti. Imaṃ etesaṃ pañcannaṃ kārāpakaṅgānaṃ kiccātirekataṃ dassetaṃ pañcaṅgiko maggoti gahitam. Lokuttaramaggo pana aṭṭhaṅgikova hoti, pañcaṅgiko nāma natthi.

“Yadi sammāvācādīhi saddhiṃ aṭṭhaṅgikoti vadatha, catasso sammāvācācetanā, tisso sammākammantacetanā, satta sammāājīvacetanāti imamhā cetanābhūttā katham muccissatha? Tasmā pañcaṅgikova lokuttaramaggo”ti. “Cetanābhūttā ca pamuccissāma; aṭṭhaṅgikova lokuttaramaggoti ca vakkhāma”. “Tvam tāva mahācattārisakabhāṇako hosi, na hosi”ti pucchitabbo. Sace “na homi”ti vadati, “tvam abhāṇakattā na jānāsī”ti vattabbo. Sace “bhāṇakosmi”ti vadati, “suttam āharā”ti vattabbo. Sace suttam āharati iccetaṃ kusalam, no ce āharati sayam uparipañāsato āharitabbam –

“Katamā ca, bhikkhave, sammāvācā? Sammāvācāpahaṃ, bhikkhave, dvāyam vadāmi – atthi, bhikkhave, sammāvācā sāsavā puññabhāgiyā upadhivepakkā; atthi, bhikkhave, sammāvācā ariyā anāsavā lokuttarā maggaṅgā.

“Katamā ca, bhikkhave, sammāvācā sāsavā puññabhāgiyā upadhivepakkā? Musāvādā veramaṇī, pisuṇāya vācāya veramaṇī, pharusāya vācāya veramaṇī, samphappalāpā veramaṇī – ayam, bhikkhave, sammāvācā sāsavā puññabhāgiyā upadhivepakkā.

“Katamā ca, bhikkhave, sammāvācā ariyā anāsavā lokuttarā maggaṅgā? Yā kho, bhikkhave, ariyacittassa anāsavacittassa ariyamaggasamaṅgino ariyamaggaṃ bhāvayato catūhi vacīduccaritehi ārati virati paṭivirati veramaṇī – ayam, bhikkhave, sammāvācā ariyā anāsavā lokuttarā maggaṅgā...pe....

“Katamo ca, bhikkhave, sammākammanto? Sammākammantaṃpahaṃ, bhikkhave, dvāyam vadāmi... pe... upadhivepakko.

“Katamo ca, bhikkhave, sammākammanto ariyo anāsavo lokuttaro...pe....

“Katamo ca, bhikkhave, sammāājīvo? Sammāājīvaṃpahaṃ, bhikkhave, dvāyaṃ vadāmi...pe... upadhivepakko.

“Katamo ca, bhikkhave, sammāājīvo ariyo anāsavo lokuttaro maggaṅgo? Yā kho, bhikkhave, ariyacittassa anāsavacittassa ariyamaggasamaṅgino ariyamaggaṃ bhāvayato micchāājīvā āraṭi virati paṭivirati veramaṇī – ayaṃ, bhikkhave, sammāājīvo ariyo anāsavo lokuttaro maggaṅgo”’ti (ma. ni. 3.138 ādayo).

Evamettha catūhi vacīduccaritehi, tīhi kāyaduccaritehi, micchāājīvato cāti ekekāva virati ariyā anāsavā lokuttarā maggaṅgāti vuttā. “Kuto ettha cetanābahuttaṃ? Kuto pañcaṅgiko maggo? Idaṃ te suttaṃ akāmakassa lokuttaramaggo aṭṭhaṅgikoti dipeti”. Sace ettakena sallakkheti iccetamaṃ kusalamaṃ, no ce sallakkheti aññānīpi kāraṇāni āharitvā saññāpetabbo. Vuttañhetamaṃ bhagavatā –

“Yasmiṃ kho, subhadda, dhammavinaye ariyo aṭṭhaṅgiko maggo na upalabbhati, samaṇopi tattha na upalabbhati...pe... imasmiṃ kho, subhadda, dhammavinaye ariyo aṭṭhaṅgiko maggo upalabbhati; idheva, subhadda, samaṇo...pe... suññā parappavādā samaṇehi aññehīti (dī. ni. 2.214).

Aññesupi anekesu suttasatesu aṭṭhaṅgikova maggo āgato. Kathāvattahuppakaraṇepi vuttaṃ –

“Maggānaṃ aṭṭhaṅgiko seṭṭho, saccānaṃ caturō padā;  
Virāgo seṭṭho dhammānaṃ, dvipadānaṃ cakkhumā”’ti (kathā. 872) –

“Attheva suttantoti”’? “Āmantā”’“tena hi aṭṭhaṅgiko maggo”’ti. Sace pana ettakenāpi saññattim na gacchati, “gaccha, vihāraṃ pavisitvā yāguṃ pivāhi”’ti uyyojetabbo. Uttarimpana kāraṇaṃ vakkhatīti aṭṭhānametaṃ. Sesamettha uttānatthameva.

Nayā panettha gaṇetabbā. Aṭṭhaṅgikamaggasmiñhi ekato pucchitvā ekato vissajjane catūsu maggesu cattāri nayasahassāni vibhattāni. Pañcaṅgikamagge ekato pucchitvā ekato vissajjane cattāri; pāṭiyekkaṃ pucchitvā pāṭiyekkaṃ vissajjane cattāri cattārīti pañcasu aṅgesu vīsati. Iti purimāni aṭṭha imāni ca vīsātīti sabbānīpi maggavibhaṅge aṭṭhavīsati nayasahassāni vibhattāni. Tāni ca kho nibbattitalokuttarāni kusalāneva. Vipāke pana kusallato tiguṇā nayā kātabbāti.

Abhidhammabhājanīyavaṇṇanā.

### 3. Pañhāpucchakavaṇṇanā

**504.** Pañhāpucchake pāḷianusāreneva maggaṅgānaṃ kusalādibhāvo veditabbo. Ārammaṇattikesu pana sabbānīpetāni appamāṇaṃ nibbānaṃ ārabha pavattito appamāṇārammaṇāneva, na maggārammaṇāni. Neva hi maggo na phalaṃ maggaṃ ārammaṇaṃ karoti. Sahajātahetuvasena panettha kusalāni maggahetukāni; vīriyaṃ vā vīmaṃsaṃ vā jeṭṭhakaṃ katvā maggabhāvanākāle maggādhipatīni; chandacittajeṭṭhikāya maggabhāvanāya na vattabbāni maggādhipatīni; phalakālepi na vattabbāneva.

Atītādīsu ekārammaṇabhāvenapi na vattabbāni; nibbānassa pana bahiddhādhammattā bahiddhārammaṇāni nāma hontīti evametasmim pañhāpucchakepi nibbattitalokuttarāneva maggaṅgāni kathitāni. Sammāsambuddhena hi suttantabhājanīyasmimyeva lokiyalokuttarāni maggaṅgāni kathitāni; abhidhammabhājanīye pana pañhāpucchake ca lokuttarānevāti evamayaṃ maggavibhaṅgopi te parivaṭṭamaṃ nīharitvāva bhājetvā dassitoti.

Sammohavinodaniyā vibhaṅgaṭṭhakathāya

Maggaṅgavibhaṅgavaṇṇanā niṭṭhitā.

## 12. Jhānavibhaṅgo

### 1. Suttantabhājanīyaṃ

#### Mātikāvaṇṇanā

**508.** Idāni tadanantare jhānavibhaṅge yā tāva ayaṃ sakalassāpi suttantabhājanīyassa paṭhamam mātikā ṭhapitā, tattha **idhāti** vacanam pubbhāgākaraṇīyasampadāya sampannassa sabbappakārajjhānanibbattakassa puggalassa sannissayabhūtasāsanaparidīpanam, aññasāsanassa ca tathābhāvapaṭisedhanam. Vuttañhetam – “idheva, bhikkhave, samaṇo...pe... suññā parappavādā samaṇehi aññehī”ti (a. ni. 4.241). **Bhikkhūti** tesam jhānānam nibbattakapuggalaparidīpanam. **Pātimokkhasamvarasamvutoti** idamassa pātimokkhasamvare paṭiṭṭhitabhāvaparidīpanam. **Viharatīti** idamassa tadanurūpavīhārasamaṅgībhāvaparidīpanam. **Ācāragocarasampannoti** idamassa heṭṭhā pātimokkhasamvarassa upari jhānānuyogassa ca upakāradhammaparidīpanam. **Aṇumattesu vajjesu bhayadassāvīti** idamassa pātimokkhatto acavanadhammaparidīpanam. **Samādāyāti** idamassa sikkhāpadānam anavasesato ādānaparidīpanam. **Sikkhatīti** idamassa sikkhāya samaṅgībhāvaparidīpanam. **Sikkhāpadesūti** idamassa sikkhitabbadhammaparidīpanam.

**Indriyesūti** idamassa guttadvāratāya bhūmiparidīpanam; rakkhitabbokāsaparidīpanantipi vadanti eva. **Guttadvāroti** idamassa chasu dvāresu saṃvihitārakkhabhāvaparidīpanam. **Bhojane mattaññūti** idamassa santosādiguṇaparidīpanam. **Pubbarattāpararattam jāgariyānuyogamanuyuttoti** idamassa kāraṇabhāvaparidīpanam. **Sātaccam nepakkanti** idamassa paññāpariggaḥitena vīriyena sātaccakāritāparidīpanam. **Bodhipakkhikānam dhammānam bhāvanānuyogamanuyuttoti** idamassa paṭipattiyā nibbedhabhāgiyattaparidīpanam.

**So abhikkante...pe... tuṅhībhāve sampajānakārī hotīti** idamassa sabbattha satisampajāññasamannāgatattaparidīpanam. **So vivittam senāsanam bhajatīti** idamassa anurūpasenāsanapariggaḥaparidīpanam. **Araññam...pe... paṭisallānasāruppanti** idamassa senāsanappabhedanirādinavātānisaṃsāparidīpanam. **So araññagato vāti** idamassa vuttappakārena senāsanena yuttabhāvaparidīpanam. **Nisīdatīti** idamassa yogānurūpairiyāpathaparidīpanam. **Parimukham satim upaṭṭhapetvāti** idamassa yogārambhaparidīpanam. **So abhijjam loke pahāyāti** idamassa kammatṭhānānuyogena nīvaraṇappahānaparidīpanam. Tasseva pahānanīvaraṇassa **viviceva kāmeḥīti** idamassa paṭipattiyā jhānupattiparidīpanam.

Api ca **idha bhikkhūti** imasmim sāsane jhānuppādako bhikkhu. Idāni yasmā jhānuppādakena bhikkhunā cattāri sīlāni sodhetabbāni, tasmāssa **pātimokkhasamvarasamvutoti** iminā pātimokkhasamvarasīlavissuddhim upadisati. **Ācāragocarasampannoti** idamassa ājīvapārisuddhisīlam. **Samādāya sikkhati sikkhāpadesūti** iminā tesam dvinnam sīlānam anavasesato ādānam. **Indriyesu guttadvāroti** iminā indriyasamvarasīlam. **Bhojane mattaññūti** iminā paccayasannissitasīlam. **Pubbarattāpararattanti** idamassa sīle paṭiṭṭhitassa jhānabhāvanāya upakārake dhamme. **So abhikkanteti** idamassa tesam dhammānam aparihānāya kammatṭhānassa ca asammosāya satisampajāññasamāyogam. **So vivittanti** idamassa bhāvanānurūpasenāsanapariggaḥam. **So araññagato vāti** idamassa tam senāsanam upagatassa jhānānurūpairiyāpathaṅgeva jhānabhāvanārambhāca. **So abhijjhanti** idamassa jhānabhāvanārambhena jhānapaccanīkadhammappahānam. **So ime pañca nīvaraṇe pahāyāti** idamassa evam pahānajjhānapaccanīkadhammassa sabbajjhānānam upattikkamam upadisatīti.

Mātikāvaṇṇanā.

Niddesaṇṇanā

**509.** Idāni yathānikkhitam mātikam paṭipattiyā bhājetvā dassetuṃ **idhāti imissā diṭṭhiyāti** idamassa āraddham. Tattha **imissā diṭṭhiyāti** idamassa dasahi padehi sikkhattayasānkhatam sabbaññubuddhasāsanameva kathitam. Tañhi buddhena bhagavatā diṭṭhattā **diṭṭhīti** vuccati. Tasseva khamanavasena **khanti**, rucanavasena **rucci**, gahaṇavasena **ādāyo**, sabhāvaṭṭhena **dhammo**, sikkhitabbaṭṭhena **vinayo**, tadubhayenāpi **dhammavinayo**, pavuttavasena **pāvacanam**, seṭṭhacariyaṭṭhena **brahmacariyam**, anusitṭhidānavasena **satthūsāsananti** vuccati. Tasmā **imissā diṭṭhiyāti** idamassa imissā buddhaditṭhiyā, imissā buddhakantiyā, imissā buddharuciya, imasmim buddhādāya, imasmim buddhadhamme, imasmim buddhavinaye.

“Ye ca kho tvam, gotami, dhamme jāneyyāsi – ‘ime dhammā sarāgāya samvattanti no virāgāya, saṃyogāya samvattanti no viśāyogāya, ācāyāya samvattanti no apacāyāya, upādāya samvattanti no paṭinissaggiyā, mahicchatāya samvattanti no appicchatāya, asantuṭṭhiyā samvattanti no santuṭṭhiyā, saṅgaṇikāya samvattanti no pavivekāya, kosajjāya samvattanti no vīriyārambhāya, dubbharatāya samvattanti no subharatāya’ti ekamsena hi, gotami, dhāreyyāsi – ‘neso dhammo, neso vinayo, netam satthūsāsana’nti. Ye ca kho tvam, gotami, dhamme jāneyyāsi – ‘ime dhammā virāgāya samvattanti no sarāgāya...pe... subharatāya samvattanti no dubbharatāya’ti. Ekamsena hi, gotami, dhāreyyāsi – ‘eso dhammo, eso vinayo, etam satthūsāsana’nti (a. ni. 8.53; cūḷava. 406).

Evam vutte imasmim buddhadhammavinaye, imasmim buddhapāvācane, imasmim buddhabrahmacariye,

imasmim buddhasatthusāsāneti evamattho veditabbo.

Apicetaṃ sikkhāttayasāṅkhātaṃ sakalaṃ sāsanaṃ bhagavatā diṭṭhattā sammādiṭṭhipaccayattā sammādiṭṭhipubbaṅgamattā ca diṭṭhi, bhagavato khamanavasena khanti, rucanavasena ruci, gahaṇavasena ādāyo. Attano kāraṇaṃ apāyesu apatamānaṃ dhāretīti dhammo. Sova saṃkilesapakkhaṃ vinatīti vinayo. Dhammo ca so vinayo cāti dhammavinayo. Kusaladhāmmehi vā akusaladhāmmānaṃ esa vinayoti dhammavinayo. Teneva vuttaṃ – ‘‘ye ca kho tvaṃ, gotamī, dhamme jāneyyāsī – ‘ime dhammā virāgāya saṃvattanti no sarāgāya...pe... ekaṃsena, gotamī, dhāreyyāsī ‘eso dhammo, eso vinayo, etaṃ satthusāsāna’nti.

Dhammena vā vinayo, na daṇḍādīhīti dhammavinayo, vuttampi cetam –

‘‘Daṇḍeneke damayanti, aṅkusehi kasāhi ca;  
Adaṇḍena asatthena, nāgo danto mahesinā’’ti. (cūḷava. 342; ma. ni. 2.352);

Tathā –

‘‘Dhammena nīyamānānaṃ, kā usūyā vijānata’’nti; (Mahāva. 63);

Dhammāya vā vinayo dhammavinayo. Anavajjadhāmmatthañhesa vinayo, na bhavabhogāmisatthaṃ. Tenāha bhagavā – ‘‘nayidaṃ, bhikkhave, brahmacariyaṃ vussati janakuhanattha’’nti (a. ni. 4.25) vitthāro. Puṇṇattheropi āha – ‘‘anupādāparinibbānatthaṃ kho, āvuso, bhagavati brahmacariyaṃ vussati’’ti (ma. ni. 1.259). Visiṭṭhaṃ vā nayatīti vinayo. Dhammato vinayo dhammavinayo. Saṃsāradhammato hi sokādiddhammato vā esa visiṭṭhaṃ nibbānaṃ nayati. Dhammassa vā vinayo, na titthakarānanti dhammavinayo; dhammabhūto hi bhagavā, tasveva vinayo. Yasmā vā dhammāyeva abhiññeyyā pariññeyyā pahātabbā bhāvetabbā sacchikātabbā ca, tasmā esa dhammesu vinayo, na sattesu, na jīvesu cāti dhammavinayo. Sātthasabyañjanatādīhi aññesaṃ vacanato padhānaṃ vacananti pavacanaṃ; pavacanameva pāvacanaṃ. Sabbacariyāhi visiṭṭhacariyābhāvena brahmacariyaṃ. Devamanussānaṃ satthubhūtaṃ bhagavato sāsānanti satthusāsānaṃ; satthubhūtaṃ vā sāsānantipi satthusāsānaṃ. ‘‘So vo mamaccayena satthā’’ti (dī. ni. 2.216) hi dhammavinayova satthāti vuttoti evametesam padānaṃ attho veditabbo.

Yasmā pana imasmimyeva sāsane sabbapakārajjhānanibbattako bhikkhu dissati, na aññatra, tasmā tattha tattha ‘imissā’ti ca ‘imasmī’nti ca ayaṃ niyamo katoti veditabboti. Ayaṃ ‘idhā’ti mātikāpadaniddesassa attho.

**510.** Bhikkhuniddese **samaññāyāti** paññattiyā, vohārenāti attho. Samaññāya eva hi ekacco bhikkhūti paññāyati. Tathā hi nimantanādīmihi bhikkhūsu gaṇīyamānesu samaṇerepi gahetvā ‘sataṃ bhikkhū, sahasaṃ bhikkhū’ti vadanti. **Paṭiññāyāti** attano paṭijānana. Paṭiññāyapi hi ekacco bhikkhūti paññāyati. Tassa ‘‘ko ettha āvuso’’ti? ‘‘Ahaṃ, āvuso, bhikkhū’’ti evamādisu (a. ni. 10.96) sambhavo daṭṭhabbo. Ayaṃ pana ānandattherena vuttattā dhammikā paṭiññā. Rattibhāge pana dussilāpi paṭipathaṃ āgacchantā ‘‘ko etthā’’ti vutte adhammikāya paṭiññāya abhūtattāya ‘‘mayam bhikkhū’’ti vadanti.

**Bhikkhatīti** yācati. Yo hi koci bhikkhati, bhikkhaṃ esati gavesati, so taṃ labhatu vā mā vā, atha kho bhikkhatīti bhikkhu. **Bhikkhakoti** byañjanaena padaṃ vaḍḍhitaṃ; bhikkhanadhammatāya bhikkhūti attho. **Bhikkhācariyaṃ ajjhupagatoti** buddhādīhi ajjhupagataṃ bhikkhācariyaṃ ajjhupagatattā bhikkhācariyaṃ ajjhupagato nāma. Yo hi koci appaṃ vā mahantaṃ vā bhogakkhandhaṃ pahāya agārasmā anagāriyaṃ pabbajito, kasigorakkhādīhi jīvitakappaṇaṃ hitvā liṅgasampañcchaneneva bhikkhācariyaṃ ajjhupagatoti bhikkhu. Parappaṭibaddhajīvikattā vā vihāramajjhe kājabhattaṃ bhūñjamānopi bhikkhācariyaṃ ajjhupagatoti bhikkhu. Piṇḍiyālopabhojanaṃ nissāya pabbajjāya ussāhajātattā vā bhikkhācariyaṃ ajjhupagatoti bhikkhu.

Agghaphassavaṇṇabhedena bhinnaṃ paṭaṃ dhāretīti **bhinnapaṭadharo**. Tattha satthakacchedanena agghabhedo veditabbo. Sahassagghanakopi hi paṭo satthakena khaṇḍākhāṇḍikaṃ chinno bhinnaggho hoti, purimagghato upaḍḍhampi na agghati. Suttasaṃsibbanena phassabhedo veditabbo. Sukhasamphassopi hi paṭo suttehi saṃsibbito bhinnaphasso hoti, kharasamphassataṃ pāpūnāti. Sūcimalādīhi vaṇṇabhedo veditabbo. Suparisuddhopi hi paṭo sūcikkammato paṭṭhāya sūcimalena, hatthasedamalajallikādīhi, avasāne rajanakappakaraṇehi ca bhinnavaṇṇo hoti, pakativāṇṇaṃ vijahati. Evaṃ tīhākārehi bhinnapaṭadharāṇato bhinnapaṭadharoti bhikkhu. Gihīvatthavisabhāgānaṃ vā kāsāvānaṃ dhāraṇamatteneva bhinnapaṭadharoti bhikkhu.

**Bhindati pāpake akusale dhammeti** bhikkhu. Sotāpattimaggena pañca kilese bhindatīti bhikkhu. Sakadāgāmimaggena cattāro, anāgāmimaggena cattāro, arahattamaggena aṭṭha kilese bhindatīti bhikkhu. Ettāvataṃ cattāro maggaṭṭhā dassitā. **Bhinnattāti** iminā pana cattāro phalaṭṭhā. Sotāpanno hi sotāpattimaggena pañca kilese



bhinditvā ṭhito. Sakadāgāmī sakadāgāmimaggena cattāro, anāgāmī anāgāmimaggena cattāro, arahā arahattamaggena aṭṭha kilese bhinditvā ṭhito. Evamayam catubbidho phalaṭṭho bhinnattā pāpakānaṃ akusalānaṃ dhammānaṃ bhikkhu nāma.

**Odhiso kilesānaṃ pahānāti** ettha dve odhī – maggodhi ca kilesodhi ca. Odhi nāma sīmā, mariyādā. Tattha sotāpanno maggodhinā odhiso kilesānaṃ pahānā bhikkhu. Tassa hi catūsu maggesu ekeneva odhinā kilesā pahīnā, na sakalena maggacatukkena. Sakadāgāmīanāgāmīsūpi eseva nayo. Sotāpanno ca kilesodhināpi odhiso kilesānaṃ pahānā bhikkhu. Tassa hi pahātabbakilese odhināva kilesā pahīnā, na sabbena sabbam. Arahā pana anodhisova kilesānaṃ pahānā bhikkhu. Tassa hi maggacatukkena anodhināva kilesā pahīnā, na ekāya maggasīmāya. Pahātabbakilese ca anodhisova kilesā pahīnā. Ekāpi hi kilesasīmā ṭhitā nāma natthi. Evaṃ so ubhayathāpi anodhiso kilesānaṃ pahānā bhikkhu.

**Sekkhoti** puthujjanakalyāṇakena saddhiṃ satta ariyā. Tisso sikkhā sikkhantīti sekkhā. Tesu yo koci sekkho bhikkhuti veditabbo. Na sikkhatīti **asekkho**. Sekkhadhamme atikkamma aggaphale ṭhito tato uttari sikkhitabbābhāvato khīṇāsavo asekkhoti vuccati. Avaseso puthujjanabhikkhu tisso sikkhā neva sikkhati, na sikkhitvā ṭhitoti **nevasekkhanāsekkhoti** veditabbo.

Sīlaggaṃ samādhiḡgaṃ paññaggaṃ vimuttagganti idaṃ aggaṃ patvā ṭhitattā **aggo bhikkhu** nāma. **Bhadroti** apāpako. Kalyāṇaputhujjanādayo hi yāva arahā tāva bhadrēna sīlena samādhinā paññāya vimuttiyā vimuttiñānadassanena ca samannāgatattā bhadro bhikkhūti saṅkhyam gacchanti. **Maṇḍo bhikkhūti** pasanno bhikkhu; sappimaṇḍo viya anāvilo vippasannoti attho. **Sāroti** tehiyeva sīlasārādīhi samannāgatattā, nīlasamannāgamena nīlo paṭo viya, sāro bhikkhūti veditabbo. Vigatakilesapheggubhāvato vā khīṇāsavova sāroti veditabbo.

Tattha ca “bhindati pāpake akusale dhammeti bhikkhu, odhiso kilesānaṃ pahānā bhikkhu, sekkho bhikkhū”ti imesu tīsu ṭhānesu satta sekkhā kathitā. “Bhinnattā pāpakānaṃ akusalānaṃ dhammānanti bhikkhu, anodhiso kilesānaṃ pahānā bhikkhu, asekkho bhikkhu, aggo bhikkhu, maṇḍo bhikkhū”ti imesu pañcasu ṭhānesu khīṇāsavova kathito. “Nevasekkhanāsekkho”ti ettha puthujjanova kathito. Sesaṭṭhānesu puthujjanakalyāṇako, satta sekkhā, khīṇāsavoti ime sabbepi kathitā.

Evaṃ samaññādīhi bhikkhuṃ dassetvā idāni upasampadāvasena dassetuṃ **samaggena saṅghenāti**ādīmāha. Tattha **samaggena saṅghenāti** sabbantimena paricchēdēna pañcavaggakaraṇīye kamme yāvaticā bhikkhū kammappattā, tesam āgatattā chandārahānaṃ chandassa āhaṭattā sammukhībhūtānañca appaṭikkosanato ekasmiṃ kamme samaggabhāvaṃ upagatena. **Ñatticatutthenāti** tīhi anussāvanāhi ekāya ca ñattiyā kātabbena. **Kammenāti** dhammikenā vinayakammenā. **Akuppenāti** vatthuñattianussāvanasīmāparisasampattisampannattā akopetabbataṃ appaṭikkositabbataṃ upagatena. **Ṭhānārahenāti** karaṇārahena satthusāsānārahena.

**Upasampanno** nāma uparibhāvaṃ samāpanno, pattoti attho. Bhikkhubhāvo hi uparibhāvo. Tañcesa yathāvuttena kammēna samāpannattā upasampannoti vuccati. Etena yā imā ehibhikkhūpasampadā, saraṇāgamanūpasampadā, ovādapaṭiggahaṇūpasampadā, pañhabyākaraṇūpasampadā, garudhammapaṭiggahaṇūpasampadā, dūtenūpasampadā, aṭṭhavācīkūpasampadā, ñatticatutthakammūpasampadāti aṭṭha upasampadā vuttā, tāsam ñatticatutthakammūpasampadā, dūtenūpasampadā, aṭṭhavācīkūpasampadāti imā tissova thāvarā. Sesā buddhe dharamāneyeva ahesuṃ. Tāsu upasampadāsu imasmiṃ ṭhāne ayaṃ ñatticatutthakammūpasampadāva adhippetā.

**511.** Pātimokkhasaṃvaraniddese **pātimokkhanti** sikkhāpadasīlaṃ. Tañhi, yo naṃ pāti rakkhati, taṃ mokkheti mocayati āpāyikādīhi dukkhehi, tasmā pātimokkhanti vuttaṃ. **Sīlaṃ paṭiṭṭhāti**ādīni tasseva vevacanāni. Tattha sīlanti kāmañcetaṃ saha kammavācāpariyosānena ijjhanakassa pātimokkhassa vevacanaṃ, evaṃ santēpi dhammato etaṃ sīlaṃ nāma pāṇātipātādīhi vā viramantassa vattappaṭipattim vā pūrentassa cetanādayo dhammā veditabbā. Vuttañhetam paṭisambhīdayam “kiṃ sīla”nti? Cetanā sīlaṃ, cetasikaṃ sīlaṃ, saṃvaro sīlaṃ, avītikkamo sīla”nti (paṭi. ma. 1.39).

Tattha **cetanā sīlaṃ** nāma pāṇātipātādīhi vā viramantassa vattappaṭipattim vā pūrentassa cetanā. **Cetasikaṃ sīlaṃ** nāma pāṇātipātādīhi viramantassa viratī. Apica cetanā sīlaṃ nāma pāṇātipātādīni pajahantassa satta kammāpathacetanā. Cetasikaṃ sīlaṃ nāma “abhijjham pahāya vigatābhijjhena cetasā viharatī”tiādīnā nayena saṃyuttamahāvagge vuttā anabhijjhābyāpādasammādiṭṭhidhammā. **Saṃvaro sīlanti** ettha pañcavidhena saṃvaro veditabbo – pātimokkhasaṃvaro, satsaṃvaro, ñāṇasaṃvaro, khantisāṃvaro, vīriyasaṃvaroti. Tassa nānākaraṇam visuddhimagge (visuddhi. 1.6) vuttaṃ. **Avītikkamo sīlanti** samādiññasīlassa kāyikavācasiko avītikkamo. Ettha ca saṃvarasīlaṃ avītikkamasīlanti idameva nipariyāyato sīlaṃ; cetanā sīlaṃ cetasikaṃ sīlanti pariyāyato sīlanti veditabbam.

Yasmā pana pātimokkhasaṃvarasīlena bhikkhu sāsane patiṭṭhāti nāma, tasmā taṃ ‘**patiṭṭhā**’ti vuttaṃ; patiṭṭhahati vā ettha bhikkhu, kusaladhammā eva vā ettha patiṭṭhahantīti patiṭṭhā. Ayamatto –

“Sīle patiṭṭhāya naro sapañño, cittaṃ paññaṅca bhāvayaṃ;  
Ātāpī nipako bhikkhu, so imaṃ vijaṭṭhaya jaṭa’nti ca. (saṃ. ni. 1.23);

“Patiṭṭhā, mahārāja, sīlaṃ sabbesaṃ kusaladhammāna’nti ca “sīle patiṭṭhitassa kho, mahārāja, sabbe kusalā dhammā na parihāyanti’nti (mī. pa. 2.1.9) ca ādisuttavasena vedittabbo.

Tadetaṃ pubbuppattiatthena **ādi**. Vuttampi cetam –

“Tasmātiha tvaṃ, uttiya, ādimeva visodhehi kusalesu dhammesu. Ko cādi kusalānaṃ dhammānaṃ?  
Sīlaṅca suvisuddhaṃ diṭṭhi ca ujukā’nti (saṃ. ni. 5.382).

Yathā hi nagaravaḍḍhakī nagaraṃ māpetukāmo paṭhamaṃ nagaraṭṭhānaṃ sodheti, tato aparabhāge vīthicatukkasiṅghāṭakādīparicchhedena vibhajitvā nagaraṃ māpeti; evameva yogāvacaro āditova sīlaṃ visodheti, tato aparabhāge samathavipassanāmaggaḥalanibbānāni sacchikaroti. Yathā vā pana rajako paṭhamaṃ tīhi khārehi vatthaṃ dhovitvā parisuddhe vatthe yadicchakaṃ raṅgajātaṃ upaneti; yathā vā pana cheko cittakāro rūpaṃ likhitukāmo āditova bhittiparikammaṃ karoti, tato aparabhāge rūpaṃ samuṭṭhāpeti; evameva yogāvacaro āditova sīlaṃ visodhetvā aparabhāge samathavipassanādayo dhamme sacchikaroti. Tasmā sīlaṃ “ādī’nti vuttaṃ.

Tadetaṃ caraṇasarikkhatāya **caraṇaṃ**. Caraṇāti hi pādā vuccanti. Yathā hi chinnacaraṇassa purisassa disaṃgamanābhisaṅkhāro na jāyati, paripuṇṇapādasseva jāyati; evameva yassa sīlaṃ bhinnaṃ hoti khaṇḍaṃ aparipuṇṇaṃ, tassa nibbānagamaṇāya nīṇagamaṇaṃ na sampajjati. Yassa pana taṃ abhinnaṃ hoti akkhaṇḍaṃ paripuṇṇaṃ tassa nibbānagamaṇāya nīṇagamaṇaṃ sampajjati. Tasmā sīlaṃ “caraṇa’nti vuttaṃ.

Tadetaṃ saṃyamanavasena **saṃyamo**, saṃvaraṇavasena **saṃvaro**. Ubhayenāpi sīlasaṃyamo ceva sīlasaṃvaro ca kathito. Vacanattho panettha saṃyameṭi vītikamavipphandaṇaṃ, puggalaṃ vā saṃyameṭi, vītikamavasena tassa vipphanditūṃ na detīti saṃyamo. Vītikamassa pavesanadvāraṃ saṃvarati pidahatītipi saṃvaro. **Mokkhanti** uttamaṃ mukhabhūtaṃ vā. Yathā hi sattānaṃ catubbidho āhāro mukhena pavisitvā aṅgamaṅgāni pharati, evaṃ yoginopi catubhūmakakusalaṃ sīlamukhena pavisitvā atthasiddhiṃ sampādeti. Tena vuttaṃ “mokkha’nti. Pamukhe sādhiṭi **pāmokkhaṃ**; pubbaṅgamaṃ seṭṭhaṃ padhānanti attho. **Kusalānaṃ dhammānaṃ samāpattiyāti** catubhūmakakusalānaṃ paṭilābhathāya pāmokkhaṃ pubbaṅgamaṃ seṭṭhaṃ padhānanti vedittabbaṃ.

**Kāyiko avītikamoti** tividhaṃ kāyasucaritaṃ. **Vācasikoti** catubbidhaṃ vacīsucaritaṃ. **Kāyikavācasikoti** tadubhayaṃ. Iminā ājīvaṭṭhamakasiṅgaṃ pariyādāya dasseti. **Saṃvutoti** pihito; saṃvutindriyo pihitindriyoti attho. Yathā hi saṃvutadvāraṃ gehaṃ “saṃvutagehaṃ pihitageha’nti vuccati, evamidha saṃvutindriyo “saṃvuto’nti vutto. **Pātimokkhasaṃvarena**ti pātimokkhena ca saṃvarena ca, pātimokkhasaṅkhātena vā saṃvarena. **Upeṭoti**ādnī vuttatthāneva.

**512. Iriyatīti**ādnīhi sattahipi padehi pātimokkhasaṃvarasīle ṭhitassa bhikkhuno iriyāpathavīhāro kathito.

**513.** Ācāragocaraniddese kiñcāpi bhagavā samaṇācāraṃ samaṇagocaraṃ kathetukāmo “ācāragocarasampannoti atthi ācāro, atthi anācāro’nti padaṃ uddhari. Yathā pana maggakusalo puriso maggaṃ acikkhanto ‘vāmaṃ muñca dakkhiṇaṃ gaṇhā’nti paṭhamaṃ muñcitabbaṃ sabhayamaggaṃ uppathamaggaṃ ācikkhati, pacchā gahetabbaṃ khemamaggaṃ ujumaggaṃ; evameva maggakusalapurisasadiso dhammarājā paṭhamaṃ pahātabbaṃ buddhappaṭikuṭṭhaṃ anācāraṃ ācikkhitvā pacchā ācāraṃ ācikkhitukāmo “tatha katamo anācāro’ntiādimāha. Purisena hi ācikkhitamaggaṃ sampajjeyya vā na vā, tathāgatena ācikkhitamaggaṃ apanṇako, indena vissatthaṃ vajiraṃ viya, avirajjhanako nibbānagamaṇyeva samosarati. Tena vuttaṃ – “puriso maggakusaloti kho, tissa, tathāgatassetam adhivacanaṃ arahato sammāsambuddhassā’nti (saṃ. ni. 3.84).

Yasmā vā sasīsaṃ nahānena pahīnasedamalajallikassa purisassa mālāgandhavilepanādivibhūsanavidhānaṃ viya pahīnapāpadhammassa kalyāṇadhammasamāyogo sampannarūpo hoti, tasmā sedamalajallikāṃ viya pahātabbaṃ paṭhamaṃ anācāraṃ ācikkhitvā, pahīnasedamalajallikassa mālāgandhavilepanādivibhūsanavidhānaṃ viya pacchā ācāraṃ ācikkhitukāmopi **tatha katamo anācāro**tiādimāha. Tatha **kāyiko vītikamoti** tividhaṃ kāyaducaritaṃ; **vācasiko vītikamoti** catubbidhaṃ vacīducaritaṃ; **kāyikavācasiko vītikamoti** tadubhayaṃ. Evaṃ ājīvaṭṭhamakasiṅgasseva vītikamaṃ dassesi.

Yasmā pana na kevalaṃ kāyavācāhi eva anācāraṃ ācarati, manasāpi ācarati eva, tasmā taṃ dassetuṃ “sabbampi dussīlyaṃ anācāro”ti vuttaṃ. Tattha ekacciyaṃ anācāraṃ vibhajitvā dassento **idhekacco veļudānenāti**ādiṃmāha. Tattha **veļudānenāti** paccaya hetukena veļudānena. Vihāre uṭṭhitañhi araññato vā āharitvā rakkhitagopitaṃ veļuṃ ‘evaṃ me paccayaṃ dassanti’ti upaṭṭhākānaṃ dātuṃ na vaṭṭati. Evañhi jīvitaṃ kappento anesanāya micchājīvena jīvati. So diṭṭheva dhamme garaḥaṃ pāpuṇāti, samparāye ca apāyaparipūrako hoti. Attano puggalikaveļuṃ kulasaṅghatthāya dadanto kuladūsakadukkaṭamāpajjati; parapuggalikaṃ theyyacittena dadamāno bhaṇḍagghena kāretabbo. Saṅghikepi ese va nayo. Sace pana taṃ issaravatāya deti garubhaṇḍavissajjanamāpajjati.

Kataro pana veļu garubhaṇḍaṃ hoti, kataro na hotīti? Yo tāva aropimo sayamjātako, so saṅghena paricchinnaṭṭhāneyeva garubhaṇḍaṃ, tato paraṃ na garubhaṇḍaṃ; ropitaṭṭhāne sabbena sabbam garubhaṇḍaṃ. So pana pamānena paricchinno telanālippamāṇopi garubhaṇḍaṃ, na tato heṭṭhā. Yassa pana bhikkhuno telanāliyā vā kattaradaṇḍena vā attho, tena phātikammaṃ katvā gahetabbo. Phātikammaṃ tadagghanakaṃ vā atirekaṃ vā vaṭṭati, ūnakaṃ na vaṭṭati. Hatthakammampi udakāharaṇamattaṃ vā appaharitarāṇamattaṃ vā na vaṭṭati, taṃ thāvaram kātuṃ vaṭṭati. Tasmā pokkharāṇito vā paṃsuṃ uddharitvā sopānaṃ vā attharāpetvā visamaṭṭhānaṃ vā samaṃ katvā gahetuṃ vaṭṭati. Phātikammaṃ akatvā gahito tattha vasanteneva paribhuñjitaṃ; pakkamantena saṅghikaṃ katvā ṭhapetvā gantabbaṃ. Asatiyā gahetvā gatena yattha gato sarati, tato paccāharitabbo. Sace antarā bhayaṃ hoti, sampattavihāre ṭhapetvā gantabbaṃ.

Manussā vihāraṃ gantvā veļuṃ yācanti. Bhikkhū ‘saṅghiko’ti dātuṃ na visahanti. Manussā punappunaṃ yācanti vā tajjenti vā. Tadā bhikkhūhi ‘daṇḍakammaṃ katvā gaṇhathā’ti vattuṃ vaṭṭati; veļudānaṃ nāma na hoti. Sace te daṇḍakammattāya vāsiphārasuādīni vā khādanīyabhojanīyaṃ vā denti, gahetuṃ na vaṭṭati. Vinayaṭṭhakathāyaṃ pana “daḍḍhagehā manussā gaṇhitvā gacchantā na vāretabbā”ti vuttaṃ.

Sace saṅghassa veļugumbe veļudūsikā uppajjanti, taṃ akoṭṭāpentānaṃ veļu nassati, kiṃ kātabbanti? Bhikkhācāre manussānaṃ ācikkhitabbaṃ. Sace koṭṭetuṃ na icchanti ‘samabhāgaṃ labhissathā’ti vattabbā; na icchantiyeva ‘dve koṭṭhāse labhissathā’ti vattabbā. Evampi anicchantesu ‘naṭṭhena attho natthi, tumhākaṃ khaṇe satī daṇḍakammaṃ karissatha, koṭṭetvā gaṇhathā’ti vattabbā; veļudānaṃ nāma na hoti. Veļugumbe aggimhi uṭṭhitepi, udakena vuyhamānaveļusupi ese va nayo. Rukkhesupi ayameva kathāmaggo. Rukkho pana sūcīdaṇḍakappamāṇo garubhaṇḍaṃ hoti. Saṅghike rukkhe koṭṭāpetvā saṅghaṃ anāpucchitvāpi saṅghikaṃ āvāsaṃ kātuṃ labbhati. Vacanapathacchedanattaṃ pana āpucchitvāva kātabbo.

Puggalikaṃ kātuṃ labbhati, na labbhatīti? Na labbhati. Hatthakammaśīsenā pana ekasmiṃ gehe mañcaṭṭhānamattaṃ labbhati, tīsu gehesu ekaṃ gehaṃ labhati. Sace dabbhasambhārā puggalikā honti, bhūmi saṅghikā, ekaṃ gehaṃ katvā samabhāgaṃ labhati, dvīsu gehesu ekaṃ gehaṃ labhati. Saṅghikarukkhe saṅghikaṃ āvāsaṃ bādheṇe saṅghaṃ anāpucchā hāretuṃ vaṭṭati, na vaṭṭatīti? Vaṭṭati. Vacanapathacchedanattaṃ pana āpucchitvāva hāretabbo. Sace rukkhaṃ nissāya saṅghassa mahanto lābho hoti, na hāretabbo. Puggalīkarukkhe saṅghikaṃ āvāsaṃ bādheṇe rukkhasāmikassa ācikkhitabbaṃ. Sace harituṃ na icchati, chedāpetvā hāretabbo. ‘Rukkhaṃ me dethā’ti codentassa rukkhaṃ agghāpetvā mūlaṃ dātābbaṃ. Saṅghike rukkhe puggalikāvāsaṃ, puggalike ca puggalikāvāsaṃ bādhetepi ese va nayo. Valliyampi ayameva kathāmaggo. Valli pana yattha vikkāyati, dullabhā hoti, tattha garubhaṇḍaṃ. Sā ca kho upaḍḍhabāhuppamāṇato paṭṭhāya; tato heṭṭhā vallikhaṇḍaṃ garubhaṇḍaṃ na hoti.

Pattadānādīsipi **pattadānenāti** paccaya hetukena pattadānenātiādi sabbam veļudāne vuttanayeneva veditabbaṃ. Garubhaṇḍatāya panettha ayaṃ vinicchayo. Pattampi hi yattha vikkāyati, gandhikādayo gandhapalīveṭṭhanādīnaṃ atthāya gaṇhanti, tādisē dullabhaṭṭhāneyeva garubhaṇḍaṃ hoti. Esa tāva kiṃsukapattakaṇṇapiḷandhanatālapattādīsū vinicchayo.

Tālapaṇṇampi imasmiṃyeva ṭhāne kathetabbaṃ. Tālapaṇṇampi hi sayamjāte tālavane saṅghena paricchinnaṭṭhāneyeva garubhaṇḍaṃ, na tato paraṃ. Ropimatālesu sabbampi garubhaṇḍaṃ. Tassa pamāṇaṃ heṭṭhimakoṭṭiyā aṭṭhaṅgulappamāṇopi rittapotthako. Tiṇampi ettheva pakkhipitvā kathetabbaṃ. Yattha pana tiṇaṃ natthi tattha muñjapalālanāḷikerapaṇṇādīhipi chādenti. Tasmā tāni pi tiṇeneva saṅgahitāni. Iti muñjapalāḷādīsū yaṃkiñci muṭṭhippamāṇaṃ tiṇaṃ, nāḷikerapaṇṇādīsū ca ekapaṇṇampi saṅghassa dinnam vā tatthajātakaṃ vā bahiārāme saṅghassa tiṇavattumhi jātatiṇaṃ vā rakkhitagopitaṃ garubhaṇḍaṃ hoti. Taṃ pana saṅghakamme ca cetiyakamme ca kate atirekaṃ puggalīkakamme dātuṃ vaṭṭati. Heṭṭhā vuttaveļumhipi ese va nayo.

Pupphadāne “ettakesu rukkhesu pupphāni vissajjetvā yāgubhattavatthe upanentu, ettakesu senāsana paṭisaṅkharāṇe upanentū”ti evaṃ niyamitaṭṭhāne eva pupphāni garubhaṇḍāni honti. Paratīre sāmaṇerā pupphāni ocinitvā rāsīm karonti, pañcaṅgasamānāgato pupphabhājako bhikkhusaṅghaṃ gaṇetvā koṭṭhāse karoti, so

sampattaparisāya saṅghaṃ anāpucchitvāva dātuṃ labhati; asammātena pana āpucchitvāva dātābbaṃ. Bhikkhu pana kassa pupphāni dātuṃ labhati, kassa na labhatīti? Mātāpitūnaṃ gehaṃ haritvāpi gehato pakkosāpetvāpi ‘vatthupūjaṃ karothā’ti dātuṃ labhati, piḷandhanatthāya dātuṃ na labhati; sesaññātīnaṃ pana haritvā na dātābbaṃ, pakkosāpetvā ‘pūjaṃ karothā’ti dātābbaṃ; sesajanassa pūjanaṭṭhānaṃ sampattassa apaccāsīsentena dātābbaṃ; pupphadānaṃ nāma na hoti. Vihāre bahūni pupphāni pupphanti. Bhikkhunā piṇḍāya carantena manusse disvā ‘vihāre bahūni pupphāni, pūjethā’ti vattābbaṃ. Vacanamatte doso natthi. ‘Manussā khādanīyabhojanīyaṃ na paribhuñjitābbaṃ. Manussā attano dhammatāya ‘vihāre pupphāni atthī’ti pucchitvā ‘asukadivase vihāraṃ āgamissāma, sāmaṇerānaṃ pupphāni ocinituṃ mā dethā’ti vadanti. Bhikkhū sāmaṇerānaṃ kathetuṃ pamuṭṭhā. Sāmaṇerehi pupphāni ocinitvā ṭhapitāni. Manussā bhikkhū upasānkamitvā ‘bhante, mayaṃ tumhākaṃ asukadivaseyeva ārocayimha – ‘sāmaṇerānaṃ pupphāni ocinituṃ mā dethā’ti. Kasmā na vārayitthā’? ‘Sati me pamuṭṭhā, pupphāni ocinitamattāneva, tāva na pūjā katā’ti vattābbaṃ. ‘Gaṇhatha pūjethā’ti na vattābbaṃ. Sace vadati, āmisāṃ na paribhuñjitābbaṃ.

Aparo bhikkhu sāmaṇerānaṃ ācikkhati ‘asukagāmaṃvāsino pupphāni mā ocinitthā’ti āhaṃsūti. Manussāpi āmisāṃ āharitvā dānaṃ datvā vadanti – ‘amhākaṃ manussā na bahukā, sāmaṇere amhehi saha pupphāni ocinituṃ āṇāpethā’ti. ‘Sāmaṇerehi bhikkhā laddhā; ye bhikkhācāraṃ na gacchanti, te sayameva jānissanti, upāsakā’ti vattābbaṃ. Ettakaṃ nayaṃ labhitvā sāmaṇere putte vā bhātike vā katvā pupphāni ocināpetuṃ doso natthi; pupphadānaṃ nāma na hoti.

Phaladāne phalampi pupphaṃ viya niyamitameva garubhaṇḍaṃ hoti. Vihāre bahukamhi phalāphale sati apḥāsukamanussā āgantvā yācanti. Bhikkhū ‘saṅghika’nti dātuṃ na ussahanti. Manussā vipaṭṭisārino akkosanti paribhāsanti. Tattha kiṃ kātābanti? Phalehi vā rukkhehi vā paricchinditvā katikā kātābā – ‘asukesu ca rukkhesu ettakāni phalāni gaṇhantā, ettakesu vā rukkhesu phalāni gaṇhantā na vāretābā’ti. Corā pana issarā vā balakkārena gaṇhantā na vāretābā; kuddhā te sakalavihāraṃpi nāseyyuṃ. Ādīnava pana kathetābhoti.

Sinānadāne sinānacunṇāni koṭṭitāni na garubhaṇḍāni. Akoṭṭito rukkhattacova garubhaṇḍaṃ. Cunṇaṃ pana agilānassa rajananipakkaṃ vaṭṭati. Gilānassa yaṃkiñci cunṇaṃ vaṭṭatiyeva. Mattikāpi ettheva pakkhipitvā kathetābā. Mattikāpi yattha dullabhā hoti, tattheva garubhaṇḍaṃ. Sāpi heṭṭhimakoṭṭiyā tiṃsapalaguḷapiṇḍappamaṇāva tato heṭṭhā na garubhaṇḍanti.

Dantakaṭṭhadāne dantakaṭṭhaṃ acchinnakameva garubhaṇḍaṃ. Yesaṃ sāmaṇerānaṃ saṅghato dantakaṭṭhavāro pāpuṇāti, te attano ācariyupajjhāyānaṃ pāṭiyekkaṃ dātuṃ na labhanti. Yehi pana ‘ettakāni dantakaṭṭhāni āharitābāni’ti paricchinditvā vāraṃ gahitāni, te atirekāni ācariyupajjhāyānaṃ dātuṃ labhanti. Ekena bhikkhunā dantakaṭṭhamālakato bahūni dantakaṭṭhāni na gahetābāni, devasikaṃ ekekameva gahetābbaṃ. Pāṭiyekkaṃ vasantenāpi bhikkhusaṅghaṃ gaṇayitvā yattakāni attano pāpuṇanti tattakāneva gahetvā gantābbaṃ; antarā āgantukesu vā āgatesu disaṃ vā pakkamantena āharitvā gahitaṭṭhāneyeva ṭhapetābāni.

**Cāṭukamyatāyāti**ādīsu cāṭukamyatā vuccati attānaṃ dāsaṃ viya nīcaṭṭhāne ṭhapetvā parassa khalitavacanampi saṅghapetvā piyakāmatāya paggayhavacanaṃ. **Muggasūpyatāyāti** muggasūpasamānāya saccālikena jīvitakappanāyetaṃ adhivacanaṃ. Yathā hi muggasūpe paccante bahū muggā pākaṃ gacchanti, thokā na gacchanti; evameva saccālikena jīvitakappake puggale bahu alikaṃ hoti, appakaṃ saccaṃ. Yathā vā muggasūpassa appavisaṅghānaṃ nāma natthi, evameva saccālikavuttino puggalassa appaviṭṭhavācā nāma natthi; siṅghātaṃ viya icchīticchitadhārāya paṭiṭṭhāti. Tenassa sā musāvādītā muggasūpyatāti vuttā. **Pāribhaṭṭayātī** paribhaṭṭakammabhāvo. Paribhaṭṭassa hi kammaṃ pāribhaṭṭayaṃ, tassa bhāvo pāribhaṭṭayātī; alaṅkāraṇādīhi dāraṅkāṭṭhāpanasetaṃ adhivacanaṃ.

**Jānghapesanikanti** gāmantaradesantarādīsu tesāṃ tesāṃ gihīnaṃ sāsanaṭṭisāsanaḥaraṇaṃ. Idañhi jānghapesanikaṃ nāma attano mātāpitūnaṃ, ye cassa mātāpituro upaṭṭhahanti, tesāṃ sāsanaṃ gahetvā katthaci gamanavasena vaṭṭati. Cetiyaṃ vā saṅghassa vā attano vā kammaṃ karontānaṃ vaḍḍhakīnampi sāsanaṃ haritūṃ vaṭṭati. Manussā ‘dānaṃ dassāma, pūjaṃ karissāma, bhikkhusaṅghassa ācikkhathā’ti vadanti; ‘asukattherassa nāma dethā’ti piṇḍapātaṃ vā bhesajjaṃ vā cīvaraṃ vā denti; ‘vihāre pūjaṃ karothā’ti mālāgandhavilepanādīni vā dhajapatākādīni vā nīyyādenti, sabbaṃ haritūṃ vaṭṭati; jānghapesanikaṃ nāma na hoti. Sesānaṃ sāsanaṃ gahetvā gacchantassa padavāre padavāre doso.

**Aññataraññatarenāti** etesaṃ vā veḷudānādīnaṃ aññataraññatarena vejjakammabhāṇḍāgārikakammaṃ piṇḍapaṭipīṇḍakammaṃ saṅghuppādacetiyaṃ uppādaupaṭṭhāpanakammanti evarūpānaṃ vā micchājīvena jīvitakappanakammānaṃ yena kenaci. **Buddhapāṭikuttthenāti** buddhehi garahitena paṭisiddhena. **Ayaṃ vuccatīti** ayaṃ sabbopi anācāro nāma kathīyati. Ācāraniddeso vuttapaṭipakkhanayeneva vedītabbo.

**514.** Gocaraniddese pi paṭhamam agocarassa vacane kāraṇam heṭṭhā vuttanayeneva veditabbaṃ. Tattha ca **gocaroti** piṇḍapātādīnaṃ atthāya upasaṅkamituṃ yuttaṭṭhānaṃ **gocaro**, ayuttaṭṭhānaṃ **agocaro**. Vesiyā gocaro assāti **vesiyagocaro**; mittasanthavavasena upasaṅkamitaṭṭhānanti attho. Tattha vesiyā nāma rūpūpajīviniyo yena kenacideva sulabhajjhācāratāmittasatthavasinehavasena upasaṅkamanto vesiyāgocaro nāma hoti. Tasmā evaṃ upasaṅkamituṃ na vaṭṭati. Kiṃ kāraṇā? Ārakkhaviṭṭito. Evaṃ upasaṅkamantassa hi ciraṃ rakkhitagopītopi samaṇadhammo katipāheneva nassati; sacepi na nassati garaṃ labhati. Dakkhiṇāvasena pana upasaṅkamantena satim upaṭṭhāpetvā upasaṅkamitabbaṃ. **Vidhava** vuccanti matapatikā vā pavutthapatikā vā. **Thullakumāriyoti** mahallikā anivīṭṭhakumāriyo. **Paṇḍakāti** lokāmisānissitakathābahulā ussannakilesā avūpasantapariḷhā napuṃsakā. Tesam sabbesampi upasaṅkamane ādīnavo vuttanayeneva veditabbo. **Bhikkhunīsūpi** eseva nayo. Apica bhikkhū nāma ussannabrahmacariyā honti, tathā bhikkhuniyo. Te aññamaññaṃ santhavavasena katipāheneva rakkhitagopitasamaṇadhammaṃ nāsenti. Gilānapucchakena pana gantuṃ vaṭṭati. Bhikkhunā pupphāni labhitvā pūjanatthāyapi ovādādānatthāyapi gantuṃ vaṭṭatiyeva.

**Pānāgaranti** surāpānagharaṃ. Taṃ brahmacariyantarāyakarehi surāsoṇḍehi avivittaṃ hoti. Tattha tehi saddhiṃ saha soṇḍavasena upasaṅkamituṃ na vaṭṭati; brahmacariyantarāyo hoti. **Saṃsaṭṭho viharati rājūhīti** ādīsu **rājānoti** abhisittā vā hontu anabhisittā vā ye rājjaṃ anusāsanti. **Rājamahāmattāti** rājūnaṃ issariyasadisāya mahatiyā issariyamattāya samannāgatā. **Titthiyāti** viparītadassanā bhāhiraparibbajakā. **Titthiyasāvakāti** bhattivāsena tesam paccayādāyaka. Etehi saddhiṃ saṃsaggajāto hotīti attho.

**Ananulomikena saṃsaggenāti** ananulomikasaṃsaggo nāma tissannaṃ sikkhānaṃ ananulomo paccanīkasaṃsaggo, yena brahmacariyantarāyaṃ paññattivītikkaṃ sallekharāhāniṇca pāpuṇāti, seyyathidaṃ – rājarājamahāmattēhi saddhiṃ sahasokitā, sahananditā, samasukhadukkhatā, uppanesu kiccakaraṇīyesu attanāva yogaṃ āpajjanatā, titthiyatitthiyasāvakehi saddhiṃ ekacchandarucisamācāratā ekacchandarucisamācārabhāvāvaho vā sinehabahumāsanathavo. Tattha rājarājamahāmattēhi saddhiṃ saṃsaggo brahmacariyantarāyaṃ karoti. Itarehi titthiyasāvakehi tesam laddhigahaṇaṃ. Tesam pana vādaṃ bhinditvā attano laddhiṃ gaṇhāpetuṃ samatthēna upasaṅkamituṃ vaṭṭati.

Idāni aparenapi pariyaṇena agocaraṃ dassetuṃ **yāni vā pana tāni kulānīti** ādī āraddhaṃ. Tattha **assaddhānīti** buddhādīsu saddhāviraṭṭhānīti; buddho sabbaññū, dhammo niyyāniko, saṅgho suppaṭipannoti na saddahanti. **Appasannānīti** cittaṃ pasannaṃ anāvilāṃ kātuṃ na sakkonti. **Akkosakaparibhāsakānīti** akkosakāni ceva paribhāsakāni ca; ‘corosi, bālosi, mūlhosi, oṭṭhosi, goṇosi, gadrabhosi, āpāyikosi, nerayikosi, tiracchānagatosi, natthi tuyhaṃ sugati, duggatiyeva paṭikaṅkhā’ ti evaṃ dasahi akkosavatthūhi akkosanti; ‘hotu, idāni taṃ paharissāma, bandhissāma, vadhissāma’ ti evaṃ bhayadassanena paribhāsanti cāti attho. **Anatthakāmānīti** atthaṃ na icchanti, anatthameva icchanti. **Ahitakāmānīti** ahitameva icchanti, hitaṃ na icchanti. **Aphāsukakāmānīti** phāsukaṃ na icchanti, aphāsukameva icchanti. **Ayogakkhemakāmānīti** catūhi yogehi khemaṃ nibbhayaṃ na icchanti, sabhayameva icchanti. **Bhikkhūnanti** ettha sāmaṇerāpi saṅghaṃ gacchanti. **Bhikkhunīnanti** ettha sikkhamānasāmaṇeriyopi. Sabbesampi hi bhagavantaṃ uddissa pabbajitānañceva saraṇagatānañca catunnampi parisānaṃ tāni anatthakāmāniyeva. **Tathārūpāni kulānīti** evarūpāni khattiyakulādīni kulāni. **Sevatīti** nissāya jīvati. **Bhajatīti** upasaṅkamati. **Payirupāsati**ti punappunaṃ upasaṅkamati. **Ayaṃ vuccatīti** ayaṃ vesiyādigocarassa vesiyādiko, rājādisaṃsaṭṭhassa rājādiko, assaddhakulādisevakassa assaddhakulādiko cāti tippakāropi ayuttagocaro agocaroti veditabbo.

Tassa iminā pariyaṇena agocaratā veditabbā. Vesiyādiko tāva pañcakāmaguṇanissayato agocaroti veditabbo, yathāha – ‘ko ca, bhikkhave, bhikkhuno agocaro paravisayo? Yadiḍaṃ pañca kāmaguṇā’ ti (saṃ. ni. 5.372) rājādiko jhānānuयोगassa anupanissayato lābhasakkārāsanīcakkannipphādanato diṭṭhivipattihetuto ca, assaddhakulādiko saddhāhānicittasāntāsāvahanato agocaroti.

Gocaraniddese **na vesiyagocaroti** ādīni vuttapaṭipakkhavasena veditabbāni. **Opānabhūtānīti** ādīsu pana **opānabhūtānīti** udapānabhūtāni; bhikkhusaṅghassa, cātumahāpathe khatapokkharāṇī viya, yathāsukhaṃ oghānakkhamāni cittaṃmahāmattassa gehasadisāni. Tassa kira gehe kālatthambho yuttoyeva. Gharadvāraṃ sampattānaṃ bhikkhūnaṃ paccayavekallaṃ nāma natthi. Ekadivasam bhesajjavattameva saṭṭhi kahāpaṇāni nikkhamanti. **Kāsāvapajjotānīti** bhikkhubhikkhunīhi nivatthaparūtānaṃ kāsāvānamyeva pabhāya ekobhāsāni bhūtapaḷasetṭhikulasadisāni. **Isivātapāṭivātānīti** gehaṃ pavisantānaṃ nikkhamantānañca bhikkhubhikkhunīsānkhātānaṃ isīnaṃ cīvaravātena ceva samīñjanapasāraṇādi janitasarīravātena ca paṭivātāni pavāyitāni viniddhutakibbisāni vā.

**515. Aṇumattesu vajjesu bhayadassāvītāniddese aṇumattānīti** aṇupamāṇā. **Vajjāti** dosā. **Yāni tāni vajjānīti** yāni tāni garahitabbaṭṭhena vajjāni. **Appamattakānīti** parittamattakāni khuddakappamāṇāni. **Oramattakānīti**

parittatopi orimappamānattā oramattakāni. **Lahusānīti** lahuḷkāni. **Lahusammatānīti** lahūti sammatāni. **Samyamakaraṇīyānīti** samyamena kattabbapaṭīkammāni. **Samvarakaraṇīyānīti** samvarena kātabbāni samvarena kattabbapaṭīkammāni. **Cittuppādakaraṇīyānīti** cittuppādamattena kattabbapaṭīkammāni. **Manasikārapaṭibaddhānīti** manasā āvajjītamatteneva kattabbapaṭīkammāni. Kāni pana tānīti? Divāvihāravāsī sumatthero tāva āha – “anāpattigamanīyāni cittuppādamattakāni yāni ‘na puna evarūpaṃ karissāmī’ti manasā āvajjītamatteneva sujjhanti. Adhiṭṭhānāvīkammaṃ nāmetam kathita”nti. Antevāsiko panassa tipīṭakacūlanāgattthero panāha – “idaṃ pāṭimokkhasamvarasīlasseva bhājanīyam. Tasmā sabbalahukaṃ dukkaṭadubbhāsitaṃ idha vajjanti veditabbaṃ. Vuṭṭhānāvīkammaṃ nāmetam kathita”nti. **Itiimesūti** evampakāresu imesu. **Vajjadassāvīti** vajjato dosato dassanasīlo. **Bhayadassāvīti** catubbidhassa bhayassa kāraṇattā bhayato dassanasīlo. **Ādīnavadassāvīti** idha nindāvahanato, āyatīṃ dukkhavipākato, upariguṇānaṃ antarāyakaraṇato, vippaṭisārajanato ca etena nānappakārena ādīnavato dassanasīlo.

**Nissaraṇadassāvīti** yaṃ tattha nissaraṇaṃ tassa dassanasīlo. Kiṃ panettha nissaraṇanti? Ācariyattheravāde tāva “anāpattigamanīyatāya sati adhiṭṭhānāvīkammaṃ nissaraṇa”nti kathitaṃ. Antevāsikattheravāde tāva “āpattigamanīyatāya sati vuṭṭhānāvīkammaṃ nissaraṇa”nti kathitaṃ.

Tattha tathārūpo bhikkhu aṇumattāni vajjāni vajjato bhayato passati nāma. Taṃ dassetaṃ ayaṃ nayo kathito – paramāṇu nāma, aṇu nāma, tajjārī nāma, rathareṇu nāma, likkhā nāma, ūkā nāma, dhaññamāso nāma, aṅgulaṃ nāma, vidatthi nāma, ratanaṃ nāma, yaṭṭhi nāma, usabhaṃ nāma, gāvutaṃ nāma, yojanaṃ nāma. Tattha ‘**paramāṇu**’ nāma ākāsaḷṭhāsiko maṃsacakkhusa āpāthaṃ nāgacchati, dibbacakkhusseva āgacchati. ‘**Aṇu**’ nāma bhitticchiddatālacchiddehi pavīṭṭhasūriyasmīsu vaṭṭi vaṭṭi hutvā paribbhamanto paññāyati. ‘**Tajjārī**’ nāma gopathamanussapathacakkapathesu chijjivā ubhosu passesu uggantvā tiṭṭhati. ‘**Rathareṇu**’ nāma tattha tattheva allīyati. **Likkhā**dayo pākāṭā eva. Etesu pana chaṭṭīsa paramāṇavo ekassa aṇuno pamāṇaṃ. Chaṭṭīsa aṇu ekāya tajjārīyā pamāṇaṃ. Chaṭṭīsa tajjārīyo eko rathareṇu. Chaṭṭīsa rathareṇu ekā likkhā. Satta likkhā ekā ūkā. Satta ūkā eko dhaññamāso. Sattadhaññamāsappamāṇaṃ ekaṃ aṅgulaṃ. Tenaṅgulena dvādasaṅgulāni vidatthi. Dve vidatthiyo ratanaṃ. Satta ratanāni yaṭṭhi. Tāya yaṭṭhiyā vīsati yaṭṭhiyo usabhaṃ. Asīti usabhāni gāvutaṃ. Cattāri gāvutāni yojanaṃ. Tena yojanena aṭṭhasaṭṭhiyojanasatasahasubbedho sinerupabbatarājā. Yo bhikkhu aṇumattaṃ vajjaṃ aṭṭhasaṭṭhiyojanasatasahasubbedhasinerupabbatasadisam katvā daṭṭhuṃ sakkoti – ayaṃ bhikkhu aṇumattāni vajjāni bhayato passati nāma. Yopi bhikkhu sabbalahukaṃ dukkaṭadubbhāsitaṃ paṭhamapārājikasadisam katvā daṭṭhuṃ sakkoti – ayaṃ aṇumattāni vajjāni vajjato bhayato passati nāmāti veditabbo.

**516. Samādāya sikkhati sikkhāpadesūtipadaniddese bhikkhusikkhāti** bhikkhūhi sikkhitabbasikkhā. Sā bhikkhunīhi sādharmaṇāpi asādharmaṇāpi bhikkhusikkhā eva nāma. **Bhikkhunīsikkhāti** bhikkhunīhi sikkhitabbasikkhā. Sāpi bhikkhūhi sādharmaṇāpi asādharmaṇāpi bhikkhunīsikkhā eva nāma. Sāmaṇerasikkhamānasāmaṇerīnaṃ sikkhāpi ettheva pavīṭṭhā. **Upāsakasikkhāti** upāsakehi sikkhitabbasikkhā. Sā pañcasīladasasīlavasena vaṭṭati. **Upāsikāsikkhāti** upāsikāhi sikkhitabbasikkhā. Sāpi pañcasīladasasīlavasena vaṭṭati. Tattha bhikkhubhikkhunīnaṃ sikkhā yāva arahattamaggā vaṭṭati. Upāsakaupāsikānaṃ sikkhā yāva anāgāmimaggā. Tatrāyaṃ bhikkhu attanā sikkhitabbasikkhāpadesu eva sikkhati. Sesasikkhā pana atthuddhāravasena sikkhāpadassa atthadassa dassanatthaṃ vuttā. **Iti imāsu sikkhāsūti** evampakārāsu etāsu sikkhāsu. **Sabbena sabbanti** sabbena sikkhāsamādānena sabbam sikkham. **Sabbathā sabbanti** sabbena sikkhitabbākārena sabbam sikkham. **Asesam nissesanti** sesābhāvato asesam; satisammosena bhinnasāpi sikkhāpadassa puna pākāṭīkaraṇato nissesam. **Samādāya vattatīti** samādiyivā gahetvā vattati. **Tena vuccatīti** yena kāraṇena etaṃ sabbam sikkhāpadaṃ sabbena sikkhitabbākārena samādiyivā sikkhati pūreti, tena vuccati “samādāya sikkhati sikkhāpadesū”ti.

**517-8. Indriyesu guttadvāro bhojane mattaññūtipadadvayassa** niddese kaṇhapakkhassa paṭhamavacane payojanaṃ ācāraniddese vuttanayeneva veditabbaṃ. Tattha **katamā indriyesu aguttadvāratātī**ādīsū pana yaṃ vattabbaṃ, taṃ sabbam nikkhepakaṇḍavaṇṇanāyaṃ vuttameva.

**519. Jāgarīyānuoyoganiddese pubbarattāpararattanti** ettha aḍḍharattasaṅkhātāya rattiyā pubbe pubbarattaṃ; iminā paṭhamayāmañceva pacchābhattañca gaṇhāti. Rattiyā pacchā aparattaṃ; iminā pacchimayāmañceva purebhattañca gaṇhāti. Majjhīmayāmo panassa bhikkhuno niddākilamathavinodanokāsoti na gahito. **Jāgarīyānuoyoganti** jāgarīyassa asupanabhāvassa anuyogaṃ. **Anuyutto hotīti** taṃ anuyogasaṅkhātāma āsevanam bhāvanam anuyutto hoti sampayutto. Niddese panassa idha bhikkhu divasanti pubbaṇho, majjhanho, sāyanhoti tayopi divasakoṭṭhāsā gahitā. **Caṅkamaṇa nisajjāyāti** sakalampi divasaṃ iminā iriyāpathadvayeneva viharanto. Cittassa āvaraṇato āvaraṇīyehi dhammehi pañcahipi nīvaraṇehi sabbākusaladhammehi vā cittaṃ parisodheti. Tehi dhammehi visodheti parimoceti. Thānaṃ panettha kiñcāpi na gahitaṃ, caṅkamanisajjāsannissitaṃ pana katvā gahetabbameva. **Paṭhamayāmanti** sakalasmimpi paṭhamayāme. **Majjhīmayāmanti** rattindivassa chaṭṭhakoṭṭhāsasaṅkhāte majjhīmayāme.

**Sīhaseyyanti** ettha kāmabhogīseyyā, petaseyyā, sīhaseyyā, tathāgataseyyāti catasso seyyā. Tattha “yebhuyyena, bhikkhave, kāmabhogī vāmena passena senti”’ti ayaṃ **kāmabhogīseyyā**. Tesu hi yebhuyyena dakkhiṇapassena sayāno nāma natthi. “Yebhuyyena, bhikkhave, peṭā uttānā senti”’ti ayaṃ **petaseyyā**; appamaṃsalohitattā hi aṭṭhisāṅghāṭajātā ekena passena sayitūṃ na sakkonti, uttānāva senti. Sīho, bhikkhave, migarājā dakkhiṇena passena seyyaṃ kappeti...pe... attamano hoti”’ti (a. ni. 4.246) ayaṃ **sīhaseyyā**; tejjussadattā hi sīho migarājā dve purimapāde ekasmiṃ ṭhāne dve pacchimapāde ekasmiṃ ṭhāne ṭhapetvā naṅguṭṭhaṃ antarasatthimhi pakkhipitvā purimapādapacchimapādanaṅguṭṭhānaṃ ṭhitokāsaṃ sallakkhetvā dvinnāṃ purimapādānaṃ matthake sīsaṃ ṭhapetvā sayati; divasampi sayitvā pabujjhamāno na uttasanto pabujjhati, sīsaṃ pana ukkhipitvā purimapādādīnaṃ ṭhitokāsaṃ sallakkheti; sace kiñci ṭhānaṃ vijahitvā ṭhitam hoti ‘nayidaṃ tuyhaṃ jātiyā na sūrabhāvassa anurūpa’nti anattamano hutvā tattheva sayati, na gocaraṃ pakkamati; avijahitvā ṭhite pana ‘tuyhaṃ jātiyā ca sūrabhāvassa ca anurūpamida’nti haṭṭhatuṭṭho utṭhāya sīhavijambhitam vijambhitvā kesarabhāraṃ vidhunitvā tikkhattuṃ sīhanādaṃ naditvā gocaraṃ pakkamati. Catutthajjhānaseyyā pana **tathāgataseyyāti** vuccati. Tāsu idha sīhaseyyā āgatā. Ayañhi tejjussadairiyāpathattā uttamaseyyā nāma.

**Pāde pādanti** dakkhiṇapāde vāmapādaṃ. **Accādhāyāti** atiādhāya īsakaṃ atikkamma ṭhapetvā gopphakena hi gopphake jāṇunā vā jāṇumhi saṅghaṭṭiyamāne abhiṇhaṃ vedanā uppajjati, cittaṃ ekaggaṃ na hoti, seyyā aphāsukā hoti; yathā pana na saṅghaṭṭeti, evaṃ atikkamma ṭhapite vedanā nuppajjati, cittaṃ ekaggaṃ hoti, seyyā phāsukā hoti. Tena vuttaṃ “pāde pādaṃ accādhāyā”’ti. **Sato sampajānoti** satiyā ceva sampajānapaññāya ca samannāgato hutvā. Iminā supariggāhakaṃ satisampajāññaṃ kathitaṃ. **Uṭṭhānasaññaṃ manasikarivāti** asukavelāya nāma utṭhahissāmī’ti evaṃ utṭhānavelāparicchedakaṃ utṭhānasaññaṃ citte upetvā. Evaṃ katvā nipanno hi yathāparicchinakāleyeva utṭhātuṃ yutto.

**520-521. Sātaccam nepakkanti** satataṃ pavattayitabbato sātaccasaṅkhātaṃ vīriyañceva paripākagattā nepakkasaṅkhātaṃ paññañca yutto anuyutto pavattayamānoyeva jāgariyānuyogaṃ anuyutto viharatīti attho. Ettha ca vīriyaṃ lokiyalokuttaramissakaṃ kathitaṃ, paññāpi vīriyagatikā eva; vīriye lokiyamhi lokiyā, lokuttare lokuttarāti attho.

**522. Bodhipakkhiyānaṃ dhammānanti** catusaccabodhisāṅkhātassa maggañāṇassa pakkhe bhavānaṃ dhammānaṃ. Ettāvataṃ sabbepi sattatiṃsa bodhipakkhiyadhamme samūhato gahetvā lokiyāyapi bhāvānāya ekārammaṇe ekato pavattanasamatthe bojjaṅgeyeva dassento **satta bojjaṅgātī**ādīmāha. Te lokiyalokuttaramissakāva kathitāti veditabbā. Sesamettha heṭṭhā vuttanayattā uttānatthameva.

**523.** Abhikkantetiādinnidese **abhikkante paṭikkanteti** ettha tāva abhikkantaṃ vuccati purato gamanaṃ. **Paṭikkantanti** nivattanaṃ. Tadubhayampi catūsu iriyāpathesu labbhati. Gamane tāva purato kāyaṃ abhiharanto abhikkamati nāma, paṇinivattanto paṭikkamati nāma. Ṭhānepi ṭhitakova kāyaṃ purato onāmento abhikkamati nāma, pacchato apanāmento paṭikkamati nāma. Nisajjāyapi nisinnakova āsannassa purimaṅgābhimukho saṃsaranto abhikkamati nāma, pacchimaṅgappadesaṃ paccāsaṃsaranto paṭikkamati nāma. Nipajjāyapi eseva nayo.

**Sampajānakārī hotīti** sampajāññaṃ sabbakiccakārī, sampajāññasseva vā kārī. So hi abhikkantādīsu sampajāññaṃ karoteva, na katthaci sampajāññavirahito hoti. Taṃ pana sampajāññaṃ yasmā satisampayuttameva hoti, tenassa niddese “sato sampajāno abhikkamati, sato sampajāno paṭikkamati”’ti vuttaṃ.

Ayañhi abhikkamanto vā paṭikkamanto vā na muṭṭhassatī asampajāno hoti; satiyā pana samannāgato paññāya ca sampajānoyeva abhikkamati ceva paṭikkamati ca; sabbesu abhikkamādīsu catubbidhaṃ sampajāññaṃ otāreti. Catubbidhañhi sampajāññaṃ – sātthakasampajāññaṃ, sappāyasampajāññaṃ, gocarasampajāññaṃ, asammohasampajāññaṃ. Tattha abhikkamanacitte uppanne cittavaseneva agantvā ‘kinnu me ettha gatena attho atthi, natthī’ti atthānatthaṃ pariggahetvā atthapariggaṇhanaṃ **‘sātthakasampajāññaṃ’**. Tattha ca ‘attho’ti cetiyadassanabodhidassanasāṅghadassanatheradassanaasubhadassanādivasena dhammato vaḍḍhi. Cetiyaṃ vā bodhiṃ vā disvāpi hi buddhārammaṇaṃ pīṭiṃ, saṅghadassanaṃ saṅghārammaṇaṃ pīṭiṃ uppādetvā tadeva khayavayato sammāsanto arahattaṃ pāpuṇāti. There disvā tesam ovāde patiṭṭhāya, asubhaṃ disvā tattha paṭhamajjhānaṃ uppādetvā tadeva khayavayato sammāsanto arahattaṃ pāpuṇāti. Tasmā etesaṃ dassanaṃ sātthaṃ. Keci pana “āmisatopī vaḍḍhi atthoyeva; taṃ nissāya brahmacariyānuggahāya paṭipannattā”’ti vadanti.

Tasmiṃ pana gamane sappāyāsappāyaṃ pariggahetvā sappāyapariggaṇhanaṃ **‘sappāyasampajāññaṃ’**, seyyathidaṃ – cetiyadassanaṃ tāva sātthaṃ. Sace pana cetiyassa mahatīyā pūjāya dasadvādasayojanantare parisā sannipatanti, attano vibhavānūrūpaṃ itthiyopi purisāpi alaṅkatapaṭiyattā cittakammarūpakāni viya sañcaranti, tatra cassa iṭṭhe ārammaṇe lobho, aniṭṭhe paṭiggho, asamapekkhane mohō uppajjati, kāyasamsaggāpattim vā āpajjati, jīvitabrahmacariyānaṃ vā antarāyo hoti. Evaṃ taṃ ṭhānaṃ asappāyaṃ hoti. Vuttapakāraantarāyābhāve sappāyaṃ.

Bodhidassanepi eseva nayo. Saṅghadassanampi sāttham. Sace pana antogāme mahāmaṇḍapaṃ kāretvā sabbarattim dhammassavanaṃ karontesu manussesu vuttappakāreṇeva janasannipāto ceva antarāyo ca hoti. Evaṃ taṃ ṭhānaṃ asappāyaṃ hoti; antarāyābhāve sappāyaṃ hoti. Mahāparisaparivāraṇaṃ therānaṃ dassanepi eseva nayo.

Asubhadassanampi sāttham. Tadatthadīpanatthañca idaṃ vatthu – eko kira daharabhikkhu sāmaṇeraṃ gahetvā dantakaṭṭhatthāya gato. Sāmaṇero maggā okkamitvā purato gacchanto asubhaṃ disvā paṭhamajjhānaṃ nibbattetvā tadeva pādakaṃ katvā saṅkhāre sammasanto tīṇi phalāni sacchikatvā uparimaggatthāya kammaṭṭhānaṃ pariggahetvā aṭṭhāsi. Daharo taṃ apassanto “sāmaṇerā”ti pakkosi. So ‘mayā pabbajitadivasato paṭṭhāya bhikkhunā saddhiṃ dve kathā nāma na kathitapubbā, aññasmiṃ divase uparivisesaṃ nibbattessāmī’ti cintetvā ‘kiṃ, bhante’ti paṭivacanaṃ adāsi. ‘Ehi’ti ca vutto ekavacaneṇeva āgantvā ‘bhante, iminā tāva maggena gantvā mayā ṭhitokāse muhuttaṃ puratthābhimukho ṭhatvā olokethā’ti āha. So tathā katvā tena pattavisesameva pāpuṇi. Evaṃ ekaṃ asubhaṃ dvinnam janānaṃ atthāya jātaṃ. Evaṃ sātthampi panetaṃ purisassa mātugāmāsubhaṃ asappāyaṃ, mātugāmassa ca purisāsubhaṃ, sabhāgameva sappāyanti. Evaṃ sappāyapariggaṇhanaṃ sappāyasampajaññaṃ nāma.

Evaṃ pariggahitasātthasappāyassa pana aṭṭhatimsāya kammaṭṭhānesu attano cittaruciyaṃ kammaṭṭhānasāṅkhātaṃ gocaraṃ uggahetvā bhikkhācāragocare taṃ gahetvāva gamanaṃ ‘**gocarasampajaññaṃ**’ nāma. Tassāvibhāvanattham idaṃ catukkaṃ veditabbaṃ –

Idhekacco bhikkhu harati na paccāharati, ekacco na harati paccāharati, ekacco pana neva harati na paccāharati, ekacco harati ca paccāharati ca. Tattha yo bhikkhu divasaṃ caṅkameṇa nisajjāya āvaraṇīyehi dhammehi cittaṃ parisodhetvā, tathā rattiyā paṭhamayāme majjhimayāme seyyaṃ kappetvā pacchimayāme pi nisajjācaṅkamehi vītināmetvā pageva cetiyaṅgaṇabodhiyaṅgaṇavattaṃ katvā bodhirukkhe udakaṃ āsiñcitvā pāṇiyaṃ paribhojanīyaṃ paccupaṭṭhāpetvā ācariyupajjhāyavattādīni sabbāni khandhakavattāni samādāya vattati, so sarīraparikammaṃ katvā senāsaṇaṃ pavisitvā dve tayo pallaṅke usumaṃ gāhāpento kammaṭṭhānaṃ anuyuñjivā, bhikkhācārelāya utthahitvā kammaṭṭhānasīseṇeva pattacīvaramādāya senāsaṇato nikkhamitvā kammaṭṭhānaṃ manasikarontova cetiyaṅgaṇaṃ gantvā, sace buddhānussatikammaṭṭhānaṃ hoti taṃ avissajjetvā cetiyaṅgaṇaṃ pavisati, aññaṃ ce kammaṭṭhānaṃ hoti sopānamūle ṭhatvā hatthena gahitabhaṇḍaṃ viya taṃ ṭhapetvā buddhāraṃmaṇaṃ pīṭiṃ gahetvā cetiyaṅgaṇaṃ āruya mahantaṃ cetiyaṃ ce, tikkhattuṃ padakkhiṇaṃ katvā catūso ṭhānesu vanditabbaṃ, khuddakaṃ ce, tatheva padakkhiṇaṃ katvā aṭṭhasu ṭhānesu vanditabbaṃ. Cetiyaṃ vanditvā bodhiyaṅgaṇaṃ pattenāpi buddhassa bhagavato sammukhā viya nipaccākāraṃ dassetvā bodhi vanditabbā.

So evaṃ cetiyañca bodhiñca vanditvā paṭisāmitaṭṭhānaṃ gantvā, paṭisāmitaṃ bhaṇḍakaṃ hatthena gaṇhanto viya, nikkhattakammaṭṭhānaṃ gahetvā gāmasamīpe kammaṭṭhānasīseṇeva cīvaraṃ pārupitvā gāmaṃ piṇḍāya pavisati. Atha naṃ manussā disvā ‘ayyo no āgato’ti paccuggantvā pattaṃ gahetvā āsanasālāya vā gehe vā nisīdāpetvā yāguṃ datvā yāva bhattaṃ na niṭṭhāti tāva pāde dhovitvā telena makkhetvā purato nisīditvā paññaṃ vā pucchanti dhammaṃ vā sotukāmā honti. Sacepi na kathāpentī ‘janasaṅgahatthaṃ dhammakathā nāma kātābbāyevā’ti aṭṭhakathācariyā vadanti. Dhammakathā hi kammaṭṭhānavinimuttā nāma natthi. Tasmā kammaṭṭhānasīseṇeva āhāraṃ paribhuñjivā anumodanaṃ vatvā nivattiyamānehipi manussehi anugato gāmato nikkhamitvā tattha te nivattetvā maggaṃ paṭipajjati.

Atha naṃ puretaraṃ nikkhamitvā bahigāme katabhattakiccā sāmaṇeradaharabhikkhū disvā paccuggantvā pattacīvaramassa gaṇhanti. Porāṇakabhikkhū kira ‘amhākaṃ upajjhāyo, amhākaṃ ācariyo’ti na mukhaṃ oloketvā vattaṃ karontī, sampattaparicchedeneva karontī. Te taṃ pucchanti ‘bhante, ete manussā tumhākaṃ kiṃ hontī? Mātīpakkhato sambandhā pitīpakkhato’ti? ‘Kiṃ disvā pucchathā’ti? ‘Tumhesu etesaṃ pemaṃ bahumāna’nti. ‘Āvuso, yaṃ mātīpitūhipi dukkaraṃ taṃ ete manussā amhākaṃ karontī. Pattacīvarampi no etesaṃ santakameva, etesaṃ ānubhāvena neva bhaye bhayaṃ, na chātaka chātakaṃ jānāma. Edisā nāma amhākaṃ upakārino natthī’ti tesam guṇe kathento gacchati. Ayaṃ vuccati ‘**harati na paccāharati**’ti.

Yassa pana pageva vuttappakāraṃ vattapaṭipattim karontassa kammajatejo pajjalati, anupādinnakaṃ muñcitvā upādinnakaṃ gaṇhāti, sarīrato sedā muccanti, kammaṭṭhānaṃ vīthim nārohati, so pageva pattacīvaramādāya vegasāva cetiyaṃ vanditvā gorūpānaṃ nikkhamanavelāyameva gāmaṃ yāgubhikkhāya pavisitvā yāguṃ labhitvā āsanasālaṃ gantvā pivati. Athassa dvattikkhattuṃ ajjhoharaṇamatteneva kammajatejodhātu upādinnakaṃ muñcitvā anupādinnakaṃ gaṇhāti, ghaṭasatena nhāto viya tejodhātupariḷāhanibbānaṃ patvā kammaṭṭhānasīseṇa yāguṃ paribhuñjivā pattañca mukhañca dhovitvā antarābhatte kammaṭṭhānaṃ manasikatvā avasesaṭṭhāne piṇḍāya caritvā kammaṭṭhānasīseṇa āhāraṃ paribhuñjivā tato paṭṭhāya poṅkhānupoṅkhaṃ upaṭṭhahamānaṃ kammaṭṭhānaṃ gahetvāva āgacchati. Ayaṃ vuccati ‘**na harati paccāharati**’ti. Edisā ca bhikkhū yāguṃ pivitvā vipassanaṃ ārabhitvā buddhasāsane arahattaṃ pattā nāma gaṇanapathaṃ vītivattā. Sīhaḷadīpeyeva tesu tesu gāmesu āsanasālāya na taṃ āsanaṃ atthi, yattha yāguṃ pivitvā arahattaṃ pattā bhikkhū natthīti.



Yo pamādavahārī hoti nikkhattadhuro sabbavattāni bhinditvā pañcavidhacetokhīlaviniibandhabaddhacitto viharanto ‘kammaṭṭhānaṃ nāma atthī’tipi saññaṃ akatvā gāmaṃ piṇḍāya pavisitvā ananulomikena gihīsaṃsaggena saṃsaṭṭho caritvā ca bhuñjitvā ca tuccho nikkhamati – ayaṃ vuccati ‘**neva haratī na paccāharatī**’ti.

Yo panāyaṃ “haratī ca paccāharatī cā”ti vutto, so gatapaccāgatavattavasena veditabbo – atthakāmā hi kulaputtā sāsane pabbajitvā dasampī vīsampī tiṃsampī cattārīsampī paññāsampī satampī ekato vasantā katikavattaṃ katvā viharanti – “āvuso, tumhe na iṇaṭṭā, na bhayaṭṭā, na ājīvikāpakatā pabbajitā; dukkhā muñcitukāmā panettha pabbajitā. Tasmā gamane uppanakilesaṃ gamaneyeva niggaṇhatha. Tḥāne, nisajjāya, sayane uppanakilesaṃ sayaneyeva niggaṇhathā”ti.

Te evaṃ katikavattaṃ katvā bhikkhācāraṃ gacchantā, aḍḍhausabhausabhaaḍḍhagāvutagāvutantaresu pāsānā honti, tāya saññāya kammaṭṭhānaṃ manasikarontāva gacchanti. Sace kassaci gamane kilesa uppajjati, tattheva naṃ niggaṇhātī. Tathā asakkonto tiṭṭhati. Athassa pacchato āgacchantopi tiṭṭhati. So ‘ayaṃ bhikkhu tuyhaṃ uppannaṃ vitakkaṃ jānāti, ananucchavikaṃ te eta’nti attānaṃ paṭicodetvā vipassanaṃ vaḍḍhetvā ariyabhūmiṃ okkamati. Tathā asakkonto nisīdati. Athassa pacchato āgacchantopi nisīdatīti so eva nayo. Ariyabhūmiṃ okkamituṃ asakkontopi taṃ kilesaṃ vikkhambhetvā kammaṭṭhānaṃ manasikarontova gacchati, na kammaṭṭhānavippayuttena cittena pādaṃ uddharati, uddharati ce paṭinivattitvā purimadesaññeva eti, ālindakavāsī mahāphussadevatthero viya. So kira ekūnavāsīti vassāni gatapaccāgatavattaṃ pūrento eva vihāsi. Manussāpi antarāmagge kasantā ca vapantā ca maddantā ca kammāni ca karontā therāṃ tathāgacchantaṃ disvā “ayaṃ thero punappunaṃ nivattitvā gacchati, kiṃ nu kho maggamūlho udāhu kiñci pamuṭṭho”ti samullapanti. So taṃ anādiyitvā kammaṭṭhānayuttacitteneva samaṇadhammaṃ karonto vīsativassabbhantare arahattaṃ pāpuṇi. Arahattapattadivase cassa caṅkamanakoṭiyaṃ adhiatthā devatā aṅgulīhi dīpaṃ ujjaletvā aṭṭhāsi. Cattāropi mahārājāno sakko ca devānamindo brahmā ca sahampati upaṭṭhānaṃ āgamiṃsu. Tañca obhāsaṃ disvā vanavāsī mahātissatthero taṃ dutiyadivase pucchi – “rattibhāge āyasmato santike obhāso aho. Kiṃ so obhāso”ti? Thero vikkhepaṃ karonto “obhāso nāma dīpobhāsoṃ hoti, maṇiobhāsoṃ”ti evamādimāha. Tato “paṭicchādettha tumhe”ti nibaddho “āmā”ti paṭijānitvā ārocesi.

Kālavallimaṇḍapavāsī mahānāgatthero viya ca. Sopi kira gatapaccāgatavattaṃ pūrento ‘paṭhamāṃ tāva bhagavato mahāpadhānaṃ pūjessāmī’ti satta vassāni thānacaṅkamameva adhiṭṭhāsi; puna soḷasa vassāni gatapaccāgatavattaṃ pūretvā arahattaṃ pāpuṇi. So kammaṭṭhānayutteneva cittena pādaṃ uddharanto vippayuttena cittena uddhate pāde paṭinivattento gāmasīmaṃ gantvā ‘gāvī nu kho, pabbajito nu kho’ti āsaṅkaṅiyappadesa tathā cīvaraṃ pārupitvā kacchakantarato udakena pattaṃ dhovitvā udakagaṇḍūsaṃ karoti. Kiṃ kārāṇā? ‘Mā me bhikkhaṃ dātuṃ vā vandituṃ vā āgate manusse ‘dīghāyukā hothā’ti vacanamattenāpi kammaṭṭhānavikkhepo aho’ti. ‘Ajja, bhante, katimī’ti divasaṃ vā bhikkhugaṇaṇaṃ vā pañhaṃ vā pucchito pana udakaṃ gilītvā āroceti; sace divasādipucchakā na honti, nikkhamaṇeḷāyaṃ gāmadvāre niṭṭhubhitvāya yāti.

Kalambatitthavahāre vassūpagatā paññāsa bhikkhū viya ca. Te kira āsāḷhipuṇṇimāyaṃ katikavattaṃ akāṃsu – “arahattaṃ appatvā aññaṃaññaṃ nālapissāmā”ti. Gāmañca piṇḍāya pavisantā udakagaṇḍūsaṃ katvā pavisiṃsu, divasādīsu pucchitesu vuttanayena paṭipajjīsu. Tattha manussā niṭṭhubhanaṭṭhānaṃ disvā jāniṃsu – ‘ajja eko āgato, ajja dve’ti; evaṃ cintesu – ‘kinno kho ete amheheva saddhiṃ na sallapanti udāhu aññaṃaññaṃpi? Yadi aññaṃaññaṃpi na sallapanti, addhā vivādajātā bhavissanti; etha ne aññaṃaññaṃ khamāpessāmā’ti sabbe vihāraṃ gantvā paññāsāya bhikkhūsu dvepi bhikkhū ekokāse nāddasaṃsu. Tato yo tesu cakkhumā puriso so āha – ‘na, bho, kalahakārakānaṃ vasanokāso īdiso hoti. Susammaṭṭhaṃ cetiyaṅgaṇabodhiyaṅgaṇaṃ, sunikkhattā sammajjaniyo, sūpaṭṭhitaṃ pāṇiyaparibhojanīya’nti. Te tatova nivattā. Tepi bhikkhū antotemāseyeva arahattaṃ patvā mahāpavāraṇāya visuddhipavāraṇaṃ pavāresuṃ.

Evaṃ kālavallimaṇḍapavāsī mahānāgatthero viya, kalambutitthavahāre vassūpagatabhikkhū viya ca kammaṭṭhānayutteneva cittena pādaṃ uddharanto gāmasamīpaṃ gantvā udakagaṇḍūsaṃ katvā vīthiyo sallakkhetvā yattha surāsoṇḍadhattādayo kalahakārakā caṇḍahatthiassādayo vā natthi, taṃ vīthiṃ paṭipajjati. Tattha piṇḍāya caramāno na turitaturito viya javena gacchati, na hi javanapiṇḍapātikadhutaṅgaṃ nāma kiñci atthi, visamabhūmibhāgappattaṃ pana udakasakaṭṭhaṃ viya niccalo hutvā gacchati, anugharaṃ pavīṭṭho ca dātukāmaṃ vā adātukāmaṃ vā sallakkhetuṃ tadanurūpaṃ kālaṃ āgamento bhikkhaṃ gahetvā antogāme vā bahigāme vā vihārameva vā āgantvā, yathāphāsuke patirūpe okāse nisīditvā, kammaṭṭhānaṃ manasikaronto āhāre paṭikūlasaññaṃ upaṭṭhapetvā, akkhabbhañjanavaṇālepanaputtamaṃsūpamavasena paccavekkhanto aṭṭhaṅgasamannāgataṃ āhāraṃ āhāreti neva davāya, na madāya, na maṇḍanāya, na vibhūsanāya...pe... phāsuvihāro cāti. Bhuttāvī ca udakakiccaṃ katvā muhuttaṃ bhattakilamathaṃ paṭippassambhetvā yathā purebhattaṃ, evaṃ pacchābhattaṃ purimayāmaṃ pacchimayāmañca kammaṭṭhānameva manasikaroti. Ayaṃ vuccati ‘**haratī ca paccāharatī cā**’ti.

Imaṃ pana haraṇapaccāharaṇasaṅkhātaṃ gatapaccāgatavattaṃ pūrento, yadi upanissayasampanno hoti,

paṭhamavaye eva arahattaṃ pāpuṇāti, no ce paṭhamavaye pāpuṇāti atha majjhimavaye, no ce majjhimavaye pāpuṇāti atha pacchimavaye, no ce pacchimavaye pāpuṇāti atha maraṇasamaye, no ce maraṇasamaye pāpuṇāti atha devaputto hutvā, no ce devaputto hutvā pāpuṇāti anuppanne buddhe nibbatta paccekabodhiṃ sacchikaroti, no ce paccekabodhiṃ sacchikaroti atha buddhānaṃ sammukhībhāve khippābhiñño vā hoti – seyyathāpi thero bāhiyo dārucīriyo, mahāpañño vā – seyyathāpi thero sariputto, mahiddhiko vā – seyyathāpi thero mahāmogallāno, dhutaṅgadhāro vā – seyyathāpi thero mahākassapo, dibbacakkhuko vā – seyyathāpi thero anuruddho, vinayadhāro vā – seyyathāpi thero upāli, dhammakathiko vā – seyyathāpi thero puṇṇo mantāniputto, āraññiko vā – seyyathāpi thero revato, bahussuto vā – seyyathāpi thero ānando, sikkhākāmo vā – seyyathāpi thero rāhulo buddhaputtoti. Iti imasmim catukke yvāyaṃ harati ca paccāharati ca, tassa gocarasampajaññaṃ sikhāpattaṃ hoti.

Abhikkamādīsu pana asammuyhanaṃ **asammohasampajaññaṃ**. Taṃ evaṃ veditabbaṃ – idha bhikkhu abhikkamanto vā paṭikkamanto vā yathā andhabālaputhujjanā abhikkamādīsu ‘attā abhikkamati, attanā abhikkamo nibbattito’ ti vā ‘ahaṃ abhikkamāmi, mayā abhikkamo nibbattito’ ti vā sammuyhanti, tathā asammuyhanto ‘abhikkamāmi’ ti citte uppajjamāne teneva cittena saddhiṃ cittasamuṭṭhānavāyodhātu viññattim janayamānā uppajjati. Iti cittakiriyāvāyodhātuvipphārasena ayaṃ kāyasammato aṭṭhisaṅghāto abhikkamati. Tassevaṃ abhikkamato ekekapāduddharaṇe pathavīdhātu āpodhātūti dve dhātuyo omattā honti mandā, itarā dve adhimattā honti balavatiyo; tathā atiharaṇavīti haraṇesu. Vossajjane tejodhātu vāyodhātūti dve dhātuyo omattā honti mandā, itarā dve adhimattā honti balavatiyo; tathā sannikkhepanasannirujjhānesu tattha uddharaṇe pavattā rūpārūpadhammā atiharaṇaṃ na pāpuṇanti; tathā atiharaṇe pavattā vīti haraṇaṃ, vīti haraṇe pavattā vossajjanaṃ, vossajjane pavattā sannikkhepanaṃ, sannikkhepane pavattā sannirujjhanaṃ na pāpuṇanti; tattha tattheva pabbaṃ pabbaṃ sandhi sandhi odhi odhi hutvā tattakapāle pakkhittatilaṃ viya paṭapaṭāyantaṃ bhijjanti. Tattha ko eko abhikkamati? Kassa vā ekassa abhikkamanaṃ? Paramatthato hi dhātūnaṃyeva gamanaṃ, dhātūnaṃ ṭhānaṃ, dhātūnaṃ nisajjā, dhātūnaṃ sayanaṃ, tasmim tasmīhi koṭṭhāse saddhiṃ rūpehi –

Aññaṃ uppajjate cittaṃ, aññaṃ cittaṃ nirujjhati;  
Avīcimanusambandho, nadīsotova vattatīti.

Evaṃ abhikkamādīsu asammuyhanaṃ asammohasampajaññaṃ nāmāti.

Niṭṭhito **abhikkante paṭikkante sampajānakārī hotī**tipadassa attho.

**Ālokite vilokite**ti ettha pana **ālokitaṃ** nāma purato pekkhanaṃ, **vilokitaṃ** nāma anudisāpekkhanaṃ. Aññānipi heṭṭhā upari pacchato pekkhanavasena olokitaullokitāpalokitāni nāma honti. Tāni idha na gahitāni. Sāruppavasena pana imāneva dve gahitāni. Iminā vā mukhena sabbānipi tāni gahitānevāti.

Tattha ‘ālokessāmī’ ti citte upanne cittavaseneva anoloketvā atthapariggaṇhanaṃ **‘sāttahasampajaññaṃ’**. Taṃ āyasmantaṃ nandaṃ kāyasakkhiṃ katvā veditabbaṃ. Vuttañhettaṃ bhagavatā –

“Sace, bhikkhave, nandassa puratthimā disā āloketabbā hoti, sabbaṃ cetasā samannāharitvā nando puratthimaṃ disaṃ āloketi – evaṃ me puratthimaṃ disaṃ ālokayato na abhijjhādomanassā pāpakā akusalā dhammā anvāsavissanti’ ti. Itiha sāttahasampajāno hoti. “Sace, bhikkhave, nandassa pacchimā disā, uttarā disā, dakkhiṇā disā, uddhaṃ, adho, anudisā anuviloketabbā hoti, sabbaṃ cetasā samannāharitvā nando anudisaṃ anuviloketi – evaṃ me anudisaṃ anuvilokayato...pe... sampajāno hoti’ ti (a. ni. 8.9).

Apica idhāpi pubbe vuttacetiyadassanādivaseneva sāttakatā ca sappāyatā ca veditabbā.

Kammaṭṭhānassa pana avijahanaṃ **‘gocarasampajaññaṃ’**. Tasmā khandhadhātuāyatanakammaṭṭhānikēhi attano kammaṭṭhānavaseneva, kaṣiṇādikammaṭṭhānikēhi vā pana kammaṭṭhānasīseva ālokanavilokanaṃ kātābbaṃ.

Abbhantare attā nāma āloketā vā viloketā vā natthi. ‘Ālokessāmī’ ti pana citte uppajjamāne teneva cittena saddhiṃ cittasamuṭṭhānā vāyodhātu viññattim janayamānā uppajjati. Iti cittakiriyāvāyodhātuvipphārasena heṭṭhimaṃ akkhidalaṃ adho sīdati, uparimaṃ uddhaṃ laṅgheti. Koci yantakena vivaranta nāma natthi. Tato cakkhuvīññaṃ dassanakiccaṃ sādheṇtaṃ uppajjatī’ ti evaṃ pajānaṃ panettha **‘asammohasampajaññaṃ’** nāma.

Apica mūlapariññāgantukatāvākālikabhāvavasena panettha asammohasampajaññaṃ veditabbaṃ. Mūlapariññāvasena tāva –

Bhavaṅgāvajjanañceva, dassanaṃ sampaṭicchanāṃ;

Santīraṇaṃ voṭṭhabbanāṃ, javanaṃ bhavati sattamaṃ.

Tattha bhavaṅgaṃ upapattibhavassa aṅgakiccaṃ sādhayamānaṃ pavattati; taṃ āvattetvā kiriyamanodhātu āvajjanakiccaṃ sādhayamānā; tannirodhā cakkhuvīññāṇaṃ dassanakiccaṃ sādhayamānaṃ; tannirodhā vipākamanodhātu sampañcchanakiccaṃ sādhayamānā; tannirodhā vipākamanovīññāṇadhātu santīraṇakiccaṃ sādhayamānā; tannirodhā kiriyamanovīññāṇadhātu voṭṭhabbanakiccaṃ sādhayamānā; tannirodhā sattakkhattuṃ javanaṃ javati. Tattha paṭhamajavanepi ‘ayaṃ itthī, ayaṃ puriso’ ti rajjanadussanamuyhanavasena ālokitavilokitaṃ na hoti; dutiyajavanepi...pe... sattamajavanepi. Etesu pana, yuddhamaṅḍale yodhesu viya, heṭṭhupariyavasena bhijjivā patītesu ‘ayaṃ itthī, ayaṃ puriso’ ti rajjanādivasena ālokitavilokitaṃ hoti. Evaṃ tāvettha ‘**mūlapariññavasena**’ asammohasampajaññaṃ veditabbaṃ.

Cakkhudvāre pana rūpe āpāthagate bhavaṅgacalanato uddhaṃ sakasakakiccanipphādanavasena āvajjanādīsu uppajjivā niruddhesu avasāne javanaṃ uppajjati. Taṃ pubbe uppannaṃ āvajjanādīnaṃ gehabhūte cakkhudvāre āgantukapuriso viya hoti. Tassa yathā paragehe kiñci yācituṃ pavittṭhassa āgantukapurisassa gehasāmikesupi tuṅhīmāsinesu āṇākaraṇaṃ na yuttaṃ, evaṃ āvajjanādīnaṃ gehabhūte cakkhudvāre āvajjanādīsipi arajjantesu adussantesu amuyhantesu ca rajjanadussanamuyhanaṃ ayuttanti. Evaṃ ‘**āgantukabhāvavasena**’ asammohasampajaññaṃ veditabbaṃ.

Yāni panetāni cakkhudvāre voṭṭhabbanapariyosānāni cittāni uppajjanti, tāni saddhiṃ sampayuttadhammehi tattha tattheva bhijjanti, aññamaññaṃ na passantīti ittarāni tāvakālikāni honti. Tattha yathā ekasmiṃ ghare sabbesu mānusakesu matesu avasesassa ekakassa taṅkhaṇaṃyeva maraṇadhammassa na yuttā naccagītādīsū abhirati nāma, evameva ekadvāre sasampayuttesu āvajjanādīsū tattha tattheva matesu avasesassa taṅkhaṇaṃñīeva maraṇadhammassa javanassāpi rajjanadussanamuyhanavasena abhirati nāma na yuttāti. Evaṃ ‘**tāvakālikabhāvavasena**’ asammohasampajaññaṃ veditabbaṃ.

Apica khandhāyatanadhātupaccayapaccavekkhaṇavasenaṇepetaṃ veditabbaṃ. Ettha hi cakkhu ceva rūpāni ca rūpakkhando, dassanaṃ viññāṇakkhandho, taṃsāmpayuttā vedanā vedanākkhandho, saññā saññākkhandho, phassādikā saṅkhārakkhandho. Evametesāṃ pañcannaṃ khandhānaṃ samavāye ālokanavilokanaṃ paññāyati. Tattha ko eko āloketi? Ko viloketi?

Tathā cakkhu cakkhāyatanāṃ, rūpaṃ rūpāyatanāṃ, dassanaṃ manāyatanāṃ, vedanādayo taṃsāmpayuttā dhammā dhammāyatanāṃ. Evametesāṃ catunnaṃ āyatanānaṃ samavāye ālokanavilokanaṃ paññāyati. Tattha ko eko āloketi? Ko viloketi?

Tathā cakkhu cakkhudhātu, rūpaṃ rūpadhātu, dassanaṃ cakkhuvīññāṇadhātu, taṃsāmpayuttā vedanādayo dhammā dhammadhātu. Evametāsaṃ catunnaṃ dhātūnaṃ samavāye ālokanavilokanaṃ paññāyati. Tattha ko eko āloketi? Ko viloketi?

Tathā cakkhu nissayapaccayo, rūpaṃ āramaṇapaccayo, āvajjanaṃ anantarasamanantaraanantarūpanissayanatthivigatapaccayo, āloko upanissayapaccayo, vedanādayo sahaṇātādīpaccayā. Evametesāṃ paccayānaṃ samavāye ālokanavilokanaṃ paññāyati. Tattha ko eko āloketi? Ko viloketi? Evamettha khandhāyatanadhātupaccayapaccavekkhaṇavasenaṇāpi asammohasampajaññaṃ veditabbaṃ.

**Samiñjite pasāriteti** pabbānaṃ samiñjanapasāraṇe. Tattha cittavaseneva samiñjanapasāraṇaṃ akatvā hatthapādānaṃ samiñjanapasāraṇapaccayā atthānatthaṃ pariggahetvā tattha atthapariggaṇhanaṃ ‘**sāthakasampajaññaṃ**’. Tattha hatthapāde aticiraṃ samiñjivā vā pasāretvā eva vā tṭhitassa khaṇe khaṇe vedanā uppajjanti, cittaṃ ekaggataṃ na labhati, kammaṭṭhānaṃ paripatati, visesaṃ nādhigacchati; kāle samiñjantassa kāle pasārentassa pana tā vedanā nuppajjanti, cittaṃ ekaggaṃ hoti, kammaṭṭhānaṃ phātiṃ gacchati, visesamadhigacchatīti. Evaṃ ‘atthānatthapariggaṇhanaṃ’ veditabbaṃ.

Atthe pana satipi sappāyāsappāyaṃ pariggahetvā sappāyapariggaṇhanaṃ ‘**sappāyasampajaññaṃ**’.

Tatrāyaṃ nayo – mahācetiyaṅgaṇe kira daharabhikkhū sajjhāyaṃ gaṇhanti. Tesāṃ piṭṭhipasse daharabhikkhuniyo dhammaṃ suṇanti. Tatreko daharo hatthaṃ pasārento kāyasāṃsaggaṃ patvā teneva kāraṇena giṇī jāto. Aparo bhikkhu pādaṃ pasārento aggimhi pasāresi. Aṭṭhiṃ āhacca pādo jhāyi. Aparo bhikkhu vammike pasāresi. So āsīvisena daṭṭho. Aparo bhikkhu cīvarakuṭiḍaṅḍake pasāresi. Taṃ maṇisappo ḍamsi. Tasmā evarūpe asappāye apasāretvā sappāye pasāretabbaṃ. Idamettha sappāyasampajaññaṃ.

‘**Gocarasampajaññaṃ**’ pana mahātheravattthunā dīpetabbaṃ – mahāthero kira divāṭṭhāne nisinnō antevāsikehi saddhiṃ kathayamāno sahasā hatthaṃ samiñjitvā puna yathāṭṭhāne ṭhapetvā saṅikaṃ samiñjesi. Taṃ antevāsikā pucchimsu – ‘kasmā, bhante, sahasā hatthaṃ samiñjitvā puna yathāṭṭhāne ṭhapetvā saṅikaṃ samiñjitthā’ ti? ‘Yato paṭṭhāya mayā, āvuso, kammaṭṭhānaṃ manasikātuṃ āradhho, na me kammaṭṭhānaṃ muñcivā hattho samiñjitapubbo. Idāni pana me tumhehi saddhiṃ kathayamānena kammaṭṭhānaṃ muñcivā samiñjito. Tasmā puna yathāṭṭhāne ṭhapetvā samiñjesi’ nti. ‘Sādhu, bhante, bhikkhunā nāma evarūpena bhavitabba’ nti. Evametthāpi kammaṭṭhānāvijahanameva ‘gocarasampajañña’ nti veditabbaṃ.

‘Abbhantare attā nāma koci samiñjento vā pasārento vā natthi. Vuttappakāracittakiriyāvāyodhātuvipphārena pana, suttākaḍḍhanavasena dāruyantassa hatthapādacalanaṃ viya, samiñjanapasāraṇaṃ hoti’ ti pariñjanaṃ panettha ‘**asammohasampajañña**’ nti veditabbaṃ.

**Saṅghāṭipattacīvaradhāraṇeti** ettha saṅghāṭicīvarānaṃ nivāsanapārūpanavasena pattassa bhikkhāpaṭiggahaṇādivasena paribhogo ‘**dhāraṇaṃ**’ nāma. Tattha saṅghāṭicīvaradhāraṇe tāva nivāsetvā pārūpitvā ca piṇḍāya carato ‘‘āmisalābho sītassa paṭighātāyā’’ tiādinā nayena bhagavatā vuttappakāroyeva ca attho ‘attho’ nāma. Tassa vasena ‘**sāttakāsampajaññaṃ**’ veditabbaṃ.

Uṇhapakatikassa pana dubbalassa ca cīvaraṃ sukhumaṃ sappāyaṃ, sītālukassa ghaṇaṃ dupaṭṭaṃ; viparītaṃ asappāyaṃ. Yassa kassaci jiṇṇaṃ asappāyameva. Aggaḷādīdānena hissa taṃ palibodhakaraṃ hoti. Tathā paṭṭuṇḍakulādibhedam corānaṃ lobhanīyacīvaraṃ. Tādīsāñhi araññe ekakassa nivāsantarāyakaṃ jīvitantarāyakaṃcāpi hoti. Nippariyāyena pana yaṃ nimittakammādimicchājīvasena uppannaṃ, yañcassa sevamānassa akusalā dhammā abhivaḍḍhanti, kusalā dhammā parihāyanti, taṃ asappāyaṃ; viparītaṃ sappāyaṃ. Tassa vasenettha ‘**sappāyasampajaññaṃ**’ kammaṭṭhānāvijahanavaseneva ca ‘**gocarasampajaññaṃ**’ veditabbaṃ.

Abbhantare attā nāma koci cīvaraṃ pārūpanto natthi. Vuttappakāracittakiriyāvāyodhātuvipphāreneva pana cīvarapārūpanaṃ hoti. Tattha cīvarampi acetanaṃ, kāyopi acetano. Cīvaraṃ na jānāti – ‘mayā kāyo pārūpito’ ti, kāyopi na jānāti – ‘ahaṃ cīvarena pārūpito’ ti. Dhātuyova dhātusamūhaṃ paṭicchādenti, paṭapilotikāya potthakarūpapaṭicchādane viya. Tasmā neva sundaraṃ cīvaraṃ labhitvā somanassaṃ kātābbaṃ, na asundaraṃ labhitvā domanassaṃ. Nāgavammikacetiyaṃrūkkhādīsū hi keci mālāgandhadhūpavattthādīhi sakkāraṃ karonti, keci gūthamuttakaddamaḍḍasatthappahārādīhi asakkāraṃ. Na tehi nāgavammikarūkkhādāyo somanassaṃ vā domanassaṃ vā karonti. Evameva neva sundaraṃ cīvaraṃ labhitvā somanassaṃ kātābbaṃ, na asundaraṃ labhitvā domanassanti. Evaṃ pavattapaṭisaṅkhānavasenettha ‘**asammohasampajaññaṃ**’ veditabbaṃ.

Pattadhāraṇepi pattaṃ sahasāva aggahetvā ‘imaṃ gahetvā piṇḍāya caramāno bhikkhaṃ labhissāmī’ ti evaṃ pattaggahaṇapaccayā paṭilabhitabbaatthavasena ‘**sāttakāsampajaññaṃ**’ veditabbaṃ. Kisadubbalasarīrassa pana garupatto asappāyo; yassa kassaci catupañcagaṇṭhikāhato dubbisodhanīyo asappāyova. Duddhotapatto hi na vaṭṭati; taṃ dhovantasseva cassa palibodho hoti. Mañivaṇṇapatto pana lobhanīyova cīvare vuttanayeneva asappāyo. Nimittakammādivasena pana laddho, yañcassa sevamānassa akusalā dhammā abhivaḍḍhanti, kusalā dhammā parihāyanti, ayaṃ ekantāsappāyova viparīto sappāyo. Tassa vasenettha ‘**sappāyasampajaññaṃ**’ kammaṭṭhānāvijahanavaseneva ‘**gocarasampajaññaṃ**’ veditabbaṃ.

Abbhantare attā nāma koci pattaṃ gaṇhanto natthi. Vuttappakāracittakiriyāvāyodhātuvipphāravaseneva pana pattaggahaṇaṃ nāma hoti. Tattha pattopi acetano, hatthāpi acetanā. Patto na jānāti – ‘ahaṃ hatthehi gahito’ ti. Hatthāpi na jānanti – ‘patto amhehi gahito’ ti. Dhātuyova dhātusamūhaṃ gaṇhanti, saṇḍāsena aggivaṇṇapattagahaṇe viyāti. Evaṃ pavattapaṭisaṅkhānavasenettha ‘**asammohasampajaññaṃ**’ veditabbaṃ.

Apica yathā chinnahatthapāde vaṇamukhehi paggharitaṃpubbalohitakimikule nīlamakkhikasamparikiṇṇe anāthasālāyaṃ anāthamanusse disvā dayālukā purisā tesam vaṇabandhapattācoḷakāni ceva kapālādīhi ca bhesajjāni upanāmenti. Tattha coḷakānīpi kesañci saṅhāni kesañci thūlāni pāpuṇanti. Bhesajjakapālakānīpi kesañci susaṅghānāni kesañci dussaṅghānāni pāpuṇanti. Na te tattha sumanā vā honti dummanā vā. Vaṇapaṭicchādanamatteneva hi coḷakena, bhesajjapariggahaṇamatteneva ca kapālakena tesam attho. Evameva yo bhikkhu vaṇacoḷakaṃ viya cīvaraṃ, bhesajjakapālakaṃ viya ca pattaṃ, kapāle bhesajjamiva ca patte laddhabhikkhaṃ sallakkheti – ayaṃ saṅghāṭipattacīvaradhāraṇe asammohasampajaññaṇa uttamasampajānakārīti veditabbo.

Asitādīsū **asiteti** piṇḍapātādibhojane. **Pītetī** yāguādīpāne. **Khāyitetī** piṭṭhakhajjakādikhādane. **Sāyitetī** madhuphāṇitādisāyane. Tattha ‘‘neva davāyā’’ tiādinā nayena vutto aṭṭhavidhopi attho ‘attho’ nāma. Tassa vasena ‘**sāttakāsampajaññaṃ**’ veditabbaṃ.

Lūkhapaṇītatittamadhurādīsu pana yena bhojanena yassa aphāsu hoti, taṃ tassa asappāyaṃ. Yaṃ pana nimittakammādivasena paṭiladdhaṃ, yañcassa bhuñjato akusalā dhammā abhivaḍḍhanti, kusalā dhammā parihāyanti, taṃ ekantaṃ asappāyameva; viparītaṃ sappāyaṃ. Tassa vasenettha **‘sappāyasampajaññaṃ’** kammatṭhānāvijahanavaseneva ca **‘gocarasampajaññaṃ’** veditabbaṃ.

Abbhantare attā nāma koci bhuñjako natthi. Vuttappakāracittakiriyāvāyodhātuvipphārenea pana pattapaṭiggahaṇaṃ nāma hoti. Cittakiriyāvāyodhātuvipphārenea hatthassa patte otāraṇaṃ nāma hoti. Cittakiriyāvāyodhātuvipphārenea ālopakaraṇaṃ, ālopaudharaṇaṃ, mukhavivaraṇaṇa hoti. Na koci kuñcikāya, na yantakena hanukaṭṭhiṃ vivarati. Cittakiriyāvāyodhātuvipphārenea ālopassa mukhe ṭhapaṇaṃ, uparidantānaṃ musalakiccasādhaṇaṃ, heṭṭhādantānaṃ udukkhalakiccasādhaṇaṃ, jivhāya hatthakiccasādhaṇaṇa hoti. Iti naṃ tattha aggajivhāya tanukakheḷo mūlajivhāya bahalakheḷo makkheti. Taṃ heṭṭhādantaudukkhale jivhāhatthaparivattitaṃ kheḷaudakatemitāṃ uparidantamusalasañcunṇitaṃ koci kaṭacchunā vā dabbiyā vā anto pavesento nāma natthi; vāyodhātuyāva pavisati. Paviṭṭhaṃ paviṭṭhaṃ koci palālasanthāraṃ katvā dhārento nāma natthi; vāyodhātuvaseneva tiṭṭhati. Ṭhitaṃ ṭhitaṃ koci uddhanaṃ katvā aggim jāletvā pacanto nāma natthi; tejo dhātuyāva paccati. Pakkaṃ pakkaṃ koci daṇḍakena vā yaṭṭhiyā vā bahi nīhāraṇo nāma natthi; vāyodhātuyeva nīharati. Iti vāyodhātu atiharati ca vītiharati ca dhāreti ca parivatteti ca sañcunṇeti ca visoseti ca nīharati ca. Pathavīdhātu dhāreti ca parivatteti ca sañcunṇeti ca visoseti ca nīharati ca. Āpodhātu sineheti ca allattaṇa anupāleti. Tejo dhātu antopaviṭṭhaṃ paripāceti. Ākāśadhātu añjaso hoti. Viññādhātu tattha tattha sammāpayogamanvāya ābhujatīti. Evaṃ pavattapaṭisañkhānavasenettha **‘asammohasampajaññaṃ’** veditabbaṃ.

Apica gamanato, pariyesanato, paribhogato, āsayato, nidhānato, aparipakkato, paripakkato, phalato, nissandanato, sammakkhanatoti evaṃ dasavidhapaṭikūlabhāvapaccavekkhaṇatopettha **‘asammohasampajaññaṃ’** veditabbaṃ. Vitthārakathā panettha visuddhimagge āhārapaṭikūlasaññāniddesato gahetabbā.

**Uccārapassāvakkammeti** uccārasa ca passāvassa ca karaṇe. Tattha pakkakāle uccārapassāvaṃ akarontassa sakalasarīrato sedā muccanti, akkhīni bhamanti, cittaṃ na ekaggaṃ hoti, aññe ca rogā uppajjanti; karontassa pana sabbaṃ taṃ na hotīti ayamettha attho. Tassa vasena **‘sāthakasampajaññaṃ’** veditabbaṃ.

Aṭṭhāne uccārapassāvaṃ karontassa pana āpatti hoti, ayaso vaḍḍhati, jīvitantarāyo hoti; patirūpe ṭhāne karontassa sabbaṃ taṃ na hotīti idamettha sappāyaṃ. Tassa vasena **‘sappāyasampajaññaṃ’** kammatṭhānāvijahanavaseneva ca **‘gocarasampajaññaṃ’** veditabbaṃ.

Abbhantare attā nāma koci uccārapassāvakkammaṃ karonto natthi. Cittakiriyāvāyodhātuvipphārenea pana uccārapassāvakkammaṃ hoti. Yathā pana pakke gaṇḍe gaṇḍabhedena pubbalohitaṃ akāmatāya nikkhamati, yathā ca atibharitā udakabhājanā udakaṃ akāmatāya nikkhamati, evaṃ pakkāsayamuttavattāṃ sannicitā uccārapassāvā vāyuvegasamuppīṭitā akāmatāyapi nikkhamanti. So paṇāyaṃ evaṃ nikkhamanto uccārapassāvō neva tassa bhikkhuno attano hoti na parassa; kevalaṃ pana sarīranissandova hoti. Yathā kiṃ? Yathā udakatumbhato purāṇaudakaṃ chaḍḍentassa neva taṃ attano hoti na paresaṃ, kevalaṃ paṭijagganamatameva hoti, evanti. Evaṃ pavattapaṭisañkhānavasenettha **‘asammohasampajaññaṃ’** veditabbaṃ.

**Gatādīsu gateti** gamane. **Ṭhiteti** ṭhāne. **Nisinni** nisajjāya. **Sutteti** sayane. Tattha abhikkantādīsu vuttanayeneva sampajānakārītā veditabbā.

Ayaṃ panettha aparopi nayo – eko hi bhikkhu gacchanto aññaṃ cintento aññaṃ vitakkento gacchati. Eko kammatṭhānaṃ avissajjetvāva gacchati. Tathā eko bhikkhu tiṭṭhanto, nisīdanto, sayanto aññaṃ cintento aññaṃ vitakkento sayati. Eko kammatṭhānaṃ avissajjetvāva sayati.

Ettakena pana na pākāṇaṃ hotīti caṅkamaṇa dīpayiṃsu. Yo hi bhikkhu caṅkamaṇaṃ otarivā caṅkamaṇakoṭiyaṃ ṭhito pariggaṇhāti; ‘pācīnacaṅkamaṇakoṭiyaṃ pavattā rūpārūpadhammā pacchimacaṅkamaṇakoṭiṃ appatvā ettheva niruddhā, pacchimacaṅkamaṇakoṭiyaṃ pavattāpi pācīnacaṅkamaṇakoṭiṃ appatvā ettheva niruddhā, caṅkamaṇavemajjhe pavattā ubho koṭiyo appatvā ettheva niruddhā, caṅkamaṇe pavattā rūpārūpadhammā ṭhānaṃ appatvā ettheva niruddhā, ṭhāne pavattā nisajjaṃ, nisajjāya pavattā sayanaṃ appatvā ettheva niruddhā’ ti evaṃ pariggaṇhanto pariggaṇhantoyeva bhavaṅgaṃ otāreti; uṭṭhahanto kammatṭhānaṃ gahetvāva uṭṭhāti – ayaṃ bhikkhu gatādīsu **sampajānakārī** nāma hotīti.

Evaṃ pana sutte kammatṭhānaṃ avibhūtaṃ hoti. Kammatṭhānaṃ avibhūtaṃ na kātabbaṃ. Tasmā yo bhikkhu yāva sakkoti tāva caṅkamitvā ṭhatvā nisīditvā sayamāno evaṃ pariggahetvā sayati – ‘kāyo acetano, mañco acetano. Kāyo na jānāti – ahaṃ mañce sayitoti. Mañcopi na jānāti – mayi kāyo sayitoti. Acetano kāyo acetane mañce sayito’ ti.

Evam pariggaṇhanto pariggaṇhantoyeva cittaṃ bhavaṅgaṃ otāreti, pabujjhamāno kammaṭṭhānaṃ gahetvāva pabujjhati. Ayaṃ sutte sampajānakārī nāma hotīti.

**Jāgariteti** jāgaraṇe. Tattha ‘kiriyaṃapavattassa appavattiyā sati jāgaritaṃ nāma na hoti; kiriyaṃapavattavaḷaṅṅe pavattante jāgaritaṃ nāma hoti’ ti pariggaṇhanto bhikkhu jāgarite sampajānakārī nāma hoti. Apica rattindivaṃ cha koṭṭhāse katvā pañca koṭṭhāse jaggantopi jāgarite sampajānakārī nāma hoti.

**Bhāsiteti** kathane. Tattha ‘upādārūpassa saddāyatanassa appavatte sati bhāsitaṃ nāma na hoti; tasmim pavattante hoti’ ti pariggāhako bhikkhu bhāsitaṃ sampajānakārī nāma hoti. Vimuttāyatanasīsenā dhammaṃ desentopi bāttimsa tiracchānakathā pahāya dasakathāvathunissitaṃ kathaṃ kathentopi bhāsitaṃ sampajānakārī nāma hoti.

**Tuṅhībhāveti** akathane. Tattha ‘upādārūpassa saddāyatanassa pavattiyāṃ sati tuṅhībhāvo nāma natthi; appavattiyāṃ hoti’ ti pariggāhako bhikkhu tuṅhībhāve sampajānakārī nāma hoti. Aṭṭhatimsāya ārammaṇesu cittaruciyaṃ kammaṭṭhānaṃ gahetvā nisinnopi dutiyajjhānaṃ samāpannopi tuṅhībhāve sampajānakārīyeva nāma hoti.

Ettha ca eko iriyāpatho dvīsu ṭhānesu āgato. So heṭṭhā **abhikkante paṭikkanteti** ettha bhikkhācāragāmaṃ gacchato ca āgacchato ca addhānagamanavasena kathito. **Gate ṭhite nisinneti** ettha vihāre cuṇṇikapāduddhāriyāpathavasena kathitoti veditabbo.

#### 524. Tattha katamā satītiādi sabbam uttānatthameva.

**526. So vivittanti** iminā kiṃ dasseti? Etassa bhikkhuno upāsanaṭṭhānaṃ yogapathaṃ sappāyaseṇānaṃ dasseti. Yassa hi abbhantare ettakā guṇā atthi, tassa anucchaviko araṇṇāvāso. Yassa panete natthi, tassa ananucchaviko. Evarūpassa hi araṇṇāvāso kālamakkaṭaacchataracchadīpimigādīnaṃ aṭavīvāsasadiṣo hoti. Kasmā? Icchāya ṭhatvā pavittattā. Tassa hi araṇṇāvāsamūlako koci attho natthi; araṇṇāvāsañceva āraṇṇāke ca dūseti; sāsane appasādaṃ uppādeti. Yassa pana abbhantare ettakā guṇā atthi, tasseva so anucchaviko. So hi araṇṇāvāsaṃ nissāya vipassanaṃ paṭṭhapetvā arahattaṃ gaṇhitvā parinibbāti, sakalāraṇṇāvāsaṃ upasobhenti, āraṇṇīkānaṃ sīsaṃ dhovati, sakalāsānaṃ pasāreti. Tasmā satthā evarūpassa bhikkhuno upāsanaṭṭhānaṃ yogapathaṃ sappāyaseṇānaṃ dassento **so vivittaṃ senānaṃ bhajātīti** ādimāha. Tattha **vivittanti** suṇṇaṃ appasaddaṃ appanigghosaṃ. Etameva hi atthaṃ dassetuṃ **tañca anākiṇṇanti** ādi vuttaṃ. Tattha **anākiṇṇanti** asaṅkiṇṇaṃ asambādhaṃ. Tattha yassa senānaṃ sāmāntā gāvutampi aḍḍhayaṃ pabbatagahaṇaṃ vanagahaṇaṃ nadīgahaṇaṃ hoti, na koci avelāya upasaṅkamaṃ sakkoti – idaṃ santikepi anākiṇṇaṃ nāma. Yaṃ pana aḍḍhayaṃ vā yojanaṃ vā hoti – idaṃ dūratāya eva anākiṇṇaṃ nāma hoti.

**527.** Seti ceva āsati ca etthāti **senānaṃ**. Tassa pabhedaṃ dassetuṃ **mañco pīṭhanti** ādi vuttaṃ. Tattha **mañcoti** cattāro mañca – masārako, bundikābaddho, kuḷīrapādako, āhaccapādako. Tathā pīṭhaṃ. **Bhisīti** pañca bhisīyo – uṇṇābhisi, coḷabhisi, vākabhisi, tiṇabhisi, paṇṇabhisi. **Bimbohananti** sīsūpadhānaṃ vuttaṃ. Taṃ vitthārato vidatthacaturaṅgulaṃ vaṭṭati, dīghato mañcavithhārappamāṇaṃ. **Vihāroti** samāntā parihārapathaṃ antoyeva rattitṭhānadivāṭṭhānāni dassetvā kataseṇānaṃ. **Aḍḍhayogoti** supaṇṇavaṅkagehaṃ. **Pāsādoti** dve kaṇṇikāni gahetvā kato dīghapāsādo. **Aṭṭoti** paṭirājādiṭṭhānaṃ itthakāhi kato bahalabhittiko catupaṅcabhūmiko patissayaviseso. **Māloti** bhojanasālasadiṣo maṇḍalamālo; vinayaṭṭhakathāyaṃ pana ekakūṭasaṅgahito caturassapāsādoti vuttaṃ. **Leṇanti** pabbataṃ khaṇitvā vā pabbhārassa appahonakaṭṭhāne kuṭṭhaṃ utṭhāpetvā vā kataseṇānaṃ. **Guhāti** bhūmidari vā yattha rattindivaṃ dīpaṃ laddhuṃ vaṭṭati, pabbataguhā vā bhūmiguhā vā. **Rukkhamūlanti** rukkhassa heṭṭhā parikkhittaṃ vā aparikkhittaṃ vā. **Velugumboti** velugaccho. **Yattha vā pana bhikkhū paṭikkamantīti** ṭhapetvā vā etāni mañcādīni yattha bhikkhū sannipatanti, yaṃ tesam sannipātāraṭṭhānaṃ, sabbametaṃ senānaṃ.

**528. Bhajātīti** upeti. **Sambhajātīti** tattha abhiraṭṭhānaṃ anukkaṇṭhito suṭṭhu upeti. **Sevatīti** nivāsanavasena sevati **nisevatīti** anukkaṇṭhamāno sannisito hutvā sevati. **Samsevātīti** senānavattaṃ sampādentam sammā sevati.

**529.** Idāni yaṃ taṃ vivittanti vuttaṃ, tassa pabhedaṃ dassetuṃ **araṇṇaṃ rukkhāmūlanti** ādi āradhaṃ. Tattha **araṇṇanti** vinayapariyāyena tāva ‘ṭhapetvā gāmañca gāmūpacārañca avasesaṃ araṇṇa’ nti (pārā. 12) āgataṃ. Suttantapariyāyena āraṇṇikaṃ bhikkhuṃ sandhāya ‘āraṇṇikaṃ nāma senānaṃ pañcadhanusatikapacchima’ nti (pāci. 573) āgataṃ. Vinayasuttantā pana ubhopi pariyāyadesanā nāma. Abhidhammo nipariyāyadesanāti abhidhammapariyāyena araṇṇaṃ dassetuṃ **nikkhamitvā bahi indakhilāti** vuttaṃ; indakhilato bahi nikkhamitvāti attho.

**530.** Rukkhamūlādīnaṃ pakatiyā ca suviññeyyabhāvato **rukkhamūlamyeva rukkhāmūlanti** ādi vuttaṃ. Apicettha **rukkhamūlanti** yaṃkiñci sītacchāyaṃ vivittaṃ rukkhāmūlaṃ. **Pabbatanti** selam. Tattha hi udakasoṇḍisu

udakakiccaṃ katvā sītāya rukkhacchāyāya nisinnassa nānādisāsu khāyamānāsu sītēna vātena bījīyamānassa cittaṃ ekaggaṃ hoti. **Kandaranti** kaṃ vuccati udakaṃ, tena daritaṃ udakena bhinnaṃ pabbatappadesaṃ; yaṃ nitumbantipi nadīkuñjantipi vadanti. Tattha hi rajatapaṭṭhasadisā vālikā honti, matthake mañivitānaṃ viya vanagahaṇaṃ, mañikkhandhasadisā udakaṃ sandati. Evarūpaṃ kandaraṃ oruyha pānīyaṃ pivitvā gattāni sītāṃ katvā vālikaṃ ussāpetvā paṃsukūlacīvaraṃ paññāpetvā nisinnassa samaṇadhammaṃ karoto cittaṃ ekaggaṃ hoti. **Giriguhanti** dvinnaṃ pabbatānaṃ antaraṃ, ekasmiṃyeva vā umaṅgasadisā mahāvivaraṃ. Susānalakkhaṇaṃ visuddhimagge (visuddhi. 1.34) vuttaṃ.

**531. Vanapatthanti** gāmantāṃ atikkamitvā manussānaṃ anupacāraṭṭhānaṃ, yattha na kasanti na vapanti. Tenevassa niddese “vanapatthanti dūrānametaṃ senāsānaṃ adhivacana”ntiādi vuttaṃ. Yasmā vā rukkhāmūlādīsu idamevekaṃ bhājetvā dassitaṃ, tasmāssa nikkhepapaṭipāṭiyā niddesaṃ akatvā sabbapariyante niddeso katoti veditabbo. **Abbhokāsanti** acchannaṃ. Ākaṅkhamāno panettha cīvarakuṭiṃ katvā vasati. **Palālapuñjanti** palālarāsi. Mahāpalālapuñjato hi palālaṃ nikkadḍhitvā pabbhāraleṇasadiṣe ālaye karonti, gacchagumbādīnampi upari palālaṃ pakkhipitvā heṭṭhā nisinnā samaṇadhammaṃ karonti; taṃ sandhāyetaṃ vuttaṃ. Vanapatthaniddese **salomahaṃsānanti** yattha pavitṭhassa lomahaṃso uppajjati; evarūpānaṃ bhīsanakasenāsānaṃ. **Pariyantānanti** dūrabhāvena pariyanāte ṭhitānaṃ. **Na manussūpacārānanti** kasanavapanavasena manussehi upacaritabbaṃ vanantaṃ atikkamitvā ṭhitānaṃ. **Durabhisambhāvānanti** aladdhavivekassādehi abhibhuyya vasitūṃ nasakkuṇeyyānaṃ.

**532.** Appasaddādiniddese **appasaddanti** vacanasaddena appasaddaṃ.

**533. Appanigghosanti** nagaranigghosasaddena appanigghosaṃ. Yasmā pana ubhayampetaṃ saddaṭṭhena ekaṃ, tasmāssa niddese “yadeva taṃ appasaddaṃ tadeva taṃ appanigghosa”nti vuttaṃ. **Vijanavātanti** anusañcaraṇajanassa sarīravātena virahitaṃ. **Vijanavādantipi** pāṭho; antojanavādena virahitanti attho. Yasmā pana yaṃ appanigghosaṃ, tadeva janasañcaraṇena ca janavādena ca virahitaṃ hoti, tasmāssa niddese “yadeva taṃ appanigghosaṃ tadeva taṃ vijanavāta”nti vuttaṃ. **Manussarāhaseyyakanti** manussānaṃ rahassakiriyatṭhāniyaṃ. Yasmā pana taṃ janasañcaraṇarahitaṃ hoti, tenassa niddese “yadeva taṃ vijanavātaṃ tadeva taṃ manussarāhaseyyaka”nti vuttaṃ. **Paṭisallānasārūppanti** vivekānurūpaṃ. Yasmā pana taṃ niyameneva manussarāhaseyyakaṃ hoti, tasmāssa niddese “yadeva taṃ manussarāhaseyyakaṃ tadeva taṃ paṭisallānasārūppa”nti vuttaṃ.

**534.** Araññagatādiniddese araññaṃ vuttameva. Tathā rukkhāmūlaṃ. Avasesaṃ pana sabbampi senāsanaṃ suññāgārena saṅgahitaṃ.

**535. Pallaṅkaṃ ābhujitvāti** samantato ūrubaddhāsanaṃ bandhitvā. **Ujūṃ kāyaṃ pañidhāyāti** uparimaṃ sarīraṃ ujūṃ ṭhapetvā atṭhārasa piṭṭhikaṅṭhake koṭiyā koṭiṃ paṭipādetvā. Evañhi nisinnassa cammamāṃsanhārūni na paṇamanti. Athassa yā tesāṃ paṇamanapaccayā khaṇe khaṇe vedanā uppajjeyyūṃ, tā nuppajjanti. Tāsu na uppajjamānāsu cittaṃ ekaggaṃ hoti, kammaṭṭhānaṃ na paripatati, vuḍḍhiṃ phātiṃ upagacchati.

**536. Ujuko hoti kāyo ṭhito pañihitoti** idampi hi imamevatthaṃ sandhāya vuttaṃ.

**537. Parimukhaṃ satīṃ upaṭṭhapetvāti** kammaṭṭhānābhimukhaṃ satīṃ ṭhapayitvā, mukhasamīpe vā katvāti attho. Teneva vuttaṃ “ayaṃ satī upaṭṭhitā hoti sūpaṭṭhitā nāsikagge vā mukhanimitte vā”ti. **Mukhanimittanti** cettha uttarotṭhassa vemajjhappadeso daṭṭhabbo, yattha nāsikavāto paṭihaññati; atha vā **parīti** pariggahaṭṭho, **mukhanti** niyyānaṭṭho, **satīti** upaṭṭhānaṭṭho; tena vuccati “parimukhaṃ sati”nti evaṃ paṭisambhidāyaṃ (paṭi. ma. 1.164) vuttanāyenaṇapettha attho daṭṭhabbo. Tatrāyaṃ saṅkhepo “pariggahitaniyyānaṃ satīṃ katvā”ti.

**538.** Abhijjhānidheso uttānathoyeva. Ayaṃ panettha saṅkhepavaṇṇanā – **abhijjhaṃ loke pahāyāti** lujjanapalujjanaṭṭhena pañcupādānakkhandhā loko. Tasmā pañcasu upādānakkhandhesu rāgaṃ pahāya kāmaccandaṃ vikkhambhetvāti ayamettha attho.

**539. Vigatābhijjhēnāti** vikkhambhanavasena pahīnattā vigatābhijjhena, na cakkhuvīññānasadisēnāti attho.

**541. Abhijjhāya cittaṃ parisodhetīti** abhijjhāto cittaṃ parisodheti; yathā naṃ sā muñcati ceva, muñcivā ca na puna gaṇhāti, evaṃ karotīti attho. Niddesapadesu panassa āsevanto **sodheti**, bhāvento **visodheti**, bahulīkaronto **parisodhetīti** evamattho veditabbo. **Mocetīti**ādiṣupi eseva nayo.

**542-543. Byāpādadosaṃ pahāyāti**ādiṇampi imināva nayena attho veditabbo. Byāpajjati iminā cittaṃ pūtikummāsādayo viya pakatiṃ jahatīti byāpādo. Vikārappattiyā padussati, paraṃ vā padūseti vināsetīti padoso. Ubhayametaṃ kodhassevādhivacanaṃ. Teneva vuttaṃ “yo byāpādo so padoso; yo padoso so byāpādo”ti. Yasmā cesa

sabbasaṅgāhikavasena niddiṭṭho, tasmā ‘sabbapāṇabhūtahitānukampī’ ti avatvā ‘abyāpannacitto’ ti ettakameva vuttaṃ.

**546.** Thinaṃ cittagelaṅṅaṃ, middhaṃ cetasikagelaṅṅaṃ; thinaṅca middhaṅca **thinamiddhaṃ**. **Santā hontī** ime dvepi dhammā nirodhasantatāya santā hontīti. Idaṃ sandhāyetta vacanabhedo kato.

**549. Ālokasaṅṅī**ti rattimpi divāpi diṭṭhālokasaṅṅānanasamatthāya vigatanīvaraṅāya parisuddhāya saṅṅāya samannāgato.

**550. Sato sampajānoti** satiya ca ṅāṅena ca samannāgato. Idaṃ ubhayaṃ ālokasaṅṅāya upakārakattā vuttaṃ.

**553.** Vigatathinamiddhatāya pana ālokasaṅṅāya niddesapadesu cattattātiādīni aññaṃaññavevacanāneva. Tattha **cattattā**ti cattaḅhāraṇā. Sesapadesupi eseva nayo. Cattattāti idaṃ panettha sakabhāvaparicajanavasena vuttaṃ. **Vantattā**ti idaṃ puna anādiyanabhāvadassanavasena. **Muttattā**ti idaṃ santatito vinimocanavasena. **Pahīnattā**ti idaṃ muttassāpi katthaci ṭhānābhāvavasena. **Paṭinissaṭṭhattā**ti idaṃ pubbe ādinnapubbassa nissaggadassanavasena. Paṭimuṅcato vā nissaṭṭhattā bhāvanābalena abhibhuyya nissaṭṭhattāti attho. **Pahīnapaṭinissaṭṭhattā**ti yathāvikkhambhanavaseneva pahānaṃ hoti, punappunaṃ santatiṃ na ajjhāruhati, tathā paṭinissaṭṭhattāti. **Ālokā hotī**ti sappabhā hoti. Nirāvaraṅaṭṭhena **vivaṭā**. Nirupakkilesaṭṭhena **parisuddhā**. Pabhassaraṭṭhena **pariyodātā**.

**556. Uddhaccakukkuccanti** ettha uddhatakāro uddhaccaṃ, ārammaṇe anicchayatāya vatthujjhācāro kukkuccaṃ. Idhāpi ‘santā hontī’ ti purimanayeneva vacanabhedo vedītabbo.

**558. Tiṇṇavicikicchoti** vicikicchaṃ taritvā atikkamitvā ṭhito. Niddesepissa **tiṇṇoti** idaṃ vicikicchāya animuggabhāvadassanavasena vuttaṃ. **Uttiṇṇoti** idaṃ tassā atikkamadassanavasena. **Nittiṇṇoti** idaṃ bhāvanābalena abhibhuyya upaddave tiṇṇabhāvadassanavasena. **Pāraṅgoti** nibbicikicchābhāvasaṅkhātāṃ vicikicchāpāraṃ gato. **Pāramanuppattoti** tadeva pāraṃ bhāvanānuyogena pattoti. Evamassa paṭipattiyā saphalataṃ dasseti.

**559. Akathaṃkathī**ti ‘kathamidaṃ kathamida’nti evaṃ pavattāya kathaṃkathāya virahito. **Kusalesu dhammesūti** anavajjadhamesu. **Na kaṅkhatī**ti ‘ime nu kho kusalā’ti kaṅkhaṃ na uppādeti. **Na vicikicchati**ti te dhamme sabhāvato vinicchetaṃ na kicchati, na kilamati. **Akathaṃkathī hotī**ti ‘kathaṃ nu kho ime kusalā’ti kathaṃkathāya rahito hoti. **Nikkathaṃkathī vigatakathaṃkathoti** tasseva vevacanaṃ. Vacanatto panettha kathaṃkathāto nikkhantoti nikkathaṃkatho. Vigatā kathaṃkathā assāti **vigatakathaṃkatho**.

**562. Upakkileseti** upakkilesabhūte. Te hi cittaṃ upagantvā kilissanti. Tasmā upakkilesāti vuccanti.

**563. Paṅṅāya dubbalīkaraṇeti** yasmā ime nīvaraṇā uppajjamānā anuppannāya lokiya lokuttarāya paṅṅāya uppajjituṃ na denti, uppannā api aṭṭha samāpattiyō paṅṅā vā abhiṅṅāyo upacchinditvā pāṅṅā, tasmā ‘paṅṅāya dubbalīkaraṇā’ti vuccanti. ‘Anuppannā ceva paṅṅā na uppajjati, uppannā ca paṅṅā nirujjhatī’ti idampi hi imamevatthaṃ sandhāya vuttaṃ. Sesametta sabbhaṃ heṭṭhā tattha tattha pakāsītattā uttānatthameva.

**564. Vivicceva kāmehi**tiādīsipi niddesesu yaṃ vattabbaṃ siyā, taṃ heṭṭhā cittuppādakaṅṅe (dha. sa. aṭṭha. 160) rūpāvacaraniddese idheva ca tattha tattha vuttameva. Kevalaṅhi dutiyatatiyacatutthajjhānaniddesepi yathā tāni jhānāni heṭṭhā ‘tivaṅgikaṃ jhānaṃ hoti, duvaṅgikaṃ jhānaṃ hotī’ti vuttāni, evaṃ avatvā ‘ajjhataṃ sampasādana’ntiādivacanaṃ pariyāyena sampasādādīhi saddhiṃ tāni aṅgāni gahetvā ‘jhānanti sampasādo pītisukhaṃ cittassekaggatā’tiādīnā nayena taṃ taṃ jhānaṃ niddiṭṭhanti ayamettha viṣeso.

**588. Yaṃ taṃ ariyā ācikkhanti**tipadaniddese pana kiṅcāpi ‘ācikkhanti desentī’tiādīni sabbāneva aññaṃaññavevacanāni, evaṃ santepi ‘upekkhako satimā sukhavihārī’tiādiuddesavasena **ācikkhanti**, niddesavasena **desenti**, paṭiniddesavasena **paṅṅāpentī**, tena tena pakārena atthaṃ ṭhapetvā **paṭṭhapenti**, tassa tassatthassa kāraṇaṃ dassentā **vivaranti**, byañjanavibhāgaṃ dassentā **vibhajanti**, nikkujjitabhāvaṃ gambhīrabhāvaṅca nīharitvā vā sotūnaṃ ṅāṅassa paṭiṭṭhaṃ janayantā **uttāniṃ karonti**, sabbehipi imehi ākārehi sotūnaṃ aññaṅandhakāraṃ vidhamentā **pakāsenti**ti evamattho daṭṭhabbo.

Samatikkamaniddesepe tattha tattha tehi tehi dhammehi vuṭṭhitattā **atikkamanto**, uparibhūmippattiyā **vītikanto**, tato parihānibhāvena samatikkantoti evamattho daṭṭhabbo.

Suttantabhājanīyavaṅṅanā.



## 2. Abhidhammabhājanīyavaṇṇanā

**623.** Abhidhammabhājanīye heṭṭhā cittuppādakaṇḍe āgatanayeneva tanti ṭhapitā. Tasmā tattha sabbesampi kusalavipākakiriyavasena niddiṭṭhānaṃ jhānānaṃ tattha vuttanayeneva attho veditabbo. Suddhikanavakādibhedopi sabbo tattha vuttasadisoyevāti.

Abhidhammabhājanīyavaṇṇanā.

## 3. Pañhāpucchakavaṇṇanā

**638.** Pañhāpucchake pāḷianusārenea jhānānaṃ kusalādibhāvo veditabbo. Ārammaṇattikesu pana tiṇṇaṃ jhānānaṃ nimittārammaṇattā parittārammaṇādibhāvena navattabbatā veditabbā. Lokuttarā panettha maggakāle phalakāle vā siyā appamāṇārammaṇā. **Catutthaṃ jhānaṃ siyā parittārammaṇanti** ettha kusalato terasa catutthajjhānāni sabbatthapādakacatutthaṃ, iddhividhacatutthaṃ, dibbasotañāṇacatutthaṃ, cetopariyañāṇacatutthaṃ, pubbenivāsañāṇacatutthaṃ, dibbacakkhuñāṇacatutthaṃ, yathākammūpagañāṇacatutthaṃ, anāgataṃsañāṇacatutthaṃ, ākāsānañcāyatanādicatutthaṃ, lokuttaracatutthanti.

Tattha **sabbatthapādakacatutthaṃ** navattabbārammaṇameva hoti.

**Iddhividhacatutthaṃ** cittavasena kāyaṃ pariṇāmentassa adissamānena kāyena pāṭihāriyakaraṇe kāyārammaṇattā parittārammaṇaṃ, kāyavasena cittaṃ pariṇāmentassa dissamānena kāyena pāṭihāriyaṃ katvā brahmalokaṃ gacchantassa samāpatticittārammaṇattā mahaggaṭārammaṇaṃ.

**Dibbasotañāṇacatutthaṃ** saddārammaṇattā parittārammaṇaṃ.

**Cetopariyañāṇacatutthaṃ** kāmāvacaracittajānanakāle parittārammaṇaṃ, rūpāvacarārūpāvacaracittajānanakāle mahaggaṭārammaṇaṃ, lokuttaracittajānanakāle appamāṇārammaṇaṃ. Cetopariyañāṇalābhī pana puthujjano puthujjanānaṃyeva cittaṃ jānāti, na ariyānaṃ. Soṭāpanno soṭāpannassa ceva puthujjanassa ca; sakadāgāmī sakadāgāmīno ceva heṭṭhimānañca dvinnāṃ; anāgāmī anāgāmīno ceva heṭṭhimānañca tiṇṇaṃ; khīṇāsavo sabbesampi jānāti.

**Pubbenivāsañāṇacatutthaṃ** kāmāvacarakkhandhānussaraṇakāle parittārammaṇaṃ, rūpāvacarārūpāvacarakkhandhānussaraṇakāle mahaggaṭārammaṇaṃ, ‘‘atīte buddhapaccekabuddhakhīṇāsavā maggaṃ bhāvayimṣu, phalaṃ sacchikarimṣū’’ti anussaraṇakāle appamāṇārammaṇaṃ, nāmagottānussaraṇakāle navattabbārammaṇaṃ.

**Dibbacakkhuñāṇacatutthaṃ** vaṇṇārammaṇattā parittārammaṇaṃ.

**Yathākammūpagañāṇacatutthaṃ** kāmāvacarakammānussaraṇakāle parittārammaṇaṃ, rūpāvacarārūpāvacarakammānussaraṇakāle mahaggaṭārammaṇaṃ.

**Anāgataṃsañāṇacatutthaṃ** anāgate kāmādhātuyā nibbattijānanakāle parittārammaṇaṃ, rūpārūpabhavesu nibbattijānanakāle mahaggaṭārammaṇaṃ, ‘‘anāgate buddhapaccekabuddhakhīṇāsavā maggaṃ bhāvessanti, phalaṃ sacchikarissanti’’ti jānanakāle appamāṇārammaṇaṃ, ‘‘anāgate saṅkho nāma rājā bhavissati’’tiādinā (dī. ni. 3.108) nayena nāmagottānussaraṇakāle navattabbārammaṇaṃ.

**Ākāsānañcāyatanaākiñcaññāyatanaacatutthaṃ** navattabbārammaṇaṃ.

**Viññāṇañcāyatanañevasaññānāsaññāyatanaacatutthaṃ** mahaggaṭārammaṇaṃ.

**Lokuttaracatutthaṃ** appamāṇārammaṇaṃ.

Kiriyatopi tesam dvādasannaṃ jhānānaṃ idameva ārammaṇavidhānaṃ. **Tiṇi jhānāni namaggārammaṇāti** paccavekkhaṇāñānaṃ vā cetopariyādiñānaṃ vā maggaṃ ārammaṇaṃ kareyya, tiṇi jhānāni tathā appavattito namaggārammaṇā, sahaajātahetuvasena pana siyā maggahetukā; vīriyajeṭṭhikāya vā vīmaṃsājeṭṭhikāya vā maggabhāvanāya maggādhipatino; chandacittajeṭṭhikakāle phalakāle ca navattabbā.

**Catutthaṃ jhānanti** idhāpi kusalato terasasu catutthajjhānesu

sabbatthapādakaiddivhadibbasotadibbacakkhuyathākammūpagañāṇacatutthañceva catubbidhañca āruppacatutthaṃ maggārammaṇādibhāvena na vattabbaṃ. Cetopariyapubbenivāsaanāgataṃsañāṇacatutthaṃ pana maggārammaṇaṃ hoti. Na vattabbaṃ maggahetukaṃ maggādhīpatīti vā; lokuttaracatutthaṃ maggārammaṇaṃ na hoti; maggakāle pana sahaajātahetuvaseṇa maggahetukaṃ; vīriyavīmaṃsājeṭṭhikāya maggabhāvanāya maggādhīpati; chandacittajeṭṭhikāya ceva maggabhāvanāya phalakāle ca na vattabbaṃ. Kiriyaṭopi dvādasasu jhānesu ayameva nayo.

**Tiṇi jhānāni na vattabbāti** atītādīsu ekadhammampi ārabha appavattito navattabbāti veditabbā.

**Catutthaṃ jhānanti** kusalato terasasu catutthajjhānesu sabbatthapādakacatutthaṃ navattabbārammaṇameva. Iddhividhacatutthaṃ kāyavasena cittapariṇāmane samāpatticittārammaṇattā atītārammaṇaṃ; “anāgate imāni pupphāni mā milāyīṃsu, dīpā mā nibbāyīṃsu, eko aggikkhandho samuṭṭhātu, pabbato samuṭṭhātu”ti adhiṭṭhānakāle anāgatārammaṇaṃ; cittavasena kāyapariṇāmanakāle kāyārammaṇattā paccuppannārammaṇaṃ. Dibbasotañāṇacatutthaṃ saddārammaṇattā paccuppannārammaṇaṃ. Cetopariyañāṇacatutthaṃ atīte sattadivasabbhantare uppajjivā niruddhacittajānanakāle atītārammaṇaṃ; anāgate sattadivasabbhantare uppajjanakacittajānanakāle anāgatārammaṇaṃ. “Yathā imassa bhoto manosāṅkhārā paṇihitā imassa cittassa anantarā amuṃ nāma vitakkaṃ vitakkesatīti. So bahuñcepi ādisati, tatheva taṃ hoti no aññathā”ti iminā hi suttena (a. ni. 3.61) cetopariyañāṇasseva pavatti pakāsītā. Addhānapaccuppannasantatipaccuppannavaseneva paccuppannaṃ ārabha pavattikāle paccuppannārammaṇaṃ. Vitthārakathā panettha heṭṭhāṭṭhakathākāṇḍavaṇṇanāyaṃ vuttanayeneva veditabbā.

Pubbenivāsañāṇacatutthaṃ atītakhandhānussaraṇakāle atītārammaṇaṃ, nāmagottānussaraṇakāle navattabbārammaṇaṃ. Dibbacakkhuñāṇacatutthaṃ vaṇṇārammaṇattā paccuppannārammaṇaṃ. Yathākammūpagañāṇacatutthaṃ atītakammameva ārammaṇaṃ karotīti atītārammaṇaṃ. Anāgataṃsañāṇacatutthaṃ anāgatakkhandhānussaraṇakāle anāgatārammaṇaṃ, nāmagottānussaraṇakāle navattabbārammaṇaṃ. Ākāsānañcāyatanaākiñcaññāyatanaacatutthaṃ navattabbārammaṇameva. Viññāṇāñcāyatanaevasaññānāsaññāyatanaacatutthaṃ atītārammaṇameva. Lokuttaracatutthaṃ navattabbārammaṇameva. Kiriyaṭopi dvādasasu catutthajjhānesu eseṇa nayo.

**Tiṇi jhānāni bahiddhārammaṇāti** ajjhattato bahiddhābhūtaṃ nimittaṃ ārabha pavattito bahiddhārammaṇā.

**Catutthaṃ jhānanti** idhāpi kusalato terasasu catutthajjhānesu sabbatthapādakacatutthaṃ bahiddhārammaṇameva.

Iddhividhacatutthaṃ kāyavasena cittapariṇāmanepi cittavasena kāyapariṇāmanepi attanova kāyacittārammaṇattā ajjhattārammaṇaṃ; “bahiddhā hatthimpī dassetī”tiādīnā nayena pavattakāle bahiddhārammaṇaṃ.

Dibbasotañāṇacatutthaṃ attano kucchigatasaddārammaṇakāle ajjhattārammaṇaṃ, parassa saddārammaṇakāle bahiddhārammaṇaṃ, ubhayavaseṇāpi ajjhattabahiddhārammaṇaṃ.

Cetopariyañāṇacatutthaṃ bahiddhārammaṇameva.

Pubbenivāsañāṇacatutthaṃ attano khandhānussaraṇakāle ajjhattārammaṇaṃ, parassa khandhānañceva nāmagottassa ca anussaraṇakāle bahiddhārammaṇaṃ.

Dibbacakkhuñāṇacatutthaṃ attano rūpārammaṇakāle ajjhattārammaṇaṃ, parassa rūpārammaṇakāle bahiddhārammaṇaṃ, ubhayavaseṇāpi ajjhattabahiddhārammaṇaṃ.

Yathākammūpagañāṇacatutthaṃ attano kammajānanakāle ajjhattārammaṇaṃ, parassa kammajānanakāle bahiddhārammaṇaṃ, ubhayavaseṇāpi ajjhattabahiddhārammaṇaṃ.

Anāgataṃsañāṇacatutthaṃ attano anāgate nibbattijānanakāle ajjhattārammaṇaṃ, parassa khandhānussaraṇakāle ceva nāmagottānussaraṇakāle ca bahiddhārammaṇaṃ, ubhayavaseṇāpi ajjhattabahiddhārammaṇaṃ.

Ākāsānañcāyatanaacatutthaṃ bahiddhārammaṇaṃ. Ākiñcaññāyatanaacatutthaṃ navattabbārammaṇaṃ. Viññāṇāñcāyatanaevasaññānāsaññāyatanaacatutthaṃ ajjhattārammaṇaṃ.

Lokuttaracatutthaṃ bahiddhārammaṇameva. Kiriyaṭopi dvādasasu jhānesu ayameva nayoti.

Imasmim̄ pana jhānavibhaṅge sammāsambuddhena suttantabhājanīyepi lokiyalokuttaramissakāneva jhānāni kathitāni; abhidhamabhājanīyepi pañhāpucchakepi. Tayopi hi ete nayā tebhūmakadhammamissakattā ekaparicchedā eva. Evamayaṃ jhānavibhaṅgopi teparivaṭṭaṃ nīharitvāva bhājetvā dassitoti.

Sammohavinodaniyā vibhaṅgaṭṭhakathāya

Jhānavibhaṅgavaṇṇanā niṭṭhitā.

## 13. Appamaññāvibhaṅgo

### 1. Suttantabhājanīyavaṇṇanā

**642.** Idāni tadanantare appamaññāvibhaṅge **catassoti** gaṇanaparicchedo. **Appamaññāyoti** pharaṇaappamāṇavasena appamaññāyo. Etā hi ārammaṇavasena appamāṇe vā satte pharanti, ekasattampi vā anavaśesapharaṇavasena pharantīti pharaṇaappamāṇavasena appamaññāyoti vuccanti. **Idha bhikkhūti** imasmim̄ sāsane bhikkhu. **Mettāsahagatenāti** mettāya samannāgatena. **Cetasāti** cittena. **Ekaṃ disanti** ekissā disāya. Paṭhamapariggahitaṃ sattaṃ upādāya ekadisāpariyāpannasattapharaṇavasena vuttaṃ. **Pharitvāti** phusitvā ārammaṇaṃ katvā. **Viharatīti** brahmavihārādhiṭṭhitaṃ iriyāpathavihāraṃ pavatteti. **Tathā dutiyanti** yathā puratthimādīsu disāsu yaṃ kiñci ekaṃ disaṃ pharitvā viharati, tatheva tadanantaraṃ dutiyaṃ tatiyaṃ catutthañcāti attho.

**Iti uddhanti** teneva ca nayena uparimaṃ disanti vuttaṃ hoti. **Adho tiriyaṃ** adhodisampi tiriyaṃdisampi evameva. Ettha ca **adhoti** heṭṭhā, **tiriyaṃ** anudisā. Evaṃ sabbadisāsu assamaṇḍale assamiva mettāsahagataṃ cittaṃ sāretipi paccāsāretipīti ettāvataṃ ekamekaṃ disaṃ pariggahetvā odhiso mettāpharaṇaṃ dassitaṃ. **Sabbadhīti**ādi pana anodhiso dassanattaṃ vuttaṃ. Tattha **sabbadhīti** sabbattha. **Sabbattatāyāti** sabbesu hīnamajjhimukkaṭṭhamittasapattamajjhātādippabhedesu attatāya ‘ayaṃ parasatto’ti vibhāgaṃ akatvā attasamatāyāti vuttaṃ hoti; atha vā **sabbattatāyāti** sabbena cittabhāvena īsakampi bahi avikkhipamānoti vuttaṃ hoti. **Sabbāvanti** sabbasattavantaṃ, sabbasattayuttanti attho. **Lokanti** sattalokaṃ.

**Vipulenāti**evamādi pariyāyadassanato panettha puna “mettāsahagatenā”ti vuttaṃ. Yasmā vā ettha odhiso pharaṇe viya puna ‘tathā’ saddo ‘iti’ saddo vā na vutto, tasmā puna “mettāsahagatenā cetasā”ti vuttaṃ; nigamanavasena vā etaṃ vuttaṃ. **Vipulenāti** ettha ca pharaṇavasena vipulatā daṭṭhabbā. Bhūmivasena pana taṃ **mahaggaṭaṃ**, paṇḍavasena **appamāṇaṃ**, sattārammaṇavasena ca appamāṇaṃ, byāpādapaccatthikappahānena **averaṃ**, domanassappahānato **abyāpajjhaṃ**, niddukkanti vuttaṃ hoti. Ayaṃ tāva “mettāsahagatenā cetasā”tiādinā nayena ṭhapitāya mātikāya attho.

**643.** Idāni yadetam̄ “kathañca, bhikkhave, mettāsahagatenā cetasā”tiādinā nayena vuttaṃ padabhājanīyaṃ, tattha yasmā idaṃ kammaṭṭhānaṃ dosacaritassa sappāyaṃ, tasmā yathārūpe puggale ayaṃ mettā appanaṃ pāpuṇāti, taṃ mettāya vatthubhūtaṃ puggalaṃ tāva dassetaṃ **seyyathāpi nāma ekaṃ puggalanti**ādi vuttaṃ. Tattha **seyyathāpi nāmāti** opammatthe nīpāto, yathā ekaṃ puggalanti attho. **Piyaṃ** pemaṇīyaṃ. **Manāpanti** hadayavuḍḍhikaraṃ. Tattha pubbeva sannivāseṇa paccuppannahitena vā piyo nāma hoti, sīlādiguṇasamāyogena manāpo nāma; dānasamānattatāhi vā piyatā, piyavacanaatthacariyatāhi manāpatā veditabbā. Yasmā cettha piyatāya imassa byāpādassa pahānaṃ hoti, tato mettā sukhaṃ pharati, manāpatāya udāsīnatā na sañṭhāti, hirottappañca paccupaṭṭhāti, tato hirottappānupālītā mettā na parihāyati, tasmā taṃ upamaṃ katvā idaṃ vuttaṃ – **piyaṃ manāpanti**. **Mettāyeyyāti** mettāya phareyya; tasmim̄ puggale mettaṃ kareyya pavatteyyāti attho. **Evameva sabbe satteti** yathā piyaṃ puggalaṃ mettāyeyya, evaṃ tasmim̄ puggale appanāpattāya vasībhāvaṃ upagatāya mettāya majjhattaverisañkhātepi sabbe satte anukkamena pharantīti attho. **Metti mettāyanāti**ādinī vuttatthāneva.

**644. Vidisaṃ vāti** padaṃ tiriyaṃ vāti etassa atthavibhāvanattaṃ vuttaṃ.

**645. Pharitvāti** ārammaṇakaraṇavasena phusitvā. **Adhimuñcitvāti** adhiabhāvena muñcitvā, yathā muttaṃ sumuttaṃ hoti suppasāritaṃ suvitthataṃ tathā muñcitvāti attho.

**648. Sabbadhī**ādiniddese yasmā tīṇipi etāni padāni sabbasaṅgāhikāni, tasmā nesam̄ ekatova atthaṃ dassetaṃ **sabbena sabbanti**ādi vuttaṃ. Tassattho heṭṭhā vuttoyeva.

**650. Vipulā**diniddese yasmā yaṃ appanāpattaṃ hutvā anantasattapharaṇavasena vipulaṃ, taṃ niyamato bhūmivasena **mahaggaṭaṃ** hoti. Yañca mahaggaṭaṃ taṃ appamāṇagocaravasena **appamāṇaṃ**. Yaṃ appamāṇaṃ taṃ

paccatthikavighātavasena **averam**. Yañca averam taṃ vihatabyāpajjatāya **abyāpajjam**. Tasmā ‘‘yaṃ vipulaṃ taṃ mahaggata’’ntiādi vuttaṃ. **Avero abyāpajjoti** cettha līṅgavipariyāyena vuttaṃ. Manena vā saddhiṃ yojanā kātābbā – yaṃ appamaṇaṃ cittaṃ, so avero mano; yo avero so abyāpajjoti. Apicettha heṭṭhimaṃ heṭṭhimaṃ padaṃ uparimassa uparimassa, uparimaṃ vā uparimaṃ heṭṭhimassa heṭṭhimassa atthotipi veditaḃbo.

**653. Seyyathāpi nāma ekaṃ puggalaṃ duggataṃ durupetanti** idampi karuṇāya vatthubhūtaṃ puggalaṃ dassetuṃ vuttaṃ. Evarūpasmiñhi puggale balavakāruññaṃ uppajjati. Tattha **duggatanti** dukkhena samaṅgībhāvaṃ gataṃ. **Durupetanti** kāyaduccaritādīhi upetaṃ. Gatikulabhogādivasena vā tamabhāve ṭhito puggalo duggato, kāyaduccaritādīhi upetattā tamaparāyaṇabhāve ṭhito durupetoti evamettha attho veditaḃbo.

**663. Ekaṃ puggalaṃ piyaṃ manāpanti** idampi muditāya vatthubhūtaṃ puggalaṃ dassetuṃ vuttaṃ. Tattha gatikulabhogādivasena jotibhāve ṭhito **piyo**, kāyasucaritādīhi upetattā jotiparāyaṇabhāve ṭhito **manāpoti** veditaḃbo.

**673. Neva manāpaṃ na amanāpanti** idampi upekkhāya vatthubhūtaṃ puggalaṃ dassetuṃ vuttaṃ. Tattha mittabhāvaṃ asampattatāya **neva manāpo**, amittabhāvaṃ asampattatāya **na amanāpoti** veditaḃbo. Sesamettha yaṃ vattabaṃ siyā, taṃ sabbaṃ heṭṭhā cittuppādakaṇḁe vuttameva. Bhāvanāvidhānampi etesaṃ kammaṭṭhānaṃ visuddhimagge vithārato kathitamevāti.

Suttantabhājanīyavaṇṇanā.

## 2. Abhidhammabhājanīyavaṇṇanā

Abhidhammabhājanīyaṃ kusalatopi vipākatopi kiriyatopi heṭṭhā cittuppādakaṇḁe bhājitāyeneva bhājitaṃ. Atthopissa tattha vuttanāyeneva veditaḃbo.

## 3. Pañhāpucchakavaṇṇanā

Pañhāpucchake pāḷianusāreneva mettādīnaṃ kusalādibhāvo veditaḃbo. Ārammaṇattikesu pana sabbāpi tīsu tikesu navatabbārammaṇā eva. Ajjhāttārammaṇattike bahiddhārammaṇāti. Imasmiṃ pana appamaññāvibhaṅge sammāsambuddhena suttantabhājanīyepi lokiyā eva appamaññāyo kathitā, abhidhammabhājanīyepi pañhāpucchakepi. Tayopi hi ete nayā lokiyattā ekaparicchedā eva. Evamayaṃ appamaññāvibhaṅgopi teparivaṭṭaṃ niharitvāya bhājetvā dassitoti.

Sammohavinodaniyā vibhaṅgaṭṭhakathāya

Appamaññāvibhaṅgavaṇṇanā niṭṭhitā.

# 14. Sikkhāpadavibhaṅgo

## 1. Abhidhammabhājanīyavaṇṇanā

**703.** Idāni tadanantare sikkhāpadavibhaṅge **pañcāti** gaṇanaparicchedo. **Sikkhāpadānīti** sikkhitabbapadāni; sikkhākoṭṭhāsāti attho. Apica upari āgatā sabbepi kusalā dhammā sikkhitabbato sikkhā. Pañcasu pana sīlaṅgesu yaṃkiñci aṅgaṃ tāsāṃ sikkhānaṃ patiṭṭhānaṭṭhena padanti sikkhānaṃ padattā **sikkhāpadāni**. **Pāṇātipātāti** pāṇassa atipātā ghātanā māraṇāti attho. **Veramaṇīti** virati. **Adinnādānāti** adinnassa ādānā; parapariggahitassa haraṇāti attho. **Kāmesūti** vatthukāmesu. **Micchācārāti** kilesakāmasasena lāmakācārā. **Musāvādāti** abhūtavādato. **Surāmerayamajjapamādaṭṭhānāti** ettha **surāti** piṭṭhasurā, pūvasurā, odanasurā, kiṇṇapakkhittā, sambhārasaṃyuttāti pañca surā. **Merayanti** pupphāsavo, phalāsavo, guḷāsavo, madhvāsavo, sambhārasaṃyuttoti pañca āsavā. Tadubhayampi madanīyaṭṭhena **majjam**. Yāya cetanāya taṃ pivanti, sā pamādakāraṇattā **pamādaṭṭhānaṃ**; tasmā surāmerayamajjapamādaṭṭhānā. Ayaṃ tāvettha mātikanikkhepassa attho.

**704.** Padabhājanīye pana **yasmim samaye kāmāvacaranti**ādi sabbaṃ heṭṭhā vuttanayattā uttānatthameva. Yasmā pana na kevalaṃ viratiyeva sikkhāpadaṃ, cetanāpi sikkhāpadameva, tasmā taṃ dassetuṃ dutiyanayo dassito. Yasmā ca na kevalaṃ eteyeva dve dhammā sikkhāpadaṃ, cetanāsampayuttā pana paropaṇṇāsadhammāpi sikkhitabbakoṭṭhāsato sikkhāpadameva, tasmā tatiyanayopi dassito.

Tattha duvidhaṃ sikkhāpadaṃ pariyāyasikkhāpadaṃ nippariyāyasikkhāpadañca. Tattha virati

nippariyāyasikkhāpadaṃ. Sā hi “pāṇātipātā veramaṇī”ti pāliyaṃ āgatā, no cetanā. Viramanto ca tāya eva tato tato viramati, na cetanāya. Cetanaṃ pana āharitvā dassesi. Tathā sesacetanāsampayuttadhamme. Vītikkamakāle hi veracetanā dussīlyaṃ nāma. Tasmā sā viratikālepi susīlyavasena vuttā. Phassādayo taṃsampayuttattā gahitāti.

Idāni etesu sikkhāpadesu nāṇasamuttejanatthaṃ imesaṃ pāṇātipātādīnaṃ dhammato, koṭṭhāsato, ārammaṇato, vedanāto, mūlato, kammato, sāvajjato, payogato ca vinicchayo vedītabbo.

Tattha ‘**dhammato**’ti pañcapete pāṇātipātādayo cetanādhammāva honti. ‘**Koṭṭhāsato**’ pañcapi kammaṃpathā eva.

‘**Ārammaṇato**’ pāṇātipāto jīvitindriyārammaṇo. Adinnādānaṃ sattārammaṇaṃ vā saṅkhārārammaṇaṃ vā. Micchācāro itthīpurisārammaṇo. Musāvādo sattārammaṇo vā saṅkhārārammaṇo vā. Surāpānaṃ saṅkhārārammaṇaṃ.

‘**Vedanāto**’ pāṇātipāto dukkhavedano. Adinnādānaṃ tivedanaṃ. Tañhi haṭṭhatuṭṭhassa adinnaṃ ādiyato sukhavedanaṃ hoti, bhītakāle dukkhavedanaṃ, majjhataṃsa hutvā gaṇhato adukkhamasukhavedanaṃ. Micchācāro sukhavedano vā adukkhamasukhavedano vā. Musāvādo adinnādānaṃ viya tivedano. Surāpānaṃ sukhamañjhattavedanaṃ.

‘**Mūlato**’ pāṇātipāto dosamohamūlo. Adinnādānaṃ kiñcikāle lobhamohamūlaṃ, kiñcikāle dosamohamūlaṃ. Micchācāro lobhamohamūlo. Musāvādo kiñcikāle lobhamohamūlo, kiñcikāle dosamohamūlo. Surāpānaṃ lobhamohamūlaṃ.

‘**Kammato**’ musāvādo cettha vacīkammaṃ. Sesā kāyakammameva.

‘**Sāvajjato**’ pāṇātipāto atthi appasāvajjo, atthi mahāsāvajjo. Tathā adinnādānādīni. Tesāṃ nānākaraṇaṃ heṭṭhā dassītameva.

Ayaṃ pana aparo nayo – kunthakipillikassa hi vadho appasāvajjo, tato mahantatarassa mahāsāvajjo; sopi appasāvajjo, tato mahantatarāya sakuṇikāya mahāsāvajjo; tato godhāya, tato sasakassa, tato migassa, tato gavayassa, tato assassa, tato hatthissa vadho mahāsāvajjo, tatopi dussīlamanussassa, tato gorūpasīlakamanussassa, tato saraṇagataṃsa, tato pañcasikkhāpadikassa, tato sāmaṇerassa, tato puthujjanabhikkhuno, tato sotāpannaṃsa, tato sakadāgāmiṃsa, tato anāgāmiṃsa, tato khīṇāsavassa vadho atimahāsāvajjoyeva.

Adinnādānaṃ dussīlassa santake appasāvajjaṃ, tato gorūpasīlakassa santake mahāsāvajjaṃ; tato saraṇagataṃsa, tato pañcasikkhāpadikassa, tato sāmaṇerassa, tato puthujjanabhikkhuno, tato sotāpannaṃsa, tato sakadāgāmiṃsa, tato anāgāmiṃsa santake mahāsāvajjaṃ, tato khīṇāsavassa santake atimahāsāvajjaṃyeva.

Micchācāro dussīlāya itthiyā vītikkame appasāvajjo, tato gorūpasīlakāya mahāsāvajjo; tato saraṇagatāya, pañcasikkhāpadikāya, sāmaṇeriyā, puthujjanabhikkhuniyā, sotāpannāya, sakadāgāmiṃniyā, tato anāgāmiṃniyā vītikkame mahāsāvajjo, khīṇāsavāya pana bhikkhuniyā ekantamahāsāvajjova.

Musāvādo kākaṇikamattassa atthāya musākathane appasāvajjo, tato aḍḍhamāsakassa, māsakassa, pañcamāsakassa, aḍḍhakahāpaṇassa, kahāpaṇassa, tato anagghaniyabhaṇḍassa atthāya musākathane mahāsāvajjo, musā kathetvā pana saṅghaṃ bhīndantassa ekantamahāsāvajjova.

Surāpānaṃ pasatamattassa pāne appasāvajjaṃ, añjalimattassa pāne mahāsāvajjaṃ; kāyacālanasamattaṃ pana bahuṃ pivitvā gāmaghātaniṃmaghātakammaṃ karontassa ekantamahāsāvajjameva.

Pāṇātipātāñhi patvā khīṇāsavassa vadho mahāsāvajjo; adinnādānaṃ patvā khīṇāsavasantaṃsa haraṇaṃ, micchācāraṃ patvā khīṇāsavāya bhikkhuniyā vītikkamaṇaṃ, musāvādaṃ patvā musāvādena saṅghabhedo, surāpānaṃ patvā kāyacālanasamattaṃ bahuṃ pivitvā gāmanigamaghātanaṃ mahāsāvajjaṃ. Sabbehīpi panetehi musāvādena saṅghabhedanameva mahāsāvajjaṃ. Tañhi kappāṃ niraye pācanasamattaṃ mahākibbisamā.

‘**Payogato**’ti pāṇātipāto sāhatthikopi hoti āṇattikopi. Tathā adinnādānaṃ. Micchācāramusāvādasurāpānāni sāhatthikānevāti.

Evamettha pāṇātipātādīnaṃ dhammādivasena vinicchayaṃ ñatvā pāṇātipātā veramaṇītiādīnaṃpi dhammato, koṭṭhāsato, ārammaṇato, vedanāto, mūlato, kammato, khaṇḍato, samādānato, payogato ca vinicchayo vedītabbo.

Tattha ‘**dhammato**’ti pariyāyasīlavasena paṭipāṭiyā pañca cetanādhammāva. ‘**Koṭṭhāsato**’ti pañcapi kammaṭṭhā eva. ‘**Ārammaṇato**’ti pāṇātipātā veramaṇī parassa jīvitindriyaṃ ārammaṇaṃ katvā attano veracetanāya viramati. Itarāsūpi eseva nayo. Sabbāpi hi etā vītikkamitabbavattum ārammaṇaṃ katvā veracetanāhiyeva viramanti. ‘**Vedanāto**’ti sabbāpi sukhavedanā vā honti majjhavedanā vā. ‘**Mūlato**’ti nāṇasampayuttacittena viramantassa alobhaadosaamohamūlā honti, nāṇavippayuttacittena viramantassa alobhaadosamūlā honti. ‘**Kammato**’ti musāvādā veramaṇīyevettha vacīkammaṃ; sesā kāyakammaṃ. ‘**Khaṇḍato**’ti gahaṭṭhā yaṃ yaṃ vītikkamanti, taṃ tadeva khaṇḍaṃ hoti bhijjati, avasesaṃ na bhijjati. Kasmā? Gahaṭṭhā hi anibaddhasīlā honti, yaṃ yaṃ sakkonti taṃ tadeva gopenti. Sāmaṇeraṇaṃ pana ekasmiṃ vītikkamante sabbāni bhijjanti. Na kevalaṅca etāni, sesasīlāni bhijjantiyeva. Tesam pana vītikkamo daṇḍakammavattuko. ‘Puna evarūpaṃ na karissāmī’ti daṇḍakamme kate sīlaṃ paripuṇṇaṃ hoti. ‘**Samādānato**’ti sayameva ‘pañca sīlāni adhiṭṭhahāmī’ti adhiṭṭhahantenapi, pāṭiyekkaṃ pāṭiyekkaṃ samādiyantenapi samādiṇṇāni honti. Aññassa santike nisīditvā ‘pañca sīlāni samādiyāmī’ti samādiyantenapi, pāṭiyekkaṃ pāṭiyekkaṃ samādiyantenapi samādinneva honti. ‘**Payogato**’ sabbāni sāhatthikapayogānevāti vedittabāni.

712. Idāni yāsaṃ sikkhānaṃ koṭṭhāsabhāvena imāni pañca sikkhāpadāni vuttāni, tāni dassetuṃ **katame dhammā sikkhāti** ayaṃ sikkhāvāro āradhho. Tattha yasmā sabbepi catubhūmakakusalā dhammā sikkhitabbabhāvato sikkhā, tasmā te dassetuṃ **yasmiṃ samaye kāmāvacaranti**ādi vuttaṃ. Tattha heṭṭhā cittuppādakaṇḍe (dha. sa. 1) vuttanayeneva pāḷiṃ vitthāretvā attho vedittabbo. Idha pana mukhamattameva dassitanti.

Abhidhammabhājanīyavaṇṇanā.

### 3. Pañhāpucchakavaṇṇanā

714. Pañhāpucchake pāḷianusāreṇeva sikkhāpadānaṃ kusalādibhāvo vedittabbo. Ārammaṇattikesu pana yāni sikkhāpadāni ettha sattārammaṇānīti vuttāni, tāni yasmā sattoti saṅkhaṃ gate saṅkhāreyeva ārammaṇaṃ karonti, yasmā ca sabbāni etāni sampattavirativaseneva niddiṭṭhāni, tasmā ‘‘parittārammaṇā’’ti ca ‘‘paccuppannārammaṇā’’ti ca vuttaṃ. Yato pana viramati tassa vatthuno accantabahiddhattā sabbesampi bahiddhārammaṇatā vedittabbāti.

Imasmiṃ pana sikkhāpadavibhaṅge sammāsambuddhena abhidhammabhājanīyepi pañhāpucchakepi lokiyāneva sikkhāpadāni kathitāni. Ubhopi hi ete nayā lokiyatā ekaparicchedā eva. Evamayaṃ sikkhāpadavibhaṅgo dveparivaṭṭaṃ nīharitvā bhājetvā dassitoti.

Sammohavinodaniyā vibhaṅgaṭṭhakathāya

Sikkhāpadavibhaṅgavaṇṇanā niṭṭhitā.

## 15. Paṭisambhidāvibhaṅgo

### 1. Suttantabhājanīyaṃ

#### 1. Saṅgahavāraṇṇanā

718. Idāni tadanantare paṭisambhidāvibhaṅge **catassoti** gaṇanaparicchedo. **Paṭisambhidāti** pabhedā. Yasmā pana parato **atthe nāṇaṃ atthapaṭisambhidāti**ādimāha, tasmā na aññassa kassaci pabhedā, nāṇasseva pabhedāti vedittabbā. Iti ‘‘catasso paṭisambhidā’’ti padena cattāro nāṇappabhedāti ayamatto saṅgahito. **Atthapaṭisambhidāti** atthe paṭisambhidā; atthappabhedassa sallakkhaṇavibhāvanāvavattānākaraṇasamatthaṃ atthe pabhedagataṃ nāṇanti attho. Sesapadesūpi eseva nayo. Dhammappabhedassa hi sallakkhaṇavibhāvanāvavattānākaraṇasamatthaṃ dhamme pabhedagataṃ nāṇaṃ **dhammapaṭisambhidā** nāma. Niruttippabhedassa sallakkhaṇavibhāvanāvavattānākaraṇasamatthaṃ niruttābhilāpe pabhedagataṃ nāṇaṃ **niruttipaṭisambhidā** nāma. Paṭibhānappabhedassa sallakkhaṇavibhāvanāvavattānākaraṇasamatthaṃ paṭibhāne pabhedagataṃ nāṇaṃ **paṭibhānapaṭisambhidā** nāma.

Idāni yathānikkhittā paṭisambhidā bhājetvā dassento **atthe nāṇaṃ atthapaṭisambhidāti**ādimāha. Tattha **atthoti** saṅkhepatō hetuphalam. Tañhi hetuvasena araṇīyaṃ gantabbaṃ pattabbaṃ, tasmā atthoti vuccati. Pabhedato pana yaṃkiñci paccayasamuppannaṃ, nibbānaṃ, bhāsittattho, vipāko, kiriyāti ime pañca dhammā atthoti vedittabbā. Taṃ atthaṃ paccavekkhantassa tasmīṃ atthe pabhedagataṃ nāṇaṃ **atthapaṭisambhidā**.

**Dhammoti** saṅkhepato paccayo. So hi yasmā taṃ taṃ vidahati pavatteti ceva pāpeti ca, tasmā dhammoti vuccati. Pabhedato pana yo koci phalanibbattako hetu, ariyamaggo, bhāsitaṃ, kusalaṃ, akusalanti ime pañca dhammā dhammoti vedītabbā. Taṃ dhammaṃ paccavekkhantassa tasmim̃ dhamme pabhedagataṃ ñāṇaṃ **dhammapaṭisambhidā**.

**Tatra dhammaniruttābhilāpe ñāṇanti** tasmim̃ atthe ca dhamme ca yā sabhāvanirutti, tassā abhilāpe taṃ sabhāvaniruttim̃ saddaṃ ārammaṇaṃ katvā paccavekkhantassa tasmim̃ sabhāvaniruttābhilāpe pabhedagataṃ ñāṇaṃ **niruttipaṭisambhidā**. Evamayaṃ niruttipaṭisambhidā saddārammaṇā nāma jātā, na paññattīārammaṇā. Kasmā? Yasmā saddaṃ sutvā “ayaṃ sabhāvanirutti, ayaṃ na sabhāvanirutti”ti jānanti. Paṭisambhidāppatto hi “phasso”ti vutte “ayaṃ sabhāvanirutti”ti jānāti, “phassā”ti vā “phassa”nti vā vutte pana “ayaṃ na sabhāvanirutti”ti jānāti. Vedanādīsopi eseva nayo. Aññaṃ panesa nāmaākhyātaupasaggabyañjanasaddaṃ jānāti na jānātīti? Yadaggena saddaṃ sutvā “ayaṃ sabhāvanirutti, ayaṃ na sabhāvanirutti”ti jānāti, tadaggena tampi jānissatīti. Taṃ pana nayidaṃ paṭisambhidākiccanti paṭikkhipitvā idaṃ vatthu kathitaṃ –

Tissadattathero kira bodhimaṇḍe suvaṇṇasalākaṃ gahetvā aṭṭhārasasu bhāsasu ‘katarabhāsāya kathemī’ti pavāresi. Taṃ pana tena attano uggahe ṭhatvā pavāritaṃ, na paṭisambhidāya ṭhiteṇa. So hi mahāpaññatāya taṃ taṃ bhāsaṃ kathāpetvā kathāpetvā uggaṇhi; tato uggahe ṭhatvā evaṃ pavāresi.

Bhāsaṃ nāma sattā uggaṇhantīti vatvā ca panettha idaṃ kathitaṃ. Mātāpitaro hi daharakāle kumārake mañce vā pīṭhe vā nipajjāpetvā taṃ taṃ kathayamānā tāni tāni kiccāni karonti. Dārakā tesam̃ taṃ taṃ bhāsaṃ vavattāpentī – iminā idaṃ vuttaṃ, iminā idaṃ vuttanti. Gacchante gacchante kāle sabbampi bhāsaṃ jānanti. Mātā damiḷī, pitā andhako. Tesam̃ jāto dārako sace mātukathaṃ paṭhamam̃ suṇāti, damiḷabhāsaṃ bhāsissati; sace pitukathaṃ paṭhamam̃ suṇāti, andhakabhāsaṃ bhāsissati. Ubhinnampi pana kathaṃ assuṇanto māgadhabhāsaṃ bhāsissati.

Yopi agāmake mahārañṇe nibbato, tattha añño kathento nāma natthi, sopi attano dhammatāya vacanaṃ samuṭṭhāpentō māgadhabhāsāya bhāsissati. Niraye, tiracchānayanoyam̃, pettivisaye, manussaloke, devaloketi sabbattha māgadhabhāsāya ussannā. Tattha sesā oṭṭakirātaandhakayonakadamīlabhāsādikā aṭṭhārasa bhāsā parivattanti. Ayamevekā yathābhuccabrahmavohāraariyavohārasaṅkhātā māgadhabhāsā na parivattati. Sammāsabuddhōpi teṭṭhakaṃ buddhavacanaṃ tantim̃ āropento māgadhabhāsāya eva āropesi. Kasmā? Evañhi atthaṃ āharitum̃ sukhaṃ hoti. Māgadhabhāsāya hi tantim̃ āruḷhassa buddhavacanaṃ paṭisambhidāppattānaṃ sotapathāgamaṇaṃ papañco; sote pana saṅghaṭṭitamatteyeva nayasatena nayasahassena attho upaṭṭhāti. Aññāya pana bhāsāya tantim̃ āruḷhaṃ pothetvā pothetvā uggaṇhetvā hoti. Bahumpi uggaṇhetvā pana puthujjanassa paṭisambhidāppatti nāma natthi. Ariyasāvako no paṭisambhidāppatto nāma natthi.

**Ñāṇesu ñāṇanti** sabbatthakaññaṃ ārammaṇaṃ katvā ñāṇaṃ paccavekkhantassa pabhedagataṃ ñāṇaṃ paṭibhānapaṭisambhidāti. Imā pana catassopi paṭisambhidā dvīsū ṭhānesu pabhedam̃ gacchanti, pañcahi kāraṇehi visadā hontīti vedītabbā. Katamesu dvīsū? Sekkhabhūmiyañca asekkhabhūmiyañca. Tattha sārīputtattherassa mahāmoggallānattherassa mahākassapattherassa mahākaccāyanattherassa mahākoṭṭhitattherassāti asītiyāpi mahātherānaṃ paṭisambhidā asekkhabhūmiyaṃ pabhedam̃ gatā. Ānandattherassa cittassa gahapatino dhammikassa upāsakassa upālissa gahapatino khujjuttarāya upāsikāyāti evamādīnaṃ paṭisambhidā sekkhabhūmiyaṃ pabhedam̃ gatāti imāsu dvīsū bhūmīsū pabhedam̃ gacchanti.

Katamehi pañcahi kāraṇehi paṭisambhidā visadā hontīti? Adhigamena, pariyattiyā, savanena, paripucchāya, pubbayogenāti. Tattha ‘**adhigamo**’ nāma arahattaṃ. Tañhi pattassa paṭisambhidā visadā hontī. ‘**Pariyatti**’ nāma buddhavacanaṃ. Tañhi uggaṇhantassa paṭisambhidā visadā hontī. ‘**Savanaṃ**’ nāma dhammassavanaṃ. Sakkaccañhi dhammaṃ suṇantassa paṭisambhidā visadā hontī. ‘**Paripucchā**’ nāma aṭṭhakathā. Uggaṇhitapāliyaṃ atthaṃ kathentassa hi paṭisambhidā visadā hontī. ‘**Pubbayogo**’ nāma pubbayogāvaccarataṃ, atītabhave haraṇapaccāharaṇanayena pariggahitakammaṭṭhānatā; pubbayogāvaccarassa hi paṭisambhidā visadā hontī. Tattha arahattappattiyā punabbasukuṭumbikaputtassa tissattherassa paṭisambhidā visadā ahesum̃. So kira tambapaṇḍīpe buddhavacanaṃ uggaṇhitvā paratīraṃ gantvā yonakadhammarakkhitattherassa santike buddhavacanaṃ uggaṇhitvā āgacchanto nāvaṃ abhiruhanatithe ekasmim̃ pade uppannakāṅkho yojanasatamaggaṃ nivattitvā ācariyassa santikaṃ gacchanto antarāmagge ekassa kuṭumbikassa pañhaṃ kathesi. So pasīditvā satasahassaggaṇikaṃ kambalaṃ adāsi. Sopi taṃ āharitvā ācariyassa adāsi. Thero vāsīyā koṭṭetvā nisīdanatṭhāne paribhaṇḍam̃ kāresi. Kimatthāyāti? Pacchimāya janatāya anuggahatthāyāti. Evaṃ kirassa ahosi – “amhākaṃ gatamaggaṃ āvajjetvā anāgate sabrahmacāriṇo paṭipattim̃ pūretabbaṃ maññissantī”ti. Tissattheropi ācariyassa santike kaṅkhaṃ chinditvā jambukolapaṭṭane oruyha cetiyaṅgaṇaṃ sammajjanavelāya vālikavīhāraṃ patvā sammajji. Tassa sammajjitatṭhānaṃ disvā ‘idaṃ vītarāgassa bhikkhuno sammajjitatṭhāna’nti therassa vīmaṃsanatthāya pañhaṃ pucchimsu. Thero paṭisambhidāppattatāya pucchitapucchite pañhe kathesīti.

Pariyattiyā pana tissadattattherassa ceva nāgasenattherassa ca paṭisambhidā visadā ahesuṃ. Sakkaccadhammasavanena sudhammasāmaṇerassa paṭisambhidā visadā ahesuṃ. So kira talaṅgaravāsī dhammadinnattherassa bhāgineyyo khuraggeyeva arahattaṃ patto mātulattherassa dhammavinicchayaṭṭhāne nisīditvā suṇantoyeva tīṇi piṭakāni paguṇāni akāsi. Uggahitapāḷiyā atthaṃ kathentassa pana tissadattattherassa eva paṭisambhidā visadā ahesuṃ. Gatapaccāgatavattaṃ pana pūretvā yāva anulomaṃ kammaṭṭhānaṃ ussukkāpetvā āgatānaṃ visadabhāvappattapaṭisambhidānaṃ pubbayogāvācarānaṃ anto natthi.

Etesu pana kāraṇesu pariyatti, savanaṃ, paripucchāti imāni tīṇi pabhedasseva balavakāraṇāni. Pubbayogo adhigamassa balavapaccayo, pabhedassa hoti na hotīti? Hoti, na pana tathā. Pariyattisavanaparipucchā hi pubbe hontu vā mā vā, pubbayogena pubbe ceva etarahi ca saṅkhārasammasanaṃ vinā paṭisambhidā nāma natthi. Ime pana dvepi ekato hutvā paṭisambhidā upatthambhetvā visadā karontīti.

Saṅgahavāraṇaṇā.

## 2. Saccavārādivaṇṇanā

719. Idāni ye saṅgahavāre pañca atthā ca dhammā ca saṅgahitā, tesam pabhedadassananayena paṭisambhidā vibhajituṃ puna **catassoti**ādīnā nayena pabhedavāro āraddho. So saccavārahētuvārādharmavārapaccayākāravārapariyattivārasena pañcavidho. Tattha paccayasamuppannessa dukkhasaccassa paccayena pattabbassa nibbānassa ca atthabhāvaṃ, phalanibbattakassa samudayassa nibbānasampāpakassa ariyamaggassa ca dhammabhāvaṃca dassetuṃ ‘**saccavāro**’ vutto. Yassa kassaci pana hetuphalanibbattakassa hetuno dhammabhāvaṃ, hetuphalassa ca atthabhāvaṃ dassetuṃ ‘**hetuvāro**’ vutto. Tattha ca hetuphalakkamavasena uppaṭipāṭiyā paṭhamam dhammapaṭisambhidā niddiṭṭhā. Ye pana dhammā tamhā tamhā rūpārūpappabhedā hetuto jātā, tesam atthabhāvaṃ, tassa tassa ca rūpārūpadhammappabhedassa hetuno dhammabhāvaṃ dassetuṃ ‘**dhammavāro**’ vutto. Jarāmaraṇādīnaṃ pana atthabhāvaṃ, jarāmaraṇādisamudayasāṅkhātānaṃ jātiādīnaṃca dhammabhāvaṃ dassetuṃ ‘**paccayākāravāro**’ vutto. Tato pariyattisaṅkhātassa tassa tassa bhāsītassa dhammabhāvaṃ, bhāsītasāṅkhātena paccayena pattabbassa bhāsītattassa ca atthabhāvaṃ dassetuṃ ‘**pariyattivāro**’ vutto.

Tattha ca yasmā bhāsītaṃ ñatvā tassattho ñāyati, tasmā bhāsītabhāsītathakkamena uppaṭipāṭiyā paṭhamam dhammapaṭisambhidā niddiṭṭhā. Pariyattidhammassa ca pabhedadassanatthaṃ “tattha katamā dhammapaṭisambhidā”ti pucchāpubbaṅgamo paṭiniddesavāro vutto. Tattha suttantiādīhi navahi aṅgehi nippadesato tantī gahitā. Ayaṃ imassa bhāsītassa attho, ayaṃ imassa bhāsītassa atthoti imasmimpi ṭhāne bhāsītasena nippadesato tantī eva gahitāti.

Suttantabhājanīyavaṇṇanā.

## 2. Abhidhammabhājanīyavaṇṇanā

725. Tattha tisso paṭisambhidā lokiyā. Atthapaṭisambhidā lokiyalokuttaramissakā. Sā hi nibbānārammaṇānaṃ maggaphalañāṇānaṃ vasena lokuttarāpi hoti. Abhidhammabhājanīye kusalākusalavipākakiriyānaṃ vasena catūhi vārehi vibhattaṃ. Tattha yattakāni heṭṭhā cittuppādakaṇḍe (dha. sa. 1 ādayo) kusalacittāni vibhattāni, tesam sabbesampi vasena ekekasmim cittaniddese catasso catasso paṭisambhidā vibhattāti veditabbā. Akusalacittesupi eseva nayo. Vipākakiriyavāresu vipākakiriyānaṃ atthena saṅgahitattā, dhammapaṭisambhidānaṃ chaḍḍetvā, ekekasmim vipākacitte ca kiriyacitte ca tisso tissova paṭisambhidā vibhattā. Pāḷi pana mukhamattameva dassetvā saṃkhittā. Sā heṭṭhā āgatavittāraseneva veditabbā.

Kasmā pana yathā kusalākusalavāresu “tesam vipāke ñāṇam atthapaṭisambhidā”ti vuttaṃ, evamidha “yesam dhammānaṃ ime vipākā, tesu ñāṇam dhammapaṭisambhidā”ti evam na vuttanti? Heṭṭhā vuttattā. Yadi evam, “tesam vipāke ñāṇam atthapaṭisambhidā”ti heṭṭhā vuttattā ayaṃ atthapaṭisambhidāpi idha na vattabbā siyāti? No na vattabbā. Kasmā? Heṭṭhā vipākakiriyacittuppādavasena avuttattā. Kiriyavāre ca “yesam dhammānaṃ ime kiriyā”ti vacanameva na yujjatīti dvīsupi imesu vāresu tisso tissova paṭisambhidā vibhattā.

Tattha yāya niruttīyā tesam dhammānaṃ paññatti hotīti yāya niruttīyā tesam phasso hotītiādīnā nayena vuttānaṃ dhammānaṃ “ayaṃ phasso, ayaṃ vedanā”ti evam paññatti hoti. Tattha **dhammaniruttābhilāpe ñāṇanti** tasmim atthe dhamme ca pavattamānāya tassā dhammaniruttīyā sabhāvapaññattiyā abhilāpe ñāṇam. Abhilāpasaddam ārammaṇam katvā uppannañāṇameva idhāpi katham. **Yena ñāṇenāti** yena paṭibhānapaṭisambhidāñāṇena. **Tāni ñāṇāni jānānti** itarāni tīṇi paṭisambhidāñāṇāni jānāti.



Idāni yathā yaṃ nāṇaṃ tāni nāṇāni jānāti, tathā tassa tesu pavattiṃ dassetuṃ **imāni nāṇāni idamatthajotakānī** vuttaṃ. Tattha **idamatthajotakānī** imassa atthassa jotakāni pakāsakāni; imaṃ nāma atthaṃ jotenti pakāsenti paricchindantīti attho. **Iti nāṇesu nāṇanti** iminā ākārena pavattaṃ tīsu nāṇesu nāṇaṃ paṭibhānapaṭisambhidā nāma.

Tattha kiñcāpi ayaṃ paṭibhānapaṭisambhidā ‘imissā idaṃ kiccaṃ, imissā idaṃ kicca’nti itarāsaṃ paṭisambhidānaṃ kiccaṃ jānāti, sayaṃ pana tāsaṃ kiccaṃ kātuṃ na sakkoti, bahussutadhammakathiko viya appassutadhammakathikassa. Dve kira bhikkhū. Eko bahussuto, eko appassuto. Te ekatova ekaṃ dhammakathāmaggaṃ uggaṇhiṃsu. Tattha appassuto sarasampanno ahoṣi, itaro mandassaro. Tesu appassuto gatagataṭṭhāne attano sarasampattiyā sakalaparisaṃ khobhetvā dhammaṃ kathesi. Dhammaṃ suṇamānā haṭṭhatuṭṭhamānasā hutvā – ‘yathā esa dhammaṃ kathesi, eko tiṭṭakadharo maññe bhavissatī’ ti vadanti. Bahussutabhikkhu pana – ‘dhammasavane jānissatha ayaṃ tiṭṭakadharo vā no vā’ ti āha. So kiñcāpi evamāha, yathā pana sakalaparisaṃ khobhetvā dhammaṃ kathetuṃ sakkoti, evamassa kathanasamatthataṃ natthi. Tattha kiñcāpi paṭibhānapaṭisambhidā, bahussuto viya appassutassa, itarāsaṃ kiccaṃ jānāti, sayaṃ pana taṃ kiccaṃ kātuṃ na sakkotīti veditabbaṃ. Sesam uttānatthameva.

**746.** Evaṃ kusalacittuppādādivasena paṭisambhidā vibhajitvā idāni tāsaṃ uppattiṭṭhānabhūtaṃ khettaṃ dassetuṃ puna **catasso paṭisambhidā**tiādīmāha. Tattha **tisso paṭisambhidā kāmāvacarakusalato catūsu nāṇasampayuttasu cittuppādesūti** idaṃ sekkhānaṃ vasena vuttaṃ. Tesañhipi dhammapaccavekkhaṇakāle heṭṭhā vuttaṃ pañcappakāraṃ dhammaṃ ārammaṇaṃ katvā catūsu nāṇasampayuttakusalacittesu dhammapaṭisambhidā uppajjati. Tathā niruttipaccavekkhaṇakāle saddaṃ ārammaṇaṃ katvā niruttipaṭisambhidā; nāṇaṃ paccavekkhaṇakāle sabbatthakañāṇaṃ ārammaṇaṃ katvā paṭibhānapaṭisambhidāti.

**Kiriyaṭo catūsūti** idaṃ pana asekkhānaṃ vasena vuttaṃ. Tesañhi dhammaṃ paccavekkhaṇakāle heṭṭhā vuttaṃ pañcappakāraṃ dhammaṃ ārammaṇaṃ katvā catūsu nāṇasampayuttakiriyaṭcittesu dhammapaṭisambhidā uppajjati. Tathā niruttipaccavekkhaṇakāle saddaṃ ārammaṇaṃ katvā niruttipaṭisambhidā; nāṇaṃ paccavekkhaṇakāle sabbatthakañāṇaṃ ārammaṇaṃ katvā paṭibhānapaṭisambhidāti.

**Atthapaṭisambhidā etesu ceva uppajjati**ti idaṃ pana sekkhāsekkhānaṃ vasena vuttaṃ. Tathā hi sekkhānaṃ atthapaccavekkhaṇakāle heṭṭhā vuttappabhedam atthaṃ ārammaṇaṃ katvā catūsu nāṇasampayuttakusalacittesu ayaṃ uppajjati, maggaphalakāle ca maggaphalesu. Asekkhassa pana atthaṃ paccavekkhaṇakāle heṭṭhā vuttappabhedameva atthaṃ ārammaṇaṃ katvā catūsu nāṇasampayuttakiriyaṭcittesu uppajjati, phalakāle ca uparime sāmāññaphaleti. Evametā sekkhāsekkhānaṃ uppajjamānā imāsu bhūmīsū uppajjantīti bhūmidassanattaṃ ayaṃ nayo dassitoti.

Abhidhammabhājanīyavaṇṇanā.

### 3. Pañhāpucchakavaṇṇanā

**747.** Pañhāpucchake pāḷianusāreṇeva catunnaṃ paṭisambhidānaṃ kusalādibhāvo veditabbo. Ārammaṇattikesu pana niruttipaṭisambhidā saddameva ārammaṇaṃ karotīti parittārammaṇā. Atthapaṭisambhidā kāmāvacaravipākakiriyaṣaṅkhātāñceva paccayasamuppannaṃca atthaṃ paccavekkhantassa parittārammaṇā; vuttappabhedameva rūpāvacarārūpāvacaraṃ atthaṃ paccavekkhantassa mahaggaṭārammaṇā; lokuttaravipākatthañceva paramatthañca nibbānaṃ paccavekkhantassa appamāñārammaṇā. Dhammapaṭisambhidā kāmāvacaraṃ kusaladhammaṃ akusaladhammaṃ paccayadhammañca paccavekkhantassa parittārammaṇā; rūpāvacarārūpāvacaraṃ kusalaṃ dhammaṃ paccayadhammañca paccavekkhantassa mahaggaṭārammaṇā; lokuttaraṃ kusalaṃ dhammaṃ paccayadhammañca paccavekkhantassa appamāñārammaṇā. Paṭibhānapaṭisambhidā kāmāvacarakusalavipākakiriyañāṇāni paccavekkhantassa parittārammaṇā; rūpāvacarārūpāvacaraṇi kusalavipākakiriyañāṇāni paccavekkhantassa tesam ārammaṇāni vijānantassa mahaggaṭārammaṇā; lokuttaraṇi kusalavipākāñāṇāni paccavekkhantassa appamāñārammaṇā.

Atthapaṭisambhidā sahaṭāhetuvasena siyā maggaṭhetukā, vīriyaṭṭhikāya maggabhāvanāya siyā maggādhipati, chandacittajṭṭhikāya navattabbā, phalakālepi navattabbā eva. Dhammapaṭisambhidā maggaṃ paccavekkhaṇakāle maggārammaṇā, maggaṃ garuṃ katvā paccavekkhantassa ārammaṇādhipatīvasena maggādhipati. Paṭibhānapaṭisambhidā maggañāṇaṃ paccavekkhaṇakāle maggārammaṇā, maggaṃ garuṃ katvā paccavekkhantassa maggādhipati, sesañāṇaṃ pañcavekkhaṇakāle navattabbārammaṇā. Niruttipaṭisambhidā paccuppannameva saddaṃ ārammaṇaṃ karotīti paccuppannārammaṇā.

Atthapaṭisambhidā atītaṃ vipākatthaṃ kiriyattaṃ paccayasamuppannaṃca paccavekkhantassa atītārammaṇā, anāgataṃ paccavekkhantassa anāgātārammaṇā, paccuppannaṃ paccavekkhantassa paccuppannārammaṇā, lokuttaraṃ

paramatthaṃ paccavekkhantassa navattabbārammaṇā. Dhammapaṭisambhidā atītaṃ kusalaṃ akusalaṃ paccayadhammaṇca paccavekkhantassa atītārammaṇā, anāgataṃ paccavekkhantassa anāgatārammaṇā, paccuppannaṃ paccavekkhantassa paccuppannārammaṇā. Paṭibhānapaṭisambhidā atītaṃ kusalaññaṇaṃ vipākāññaṇaṃ kiriyaññaṇaṇca paccavekkhantassa atītārammaṇā, anāgataṃ paccavekkhantassa anāgatārammaṇā, paccuppannaṃ paccavekkhantassa paccuppannārammaṇā.

Niruttipaṭisambhidā saddārammaṇattā bahiddhārammaṇā. Itarāsu tīsu atthapaṭisambhidā ajjhataṃ vipākatthaṃ kiriyatthaṃ paccayasamuppannaṇca paccavekkhantassa ajjhataṃ bahiddhārammaṇā, bahiddhā paccavekkhantassa bahiddhārammaṇā, ajjhatabahiddhā paccavekkhantassa ajjhatabahiddhārammaṇā, paramatthaṃ paccavekkhantassa bahiddhārammaṇā eva. Dhammapaṭisambhidā ajjhataṃ kusalākusalaṃ paccayadhammaṃ paccavekkhaṇakāle ajjhataṃ bahiddhārammaṇā, bahiddhā kusalākusalaṃ paccayadhammaṃ paccavekkhaṇakāle bahiddhārammaṇā, ajjhatabahiddhā kusalākusalaṃ paccayadhammaṃ paccavekkhaṇakāle ajjhatabahiddhārammaṇā. Paṭibhānapaṭisambhidā ajjhataṃ kusalavipākakiriyaññaṇaṃ paccavekkhaṇakāle ajjhataṃ bahiddhā...pe... ajjhatabahiddhā kusalavipākakiriyaññaṇaṃ paccavekkhaṇakāle ajjhatabahiddhārammaṇāti.

Idhāpi tisso paṭisambhidā lokiyā; atthapaṭisambhidā lokiyalokuttarā. Imasmiñhi paṭisambhidāvibhaṅge sammāsambuddhena tayopi nayā lokiyalokuttaramissakattā ekaparicchedāva kathitā. Tīsupi hi etāsu tisso paṭisambhidā lokiyā, atthapaṭisambhidā lokiyalokuttarāti. Evamayaṃ paṭisambhidāvibhaṅgopi teparivaṭṭaṃ nīharitvāva bhājetvā dassitoti.

Sammohavinodaniyā vibhaṅgaṭṭhakathāya

Paṭisambhidāvibhaṅgavaṇṇanā niṭṭhitā.

## 16. Nāṇavibhaṅgo

### 1. Ekakamātikādivaṇṇanā

751. Idāni tadanantare nāṇavibhaṅge **ekavidhena nāṇavattthūti**adinā nayena paṭhamam ekavidhādīhi dasavidhāpariyosānehi dasahi paricchedehi mātikaṃ ṭhapetvā nikkhattapadānukkamena niddeso kato.

Tattha **ekavidhenāti** ekappakārena, ekakoṭṭhāsena vā. **Nāṇavattthūti** ettha pana nāṇaṇca taṃ vatthu ca nāṇappakāraṇaṃ sampattīnanti nāṇavattthu; okāsaṭṭhena nāṇassa vatthūtipi nāṇavattthu. Idha pana purimenevatthena nāṇavattthu veditabbaṃ. Teneva ekavidhāparicchedāvasāne ‘‘yāthāvakavattthuvibhāvanā paññā – evaṃ ekavidhena nāṇavattthū’’ti vuttaṃ. **Pañca viññāṇāti** cakkhuvīññāṇādīni pañca. **Na hetūti**ādīni heṭṭhā dhammasaṅgahaṭṭhakathāyaṃ (dha. sa. aṭṭha. 1.6) vuttanayeneva veditabbāni. Saṅkhepato panettha yaṃ vattabbaṃ taṃ niddesavāre āvi bhavissati. Yathā cettha, evaṃ dukamātikā dipadesupi yaṃ vattabbaṃ taṃ tattheva āvi bhavissati. Nikkheparicchedamattaṃ panettha evaṃ veditabbaṃ. Ettha hi ‘‘na hetu ahetukā’’tiādīhi tāva dhammasaṅgahamātikāvasena, ‘‘aniccā jarābhībhūtā’’tiādīhi amātikāvasenāti saṅkhepato duvidhehi pabhedato aṭṭhasattatiyā padehi **ekakamātikā** nikkhattā.

Dukānurūpehi pana pañcatimsāya dukehi **dukamātikā** nikkhattā.

Tikānurūpehi ‘‘cintāmayā paññā’’tiādīhi catūhi bāhirattikehi, ‘‘vipākā paññā’’tiādīhi aniyamitapaññāvasena vuttehi cuddasahi mātikālikehi, vitakkattike paṭhamapadena niyamitapaññāvasena vuttehi terasahi, dutiyapadena niyamitapaññāvasena vuttehi sattahi, tatiyapadena niyamitapaññāvasena vuttehi dvādasahi, pītittike ca paṭhamapadena niyamitapaññāvasena vuttehi terasahi, tathā dutiyapadena, tatiyapadena niyamitapaññāvasena vuttehi dvādasahīti aṭṭhāsītiyā tikehi **tikamātikā** nikkhattā.

**Catukkamātikā** pana ‘kammassakatañña’ntiādīhi ekavīsatiyā catukkehi, **pañcakamātikā** dvīhi pañcakehi, **chakkamātikā** ekena chakkena, **sattakamātikā** ‘‘sattasattati nāṇavattthūni’’ti evaṃ saṅkhepato vuttehi ekādasahi sattahehi, **aṭṭhakamātikā** ekena aṭṭhakena, **navakamātikā** ekena navakena.

### 10. Dasakamātikāvaṇṇanā

760. **Dasakamātikā** ‘‘dasa tathāgatassa tathāgatabalāni’’tiādīni ekeneva dasakena nikkhattā. Tattha **dasāti** gaṇanaparicchedo. **Tathāgatassāti** yathā vipassīdayo pubbakā isayo āgatā tathā āgatassa; yathā ca te gatā tathā

gatassa. **Tathāgatabalānī** aññehi asādhāraṇāni tathāgatasseva balāni; yathā vā pubbabuddhānaṃ balāni puññussayasampattiya āgatāni tathā āgatabalānītipi attho. Tattha duvidhaṃ tathāgataṃ balaṃ – kāyabalaṃ ñāṇabalaṃ. Tesu kāyabalaṃ hatthikulānusāreṇeva vedittabbaṃ. Vuttañhettaṃ porāṇehi –

Kāḷāvakaṃ gaṅgeyyaṃ, paṇḍaraṃ tambapiṅgalaṃ;  
Gandhamaṅgalahemaṃca, uposathachaddantime dasāti. –

Imāni hi dasa hatthikulāni.

Tattha ‘**kāḷāvaka**’nti pakatihatthikulāṃ daṭṭhabbaṃ. Yaṃ dasannaṃ purisānaṃ kāyabalaṃ taṃ ekassa kāḷāvakahatthino. Yaṃ dasannaṃ kāḷāvakaṇaṃ balaṃ taṃ ekassa gaṅgeyyassa. Yaṃ dasannaṃ gaṅgeyyānaṃ taṃ ekassa paṇḍarassa. Yaṃ dasannaṃ paṇḍaraṇaṃ taṃ ekassa tambassa. Yaṃ dasannaṃ tambānaṃ taṃ ekassa piṅgalassa. Yaṃ dasannaṃ piṅgalānaṃ taṃ ekassa gandhahatthino. Yaṃ dasannaṃ gandhahatthīnaṃ taṃ ekassa maṅgalassa. Yaṃ dasannaṃ maṅgalānaṃ taṃ ekassa hemavatassa. Yaṃ dasannaṃ hemavatānaṃ taṃ ekassa uposathassa. Yaṃ dasannaṃ uposathānaṃ taṃ ekassa chaddantassa. Yaṃ dasannaṃ chaddantānaṃ taṃ ekassa tathāgataṃ. Nārāyanasaṅkhātābalantipi idameva vuccati. Tadevāṃ pakatihatthīnaṃ gaṇanāya hatthikoṭṭisahasānaṃ, purisagaṇanāya dasannaṃ purisakoṭṭisahasānaṃ balaṃ hoti. Idāṃ tāva tathāgataṃ **kāyabalaṃ**.

**Ñāṇabalaṃ** pana idha tāva pāliyaṃ āgatameva dasabalañāṇaṃ. **Mahāsīhanāde** (ma. ni. 1.146 ādayo) dasabalañāṇaṃ, catuvesārajjāñāṇaṃ, aṭṭhasu parisāsu akampanañāṇaṃ, catuyoniparicchedakañāṇaṃ, pañcagatiparicchedakañāṇaṃ, **saṃyuttake** (saṃ. ni. 2.33-34) āgatāni tesattati ñāṇāni, sattasattati ñāṇānīti evaṃ aññānīpi anekāni ñāṇasahasāni – etāṃ **ñāṇabalaṃ** nāma. Idhāpi ñāṇabalameva adhippetāṃ ñāṇāñhi akampiyatṭhena upatthambhakatṭhena ca balanti vuttaṃ.

**Yehi balehi samannāgatoti** yehi dasahi ñāṇabalehi upeto samupeto. **Āsabhaṃ ṭhānanti** seṭṭhatṭhānaṃ uttamattṭhānaṃ; āsabhaṃ vā pubbabuddhā, tesāṃ ṭhānanti attho. Api ca gavasatajeṭṭhako usabho, gavasahassajeṭṭhako vasabho; vajasatajeṭṭhako vā usabho, vajasahassajeṭṭhako vasabho; sabbagavaseṭṭho sabbaparissayasaho seto pāsādiko mahābhāravaho asanisatasaddehipi akampanīyo nisabho. So idha **usabhoti** adhippeto. Idampi hi tassa pariyāyavacanaṃ. Usabhassa idanti āsabhaṃ. **Ṭhānanti** catūhi pādehi pathaviṃ uppīletvā acalaṭṭhānaṃ. Idāṃ pana āsabhaṃ viyāti āsabhaṃ. Yatheva hi nisabhasaṅkhāto usabho usabhabalena samannāgato catūhi pādehi pathaviṃ uppīletvā acalaṭṭhānena tiṭṭhati, evaṃ tathāgatopi dasahi tathāgatabalehi samannāgato catūhi vesārajjapādehi aṭṭhāparisapathaviṃ uppīletvā sadevake loke kenaci paccatthikena paccāmītena akampiyo acalaṭṭhānena tiṭṭhati. Evāṃ tiṭṭhamāno ca taṃ āsabhaṃ ṭhānaṃ paṭijānāti, upagacchati, na paccakkhāti, attani āropeti. Tena vuttaṃ “āsabhaṃ ṭhānaṃ paṭijānātī”ti.

**Parisāsūti** aṭṭhasu parisāsu. **Sīhanādaṃ nadatīti** seṭṭhanādaṃ abhītanādaṃ nadati, sīhanādasadisāṃ vā nādaṃ nadati. Ayamatto sīhanādasuttēna dīpetabbo. Yathā vā sīho sahanato ca hananato ca sīhoti vuccati, evaṃ tathāgato lokadhammānaṃ sahanato parappavādānaṃca hananato sīhoti vuccati. Evāṃ vuttassa sīhassa nādaṃ sīhanādaṃ. Tattha yathā sīho sīhabalena samannāgato sabbattha visārado vigatalomahaṃso sīhanādaṃ nadati, evaṃ tathāgatasīhopi tathāgatabalehi samannāgato aṭṭhasu parisāsu visārado vigatalomahaṃso “iti rūpa”ntiādinā nayena nānāvīdhadesanāvīlāsasampannaṃ sīhanādaṃ nadati. Tena vuttaṃ “parisāsu sīhanādaṃ nadatī”ti.

**Brahmacakkaṃ pavatteti**ti ettha **brahmanti** seṭṭhaṃ uttamaṃ visuddhaṃ. Cakkasaddo ca panāyaṃ –

Sampattiyāṃ lakkhaṇe ca, rathaṅge iriyāpathe;  
Dāne ratanadhammūra, cakkādīsu ca dissati;  
Dhammacakke idha mato, taṅca dvedhā vibhāvaye.

“Cattārimāni, bhikkhave, cakkāni yehi samannāgatānaṃ devamanussāna”ntiādīsu (a. ni. 4.31) hi ayamā sampattiyāṃ dissati. “Heṭṭhā pādātesu cakkāni jātanī”ti (dī. ni. 2.35) ettha lakkhaṇe. “Cakkaṃva vahato pada”nti (dha. pa. 1) ettha rathaṅge. “Catucakkaṃ navadvāra”nti (saṃ. ni. 1.29) ettha iriyāpathe. “Dadaṃ bhuñja mā ca pamādo, cakkaṃ pavattaya sabbapāṇina”nti (jā. 1.7.149) ettha dāne. “Dibbaṃ cakkaratanaṃ pāturahosī”ti ettha ratanacakke. “Mayā pavattitaṃ cakka”nti (su. ni. 562) ettha dhammacakke. “Icchāhatassa posassa cakkaṃ bhamati matthake”ti (jā. 1.1.104; 1.5.103) ettha uracakke. “Khurapariyantaṃ cepi cakkēnā”ti (dī. ni. 1.166) ettha paharaṇacakke. “Asanivicakka”nti (dī. ni. 3.61; saṃ. ni. 2.162) ettha asanimaṇḍale. Idha panāyaṃ dhammacakke mato.

Taṃ pana dhammacakkaṃ duvidhaṃ hoti – paṭivedhañāṇaṃca desanāñāṇaṃca. Tattha paññāpabhāvitāṃ attano

ariyaphalāvahaṃ paṭivedhaññaṃ; karuṇāpabhāvitāṃ sāvakaṇaṃ ariyaphalāvahaṃ desanāññaṃ. Tattha paṭivedhaññaṃ uppajjamānaṃ uppannanti duvidhaṃ. Tañhi abhinikkhamaṇato yāva arahattamaggā uppajjamānaṃ, phalakkhaṇe uppannaṃ nāma; tusitabhavanaṇato vā yāva mahābodhipallaṅke arahattamaggā uppajjamānaṃ, phalakkhaṇe uppannaṃ nāma; dīpaṅkarabyākaraṇato paṭṭhāya vā yāva arahattamaggā uppajjamānaṃ, phalakkhaṇe uppannaṃ nāma. Desanāññaṃ pāvattamānaṃ pavattanti duvidhaṃ. Tañhi yāva aññakoṇḍaṇṇassa sotāpattimaggā pavattamānaṃ, phalakkhaṇe pavattaṃ nāma. Tesu paṭivedhaññaṃ lokuttaraṃ, desanāññaṃ lokiyaṃ. Ubhayampi panetaṃ aññehi asādhāraṇaṃ buddhānaṃyeva orasaññaṃ.

Idāni ye hi dasahi balehi samannāgato tathāgato āsabaṃ ṭhānaṃ paṭijānāti, yāni āditova “dasa tathāgatassa tathāgatabalānī”ti nikkhittāni, tāni vitthāro dassetuṃ **katamāni dasa? Idha tathāgato ṭhānaṃca ṭhānatoti**ādimāha. Tattha **ṭhānaṃca ṭhānatoti** kāraṇaṃca kāraṇato. Kāraṇaṃhi yasmā tattha phalaṃ tiṭṭhati tadāyattavuttitāya uppajjati ceva pavattati ca, tasmā ṭhānanti vuccati. Taṃ bhagavā “ye ye dhammā yesaṃ yesaṃ dhammānaṃ hetū paccayā uppādāya taṃ taṃ ṭhāna”nti ca “ye ye dhammā yesaṃ yesaṃ dhammānaṃ na hetū na paccayā uppādāya taṃ taṃ aṭṭhāna”nti ca pajānanto ṭhānaṃca ṭhānato aṭṭhānaṃca aṭṭhānato yathābhūtaṃ pajānāti. **Yampīti** yena ñāṇena. **Idampi tathāgatassāti** idampi ṭhānāṭṭhānaññaṃ tathāgatassa **tathāgatabalaṃ** nāma hotīti attho. Evaṃ sabbapadesu yojanā veditabbā.

**Kammasamādānānanti** samādiyivā katānaṃ kusalākusalakammānaṃ; kammameva vā kammasamādānaṃ. **Ṭhānaṃca hetusoti** paccayato ceva hetuto ca. Tattha gatiupadhikālapayogā vipākassa ṭhānaṃ, kammaṃ hetu.

**Sabbattha gāmininti** sabbagatiḡāminiṃca agatiḡāminiṃca. **Paṭipadanti** maggaṃ. **Yathābhūtaṃ pajānātīti** bahūsupi manussesu ekameva pāṇaṃ ghātesu ‘imassa cetanā nirayagāminī bhavissati, imassa tīracchāyoniḡāminī’ti iminā nayena ekavattusimipi kusalākusalacetanāsaṅkhātānaṃ paṭipattīnaṃ aviparītato sabhāvaṃ pajānāti.

**Anekadhātunti** cakkhuhātuādihi kāmādhātuādihi vā dhātūhi bahudhātuṃ. **Nānādhātunti** tāsāmyeva dhātūnaṃ vilakkhaṇatāya nānappakāradhātuṃ. **Lokanti** khandhāyatanadhātulokaṃ. **Yathābhūtaṃ pajānātīti** tāsāṃ tāsāṃ dhātūnaṃ aviparītato sabhāvaṃ paṭivijjhati.

**Nānādhimuttikatanti** hīnādihi adhimuttīhi nānādhimuttikabhāvaṃ.

**Parasattānanti** padhānasattānaṃ. **Parapuggalānanti** tato paresaṃ hīnasattānaṃ; ekatthameva vā etaṃ padadvayaṃ veneyyavasena pana dvedhā vuttaṃ. **Indriyaparopariyattanti** saddhādīnaṃ indriyānaṃ parabhāvaṃca aparabhāvaṃca vuḍḍhiṃca hāniṃcāti attho.

**Jhānavimokkhasamādhisamāpattīnanti** paṭhamādīnaṃ catunnaṃ jhānaṃ, “rūpī rūpāni passatī”tiādīnaṃ aṭṭhannaṃ vimokkhānaṃ, savitakkasavicārādīnaṃ tiṇṇaṃ samādhīnaṃ, paṭhamajjhānasamāpattīādīnaṃca navannaṃ anupubbasaṃpattīnaṃ. **Samkilesanti** hānabhāḡiyadhammaṃ. **Vodānanti** visesabhāḡiyadhammaṃ. **Vuṭṭhānanti** yena kāraṇena jhānādihi vuṭṭhahanti, taṃ kāraṇaṃ.

**Pubbenivāsānussatinti** pubbe nivutthakkhandhānussaraṇaṃ.

**Cutūpapātanti** cutiṃca upapātaṃca.

**Āsavānaṃ khayanti** kāmāsavādīnaṃ khayasaṅkhātāṃ āsavanirodhaṃ nibbānaṃ.

**Imānti** yāni heṭṭhā “dasa tathāgatassa tathāgatabalānī”ti avoca, imāni tānīti appanaṃ karotīti. Evamettha anupubbapadavaṇṇanaṃ ñatvā idāni yasmā tathāgato paṭhamāmyeva ṭhānāṭṭhānaññaṇena veneyyasattānaṃ āsavakkhayādhigamassa ceva anadhigamassa ca ṭhānāṭṭhānabhūtaṃ kilesāvaraṇābhāvaṃ passati, lokiyasammādiṭṭhiṭṭhānadassanaṇato niyatamicchādiṭṭhiṭṭhānābhāvadassanaṇato ca. Atha nesaṃ kammavipākāññaṇena vipākāvaraṇābhāvaṃ passati, tihetukapaṭisaṇdhidassanaṇato. Sabbatthagāminīpaṭipadāññaṇena kammāvaraṇābhāvaṃ passati, ānantariyakammābhāvadassanaṇato. Evaṃ anāvaraṇānaṃ anekadhātunānādhātuññaṇena anukūladhamadesanaṭṭhaṃ cariyāvisesaṃ passati, dhātuvemattadassanaṇato. Atha nesaṃ nānādhimuttikatāññaṇena adhimuttīnaṃ passati, payogaṃ anādiyivāpi adhimuttivasena dhamadesanaṭṭhaṃ. Athevaṃ diṭṭhādhimuttīnaṃ yathāsatti yathābalaṃ dhammaṃ desetuṃ indriyaparopariyattaññaṇena indriyaparopariyattaṃ passati, saddhādīnaṃ tikkhamudubhāvadassanaṇato. Evaṃ pariññāti indriyaparopariyattāpi panete sace dūre honti, atha jhānādi pariññāṇena jhānādisu vasībhūtattā iddhivisesena khippaṃ upagacchati. Upagantvā ca nesaṃ pubbenivāsānussatiññaṇena pubbajātībhāvaṇaṃ, dibbacakkhānubhāvato pattabbena cetopariyaññaṇena sampaticcittavisesaṃ passanto

āsavakkhayaññānubhāvena āsavakkhayagāminiyā paṭipadāya vigatasammohattā āsavakkhayāya dhammaṃ deseti. Tasmā iminā anukkamena imāni dasabalāni vuttānti veditabbāni. Ayaṃ tāva mātikāya atthavaṇṇanā.

### (1.) Ekakaniddesavaṇṇanā

**761.** Idāni yathānikkhittāya mātikāya “pañcaviññāṇā na hetumevā” tiādīnā nayena āradde niddesavāre **na hetumevā**ti sādharmaṇahetupaṭikkhepaniddeso. Tattha “hetuḥetu, paccayaḥetu, uttamahetu, sādharmaṇahetūti catubbidho hetū” tiādīnā nayena yaṃ vattabbaṃ siyā, taṃ sabbaṃ rūpakaṇḍe “sabbaṃ rūpaṃ na hetumevā” tiādīnaṃ atthavaṇṇanāyaṃ (dha. sa. aṭṭha. 594) vuttameva. **Ahetukamevā**tiādīsu byañjanasandhivasena makāro veditabbo; ahetikā evāti attho. Sesapadesupī eveda nayo. Apica “hetū dhammā nahetū dhammā” tiādīsu (dha. sa. dukamātikā 1) dhammakotṭhāsesu pañcaviññāṇāni hetū dhammāti vā sahetukā dhammāti vā na honti. Ekantena pana na hetūyeva, ahetikā yevāti imānīpi nayenetha sabbapadesu attho veditabbo. **Abyākatamevā**ti padaṃ vipākābyākatavasena vuttaṃ. **Sārammaṇamevā**ti olubbhārammaṇavasena. Paccayārammaṇaṃ olubbhārammaṇanti hi duvidhaṃ ārammaṇaṃ. Imasmiṃ pana ṭhāne olubbhārammaṇameva dhuraṃ, paccayārammaṇampi labbhatiyeva. **Acetasikamevā**ti padaṃ cittaṃ, rūpaṃ, nibbānanti tīsu acetasikesu cittameva sandhāya vuttaṃ. **No apaniyāpannamevā**ti gatipariyāpannacutipariyāpannasamāsāravatṭabhavapariyāpannabhāvato pariyāpannā eva, no apaniyāpannā. Lokato vaṭṭato na niyyantīti **aniyyānikā**. **Uppannaṃ manoviññāṇaviññeyyamevā**ti rūpakaṇḍe cakkhuvīññāṇādīnaṃ paccuppannāneva rūpādīni ārabba pavattito atīdādivisaṃyaṃ manoviññāṇampi pañcaviññāṇasotapatitameva katvā “upannaṃ chahi viññāṇehi viññeyya”nti (dha. sa. 584) vuttaṃ. Pañcaviññāṇā pana yasmā paccuppannāpi cakkhuvīññāṇādīnaṃ ārammaṇā na honti, manoviññāṇasseva honti, tasmā “manoviññāṇaviññeyyamevā”ti vuttaṃ. **Aniccamevā**ti hutvā abhāvaṭṭhena aniccāyeva. **Jarābhibhūtamevā**ti jarāya abhibhūtattā jarābhibhūtā eva.

**762. Uppannavattukā uppannārammaṇā**ti anāgatapaṭikkhepo. Na hi te anāgatesu vatthārammaṇesu uppajjanti.

**Purejātavattukā purejātārammaṇā**ti sahuppattipaṭikkhepo. Na hi te sahuppannaṃ vatthum vā ārammaṇaṃ vā paṭicca uppajjanti, sayam pana pacchājātā hutvā purejātesu vatthārammaṇesu uppajjanti.

**Ajjhattikavattukā**ti ajjhatajjhattavasena vuttaṃ. Tāni hi ajjhattike pañca pasāde vatthum katvā uppajjanti. **Bāhirārammaṇā**ti bāhirarūpādīrammaṇā. Tattha catukkaṃ veditabbaṃ – pañcaviññāṇā hi pasādavattukattā ajjhattikā ajjhattikavattukā, manoviññāṇaṃ hadayarūpaṃ vatthum katvā uppajjanakāle ajjhattikaṃ bāhiravattukam, pañcaviññāṇasampayuttā tayo khandhā bāhirā ajjhattikavattukā, manoviññāṇasampayuttā tayo khandhā hadayarūpaṃ vatthum katvā uppajjanakāle bāhirā bāhiravattukā.

**Asambhinnavattukā**ti aniruddhavattukā. Na hi te niruddhaṃ atītaṃ vatthum paṭicca uppajjanti. **Asambhinnārammaṇā**ti eveda nayo.

**Aññaṃ cakkhuvīññāṇassa vatthu ca ārammaṇaṃ**tiādīsu cakkhuvīññāṇassa hi aññaṃ vatthu, aññaṃ ārammaṇaṃ. Aññaṃ sotaviññāṇādīnaṃ. Cakkhuvīññāṇaṃ sotapasādādīsu aññataraṃ vatthum, saddādīsu vā aññataraṃ ārammaṇaṃ katvā kappato kappam gantvāpi na uppajjati; cakkhupasādameva pana vatthum katvā rūpaṃ ārammaṇaṃ katvā uppajjati. Evamassa vatthupi dvāraṃ ārammaṇampi nibaddhaṃ, aññaṃ vatthum vā dvāraṃ vā ārammaṇaṃ vā na saṅkamati, nibaddhavatthu nibaddhadvāraṃ nibaddhārammaṇameva hutvā uppajjati. **Sotaviññāṇādīsipi** eveda nayo.

**763. Na aññaṃāññaṃ gocaravisayaṃ paccanubhontī**ti ettha aññaṃāññaṃ cakkhu sotassa, sotaṃ vā cakkhussāti evaṃ ekaṃ ekassa gocaravisayaṃ na paccanubhontīti attho. Sace hi nīlādibhedam rūpārammaṇaṃ samodhānetvā sotindriyassa upaneyya ‘iṅgha tāva naṃ vavattāpehi vibhāvehi – kiṃ nāmetam ārammaṇa’nti, cakkhuvīññāṇaṃ vināpi mukhena attano dhammatāya evaṃ vadeyya – ‘are andhabāla, vassasatampi vassasahassampi paridhāvamaṇo aññatra mayā kuhiṃ etassa jānanakaṃ labhissasi; āhara naṃ cakkhupasāde upanehi; ahameṭam ārammaṇaṃ jānissāmi – yadi vā nīlam yadi vā pītaṃ. Na hi eso aññaṃāññaṃ visayo; mayhameveso visayo’ti. Sesaviññāṇesupi eveda nayo. Evamete aññaṃāññaṃ gocaravisayaṃ na paccanubhonti nāma.

**764. Samannāharantassā**ti āvajjaneneva samannāharantassa.

**Manasikarontassā**ti āvajjaneneva manasikarontassa. Etāni hi cittāni āvajjanena samannāhaṭakāle manasikataḷāyeva ca uppajjanti.

Na **abbokiṇṇā**ti aññena viññāṇena abbokiṇṇā nirantarāva nuppajjanti. Etena tesam anantaratā paṭikkhittā.

**765. Na apubbaṃ acarimanti** etena sabbesampi sahuppatti paṭikkhittā. **Na aññamaññassa samanantarā**ti etena samanantaratā paṭikkhittā.

**766. Āvaṭṭanā** vātiādīni cattāripi āvajjanasseva nāmāni. Tañhi bhavaṅgassa āvaṭṭanato **āvaṭṭanā**, tasseva ābhujanato **ābhogo**, rūpādīnaṃ samannāharaṇato **samannāhāro**, tesamyeva manasikaraṇato **manasikāro**ti vuccati. Evamettha saṅkhepato pañcannaṃ viññāṇaṃ āvajjanaṭṭhāne ṭhatvā āvajjanādikkiccaṃ kātuṃ samatthabhāvo paṭikkhitto.

**Na kañci dhammaṃ paṭivijānā**ti “manopubbaṅgamā dhammā”ti (dha. pa. 1-2) evaṃ vuttaṃ ekampi kusalaṃ vā akusalaṃ vā na paṭivijānāti.

**Aññatra abhinipātamattā**ti ṭhapetvā rūpādīnaṃ abhinipātamattaṃ. Idaṃ vuttaṃ hoti – supaṇḍitopi puriso, ṭhapetvā āpāthagatāni rūpādīni, aññaṃ kusalākusalesu ekadhammampi pañcahi viññāṇehi na paṭivijānāti. Cakkhuvīññāṇaṃ panettha dassanamattameva hoti. Sotaviññāṇādīni savanaghāyanasāyanaphusanamattāneva. Dassanādimmattato pana muttā aññā etesaṃ kusalādīpaṭivīññāti nāma natthi.

**Manodhātuyāpī**ti sampaṭicchana manodhātuyāpi. Sampaṇḍanatto cettha pikāro. Tasmā manodhātuyāpi tato parāhi manoviññāṇadhātūhipīti sabbehipi pañcadvārikaviññāṇehi na kañci kusalākusalaṃ dhammaṃ paṭivijānāti evamettha attho daṭṭhabbo.

**Na kañci iriyāpathaṃ kappeti**tiādīsipi eseva nayo. Na hi pañcadvārikaviññāṇehi gamanādīsū kañci iriyāpathaṃ kappeti, na kāyakammaṃ na vacīkammaṃ paṭṭhabeti, na kusalākusalaṃ dhammaṃ samādiyati, na samādhim samāpajjati lokiyam vā lokuttaram vā, na samādhito vuṭṭhāti lokiyā vā lokuttarā vā, na bhavato cavati, na bhavantare upapajjati. Sabbampi hetam kusalākusaladhammapaṭivijānanādivacanapariyosānaṃ kiccaṃ manodvārikacitteneva hoti, na pañcadvārikenāti sabbassāpetassa kiccassa karaṇe saha javanakāni vīthicittāni paṭikkhittāni. Yathā cetesaṃ etāni kiccāni natthi, evaṃ niyāmokkamanādīnipi. Na hi pañcadvārikajavanena micchattaniyāmaṃ okkamati, na sammattaniyāmaṃ; na cetam javanaṃ nāmagottamārabba javati, na kasiṇādīpaṇṇattim; na lakkhaṇārammaṇikavipassanāvasena pavattati, na vuṭṭhānagāminībalavavipassanāvasena; na rūpārūpadhamme ārabba javati, na nibbānaṃ; na cetena saddhim paṭisambhidāññaṃ uppajjati, na abhiññāññaṃ, na sāvakapāramīññaṃ, na paccekabodhiññaṃ, na sabbaññutaññaṃ. Sabbopi panesa pabhedo manodvārikajavaneveva labbhati.

**Na supati na paṭibujjhati na supinaṃ passati**ti sabbenāpi ca pañcadvārikacittena neva niddaṃ okkamati, na niddāyati, na paṭibujjhati, na kiñca supinaṃ passati imesu tīsu ṭhānesu saha javanena vīthicittaṃ paṭikkhittaṃ.

Niddāyantassa hi mahāvaṭṭim jāletvā dīpe cakkhusamīpe upanīte paṭhamaṃ cakkhudvārikaṃ āvajjanaṃ bhavaṅgaṃ na āvaṭṭeti, manodvārikameva āvaṭṭeti. Atha javanaṃ javitvā bhavaṅgaṃ otarati. Dutiyavāre cakkhudvārikaṃ āvajjanaṃ bhavaṅgaṃ āvaṭṭeti. Tato cakkhuvīññāṇādīni javanapariyosānāni pavattanti. Tadanantaraṃ bhavaṅgaṃ pavattati. Tatiyavāre manodvārikaāvajjanena bhavaṅge āvaṭṭite manodvārikajavanaṃ javati. Tena cittena ṇatvā ‘kiṃ ayaṃ imasmim ṭhāne āloko’ti jānāti.

Tathā niddāyantassa kaṇṇasamīpe tūriyesu paggahitesu, ghānasamīpe sugandhesu vā duggandhesu vā pupphesu upanītesu, mukhe sappimhi vā phāṇite vā pakkhite, piṭṭhiyaṃ pāṇinā pahāre dinne paṭhamaṃ sotadvārikādīni āvajjanāni bhavaṅgaṃ na āvaṭṭenti, manodvārikameva āvaṭṭeti. Atha javanaṃ javitvā bhavaṅgaṃ otarati. Dutiyavāre sotadvārikādīni āvajjanāni bhavaṅgaṃ āvaṭṭenti. Tato sotaghānajivhākāyaviññāṇādīni javanapariyosānāni pavattanti. Tadanantaraṃ bhavaṅgaṃ pavattati. Tatiyavāre manodvārikaāvajjanena bhavaṅge āvaṭṭite manodvārikajavanaṃ javati. Tena cittena ṇatvā ‘kiṃ ayaṃ imasmim ṭhāne saddo – saṅkhasaddo, bherisaddo’ti vā ‘kiṃ ayaṃ imasmim ṭhāne gandho – mūlagandho, sāragandho’ti vā ‘kiṃ idaṃ mayhaṃ mukhe pakkhittarasam – sappīti vā phāṇita’nti vā ‘kenamhi piṭṭhiyaṃ pahato, atithaddho me pahāro’ti vā vattāro honti. Evaṃ manodvārikajavaneveva paṭibujjhati, na pañcadvārikena. Supinaṃpi teneva passati, na pañcadvārikena.

Tañca panetaṃ supinaṃ passanto catūhi kāraṇehi passati – dhātukkabhato vā anubhūtapubbato vā devatopasaṃhārato vā pubbanimittato vāti. Tattha pittādīnaṃ khobhakarapaṇḍāyayogena khubhitadhātuko ‘**dhātukkabhato**’ supinaṃ passati. Passanto ca nānāvīdhaṃ supinaṃ passati – pabbatā patanto viya, ākāsena gacchanto viya, vālamigahatthacorādīhi anubaddho viya ca hoti. ‘**Anubhūtapubbato**’ passanto pubbe anubhūtapubbaṃ ārammaṇaṃ passati. ‘**Devatopasaṃhārato**’ passantassa devatā atthakāmatāya vā anattakāmatāya vā atthāya vā anattāya vā nānāvīdhāni ārammaṇāni upasaṃharanti. So tesaṃ devatānaṃ ānubhāvena tāni ārammaṇāni



atthabhūtātipi jāpītatthā. Sesamettha sabbam dhammasaṅgahaṭṭhakathāyaṃ vuttanayattā pākaṭamevāti.

Dukaniddesavaṇṇanā.

### (3.) Tikaniddesavaṇṇanā

768. Tividhena ñāṇavatthuniddese **yogavīhitesūti** yogo vuccati paññā; paññāvīhitesu paññāpariṇāmitesūti attho. **Kammāyatanesūti** ettha kammameva **kammāyatanam**; atha vā kammañca taṃ āyatanañca ājīvādīnantipi **kammāyatanam**. **Sippāyatanesūti** eseva nayo. Tattha duvidham kammaṃ – hīnañca ukkaṭṭhañca. Tattha hīnam nāma vaḍḍhakāmmam, pupphachaḍḍakakammanti evamādi. Ukkaṭṭham nāma kasi, vaṇijjā, gorakkhanti evamādi. Sippampi duvidham hīnañca ukkaṭṭhañca. Tattha hīnam sippam nāma naḷakārasippam, pesakārasippam, kumbhakārasippam, cammakārasippam, nhāpitasippanti evamādi. Ukkaṭṭham nāma sippam muddā, gaṇanā, lekhañcāti evamādi vijjāva **vijjāṭṭhanam**. Taṃ dhammīkameva gahitam. Nāgamaṇḍalaparittasadisam, phudhamanakamantasadisam, sālākiyam, sallakattiyantiādīni pana vejjasatthāni “icchāmaham, ācariya, sippam sikkhitu”nti (mahāva. 329) sippāyatane pavīṭṭhattā na gahitāni.

Tattha eko paṇḍito manussānam phāsuvihāratthāya attano ca dhammatāya gehapāsādayānanāvādīni uppādeti. So hi ‘ime manussā vasaṇṭṭhānena vinā dukkhitā’ti hitakiriyaṃ ṭhatvā dīghacaturassādībhedaṃ geham uppādeti, sītuṇhapaṭiḅhātthāya ekabhūmikadvibhūmikādībhede pāsāde karoti, ‘yāne asati anusañcaraṇam nāma dukkha’nti jaṅghākīlamathapaṭiṇodanattāya vayhasakaṭasandamānikādīni uppādeti, ‘nāvāya asati samuddādīsū sañcāro nāma natthī’nti nānappakāram nāvam uppādeti. So sabbampetaṃ neva aññehi kayiramānam passati, na kataṃ uggaṇhāti, na kathentānam suṇāti, attano pana dhammatāya cintāya karoti. Paññavatā hi attano dhammatāya katampi aññehi uggaṇhitvā karontehi katasadisameva hoti. Ayaṃ tāva hīnakamme nayo.

Ukkaṭṭhakammepi ‘kasikamme asati manussānam jīvitam na pavattatī’nti eko paṇḍito manussānam phāsuvihāratthāya yuganaṅgalādīni kasibhaṇḍāni uppādeti; tathā nānappakāram vaṇijjakammam gorakkhañca uppādeti. So sabbampetaṃ neva aññehi kariyamānam passati...pe... katasadisameva hoti. Ayaṃ ukkaṭṭhakamme nayo.

Duvidhepi pana sippāyatane eko paṇḍito manussānam phāsuvihāratthāya naḷakārasippādīni hīnasippāni, hatthamuddāya gaṇanasāṅkhātāṃ muddam, acchinnakasaṅkhātāṃ gaṇanam, mātīkāppabhedakādībhedañca lekham uppādeti. So sabbampetaṃ neva aññehi kariyamānam passati...pe... katasadisameva hoti. Ayaṃ sippāyatane nayo.

Ekacco pana paṇḍito amanussasārīsapādīhi upaddutānam manussānam tikicchanattāya dhammīkāni nāgamaṇḍalamantādīni vijjāṭṭhānāni uppādeti, tāni neva aññehi kariyamānāni passati, na katāni uggaṇhāti, na kathentānam suṇāti, attano pana dhammatāya cintāya karoti. Paññavatā hi attano dhammatāya katampi aññehi uggaṇhitvā karontehi katasadisameva hoti.

**Kammassakataṃ vāti** “idaṃ kammaṃ sattānam sakaṃ, idaṃ no saka”nti evam jānanaññam. **Saccānulomikaṃ vāti** vipassanāññam. Tañhi catunnam saccānam anulomanato saccānulomikanti vuccati. Idānissa pavattanākāram dassetuṃ **rūpaṃ aniccanti vāti**ādī vuttam. Ettha ca aniccalakkhaṇameva āgatam, na dukkhalakkhaṇaanattalakkhaṇāni, atthavasena pana āgatānevāti daṭṭhabbāni – yañhi aniccaṃ taṃ dukkham, yaṃ dukkham tadanattāti.

**Yaṃ evarūpinti** yaṃ evam heṭṭhā niddiṭṭhasabhāvaṃ anulomikaṃ. **Khantinti**ādīni sabbāni paññāvevacanāneva. Sā hi heṭṭhā vuttānam kammāyanādīnam pañcannaṃ kāraṇānam apaccanīkadassanena anulometīti **anulomikā**. Tathā sattānam hitacariyāya anulometi, maggasaccassa anulometi, paramatthasaccassa nibbānassa anulomanato anulometītipi anulomikā. Sabbānīpi etāni kāraṇāni khamati sahati daṭṭham sakkotīti **khanti**, passatīti **diṭṭhi**, rocetīti **ruci**, mudatīti **mudi**, pekkhatīti **pekkhā**. Sabbepissā te kammāyanādāyo dhammā nijjhānam khamanti, viśesato ca pañcakkhandhasāṅkhātā dhammā punappunam aniccadukkhaṇattavasena nijjhāyamānā taṃ nijjhānam khamantīti **dhammanijjhānakhantī**.

**Parato assutvā paṭilabhatīti** aññassa upadesavacanam assutvā sayameva cintento paṭilabhāti. **Ayam vuccatīti** ayam cintāmayā paññā nāma vuccati. Sā panesā na yesam kesañci uppajjati, abhiññātānam pana mahāsattānameva uppajjati. Tatthāpi saccānulomikaññam dvinnamyeva bodhisattānam uppajjati. Sesapaññā sabbesampi pūritapāramīnam mahāpaññānam uppajjatīti veditabbā.

**Parato sutvā paṭilabhatīti** ettha kammāyanādīni parena kariyamānāni vā katāni vā disvāpi yassa kassaci kathayamānassa vacanam sutvāpi ācariyassa santike uggaṇhetvāpi paṭiladdhā sabbā parato sutvāyeva paṭiladdhā nāmāti



veditabbā.

**Samāpannessāti** samāpattisamaṅgissa; antosamāpattiyaṃ pavattā **paññā bhāvanāmayā** nāmāti attho.

**769. Dānaṃ ārabbhāti** dānaṃ paṭicca; dānacetanāpaccayāti attho. **Dānādhigacchāti** dānaṃ adhigacchantassa; pāpuṇantassāti attho. **Yā uppajjāti** yā evaṃ dānacetanāsampayuttā paññā uppajjati, ayaṃ **dānamayā paññā** nāma. Sā panesā ‘dānaṃ dassāmī’ ti cintentassa, dānaṃ dentassa, dānaṃ datvā taṃ paccavekkhantassa pubbacetanā, muñcacetanā, aparacetanāti tividhena uppajjati.

**Sīlaṃ ārabbhā sīlādhigacchāti** idhāpi sīlacetanāsampayuttāva **sīlamayā paññāti** adhippetā. Ayampi ‘sīlaṃ pūressāmī’ ti cintentassa, sīlaṃ pūrentassa, sīlaṃ pūretvā taṃ paccavekkhantassa pubbacetanā, muñcacetanā, aparacetanāti tividheneva uppajjati. Bhāvanāmayā heṭṭhā vuttāyeva.

**770.** Adhisīlapaññādīsu sīlādīni duvidhena veditabbāni – sīlaṃ, adhisīlaṃ; cittaṃ, adhicittaṃ; paññā, adhipaññāti. Tattha ‘‘uppādā vā tathāgatānaṃ anuppādā vā tathāgatānaṃ ṭhitāva sā dhātu dhammaṭṭhitatā dhammaniyāmatā’’ ti (saṃ. ni. 2.20; a. ni. 3.137) imāya tantiyā saṅgahitavasena pañcapi sīlāni dasapi sīlāni sīlaṃ nāma. Tañhi tathāgate uppannepi anuppannepi hoti. Anuppanne ke paññāpentī? Tāpasaparibbājakā, sabbaññubodhisattā, cakkavattirājāno ca paññāpentī. Uppanne sammāsambuddhe bhikkhusaṅho, bhikkhunīsaṅho, upāsakā, upāsikāyo ca paññāpentī. Pātimokkhasaṃvarasīlaṃ pana sabbasīlehi adhikaṃ uppanneyeva tathāgate uppajjati, no anuppanne. Sabbaññubuddhāyeva ca naṃ paññāpentī. ‘‘Imasmiṃ vatthusmiṃ vītikkame idaṃ nāma hotī’’ ti paññāpanañhi aññesaṃ avisayo, buddhānaṃyeva esa visayo, buddhānaṃ balaṃ. Iti yasmā pātimokkhasaṃvaro adhisīlaṃ, tasmā taṃ adhisīlapaññaṃ dassetuṃ **pātimokkhasaṃvaraṃ saṃvarantassāti** ti vuttaṃ.

Heṭṭhā vuttāya eva pana tantiyā saṅgahitavasena vaṭṭapādikā aṭṭha samāpattiyo cittaṃ nāma. Tañhi tathāgate uppannepi hoti anuppannepi. Anuppanne ke nibbattenti? Tāpasaparibbājakā ceva sabbaññubodhisattā ca cakkavattirājāno ca. Uppanne bhagavati visesatthikā bhikkhūādayopi nibbattentiyeva. Vipassanāpādikā pana aṭṭha samāpattiyo sabbacittehi adhikā, uppanneyeva tathāgate uppajjanti, no anuppanne. Sabbaññubuddhā eva ca etā paññāpentī. Iti yasmā aṭṭha samāpattiyo adhicittaṃ, tasmā adhicittapaññaṃ dassetuṃ **rūpāvacarārūpāvacarasamāpattiṃ samāpajjantassāti** ti vuttaṃ.

Heṭṭhā vuttāya eva pana tantiyā saṅgahitavasena kammassakataññaṃ paññā nāma. Tañhi tathāgate uppannepi hoti anuppannepi. Anuppanne velāmadānavessantaradānādivasena uppajjati; uppanne tena ñāṇena mahādānaṃ pavattentānaṃ pamānaṃ natthi. Maggaphalapaññā pana sabbapaññāhi adhikā, uppanneyeva tathāgate vitthārikā hutvā pavattati, no anuppanne. Iti yasmā maggaphalapaññā adhipaññā, tasmā atirekapaññāya paññaṃ dassetuṃ **catūsu magesūti** ti vuttaṃ.

Tattha siyā – sīlaṃ, adhisīlaṃ; cittaṃ, adhicittaṃ; paññā, adhipaññāti imesu chasu koṭṭhāsesu vipassanā paññā katarasannissitāti? Adhipaññāsannissitā. Tasmā yathā omakatarappamaṇaṃ chattaṃ vā dhajaṃ vā upādāya atirekappamaṇaṃ atichattaṃ atidhajoti vuccati, evamidampi pañcasīlaṃ dasasīlaṃ upādāya pātimokkhasaṃvarasīlaṃ ‘**adhisīlaṃ**’ nāma; vaṭṭapādikā aṭṭha samāpattiyo upādāya vipassanāpādikā aṭṭha samāpattiyo ‘**adhicittaṃ**’ nāma, kammassakatapaññaṃ upādāya vipassanāpaññā ca maggapaññā ca phalapaññā ca ‘**adhipaññā**’ nāmāti veditabbā.

**771.** Āyakosallādiniddese yasmā **āyoti** vuḍḍhi, sā anattahānito atthuppattito ca duvidhā; **apāyoti** avuḍḍhi, sāpi atthahānito anattuppattito ca duvidhā; tasmā taṃ dassetuṃ **ime dhamme manasikarototi** ti vuttaṃ. **Idaṃ vuccatī** yā imesaṃ akusaladhammānaṃ anuppattippahānesu kusaladhammānaṃca uppattitṭhitīsu paññā – idaṃ āyakosallaṃ nāma vuccati. Yā panesā kusaladhammānaṃ anuppajjananirujjhānesu akusaladhammānaṃca uppattitṭhitīsu paññā – idaṃ apāyakosallaṃ nāmāti attho. Āyakosallaṃ tāva paññā hotu; apāyakosallaṃ kathaṃ paññā nāma jātāti? Paññāvāyeva hi ‘mayhaṃ evaṃ manasikaroto anuppannā kusalā dhammā nuppajjanti uppannā ca nirujjhanti; anuppannā akusalā dhammā uppajjanti, uppannā pavaḍḍhanti’ ti pajānāti. So evaṃ ñatvā anuppannānaṃ akusalānaṃ dhammānaṃ uppajjituṃ na deti, uppanne pajahati; anuppanne kusale uppādeti, uppanne bhāvanāpāripūriṃ pāpeti. Evaṃ apāyakosallampi paññā evāti veditabbā. **Sabbāpi tatrūpāyā paññā upāyakosallanti** idaṃ pana accāyikakicce vā bhaye vā uppanne tassa tikicchanatthaṃ ṭhānuppattiyakāraṇajānanavaseneva veditabbā. Sesā sabbattha uttānatthamevāti.

Tikaniddesavaṇṇanā.

#### (4.) Catukkaniddesavaṇṇanā

793. Catubbidhena ñāṇavatthuniddese **atthi dinnanti**ādīsu dinnapaccayā phalaṃ atthī iminā upāyena attho veditabbo. **Idaṃ vuccatī**ti yaṃ ñāṇaṃ ‘idaṃ kammaṃ sakaṃ, idaṃ no saka’nti jānāti – idaṃ kammassakataññaṃ nāma vuccatīti attho. Tattha tividaṃ kāyaduccaritaṃ, catubbidhaṃ vacīduccaritaṃ, tividaṃ manoduccaritaṃ idaṃ na sakakammaṃ nāma. Tīsu dvāresu dasavidhampi sucaritaṃ sakakammaṃ nāma. Attano vāpi hotu parassa vā sabbampi akusalaṃ na sakakammaṃ nāma. Kasmā? Atthabhañjanato anattahajananato ca. Attano vā hotu parassa vā sabbampi kusalaṃ sakakammaṃ nāma. Kasmā? Anattabhañjanato anattahajananato ca. Evaṃ jānanaṃ imasmim kammassakataññaṃ ñāṇaṃ bahū dānaṃ datvā sīlaṃ pūretvā uposathaṃ samādiyivā sukheṇa sukhaṃ sampattiyā sampattiṃ anubhavivā nibbānaṃ pattānaṃ gaṇanaparichedo natthi. Yathā hi sadhano puriso pañcasu sakatasatesu sappimadhuphāṇitādīni ceva loṇatilataṇḍulādīni ca āropetvā kantāramaggaṃ paṭipanno kenacideva karaṇīyena atthe uppanne sabbesaṃ upakaraṇānaṃ gahitattā na cinteti, na paritassati, sukheṇa khemaṃ pāpuṇāti; evameva imasmim kammassakataññaṃ ñāṇaṃ bahū dānaṃ datvā...pe... nibbānaṃ pattānaṃ gaṇanapatho natthi. **Ṭhapetvā saccānulomikaṃ ñāṇanti** maggasaccassa paramatthasaccassa ca anulomanato saccānulomikanti laddhanāmaṃ vipassanāññaṃ ṭhapetvā avasesā sabbāpi sāsavā kusalā paññā kammassakataññaṃ evāti attho.

794. **Maggasamaṅgissa ñāṇaṃ dukkhepetā ñāṇanti** ettha ekameva maggaññaṃ catūsu saccesu ekapaṭivedhavasena catūsu ṭhānesu saṅghaṭṭaṃ.

796. **Dhamme ñāṇanti** ettha maggaññaṃ tāva catunnaṃ saccānaṃ ekapaṭivedhavasena dhamme ñāṇaṃ nāma hotu; phalapaññā kathaṃ dhamme ñāṇaṃ nāmāti? Nirodhasaccavasena. Duvidhāpi hesā paññā aparappaccaye atthapaccakkhe ariyasaccadhamme kiccatō ca ārammaṇato ca pavattattā dhamme ñāṇanti veditabbā. **So iminā dhammenāti** ettha maggaññaṃ dhammagocarattā gocaravohāreṇa dhammoti vuttaṃ, upayogathe vā karaṇavacanaṃ; imaṃ dhammaṃ ñāṇanti attho; catusaccadhammaṃ jānitvā ṭhiteṇa maggaññaṇanti vuttaṃ hoti. **Diṭṭhenāti** dassanena; dhammaṃ passivā ṭhiteṇāti attho. **Pattenāti** cattāri ariyasaccāni patvā ṭhitattā dhammaṃ pattena. **Viditenāti** maggaññaṇena cattāri ariyasaccāni viditāni pākāṇi katāni. Tasmā taṃ dhammaṃ viditaṃ nāma hoti. Tena viditadhammena. **Pariyogāḷhenāti** catusaccadhammaṃ pariyogāhetvā ṭhiteṇa. **Nayaṃ netīti** atīte ca anāgate ca nayaṃ neti haratī pesetī. Idaṃ pana na maggaññaṇassa kiccaṃ, paccavekkhaṇaṇaṇassa kiccaṃ. Sathārā pana maggaññaṇaṃ atītānāgate nayaṃ nayanasaḍisaṃ kataṃ. Kasmā? Maggamūlakattā. Bhāvitamaggassa hi paccavekkhaṇā nāma hoti. Tasmā sathā maggaññaṇameva nayaṃ nayanasaḍisaṃ akāsi. Apica evamettha attho daṭṭhabbo – yadetaṃ iminā catusaccagocaraṃ maggaññaṇaṃ adhigataṃ, tena ñāṇena kāraṇabhūteṇa atītānāgate paccavekkhaṇaṇasaṅkhātāṃ nayaṃ neti.

Idāni yathā tena nayaṃ neti, taṃ ākāraṃ dassetaṃ **ye hi keci atītamaddhānanti**ādīmāha. Tattha **abbhaññaṃsūti** jāniṃsu paṭivijjhīṃsu. **Imaññevāti** yaṃ dukkhaṃ atīte abbhaññaṃsu, yañca anāgate abhijānissanti, na taññeva imaṃ; sarikkhatṭhena pana evaṃ vuttaṃ. Atītepi hi ṭhapetvā taṃ tebhūmakakkhandheyeva dukkhasaccanti paṭivijjhīṃsu, taṃhamyeva samudayasaccanti nibbānameva nirodhasaccanti ariyamaggameva maggasaccanti paṭivijjhīṃsu, anāgatepi evameva paṭivijjhissanti, etarahipi evameva paṭivijjhantīti sarikkhatṭhena “imaññevā”ti vuttaṃ. **Idaṃ vuccati anvaye ñāṇanti** idaṃ anugamaññaṃ nayaṇaṇaṃ kāraṇaṇanti vuccati.

**Pariye ñāṇanti** cittaparichedaṇaṃ. **Parasattānanti** ṭhapetvā attānaṃ sesasattānaṃ. Itaraṃ tasseva vevacanaṃ. **Cetasā ceto paricca pajānātīti** attano cittena tesāṃ cittaṃ sarāgādivasena paricchindivā nānappakārato jānāti. **Sarāgaṃ vāti**ādīsu yaṃ vattabbaṃ, taṃ heṭṭhā satipaṭṭhānavibhaṅge vuttameva. Ayaṃ pana viśeso – idha anuttaraṃ vā cittaṃ vimuttaṃ vā cittanti ettha lokuttarampi labbhati. Avipassanūpagampi hi paracittaññaṇassa viśayo hotīyeva.

**Avasesā paññāti** dhamme ñāṇādikā tisso paññā ṭhapetvā sesā sabbāpi paññā ñāṇanti sammatattā **sammutiññaṇaṃ** nāma hoti. Vacanatto panettha sammutimhi ñāṇanti sammutiññaṇaṃ.

797. **Kāmāvacarakusale paññāti** ayañhi ekantena vaṭṭasmiṃ cutipaṭisandhiṃ ācinateva, tasmā “ācayāya no apacayāyā”ti vuttā. Lokuttaramaggapaññā pana yasmā cutipaṭisandhiṃ apacinateva, tasmā “apacayāya no ācayāyā”ti vuttā. Rūpāvacarārūpāvacarapaññā cutipaṭisandhiṃ ācinati, vikkhambhanavasena kilese ceva kilesamūlake ca dhamme apacinati, tasmā “ācayāya ceva apacayāya cā”ti vuttā. Sesā neva cutipaṭisandhiṃ ācinati na apacinati, tasmā “neva ācayāya no apacayāyā”ti vuttā.

798. **Na ca abhiññāyo paṭivijjhantīti** idaṃ paṭhamajjhānapaññaṃ sandhāya vuttaṃ. Sā hissa kāmavivekena pattabbattā kilesanibbidāya saṃvattati. Tāya cesa kāmesu vītarāgo hoti, abhiññāpādakabhāvaṃ pana appattatāya neva pañca abhiññāyo paṭivijjhanti, nimittārammaṇattā na saccāni paṭivijjhanti. Evameva paññā **nibbidāya hoti no paṭivedhāya**. **Svevāti** paṭhamajjhānaṃ patvā ṭhito. **Kāmesu vītarāgo samānoti** tathā vikkhambhitānaṃ yeveva kāmānaṃ vasena vītarāgo. **Abhiññāyo paṭivijjhantīti** pañca abhiññāyo paṭivijjhanti. Idaṃ catuttahajjhānapaññaṃ sandhāya vuttaṃ. Catuttahajjhānapaññā hi abhiññāpādakabhāvenāpi pañca abhiññāyo paṭivijjhanti, abhiññābhāvappattiyāpi paṭivijjhanti eva.

Tasmā sā **paṭivedhāya** hoti. Paṭhamajjhānapaññāya eva pana kilesesupi nibbindattā **no nibbidāya**. Yā panāyaṃ dutiyatīyajjhānapaññā, sā katarakoṭṭhāsaṃ bhajātīti? Somanassavasena paṭhamajjhānampi bhajati, avitakkavasena catutthajjhānampi. Evamesā paṭhamajjhānasannissitā vā catutthajjhānasannissitā vā kātabbā. **Nibbidāya ceva paṭivedhāya cāti** maggapaññā sabbasmimpi vaṭṭe nibbindanato nibbidāya, chaṭṭhaṃ abhiññāṃ paṭivijjhanato paṭivedhāya ca hoti.

**799. Paṭhamassa jhānassa lābhīti**ādīsu yvāyaṃ appaṇaṇassa paṭhamajjhānassa lābhī. Taṃ tato vuṭṭhitam ārammaṇavasena kāmasahagatā hutvā saññāmanasikārā samudācaranti tudanti codenti. Tassa kāmānupakkhandānaṃ saññāmanasikārānaṃ vasena sā paṭhamajjhānapaññā hāyati parihāyati; tasmā **hānabhāginīti** vuttā. **Tadanudhammatīti** tadanurūpasabhāvā. **Sati santiṭṭhatīti** idaṃ micchāsatiṃ sandhāya vuttaṃ, na sammāsatiṃ. Yassa hi paṭhamajjhānānurūpasabhāvā paṭhamajjhānaṃ santato paṇītato disvā assādayamānā abhinandamānā nikanti uppajjati, tassa nikantivasena sā paṭhamajjhānapaññā neva hāyati, na vaḍḍhati, ṭhitikoṭṭhāsikā hoti. Tena vuttaṃ **ṭhitibhāginī** paññāti. **Avitakkasahagatīti** avitakkaṃ dutiyajjhānaṃ santato paṇītato manasikaroto ārammaṇavasena avitakkasahagatā. **Samudācarantīti** paṇāto paṭhamajjhānato vuṭṭhitam dutiyajjhānādhiḡamatthāya tudanti codenti. Tassa upari dutiyajjhānānupakkhandānaṃ saññāmanasikārānaṃ vasena sā paṭhamajjhānapaññā visesabhūṭassa dutiyajjhānassa uppattitṭhānatāya **visesabhāginīti** vuttā. **Nibbidāsahagatīti** tameva paṭhamajjhānato vuṭṭhitam nibbidāsankhātena vipassanāññānaṃ sahagatā. Vipassanāññānaṃ jhānaṅgabhedo vattante nibbindati ukkaṇṭhāti, tasmā nibbidāti vuccati. **Samudācarantīti** nibbānasacchikiriyatthāya tudanti codenti. **Virāgūpasañhitīti** virāgasankhātena nibbānena upasañhitā. Vipassanāññānaṃhi sakkā iminā maggena virāgaṃ nibbānaṃ sacchikātunti pavattito “virāgūpasañhita”nti vuccati. Taṃsāmpayuttā saññāmanasikārāpi virāgūpasañhitā eva nāma. Tassa tesāṃ saññāmanasikārānaṃ vasena sā paṭhamajjhānapaññā ariyamaggapaṭivedhassa padaṭṭhānatāya **nibbedhabhāginīti** vuttā. Evaṃ catūsu ṭhānesu paṭhamajjhānapaññāva kathitā. Dutiyajjhānapaññādīsupi imināva nayena attho vedītabbo.

**801. Kicchena kasirena samādhīṃ uppādentassāti** lokuttarasamādhīṃ uppādentassa pubbhāge āgamanakāle kicchena kasirena dukkhena sasañkhārena sappayogena kilamantassa kilese vikkhambhetvā āgatassa. **Dandhaṃ taṇṭhānaṃ abhijānantassāti** vikkhambhitesu kilesesu vipassanāparivāse ciraṃ vasitvā taṃ lokuttarasamādhisañkhātaṃ ṭhānaṃ dandhaṃ saṅkhaṃ abhijānantassa paṭivijjhanatassa, pāpuṇantassāti attho. **Ayaṃ vuccatīti** yā eṣā evaṃ uppajjati, ayaṃ kilesavikkhambhanapaṭipadāya dukkhattā, vipassanāparivāsapaññāya ca dandhattā maggakāle ekacittakkhaṇe uppānāpi paññā āgamanavasena **dukkhapaṭipadā dandhābhīññā** nāmāti vuccati. Upari tīsu padesupi imināva nayena attho vedītabbo.

**802. Samādhissa na nikāmalābhissāti** yo samādhissa na nikāmalābhī hoti, so tassa na nikāmalābhī nāma. Yassa samādhi uparūpari samāpajjanatthāya ussakkītuṃ paccayo na hoti, tassa appaṇaṇajjhānalābhissāti attho. **Ārammaṇaṃ thokaṃ pharantassāti** paritte suppatte vā sarāvamatte vā ārammaṇe parikkamaṃ katvā tattheva appanaṃ patvā taṃ avaḍḍhitam thokameva ārammaṇaṃ pharantassāti attho. Sesapadesupi eseva nayo. Nanikāmalābhīpaṭipakkhato hi paṇaṇajjhānalābhī ettha **nikāmalābhīti** vutto. Avaḍḍhitārammaṇapaṭipakkhato ca vaḍḍhitārammaṇaṃ **vipulanti** vuttaṃ. Sesāṃ tādīsameva.

**Jarāmarāṇepetaṃ ñāṇanti** nibbānameva ārammaṇaṃ katvā catunnaṃ saccānaṃ ekapaṭivedhavasena etaṃ vuttaṃ.

**Jarāmarāṇaṃ ārabbhāti**ādīni pana ekekaṃ vatthūṃ ārabbhā pavattikāle pubbhāge saccavavattāpanavasena vuttāni. Sesāṃ sabbattha uttānatthamevāti.

Catukkaniddesavaṇṇanā.

### (5.) Pañcakaniddesavaṇṇanā

**804.** Pañcavidhena ñāṇavatthuniddese **pītipharaṇatā**dīsu pītiṃ pharamānā uppajjatīti dvīsu jhānesu paññā **pītipharaṇatā** nāma. Sukhaṃ pharamānā uppajjatīti tīsu jhānesu paññā **sukhapharaṇatā** nāma. Paresāṃ cetopharamānā uppajjatīti cetopariyapaññā **cetopharaṇatā** nāma. Ālokaṃ pharamānā uppajjatīti dibbacakkhupaññā **ālokaṃ pharaṇatā** nāma. Paccavekkhaṇāñānaṃ **paccavekkhaṇānimittaṃ** nāma. Teneva vuttaṃ “dvīsu jhānesu paññā pītipharaṇatā”tiādī. Tattha ca pītipharaṇatā sukhapharaṇatā dve pādā viya, cetopharaṇatā ālokaṃ pharaṇatā dve hatthā viya, abhiññāpādakajjhānaṃ majjhimakāyo viya, paccavekkhaṇānimittaṃ sīsaṃ viya. Iti bhagavā pañcaṅgikaṃ sammāsamādhīṃ āṅgapaccāṅgasampannaṃ purisaṃ viya katvā dassesi. **Ayaṃ pañcaṅgiko sammāsamādhīti** ayaṃ hatthapādasīsasadiṣehi pañcahi āṅgehi yutto sammāsamādhīti pādakajjhānasamādhīṃ kathesi.

**Ayaṃ samādhi paccuppannasukho cevāti**ādīsu arahattaphalasaṃmādhī adhippeto. So hi appitappitakkhaṇe

sukhattā **paccuppannasukho**. Purimo purimo pacchimassa pacchimassa samādhisukhassa paccayattā **āyatim sukhavipāko**. Santaṃ sukhumaṃ phalacittaṃ pañītaṃ madhurarūpaṃ samuṭṭhāpeti. Phalasaṃpattiyā vuṭṭhitassa hi sabbakāyānugataṃ sukhasamphassaṃ phoṭṭhabbaṃ paṭicca sukhasahagataṃ kāyaviññānaṃ uppajjati. Imināpi pariyaēyena āyatim sukhavipāko. Kilesehi ārakattā **ariyo**. Kāmāmisavaṭṭāmisalokāmisānaṃ abhāvā **nirāmisō**. Buddhādīhi mahāpurisehi sevittā **akāpurisasevito**. Aṅgasantaṭāya ārammaṇasantaṭāya sabbakilesadarathasantaṭāya ca **santo**. Atappaṇiyatṭhena **pañīto**. Kilesapaṭippassaddhiyā laddhattā kilesapaṭippassaddhibhāvassa vā laddhattā **paṭippassaddhiladdho**. Paṭippassaddhaṃ paṭippassaddhīti hi idaṃ atthato ekaṃ. Paṭippassaddhakileseṇa vā arahata laddhattāpi paṭippassaddhiladdho. Ekodibhāvena adhigatattā ekodibhāvameva vā adhigatattā **ekodibhāvadhigato**. Appaguṇasāsavasamādhī viya sasaṅkhārena sappayogena cittaṇa paccanīkadhamme niggayha kilese vāretvā anadhigatattā **na sasaṅkhāraniggayhavāritagato**. Taṅca samādhim samāpajjanto tato vā vuṭṭhahanto sativēpullappattattā satova samāpajjati satova vuṭṭhahati. Yathāparicchinnaḷavasena vā sato samāpajjati sato vuṭṭhahati. Tasmā yadettha “ayaṃ samādhī paccuppannasukho ceva āyatīṅca sukhavipāko”ti evaṃ paccavekkhamānassa paccattaṃyeva aparappaccayaṃ ṅānaṃ uppajjati – taṃ ekamaṅgaṃ. Esa nayo sesesupi. Evamimehi pañcahi paccavekkhaṇaṅṅehi ayaṃ samādhī pañcaṅṅāṅiko sammāsamādhī nāma vuttoti.

Pañcakaniddesavaṇṇanā.

### (6.) Chakkaniddesavaṇṇanā

**805.** Chabbidhena ṅāṇavattuniddese **iddhividhe ṅāṇanti** “ekopi hutvā bahudhā hotī”tiādinayappavatte (dī. ni. 1.484; paṭi. ma. 1.102) iddhividhe ṅāṇaṃ. Iminā avitakkāvicārā upekkhāsahagatā rūpāvacarā bahudhābhāvādisādhikā ekacittakkhaṇikā appanāpaññāva kathitā. **Sotadhātuvisuddhiyā ṅāṇanti** dūrasantikādibhedasaddārammaṇāya dibbasotadhātuyā ṅāṇaṃ. Imināpi avitakkāvicārā upekkhāsahagatā rūpāvacarā pakatisotavisayāṭṭitasaddārammaṇā ekacittakkhaṇikā appanāpaññāva kathitā. **Paracitte ṅāṇanti** parasattānaṃ cittaparicchede ṅāṇaṃ. Imināpi yathāvuttappakārā paresaṃ sarāgādicittārammaṇā ekacittakkhaṇikā appanāpaññāva kathitā. **Pubbenivāsānussatiyā ṅāṇanti** pubbenivāsānussatisampayuttaṃ ṅāṇaṃ. Imināpi yathāvuttappakārā pubbe nivuttakkhandhānussaraṇasatisampayuttā ekacittakkhaṇikā appanāpaññāva kathitā. **Sattānaṃ cutūpapāte ṅāṇanti** sattānaṃ cutiyaṅca upapāte ca ṅāṇaṃ. Imināpi yathāvuttappakārā cavanakaupapajjanakānaṃ sattānaṃ vaṇṇadhātuārammaṇā ekacittakkhaṇikā appanāpaññāva kathitā. **Āsavānaṃ khaye ṅāṇanti** saccaparicchedajānanaṅṅaṃ. Idaṃ lokuttarameva. Sesāni lokiyānīti.

Chakkaniddesavaṇṇanā.

### (7.) Sattakaniddesādivaṇṇanā

**806.** Sattavidhena ṅāṇavattuniddese **jātipaccayā jarāmarāṇanti**ādinā nayena pavattinivattivasena ekādasasu paṭiccasamuppādaṅgesu ekekasmim kālattayabhedato paccavekkhaṇaṅṅaṃ vatvā puna “yampissa taṃ dhammaṭṭhitiṅṅāṇa”nti evaṃ tadeva ṅāṇaṃ saṅkhepato khayadhammatādīhi pakārehi vuttaṃ. Tattha **jātipaccayā jarāmarāṇaṃ, asati jātiyā natthi jarāmarāṇanti** ṅāṇadvayaṃ paccuppannaddhānavasena vuttaṃ. **Attampi addhānaṃ, anāgatampi addhānanti** evaṃ aṭṭe ṅāṇadvayaṃ, anāgate ṅāṇadvayanti cha. Tāni dhammaṭṭhitiṅṅāṇena saddhim satta. Tattha **dhammaṭṭhitiṅṅāṇanti** paccayākāraṅṅaṃ. Paccayākāro hi dhammānaṃ pavattiṭṭhitikāraṇattā dhammaṭṭhiti vuccati; tattha ṅāṇaṃ dhammaṭṭhitiṅṅāṇaṃ. Etasseva chabbidhassa ṅāṇassettaṃ adhivacanaṃ. Evam ekekasmim aṅge imāni satta satta katvā ekādasasu aṅgesu sattasattati honti. Tattha **khayadhammanti** khayagamanasabhāvaṃ. **Vayadhammanti** vayagamanasabhāvaṃ. **Virāgadhammanti** virajjanasabhāvaṃ. **Nirodhadhammanti** nirujjhanasabhāvaṃ. Iminā kiṃ kathitaṃ? Aparavipassanāya purimavipassanāsammasanaṃ kathitaṃ. Tena kiṃ kathitaṃ hoti? Sattakkhattuṃ vipassanāpaṭivipassanā kathitā. Paṭhamaṅṅāṇena hi sabbasaṅkhāre aniccā dukkhā anattāti disvā taṃ ṅāṇaṃ dutiyena daṭṭhuṃ vaṭṭati, dutiyaṃ tatiyena, tatiyaṃ catutthena, catutthaṃ pañcamena, pañcamaṃ chaṭṭhena, chaṭṭhaṃ sattaṃ. Evam satta vipassanāpaṭivipassanā kathitā hontīti.

Sattakaniddesavaṇṇanā.

**807.** Aṭṭhavidhena ṅāṇavattuniddese **sotāpattimagge paññāti** sotāpattimaggaṃhi paññā. Iminā sampayuttapaññāva kathitā. Sesapadesupi eseva nayoti.

Aṭṭhakaniddesavaṇṇanā.

**808.** Navavidhena ṅāṇavattuniddese **anupubbavīhārasamāpattisūti** anupubbavīhārasaṅkhātāsu samāpattīsu. Tāsaṃ anupubbena anupaṭipāṭiyā vihāritabbaṭṭhena anupubbavīhāratā, samāpajjitabbaṭṭhena samāpattitā daṭṭhabbā.

Tattha **paṭhamajjhānasamāpattiya paññā**tiādayo aṭṭha sampayuttapaññā veditabbā. Navamā paccavekkhaṇapaññā. Sā hi nirodhasamāpattiṃ santato paññāto paccavekkhamānassa pavattati. Tena vuttaṃ – “saññāvedayitanirodhasamāpattiya vuṭṭhitassa paccavekkhaṇaṇā”nti.

Navakaniddesavaṇṇanā.

### (10.) Dasakaniddesavaṇṇanā

#### Paṭhamabalaniddeso

**809.** Dasavidhena ñāṇavattuniddese **aṭṭhānanti** hetupaṭikkhepo. **Anavakāsoti** paccayapaṭikkhepo. Ubhayenāpi kāraṇameva paṭikkhipati. Kāraṇaṇhi tadāyattavuttitāya attano phalassa ṭhānanti ca avakāsoti ca vuccati. **Yanti** yena kāraṇena. **Diṭṭhisampannoti** maggaḍḍhiyā sampanno sotāpanno ariyasāvako. **Kaṅci saṅkhāranti** catubhūmakeṣu saṅkhatasaṅkhāreṣu kaṅci ekaṃ saṅkhārampi. **Niccato upagaccheyyāti** niccoti gaṇheyya. **Netam ṭhānaṃ vijjati** eti ekaṃ kāraṇaṃ natthi, na upalabbhati. **Yaṃ puthujjanoti** yena kāraṇena puthujjano. **Ṭhānametaṃ vijjati** eti ekaṃ kāraṇaṃ atthi; sassatadiṭṭhiyā hi so tebhūmakeṣu saṅkhāreṣu kaṅci saṅkhāraṃ niccato gaṇheyyāti attho. Catutthabhūmakasaṅkhāro pana tejussadattā divasaṃ santatto ayoguḷo viya makkhikānaṃ diṭṭhiyā vā aññesaṃ vā akusalānaṃ ārammaṇaṃ na hoti. Iminā nayena **kaṅci saṅkhāraṃ sukhato**tiādisupi attho veditabbo. **Sukhato upagaccheyyāti** “ekantasukhī attā hoti arogo parammaraṇā”ti (ma. ni. 3.21) evaṃ attadiṭṭhivasena sukhato gāhaṃ sandhāyetaṃ vuttaṃ. Diṭṭhivippayuttacittena pana ariyasāvako pariāhābhībhūto pariāhavūpasamattaṃ, mattahatthīparitāsito viya, sucikāmo pokkhabrāhmaṇo gūthaṃ kaṅci saṅkhāraṃ sukhato upagacchati. Attavāde kasiṇādīpanṇattisaṅghatthaṃ saṅkhāranti avatvā **kaṅci dhammanti** vuttaṃ. Idhāpi ariyasāvakassa catubhūmakavasena paricchedo veditabbo, puthujjanassa tebhūmakavasena; sabbavāreṣu vā ariyasāvakassāpi tebhūmakavaseneva paricchedo vaṭṭati. Yaṃ yaṅhi puthujjano gaṇhāti, tato tato ariyasāvako gāhaṃ viniveṭheti. Puthujjano hi yaṃ yaṃ niccaṃ sukhaṃ attāti gaṇhāti, taṃ taṃ ariyasāvako aniccaṃ dukkhaṃ anattāti gaṇhanto gāhaṃ viniveṭheti.

**Mātaranti**ādisu janikāva mātā. Manussabhūtova khīṇāsavo arahāti adhippeto. Kiṃ pana ariyasāvako aññaṃ jīvitā voropeyyāti? Etampi aṭṭhānaṃ. Sacepi bhavantaragataṃ ariyasāvakaṃ attano ariyasāvakabhāvaṃ ajānantampi koci evaṃ vadeyya – ‘imaṃ kunthakipillikaṃ jīvitā voropetvā sakalacakkavāḷagabbhe cakkavattirajjaṃ paṭipajjāhi’ti, neva so taṃ jīvitā voropeyya. Atha vāpi naṃ evaṃ vadeyyuṃ – ‘sace imaṃ na ghāteṣasi, sīsaṃ te chindissāmā’ti, sīsamevassa chindeyyuṃ, neva so taṃ ghāteyya. Puthujjanabhāvassa pana mahāsāvajjabhāvadassanattaṃ ariyasāvakassa ca baladīpanatthametam vuttaṃ. Ayaṅhettha adhippāyo – sāvajjo puthujjanabhāvo, yatra hi nāma puthujjano mātughātādīnīpi ānantariyāni karissati. Mahābalo ariyasāvako; so etāni kammāni na karoti.

**Paduṭṭhena cittenāti** dosasampayutta vadhakacittena. **Lohitaṃ uppādeyyāti** jīvamānakasarīre khuddakamakkhikāya pivanamattampi lohitaṃ uppādeyya. **Sanḅhaṃ bhindeyyāti** samānasamvāsakaṃ samānasīmāyaṃ ṭhitaṃ pañcahi kāraṇehi sanḅhaṃ bhindeyya, vuttaṅhetam – ‘pañcahupāli, ākārehi sanḅho bhijjati – kammaṇa, uddesena, voharanto, anussāvanena, salākaggāhenā’ti (pari. 458).

Tattha **‘kammaṇā’**ti apalokaṇādisu catūsu kammesu aññatarena kammaṇa. **‘Uddesenā’**ti pañcasu pātimokkhuddesesu aññatarena uddesena. **‘Voharanto’**ti kathayanto, tāhi tāhi uppattīhi ‘adhammaṃ dhammo’tiādinī aṭṭhārasa bhedakaravattūni dīpento. **‘Anussāvanenā’**ti ‘nanu tumhe jānātha mayhaṃ uccākulā pabbajitabhāvaṃ bahussutabhāvaṇca! Mādiso nāma uddhammaṃ ubbinayaṃ satthusāsanaṃ gāheyyāti cittaṃ pi uppādetuṃ tumhākaṃ na yuttaṃ. Kiṃ mayhaṃ avīci nīluppalavanaṃ viya sītaḷo? Kimahaṃ apāyato na bhāyāmī’tiādinā nayena kaṇṇamūle vacībhedaṃ katvā anussāvanena. **‘Salākaggāhenā’**ti evaṃ anussāvetvā tesam cittaṃ upatthambhetvā anivattanadhamme katvā “gaṇhatha imaṃ salāka”nti salākaggāhenā. Ettha ca kammameva uddeso vā pamāṇaṃ vohārānussāvanasalākaggāhā pana pubbabhāgā. Aṭṭhārasavattudīpanavasena hi voharantena tattha rucijananattaṃ anussāvetvā salākāya gāhitāyapi abhinnova hoti sanḅho. Yadā pana evaṃ cattāro vā atirekā vā salākaṃ gāhetvā āveṇikaṃ kammaṃ vā uddesaṃ vā karonti, tadā sanḅho bhinno nāma hoti.

Evaṃ diṭṭhisampanno puggalo sanḅhaṃ bhindeyyāti netam ṭhānaṃ vijjati. Ettāvata mātughātādīni pañca ānantariyakammāni dassitāni honti, yāni puthujjano karoti, na ariyasāvako. Tesam āvibhāvattaṃ –

Kammato dvārato ceva, kappatṭhitiyato tathā;  
Pākasādhāraṇādīhi, viññātabbo vinicchayo.

Tattha **‘kammato’** tāva – ettha hi manussabhūtasēva manussabhūtaṃ mātaraṃ vā pitaraṃ vā api parivattaliṅgaṃ

jīvitā voropentassa kammaṃ ānantariyaṃ hoti. Tassa vipākaṃ paṭibāhissāmī’ti sakalacakkavāḷaṃ mahācetiyaṃ pamaṇehi kañcanathūpehi pūretvāpi, sakalacakkavāḷaṃ pūretvā nisinnabhikkhusaṅghassa mahādānaṃ datvāpi, buddhassa bhagavato saṅghāṭikaṇṇaṃ amuñcivāva vicarivāpi, kāyassa bhedaṃ nirayameva upapajjati. Yo pana sayāṃ manussabhūto tiracchānabhūtaṃ mātaraṃ vā pitaraṃ vā, sayāṃ vā tiracchānabhūto manussabhūtaṃ, tiracchānabhūtoyeva vā tiracchānabhūtaṃ jīvitā voropeti, tassa kammaṃ ānantariyaṃ na hoti, kammaṃ pana bhāriyaṃ hoti, ānantariyaṃ āhacceva tiṭṭhati. Manussajātikaṇṇaṃ pana vasena ayaṃ pañho kathito.

Ettha eḷakacattakkaṃ, saṅgāmacattakkaṃ, coracattakkaṃ kathettabbaṃ. ‘Eḷakaṃ māremī’ti abhisandhināpi hi eḷakattakkaṃ ṭhitāṃ manusso manussabhūtaṃ mātaraṃ vā pitaraṃ vā mārento ānantariyaṃ phusati. Eḷakābhisandhinā pana mātāpitiabhisandhinā vā eḷakaṃ mārento ānantariyaṃ na phusati. Mātāpitiabhisandhinā mātāpitaraṃ mārento phusateva. Esa nayo itarasmimpi cattukkadvaye. Yathā ca mātāpitūsu, evaṃ arahantepe etāni cattukkāni vedittabbāni. Manussaarahantameva ca māretvā ānantariyaṃ phusati, na yakkhabhūtaṃ; kammaṃ pana bhāriyaṃ ānantariyasadisameva. Manussaarahantassa ca puthujjanakāleyeva satthappahāre vā vise vā dinnepi yadi so arahattaṃ patvā teneva marati, arahantaghāto hotiyeva. Yaṃ pana puthujjanakāle dinnāṃ dānaṃ arahattaṃ patvā paribhuñjati, puthujjanasseva taṃ dinnāṃ hoti. Sesaariyapuggale mārentassa ānantariyaṃ natthi, kammaṃ pana bhāriyaṃ ānantariyasadisameva.

Lohituppāde tathāgatassa abhejjakāyātāya parūpakkamena cammacchedaṃ katvā lohitapaggharaṇaṃ nāma natthi. Sarīrassa pana antoyeva ekasmiṃ ṭhāne lohitaṃ samosarati. Devadattena paṭividdhasilāto bhijjivā gatā sakalikāpi tathāgatassa pādantaṃ pahari. Pharasunā pahaṭo viya pādo antolohitoyeva ahoṣi. Tathā karontassa ānantariyaṃ hoti. Jivako pana tathāgatassa ruciyā satthakena cammaṃ chinditvā tamhā ṭhānā duṭṭhalohitaṃ nīharitvā phāsukamakāsi. Tathā karontassa puññakammameva hoti.

Atha ye ca parinibbute tathāgate cetiyaṃ bhindanti, bodhiṃ chindanti, dhātumhi upakkamanti, tesāṃ kiṃ hotīti? Bhāriyaṃ kammaṃ hoti ānantariyasadisam. Sadhātukaṃ pana thūpaṃ vā paṭimaṃ vā bādhamānaṃ bodhisākhānaṃ chinditum vaṭṭati. Sacepi tattha nilīnā sakuṇā cetiye vaccaṃ pātentī, chinditum vaṭṭatiyeva. Paribhogacetiyaṃ hi sarīracetiyaṃ mahantataraṃ. Cetiyaṃ bhinditvā gacchantaṃ bodhimūlāpi chinditvā haritum vaṭṭati. Yā pana bodhisākhā bodhigharaṃ bādhati, taṃ geharakkhaṇatthaṃ chinditum na labbhati. Bodhiatthaṃhi gehaṃ, na gehatthāya bodhi. Āsanagharepi eseva nayo. Yasmiṃ pana āsanaghare dhātu nihitā hoti, tassa rakkhaṇatthāya bodhisākhā chinditum vaṭṭati. Bodhijagganattaṃ ojarahānasākhāṃ vā pūṭiṭṭhānaṃ vā chinditum vaṭṭatiyeva; sarīrapaṭijaggane viya puññampi hoti.

Saṅghabhede sīmaṭṭhakasaṅghe asannipatite visuṃ parisāṃ gahetvā katavohārānussāvanasālākaggāhassa kammaṃ vā karontassa uddesaṃ vā uddisantaṃ bhedo ca hoti ānantariyakammaṃ. Samaggasaññāya pana vaṭṭati. Samaggasaññāya hi karontassa neva bhedo hoti na ānantariyakammaṃ. Tathā navato ūnāparisāyaṃ. Sabbantimena pana paricchedena navannaṃ janānaṃ yo saṅghaṃ bhindati, tassa ānantariyakammaṃ hoti. Anuvattakānaṃ adhammavādīnaṃ mahāsāvajjaṃ kammaṃ; dhammavādīno anāvajjā. Tattha navannaṃ saṅghabhede idaṃ suttaṃ – ‘‘ekato, upāli, cattāro hontī, ekato cattāro, navamo anussāveti salākaṃ gāheti – ‘ayaṃ dhammo, ayaṃ vinayo, idaṃ satthusāsaṇaṃ, idaṃ gaṇhatha, idaṃ rocethā’ti. Evaṃ kho, upāli, saṅgharāji ceva hoti saṅghabhedo ca. Navannaṃ vā, upāli, atirekanavannaṃ vā saṅgharāji ceva hoti saṅghabhedo ca’’ti (cūḷava. 351).

Etesu ca pana pañcasu saṅghabhedo vacīkammaṃ, sesāni kāyakammānīti. Evaṃ kammatopi viññātabbo vinicchayo.

‘**Dvārato**’ti sabbāneva cetāni kāyadvāratoṇi vacīdvāratoṇi samuṭṭhahanti. Purimāni panettha cattāri āṇattikavijjāmayapayogavasena vacīdvāratoṇi samuṭṭhahitvāpi kāyadvārāmeva pūrentī. Saṅghabhedo hatthamuddāya bhedaṃ karontassa kāyadvāratoṇi samuṭṭhahitvāpi vacīdvārāmeva pūrentī. Evamettha dvāratoṇi viññātabbo vinicchayo.

‘**Kappaṭṭhitiyo**’ti saṅghabhedoyeva cettha kappaṭṭhitiyo. Saṅghahante hi kappe kappavemajjhe vā saṅghabhedaṃ katvā kappavināseyeva muccati. Sacepi hi ‘sve kappo vinassissatī’ti ajja saṅghabhedaṃ karoti, sveyeva muccati, ekadivasameva niraye paccati. Evaṃ karaṇaṃ pana natthi. Sesāni cattāri kammāni ānantariyāneva hontī, na kappaṭṭhitiyānīti. Evamettha kappaṭṭhitiyatopi viññātabbo vinicchayo.

‘**Pākato**’ti yena ca pañcapetāni kammāni katāni hontī, tassa saṅghabhedoyeva paṭisandhivasena vipaccati. Sesāni ‘‘ahosi kammaṃ nāhosi kammavipāko’’ti evamādīsu saṅghaṃ gacchanti. Saṅghabhedaḍḍhāve lohituppādo, tadabhāve arahantaghāto, tadabhāve sace pitā sīlavā hoti, mātā dussīlā no vā tathā sīlavatī, pitughāto paṭisandhivasena vipaccati. Sace mātā mātughāto. Dvīsupi sīlena vā dussīlena vā samānesu mātughātova paṭisandhivasena vipaccati; mātā hi dukkarakāriṇī bahūpakārā ca puttānanti. Evamettha pākatoṇi viññātabbo vinicchayo.

‘**Sādhāraṇādīhī**’ti purimāni cattāri sabbesampi gahaṭṭhapabbajitānaṃ sādharmaṇāni. Saṅghabhedo pana ‘na kho, upāli, bhikkhūni saṅghaṃ bhindati, na sikkhamānā, na sāmaṇero, na sāmaṇerī, na upāsako, na upāsikā saṅghaṃ bhindati. Bhikkhu kho, upāli, pakatatto samānaṣaṃvāsako samānaṣimāyaṃ t̥hito saṅghaṃ bhindati’ (cūlava. 351) vacanato vuttappakārassa bhikkhunova hoti, na aññaṣa; tasmā asādhāraṇo. Ādisaddena sabbepe te dukkhavedanāsaḥagatā dosamohasampayuttā cāti evamettha sādharmaṇādīhipi viññātabbo vinicchayo.

**Aññaṃ satthāraṇti** ‘ayaṃ me satthā satthukiccaṃ kātuṃ samattho’ti bhavantarepi aññaṃ titthakaraṃ ‘ayaṃ me satthā’ti evaṃ gaṇheyya – netamaṃ t̥hānaṃ vijjatīti attho. **Aṭṭhamaṃ bhavaṃ nibbatteyyāti** sabbamandapañño pi sattamaṃ bhavaṃ atikkamitvā aṭṭhamaṃ nibbatteyya – netamaṃ t̥hānaṃ vijjati. Uttamakoṭṭiyā hi sattamaṃ bhavaṃ sandhāyevesa ‘niyato sambodhiparāyaṇo’ti vutto. Kiṃ pana taṃ niyāmeti? Kiṃ pubbaḥetu niyāmeti udāhu paṭiladdhamaggo udāhu upari tayo maggāti? Sammāsambuddhena gahitaṃ nāmamattamaṃ. Puggalo pana niyato nāma natthi. ‘Pubbaḥetu niyāmeti’ti vutte hi upari tiṇṇaṃ maggānaṃ upanissayo vutto hoti, paṭhamamaggassa upanissayābhāvo āpajjati. Iccassa ahetu appaccayā nibbattiṃ pāpuṇāti. ‘Paṭiladdhamaggo niyāmeti’ti vutte upari tayo maggā akiccakā honti, paṭhamamaggova sakiccako, paṭhamamaggeneva kilese khetvā parinibbāyitabbaṃ hoti. ‘Upari tayo maggā niyāmeti’ti vutte paṭhamamaggo akiccako hoti, upari tayo maggāva sakiccakā, paṭhamamaggaṃ anibbattetvā upari tayo maggā nibbattetabbā honti, paṭhamamaggena ca anuppajjitvāva kilesā khetvā honti. Tasmā na añño koci niyāmeti, upari tiṇṇaṃ maggānaṃ vipassanāva niyāmeti. Sace hi tesamaṃ vipassanā tikkhā sūrā hutvā vahati, ekamaṃeva bhavaṃ nibbattetvā arahattaṃ patvā parinibbāti. Tato mandatarapañño dutiye vā tatiye vā catutthe vā pañcamaṃ vā chaṭṭhe vā bhava arahattaṃ patvā parinibbāti. Sabbamandapañño sattamaṃ bhavaṃ nibbattetvā arahattaṃ pāpuṇāti, aṭṭhame bhavaṃ paṭisandhi na hoti. Iti sammāsambuddhena gahitaṃ nāmamattamaṃ. Satthā hi buddhatulāya tuletva sabbaññaṇaṃ paricchinditvā ‘ayaṃ puggalo sabbamahāpañño tikkhaviṇṇaṃ ekameva bhavaṃ nibbattetvā arahattaṃ gaṇhissati’ti **‘ekabijī**’ti nāmaṃ akāsi; ‘ayaṃ puggalo dutiyaṃ, tatiyaṃ, catutthaṃ, pañcamaṃ, chaṭṭhaṃ bhavaṃ nibbattetvā arahattaṃ gaṇhissati’ti **‘kolamkolo**’ti nāmaṃ akāsi; ‘ayaṃ puggalo sattamaṃ bhavaṃ nibbattetvā arahattaṃ gaṇhissati’ti **‘sattakkhattuparamo**’ti nāmaṃ akāsi.

Koci pana puggalo sattanaṃ bhavānaṃ niyato nāma natthi. Ariyasāvako pana yena kenacipi ākārena mandapañño samāno aṭṭhamaṃ bhavaṃ appatvā antarāva parinibbāti. Sakkasādisopi vaṭṭābhīrato sattamaṃyeva bhavaṃ gacchati. Sattame bhavaṃ sabbakārena pamādavīhārinopi vipassanāññaṃ paripākaṃ gacchati. Appamattakepi ārammaṇe nibbinditvā nibbutiṃ pāpuṇāti. Sacepi hissa sattame bhavaṃ niddamaṃ vā okkamantassa, parammukhaṃ vā gacchantassa, pacchato t̥hatvā tikkhānaṃ asinā kocideva sīsaṃ pāteyya, udake vā osādetvā māreyya, asani vā panassa sīse pāteyya, evarūpepi kāle sappaṭisandhikā kālamkiriyaṃ nāma na hoti, arahattaṃ patvāva parinibbāti. Tena vuttaṃ – ‘aṭṭhamaṃ bhavaṃ nibbatteyya – netamaṃ t̥hānaṃ vijjatī’ti.

**Ekissā lokadhātuyāti** dasasahassilokadhātuyā. Tīṇi hi khetāni – jātikkhettaṃ, āṇākkhettaṃ, visayakkhetanti. Tattha **‘jātikkhettaṃ**’ nāma dasasahassilokadhātu. Sā hi tathāgatassa mātukucchiokkamanakāle, nikkhamanakāle, sambodhikāle, dhammacakkapavattane, āyusaṅkhāravossajjane, parinibbāne ca kampati. Koṭṭisatasahassacakkavāḷaṃ pana **‘āṇākkhettaṃ**’ nāma. Āṇāṇāyāmoraparittadhajaggaparittaratanaṃ parittādīnaṃ hi ettha āṇā vattati. **‘Visayakkhettaṃ**’ pana parimānaṃ natthi. Buddhānaṃ hi ‘yāvatakaṃ ṇānaṃ tāvatakaṃ ñeyyaṃ, yāvatakaṃ ñeyyaṃ tāvatakaṃ ṇānaṃ, ṇānapariyantaṃ ñeyyaṃ, ñeyyapariyantaṃ ṇāna’nti (paṭi. ma. 3.5) vacanato avisayo nāma natthi.

Imesu pana tīsu khettesu, t̥hapetvā imaṃ cakkavāḷaṃ, aññaṣmiṃ cakkavāḷe buddhā uppajjantīti suttaṃ natthi, na uppajjantīti pana atthi. **Tīṇi piṭakāni** – vinayapiṭakaṃ, suttantapiṭakaṃ, abhidhammapiṭakanti. Tisso saṅgītiyo – mahākassapatherassa saṅgīti, yasattherassa saṅgīti, moggaliputtatissattherassa saṅgīti. Imā tisso saṅgītiyo āruḷhe teṭṭhake buddhavacane imaṃ cakkavāḷaṃ muñcitvā aññaṭṭha buddhā uppajjantīti suttaṃ natthi, nuppajjantīti pana atthi.

**Apubbaṃ acarimanti** apure apacchā; ekato nuppajjanti, pure vā pacchā vā uppajjantīti vuttaṃ hoti. Tattha bodhipallaṅke ‘bodhiṃ appatvā na ut̥thahissāmi’ti nisinnakālato paṭṭhāya yāva mātukucchismiṃ paṭisandhiggahaṇaṃ tāva pubbenti na veditabbaṃ. Bodhisattassa hi paṭisandhiggahaṇe dasasahassacakkavāḷakampaneneva jātikkhettapariggaho kato, aññaṣa buddhassa uppatti nivāritā hoti. Parinibbānato paṭṭhāya ca yāva sāsapamattāpi dhātuyo tiṭṭhanti tāva pacchāti na veditabbaṃ. Dhātūsu hi t̥hitāsu buddhā t̥hitāva honti. Tasmā etthantare aññaṣa buddhassa uppatti nivāritāva hoti, dhātuparinibbāne pana jāte aññaṣa buddhassa uppatti na nivāritā.

**Tīṇi hi antaradhānāni** nāma – pariyaṭṭantantaradhānaṃ, paṭivedhaantaradhānaṃ, paṭipattiantaradhānanti. Tattha **‘pariyattī**’ti tīṇi piṭakāni; **‘paṭivedho**’ti saccapaṭivedho; **‘paṭipattī**’ti paṭipadā. Tattha paṭivedho ca paṭipatti ca hotipi na hotipi. Ekasmiṃhi kāle paṭivedhakarā bhikkhū bahū honti; ‘esa bhikkhu puthujjano’ti aṅgulimaṃ pasāretvā dassetabbo hoti. Imasmiṃyeva dīpe ekavāraṃ kira puthujjanabhikkhu nāma nāhosi. Paṭipattipūrakāpi kadāci bahū honti, kadāci appā. Iti paṭivedho ca paṭipatti ca hotipi na hotipi.

Sāsanaṭṭhitiyā pana pariyattiyeva pamāṇaṃ. Paṇḍito hi tepiṭakaṃ sutvā dvepi pūreti. Yathā amhākaṃ bodhisatto ālārassa santike pañcābhīṇṇā satta ca samāpattiyo nibbattetvā nevasaññānāsaññāyatanasamāpattiyaṃ parikammaṃ pucchi, so ‘na jānāmī’ti āha; tato udakassa santikaṃ gantvā adhigatavisesaṃ saṃsandetvā nevasaññānāsaññāyatanassa parikammaṃ pucchi; so ācikkhi; tassa vacanasamanantameva mahāsatto taṃ sampādesi; evameva paññāvā bhikkhu pariyattiṃ sutvā dvepi pūreti. Tasmā pariyattiyā ṭhiṭāya sāsanaṃ ṭhiṭaṃ hoti. Yadā pana sā antaradhāyati tadā paṭhamaṃ abhidhammapiṭakaṃ nassati. Tattha paṭṭhānaṃ sabbaṃpaṭhamaṃ antaradhāyati. Anukkamena pacchā dhammasaṅgaho. Tasmīṃ antarahite itaresu dvīsu piṭakesu ṭhitesu sāsanaṃ ṭhitameva hoti.

Tattha suttantapiṭake antaradhāyamāne paṭhamaṃ aṅguttaranikāyo ekādasakato paṭṭhāya yāva ekakā antaradhāyati. Tadanantaraṃ saṃyuttanikāyo cakkapeyyālatō paṭṭhāya yāva oghataraṇā antaradhāyati. Tadanantaraṃ majjhimanikāyo indriyabhāvanato paṭṭhāya yāva mūlapariyāyā antaradhāyati. Tadanantaraṃ dīghanikāyo dasuttarato paṭṭhāya yāva brahmajālā antaradhāyati. Ekissāpi dvinnampi gāthānaṃ pucchā addhānaṃ gacchati; sāsanaṃ dhāretuṃ na sakkoti sabhiyapucchā (su. ni. 515 ādayo) viya ālavakapucchā (su. ni. 183 ādayo; saṃ. ni. 1.246) viya ca. Etā kira kassapabuddhakālikā antarā sāsanaṃ dhāretuṃ nāsakkhiṃsu.

Dvīsu pana piṭakesu antarahitesu vinayapiṭake ṭhite sāsanaṃ tiṭṭhati. Parivārakhandhakesu antarahitesu ubhatovibhaṅge ṭhite ṭhitameva hoti. Ubhatovibhaṅge antarahite mātikāya ṭhitāyapi ṭhitameva hoti. Mātikāya antarahitāya pātimokkhapabbajjāupasampadāsu ṭhitāsu sāsanaṃ tiṭṭhati. Liṅgaṃ addhānaṃ gacchati. Setavatthasamaṇavaṃso pana kassapabuddhakālatō paṭṭhāya sāsanaṃ dhāretuṃ nāsakkhi. Pacchimakassa pana saccapaṭivedhato pacchimakassa sīlabhedato ca paṭṭhāya sāsanaṃ osakkitaṃ nāma hoti. Tato paṭṭhāya aññassa buddhassa uppatti na vāritā.

**Tiṇi parinibbānāni** nāma – kilesaparinibbānaṃ, khandhaparinibbānaṃ, dhātuparinibbānanti. Tattha ‘**kilesaparinibbānaṃ**’ bodhipallaṅke ahoṣi, ‘**khandhaparinibbānaṃ**’ kusinārāyaṃ, ‘**dhātuparinibbānaṃ**’ anāgate bhavissati. Sāsanaṃ kira osakkanakāle imasmīṃ tambapaṇḍitipe dhātuyo sannipatitvā mahācetiyaṃ gamissanti, mahācetiyaṃ nāgadīpe rājāyatanacetiyaṃ, tato mahābodhipallaṅkaṃ gamissanti. Nāgabhavanatopi devalokatopi brahmalokatopi dhātuyo mahābodhipallaṅkameva gamissanti. Sāsapamattāpi dhātu na antarā nassissati. Sabbā dhātuyo mahābodhipallaṅke rāsibhūtā suvaṇṇakkhandho viya ekaghanā hutvā chabbaṇṇaraṃsiyo vissajjessanti. Tā dasasahassilokadhātuṃ pharissanti. Tato dasasahassacakkavāḷadevatā sannipatitvā “ajja satthā parinibbāti, ajja sāsanaṃ osakkati, pacchimadassanaṃ dāni idaṃ amhāka”nti dasabalassa parinibbutadivasato mahantataraṃ kāruṇṇiṃ karissanti. Ṭhapetvā anāgāmikhīṇāsava avasesā sakabhāvena sandhāretuṃ na sakkhissanti. Dhātūsu tejodhātu utṭahitvā yāva brahmalokā uggaṇṇhissati. Sāsapamattāyapi dhātuyā sati ekajālāva bhavissati; dhātūsu pariyādānaṃ gatāsu pacchijjissati. Evaṃ mahantaṃ ānubhāvaṃ dassetvā dhātūsu antarahitāsu sāsanaṃ antarahitaṃ nāma hoti. Yāva evaṃ na antaradhāyati tāva acarimaṃ nāma hoti. Evaṃ apubbaṃ acarimaṃ uppajjeyyūṃ – netāṃ ṭhānaṃ vijjati.

Kasmā pana apubbaṃ acarimaṃ na uppajjantīti? Anacchariyattā. Buddhā hi acchariyamanussā, yathāha – “ekapuggalo, bhikkhave, loke uppajjamaṇo uppajjati acchariyamanusso. Katamo ekapuggalo? Tathāgato, bhikkhave, arahaṃ sammāsambuddho”ti (a. ni. 1.172). Yadi ca dve vā cattāro vā aṭṭha vā soḷasa vā ekato uppajjeyyūṃ, na acchariyā bhaveyyūṃ. Ekasmīṃhi vihāre dvinnaṃ cetiyānampi lābhasakkāro uḷāro na hoti, bhikkhūpi bahutāya na acchariyā jātā, evaṃ buddhāpi bhaveyyūṃ; tasmā nuppajjanti. Desanāya ca visesābhāvato. Yaṇhi satipaṭṭhānādibhedāṃ dhammaṃ eko deseti, aññena uppajjitvāpi sova desetabbo siyā. Tato anacchariyō siyā. Ekasmīṃ pana dhammaṃ desente desanāpi acchariyā hoti. Vivādabhāvato ca. Bahūsu ca buddhesu uppānesu bahūnaṃ ācariyānaṃ antevāsikā viya ‘amhākaṃ buddho pāsādiko, amhākaṃ buddho madhurassaro lābhī puññāvā’ti vivadeyyūṃ; tasmāpi evaṃ nuppajjanti.

Apicetaṃ kāraṇaṃ milindaraññā puṭṭhena nāgasenattherena vitthāritameva. Vuttaṇhi tattha (mi. pa. 5.1.1) –

“Bhante nāgasena, bhāsitaṃpetāṃ bhagavatā – “aṭṭhānametaṃ, bhikkhave, anavakāso yaṃ ekissā lokadhātuyā dve arahanto sammāsambuddhā apubbaṃ acarimaṃ uppajjeyyūṃ – netāṃ ṭhānaṃ vijjati”ti (a. ni. 1.277; ma. ni. 3.129). Desentā ca, bhante nāgasena, sabbepi tathāgatā sattatiṃsa bodhipakkhiyadhamme desenti, kathayamānā ca cattāri ariyasaccāni kathenti, sikkhāpentā ca tīsu sikkhāsu sikkhāpentī, anusāsamānā ca appamādapāṭipattiyaṃ anusāsanti. Yadi, bhante nāgasena, sabbesampi tathāgatānaṃ ekā desanā ekā kathā ekā sikkhā ekānusiṭṭhi, kena kāraṇena dve tathāgatā ekakkhaṇe nuppajjanti? Ekenapi tāva buddhuppādena ayaṃ loko obhāsajāto. Yadi dutiyo buddho bhaveyya, dvinnaṃ pabhāya ayaṃ loko bhīyoso mattāya obhāsajāto bhaveyya. Ovadantā ca dve tathāgatā sukhaṃ ovadeyyūṃ, anusāsamānā ca sukhaṃ anusāseyyūṃ. Tattha me kāraṇaṃ dassehi yathāhaṃ nissamsayo bhaveyya”nti.

“Ayaṃ, mahārāja, dasasahassī lokadhātu ekabuddhadhāraṇī, ekasseva tathāgatassa guṇaṃ dhāreti. Yadi



dutiyo buddho uppajjeyya, nāyaṃ dasasahassī lokadhātu dhāreyya, caleyya kampeyya nameyya onameyya vinameyya vikireyya vidhameyya viddhamseyya, na ṭhānamupagaccheyya.

“Yathā, mahārāja, nāvā ekapurisasandhāraṇī bhaveyya, ekasmiṃ purise abhirūḷhe sā nāvā samupādikā bhaveyya. Atha dutiyo puriso āgaccheyya tādiso āyunā vaṇṇena vayena pamāṇena kisathūlena sabbaṅgapaccaṅgena. So taṃ nāvaṃ abhirūheyya. Apinu sā, mahārāja, nāvā dvinnampi dhāreyyā”ti? “Na hi, bhante, caleyya kampeyya nameyya onameyya vinameyya vikireyya vidhameyya viddhamseyya, na ṭhānamupagaccheyya, osīdeyya udake”ti. “Evameva kho, mahārāja, ayaṃ dasasahassī lokadhātu ekabuddhadhāraṇī ekasseva tathāgatassa guṇaṃ dhāreti. Yadi dutiyo buddho uppajjeyya, nāyaṃ dasasahassī lokadhātu dhāreyya, caleyya...pe... na ṭhānamupagaccheyya.

“Yathā vā pana, mahārāja, puriso yāvadattham bhojanaṃ bhuñjeyya chādentam yāvakaṅṭhamabhipurayitvā. So tato pīṇito paripuṇṇo nirantaro tandīgato anonamitandaṅḍajāto punadeva tattakaṃ bhojanaṃ bhuñjeyya. Apinu kho so, mahārāja, puriso sukhito bhaveyyā”ti? “Na hi, bhante, sakiṃ bhuttova mareyyā”ti. Evameva kho, mahārāja, ayaṃ dasasahassī lokadhātu ekabuddhadhāraṇī...pe... na ṭhānamupagaccheyyā”ti.

“Kiṃ nu kho, bhante nāgasena, atidhammabhārena pathavī calatī”ti? “Idha, mahārāja, dve sakaṭā ratanaparipūrītā bhaveyyuṃ yāvasmā mukhasamā. Eka sakaṭato ratanaṃ gahetvā ekamhi sakaṭe ākireyyuṃ. Apinu taṃ, mahārāja, sakaṭaṃ dvinnampi sakaṭānaṃ ratanaṃ dhāreyyā”ti? “Na hi, bhante, nābhipi tassa caleyya, arāpi tassa bhijjeyyuṃ, nemipi tassa opateyya, akkhopi tassa bhijjeyyā”ti. “Kinnu kho, mahārāja, atiratanabhārena sakaṭaṃ bhijjati”ti? “Āma, bhante”ti. “Evameva kho, mahārāja, atidhammabhārena pathavī calatīti.

“Apica, mahārāja, imaṃ kāraṇaṃ buddhabalaparidīpanāya osāritaṃ. Aññampi tattha patirūpaṃ kāraṇaṃ suṇohi yena kāraṇena dve sammāsambuddhā ekakkhaṇe nuppajjanti. Yadi, mahārāja, dve sammāsambuddhā ekakkhaṇe uppajjeyyuṃ, parisāya vivādo uppajjeyya – ‘tumahākaṃ buddho, amhākaṃ buddho’ti ubhatopakkhajātā bhaveyyuṃ. Yathā, mahārāja, dvinnam balavāmaccānaṃ parisāya vivādo uppajjeyya – ‘tumahākaṃ amacco, amhākaṃ amacco’ti ubhatopakkhajātā honti; evameva kho, mahārāja, yadi dve sammāsambuddhā ekakkhaṇe uppajjeyyuṃ, tesam parisāya vivādo uppajjeyya – ‘tumahākaṃ buddho, amhākaṃ buddho’ti ubhatopakkhajātā bhaveyyuṃ. Idam tāva mahārāja ekaṃ kāraṇaṃ yena kāraṇena dve sammāsambuddhā ekakkhaṇe nuppajjanti.

“Aparampi uttariṃ kāraṇaṃ suṇohi yena kāraṇena dve sammāsambuddhā ekakkhaṇe nuppajjanti. Yadi, mahārāja, dve sammāsambuddhā ekakkhaṇe uppajjeyyuṃ ‘aggo buddho’ti yaṃ vacanaṃ taṃ micchā bhaveyya, ‘jeṭṭho buddho’ti ‘seṭṭho buddho’ti ‘visiṭṭho buddho’ti ‘uttamo buddho’ti ‘pavaro buddho’ti ‘asamo buddho’ti ‘asamasamo buddho’ti ‘appaṭisamo buddho’ti ‘appaṭibhāgī buddho’ti ‘appaṭipuggalo buddho’ti yaṃ vacanaṃ taṃ micchā bhaveyya. Idampi kho tvam, mahārāja, kāraṇaṃ tathato sampañiccha yena kāraṇena dve sammāsambuddhā ekakkhaṇe nuppajjanti.

“Apica, mahārāja, buddhānaṃ bhagavantānaṃ sabhāvapakati esā yaṃ ekoyeva buddho loka uppajjati. Kasmā kāraṇā? Mahantattā sabbaññubuddhaguṇānaṃ. Aññampi, mahārāja, yaṃ loka mahantaṃ taṃ ekamyeva hoti. Pathavī, mahārāja, mahantā, sā ekāyeva; sāgaro mahanto, so ekoyeva; sineru girirājā mahanto, so ekoyeva; ākāso mahanto, so ekoyeva; sakko mahanto, so ekoyeva; mahābrahmā mahanto, so ekoyeva; tathāgato arahaṃ sammāsambuddho mahanto, so ekoyeva lokasmiṃ. Yattha te uppajjanti tattha aññesaṃ okāso na hoti. Tasmā, mahārāja, tathāgato arahaṃ sammāsambuddho ekoyeva loka uppajjati”ti.

“Sukathito, bhante nāgasena, pañho opammehi kāraṇehī”ti (mi. pa. 5.1.1).

**Ekissā lokadhātuyāti** ekasmiṃ cakkavāḷe. Heṭṭhā imināva padena dasa cakkavāḷasahassāni gahitāni. Tānipi ekacakkavāḷeneva paricchindituṃ vaṭṭanti. Buddhā hi uppajjamānā imasmiṃyeva cakkavāḷe uppajjanti; uppajjanatṭhāne pana vārite ito aññesu cakkavāḷesu na uppajjantīti vāritameva hoti. **Apubbam acarimanti** ettha cakkaratanaṃ pātubhāvato pubbe pubbam, tasseva antaradhānato pacchā carimaṃ. Tattha dvidhā cakkaratanaṃ antaradhānaṃ hoti – cakkavattino kālakiriyāya vā pabbajjāya vā. Antaradhāyamānaṃ pana taṃ kālakiriyato vā pabbajjato vā sattame divase antaradhāyati. Tato paraṃ cakkavattino pātubhāvo avārito. Kasmā pana ekacakkavāḷe dve cakkavattino nuppajjantīti? Vivādupacchedato anacchariyabhāvato cakkaratanaṃ mahānubhāvato ca. Dvīsu hi uppajjantesu ‘amhākaṃ rājā mahanto, amhākaṃ rājā mahanto’ti vivādo uppajjeyya. ‘Ekasmiṃ dīpe cakkavattī, ekasmiṃ dīpe cakkavattī’ti ca anacchariyo bhaveyya. Yo cāyaṃ cakkaratanaṃ dvisahassadīparivāresu catūsu

mahādīpesu issariyānuppadānasamattho mahānubhāvo, so parihāyeyya. Iti vivādupacchedato anacchariyabhāvato cakkaranassa mahānubhāvato ca na ekacakkavāle dve uppajjanti.

**Yaṃ ittho arahaṃ assa sammāsambuddho** ettha tiṭṭhatu tāva sabbaññuḅuṇe nibbattetvā lokattāraṇasamattho buddhabhāvo, paṇidhānamattampi itthiyā na sampajjati.

“Manussattaṃ liṅgasampatti, hetu sathhāradassanaṃ;  
Pabbajjā guṇasampatti, adhikāro ca chandatā;  
Aṭṭhadhammasamodhānā, abhinīhāro samijjhati”’ti. (bu. vaṃ. 2.59);

Imāni hi paṇidhānasampattikāraṇāni. Iti paṇidhānampi sampādetuṃ asamattāya itthiyā kuto buddhabhāvoti “aṭṭhānametaṃ, anavakāso yaṃ itthī arahaṃ assa sammāsambuddho”’ti vuttaṃ. Sabbākāraparipūro vā puññussayo sabbākāraparipūrameva attabhāvaṃ nibbattetīti purisova arahaṃ hoti sammāsambuddho.

**Yaṃ itthī rājā assa cakkavattītiādīsūpi** yasmā itthiyā kosohitavattaguyhādīnaṃ abhāvena lakkhaṇāni na paripūrenti, itthiratanabhāvena sattaratanasamaṅgitā na sampajjati, sabbamanussehi ca adhiko attabhāvo na hoti, tasmā “aṭṭhānametaṃ anavakāso yaṃ itthī rājā assa cakkavattī”’ti vuttaṃ. Yasmā ca sakkattādīnipi tīṇi ṭhānāni uttamāni, itthiliṅgaṇca hīnaṃ, tasmā tassā sakkattādīnipi paṭisiddhāni. Nanu ca yathā itthiliṅgaṃ evaṃ purisaliṅgampi brahmaloke natthi, tasmā “yaṃ puriso brahmattaṃ kāreyya – ṭhānametaṃ vijjatī”’tipi na vattabbaṃ siyāti? No na vattabbaṃ. Kasmā? Idha purisassa tattha nibbattanato. Brahmattanti hi mahābrahmattaṃ adhippettaṃ. Itthī ca idha jhānaṃ bhāvetvā kālaṃ katvā brahmapārisajjānaṃ saḅabyataṃ upapajjati, na mahābrahmānaṃ. Puriso pana tattha na uppajjatīti na vattabbo. Samānepi cettha ubhayaliṅgābhāve purisasaṅṭhānāva brahmāno, na itthisaṅṭhānā. Tasmā suvuttamevettaṃ.

**Kāyaduccaritasātiādīsū** yathā nimbabījakosātakībījādīni madhuraṃ phalaṃ na nibbattenti, asātaṃ amadhurameva nibbattenti, evaṃ kāyaduccaritādīni madhuraṃ vipākaṃ na nibbattenti, amadhurameva nibbattenti. Yathā ca ucchubījasālībījādīni madhuraṃ sādhusameva phalaṃ nibbattenti, na asātaṃ kaṭukaṃ, evaṃ kāyasucaritādīni madhurameva vipākaṃ nibbattenti, na amadhuraṃ. Vuttampi cettaṃ –

“Yādisaṃ vapate bījaṃ, tādisaṃ harate phalaṃ;  
Kalyāṇakārī kalyāṇaṃ, pāpakārī ca pāpakanti. (saṃ. ni. 1.256);

Tasmā “aṭṭhānametaṃ anavakāso, yaṃ kāyaduccaritasā”’tiādī vuttaṃ.

**Kāyaduccaritasamaṅgītiādīsū samaṅgīti** pañcavidhā samaṅgitā – āyūhanasamaṅgitā, cetanāsamaṅgitā, kammāsamaṅgitā, vipākasamaṅgitā, upaṭṭhānasamaṅgitāti. Tattha kusalākusalakammāyūhanakkhaṇe ‘**āyūhanasamaṅgitā**’ vuccati. Tathā ‘**cetanāsamaṅgitā**’. Yāva pana arahattaṃ na pāpuṇanti tāva sabbepi sattā pubbe upacītaṃ vipākārahaṃ kammaṃ sandhāya kammāsamaṅginoti vuccanti – esā ‘**kammāsamaṅgitā**’. ‘**Vipākasamaṅgitā**’ pana vipākakkhaṇeyeva vedītabbā. Yāva pana sattā arahattaṃ na pāpuṇanti tāva tesāṃ tato tato cavītvā niraye tāva uppajjamānānaṃ aggijālalohakumbhādīhi upaṭṭhānākārehi nirayo, gabbhaseyyakattaṃ āpajjamānānaṃ mātukucchi, devesu uppajjamānānaṃ kapparukkhavimānādīhi upaṭṭhānākārehi devalokoti evaṃ upapattinimittaṃ upaṭṭhāti. Iti nesāṃ iminā uppattinimittūpaṭṭhānena aparimuttattā ‘**upaṭṭhānasamaṅgitā**’ nāma. Sāva calati, sesā niccalā. Niraye hi upaṭṭhitepi devaloko upaṭṭhāti; devaloke upaṭṭhitepi nirayo upaṭṭhāti; manussaloke upaṭṭhitepi tiracchānāyoni upaṭṭhāti; tiracchānāyoniyā ca upaṭṭhitāyapi manussaloko upaṭṭhātiyeva.

Tatridaṃ vatthu – soṇagiripāde kira acelavīhāre soṇatthero nāma eko dhammakathiko. Tassa pitā sunakhavājiko nāma luddako ahoṣi. Thero taṃ paṭibāhantopi saṃvare ṭhapetuṃ asakkonto ‘mā nassi varāko’ti mahallakakāle akāmaṃ pabbājesi. Tassa gilānaseyyāya nipannassa nirayo upaṭṭhāsi. Soṇagiripādato mahantā mahantā sunakhā āgantvā khādītukāmā viya samparivāresuṃ. So mahābhayabhīto “vārehi, tāta soṇa! Vārehi, tāta soṇā”’ti āha. “Kim mahātherā”’ti? “Na passasi, tāta”’ti taṃ pavattim ācikkhi. Soṇatthero ‘kathaṅhi nāma mādisassa pitā niraye nibbattissati, paṭiṭṭhāmassa bhavissāmī’ti sāmaṇerehi nānapupphāni āharāpetvā cetiyaṅgaṇabodhiyaṅgaṇesu mālasanthārapūjaṇca āsanapūjaṇca kāretvā pītaṃ mañca cetiyaṅgaṇaṃ haritvā mañce nipajjāpetvā “ayaṃ me, mahāthera, pūjā tumhākaṃ athhāya katā; ‘ayaṃ me, bhagavā, duggatapaṇṇākāro’ti vatvā bhagavantaṃ vandītvā cittaṃ pasādehi”’ti āha. So mahāthero pūjaṃ disvā tathākaroṇato cittaṃ pasādesi. Tāvadevassa devaloko upaṭṭhāsi, nandavanacittalatāvanamissakavanaphārusakavanavimānāni ceva devanāṭakāni ca parivāretvā ṭhitāni viya ahesuṃ. So “apetha, soṇa! Apetha, soṇā”’ti āha. “Kimidaṃ, mahātherā”’ti? “Etā te, tāta, mātaro āgacchantī”’ti. ‘Thero saggo upaṭṭhito mahātherassa’’ti cintesi. Evaṃ upaṭṭhānasamaṅgitā calatīti vedītabbā. Etāsu samaṅgitāsu idha āyūhanacetanākammāsamaṅgitāvasena “kāyaduccaritasamaṅgī”’tiādī vuttaṃ. Sesāṃ sabbattha uttānatthamevāti.



āgamma vipaccantīti pajānāti. Evaṃ catūhi sampattīhi paṭibāhitam pāpakammaṃ vipākaṃ adatvā catasso vipattiyo āgamma deti.

Yathā hi kocideva puriso kenacideva kammena rājānaṃ ārādheyya. Athassa rājā tñānantaram datvā janapadaṃ dadeyya. So taṃ sammā paribhuñjitum asakkonto makkaṭena gahitabhattapuṇaṃ viya bhindeyya; yassa yaṃ yānaṃ vā vāhanaṃ vā dāsaṃ vā dāsīṃ vā ārāmaṃ vā vatthum vā sampannarūpaṃ passati, sabbaṃ balakkārena gaṇheyya. Manussā ‘rājavallabho’ti kiñci vattum na sakkuneyyūṃ. So aññassa vallabhatarassa rājamahāmatassa virujjheyya. So taṃ gahetvā supothitaṃ pothāpetvā bhūmiṃ piṭṭhiyā ghaṃsāpento nikkadḍhāpetvā rājānaṃ upasaṅkamitvā ‘asuko nāma te, deva, janapadaṃ bhindatī’ti gaṇhāpeyya. Rājā bandhanāgāre bandhāpetvā ‘asukena nāma kassa kiṃ avahaṭa’nti nagare bheriṃ carāpeyya. Manussā āgantvā ‘mayhaṃ idam gahitaṃ, mayhaṃ idam gahita’nti viravasahassaṃ utthāpeyyūṃ. Rājā bhīyoso mattāya kuddho nānappakārena taṃ bandhanāgāre kilametvā ghātāpetvā ‘gacchatha naṃ susāne chaḍḍetvā saṅkhalikā āharathā’ti vadeyya. Evaṃsampadamidaṃ daṭṭhabbam.

Tassa hi purisassa hi kenacideva kammena rājānaṃ ārādhetvā tñānantaram laddhakālo viya puthujjanassāpi kenacideva puññakammena sagge nibbattakālo. Tasmīṃ janapadaṃ bhinditvā manussānaṃ santakaṃ gaṇhante kassaci kiñci vattum avisahanakālo viya imasmimpi sagge nibbatte akusalassa vipaccanokāsaṃ alabhanakālo. Tassa ekadivasaṃ ekasmīṃ rājavallabhatare virajjhivā tena kuddhena naṃ pothāpetvā rañño ārocetvā bandhanāgāre bandhāpitakālo viya imassa saggato cavitvā niraye nibbattakālo. Manussānaṃ ‘mayhaṃ idam gahitaṃ, mayhaṃ idam gahita’nti viravakālo viya tasmīṃ niraye nibbatte sabbākusalakammānaṃ sannipatitvā gahaṇakālo. Susāne chaḍḍetvā saṅkhalikānaṃ āharaṇakālo viya ekekasmīṃ kamme khīṇe itarassa itarassa vipākena nirayato sīsaṃ anukkhīpitvā sakalakappaṃ nirayamhi paccanakālo. Kappaṭṭhitikakammañhi katvā ekakappaṃ nirayamhi paccanakasattā neva eko, na dve, na satam, na sahassaṃ. Evaṃ paccanakasattā kira gaṇanapathaṃ vītivattā.

**Atthekaccāni kalyāṇāni kammamādānāni gativipattiapaṭibāḥāni na vipaccantīti**ādīsipi evaṃ yojanā veditabbā. Idhekaccassa bahūni kalyāṇakammāni hontī. Tāni gatisampattiyam tñitassa vipacceyyūṃ. So pana ekena pāpakammena gativipattiyam niraye vā asurakāye vā nibbato. Tādise ca tñāne kusalam vipākaṃ dātum na sakkoti, ekantaṃ akusalameva sakkotīti. Evaṃ tāni kammāni gativipattiapaṭibāḥāni na vipaccantīti pajānāti.

Aparassāpi bahūni kalyāṇakammāni hontī. Tāni upadhisampattiyam tñitassa vipacceyyūṃ. So pana ekena pāpakammena upadhivipattiyam paṭiṭṭhito dubbaṇṇo hoti piśācasadiso. So sacepi rājakule nibbato pituaccayena ‘kiṃ imassa nissirīkassa rajjena’ti rajjam na labhati. Senāpatigehādīsū nibbatoṃ senāpatitñānādīni na labhati.

Imassa panatthassāvibhāvattam dīparājavatthu kathetabbaṃ – rājā kira putte jāte deviyā pasīditvā varam adāsi. Sā varam gahetvā tñapesi. Kumāro sattaṭṭhavassakāle rājanāne kukkuṭe yujjhāpesi. Eko kukkuṭo uppatitvā kumārassa akkhīni bhindī. Kumāramātā devī puttassa pannarasasoḷasavassakāle ‘rajjam vāressāmī’ti rājānaṃ upasaṅkamitvā āha – ‘deva, tumhehi kumārassa jātakāle varo dinno. Mayā so gahetvā tñapito; idāni naṃ gaṇhāmī’ti. ‘Sādhu, devī, gaṇhāhī’ti. ‘Mayā, deva, tumhākaṃ santikā kiñci aladdham nāma natthī. Idāni pana mama puttassa rajjam vāremī’ti. ‘Devi, tava putto aṅgavikalo. Na sakkā tassa rajjam dātu’nti. ‘Tumhe mayham rucanakavaram adātum asakkontā kasmā varam adatthā’ti? Rājā ativiya nippīḷiyamāno ‘na sakkā tuyham puttassa sakalalaṅkāḍḍipe rajjam dātum; nāgadīpe pana chattaṃ assāpetvā vasatū’ti nāgadīpaṃ pesesi. So dīparājā nāma ahoṣi. Sace cakkhuvikalo nābhavissā tiyojanasatike sakalatambapaṇḍīpe sabbasampattiparivāram rajjam alabhissā. Evaṃ upadhivipattiapaṭibāḥāni na vipaccantīti pajānāti.

Aparassāpi bahūni kalyāṇakammāni hontī. Tāni kālasampattiyam tñitassa vipacceyyūṃ. So pana ekena pāpakammena kālavipattiyam durājadumanussakāle kasaṭe niroje appāyuke gatikoṭike nibbato. Tādise ca kāle kalyāṇakammaṃ vipākaṃ dātum na sakkotīti. Evaṃ kālavipattiapaṭibāḥāni na vipaccantīti pajānāti.

Aparassāpi bahūni kalyāṇakammāni hontī. Tāni payogasampattiyam tñitassa vipacceyyūṃ. Ayaṃ pana payogavipattiyam tñito pāṇaṃ hanti...pe... sabbaṃ dussīyam pūreti. Tathā tena saddhiṃ samajātīkāni kulāni āvāhavivāhaṃ na karonti; ‘itthidhutto surādhatto akkhadhutto ayaṃ pāpapuriso’ti ārakā parivajjenti. Kalyāṇakammāni vipaccitum na sakkonti. Evaṃ payogavipattiapaṭibāḥāni na vipaccantīti pajānāti. Evaṃ catasso sampattiyo āgamma vipākadāyakaṃ kalyāṇakammaṃ catūhi vipattīhi paṭibāhitattā na vipaccati.

Aparassāpi bahūni kalyāṇakammāni hontī. Tāni gativipattiyam tñitassa na vipacceyyūṃ. So pana ekena kalyāṇakammena gatisampattiyameva nibbato. Tatthassa tāni kammāni upagantvā vārena vārena vipākaṃ denti – kālena manussaloke nibbattāpentī, kālena devaloke. Evaṃ gativipattiapaṭibāhitattā vipākaṃ dātum asakkontāni gatimampattim āgamma vipaccantīti pajānāti.

Aparassāpi bahūni kalyāṇakammāni honti. Tāni upadhivipattiyam ʘhitassa na vipacceyyum. So pana ekena kalyāṇakammena upadhisampattiyameva patiʘhito abhirūpo dassanīyo pāsādiko brahmavacchasadiso. Tassa upadhisampattiyam ʘhitattā kalyāṇakammāni vipākam denti. Sace rājakule nibbattati aññesu jeʘṭhakabhātikesu santesupī ‘etassa attabhāvo samiddho, etassa chatte ussāpīte lokassa phāsu bhavissatī’ ti tameva rajje abhisiñcanti. Uparājagehādīsu nibbatto pituaccayena oparajjam, senāpatiʘhānam, bhaṇḍāgārikatʘhānam, seʘṭṭhiʘhānam labhati. Evaṃ upadhivipattiṭṭhihātā vipākam dātum asakkontāni upadhisampattiṃ āgamma vipaccantīti pajānāti.

Aparassāpi bahūni kalyāṇakammāni honti. Tāni kālavipattiyam ʘhitassa na vipacceyyum. So pana ekena kalyāṇakammena kālasampattiyam nibbatto surājasumanussakāle. Tādisāya kālasamiddhiyā nibbattassa kalyāṇakammaṃ vipākam deti.

Tatridam **mahāsoṇattherassa vatthu** kathetabbam – brāhmaṇatissabhaye kira cittalapabbate dvādaśa bhikkhusahassāniṃ paʘivasanti. Tathā tissamahāvihāre. Dvīsūpi mahāvihāresu tiṇṇam vassānam vaʘṭṭam ekarattameva mahāmūsikāyo khādītvā thusamattameva ʘhapesum. Cittalapabbate bhikkhusaṅgho ‘tissamahāvihāre vaʘṭṭam vattissati, tattha gantvā vasissāmā’ ti vihārato nikkhami. Tissamahāvihārepi bhikkhusaṅgho ‘cittalapabbate vaʘṭṭam vattissati, tattha gantvā vasissāmā’ ti vihārato nikkhami. Ubhatopi ekissā gambhīrakandarāya tīre samāgatā pucchitvā vaʘṭṭassa khīṇabhāvaṃ ñatvā ‘tattha gantvā kiṃ karissāmā’ ti catuvīsati bhikkhusahassāni gambhīrakandaravanam pavisitvā nisīditvā nisinnanīhāreneva anupādisesāya nibbānadhātuyā parinibbāyimsu. Pacchā bhaye vūpasante bhikkhusaṅgho sakkam devarājānam gahetvā dhātuyo saṃharitvā cetiyam akāsi.

Brāhmaṇatissacoropi janapadam viddhamsesi. Saṅgho sannipatitvā mantevā ‘‘coram paʘibāhatū’’ ti sakkasantikam aʘṭṭha there pesesi. Sakko devarājā ‘‘mayā, bhante, uppanno coro na sakkā paʘibāhitum. Saṅgho parasamuddam gacchatu. Aham samuddārakkham karissāmī’’ ti. Saṅgho sabbadisāhi nāgadīpam gantvā jambukolapaʘṭṭane tibhūmikam mahāuḷumpam bandhāpesi. Ekā bhūmikā udae osīdi. Ekissā bhikkhusaṅgho nisīno. Ekissā pattacīvarāni ʘhapayimsu. Saṃyuttabhānakacūlasivatthero, isidattatthero, mahāsoṇattheroti tayo therā tāsam parisānam pāmokkhā. Tesu dve therā mahāsoṇattheram āhamso – ‘‘āvuso mahāsoṇa, abhiruha mahāuḷumpa’’ nti. ‘‘Tumhe pana, bhante’’ ti? ‘‘Āvuso, udae maraṇampi thale maraṇampi ekameva. Na mayam gamissāma. Tam nissāya pana anāgate sāsānassa paveṇī ʘhassati. Gaccha tvaṃ, āvuso’’ ti. ‘‘Nāham, bhante, tumhesu agacchantesu gamissāmī’’ ti yāvattiyam kathetvāpi theram āropetum asakkontā nivattimsu.

Atha cūlasīvatthero isidattattheram āha – ‘‘āvuso isidatta, anāgate mahāsoṇattheram nissāya sāsānapaveṇī ʘhassati; mā kho tam hatthato vissajjehī’’ ti. ‘‘Tumhe pana, bhante’’ ti? ‘‘Aham mahācetiyaṃ vandissāmī’’ ti dve there anusāsītvā anupubbena cārikam caranto mahāvihāram sampāpuṇi. Tasmīṃ samaye mahāvihāro suñño. Cetiyaṅgaṇe eraṇḍā jātā. Cetiyaṃ gacchehi parivāritam, sevālena pariyanaddham. Thero dharamānakabuddhassa nipaccākāram dassento viya mahācetiyaṃ vanditvā pacchimadisāya sālam pavisitvā olovento ‘evarūpassa nāma lābhaggayasaggappattassa sarīradhātucetiyaʘṭṭhānam anātham jāta’ nti cintayamāno nisīdi.

Atha avidūre rukkhe adhavatthā devatā addhikamanussarūpena taṇḍulanāḷiṇca guḷapiṇḍaṇca ādāya therassa santikam gantvā ‘‘kattha gacchatha, bhante’’ ti? ‘‘Aham dakkhiṇadisam, upāsakā’’ ti. ‘‘Ahampi tattheva gantukāmo, saha gacchāma, bhante’’ ti. ‘‘Aham dubbalo; tava gatiyā gantum na sakkhissāmī; tvaṃ purato gaccha, upāsakā’’ ti. ‘‘Ahampi tumhākam gatiyā gamissāmī’’ ti therassa pattacīvaram aggahesi. Tissavāpipāḷim āruḷhakāle ca pattam āharāpetvā pānakam katvā adāsī. Therassa pītamatteyeva balamattā saṇṭhāti. Devatā pathaviṃ saṅkhipitvā veṇunadīsantike ekam chaḍḍitavīhāram patvā therassa vasanaʘṭṭhānam paʘijaggitvā adāsī.

Punadvise therena mukhe dhovitamatte yāguṃ pacitvā adāsī; yāguṃ pītassa bhattam pacitvā upanāmesi. Thero ‘‘tuyham ʘapehī, upāsakā’’ ti pattam hatthena pidahi. ‘‘Aham na dūram gamissāmī’’ ti devatā therasseva patte bhattam pakkhipitvā katabhattakiccassa therassa pattacīvaramādāya maggam paʘipannā pathaviṃ saṅkhipitvā jajjaranadīsantikam netvā ‘‘bhante, etam paṇṇakhādakamanussānam vasanaʘṭṭhānam, dhūmo paṇṇāyati. Aham purato gamissāmī’’ ti theram vanditvā attano bhavanam agamāsī. Thero sabbampi bhayakālam paṇṇakhādakamanusse nissāya vasi.

Isidattattheropi anupubbena cārikam caranto aḷajanapadam sampāpuṇi. Tattha manussā nātipakkāni madhukaphalāni bhinditvā aʘṭṭhiṃ ādāya tacam chaḍḍetvā agamamsu. Thero ‘‘āvuso mahāsoṇa, bhikkhāhāro paṇṇāyati’’ ti vatvā pattacīvaram āharāpetvā cīvaram pārupitvā pattam nīharitvā aʘṭṭhāsī. Taruṇadārakā theram ʘhitam disvā ‘iminā koci attho bhavissatī’ ti vālukam puñchitvā madhukaphalattacam patte pakkhipitvā adamso; therā paribhuñjimsu. Sattāhamattam soyeva āhāro aho.

Anupubbena coriyassaram sampāpuṇimsu. Manussā kumudāni gahetvā kumudanāle chaḍḍetvā agamamsu. Thero

“āvuso mahāsoṇa, bhikkhāhāro paññāyatī”ti vatvā pattacīvaram āharāpetvā cīvaram pārupitvā pattam nīharitvā aṭṭhāsi. Gāmadārakā kumudanāle sodhetvā patte pakkhipitvā adamsu; therā paribhuñjimsu. Sattāhamattam sova āhāro ahoṣi.

Anupubbena carantā paṇṇakhādakamanussānaṃ vasanaṭṭhāne ekaṃ gāmadvāraṃ sampāpuṇṇimsu. Tattha ekissā dārikāya mātāpitaro araṇṇiṃ gacchantā “sace koci ayyo āgacchati, katthaci gantum mā adāsi; ayyassa vasanaṭṭhānaṃ ācikkheyyāsi, amma”ti āhaṃsu. Sā there disvā pattam gahetvā nisīdāpesi. Gehe dhaññajāti nāma natthi. Vāsiṃ pana gahetvā guñjacocarukkhattacāṃ guñjalatāpattehi saddhiṃ ekato koṭṭetvā tayo piṇḍe katvā ekaṃ isidattattherassa ekaṃ mahāsoṇattherassa patte ṭhapetvā “atirekapiṇḍaṃ isidattattherassa patte ṭhapessāmi”ti hattham pasāresi. Hattho parivattitvā mahāsoṇattherassa patte patiṭṭhāpesi. Isidattatthero “brāhmaṇatissabhaye guñjacocapiṇḍe vipākādāyakammaṃ desakālasampadāya kīvapamānaṃ vipākaṃ dassatī”ti āha. Te taṃ paribhuñjitvā vasanaṭṭhānaṃ agamaṃsu. Sāpi araṇṇato āgatānaṃ mātāpitūnaṃ ācikkhi “dve therā āgatā. Tesam me vasanaṭṭhānaṃ ācikkhita”nti. Te ubhopi therānaṃ santikaṃ gantvā vanditvā “bhante, yaṃ mayaṃ labhāma, tena tumhe paṭijaggissāma; idheva vasathā”ti paṭiññaṃ gaṇhimsu. Therāpi sabbabhayakālaṃ te upanissāya vasiṃsu.

Brāhmaṇatissacore mate pitumahārājā chattam ussāpesi. “Bhayaṃ vūpasantaṃ, janapado sampuṇṇo”ti sutvā parasamuddato bhikkhusaṅgho nāvāya mahātitthapaṭṭane oruyha “mahāsoṇatthero kahaṃ vasatī”ti pucchitvā therassa santikaṃ agamāsi. Thero pañcasatabhikkhuparivāro kālakagāme maṇḍalārāmavihāraṃ sampāpuṇi. Tasmim samaye kālakagāme sattamattāni kulasatāni paṭivasanti. Rattibhāge devatā āhiṇḍitvā “mahāsoṇatthero pañcabhikkhusataparivāro maṇḍalārāmavihāraṃ patto. Ekeko navahatthasāṭakena saddhiṃ ekekakahāpaṇagghanakaṃ piṇḍapātaṃ detū”ti manusse avocuṃ. Punadivase ca therā kālakagāmaṃ piṇḍāya pavisiṃsu. Manussā nisīdāpetvā yāguṃ adamsu. Maṇḍalārāmavāsī tissabhūtithero saṅghatthero hutvā nisīdi. Eko mahāupāsako taṃ vanditvā “bhante, mahāsoṇatthero nāma kataro”ti pucchi. Tena samayena thero navako hoti pariyante nisinno. Thero hattham pasāretvā “mahāsoṇo nāma esa, upāsakā”ti āha. Upāsako taṃ vanditvā pattam gaṇhāti. Thero na deti. Tissabhūtithero “āvuso soṇa, yathā tvam na jānāsi, mayampi evameva na jānāma; puññavantānaṃ devatā paripācenti; pattam dehi, sabrahmacārīnaṃ saṅghaṃ karohī”ti āha. Thero pattam adāsi. Mahāupāsako pattam ādāya gantvā kahāpaṇagghanakassa piṇḍapātassa pūretvā navahatthasāṭakaṃ ādhāraṃ katvā āharitvā therassa hatthe ṭhapesi; aparopi upāsako therassāti satta sāṭakasatāni satta ca piṇḍapātatasatāni therasseva adamsu.

Thero bhikkhusaṅghassa saṃvibhāgaṃ katvā anupubbena mahāvihāraṃ pāpuṇitvā mukhaṃ dhovitvā mahābodhiṃ vanditvā mahācetiyaṃ vanditvā thūpārāme ṭhito cīvaram pārupitvā bhikkhusaṅghaparivāro dakkhiṇadvārena nagaraṃ pavisitvā dvārato yāva vaḷaṇjanakasālā etasmim antare saṭṭhikahāpaṇagghanakaṃ piṇḍapātaṃ labhi. Tato paṭṭhāya pana sakkārassa pamānaṃ natthi. Evaṃ kālavipattiyam madhukaphalattacopi kumudanāḷipi dullabhā jātā. Kālasampattiyam evarūpo mahālābho udapādi.

Vattabbakanigrodhattherassāpi sāmaṇerakāle brāhmaṇatissabhayaṃ udapādi. Sāmaṇero ca upajjhāyo cassa parasamuddam nāgamimsu; paṇṇakhādakamanusse upanissāya vasissāmā”ti paccantābhimukhā ahesuṃ. Sāmaṇero sattāhamattam anāhāro hutvā ekasmim gāmaṭṭhāne tālarukkhe tālapakkaṃ disvā upajjhāyaṃ āha – “bhante, thokaṃ āgametha; tālapakkaṃ pātesāmi”ti. “Dubbaloṣi tvam, sāmaṇera, mā abhiruhī”ti. “Abhiruhissāmi, bhante”ti khuddakavāsiṃ gahetvā tālam āruyha tālapiṇḍaṃ chinditum ārabhi. Vāsiphalaṃ nikkhamitvā bhūmiyaṃ pati.

Thero cintesi “ayaṃ kilantova rukkaṃ āruḷho; kiṃ nu kho idāni karissatī”ti sāmaṇero tālapaṇṇam phāletvā phāletvā vāsidaṇḍake bandhitvā ghaṭṭento ghaṭṭento bhūmiyaṃ pātetvā “bhante, sādhu vatassa sace vāsiphalaṃ ettha paveseyyāthā”ti āha. Thero “upāyasampanno sāmaṇero”ti vāsiphalaṃ pavasetvā adāsi. So vāsiṃ ukkhipitvā tālaphalāni pātesi. Thero vāsiṃ pātāpetvā pavattitvā gataṃ tālaphalaṃ bhinditvā sāmaṇeraṃ otiṇṇakāle āha “sāmaṇera, tvam dubbalo, idaṃ tāva khādāhi”ti. “Nāhaṃ, bhante, tumhehi akhādite khādissāmi”ti vāsiṃ gahetvā tālaphalāni bhinditvā pattam nīharitvā tālamiñjaṃ pakkhipitvā therassa datvā sayam khādi. Yāva tālaphalāni ahesuṃ, tāva tattheva vasitvā phalesu khīṇesu anupubbena paṇṇakhādakamanussānaṃ vasanaṭṭhāne ekaṃ chaḍḍitavihāraṃ pavisiṃsu. Sāmaṇero therassa vasanaṭṭhānaṃ paṭijaggi. Thero sāmaṇerassa ovādam datvā vihāraṃ pāvīsi. Sāmaṇero “anāyatane naṭṭhānaṃ attabhāvānaṃ pamānaṃ natthi, buddhānaṃ upaṭṭhānaṃ karissāmi”ti cetiyaṅgaṇam gantvā appaharitam karoti; sattāhamattam nirāhāratāya pavedhamāno patitvā nipannakova tiṇāni uddharati. Ekacce ca manussā araṇṇe carantā madhuṃ labhitvā dārūni ceva sākapaṇṇaṅca gahetvā tiṇacalanasaññāya “migo nu kho eso”ti sāmaṇerassa santikaṃ gantvā “kiṃ karosi, sāmaṇerā”ti āhaṃsu. “Tiṇagaṇṭhiṃ gaṇhāmi, upāsakā”ti. “Aññopi koci atthi, bhante”ti? “Āma, upāsakā, upajjhāyo me antogabbhe”ti. “Mahātherassa datvā khādeyyāsi, bhante”ti sāmaṇerassa madhuṃ datvā attano vasanaṭṭhānaṃ ācikkhitvā “mayaṃ sākhaḃhaṅgaṃ karontā gamissāma. Etāya saññāya theram gahetvā āgaccheyyāsi, ayyā”ti vatvā agamaṃsu.

Sāmaṇero madhuṃ gahetvā therassa santikaṃ gantvā bahi ṭhatvā “vandāmi, bhante”ti āha. Thero “sāmaṇero

jighacchāya anuḍayhamāno āgato bhavissatī”ti tuṅhī ahoṣi. So punapi “vandāmi, bhante”ti āha. “Kasmā, sāmaṇera, dubbalabhikkhūnaṃ sukkena nipajjitūṃ na deṣī”ti? “Dvāraṃ vivarituṃ sārappaṃ, bhante”ti? Thero uṭṭhahitvā dvāraṃ vivarivā “kiṃ te, sāmaṇera, laddhaṃ”ti āha. Manussehi madhu dinnāṃ, khādītūṃ sārappaṃ, bhante”ti? “Sāmaṇera, evameva khādītūṃ kilamissāma, pānakaṃ katvā pivissāma”ti. Sāmaṇero pānakaṃ katvā adāsī. Atha naṃ thero “manussānaṃ vasanaṭṭhānaṃ pucchasi, sāmaṇerā”ti āha. Sayameva ācikkhiṃsu, bhante”ti. “Sāmaṇera, pātova gacchantā kilamissāma; ajjeva gamissāma”ti pattacīvaraṃ gaṇhāpetvā nikkhami. Te gantvā manussānaṃ vasanaṭṭhānaṃ avidūre nipajjiṃsu.

Sāmaṇero rattibhāge cintesi – ‘mayā pabbajitakālato paṭṭhāya gāmaṃte aruṇaṃ nāma na uṭṭhāpitapubba’nti. So pattāṃ gahetvā aruṇaṃ uṭṭhāpetuṃ araṇṇaṃ agamāsī. Mahāthero sāmaṇeraṃ nipannaṭṭhāne apassanto ‘manussakhādakehi gahito bhavissatī’ti cintesi. Sāmaṇero araṇṇe aruṇaṃ uṭṭhāpetvā pattena udakañca dantakaṭṭhañca gahetvā āgami. “Sāmaṇera, kuhiṃ gatosi? Mahallakabhikkhūnaṃ te vitakko uppādito; daṇḍakammaṃ āhara”ti. “Āharissāmi, bhante”ti. Thero mukhaṃ dhovivā cīvaraṃ pārupi. Ubhopi manussānaṃ vasanaṭṭhānaṃ agamaṃsu. Manussāpi attano paribhogāṃ kandaṃūlaphalapaṇṇaṃ adāṃsu. Theropi paribhūñjitvā vihāraṃ agamāsī. Sāmaṇero udakaṃ āharitvā “pāde dhovāmi, bhante”ti āha. “Sāmaṇera, tvaṃ rattiṃ kuhiṃ gato? Amhākaṃ vitakkaṃ uppādesī”ti. “Bhante, gāmaṃte me aruṇaṃ na uṭṭhāpitapubbaṃ; aruṇuṭṭhāpanatthāya araṇṇaṃ agamāsī”nti. “Sāmaṇera, na tuyhaṃ daṇḍakammaṃ anucchavikaṃ amhākameva anucchavika”nti vatvā thero tasmiṃyeva ṭhāne vasi; sāmaṇerassa ca saññaṃ adāsī “mayaṃ tāva mahallakā; idaṃ nāma bhavissatī”ti na sakkā jānitūṃ. Tvaṃ attānaṃ rakkheyyāsī”ti. Thero kira anāgāmī. Taṃ aparabhāge manussakhādakā khādīṃsu. Sāmaṇero attānaṃ rakkhitvā bhaye vūpasante tathārūpe ṭhāne upajjhaṃ gāhāpetvā upasampanno buddhavacanaṃ uggahetvā tipītakadharo hutvā vattabbakanigrodhatthero nāma jāto.

Pitumahārājā rajjaṃ paṭipajji. Parasamuddā āgatāgata bhikkhū “kaṃ vattabbakanigrodhatthero, kaṃ vattabbakanigrodhatthero”ti pucchitvā tassa santikaṃ agamaṃsu. Mahābhikkhusaṅgho therāṃ parivāresi. So mahābhikkhusaṅghaparivuto anupubbena mahāvihāraṃ patvā mahābodhiṃ mahācetiyaṃ thūpārāmañca vanditvā nagaraṃ pāyāsī. Yāva dakkhiṇadvārā gacchantasseva navasu ṭhānesu ticīvaraṃ upapajji; antonagaraṃ pavitṭhakālato paṭṭhāya mahāsakkāro uppajji. Iti kālāvipattiyaṃ tālaphalakandaṃūlapaṇṇampi dullabhaṃ jātaṃ. Kālasampattiyaṃ evarūpo mahālābho uppannoti. Evaṃ kālāvipattiṃ paṭibāhitattā vipākaṃ dātuṃ asakkontāni kālasampattiṃ āgamma vipaccantīti pajānāti.

Aparassāpi bahūni kalyāṇakammāni honti. Tāni payogavipattiyaṃ ṭhitassa na vipacceyyuṃ. So pana ekena kalyāṇakammena sammāpayoge paṭiṭṭhito tīṇi sucaritāni pūreti, pañcasīlaṃ dasasīlaṃ rakkhati. Kālasampattiyaṃ nibbattassa rājāno sabbālaṅkārapatimaṇḍitā rājakaññāyo ‘etassa anucchavikā’ti pesenti, yānavāhanamaṇisuvannaṃ rajatādībhedāṃ taṃ taṃ paṇṇākāraṃ ‘etassa anucchavika’nti pesenti.

Pabbajjūpagatopi mahāyaso hoti mahānubhāvo. Tatridaṃ vatthu – kūṭakaṇṇarājā kira girigāmakāṇṇavāsikaṃ cūlasudhammattherāṃ mamāyati. So uppalavāpiyaṃ vasamāno therāṃ pakkosāpesi. Thero āgantvā mālārāmahāre vasati. Rājā therassa mātaraṃ pucchi – “kiṃ thero piyāyati”ti? “Kandaṃ mahārājā”ti. Rājā kandaṃ gāhāpetvā vihāraṃ gantvā therassa dadamaṇo mukhaṃ ulloketuṃ nāsakkhi. So nikkhamitvā ca bahipariveṇe devīṃ pucchi – “kīdiso thero”ti? “Tvaṃ puriso hutvā ulloketuṃ na sakkosi; ahaṃ kathaṃ sakkhissāmi? Nāhaṃ jānāmi kīdiso”ti. Rājā ‘mama raṭṭhe balikāragahapatiputtaṃ ulloketuṃ na visahāmi. Mahantaṃ vata bho buddhasānaṃ nāmā’ti apphoṭesi. Tipītakacūlanāgatharampi mamāyati. Tassa aṅguliyaṃ ekā piḷakā uṭṭhahi. Rājā ‘therāṃ passissāmī’ti vihāraṃ gantvā balavapemena aṅgulīṃ mukhena gaṇhi. Antomukheyeva piḷakā bhinnā, pubbalohitaṃ anuṭṭhubhitvā there sinehena amataṃ viya ajjhohari. Soyeva thero aparabhāge maraṇamañce nipajji. Rājā gantvā asucikapallakaṃ sīse ṭhapetvā ‘dhammasakaṭṭassa akkho bhijjati akkho bhijjati’ti paridevamāno vicari. Pathavissarassa asucikapallakaṃ sīsenā ukkhipitvā vicaraṇaṃ nāma kassa gatamaggo? Sammāpayogassa gatamaggoti. Evaṃ payogavipattiṃ paṭibāhitattā vipākaṃ dātuṃ asakkontāni payogasampattiṃ āgamma vipaccantīti pajānāti. Evaṃ catūhi vipattihi paṭibāhitaṃ kalyāṇakammaṃ vipākaṃ adatvā catasso sampattiyo āgamma deti.

Tatridaṃ bhūtamattaṃ katvā opammaṃ – eko kira mahārājā ekassa amaccassa appamattena kujjhitvā taṃ bandhanāgāre bandhāpesi. Tassa nītakā rañño kuddhabhāvaṃ nītvā kiñci avatvā caṇḍakope vigate rājānaṃ tassa niraparādhabhāvaṃ jānāpesuṃ. Rājā muñcitvā tassa ṭhānantaraṃ paṭipākatikaṃ akāsī. Athassa tato tato āgacchantānaṃ paṇṇākāraṇaṃ pamāṇaṃ nāhoṣi. Manussā sampāṭicchitūṃ nāsakkhiṃsu. Tattha rañño appamattakena kujjhitvā tassa bandhanāgāre bandhāpitakālo viya puthujjanaṃ niraye nibbattakālo. Athassa nītakehi rājānaṃ saññāpetvā ṭhānantarassa paṭipākatikakaraṇakālo viya tassa sagge nibbattakālo. Paṇṇākāraṃ sampāṭicchitūṃ asamattakālo viya catasso sampattiyo āgamma kalyāṇakammaṃ devalokato manussalokaṃ, manussalokato devalokanti evaṃ sukhaṭṭhānato sukhaṭṭhānameva netvā kappasatasahassampi sukhavipākaṃ datvā nibbānasampāpanaṃ veditabbaṃ.

Evam tāva pālīvaseneva dutiyam balaṃ dīpetvā puna “ahosi kammaṃ ahosi kammavipāko”ti (paṭi. ma. 1.234) iminā paṭisambhidānayanāpi dīpetabbaṃ. Tattha ‘**ahosi kamma**’nti atīte āyūhitam kammaṃ atīteyeva ahosi. Yena pana atīte vipāko dinno, tam sandhāya ‘**ahosi kammavipāko**’ti vuttaṃ. Diṭṭhadhammavedanīyādīsu pana bahūsupi āyūhitesu ekaṃ diṭṭhadhammavedanīyam vipākaṃ deti, sesāni avipākāni. Ekaṃ upapajjedanīyam paṭisandhiṃ ākaḍḍhati, sesāni avipākāni. Ekenānantariyena niraye upapajjati, sesāni avipākāni. Aṭṭhasu samāpattīsu ekāya brahmaloke nibbattati, sesā avipākā. Idam sandhāya ‘**nāhosi kammavipāko**’ti vuttaṃ. Yo pana bahumpi kusalākusalam kammaṃ katvā kalyāṇamittam nissāya arahattam pāpuṇāti, etassa kammavipāko ‘nāhosi’ nāma. Yam atīte āyūhitam etarahi vipākaṃ deti tam ‘**ahosi kammaṃ atthi kammavipāko**’ nāma. Yam purimanayeneva avipākataṃ āpajjati tam ‘**ahosi kammaṃ natthi kammavipāko**’ nāma. Yam atīte āyūhitam anāgate vipākaṃ dassati tam ‘**ahosi kammaṃ bhavissati kammavipāko**’ nāma. Yam purimanayena avipākataṃ āpajjissati tam ‘**ahosi kammaṃ na bhavissati kammavipāko**’ nāma.

Yam etarahi āyūhitam etarahiyeva vipākaṃ deti tam ‘**atthi kammaṃ atthi kammavipāko**’ nāma. Yam purimanayeneva avipākataṃ āpajjati tam ‘**atthi kammaṃ natthi kammavipāko**’ nāma. Yam etarahi āyūhitam anāgate vipākaṃ dassati tam ‘**atthi kammaṃ bhavissati kammavipāko**’ nāma. Yam purimanayeneva avipākataṃ āpajjissati tam ‘**atthi kammaṃ na bhavissati kammavipāko**’ nāma.

Yam sayampi anāgataṃ, vipākopissa anāgato tam ‘**bhavissati kammaṃ bhavissati kammavipāko**’ nāma. Yam sayam bhavissati, purimanayeneva avipākataṃ āpajjissati tam ‘**bhavissati kammaṃ na bhavissati kammavipāko**’ nāma.

**Idam tathāgatassāti** idam sabbehipi etehi ākārehi tathāgatassa kammantaravipākantarajānanaññaṃ akampiyatṭhena dutiyabalaṃ veditabbanti.

Dutiyabalaniddesavaṇṇanā.

### Tatīyabalaniddeso

**811.** Tatīyabalaniddese **maggoti** vā **paṭipadāti** vā kammassevetam nāmaṃ. **Nirayagāminī**tiādīsu nirassadaṭṭhena niratiatthena ca **nirayo**. Uddham anugantvā tiriyaṃ aṅcītāti tiracchānā; tiracchānāyeva **tiracchānayo**. Petatāya petti; ito pecca gatabhāvenāti attho. Pettiyeva **pettivisayo**. Manassa ussannatāya manussā; manussāva **manussaloko**. Dibbanti pañcahi kāmaguṇehi adhimattāya vā ṭhānasampattiyāti devā; devāva **devaloko**. Vānaṃ vuccati taṇhā; tam tattha natthīti **nibbānaṃ**. Nirayaṃ gacchatīti **nirayagāmī**. Idam maggaṃ sandhāya vuttaṃ. Paṭipadā pana nirayagāminī nāma hoti. Sesapadesupi eseva nayo. Idam sabbampi paṭipadam tathāgato pajānāti.

Katham? Sakalagāmaṃvāsikesupi hi ekato ekaṃ sūkaraṃ vā migam vā jīvītā voropentesu sabbesampi cetanā parassa jīvitindriyārammaṇāva hoti. Tam pana kammaṃ tesam āyūhanakkhaṇeyeva nānā hoti. Tesu hi eko ādarena chandaḍḍato karoti. Eko ‘ehi tvampi karohī’ti parehi nippīṭitattā karoti. Eko samānacchando viya hutvā appaṭibāhiyamāno vicarati. Tesu eko teneva kammaṃ niraye nibbattati, eko tiracchānayoṇiyam, eko pettivisaye. Tam tathāgato āyūhanakkhaṇeyeva ‘iminā nīhārena āyūhitattā esa niraye nibbattissati, esa tiracchānayoṇiyam, esa pettivisaye’ti pajānāti. Niraye nibbattamānampi ‘esa aṭṭhasu mahānirayesu nibbattissati, esa soḷasasu ussadanirayesu nibbattissati’ti pajānāti. Tiracchānayoṇiyam nibbattamānampi ‘esa apādako bhavissati, esa dvipādako, esa catuppādako, esa bahuppādako’ti pajānāti. Pettivisaye nibbattamānampi ‘esa nijjhāmatāṇhiko bhavissati, esa khuppipāsiko, esa paradattūpajīvī’ti pajānāti. Tesu ca kammesu ‘idam kammaṃ paṭisandhiṃ ākaḍḍhitum na sakkhissati, dubbalaṃ dinnāya paṭisandhiyā upadhivepakkaṃ bhavissatīti pajānāti.

Tathā sakalagāmaṃvāsikesu ekato piṇḍapātam dadamānesu sabbesampi cetanā piṇḍapātārammaṇāva hoti. Tam pana kammaṃ tesam āyūhanakkhaṇeyeva purimanayena nānā hoti. Tesu keci devaloke nibbattissanti, keci manussaloke. Tam tathāgato āyūhanakkhaṇeyeva ‘iminā nīhārena āyūhitattā esa manussaloke nibbattissati, esa devaloke’ti pajānāti. Devaloke nibbattamānānampi ‘esa paranimmitavasavattīsu nibbattissati, esa nimmānarattīsu, esa tusitesu, esa yāmesu, esa tāvatimmesu, esa cātumahārājikesu, esa bhummadevesu; esa pana jeṭṭhakadevarājā hutvā nibbattissati, esa etassa dutiyam vā tatiyam vā ṭhānantaram karonto paricārako hutvā nibbattissati’ti pajānāti. Manussesu nibbattamānānampi ‘esa khattiyakule nibbattissati, esa brāhmaṇakule, esa vessakule, esa suddakule; esa pana manussesu rājā hutvā nibbattissati, esa etassa dutiyam vā tatiyam vā ṭhānantaram karonto paricārako hutvā nibbattissati’ti pajānāti. Tesu ca kammesu ‘idam kammaṃ paṭisandhiṃ ākaḍḍhitum na sakkhissati, dubbalaṃ dinnāya paṭisandhiyā upadhivepakkaṃ bhavissatīti pajānāti.

Tathā vipassanam paṭṭhapentesuyeva yena nīhārena vipassanā āraddhā, ‘esa arahattam pāpuṇissati, esa arahattam



pattum na sakkhissati, esa anāgāmīyeva bhavissati, esa sakadāgāmīyeva, esa sotāpannoyeva; esa pana maggaṃ vā phalaṃ vā sacchikātuṃ na sakkhissati, lakkhaṇārammaṇāya vipassanāyameva ṭhassati; esa paccayapariggaheyyeva, esa nāmarūpariggaheyyeva, esa arūpariggaheyyeva, esa rūpariggaheyyeva ṭhassati, esa mahābhūtamattameva vavathāpessati, esa kiñci sallakkhetuṃ na sakkhissatiṃ ti pajānāti.

Kasiṇaparikkammaṃ karontesupi ‘etassa parikkammamattameva bhavissati, nimittaṃ uppādetuṃ na sakkhissati; esa pana nimittaṃ uppādetuṃ sakkhissati, appanaṃ pāpetuṃ na sakkhissati; esa appanaṃ pāpetvā jhānaṃ pādakaṃ katvā vipassanaṃ paṭṭhapetvā arahattaṃ gaṇhissatiṃ ti pajānāti.

Tatiyabalaniddesavaṇṇanā.

### Catutthabalaniddeso

**812.** Catutthabalaniddese **khandhanānattanti** ‘ayaṃ rūpakkhandho nāma...pe... ayaṃ viññānakkhandho nāmā’ ti evaṃ pañcannaṃ khandhānaṃ nānākaṇaṃ pajānāti. Tesupi ‘ekavidhena rūpakkhandho...pe... ekādasavidhena rūpakkhandho. Ekavidhena vedanākkhandho...pe... bahuvividhena vedanākkhandho...pe... ekavidhena saññākkhandho...pe... ekavidhena sañkhārakkhandho...pe... ekavidhena viññānakkhandho...pe... bahuvividhena viññānakkhandho’ ti evaṃ ekekassa khandhassa nānattaṃ pajānāti. **Āyatananānattanti** ‘idaṃ cakkhāyatanaṃ nāma... pe... idaṃ dhammāyatanaṃ nāma. Tattha dasāyatanaṃ kāmāvacarā, dve catubhūmakā’ ti evaṃ āyatananānattaṃ pajānāti. **Dhātunānattanti** ‘ayaṃ cakkhūdhātu nāma...pe... ayaṃ manoviññādhātu nāma. Tattha soḷasa dhātuyo kāmāvacarā, dve catubhūmakā’ ti evaṃ dhātunānattaṃ pajānāti.

Puna **anekadhātunānādhātulokanānattanti** idaṃ na kevalaṃ upādinnakasañkhāralokasseva nānattaṃ tathāgato pajānāti, anupādinnakasañkhāralokassāpi nānattaṃ tathāgato pajānātiyevāti dassetuṃ gahitaṃ. Paccekabuddhā hi dve ca aggasāvakaṃ upādinnakasañkhāralokassāpi nānattaṃ ekadesatova jānanti no nippadesato, anupādinnakalokassa pana nānattaṃ na jānanti. Sabbaññubuddho pana ‘imāya nāma dhātuyā ussannāya imassa nāma rukkhassa khandho seto hoti, imassa kāḷako, imassa maṭṭo; imassa bahalattaco, imassa tanuttaco; imāya nāma dhātuyā ussannāya imassa rukkhassa pattamaṃ vaṇṇasañṭhānādivasena evarūpaṃ nāma hoti; imāya pana dhātuyā ussannāya imassa rukkhassa pupphaṃ nīlakaṃ hoti, pītakaṃ, lohitaṃ, odātaṃ, sugandhaṃ, duggandhaṃ hoti; imāya nāma dhātuyā ussannāya imassa phalaṃ khuddakaṃ hoti, mahantaṃ, dīghaṃ, rassaṃ, vaṭṭaṃ, susaṅṭhānaṃ, dussaṅṭhānaṃ, maṭṭhaṃ, pharuṣaṃ, sugandhaṃ, duggandhaṃ, madhuraṃ, tittakaṃ, ambilaṃ, kaṭukaṃ, kasāvaṃ hoti; imāya nāma dhātuyā ussannāya imassa rukkhassa kaṇṭako tikhiṇo hoti, atikhiṇo, ujuko, kuṭilo, tambo, kāḷako, nīlo, odāto hoti’ ti evaṃ anupādinnakasañkhāralokassa nānattaṃ pajānāti. Sabbaññubuddhānaṃyeva hi etaṃ balaṃ, na aññesanti.

Catutthabalaniddesavaṇṇanā.

### Pañcamabalaniddeso

**813.** Pañcamabalaniddese **hīnādhimuttikāti** hīnajjhāsaya. **Pañitādhimuttikāti** kalyāṇajjhāsaya. **Sevanti** nissayanti allīyanti. **Bhajanānti** upasaṅkamanti. **Payirupāsanti** punappunaṃ upasaṅkamanti. Sace hi ācariyupajjhāyā na sīlavanto honti, saddhivihārikā sīlavanto honti, te attano ācariyupajjhāyepi na upasaṅkamanti, attanā sadise sārubbhikkhūyeva upasaṅkamanti. Sace ācariyupajjhāyā sārubbhikkhū, itare asārubbhā, tepi na ācariyupajjhāyeva upasaṅkamanti, attanā sadise hīnādhimuttike eva upasaṅkamanti.

Evaṃ upasaṅkamaṇaṃ pana na kevalaṃ etaraheva, atītānāgatepīti dassetuṃ **atītampi addhānanti**ādīmāha. Taṃ uttānatthameva. Idaṃ pana dussīlānaṃ dussīlasevanameva, sīlavantānaṃ sīlavantasevanameva, duppaññānaṃ duppaññasevanameva, paññavantānaṃ paññavantasevanameva ko niyāmetīti? Ajjhāsaya dhātu niyāmeti. Sambahulā kira bhikkhū ekaṃ gāmaṃ gaṇabhikkhācāraṃ caranti. Manussā bahubhattaṃ āharitvā pattāni pūretvā ‘tumahākaṃ yathāsabhāgena paribhuññathā’ ti datvā uyyojesuṃ. Bhikkhūpi āhaṃsu ‘āvuso, manussā dhātusaṃyuttakamme payojenti’ ti. Tipiṭakacūḷābhayaṭṭheropi nāgādīpe cetiyaṃ vandanāya pañcahi bhikkhusatehi saddhiṃ gacchanta ekasmiṃ gāme manussehi nimantito. Therena ca saddhiṃ eko asārubbhikkhū atthi. Dhuravīhārepi eko asārubbhikkhū atthi. Dvīsu bhikkhusaṅghesu gāmaṃ osarantesu te ubhopi janā, kiñcāpi āgantukena nevāsiko nevāsikena vā āgantuko na diṭṭhapubbo, evaṃ santepi, ekato hutvā hasitvā hasitvā kathayamānā ekamantaṃ aṭṭhaṃsu. Thero dīsvā ‘sammāsambuddhena jānitvā dhātusaṃyuttaṃ kathita’ nti āha.

Evaṃ ‘ajjhāsaya dhātu niyāmeti’ ti vatvā dhātusaṃyuttena ayamevattho dīpetabbo. Gijjhakūṭapabbatasmiñhi gilānaseyyāya nipanno bhagavā ārakkhāntthāya parivāretvā vasantesu sārīputtamoggallānādīsu ekamekaṃ attano attano parisāya saddhiṃ caṅkamantaṃ oloketvā bhikkhū āmantesi ‘passatha no tumhe, bhikkhave, sārīputtaṃ

sambahulehi bhikkhūhi saddhiṃ caṅkamanta’nti? “Evaṃ, bhante”ti. “Sabbe kho ete, bhikkhave, bhikkhū mahāpañña”ti (saṃ. ni. 2.99) sabbaṃ vitthāretabbanti.

Pañcamabalaniddesavaṇṇanā.

### Chaṭṭhabalaniddeso

**814.** Chaṭṭhabalaniddese āsayanti yattha sattā āsayanti nivasanti, taṃ tesam nivāsaṭṭhānaṃ diṭṭhigataṃ vā yathābhūtaṃ ñāṇaṃ vā. **Anusayanti** appahīnānusayitaṃ kilesaṃ. **Caritanti** kāyādīhi abhisaṅkhatam kusalākusalam. **Adhimuttanti** ajjhāsayam. **Apparajakkheti**ādīsu paññāmaye akkhimhi appam parittaṃ rāgadosamoharajam etesanti **apparajakkhā**. Tasseva mahantatāya **mahārajakkhā**. Ubhayenāpi mandakilese mahākilese ca satte dasseti. Yesam saddhādīni indriyāni tikkhāni, te **tikkhindriyā**. Yesam tāni mudūni, te **mudindriyā**. Yesam āsayādayo koṭṭhāsā sundarā, te **svākārā**. Viparītā **dvākārā**. Ye kathitakāraṇam sallakkhenti, sukkena sakkā honti viññāpetum, te **suviññāpayā**. Viparītā **duviññāpayā**. Ye ariyamaggaṭṭhavedhassa anucchavikā upanissayasampannā, te **bhabbā**. Viparītā **abhabbā**.

**815.** Evaṃ chaṭṭhabalassa mātikaṃ ṭhapetvā idāni yathāpaṭipāṭiyā bhājento **katamo ca sattānaṃ āsayoti**ādīmāha. Tattha **sassato lokoti**ādīnaṃ attho heṭṭhā nikkhepakaṇḍavaṇṇanāyaṃ (dha. sa. aṭṭha. 1105) vuttoyeva. **Iti bhavadiṭṭhisannissitā vāti** evaṃ sassatadiṭṭhim vā sannissitā. Sassatadiṭṭhi hi ettha bhavadiṭṭhī vuttā; ucchedadiṭṭhi ca vibhavadiṭṭhī. Sabbadiṭṭhīnañhi sassatucchedadiṭṭhi hi saṅgahitattā sabbe diṭṭhigatikā sattā imāva dve diṭṭhiyo sannissitā honti. Vuttampi cetam – “dvayasannissito kho panāyam, kaccāna, loko yebhuyyena – atthitañceva natthitañcā”ti (saṃ. ni. 2.15). Ettha hi **atthitāti** sassatam, **natthitāti** ucchedo. Ayaṃ tāva vaṭṭasannissitānaṃ puthujjanasattānaṃ āsayo.

Idāni vivaṭṭasannissitānaṃ suddhasattānaṃ āsayam dassetum **ete vā pana ubho ante anupagammāti**ādī vuttam. Tattha **ete vā panāti** eteyeveva. **Ubho anteti** sassatucchedasaṅkhāte dve ante. **Anupagammāti** anallīyivā. **Idappaccayatā paṭiccasamuppannesu dhammesūti** idappaccayatāya ceva paṭiccasamuppannadhammesu ca. **Anulomikā khantīti** vipassanāñāṇam. **Yathābhūtam vā ñāṇanti** maggañāṇam. Idaṃ vuttam hoti – yā paṭiccasamuppāde ceva paṭiccasamuppannadhammesu ca ete ubho sassatucchedaante anupagantvā vipassanā paṭiladdhā, yañca tato uttarimaggañāṇam – ayaṃ sattānaṃ āsayo, ayaṃ vaṭṭasannissitānañca vivaṭṭasannissitānañca sabbesampi sattānaṃ āsayo, idaṃ vasaṇaṭṭhānanti. Ayaṃ ācariyānaṃ samānatthakathā.

Vitaṇḍavādī panāha – ‘maggo nāma vāsam viddhamsentō gacchati, nanu tvaṃ maggo vāsoti vadesī’ti? So vattabbo ‘tvaṃ ariyavāsabhāṇako hosi na hosī’ti? Sace pana ‘na homī’ti vadati, ‘abhāṇakatāya na jānāsī’ti vattabbo. Sace ‘bhāṇakosmī’ti vadati, ‘suttaṃ āharā’ti vattabbo. Sace āharati, iccetam kusalam; no ce āharati sayam āharitabbaṃ – “dasayime, bhikkhave, ariyavāsā, ye ariyā āvasimsu vā āvasanti vā āvasissanti vā”ti (a. ni. 10.19). Etañhi suttaṃ maggassa vāsabhāvaṃ dīpeti. Tasmā sukathitamevetanti. Idaṃ pana bhagavā sattānaṃ āsayam jānanto imesañca diṭṭhigatānaṃ vipassanāñāṇamaggañāṇam appavattikkhaṇepi jānāti eva. Vuttampi cetam –

“Kāmaṃ sevantaññeva jānāti ‘ayaṃ puggalo kāmagaruko kāmasayo kāmadhimutto’ti. Nekkhammaṃ sevantaññeva jānāti ‘ayaṃ puggalo nekkhammagaruko nekkhammasayo nekkhammadhimutto’ti. Byāpādam... pe... abyāpādam... thinamiddham... pe... ālokasaññaṃ nekkhammaṃ sevantaññeva jānāti sevantaññeva jānāti ‘ayaṃ puggalo ālokasaññaṅgaruko ālokasaññaṅgasayo ālokasaññaḍhimutto’ti (paṭi. ma. 1.113).

**816.** Anusayaniddese kāmarāgo ca so appahīnaṭṭhena anusayo cāti **kāmarāgānusayo**. Sesapadesupi eseve nayo. **Yaṃ loke piyarūpanti** yaṃ imasmiṃ loke piyājātikaṃ. **Sātarūpanti** sātajātikaṃ assādapadaṭṭhānaṃ iṭṭhārammaṇam. Ettha **sattānaṃ rāgānusayo anuseti**ti etasmiṃ iṭṭhārammaṇe sattānaṃ appahīnaṭṭhena rāgānusayo anuseti. Yathā nāma udake nimuggassa heṭṭhā ca upari ca samantabhāge ca udakameva hoti, evameva iṭṭhārammaṇe rāgupatti nāma sattānaṃ āciññasamāciññā. Tathā aniṭṭhārammaṇe paṭighuppatti. **Iti imesu dvīsu dhammesūti** evaṃ imesu dvīsu kāmarāgapaṭighavantesu iṭṭhāniṭṭhārammaṇadhammesu. **Avijjānupatitāti** kāmarāgapaṭighasampayuttā hutvā ārammaṇakaraṇavasena avijjā anupatitā. **Tadekaṭṭhoti** tāya avijjāya sampayuttekaṭṭhavasena ekaṭṭho. **Māno ca diṭṭhi ca vicikicchā cāti** navavidho māno, dvāsaṭṭhividhā diṭṭhi, aṭṭhavatthukā ca vicikicchā. **Bhavarāgānusayo** panettha kāmarāgānusayeneva saṅgahitoti veditabbo.

**817.** Caritaniddese terasa cetanā **puññābhisaṅkhāro**, dvādasa **apuññābhisaṅkhāro**, catasso **āneñjābhisaṅkhāro**. Tattha kāmāvacaro **parittabhūmako**, itaro **mahābhūmako**. Tīsupi vā etesu yo koci appavipāko parittabhūmako, bahuvipāko mahābhūmakoti veditabbo.

**818.** Adhimuttiniddeso heṭṭhā pakāsītova. Kasmā panāyaṃ adhimutti heṭṭhā vuttāpi puna gahitāti? Ayañhi heṭṭhā paṭiyekkaṃ baladassanavasena gahitā, idha sattānaṃ tikkhindriyamudindriyabhāvadassanattamaṃ.

**819.** Mahārajakkhaniddese **ussadagatānīti** vepullagatāni. Pahānakkamavasena cesa uppaṭipāṭiyā niddeso kato.

**820. Anussadagatānīti** avepullagatāniṃ. Tikkhindriyamudindriyaniddese upanissayaindriyāni nāma kathitāni. Upaṭipāṭiyā niddese panettha payojanaṃ heṭṭhā vuttanayeneva vedittabbaṃ.

**823.** Tathā dvākāraniddesādīsu **pāpāsayaṭi** akusalāsaya. **Pāpacaritāti** apuññābhisaṅkhāraparipūrakā. **Pāpādhimuttikāti** sakkāyābhīratā vaṭṭajjhāsaya.

**824.** Svākāraniddese yasmā kalyāṇako nāma anusayo natthi, tasmā kalyāṇānusayaṭi na vuttaṃ. Sesama vuttavipariyāyena vedittabbaṃ.

**826.** Bhabbābhabbaniddese **kammāvaraṇenāti** pañcavidhena ānantariyakammena. **Kilesāvaraṇenāti** niyatamicchādiṭṭhiyā. **Vipākāvaraṇenāti** ahetukapaṭisandhiyā. Yasmā pana duhetukānampi ariyamaggapaṭivedho natthi, tasmā duhetukapaṭisandhipi vipākāvaraṇamevāti vedittabba. **Assaddhāti** buddhādīsu saddhārahitā. **Acchādikāti** kattukamyatākusalacchandarahitā. Uttarakurukā manussā acchādikapaṭṭhānaṃ pavittā. **Duppaññāti** bhavaṅgaṇāyā parihiṇā. Bhavaṅgaṇāyā pana paripuṇṇāyapi yassa bhavaṅgaṃ lokuttarassa pādakaṃ na hoti, so duppaññoyeva nāma. **Abhabbā niyāmaṃ okkamituṃ kusalesu dhammesu sammattanti** kusalesu dhammesu sammattaniyāmasaṅkhātamaṃ maggaṃ okkamituṃ abhabbā.

**827. Na kammāvaraṇenāti**ādīni vuttavipariyāyena vedittabbaṇi. Idama dvinnama ñāṇānaṃ bhājanīyama – indriyaparopariyattināṇassa ca āsayānusayañāṇassa ca. Ettha hi āsayānusayañāṇena indriyaparopariyattināṇampi bhājitama. Iti imāni dve ñāṇāni ekato hutvā ekaṃ balañānaṃ nāma jātanti.

Chaṭṭhabalaniddesavaṇṇanā.

### Sattamabalaniddeso

**828.** Sattamabalaniddese jhāyati **jhāyī**. **Cattāro jhāyīti** jhāyino cattāro janā vuccanti. Tattha paṭhamacatukka tava paṭhamo samāpattilābhī samānoyeva ‘na lābhīmhi’ti, kammaṭṭhānaṃ samānaṃyeva ‘na kammaṭṭhāna’nti saññī hoti. Ayaṃ appaṇaṃjāhānalābhīti vedittabbo. Duttiyo samāpattiyā alābhīyeva ‘lābhīmhi’ti, akammaṭṭhānaṃ samānaṃyeva ‘kammaṭṭhāna’nti saññī hoti. Ayaṃ niddājhāyī nāma. Niddāyitvā paṭibuddho evama maññati. Tatiyo samāpattilābhī samāno ‘samāpattilābhīmhi’ti, kammaṭṭhānameva samānaṃ ‘kammaṭṭhāna’nti saññī hoti. Ayaṃ paguṇaṃjāhānalābhīti vedittabbo. Catuttho alābhīyeva ‘alābhīmhi’ti, akammaṭṭhānaṃyeva ‘akammaṭṭhāna’nti saññī hoti. Evamettha dve janā ajjhāyino va jhāyīnaṃ anto pavittattā jhāyīti vuttā.

Dutiyaecatukka sasaṅkhārena sappayogena samādhīparibandhikadhamme vikkhambhento **dandama samāpajjati** nāma. Ekaṃ dve cittavāre ṭhatvā sahasā vuṭṭahantā **khippama vuṭṭahati** nāma. Sukheneva pana samādhīparibandhikadhamme sodhento **khippama samāpajjati** nāma. Yathāparicchedena avuṭṭahitvā kālaṃ atināmetvā vuṭṭahanto **dandama vuṭṭhāti** nāma. Itare dvepi imināva nayena vedittabba. Ime cattāropi janā samāpattilābhīnova.

Tatiyaecatukka ‘idama jhānaṃ pañcaṅgikaṃ, idama caturaṅgika’nti evama aṅgavavattānāparicchede cheko **samādhīmaṃ samādhīkusalo** nāma. Nīvaraṇāni pana vikkhambhetvā cittamañjūsāya cittaṃ ṭhapetuṃ acheke **no samādhīmaṃ samāpattikusalo** nāma. Itarepi tayo imināva nayena vedittabba. Imepi cattāro samāpattilābhīnoyeva.

Idāni yāni jhānāni nissāya ime puggalā ‘jhāyī’ nāma jātā, tāni dassetuṃ **cattāri jhānānīti**ādīmāha. Tattha cattāri jhānāni tayo ca vimokkha atthato heṭṭhā dhammasaṅgahaṭṭhakathāyameva (dha. sa. aṭṭha. 160, 248) pakāsītā. Sesānampi vimokkhaṭṭho tattha vuttanayeneva vedittabbo. Apicettha paṭipāṭiyā satta appitappitakkhaṇe paccanīkadhammehi vimuccanato ca ārammaṇe ca adhimuccanato **vimokkho** nāma. Aṭṭhamo pana sabbaso saññāvedayitehi vimuttatā apagatavimokkho nāma. Samādhīsu catukkanayapañcakanayesu paṭhamajjhānasamādhī **savitakkasavicāro** nāma. Pañcakanaye duttiyajjhānasamādhī **avitakkavicāramattasamādhī** nāma. Catukkanayepi pañcakanayepi upari tīsu jhānesu samādhī **avitakka avicārasamādhī** nāma. Samāpattīsu hi paṭipāṭiyā aṭṭhannaṃ samāpattīnaṃ ‘samādhī’tipi nāmaṃ ‘samāpattī’tipi. Kasmā? Cittekkaggatāsabbhāvato. Nirodhasamāpattiyā tadabhāvato na samādhīti nāmaṃ.

**Hānabhāgiyo dhammoti** appaguṇehi paṭhamajjhānādīhi vuṭṭhitassa saññāmanasikārānaṃ kāmāḍānupakkhandanaṃ. **Visesabhāgiyo dhammoti** paguṇehi paṭhamajjhānādīhi vuṭṭhitassa saññāmanasikārānaṃ dutiyajjhānāḍānupakkhandanaṃ. **Vodānampi vuṭṭhānanti** iminā paguṇavodānaṃ vuṭṭhānaṃ nāma kathitaṃ. Heṭṭhimaṃ heṭṭhimañhi paguṇajjhānaṃ uparimassa uparimassa padaṭṭhānaṃ hoti. Tasmā vodānampi vuṭṭhānanti vuttaṃ. **Tamhā tamhā samādhimhā vuṭṭhānampi vuṭṭhānanti** iminā bhavaṅgavuṭṭhānaṃ nāma kathitaṃ. Bhavaṅgena hi sabbajjhānehi vuṭṭhānaṃ hoti. Nirodhato pana phalasaṃpattiyāva vuṭṭhahanti. Idaṃ pālīmuttakavuṭṭhānaṃ nāmāti.

Sattamabalaniddesavaṇṇanā.

### Aṭṭhamabalādiniddeso

**829.** Aṭṭhamabalaniddese **anekavihitaṃ pubbenivāsantiādi** sabbampi visuddhimagge vitthāritameva. Navamabalaniddese **dibbena cakkhunātiādi** sabbam tattheva vitthāritaṃ.

Navamabalaniddesavaṇṇanā.

### Dasamabalaniddeso

**831.** Dasamabalaniddese **cetovimuttinti** phalasaṃādhiṃ. **Paññāvimuttinti** phalañānaṃ. Sesam sabbattha uttānatthameva. Ayaṃ tāvettha ācariyānaṃ samānatthakathā. Paravādī panāha – “dasabalañānaṃ nāma pāṭiyekkaṃ natthi, sabbaññutañānaṃ pabhedo”ti. Tam na tathā daṭṭhabbaṃ. Aññameva hi dasabalañānaṃ, aññam sabbaññutañānaṃ. Dasabalañānañhi sakasakakiccameva jānāti. Sabbaññutañānaṃ pana tampi tato avasesampi jānāti. Dasabalañānesupi hi paṭhamaṃ kāraṇākāraṇameva jānāti, dutiyaṃ kammantaravipākantaremeva, tatiyaṃ kammaṃparicchedameva, catutthaṃ dhātunānattakaraṇameva, pañcamaṃ sattānaṃ ajjhāsayaḍhimuttimeva, chaṭṭhaṃ indriyānaṃ tikkhamudubhāvameva, sattamaṃ jhānādīhi saddhiṃ tesam saṃkilesādimeva, aṭṭhamaṃ pubbenivutthakhandhasantatimeva, navamaṃ sattānaṃ cutipaṭisandhimeva, dasamaṃ saccaparicchedameva. Sabbaññutañānaṃ pana etehi jānitabbañca tato uttaritarañca pajānāti. Etesam pana kiccaṃ na sabbam karoti. Tañhi jhānaṃ hutvā appetuṃ na sakkoti, iddhi hutvā vikubbituṃ na sakkoti, maggo hutvā kilese khetpetuṃ na sakkoti.

Apica paravādī evaṃ pucchitabbo – “dasabalañānaṃ nāma etaṃ savitakkasavicāraṃ, avitakkavicāramattaṃ, avitakkāvicāraṃ, kāmāvacaraṃ, rūpāvacaraṃ, arūpāvacaraṃ, lokiyaṃ, lokuttara”nti? Jānanto “paṭipāṭiyā satta ñāṇāni savitakkasavicārāni”ti vakkhati; tato “parāni dve ñāṇāni avitakkāvicārāni”ti vakkhati; “āsavakkhayañānaṃ siyā savitakkasavicāraṃ, siyā avitakkavicāramattaṃ, siyā avitakkavicāra”nti vakkhati. Tathā “paṭipāṭiyā satta kāmāvacarāni, tato dve rūpāvacarāni, avasāne ekaṃ lokuttara”nti vakkhati; “sabbaññutañānaṃ pana savitakkasavicārameva, kāmāvacarameva, lokiyamevā”ti vakkhati. Iti aññadeva dasabalañānaṃ, aññam sabbaññutañānanti.

Sammohavinodaniyā vibhaṅgaṭṭhakathāya

Ñāṇavibhaṅgavaṇṇanā niṭṭhitā.

## 17. Khuddakavatthuvibhaṅgo

### 1. Ekakamātikādivaṇṇanā

**832.** Idāni tadanantare khuddakavatthuvibhaṅgepi paṭhamaṃ mātikaṃ ṭhapetvā nikkhittapadānukkamena niddeso kato. Tatrāyaṃ nikkheparicchedo. Ādīto tāva **jātimadotiādayo** tesattati ekakā nikkhittā, tato **kodho ca upanāho cātiādayo** aṭṭhārasa dukā, **akusalamūlādayo** pañcatimsa tikā, **āsavacatukkādayo** cuddasa catukkā, **orambhāgiyasamyojanādayo** pannarasa pañcakā, **vivādamūlādayo** cuddasa chakkā, **anusayādayo** satta sattakā, **kilesavatthuādayo** aṭṭha aṭṭhakā, **āghātavatthuādayo** nava navakā, **kilesavatthuādayo** satta dasakā, **ajjhattikassa upādāya aṭṭhārasa taṇhāvicarītāniādayo** cha aṭṭhārasakāti sabbānīpi etāni aṭṭha kilesasatāni nikkhittānti veditabbāni. Ayaṃ tāva nikkheparicchedo.

### (1.) Ekakaniddesavaṇṇanā

**843-844.** Idāni yathānikkhittāya mātikāya **tattha katamo jātimadotiādinā** nayena āradde niddesavāre **jātim**

**paṭiccāti** jātiṃ nissāya. Ettha ca atthipaṭiccaṃ nāma kathitaṃ, tasmā jātiyā satīti ayamettha attho. **Gottaṃ paṭiccāti**ādīsipi eseva nayo. Madanavasena **mado**. Majjanākāro **majjanā**. Majjitabhāvo **majjitattaṃ**. **Māno maññanā**tiādīni heṭṭhā dhammasaṅgahaṭṭhakathāyaṃ (dha. sa. aṭṭha. 1121) vuttatthāneva. **Ayaṃ vuccatīti** ayaṃ evaṃ jātiyā sati taṃ jātiṃ nissāya uppanno majjanākārappavatto māno **jātimadoti** vuccati. Svāyaṃ khattiyādīnaṃ catunnampi vaṇṇaṇaṃ uppajjati. Jātisampanno hi khattiyō ‘mādiso añño natthi. Avasesā antarā uṭṭhāya khattiyā jātā. Ahaṃ pana vaṃsāgatakhattiyō’ ti mānaṃ karoti. Brāhmaṇādīsipi eseva nayo. Gottamadaniddesādīsipi imināvupāyena attho veditabbo. Khattiyopi hi ‘ahaṃ koṇḍaññaḡotto, ahaṃ ādiccagotto’ ti mānaṃ karoti. Brāhmaṇopi ‘ahaṃ kassapagotto, ahaṃ bhāradvāḡagotto’ ti mānaṃ karoti. Vessopi suddopi attano attano kulagottaṃ nissāya mānaṃ karoti. Aṭṭhārasāpi seṇiyo ‘ekissā seṇiyā jātamhā’ ti mānaṃ karontiyeva.

Ārogyamadādīsū ‘ahaṃ arogo, avasesā rogabahulā, gadduhanamattampi mayhaṃ byādhi nāma natthī’ ti majjanavasena uppanno māno **ārogyamado** nāma.

‘Ahaṃ taruṇo, avasesasattānaṃ attabhāvo papāte ṭhitarukkhasadiso, ahaṃ pana paṭhamavaye ṭhito’ ti majjanavasena uppanno māno **yobbanamado** nāma.

‘Ahaṃ ciraṃ jīviṃ, ciraṃ jīvāmi, ciraṃ jīvissāmi; sukhaṃ jīviṃ, sukhaṃ jīvāmi, sukhaṃ jīvissāmi’ ti majjanavasena uppanno māno **jivitamado** nāma.

‘Ahaṃ lābhī, avasesā sattā appalābhā, mayhaṃ pana lābhassa pamāṇaṃ nāma natthī’ ti majjanavasena uppanno māno **lābhamado** nāma.

‘Avasesā sattā yaṃ vā taṃ vā labhanti, ahaṃ pana sukataṃ paṇītaṃ cīvarādipaccayaṃ labhāmi’ ti majjanavasena uppanno māno **sakkāramado** nāma.

‘Avasesabhikkhūnaṃ pādapiṭṭhiyaṃ akkamitvā gacchantā manussā ayaṃ samaṇotipi na vandanti, maṃ pana disvāva vandanti, pāsāṇacchattaṃ viya garuṃ katvā aggikkhandhaṃ viya ca durāsadaṃ katvā maññanti’ ti majjanavasena uppanno māno **garukāramado** nāma.

‘Uppanno pañho mayhameva mukhena chijjati, bhikkhācāraṃ gacchantāpi mameva purato katvā parivāretvā gacchantī’ ti majjanavasena uppanno māno **purekkhāramado** nāma.

Agārikassa tāva mahāparivārassa ‘purisasatampi purisasahassampi maṃ parivāreti,’ anagāriyassa pana ‘samaṇasatampi samaṇasahassampi maṃ parivāreti, sesā appaparivārā, ahaṃ mahāparivāro ceva suciparivāro cā’ ti majjanavasena uppanno māno **parivāramado** nāma.

Bhogo pana kiñcāpi lābhaggahaṇeneva gahito hoti, imasmiṃ pana ṭhāne nikkheparāsī nāma gahito; tasmā ‘avasesā sattā attano paribhogamattampi na labhanti, mayhaṃ pana nidhānagatasseva dhanassa pamāṇaṃ natthī’ ti majjanavasena uppanno māno **bhogamado** nāma.

**Vaṇṇaṃ paṭiccāti** sarīravaṇṇampi guṇavaṇṇampi paṭicca. ‘Avasesā sattā dubbaṇṇā durūpā, ahaṃ pana abhirūpo pāsādiko; avasesā sattā nigguṇā patthaṭaakittino, mayhaṃ pana kittisaddo devamanussesu pākaṭo – itipi thero bahussuto, itipi sīlavā, itipi dhutaguṇayutto’ ti majjanavasena uppanno māno **vaṇṇamado** nāma.

‘Avasesā sattā appassutā, ahaṃ pana bahussuto’ ti majjanavasena uppanno māno **sutamado** nāma.

‘Avasesā sattā appaṭibhānā, mayhaṃ pana paṭibhānassa pamāṇaṃ natthī’ ti majjanavasena uppanno māno **paṭibhānamado** nāma.

‘Ahaṃ rattaññū asukaṃ buddhavaṃsaṃ, rājavaṃsaṃ, janapadavaṃsaṃ, gāmaṃsaṃ, rattindivaparicchedaṃ, nakkhattamuhuttayogaṃ jānāmi’ ti majjanavasena uppanno māno **rattaññumado** nāma.

‘Avasesā bhikkhū antarā piṇḍapātikā jātā, ahaṃ pana jātipiṇḍapātiko’ ti majjanavasena uppanno māno **piṇḍapātikamado** nāma.

‘Avasesā sattā uññātā avaññātā, ahaṃ pana anuññāto anavaññāto’ ti majjanavasena uppanno māno **anavaññātamado** nāma.

‘Avasesānaṃ iriyāpatho apāsādiko, mayhaṃ pana pāsādiko’ti majjanavasena uppanno māno **iriyāpathamado** nāma.

‘Avasesā sattā chinnapakkhakākasadisā, ahaṃ pana mahiddhiko mahānubhāvo’ti vā ‘ahaṃ yaṃ yaṃ kammaṃ karomi, taṃ taṃ ijjhatī’ti vā majjanavasena uppanno māno **iddhimado** nāma.

Heṭṭhā parivāraggaṇena yaso gahitova hoti. Imasmiṃ pana ṭhāne **upaṭṭhākamado** nāma gahito. So agārikenapi anagārikenapi dīpetabbo. Agāriko hi ekacco aṭṭhārasasu seṅṅisu ekissā jeṭṭhako hoti, tassa ‘avasese purise ahaṃ paṭṭhapemi, ahaṃ vicāremī’ti; anagārikopi ekacco katthaci jeṭṭhako hoti, tassa ‘avasesā bhikkhū mayhaṃ ovāde vattanti, ahaṃ jeṭṭhako’ti majjanavasena uppanno māno **yasamado** nāma.

‘Avasesā sattā dussīlā, ahaṃ pana sīlavā’ti majjanavasena uppanno māno **sīlamado** nāma. ‘Avasesasattānaṃ kukkuṭassa udakapānamattepi kāle cittekaggatā natthi, ahaṃ pana upacārappanānaṃ lābhī’ti majjanavasena uppanno māno **jhānamado** nāma.

‘Avasesā sattā nissippā, ahaṃ pana sippavā’ti majjanavasena uppanno māno **sippamado** nāma. ‘Avasesā sattā rassā, ahaṃ pana dīgho’ti majjanavasena uppanno māno **ārohamado** nāma. ‘Avasesā sattā rassā vā honti dīghā vā, ahaṃ nigrodhparimaṇḍalo’ti majjanavasena uppanno māno **pariñāhamado** nāma. ‘Avasesasattānaṃ sarīrasaṅṭhānaṃ virūpaṃ bībhacchaṃ, mayhaṃ pana manāpaṃ pāsādika’nti majjanavasena uppanno māno **saṅṭhānamado** nāma. ‘Avasesānaṃ sattānaṃ sarīre bahū dosā, mayhaṃ pana sarīre kesaggaṃattampi vajjaṃ natthi’ti majjanavasena uppanno māno **pāripūrimado** nāma.

**845.** Iminā ettakena ṭhānena savatthukaṃ mānaṃ kathetvā idāni avatthukaṃ nibbattitamānameva dassetto tattha **katamo madoti**ādīmāha. Taṃ uttānatthameva.

**846.** Pamādaniddese **cittassa vossaggoti** imesu ettakesu ṭhānesu satiyā aniggaṇhitvā cittassa vossajjanaṃ; sativirahoti attho. **Vossaggānuppādānanti** vossaggassa anuppādānaṃ; punappunaṃ vissajjananti attho. **Asakkaccakiriyatāti** etesaṃ dānādīnaṃ kusalahammānaṃ bhāvanāya puggalassa vā deyyadhammassa vā asakkaccakaraṇavasena asakkaccakiriyā. Satatabhāvo sātaccam. Na satatabhāvo asātaccam. Na sātaccakiriyatā **asātaccakiriyatā**. Anaṭṭhitakaraṇaṃ **anaṭṭhitakiriyatā**. Yathā nāma kakaṅṭako thokaṃ gantvā thokaṃ tiṭṭhati, na nirantaraṃ gacchati, evameva yo puggalo ekadivasaṃ dānaṃ vā datvā pūjaṃ vā katvā dhammaṃ vā sutvā samaṇadhammaṃ vā katvā puna cirassaṃ karoti, na nirantaraṃ pavatteti, tassa sā kiriyā anaṭṭhitakiriyatāti vuccati. **Olīnavuttitāti** nirantarakaraṇasaṅkhātassa vipphārasseva abhāvena līnavuttitā. **Nikkhittachandatāti** kusalakiriyāya vīriyachandassa nikkhittabhāvo. **Nikkhittadhuratāti** vīriyadhurassa oropanaṃ, osakkitamānasatāti attho. **Anadhiṭṭhānanti** kusalakaraṇe patiṭṭhābhāvo. **Ananuyogoti** ananuyuñjanaṃ. **Pamādoti** pamajjanaṃ. **Yo evarūpo pamādoti** idaṃ atthapariyāyassa byañjanapariyāyassa ca pariyantābhāvato ākārādassanaṃ. Idaṃ vuttaṃ hoti – yvāyaṃ ādito paṭṭhāya dassito pamādo, yo aññopi evamākāro evaṃjātiko pamādo pamajjanākāravasena pamajjanā, pamajjitabhāvavasena pamajjitattanti saṅkhaṃ gato – ayaṃ vuccati pamādoti. Lakkhaṇato panesa pañcasu kāmagaṇesu sativossagalakkhaṇo, tattheva satiyā vissaṭṭhākāro vedītabbo.

**847.** Thambhaniddese thaddhaṭṭhena **thambho**; khaliyā thaddhasātakassa viya cittassa thaddhatā ettha kathitā. Thambhanākāro **thambhanā**. Thambhitassa bhāvo **thambhitattaṃ**. Kakkhaḷassa puggalassa bhāvo **kakkhaḷiyaṃ**. Pharusassa puggalassa bhāvo **phārusiyaṃ**. Abhivādanādisāmīcirahānaṃ tassā sāmīciyā akaraṇavasena ujumeva ṭhapitacittabhāvo **ujucittatā**. Thaddhassa amuduno bhāvo **amudutā**. **Ayaṃ vuccatīti** ayaṃ thambho nāma vuccati, yena samannāgato puggalo gilītanāṅgalasīso viya ajagaro, vātabharitā viya bhastā cetiyaṃ vā vuḍḍhatare vā disvā onamituṃ na sakkoti, pariyanteneva carati. Svāyaṃ cittassa uddhumātābhāvalakkhaṇoti vedītabbo.

**848.** Sārambhaniddese sārambhanavasena **sārambho**. Paṭippharivā sārambho **paṭisārambho**. Sārambhanākāro **sārambhanā**. Paṭippharivā sārambhanā **paṭisārambhanā**. Paṭisārambhitassa bhāvo **paṭisārambhitattaṃ**. **Ayaṃ vuccatīti** ayaṃ sārambho nāma vuccati. Svāyaṃ lakkhaṇato karaṇuttariyalakkhaṇo nāma vuccati, yena samannāgato puggalo taddiḅuṇaṃ taddiḅuṇaṃ karoti. Agāriko samāno ekenekasmiṃ gharavatthusmiṃ sajjite aparo dve vatthūni sajjeti, aparo cattāri, aparo aṭṭha, aparo soḷasa. Anagāriko samāno ekenekasmiṃ nikāye gahite, ‘nāhaṃ etassa heṭṭhā bhavissāmī’ti aparo dve gaṇhāti, aparo tayo, aparo cattāro, aparo pañca. Sārambhanavasena hi gaṇhituṃ na vaṭṭati. Akusalapakkho esa nirayagāmimaggo. Kusalapakkhavasena pana ekasmiṃ ekaṃ salākabhattaṃ dente dve dātuṃ, dve dente cattāri dātuṃ vaṭṭati. Bhikkhunāpi parena ekasmiṃ nikāye gahite, ‘dve nikāye gahetvā sajjhāyantassa me phāsu hotī’ti vivaṭṭapakkhe ṭhatvā taduttari gaṇhituṃ vaṭṭati.

**849.** Atricchatāniddese yathā ariyavaṃsasutte (a. ni. 4.28) ‘lāmakalāmakaṭṭho itarītaratṭho’ evaṃ aggahetvā

cīvarādīsu yaṃ yaṃ laddhaṃ hoti, tena tena **asantuṭṭhassa**; gihino vā pana rūpasaddagandharasaphoṭṭhabbesu yaṃ yaṃ laddhaṃ hoti, tena tena asantuṭṭhassa. **Bhiyyokamyatā**ti visesakāmatā. Icchanakavasena **icchā**. Icchāva **icchāgatā**, icchanākāro vā. Attano lābhaṃ aticca icchanabhāvo **atricchatā**. **Rāgotiādīni** heṭṭhā vuttatthāneva. **Ayaṃ vuccatī**ti ayaṃ aticchatā nāma vuccatī. **Atricchatā**tipi etissā eva nāmaṃ. Lakkhaṇato pana sakalābhe asantuṭṭhi paralābhe ca patthanā – etaṃ atricchatālakkaṇaṃ. Atricchapuggalassa hi attanā laddhaṃ paṇītampi lāmakam viya khāyati, parena laddhaṃ lāmakampi paṇītam viya khāyati; ekabhājane pakkayāgu vā bhattam vā pūvo vā attano patte pakkhitto lāmakoviya, parassa patte paṇīto viya khāyati. Ayaṃ pana atricchatā pabbajitānampi hoti gihīnampi tiracchānagatānampi.

Tatrimāni vatthūni – eko kira kuṭumbiko tiṃsa bhikkhuniyo nimantevā sapūvaṃ bhattam adāsi. Saṅghattherī sabbabhikkhūnīnaṃ patte pūvaṃ parivattāpetvā pacchā attanā laddhameva khādi. Bārāṇasirājāpi ‘āṅgārapakkamaṃsaṃ khādissāmī’ti devim ādāya araṇṇaṃ pavittṭho ekaṃ kinnarim disvā, devim pahāya, tassānupadaṃ gato. Devī nivattitvā assamaṃpadaṃ gantvā kaṣiṇaparikkammaṃ katvā aṭṭha samāpattiyo pañca ca abhiññāyo patvā nisinnā rājānaṃ āgacchantaṃ disvā ākāse uppatitvā agamāsi. Rukkhe adhivatthā devatā imaṃ gāthamāha –

Atricchaṃ atilobhena, atilobhamadena ca;  
Evaṃ hāyati atthamhā, ahaṃva asitābhuyāti. (jā. 1.2.168);

Yathā candakinnarim patthayanto asitābhuyā rājadhītāya hīno parihīno, evaṃ atricchaṃ atilobhena atthamha hāyati jīyatīti devatā raññā saddhim keḷimakāsi.

Kassapabuddhakālepi mittavindako nāma seṭṭhiputto assaddho appasanno mātara ‘tāta, aḷa uposathiko hutvā vihāre sabbarattim dhammasavanaṃ suṇa, sahaṃsaṃ te dassāmī’ti vutte dhanalobhena uposathaṅgāni samādāya vihāraṃ gantvā ‘idaṃ thānaṃ akuto bhaya’nti sallakkhetvā dhammāsanassa heṭṭhā nipanno sabbarattim niddāyitvā gharaṃ agamāsi. Mātā pātova yāguṃ pacitvā upanāmesi. So sahaṃsaṃ gahetvā yāguṃ pivī. Athassa etadahosi – ‘dhanaṃ saṃharissāmī’ti. So nāvāya samuddaṃ pakkhanditukāmo ahosi. Atha naṃ mātā ‘tāta, imasmim kule cattālīsakoṭṭidhanaṃ atthi; alaṃ gamanenā’nti vāresi. So tassā vacanaṃ anādiyitvā gacchati eva. Sā purato aṭṭhāsi. Atha naṃ kujjhitvā ‘ayaṃ mayhaṃ purato tiṭṭhatī’ti pādena paharivā patitaṃ mātaraṃ antaraṃ katvā agamāsi. Mātā utṭahitvā ‘mādisāya mātari evarūpaṃ kammaṃ katvā gatassa me gataṭṭhāne sukhaṃ bhavissatī’ti evaṃsaññī nāma tvam puttāti āha. Tassa nāvaṃ āruya gacchato sattame divase nāvā aṭṭhāsi. Atha te manussā ‘addhā ettha pāpapuriso atthi; salākaṃ dethā’nti salākā dīyamānā tasseva tikkhattuṃ pāpuṇi. Te tassa uḷumpaṃ datvā taṃ samudde pakkhipiṃsu. So ekaṃ dīpaṃ gantvā vimānapetīhi saddhim sampattim anubhavanto tāhi ‘purato mā agamāsi’ti vuccamānopi taddiguṃ sampattim passanto anupubbena khuracakkadharaṃ ekaṃ purisaṃ addasa. Tassa taṃ cakkam padumapupphaṃ viya upaṭṭhāti. So taṃ āha – ‘ambho, idaṃ tayā piḷandhapadumaṃ mayhaṃ dehi’nti. ‘Nayidaṃ, sāmi, padumaṃ; khuracakkam eta’nti. So ‘vañcesi maṃ tvam. Kim me padumaṃ na diṭṭhapubba’nti vatvā ‘tvañhi lohitaṇḍanaṃ limpetvā piḷandhanaṃ padumapupphaṃ mayhaṃ na dātukāmosī’nti āha. So cintesi – ‘ayampi mayā katasadisam kammaṃ katvā tassa phalaṃ anubhavitukāmo’nti. Atha naṃ ‘handā re’nti vatvā tassa matthake cakkam pakkhipitvā palāyi. Etamatthaṃ viditvā satthā imaṃ gāthamāha –

‘Catubbhi aṭṭhājḡhagamā, aṭṭhahi pica soḷasa;  
Soḷasāhi ca bāṭṭiṃsa, atricchaṃ cakkamāsado;  
Icchāhatassa posassa, cakkam bhamati matthake’nti. (jā. 1.1.104);

Aññataropi atriccho amacco sakavisayaṃ atikkamitvā paravisayaṃ pāvisi. Tattha pothito palāyitvā ekassa tāpasassa vasanaṭṭhānaṃ pavisitvā uposathaṅgāni adhiṭṭhāya nipajji. So tāpasena ‘kim te kata’nti pucchito imā gāthāyo abhāsi –

‘Sakaṃ nicketaṃ atihīḷayāno,  
Atricchatā mallagāmaṃ agacchim;  
Tato janā nikkhamitvāna gāmā,  
Kodaṇḍakena paripothayimāsaṃ.’

‘So bhinnasīso ruhiramakkhitaṅgo,  
Paccāgamāsim sakaṃ nicketaṃ;  
Tasmā ahaṃ posathaṃ pālayāmi,  
Atricchatā mā punarāgamāsi’nti. (jā. 1.14.138-139);

**850.** Mahicchatāniddeṣe mahantāni vatthūni icchati, mahatī vāssa icchāti mahiccho, tassa bhāvo **mahicchatā**. Lakkhaṇato pana asantaḡuṇasambhāvanatā paṭiggahaṇe ca paribhoge ca amattaññutā – etaṃ mahicchatālakkaṇaṃ. Mahiccho hi puggalo yathā nāma kacchapuṭavāṇiḡo piḡandhanabhaṇḡakaṃ hatthena gaḡetvā ucchaṅgepi pakkhipitabbayuttakaṃ pakkhipitvā mahājanassa passantasseva “ammā, asukaṃ gaṇhatha, asukaṃ gaṇhathā”ti mukhena saṃvidahati. Evameva so appamattakampi attano sīlaṃ vā ganthaṃ vā dhutaḡuṇaṃ vā antamaso araññāvāsamattakampi mahājanassa jānantasseva sambhāvetukāmo hoti, sambhāvetvā ca pana sakaṭehipi upanīte paccaye ‘ala’nti avatvā gaṇhāti. Tayo hi pūretuṃ na sakkā – agḡi upādānena, samuddo udakena, mahiccho paccayehīti.

Aggikkhandho samuddo ca, mahiccho cāpi puggalo;  
Bahuke paccaye dente, tayo pete na pūraye.

Mahicchapuggalo hi vijātamātuyāpi manaṃ gaṇhituṃ na sakkoti, pageva upaṭṭhākānaṃ.

Tatrimāni vatthūni – eko kira daharabhikkhu piṭṭhapūve piyāyati. Athassa mātā paṭipattiṃ vīmaṃsamānā ‘sace me putto paṭiggahaṇe mattaṃ jānāti, sakalampi naṃ temāsaṃ pūveheva upaṭṭhahissāmī’ti vassūpanāyikadivase parivīmaṃsamānā paṭhamam ekaṃ pūvaṃ adāsi, tasmim niṭṭhite dutiyam, tasmimpi niṭṭhite tatiyaṃ. Daharo ‘ala’nti avatvā khādiyeva. Mātā tassa amattaññubhāvaṃ ñatvā ‘ajjeva me puttana sakalatemāsassa pūvā khādītā’ti dutiyadivasato paṭṭhāya ekapūvampi na adāsi.

Tissamahārājāpi devasikaṃ cetiyapabbate bhikkhusaṅghassa dānaṃ dadamāno ‘mahārāja, kiṃ ekameva ṭhānaṃ bhajasi? Kiṃ aññattha dātuṃ na vaṭṭatī’ti jānapadehi vutto dutiyadivase anurādhapure mahādānaṃ dāpesi. Ekabhikkhupi paṭiggahaṇe mattaṃ na aññāsi. Ekamekena paṭiggahitaṃ khādanīyabhojanīyaṃ dve tayo janā ukkhipiṃsu. Rājā dutiyadivase cetiyapabbate bhikkhusaṅghaṃ nimantāpetvā rājantepuraṃ āgatakāle ‘pattaṃ dethā’ti āha. “Alaṃ, mahārāja, attano pamāṇena bhikkhaṃ gaṇhissatī”ti ekabhikkhupi pattaṃ na adāsi. Sabbe pamāṇayuttakameva paṭiggahesuṃ. Atha rājā āha – ‘passatha tumhākaṃ bhikkhūsu ekopi mattaṃ na jānāti. Hiyyo kiñci avasesaṃ nāhosī. Ajja gaḡitaṃ mandaṃ, avasesameva bahū’ti tesam mattaññutāya attamano itaresaṅca amattaññutāya anattamano ahoṣi.

**851.** Pāpicchatāniddeṣe **assaddho samāno saddhoti maṃ jano jānātūti**ādīsu evaṃ icchanto kiṃ karotī? Assaddho saddhākāraṃ dasseti; dussīlādayo sīlavantādīnaṃ ākāraṃ dassenti. Kathaṃ? Assaddho tāva mahāmahadivase manussānaṃ vihāraṃ āgamanavelāya sammajjanim ādāya vihāraṃ sammajjati, kacavaraṃ chaḡḡeti, manussehi diṭṭhabhāvaṃ ñatvā cetiyaṅgaṇaṃ gacchati, tatthāpi sammajjitvā kacavaraṃ chaḡḡeti, vālikaṃ samaṃ karotī, āsanāni dhovati, bodhimhi udakaṃ siṅcati. Manussā disvā ‘natthi maññe añño bhikkhu vihārajagganako, ayameva imaṃ vihāraṃ paṭijaggati, saddho thero’ti gamanakāle nimantetvā gacchanti. Dussīlopi upaṭṭhākānaṃ sammukhe vinayadharaṃ upasaṅkamitvā pucchati “bhante, mayi gacchante goṇo ubbiggo. Tena dhāvatā tiṇāni chinnāni. Sammajjantassa me tiṇāni chijjanti. Caṅkamantassa me pāṇakā mīyanti. Kheḡaṃ pātentassa asatiyā tiṇamatthake patati; tattha tattha kiṃ hotī”ti? “Anāpatti, āvuso, asaṅcicca asatiyā ajānantassā”ti ca vutte “bhante, mayhaṃ garukaṃ viya upaṭṭhāti; suṭṭhu vīmaṃsathā”ti bhaṇati. Taṃ sutvā manussā ‘amhākaṃ ayyo ettakepi kukkucāyati! Aññasmiṃ oḡārike kiṃ nāma karissati; natthi iminā sadiso sīlavāti pasannā sakkāraṃ karonti. Appasutopi upaṭṭhākamajjhe nisinno “asuko tipītakadharo, asuko catunīkāyiko mayhaṃ antevāsiko, mama santike tehi dhammo uggaḡhito”ti vadati. Manussā ‘amhākaṃ ayyena sadiso bahussuto natthi, etassa kira santike asukena ca asukena ca dhammo uggaḡhito’ti pasannā sakkāraṃ karonti.

Saṅgaṅikārāmopi mahāmahadivase dīghapīṭhaṅca apassayaṅca gāhāpetvā vihārapaccante rukkhamūle divāvihāraṃ nisīdati. Manussā āgantvā “thero kuhi”nti pucchanti. “Gaṅṭhikaputtā nāma gaṅṭhikā eva honti. Tena thero evarūpe kāle idha na nisīdati, vihārapaccante divāṭṭhāne dīghacaṅkame viharatī”ti vadanti. Sopi divasabhāgaṃ vītināmetvā nalāṭe makkaṭasuttaṃ alliyāpetvā pīṭhaṃ gāhāpetvā āgamma pariveṇadvāre nisīdati. Manussā “kahaṃ, bhante, gatatha? Āgantvā na addasamhā”ti vadanti. “Upāsakā, antovihāro ākiṇṇo; daharasāmaṇerānaṃ vicaraṇaṭṭhānametaṃ saṭṭhihathacaṅkame divāṭṭhāne nisīdimhā”ti attano pavivittabhāvaṃ jānāpeti.

Kusītopi upaṭṭhākamajjhe nisinno “upāsakā, tumhehi ukkāpāto diṭṭho”ti vadati. “Na passāma, bhante; kāya velāya ahoṣī”ti ca puṭṭho “amhākaṃ caṅkamanavelāyā”ti vatvā “bhūmicālasaddaṃ assutthā”ti pucchati. “Na suṇāma, bhante; kāya velāyā”ti puṭṭho “majjhimaṃyāme amhākaṃ ālambanaphalakaṃ apassāya ṭhitakāle”ti vatvā “mahāobhāso ahoṣi; so vo diṭṭho”ti pucchati. “Kāya velāya, bhante”ti ca vutte “mayhaṃ caṅkamamhā otaraṅakāle”ti vadati. Manussā ‘amhākaṃ thero tīsupi yāmesu caṅkameyeva hoti; natthi ayyena sadiso āradhāvīriyo’ti pasannā sakkāraṃ karonti.

Muṭṭhassatīpi upaṭṭhākamajjhe nisinno “mayā asukakāle nāma dīghanīkāyo uggaḡhito, asukakāle majjhimo,



saṃyuttako, aṅguttariko; antarā olokanam nāma natthi, icchiticchataṭṭhāne mukhāruḷhova tanti āgacchati; ime panaññe bhikkhū eḷakā viya mukhaṃ phandāpentā viharanti’ ti vadati. Manussā ‘natthi ayyena sadiso upaṭṭhitasatī’ ti pasannā sakkāraṃ karonti.

Asamāhitopi upaṭṭhākānaṃ sammukhe aṭṭhakathācariye pañhaṃ pucchati – ‘kasiṇaṃ nāma kathaṃ bhāveti? Kittakena nimittaṃ uppannaṃ nāma hoti? Kittakena upacāro? Kittakena appanā? Paṭhamassa jhānassa kati aṅgāni? Dutiyaassa tatiyaassa catutthassa jhānassa kati aṅgāni’ ti pucchati. Tehi attano uggahitānurūpena kathitakāle sitaṃ katvā ‘kiṃ, āvuso, evaṃ na hosī’ ti vutte ‘vaṭṭati, bhante’ ti attano samāpattilābhitaṃ sūceti. Manussā ‘samāpattilābhī ayyo’ ti pasannā sakkāraṃ karonti.

Duppaññopi upaṭṭhākānaṃ majjhe nisinno ‘majjhimanikāye me pañcattayaṃ oloketassa sahidhiyāva maggo āgato. Pariyatti nāma amhākaṃ na dukkarā. Pariyattivāvaṇo pana dukkhato na muccatīti pariyattiṃ vissajjayimhā’ tiādīni vadanto attano mahāpaññataṃ dīpeti. Evaṃ vadanto panassa sāsane pahāraṃ deti. Iminā sadiso mahācoro nāma natthi. Na hi pariyattidharo dukkhato na muccatīti. Akhīṇāsavopi gāmadārake disvā ‘tumhākaṃ mātāpitaro amhe kiṃ vadanti’ ti? ‘‘Arahāti vadanti, bhante’’ ti. ‘Yāva chekā gahapatikā, na sakkā vañcetu’ nti attano khīṇāsavabhāvaṃ dīpeti.

Aññepi cettha **cāṭiarahantapārohaarahantā** dayo veditabbā – eko kira kuhako antogabbhe cāṭiṃ nikhaṇitvā manussānaṃ āgamanakāle pavisati. Manussā ‘kahaṃ thero’ ti pucchanti. ‘Antogabbhe’ ti ca vutte pavisitvā vicinantāpi adisvā nikkhamitvā ‘natthi thero’ ti vadanti. ‘Antogabbheya thero’ ti ca vutte puna pavisanti. Thero cāṭiṇo nikkhamitvā pīṭhe nisinno hoti. Tato tehi ‘mayaṃ, bhante, pubbe adisvā nikkhantā, kahaṃ tumhe gatattā’ ti vutte ‘samaṇā nāma attano icchiticchitaṭṭhānaṃ gacchanti’ ti vacanena attano khīṇāsavabhāvaṃ dīpeti.

Aparopi kuhako ekasmiṃ pabbate paññasālāyaṃ vasati. Paññasālāya ca pacchato papātaṭṭhāne eko kacchakarukkho atthi. Tassa pāroho gantvā parabhaṅge bhūmiyaṃ patiṭṭhito. Manussā maggenāgantvā nimantenti. So pattacīvaramādāya pārohena otarivā gāmadvāre attānaṃ dasseti. Tato manussehi pacchā āgantvā ‘katarena maggena āgatattā, bhante’ ti puṭṭho ‘samaṇānaṃ āgatamaggo nāma pucchituṃ na vaṭṭati, attano icchiticchitaṭṭhāneva āgacchantī’ ti vacanena khīṇāsavabhāvaṃ dīpeti. Taṃ pana kuhakaṃ eko viddhakaṇṇo ñatvā ‘pariggahessāmi na’ nti ekadivasaṃ pārohena otarantaṃ disvā pacchato chinditvā appamattakena ṭhapesi. So ‘pārohato otarissāmi’ ti ‘ṭha’ nti patito, mattikā patto bhijji. So ‘ñātomhī’ ti nikkhamitvā palāyi. Pāpicchassa bhāvo **pāpicchatā**. Lakkhaṇato pana asantaḡaṇasambhāvanatā, paṭiggahaṇe ca amattaññutā; etaṃ pāpicchatālakkaṇanti veditabbaṃ.

**852.** Siṅganiddese vijjhanaṭṭhena **siṅgam**; nāgarikabhāvasaṅkhātassa kilesasiṅgassetam nāmaṃ. Siṅgārabhāvo **siṅgārātā**, siṅgārakaraṇākāro vā. Caturabhāvo **caturātā**. Tathā **cāturīyam**. Parikkhatabhāvo **parikkhatātā**; parikkhaṇitvā ṭhapitasseva daḷhasiṅgārabhāvassetam nāmaṃ. Itaraṃ tasseva vevacanaṃ. Evaṃ sabbehipi padehi kilesasiṅgārātāva kathitā.

**853.** Tintiṇaniddese **tintiṇanti** khīyanaṃ. Tintiṇāyanākāro **tintiṇāyanā**. Tintiṇena ayitassa tintiṇasamaṅgino bhāvo **tintiṇāyittam**. Lolupabhāvo **lolupam**. Itare dve ākārabhāvaniddesā. **Pucchañjikatā**ti lābhalabhanakaṭṭhāne vedhanākampaṇā nīcavuttitā. **Sādhukamyatā**ti pañṭitapañṭitānaṃ patthanā. Evaṃ sabbehipi padehi suvānadoṇīyaṃ kañṭhiyaṃ pivanakasunakhasa aññaṃ sunakhaṃ disvā bhubbhukkaraṇaṃ viya ‘tava santakaṃ, mama santaka’ nti kilesavasena khīyanaṅkāro kathito.

**854.** Cāpalyaniddese ākoṭitapaccākoṭitabhāvādīhi cīvarassa maṇḍanā **cīvaramaṇḍanā**. Maṇivaṇṇacchavikaraṇādīhi pattassa maṇḍanā **pattamaṇḍanā**. Cittakammādīhi puggalikasenāsanassa maṇḍanā **senāsanamaṇḍanā**. **Imassa vā pūtikāyassā**ti imassa manussasārīrassa. Yathā hi tadahujātopi siṅgālo jarasiṅgālotveva ūruppamāñāpi ca gaḷocilatā pūtilatātveva saṅkhaṃ gacchati, evaṃ suvaṇṇavaṇṇopi manussakāyo pūtikāyotveva vuccati. Tassa antarantarā rattavaṇṇapaṇḍuvaṇṇādīhi nivāsanapārupanādīhi sajjanā **maṇḍanā** nāma. **Bāhirānaṃ vā parikkhārānanti** ṭhapetvā pattacīvaraṃ sesaparikkhārānaṃ; athavā yā esā cīvaramaṇḍanā pattamaṇḍanāti vuttā, sā tehi vā parikkhārehi kāyassa maṇḍanā tesam vā bāhiraparikkhārānaṃ maṇḍetvā ṭhapanavasena maṇḍanāti evamettha attho veditabbo. **Maṇḍanā vibhūsanā**ti ettha unāṭṭhānassa pūraṇavasena **maṇḍanā**, chavirāgādīvasena **vibhūsanā**ti veditabbā. **Keḷanā**ti kīḷanā. **Parikeḷanā**ti parikīḷanā. **Giddhikatā**ti gedhayuttatā. **Giddhikattanti** tasseva vevacanaṃ. Capalabhāvo **capalatā**. Tathā **cāpalyam**. **Idam vuccatī**ti idam cāpalyaṃ nāma vuccati, yena samannāgato puggalo vassasatikopi samāno tadahujātadārako viya hoti.

**855.** Asabhāgavuttiniddese **vippaṭikūlaggāhitā**ti ananulomaggaḡhitā. **Vipaccanīkasātātā**ti vipaccanīkena paṭiviruddhakarāṇena sukhāyanā. Anādarabhāvo **anādariyam**. Tathā **anādariyatā**. Agāravassa bhāvo **agāravatā**. Jeṭṭhakabhāvasa akaraṇaṃ **appatissavatā**. **Ayam vuccatī**ti ayam asabhāgavutti nāma vuccati; visabhāgajīvatāti

attho; yāya samannāgato puggalo mātaram pitaram vā gilānam paṭivattivāpi na oloketi; pitusantakassa kāraṇā mātaraṃ saddhiṃ, mātusantakassa kāraṇā pitarā saddhiṃ kalahaṃ karoti; visabhāgaṃjīvaṃ jīvati, mātāpitūnaṃ santakassa kāraṇā jeṭṭhena vā kaniṭṭhena vā bhātaraṃ saddhiṃ kalahaṃ karoti, nillajjavacanaṃ vadati, ācariyassa vā upajjhāyassa vā vattapaṭivattaṃ na karoti, gilānaṃ na upaṭṭhāti, buddhassa bhagavato cetiyadassanaṭṭhāne uccāraṃ vā passāvaṃ vā karoti, kheḷampi siṅghāṇikampi chaḍḍeti, chattaṃ dhāreti, upāhanā āruya gacchati, buddhasāvakesu na lajjati, saṅghe cittiḷkāraṃ na karoti, mātimattapitimmattādisu garuṭṭhāṇīyesu hirottappaṃ na paccupaṭṭhāpeti. Tassevaṃ pavattamānassa sabbā pesā kiriyā mātariṭṭiādisupi vatthūsu asabhāgavuttitā nāma hoti.

**856.** Aratiniddese **pantesūti** dūresu vivittesu vā. **Adhikusalesūti** samathavipassanādhammesu. **Aratīti** ratipaṭikkhepo. **Aratitīti** aramaṇākāro. **Anabhiratīti** anabhiratabhāvo. **Anabhiramaṇāti** anabhiramaṇākāro. **Ukkaṇṭhitīti** ukkaṇṭhanākāro. **Paritassitīti** ukkaṇṭhanavaseneva paritassanā.

**857.** Tandīniddese **tandīti** jātiālasiaṃ. **Tandīyanāti** tandīyanākāro. **Tandīmanakatīti** tandīyā abhibhūtacittatā. Alasassa bhāvo **ālasyaṃ**. Ālasyāyanākāro **ālasyaṃyanā**. Alasyāyitassa bhāvo **ālasyaṃyitattaṃ**. Iti sabbehipi imehi padehi kilesavasena kāyālasiaṃ kathitaṃ.

**858.** Vijambhitaniddese **jambhanāti** phandanā. Punappunaṃ jambhanā **vijambhanā**. Ānāmanāti purato namanā. **Vināmanāti** pacchato namanā. **Sannāmanāti** samantato namanā. **Paṇāmanāti** yathā hi tantato uṭṭhitapesakāro kismiñcīdeva gahetvā ujukaṃ kāyaṃ ussāpeti, evaṃ kāyassa uddhaṃ ṭhapanā. **Byādhiyakanti** uppannabyādhitā. Iti sabbehipi imehi padehi kilesavasena kāyaphandanameva kathitaṃ.

**859.** Bhattasammaniddese **bhuttāvissāti** bhuttavato. **Bhattamucchāti** bhattagelaññaṃ; balavabhattena hi mucchāpatto viya hoti. **Bhattakilamathoti** bhattena kilantabhāvo. **Bhattapariḷāhoti** bhattadaratho. Tasmīñhi samaye pariḷāhuppattiyā upahatindriyo hoti, kāyo jīrati. **Kāyaduṭṭhullanti** bhattaṃ nissāya kāyassa akammaññatā.

**860.** Cetaso līnattaniddeso heṭṭhā dhammasaṅgahaṭṭhakathāyaṃ vuttatthoyeva. Imehi pana sabbehipi padehi kilesavasena cittassa gilānākāro kathitoti veditabbo.

**861.** Kuhanāniddese **lābhasakkārasilokasannissitassāti** lābhañca sakkārañca kittisaddaṇca nissitassa, patthayantassāti attho. **Pāpicchassāti** asantaṅgaṇāḍīpanakāmassa. **Ichchāpakatassāti** icchāya apakatassa, upaddutassāti attho.

Ito paraṃ yasmā paccayaṇṇāsevana sāmantaṇṇāpanairiyāpathasannissitavasena mahāniddese tividhaṃ kuhanavattu āgataṃ, tasmā tividhampi taṃ dassetaṃ **paccayaṇṇāsevanasaṅkhātena vāti** evamādi āradhamaṃ. Tattha cīvarādīhi nimantitassa tadatthikasēva sato pāpicchataṃ nissāya paṭikkhipanena, te ca gahapatike attani suppaṭṭhitassaddhe ñatvā puna tesamaṃ ‘aho ayyo appiccho, na kiñci paṭiggaṇhituṃ icchati, suladdhaṃ vata no assa sace appamattakaṃ kiñci paṭiggaṇheyyā’ti nānāvidhehi upāyehi paṇṭṭāni cīvarādīni upanentānaṃ tadanuggahakāmatāyeva āvikatvā paṭiggaṇhena ca tato pabhuti asītisakaṭṭhabhārehi upanāmanahetubhūtaṃ vimhāpanaṃ paccayaṇṇāsevanasaṅkhātaṃ kuhanavattūti veditabbaṃ. Vuttampi cetamaṃ mahāniddese (mahāni. 87) –

‘‘Katamaṃ paccayaṇṇāsevanasaṅkhātaṃ kuhanavattu? Idha gahapatikā bhikkhuṃ nimantenti cīvarapaṇḍapātasēnaṅgilānapaccayaṇṇāsevanasaṅkhārehi. So pāpiccho icchāpakato atthiko cīvara ...pe... parikkhāraṇaṃ bhīyokamyataṃ upādāya cīvaraṃ paccakkhāti, piṇḍapātaṃ paccakkhāti, senānaṃ paccakkhāti, gilānapaccayaṇṇāsevanasaṅkhāraṃ paccakkhāti. So evamāha – ‘‘kiṃ samaṇassa mahagghena cīvarena? Etaṃ sārappaṃ yaṃ samaṇo susānā vā saṅkārakūṭā vā pāpaṇikā vā nantakāni uccintivā saṅghāṭiṃ katvā dhāreyya. Kiṃ samaṇassa mahagghena piṇḍapātena? Etaṃ sārappaṃ yaṃ samaṇo uñchācariyāya piṇḍiyālopaṇa jīvikamaṃ kappeyya. Kiṃ samaṇassa mahagghena senāsanena? Etaṃ sārappaṃ yaṃ samaṇo rukkhamūliko vā assa sosāniko vā abbhokāsiko vā. Kiṃ samaṇassa mahagghena gilānapaccayaṇṇāsevanasaṅkhāreṇa? Etaṃ sārappaṃ yaṃ samaṇo pūtimuttēna vā haritakīkhaṇḍēna vā osadhaṃ kareyyāti. Tadupādāya lūkhaṃ cīvaraṃ dhāreti, lūkhaṃ piṇḍapātaṃ paribhuñjati, lūkhaṃ senānaṃ paṭisevati, lūkhaṃ gilānapaccayaṇṇāsevanasaṅkhāraṃ paṭisevati. Tameṇaṃ gahapatikā evaṃ jānanti – ‘ayaṃ samaṇo appiccho santuṭṭho pavivitto asaṃsaṭṭho āradhaviṇṇīyo dhutavādo’ti bhīyyo bhīyyo nimantenti cīvara... pe... parikkhārehi. So evamāha – ‘tiṇṇaṃ sammukhībhāvā saddho kulaputto bahuṃ puññaṃ pasavati, deyyadhammassa...pe... dakkhiṇeyyānaṃ sammukhībhāvā saddho kulaputto bahuṃ puññaṃ pasavati. Tumhākañcevāyaṃ saddhā atthi, deyyadhammo ca saṃvijjati, ahañca paṭiggaṇhako. Sacāhaṃ na paṭiggaṇhessāmi, evaṃ tumhe puññēna paribāhira bhavissatha; na māyaṃ iminā attho, apica tumhākaṃ eva anukampāya paṭiggaṇhāmī’ti. Tadupādāya bahumpi cīvaraṃ paṭiggaṇhāti, bahumpi piṇḍapātaṃ...pe... bhesajjaparikkhāraṃ paṭiggaṇhāti. Yā evarūpā bhākuṭikā

bhākuṭiyam kuhanā kuhāyanā kuhitattam – idam vuccati paccayaapaṭisevanasaṅkhātam kuhanavattū”ti.

Pāpicchasseva pana sato uttarimanussadhammādhigamaparidīpanavācāya tathā tathā vimhāpanam sāmantaṭappanasāṅkhātam kuhanavattūti veditabbaṃ. Yathāha – “katamaṃ sāmantaṭappanasāṅkhātam kuhanavattū? Idhekacco pāpiccho icchāpakato sambhāvanādhippāyo ‘evaṃ maṃ jano sambhāveṣṣatī’ti ariyadhammasannissitam vācam bhāsatī – ‘yo evarūpaṃ cīvaraṃ dhāreti, so samaṇo mahesakkho’ti bhaṇatī; ‘yo evarūpaṃ pattam, lohathālakam, dhamakaraṇam, parisāvanam, kuṅcikaṃ, upāhanam, kāyabandhanam, āyogaṃ dhāreti, so samaṇo mahesakkho’ti bhaṇatī; ‘yassa evarūpo upajjhāyo, ācariyo, samānupajjhāyo, samānācariyako, mitto sandiṭṭho, sambhatto, sahāyo; yo evarūpe vihāre vasatī – aḍḍhayoge, pāsāde, hammiye, guhāyam, leṇe, kuṭiyā, kūṭāgāre, aṭṭe, māḷe, udosite, uddaṇḍe, upaṭṭhānasālāyam, maṇḍape, rukkhamūle vasatī, so samaṇo mahesakkho’ti bhaṇatī.

“Atha vā korajikakorajiko bhākuṭikabhākuṭiko kuhakakuhako lapakalapako mukhasambhāvito ‘ayam samaṇo imāsam evarūpanam santānam vihārasamāpattīnam lābhī’ti tādisam gambhīram gūḷham nipuṇam paṭicchannam lokuttaram suññatāpaṭisaṃyuttam katham katheti. Yā evarūpā bhākuṭikā bhākuṭiyam kuhanā kuhāyanā kuhitattam – idam vuccati sāmantaṭappanasāṅkhātam kuhanavattū”ti.

Pāpicchasseva pana sato sambhāvanādhippāyakatena iriyāpathena vimhāpanam iriyāpathasannissitam kuhanavattūti veditabbaṃ. Yathāha – “katamaṃ iriyāpathasaṅkhātam kuhanavattū? Idhekacco pāpiccho icchāpakato sambhāvanādhippāyo ‘evaṃ maṃ jano sambhāveṣṣatī’ti gamanam saṅṭhapeti, sayanam saṅṭhapeti, paṇidhāya gacchati, paṇidhāya tiṭṭhati, paṇidhāya nisīdati, paṇidhāya seyyam kappeti, samāhito viya gacchati, samāhito viya tiṭṭhati, nisīdati, seyyam kappeti, āpāthakajjhāyīva hoti. Yā evarūpā iriyāpathassa āṭhapanā ṭhapanā saṅṭhapanā bhākuṭikā bhākuṭiyam kuhanā kuhāyanā kuhitattam – idam vuccati iriyāpathasaṅkhātam kuhanavattū”ti.

Tattha **paccayaapaṭisevanasaṅkhātenā**ti paccayaapaṭisevananti evam saṅkhātena paccayaapaṭisevanena.

**Sāmantaṭappitenā**ti samīpe bhaṇitena. **Iriyāpathassatī**ti catuiriyāpathassa. **Āṭhapanā**ti ādiṭhapanā, ādarena vā ṭhapanā. **Ṭhapanā**ti ṭhapanākāro. **Saṅṭhapanā**ti abhisaṅkharaṇā, pāsādikabhāvakarāṇanti vuttam hoti. **Bhākuṭikā**ti padhānapurimatṭhitabhāvadassanena bhākuṭikaraṇam, mukhasaṅkokoti vuttam hoti. Bhākuṭikaraṇam sīlamassatī bhākuṭiko; bhākuṭikassa bhāvo **bhākuṭiyam**. **Kuhanā**ti vimhāpanam, kuhassa āyanā **kuhāyanā**. Kuhitassa bhāvo **kuhitattanti**.

**862.** Lapanāniddese **ālapanā**ti vihāram āgatamanusse disvā kimatthāya bhonto āgatā? Kiṃ bhikkhū nimantetum? Yadi evam gacchatha; aham pacchato bhikkhū gahetvā āgacchāmi”ti evam āditova lapanā. Atha vā attānam upanetvā ‘aham tisso, mayi rājā pasanno, mayi asuko ca asuko ca rājamahāmatto pasanno’ti evam attupanāyikā lapanā ālapanā. **Lapanā**ti puṭṭhassa sato vuttappakārameva lapanam. **Sallapanā**ti gahapatikānam ukkaṅṭhane bhītassa okāsam datvā suṭṭhu lapanā. **Ullapanā**ti ‘mahākuṭumbiko, mahānāviko, mahādānapatī’ti evam uddham katvā lapanā. **Samullapanā**ti sabbatobhāgena uddham katvā lapanā. **Unnahanā**ti ‘upāsakā, pubbe īdise kāle dānam detha; idāni kiṃ na dethā’ti evam yāva ‘dassāma, bhante, okāsam na labhāmā’tiādīni vadanti tāva uddham nahanā, veṭhanāti vuttam hoti. Atha vā ucchuhattham disvā ‘kuto āgatā, upāsakā’ti pucchati. ‘Ucchukhattato, bhante’ti. ‘Kiṃ tattha ucchu madhura’nti? ‘Khādītvā, bhante, jānitabba’nti. ‘Na, upāsakā, bhikkhussa ‘ucchuṃ dethā’ti vuttam vaṭṭatī’ti yā evarūpā nibbēhantassāpi veṭhanakathā, sā unnahanā. Sabbatobhāgena punappunam unnahanā **samunnahanā**. **Ukkācanā**ti ‘etaṃ kulam maṃyeva jānāti, sace ettha deyyadhammo uppajjati, mayhameva detī’ti evam ukkhipitvā kācanā ukkācanā; uddīpanāti vuttam hoti.

Telakandarikavatthu cetha vattabbaṃ. Dve kira bhikkhū ekaṃ gāmaṃ pavisitvā āsanāsālāya nisīditvā ekaṃ kumārikaṃ disvā pakkosiṃsu. Tāya āgatāya tatreko ekaṃ pucchi – ‘ayam, bhante, kassa kumārikā’ti? ‘Amhākaṃ upaṭṭhāyikāya telakandarikāya dhītā, āvuso. Imissā mātā mayi geham gate sappiṃ dadamānā ghaṭeneva detī, ayampi mātā viya ghaṭeneva detī’ti ukkāceti.

Sabbatobhāgena punappunam ukkācanā **samukkācanā**. **Anuppiyabhānitā**ti saccānurūpaṃ vā dhammānurūpaṃ vā anapaloketvā punappunam piyabhaṇanameva. **Cāṭukamyatā**ti nīcavuttitā; attānam heṭṭhato ṭhapatvā vattanam. **Muggasūpyatā**ti muggasūpasadisatā. Yathā muggesu paccamānesu kocideva na paccatī, avasesā paccanti; evam yassa puggalassa vacane kiṅcideva saccam hoti, sesam alikaṃ – ayam puggalo muggasūpyoti vuccati. Tassa bhāvo muggasūpyatā. **Pāribhaṭayātā**ti pāribhaṭayabhāvo. Yo hi kuladārake dhātī viya ankena vā khandhena vā paribhaṭati, dhāretīti attho; tassa paribhaṭassa kammaṃ pāribhaṭayam; pāribhaṭayassa bhāvo pāribhaṭayātāti.

**863.** Nemittikatāniddese **nimittanti** yaṃkiñci paresam paccayaadānasamyojanakaṃ kāyavacīkammaṃ.

**Nimittakammanti** nimittassa karaṇakosallaṃ.

Tatridaṃ vatthu – eko kira piṇḍapātiko upaṭṭhākakammārassa gehadvāraṃ gantvā ‘kiṃ bhante’ti pucchito cīvarantarena hatthaṃ nīharitvā vāsipaharaṇākāraṃ akāsi. Kammāro ‘sallakkhitaṃ me, bhante’ti vāsiṃ katvā adāsi. **Obhāsoti** paccayapaṭisaṃyuttakathā. **Obhāsakammanti** vacchakapālake disvā ‘kiṃ ime vacchā khīragovacchā, takkagovacchā’ti pucchitvā ‘khīragovacchā, bhante’ti vutte ‘na khīragovacchā, yadi khīragovacchā siyuṃ bhikkhūpi khīraṃ labheyyu’nti evamādinā nayena tesam dārakānaṃ mātāpītūnaṃ nivedetvā khīradāpanādikaṃ obhāsakaraṇaṃ. **Sāmantajappāti** samīpaṃ katvā jappanaṃ.

Jātakabhāṇakavatthu cettha kathetabbaṃ. Eko kira jātakabhāṇakatthero bhujjītukāmo upaṭṭhāyikāya gehaṃ pavisitvā nisīdi. Sā adātukāmā ‘taṇḍulā natthī’ti bhaṇantī taṇḍule āharitukāmā viya paṭivissakagharaṃ gatā. Bhikkhu antogabbhaṃ pavisitvā olokeno kavāṭakoṇe ucchuṃ, bhājane guḷaṃ, piṭake loṇamacchaphālaṃ, kumbhiyaṃ taṇḍule, ghaṭe ghaṭaṃ disvā nikkhamitvā nisīdi. Gharaṇī ‘taṇḍulaṃ nālattha’nti āgatā. Thero ‘upāsike, ajja bhikkhā na sampajjissatī’ti paṭikacceva nimittaṃ addasa’nti āha. ‘Kiṃ, bhante’ti? ‘Kavāṭakoṇe nikkhittaṃ ucchuṃ viya sappam addasaṃ; ‘taṃ paharissāmi’nti olokeno bhājane ṭhapitaṃ guḷapiṇḍaṃ viya pāsānaṃ leḍḍukena; pahaṭena sappena kataṃ, piṭake nikkhittaloṇamacchaphālasadisam, phaṇaṃ; tassa taṃ leḍḍuṃ ḍamsitukāmassa, kumbhiyā taṇḍulasadise dante; athassa kupitassa, ghaṭe pakkhittaghatasadisam, mukhato nikkhamantaṃ visamissakaṃ kheḷa’nti. Sā ‘na sakkā muṇḍakaṃ vañcetu’nti ucchuṃ datvā odanaṃ pacitvā ghataguḷamacchehi saddhiṃ adāsīti. Evaṃ samīpaṃ katvā jappanaṃ sāmantajappāti veditabbaṃ. **Parikathāti** yathā taṃ labhati tathā parivattetvā parivattetvā kathanam.

**864.** Nippesikatānidese **akkosanāti** dasahi akkosavatthūhi akkosanā. **Vambhanāti** paribhavitvā kathanam. **Garahanāti** ‘assaddho appasanno’tiādīnā nayena dosāropanā. **Ukkhepanāti** ‘mā etaṃ ettha kathethā’ti vācāya ukkhipanaṃ. Sabbathohāgena savatthukaṃ sahetukaṃ katvā ukkhepanā **samukkhepanā**. Athavā adentaṃ ‘aho dānapatī’ti evaṃ ukkhipanaṃ **ukkhepanā**. ‘Mahādānapatī’ti evaṃ suṭṭhu ukkhepanā **samukkhepanā**. **Khipanāti** ‘kiṃ imassa jīvitam bījabhōjino’nti evaṃ uppaṇḍanā. **Saṅkhipanāti** ‘kiṃ imaṃ adāyakoti bhaṇatha yo niccakālaṃ sabbesampi natthīti vacanaṃ detī’nti evaṃ suṭṭhutaṃ uppaṇḍanā. **Pāpanāti** adāyakattassa avaṇṇassa vā pāpanam. Sabbathohāgena pāpanā **sampāpanā**. **Avanṇahārikāti** ‘evaṃ me avanṇabhayāpi dassatī’nti gehato gehaṃ, gāmato gāmaṃ, janapadato janapadaṃ avanṇaharaṇaṃ. **Parapiṭṭhimamsikatāti** purato madhuraṃ bhaṇitvā parammukhe avanṇabhāsītā. Esā hi abhimukhaṃ oloketuṃ asakkontassa parammukhānaṃ piṭṭhimamsakhādanaṃ viya hoti. Tasmā parapiṭṭhimamsikatāti vuttā. **Ayam vuccati nippesikatāti** ayam yasmā veḷupesikā viya abbaṅgaṃ parassa guṇaṃ nippeseti nipuñchati, yasmā vā gandhajātaṃ nipisitvā gandhamaggaṇā viya paraguṇe nipisitvā vicuṇṇetvā esā lābhamaggaṇā hoti, tasmā nippesikatāti vuccatīti.

**865.** Lābhena lābhaṃ nijigīsanaṭānidese **nijigīsanaṭāti** maggaṇā. **Ito laddhanti** imamhā gehā laddham. **Amutrāti** amukamhi gehe. **Eṭṭhīti** icchanā. **Gaveṭṭhīti** maggaṇā. **Pariyeṭṭhīti** punappunaṃ maggaṇā. Ādito paṭṭhāya laddham laddham bhikkham tatra tatra kuladārakānaṃ datvā ante khīrayāguṃ labhitvā gatabhikkhuvatthu cettha kathetabbaṃ. **Esanāti**ādīni **eṭṭhīti**ādīnaṃ vevacanāni, tasmā **eṭṭhīti** esanā, **gaveṭṭhīti** gavesanā, **pariyeṭṭhīti** pariyesanā. Icevemettha yojanā veditabbā.

**866.** Seyyamānanidese **jātiyāti** khattiyabhāvādijātisampattiyā. **Gottenāti** gotamagottādinā ukkaṭṭhagottena. **Kolaputtiyenaṭi** mahākulabhāvena. **Vaṇṇapokkharatāyāti** vaṇṇasampannasarīratāya. Sarīrañhi pokkharanti vuccati, tassa vaṇṇasampattiyā abhirūpabhāvenāti attho. **Dhanenāti**ādīni uttānatthāneva. **Mānaṃ jappetīti** etesu yena kenaci vatthunā ‘seyyohamasmī’nti mānaṃ pavatteti karoti.

**867.** Sadisamānanidese **mānaṃ jappetīti** etesu yena kenaci vatthunā ‘sadisohamasmī’nti mānaṃ pavatteti. Ayamettha atthato viseso. Pāḷiyam pana nānākaraṇaṃ natthi.

**868.** Hīnamānanidese **omānaṃ jappetīti** heṭṭhāmānaṃ pavatteti. **Omānoti** lāmakko heṭṭhāmāno. **Omaññanā omaññitattanti** ākārabhāvanidese. **Hīlanāti** jātiādīni attajigucchanā. **Ohīlanāti** atirekato hīlanā. **Ohīlitattanti** tasseva bhāvanidese. **Attuññāti** attānaṃ hīnaṃ katvā jānanā. **Attāvaññāti** attānaṃ avajānanā. **Attaparibhavoti** jātiādisampattināmameva jātāti attānaṃ paribhavitvā maññanā. Evamime tayo mānā puggalaṃ anissāya jātiādivatthivaseneva kathitā. Tesu ekeko tiṇṇampi seyyasadisahīnānaṃ uppajjati. Tattha ‘seyyohamasmī’nti māno seyyasseva yāthāvamāno, sesānaṃ ayāthāvamāno. ‘Sadisohamasmī’nti māno sadisasseva yāthāvamāno, sesānaṃ ayāthāvamāno. ‘Hīnohamasmī’nti māno hīnasseva yāthāvamāno, sesānaṃ ayāthāvamāno.

**869.** **Tattha katamo seyyassa seyyohamasmī**ādāyo pana nava mānā puggalaṃ nissāya kathitā. Tesu tayo tayo ekekassa uppajjanti. Tattha **dahatīti** ṭhapeti. **Taṃ nissāyāti** taṃ seyyato dahanam nissāya. Ettha pana seyyassa seyyohamasmīti māno rājūnañceva pabbajitānañca uppajjati. Rājā hi ‘raṭṭhena vā dhanena vā vāhanehi vā ko mayā

sadiso atthī'ti etaṃ mānaṃ karotī. Pabbajitopi 'sīladhutaṅgādīhi ko mayā sadiso atthī'ti etaṃ mānaṃ karotī.

**870. Seyyassa sadisohamasmīti** mānopi etesaṃyeva uppajjati. Rājā hi 'raṭṭhena vā dhanena vā vāhanehi vā aññarājūhi saddhiṃ mayhaṃ kiṃ nānākaraṇa'nti etaṃ mānaṃ karotī. Pabbajitopi 'sīladhutaṅgādīhi aññena bhikkhunā saddhiṃ mayhaṃ kiṃ nānākaraṇa'nti etaṃ mānaṃ karotī.

**871. Seyyassa hīnohamasmīti** mānopi etesaṃyeva uppajjati. Yassa hi rañño raṭṭhaṃ vā dhanam vā vāhanāni vā sampannāni na hontī, so 'mayhaṃ rājāti vohārasukhamattameva; kiṃ rājā nāma aha'nti etaṃ mānaṃ karotī. Pabbajitopi 'appalābhasakkāro ahaṃ. Dhammakathiko bahussuto mahātherotī kathāmattameva. Kiṃ dhammakathiko nāmāhaṃ, kiṃ bahussuto nāmāhaṃ, kiṃ mahāthero nāmāhaṃ yassa me lābhasakkāro natthī'ti etaṃ mānaṃ karotī.

**872. Sadisassa seyyohamasmīti** mānādayo amaccādīnaṃ uppajjanti. Amacco hi raṭṭhiyo vā 'bhogayānavāhanādīhi ko mayā sadiso añño rājapuriso atthī'ti vā 'mayhaṃ aññehi saddhiṃ kiṃ nānākaraṇa'nti vā 'amaccotī nāmamattameva mayhaṃ; ghāsacchādanamattampi me natthī. Kiṃ amacco nāmāha'nti ete māne karotī.

**875. Hīnassa seyyohamasmīti** mānādayo dāsādīnaṃ uppajjanti. Dāso hi 'mātito vā pitito vā ko mayā sadiso añño dāso nāma atthī' aññe jīvituṃ asakkontā kucchihetu dāsā nāma jātā. Ahaṃ pana paveṇāgatattā seyyo'ti vā 'paveṇāgatabhāvena ubhatosuddhikadāsattena asukadāsena nāma saddhiṃ kiṃ mayhaṃ nānākaraṇa'nti vā 'kucchivasenāhaṃ dāsabyaṃ upagato. Mātāpitukoṭiyā pana me dāsattānaṃ natthī. Kiṃ dāso nāma aha'nti vā ete māne karotī. Yathā ca dāso evaṃ pukkusaṇḍālādayopi ete māne karontiyeva.

Ettha ca 'seyyassa seyyohamasmī'ti uppannamānova yāthāvamāno, itare dve ayāthāvamānā. Tathā 'sadisassa sadisohamasmī'ti 'hīnassa hīnohamasmī'ti uppannamānova yāthāvamāno, itare dve ayāthāvamānā. Tattha yāthāvamānā arahattamaggavajjhā, ayāthāvamānā sotāpattimaggavajjhā.

**878.** Evaṃ savatthuke māne kathetvā idāni avatthukaṃ nibbattitamānameva dassetuṃ **tattha katamo mānoti** idāni vuttam.

**879.** Atimānaniddese seyyādivasena puggalaṃ anāmasitvā jātiādīnaṃ vatthuvaseva niddiṭṭho. Tattha **atimānānti** 'jātiādīhi mayā sadiso natthī'ti atikkamitvā maññati.

**880.** Mānātimānaniddese **yo evarūpoti** yo eso 'ayaṃ pubbe mayā sadiso, idāni ahaṃ seṭṭho, ahaṃ hīnataro'ti uppanno māno. Ayaṃ bhārātībhāro viya purimaṃ sadisamānaṃ upādāya mānātimānoti dassetuṃ evamāha.

**881.** Omānaniddeso hīnamānaniddesasadisoyeva. Veneyyavasena pana so 'hīnohamasmī'ti māno nāma vutto – ayaṃ omāno nāma. Apicettha 'tvaṃ jātimā, kākajāti viya te jāti; tvaṃ gottavā, caṇḍālagottaṃ viya te gottaṃ; tuyhaṃ saro atthī, kākassaro viya te saro'ti evaṃ attānaṃ heṭṭhā katvā pavattanavasena ayaṃ omānoti veditabbo.

**882.** Adhimānaniddese **appatte pattasaññitāti** cattāri saccāni appatvā pattasaññitāya. **Akateti** catūhi maggehi kattabbakicce akateyeva. **Anadhigateti** catusaccadhamme anadhigate. **Asacchikateti** arahattena apaccakkhate. **Ayaṃ vuccati adhimānoti** ayaṃ adhigatamāno nāma vuccati.

Ayaṃ pana kassa uppajjati, kassa nuppajjati? Ariyasāvakaṃ tāva nuppajjati. So hi maggaphalanibbānapahīnakīlesāvasiṭṭhakīlesapaccavekkhaṇena sañjātasomanasso ariyaguṇapaṭivedhe nikkānko. Tasmā sotāpannādīnaṃ 'ahaṃ sakadāgāmī'tiādivasena māno nuppajjati; dussīlassāpi nuppajjati; so hi ariyaguṇadhigame nirāsova. Sīlavatopi pariccattakammaṭṭhānassa niddārāmatādīmanuyuttassa nuppajjati.

Parisuddhasīlassa pana kammaṭṭhāne appamattassa nāmarūpaṃ vavatthapetvā paccayapariggahena vitīṇakānkhassa tilakkaṇaṃ āropetvā saṅkhāre sammasantassa āraddhavipassakassa uppajjati; uppanne ca suddhasamathalābhī vā suddhavipassanālābhī vā antarā ṭhapeti. So hi dasapi vīsampi tiṃsampi vassāni kilesasamudācāraṃ apassanto 'ahaṃ sotāpanno'ti vā 'sakadāgāmī'ti vā 'anāgāmī'ti vā maññati. Samathavipassanālābhī pana arahatteyeva ṭhapeti. Tassa hi samādhībalena kilesā vikkhambhitā, vipassanābalena saṅkhārā supariggahitā. Tasmā saṭṭhipi vassāni asītipi vassāni vassasatampi kilesā na samudācaranti; khīṇāsavasessa cittaṇḍāro hoti. So evaṃ dīgharattaṃ kilesasamudācāraṃ apassanto antarā aṭṭhatvāva 'arahā aha'nti maññati, uccamālaṅkavāsī mahānāgattthero viya, hānkanakavāsī mahādattatthero viya, cittalapabbate nīkaponṇapadhānagaravāsī cūlasumatthero viya ca.

Tatridaṃ ekavatthuparidīpanaṃ – talaṅgaravāsī dhammadinnatthero kira nāma eko pabhinnapaṭisambhido

mahākhīṇāsavo mahato bhikkhusaṅghassa ovādadāyako ahoṣi. So ekadivasam attano divāṭṭhāne nisīditvā ‘kinnu kho amhākaṃ ācariyassa uccatālikavāsīmahānāgattherassa samaṇakiccaṃ matthakaṃ patto, no’ti āvajjanto puthujjanabhāvamevassa disvā ‘mayi agacchante puthujjanakālakiriyameva karissatī’ti ca ñatvā iddhiyā vehāsam uppativā divāṭṭhāne nisinnassa therassa samīpe orohitvā vanditvā vattaṃ dassetvā ekamantaṃ nisīdi. ‘Kiṃ, āvuso dhammadinna, akāle āgatoṣī’ti ca vutto ‘pañhaṃ, bhante, pucchitum āgatomhī’ti āha.

Tato ‘pucchāvuso, jānamāno kathayissāmī’ti vutto pañhāsahassaṃ pucchi. Thero pucchitapucchitaṃ pañhaṃ asajjamaṇova kathesi. Tato ‘atitikkhaṃ te, bhante, ñānaṃ. Kadā tumhehi ayaṃ dhammo adhiḅato’ti vutto ‘ito saṭṭhivassakāle, āvuso’ti āha. ‘Samādhimpi, bhante, vaḷañjethā’ti? ‘Na idaṃ, āvuso, bhāriya’nti. ‘Tena hi, bhante, ekaṃ hatthiṃ māpethā’ti. Thero sabbasetam hatthiṃ māpesi. ‘Idāni, bhante, yathā ayaṃ hatthī añcitakaṇṇo pasāritanaṅguṭṭho soṇḍaṃ mukhe pakkhipitvā bheravaṃ koñcānādaṃ karonto tumhākaṃ abhimukho āgacchati tathā taṃ karoṭhā’ti. Thero tathā katvā vegena āgacchato hatthissa bheravaṃ ākāraṃ disvā utṭhāya palāyitum āraddho. Tameṇaṃ khīṇāsavathero hatthaṃ pasāretvā cīvarakaṇṇe gahetvā ‘bhante, khīṇāsavassa sārājjaṃ nāma hotī’ti āha. So tasmim kāle attano puthujjanabhāvaṃ ñatvā ‘avassayo me, āvuso dhammadinna, hohī’ti vatvā pādamaḷe ukkuṭikaṃ nisīdi. ‘Bhante, tumhākaṃ avassayo bhavissāmiccevāhaṃ āgato, mā cintayitthā’ti kammaṭṭhānaṃ kathesi. Thero kammaṭṭhānaṃ gahetvā caṅkamaṃ āruya tatiye padavāre aggaphalaṃ arahattaṃ pāpuṇi. Thero kira dosacarito ahoṣi.

**883.** Asmimānaniddese **rūpaṃ asmīti mānoti** ‘ahaṃ rūpa’nti uppannamāno. **Chandoti** mānaṃ anugatacchando. Tathā **anusayo**. Vedanādisupi eseva nayo.

**884.** Micchāmānaniddese **pāpakena vā kammāyatanenāti** ādisu **pāpakaṃ kammāyatanaṃ** nāma kevaṭṭamacchabandhanesādādīnaṃ kammaṃ. **Pāpakaṃ sippāyatanaṃ** nāma macchājālakhipanakuminakaraṇesu ceva pāsaoḍḍanasūlāropanādisu ca chekatā. **Pāpakaṃ vijjāṭṭhānaṃ** nāma yā kāci parūpaghātavijjā. **Pāpakaṃ sutamaṃ** nāma bhāratayuddhasītāharaṇādiṭṭhānaṃ. **Pāpakaṃ paṭibhānaṃ** nāma dubbhāsīyuttaṃ kappanāṭakavilappanādiṭṭhānaṃ. **Pāpakaṃ sīlaṃ** nāma ajasīlaṃ gosīlaṃ. **Vatampi** ajavatagovatameva. **Pāpikā diṭṭhi** pana dvāsaṭṭhiyā diṭṭhigatesu yā kāci diṭṭhi.

**885.** Nātivitakkāniddesādisu ‘mayhaṃ nātayo sukhajīvīno sampattiyuttā’ti evaṃ pañcakāmaguṇasannissitena gehasītapemena nātāke ārabha uppannavitakkova **nātivitakko** nāma. ‘Khayaṃ gatā vayaṃ gatā saddhā pasannā’ti evaṃ pavatto pana nātivitakko nāma na hotī.

**886.** ‘Amhākaṃ janapado subhikkho sampannasasso’ti tuṭṭhamānassa gehasītapemavaseneva uppannavitakko **janapadavitakko** nāma. ‘Amhākaṃ janapade manussā saddhā pasannā khayaṃ gatā vayaṃ gatā’ti evaṃ pavatto pana janapadavitakko nāma na hotī.

**887.** Amaratthāya vitakko, amaro vā vitakkoti **amaravitakko**. Tattha ‘ukkuṭikappadhānādīhi dukkhe nijjiṇṇe samparāye attā sukhī hoti amaro’ti dukkarakārikaṃ karontassa tāya dukkarakārikāya paṭisaṃyutto vitakko amaratthāya vitakko nāma. Diṭṭhigatiko pana ‘sattaṃ vadesī’tiādīni puṭṭho ‘evantipi me no, tathātipi me no’ aññathātipi me no, notipi me no, no notipi me no’ti (dī. ni. 1.62) vikkhepaṃ āpajjati, tassa so diṭṭhigatapaṭisaṃyutto vitakko. Yathā amaro nāma maccho udake gahetvā māretum na sakkā, ito cito ca dhāvati, gāhaṃ na gacchati; evameva ekasmim pakkhe asaṅṭhahanato na maratīti amaro nāma hoti. Taṃ duvidhampi ekato katvā **ayaṃ vuccati amaravitakkoti** vuttaṃ.

**888.** **Parānuddayatāpaṭisaṃyuttoti** anuddayatāpatirūpakena gehasītapemena paṭisaṃyutto. **Sahanandī**tiādīsu upaṭṭhākesu nandantesu socantesu ca tehi saddhiṃ diguṇaṃ nandati, diguṇaṃ socati; tesu sukhitesu diguṇaṃ sukhito hoti, dukkhitesu diguṇaṃ dukkhito hoti. **Uppannesu kiccakaraṇīyesūti** tesu mahantesu vā khuddakesu vā kammesu uppannesu. **Attanā vā yogaṃ āpajjatīti** tāni tāni kiccāni sādheṇto paññattiṃ vītikkamati, sallekhaṃ kopeti. **Yo tatthāti** yo tasmim saṃsaṭṭhavihāre, tasmim vā yogāpajjane gehasīto vitakko – ayaṃ parānuddayatāpaṭisaṃyutto vitakko nāma.

**889.** **Lābhasakkārasilokapaṭisaṃyuttoti** cīvarādīlābhena ceva sakkārena ca kittisaddena ca saddhiṃ ārammaṇakaraṇavasena paṭisaṃyutto.

**890.** **Anavaññattipaṭisaṃyuttoti** ‘aho vata maṃ pare na avajāneyyum, na pothetvā viheṭhetvā katheyyu’nti evaṃ anavaññātabhāvapattānāya saddhiṃ uppajjanavitakko. **Yo tattha gehasītoti** yo tasmim ‘mā maṃ pare avajāñimsū’ti uppanne cīte pañcakāmaguṇasaṅkhātagehanissito hutvā uppannavitakko. Sesam sabbattha pākāṭamevāti.

Ekakaniddesavaṇṇanā.

## (2.) Dukaniddesavaṇṇanā

**891.** Dukesu kodhaniddesādayo heṭṭhā vuttanayeneva veditabbā. Heṭṭhā anāgatesu pana upanāhaniddesādīsu pubbakālaṃ kodhaṃ upanayhatīti aparakālakodho **upanāho** nāma. Upanayhanākāro **upanayhanā**. Upanayhitassa bhāvo **upanayhitattam**. **Aṭṭhapanāti** paṭhamuppānassa anantarattṭhapanā mariyādaṭṭhapanā vā. **Ṭhapanāti** pakatiṭṭhapanā. **Sanṭhapanāti** sabbatobhāgena punappunaṃ āghātaṭṭhapanā. **Anusamsandanāti** paṭhamuppānena kodhena saddhiṃ antaraṃ adassetvā ekībhāvakaraṇā. **Anuppabandhanāti** purimena saddhiṃ pacchimassa ghaṭanā. **Daḥhikammanti** thirakaraṇaṃ. **Ayaṃ vuccatīti** ayaṃ upanandhanalakkhaṇo veraṃ appaṭṭinissajjanaraso upanāhoti vuccatī; yena samannāgato puggalo veraṃ nissajjitum na sakkoti; ‘evaṃ nāma maṃ esa vattum ananucchaviko’ti aparāparaṃ anubandhati; ādittapūṭialātaṃ viya jalateva; dhoviyamaṇaṃ acchacammaṃ viya, vasātelamakkhitapilotikā viya ca na parisujjhati.

**892.** Makkhanabhāvavasena **makkho**; paraguṇamakkhanāya pavattentopi attano kāraṇaṃ, gūthapaharaṇakaṃ gūtho viya, paṭhamataraṃ makkhetīti attho. Tato parā dve ākārabhāvaniddesā. Niṭṭhurabhāvo **niṭṭhuriyaṃ**; ‘taṃ nissāya ettakampi natthī’ti khelaṇāpātananti attho. **Niṭṭhuriyakammanti** niṭṭhuriyakaraṇaṃ. Gahaṭṭho vā hi gahaṭṭhaṃ, bhikkhu vā bhikkhuṃ nissāya vasanto appamattakeneva kujjhivā ‘taṃ nissāya ettakampi natthī’ti khelaṇā pāteṭvā pādena maddanto viya niṭṭhuriyaṃ nāma karoti. Tassa taṃ kammaṃ niṭṭhuriyakammanti vuccatī. Lakkhaṇādito panesa paraguṇamakkhanalakkhaṇo makkho, tesam vināsanaraso, parena sukataṇaṃ kiriyānaṃ avacchādanapaccupaṭṭhāno.

Paḷāsati **paḷāso**; parassa guṇe dassetvā attano guṇehi samaṃ karotīti attho. Paḷāsassa āyanā **paḷāsāyanā**. Paḷāso ca so attano jayāharaṇato āhāro cāti **paḷāsāhāro**. **Vivādaṭṭhānanti** vivādakāraṇaṃ. **Yugaggāhoti** samadhuraggahaṇaṃ. **Appaṭṭinissaggoti** attanā gahitassa appaṭṭinissajjanaṃ. Lakkhaṇādito panesa yugaggāhalakkhaṇo paḷāso, paraguṇehi attano guṇānaṃ samakaraṇaraso, paresaṃ guṇappamaṇena upaṭṭhānapaccupaṭṭhāno. Paḷāsī hi puggalo dutiyassa dhuraṃ na deti, samaṃ pasāretvā tiṭṭhati, sākacchamaṇḍale aññena bhikkhunā bahūsu suttasu ca kāraṇesu ca ābhatesupi ‘tava ca mama ca vāde kiṃ nāma nānakaraṇaṃ? Nanu majjhe bhinnasuvaṇṇaṃ viya ekasadisameva amhākaṃ vacana’nti vadati. Issāmacchariyaniddesā vuttatthā eva.

**894.** Māyāniddese **vācaṃ bhāsati**ti jānaṃyeva ‘paṇṇattim vītikkamantā bhikkhū bhāriyaṃ karontī, amhākaṃ pana vītikkamaṭṭhānaṃ nāma natthī’ti upasanto viya bhāsati. **Kāyena parakkamatīti** ‘mayā kataṃ idaṃ pāpakammaṃ mā keci jāniṃsū’ti kāyena vattaṃ karoti. Vijjānādosapaṭicchādanato cakkhumohanamāyā viyāti **māyā**. Māyāvino bhāvo **māyāvitā**. Katvā pāpaṃ puna paṭicchādanato aticca āsaranti etāya sattāti **accāsarā**. Kāyavācākiriyaṃhi aññathā dassanato vañcetīti **vañcanā**. Etāya sattā nīkarontīti **nikati**; micchākarontīti attho. ‘Nāhaṃ evaṃ karomī’ti pāpānaṃ vikkhipanato **vikiraṇā**. ‘Nāhaṃ evaṃ karomī’ti parivajjanato **pariharaṇā**. Kāyādīhi saṃvaraṇato **gūhanā**. Sabbatobhāgena gūhanā **parigūhanā**. Tiṇapaṇṇehi viya gūthaṃ kāyavacīkammehi pāpaṃ chādeṭīti **chādanā**. Sabbatobhāgena chādanā **paṭicchādanā**. Na uttānaṃ katvā dassetīti **anuttānikammaṃ**. Na pākataṃ katvā dassetīti **anāvīkammaṃ**. Suṭṭhu chādanā **vochchādanā**. Katapaṭicchādanavasena punapi pāpassa karaṇato **pāpakiriya**. **Ayaṃ vuccatīti** ayaṃ katapaṭicchādanalakkhaṇā māyā nāma vuccatī; yāya samannāgato puggalo bhasmāpaṭicchanno viya aṅgāro, udakapaṭicchanno viya khāṇu, pilotikāpaliveṭṭhitam viya ca satthaṃ hoti.

Sāṭṭheyaniddese **saṭṭhoti** asantaguṇaparidīpanato na sammā bhāsītā. Sabbatobhāgena saṭṭho **parisaṭṭho**. **Yaṃ tatthāti** yaṃ tasmim puggale. **Saṭṭhanti** asantaguṇadīpanaṃ kerāṭiyaṃ. **Saṭṭhatīti** saṭṭhākāro. **Kakkaratāti** padumaṇāliṣṣa viya aparāmasanakkhamo kharapharusabhāvo. **Kakkariyantipi** tasseva vevacanaṃ. **Parikkhattatā pārikkhattiyanti** padadvayena nikhaṇitvā ṭhapaṭam viya daḥhakerāṭiyaṃ vuttaṃ. **Idaṃ vuccatīti** idaṃ attano avijjānāguṇappakāsanalakkhaṇaṃ sāṭṭheyaṃ nāma vuccatī; yena samannāgatassa puggalassa kucchim vā piṭṭhim vā jānitum na sakkā.

Vāmena sūkaro hoti, dakkhiṇena ajāṃigo;  
Sarena nelako hoti, visāṇena jaraggavoti.

Evaṃ vuttayakkhasūkarasadiṣo hoti. **Avijjādiniddesā** vuttatthā eva.

**902.** Anajjavaniddese **anajjavoti** anujutākāro. Anajjavabhāvo **anajjavatā**. **Jimhatāti** candavaṅkatā. **Vaṅkatāti** gomuttavaṅkatā. **Kuṭilatāti** naṅgalakoṭivaṅkatā. Sabbehipi imehi padehi kāyavacīcittavaṅkatāva kathitā.

Amaddavaniddese na mudubhāvo **amudutā**. Amaddavākāro **amaddavatā**. Kakkhaḷabhāvo **kakkhaḷiyaṃ**. Maddavakarassa sinehassa abhāvato pharusabhāvo **phārusiyaṃ**. Anīcavuttitāya ujukameva ṭhitacittabhāvo **ujucittatā**. Puna amudutāgahaṇaṃ tassā visesanatthaṃ ‘amudutāsaṅkhātā ujucittatā, na ajjavasaṅkhātā ujucittatā’ti.

903. Akkhantīniddesādayo khantīniddesādīpaṭipakkhato veditabbā.

908. Saṃyojananiddese **ajjhantanti** kāmabhavo. **Bahiddhāti** rūpārūpabhavo. Kiñcāpi hi sattā kāmabhavo appaṃ kālaṃ vasanti kappassa catutthameva koṭṭhāsaṃ, itaresu tīsu koṭṭhāsesu kāmabhavo suñño hoti tuccho, rūpārūpabhavo bahuṃ kālaṃ vasanti, tathāpi nesaṃ yasmā kāmabhavo cutīpaṭīsandhiyo bahukā hontī, appā rūpārūpabhavesu, yattha ca cutīpaṭīsandhiyo bahukā tattha ālayopi patthanāpi abhilāsopi bahu hoti, yattha appā tattha appo, tasmā kāmabhavo ajjhattaṃ nāma jāto, rūpārūpabhavā bahiddhā nāma. Iti ajjhattasañkhāte kāmabhavo bandhanaṃ **ajjhattasaṃyojanaṃ** nāma, bahiddhāsañkhātesu rūpārūpabhavesu bandhanaṃ **bahiddhāsaṃyojanaṃ** nāma. Tattha ekekaṃ pañcāpañcavidhaṃ hoti. Tena vuttaṃ “pañcorambhāgiyāni pañcuddhambhāgiyāni” ti. Tatrāyaṃ vacanatto – oraṃ vuccati kāmadhātu, tattha upapattinīpphādanato taṃ oraṃ bhajantīti orambhāgiyāni. Uddhaṃ vuccati rūpārūpadhātu, tattha upapattinīpphādanato taṃ uddhaṃ bhajantīti uddhambhāgiyāni.

Dukaniddesavaṇṇanā.

### (3.) Tikaniddesavaṇṇanā

909. Tikaniddese tīhi akusalamūlehi vaṭṭamūlasamudācāro kathito. Akusalavitakkādīsu vitakkanavasena **vitakko**, sañjānavasena **saññā**, sabhāvaṭṭhena **dhātūti** veditabbā. Duccaritaniddese paṭhamaṇayo kammaṭṭhavasena vibhatto, dutiyo sabbasaṅgāhikakammavasena, tatiyo nibbattitacetaṇāvaseneva.

914. Āsavaniddese suttantapariyāyena tayova āsavā kathitā.

919. Esanāniddese sañkhepato **tattha katamā kāmesanāti** ādinā nayena vutto kāmāgavesanarāgo **kāmesanā**. **Yo bhavesu bhavacchandoti** ādinā nayena vutto bhavāgavesanarāgo **bhavesanā**. **Sassato lokoti** ādinā nayena vuttā diṭṭhigatikasammatassa brahmacariyassa gavesanā diṭṭhi **brahmacariyesanāti** veditabbā. Yasmā ca na kevalaṃ rāgadiṭṭhiyo eva esanā, tadekaṭṭhaṃ pana kammampi esanā eva, tasmā taṃ dassetuṃ dutiyanayo vibhatto. Tattha **tadekaṭṭhanti** sampayuttekaṭṭhaṃ veditabbā. Tattha kāmāgēkaṭṭhaṃ kāmāvacarasattānameva pavattati; bhavarāgēkaṭṭhaṃ pana mahābrahmānaṃ. Samāpattito vuṭṭhāya caṅkamaṇānaṃ jhānaṅgānaṃ assādanakāle akusalakāyakkammaṃ hoti, ‘aho sukhaṃ aho sukha’nti vācaṃ bhinditvā assādanakāle vacīkammaṃ, kāyaṅgavācaṅgāni acopetvā manasāva assādanakāle manokammaṃ. Antaggāhikadiṭṭhivasena sabbesampi diṭṭhigatīkaṇaṃ caṅkamaṇādivasena tāni hontīyeva.

920. Vidhāniddese “kathaṃvidhaṃ sīlavantaṃ vadanti, kathaṃvidhaṃ paññavantaṃ vadantī” tiādīsu (saṃ. ni. 1.95) ākārasaṅghānaṃ vidhā nāma. “Ekavidhena nāṇavattthū” tiādīsu (vibha. 751) koṭṭhāso. “Vidhāsu na vikampatī” tiādīsu (theragā. 1079) māno. Idhāpi mānova vidhā nāma. So hi seyyādivasena vidahanato vidhāti vuccati. Ṭhapanatṭhena vā vidhā. Tasmā ‘seyyohamasmī’ ti evaṃ uppannā mānavidhā māṇatṭhapanā **seyyohamasmīti vidhāti** veditabbā. Sesapadadvayesupi eseva nayo.

921. Bhayaniddese **jātiṃ paṭicca bhayanti** jātipaccayā uppannabhayaṃ. **Bhayānakanti** ākāraniddeso. **Chambhitattanti** bhayavasena gattacalanāṃ. **Lomahaṃsoti** lomānaṃ haṃsanaṃ, uddhaggabhāvo. Iminā padadvayena kiccato bhayaṃ dassetvā puna **cetaso utrāsoti** sabhāvato dassitaṃ.

922. Tamaniddese vicikicchāsīna avijjā kathitā. “Tamandhakāro sammoho, avijjogho mahabbhayo” ti vacanato hi avijjā **tamo** nāma. Tiṇṇaṃ pana addhānaṃ vasena desanāsukhatāya vicikicchāsīna desanā katā. Tattha ‘kiṃ nu kho ahaṃ atīte khattīyo aho siṃ udāhu brāhmaṇo vesso suddo kāḷo odāto rasso dīgho’ ti kaṅkhanto **atītaṃ addhānaṃ ārabha kaṅkhati** nāma. ‘Kiṃ nu kho ahaṃ anāgate khattīyo bhavissāmi udāhu brāhmaṇo vesso...pe... dīgho’ ti kaṅkhanto **anāgataṃ addhānaṃ ārabha kaṅkhati** nāma. ‘Kiṃ nu kho ahaṃ etarhi khattīyo udāhu brāhmaṇo vesso suddo; kiṃ vā ahaṃ rūpaṃ udāhu vedanā saññā sañkhārā viññāṇa’nti kaṅkhanto **paccuppannaṃ addhānaṃ ārabha kaṅkhati** nāma.

Tattha kiñcāpi khattīyo vā attano khattiyabhāvaṃ, brāhmaṇo vā brāhmaṇabhāvaṃ, vesso vā vessabhāvaṃ, suddo vā suddabhāvaṃ ajānanako nāma natthi, jīvaladdhiko pana satto khattiyajīvadīnaṃ vaṇṇādibhedam sutvā ‘kīdiso nu kho amhākaṃ abbhantare jīvo – kiṃ nu kho nīlako udāhu pītako lohītaṃ odāto caturāṃso chaḷaṃso atṭhaṃso’ ti kaṅkhanto evaṃ kaṅkhati nāma.

923. **Titthāyatanāni** titthabhūtāni āyatanāni, titthiyānaṃ vā āyatanāni. Tattha titthaṃ nāma dvāsaṭṭhi diṭṭhiyo. Titthiyā nāma yesaṃ tā diṭṭhiyo ruccanti khamanti. Āyatanatṭho heṭṭhā vuttoyeva. Tattha yasmā sabbepi diṭṭhigatīkā sañjāyamānā imesuyeva tīsu ṭhānesu sañjāyanti, samosaramānāpi etesuyeva samosaranti sannipatanti,



diṭṭhigatikabhāve ca nesaṃ etānīyeva kāraṇāni, tasmā titthāni ca tāni sañjātānītiadinā atthena āyatanāni cāti titthāyatanāni; tenevatthena titthiyānaṃ āyatanānītipi titthāyatanāni. **Purisapuggaloti** satto. Kāmañca purisotipi puggalotipi vutte sattoyeva vutto, ayaṃ pana **sammutikathā** nāma yo yathā jānāti tassa tathā vuccati. **Paṭisaṃvedetī** attano santāne uppannaṃ jānāti, paṭisaṃviditaṃ karoti anubhavati vā. **Pubbekatahetūti** pubbe katakāraṇā, pubbe katakammaṃpaccayeneva paṭisaṃvedetīti attho. Ayaṃ nigaṇṭhasamayo. Evaṃvādino pana te kammavedanañca kiriyavedanañca paṭikkhipitvā ekaṃ vipākavedanameva sampaṭicchanti. Pittasamuṭṭhānādīsu (mahāni. 5) ca aṭṭhasu ābādhesu satta paṭikkhipitvā aṭṭhamāṇyeva sampaṭicchanti, diṭṭhadhammavedanīyādīsu ca tīsu kammesu dve paṭikkhipitvā ekaṃ aparāpariyavedanīyameva sampaṭicchanti, kusalākusalavipākakiriyasaṅkhātāsu ca catūsu cetanāsu vipākacetanaṃyeva sampaṭicchanti.

**Issaranimmānahetūti** issaranimmānakāraṇā; brahmunā vā pajāpatinā vā issarena nimmitattā paṭisaṃvedetīti attho. Ayaṃ brāhmaṇasamayo. Ayañhi nesaṃ adhippāyo – imā tisso vedanā paccuppanne attanā katamūlakena vā āṇattimūlakena vā pubbe katena vā ahetuappaccayā vā paṭisaṃvedetuṃ nāma na sakkā; issaranimmānakāraṇā eva pana imā paṭisaṃvedetīti. Evaṃvādino panete heṭṭhā vuttasu aṭṭhasu ābādhesu ekampi asampaṭicchitvā sabbam paṭibhanti. Tathā diṭṭhadhammavedanīyādīsūpi sabbakoṭṭhāsesu ekampi asampaṭicchitvā sabbam paṭibhanti.

**Ahetu appaccayāti** hetuñca paccayañca vinā akāraṇeneva paṭisaṃvedetīti attho. Ayaṃ ājīvakasamayo. Evaṃ vādino etepi heṭṭhā vuttasu kāraṇesu ca byādhīsu ca ekampi asampaṭicchitvā sabbam paṭikkhipanti.

**924. Kiñcanāti** palibodhā. **Rāgo kiñcananti** rāgo uppajjamāno satte bandhati palibundheti, tasmā kiñcananti vuccati. Dosamohesupi eseve nayo. **Aṅgaṇānīti** “udaṅgaṇe tattha papaṃ avindu”nti (jā. 1.1.2) āgataṭṭhāne bhūmippadeso aṅgaṇaṃ. “Tasseva rajassa vā aṅgaṇassa vā pahānāya vāyamatī”ti (ma. ni. 1.184; a. ni. 10.51) āgataṭṭhāne yaṃ kiñci malaṃ vā paṅko vā. “Sāṅgaṇova samāno”ti (ma. ni. 1.57) āgataṭṭhāne nānappakāro tibbakilesa. Idhāpi tadeva kilesaṅgaṇaṃ adhippetam. Teneva **rāgo aṅgaṇanti**ādīmāha.

**Malānīti** malinabhāvakaṇāni. **Rāgo malanti** rāgo uppajjamāno cittaṃ malinaṃ karoti, malaṃ gāhāpeti, tasmā malanti vuccati. Itaresūpi dvīsu eseve nayo.

Visamaniddese yasmā rāgādīsu ceva kāyaduccarītādīsu ca sattā pakkhalanti, pakkhalitā ca pana sāsanatopi sugatitopi patanti, tasmā pakkhalanapātahetuto **rāgo visamanti**ādī vuttaṃ.

**Aggīti** anudhanaṭṭhena aggī. **Rāgaggīti** rāgo uppajjamāno satte anudhati jhāpeti, tasmā aggīti vuccati. Dosamohesupi eseve nayo. Tattha vatthūni – ekā kira daharabhikkhunī cittalapabbatavihāre uposathāgāraṃ gantvā dvārapālakarūpaṃ olokayamānā ṭhitā. Athassā anto rāgo uppanno. Sā teneva jhāyitvā kālamakāsi. Bhikkhuniyo gacchamānā ‘ayaṃ daharā ṭhitā, pakkosatha na’nti āhaṃsu. Ekā gantvā ‘kasmā ṭhitāsi’ti hatthe gaṇhi. Gahitamattā parivattitvā patitā. Idaṃ tāva rāgassa anudahanatāya vatthu. Dosassa pana anudahanatāya manopadosikā devā daṭṭhabbā. Mohassa anudahanatāya khiḍḍāpadosikā devā daṭṭhabbā. Mohanavasena hi tesam satissamoso hoti. Tasmā khiḍḍāvasena āhārakālaṃ ativattitvā kālaṃ karonti. **Kasāvāti** kasaṭā nirojā. Rāgādīsu ca kāyaduccarītādīsu ca ekampi paṇītam ojavantaṃ natthi, tasmā **rāgo kasāvoti**ādī vuttaṃ.

**925. Assādadiṭṭhīti** assādasampayuttā diṭṭhi. **Natthi kāmesu dosoti** kilesakāmena vatthukāmapaṭisevanadoso natthīti vadati. **Pātabyatanti** pātabbabhāvaṃ paribhuñjanaṃ ajjhoharaṇaṃ. Evaṃvādī hi so vatthukāmesu kilesakāmaṃ pivanto viya ajjhoharanto viya paribhuñjati. **Attānudiṭṭhīti** attānaṃ anugatā diṭṭhi. **Micchādiṭṭhīti** lāmakā diṭṭhi. Idāni yasmā ettha paṭhamā sassatadiṭṭhi hoti, dutiyā sakkāyadiṭṭhi, tatiyā ucchedadiṭṭhi, tasmā tamattham dassetuṃ **sassatadiṭṭhi assādadiṭṭhi**ādīmāha.

**926. Aratiniddeso** ca **vihesāniddeso** ca vuttatthoyeva. Adhammassa cariyā **adhammacariyā**, adhammakaraṇanti attho. Visamā cariyā, visamassa vā kammassa cariyāti **visamacariyā**. **Dovacassatāpāpamittatā** niddesā vuttatthā eva. Puthunimittāramaṇesu pavattito nānattesu saññā **nānattasaññā**. Yasmā vā aññāva kāmasaññā, aññā byāpādādisaññā, tasmā nānattā saññātipi nānattasaññā. Kosajjapamādaniddesesu pañcasu kāmagaṇesu vissatṭhacittassa kusaladhammabhāvanāya ananuyogavasena līnavuttitā **kosajjam**, pamajjanavasena pamattabhāvo **pamādoti** veditabbo. **Asantuṭṭhitā** diniddesā vuttatthā eva.

**931.** Anādariyaniddese ovādassa anādiyanavasena anādarabhāvo **anādariyam**. Anādariyanākāro **anādaratā**. Sagaruvāsaṃ avasanaṭṭhena agāravabhāvo **agāravatā**. Sajeṭṭhakavāsaṃ avasanaṭṭhena **appatissavatā**. **Anaddāti** anādiyanā. **Anaddāyanāti** anādiyanākāro. Anaddāya ayitassa bhāvo **anaddāyitattam**. Asīlassa bhāvo **asilyam**. **Acittikāroti** garucittikārassa akaraṇaṃ.

932. Assaddhabhāvo **assaddhiyaṃ**. Asaddahanākāro **asaddahanā**. Okappetvā anupavisitvā aggahaṇaṃ **anokappanā**. Appasīdanaṭṭhena **anabhippasādo**.

**Avadaññutāti** thaddhamacchariyavasena ‘dehi, karohī’ti vacanassa ajānatā.

934. **Buddhā ca buddhasāvaka cāti** ettha buddhaggahaṇena paccekabuddhāpi gahitāva. **Asametukamyatāti** tesam samīpaṃ agantukāmatā. **Saddhammaṃ asotukamyatāti** sattatiṃsa bodhipakkhiyadhammā saddhammo nāma, taṃ asuṇitukāmatā. **Anuggahetukamyatāti** na ugghahetukāmatā.

**Upārambhacittatāti** upārambhacittabhāvo. Yasmā pana so atthato upārambhova hoti, tasmā taṃ dassetuṃ **tattha katamo upārambhoti**ādi vuttaṃ. Tattha upārambhanavasena **upārambho**. Punappunaṃ upārambho **anupārambho** upārambhanākāro **upārambhanā**. Punappunaṃ upārambhanā **anupārambhanā**. Anupārambhitassa bhāvo **anupārambhitattaṃ**. **Uññāti** heṭṭhā katvā jānanā. **Avaññāti** avajānanā. Paribhavanaṃ **paribhavo**. Randhassa gavesitā **randhagavesitā**. Randhaṃ vā gavesatīti randhagavesī, tassa bhāvo randhagavesitā. **Ayaṃ vuccatīti** ayaṃ paravajjānupassanalakkhaṇo upārambho nāma vuccati, yena samannāgato puggalo, yathā nāma tunnakāro sātakaṃ pasāretvā chiddameva oloketi, evameva parassa sabbepi guṇe makkhetvā aguṇesuyeva patiṭṭhāti.

936. **Ayoniso manasikāro**ti anupāyamanasikāro. **Anicce niccanti** anicceyeva vatthusmiṃ ‘idaṃ nicca’nti evaṃ pavatto. **Dukkhe sukhanti**ādisupi eseva nayo. **Saccavippaṭikulena cāti** catunnaṃ saccānaṃ ananulomavasena. **Cittassa āvaṭṭanā**tiādiṇi sabbāni pi āvajjanasseva vevacanāneva. Āvajjanañhi bhavaṅgacittaṃ āvaṭṭetīti cittassa **āvaṭṭanā**. Anuanu āvaṭṭetīti **anāvaṭṭanā**. Ābhujatīti **ābhogo**. Bhavaṅgārammaṇato aññaṃ ārammaṇaṃ samannāharatīti **samannāhāro**. Tadevārammaṇaṃ attānaṃ anubandhitvā uppajjamāne manasikarotīti **manasikāro**. **Karotīti** ṭhapeti. **Ayaṃ vuccatīti** ayaṃ anupāyamanasikāro uppathamanasikāralakkhaṇo ayonisomanasikāro nāma vuccati. Tassa vasena puggalo dukkhādiṇi saccāni yāthāvato āvajjituṃ na sakkoti.

Kummaggasevanāniddese yaṃ kummaggaṃ sevato sevanaṃ kummaggasevanāti vuccati, taṃ dassetuṃ **tattha katamo kummaggoti** dutiyapucchā katā. Sesam sabbattha uttānamevāti.

Tikaniddesavaṇṇanā niṭṭhitā.

#### (4.) Catukkaniddesavaṇṇanā

939. Catukkaniddese taṇhuppādesu **cīvarahetūti** ‘kattha manāpaṃ cīvaraṃ labhissāmī’ti cīvarakāraṇā uppajjati. **Itibhavābhavahetūti** ettha **itīti** nidassanatto nipāto; yathā cīvarādi hetu evaṃ bhavābhavahetūtipi attho. **Bhavābhavoti** cettha paṇītapāṇītataraṇi telamadhuphāṇītiādiṇi adhippetāni. Imesaṃ pana catunnaṃ taṇhuppādānaṃ pahānatthāya paṭipāṭiyāva cattāro ariyavaṃsā desitāti veditabbā.

Agatigamanesu **chandāgatiṃ gacchatīti** chandena pemena agatiṃ gacchati, akattabbaṃ karoti. Parapadesupi eseva nayo. Tattha yo ‘ayaṃ me mitto vā sandiṭṭho vā sambhatto vā ñātako vā lañjaṃ vā pana me detī’ti chandavasena assāmikaṃ sāmikaṃ karoti – ayaṃ chandāgatiṃ gacchati nāma. Yo ‘ayaṃ me verī’ti pakativeravasena vā taṅkhaṇuppannakodhavasena vā sāmikaṃ assāmikaṃ karoti – ayaṃ **dosāgatiṃ gacchati** nāma. Yo pana mandattā momūhattā yaṃ vā taṃ vā vatvā assāmikaṃ sāmikaṃ karoti – ayaṃ **mohāgatiṃ gacchati** nāma. Yo pana ‘ayaṃ rājavallabho vā visamanissito vā anattampī me kareyyā’ti bhīto assāmikaṃ sāmikaṃ karoti – ayaṃ **bhayāgatiṃ gacchati** nāma. Yo vā pana bhājiyaṭṭhāne kiñci bhājento ‘ayaṃ me mitto vā sandiṭṭho vā sambhatto vā’ti pemavasena atirekaṃ deti, ‘ayaṃ me verī’ti dosavasena ūnakaṃ deti, momūhattā dinnādinnaṃ ajānamāno kassaci ūnakaṃ kassaci adhikaṃ deti, ‘ayaṃ imasmiṃ adīyamāne mayhaṃ anattampī kareyyā’ti bhīto kassaci atirekaṃ deti, so catubbidhopi yathānukkamena chandāgatiādiṇi gacchati nāma. Ariyā eṭāya na gacchantīti **agati**, anariyā iminā agatiṃ gacchantīti **agatigamaṇaṃ**. Imaṃ dvayaṃ catunnaṃpi sādāraṇavasena vuttaṃ. Chandena gamaṇaṃ **chandagamaṇaṃ**. Imaṃ dosādiṇaṃ asādāraṇavasena vuttaṃ. Sakapakkharāgaṇa parapakkhadosaṇa purakkhatvā asamaggabhāvena gamaṇaṃ **vaggagamaṇaṃ**. Imaṃ chandadosasādāraṇavasena vuttaṃ. Vārino viya yathāninnaṃ gamaṇanti **vārigamaṇaṃ**. Imaṃ catunnaṃpi sādāraṇavasena vuttaṃ.

Vipariyāsesu aniccādiṇi vatthūni niccantiādinā nayena viparītato esantīti vipariyāsā, saññāya vipariyāso **saññāvipariyāso**. Itaresupi dvīsu eseva nayo. Evamete catunnaṃ vatthūnaṃ vasena cattāro, yesu vatthūsu saññādiṇaṃ vasena dvādasa honti. Tesu aṭṭha sotāpattimaggena pahīyanti. **Asubhe subhanti** saññācittavipallāsā sakadāgāmimaggena tanukā honti, anāgāmimaggena pahīyanti. **Dukkhe sukhanti** saññācittavipallāsā arahattamaggena pahīyantīti veditabbā.

Anariyavohāresu **anariyavohārā**tī anariyānaṃ lāmakānaṃ vohārā. **Diṭṭhavāditā**tī ‘diṭṭhaṃ mayā’ti evaṃ vāditā. Ettha ca taṃ taṃ samuṭṭhāpikacetanāvasena attho veditabbo. Saha saddena cetanā kathitātipi vuttameva. Dutiyacatukkepi eseva nayo. Ariyo hi adisvā vā ‘diṭṭhaṃ mayā’ti disvā vā ‘na diṭṭhaṃ mayā’ti vattā nāma natthi; anariyova evaṃ vadati. Tasmā evaṃ vadantassa etā saha saddena aṭṭha cetanā anariyavohārāti veditabbā.

Duccaritesu paṭhamacatukkaṃ veracetanāvasena vuttaṃ, dutiyaṃ vacīduccaritavasena.

Bhayesu paṭhamacatukke jātiṃ paṭicca uppannaṃ bhayaṃ **jātibhayaṃ**. Sesesupi eseva nayo. Dutiyacatukke rājato uppannaṃ bhayaṃ **rājabhayaṃ**. Sesesupi eseva nayo.

Tatiyacatukke **cattāri bhayānī**tī mahāsamudde udakaṃ orohantassa vuttabhayāni. Mahāsamudde kira mahindavīci nāma satṭhi yojanāni uggacchati. Gaṅgāvīci nāma paṇṇāsa. Rohaṇavīci nāma cattālīsa yojanāni uggacchati. Evarūpā ūmiyo paṭicca uppannaṃ bhayaṃ **ūmibhayaṃ** nāma. Kumbhīlato uppannaṃ bhayaṃ **kumbhīlabhayaṃ**. Udakāvaṭṭato bhayaṃ **āvaṭṭabhayaṃ**. Susukā vuccati caṇḍamaccho; tato bhayaṃ **susukābhayaṃ**.

Catutthacatukke **attānuvādbhaya**nti pāpakammino attānaṃ anuvadantassa uppajjanakabhayaṃ. **Parānuvādbhaya**nti parassa anuvādato uppajjanakabhayaṃ. **Daṇḍabhaya**nti agārikassa rañṇā pavattitadaṇḍaṃ, anagārikassa vinayadaṇḍaṃ paṭicca uppajjanakabhayaṃ. **Duggatibhaya**nti cattāro apāye paṭicca uppajjanakabhayaṃ. Iti imehi catūhi catukkehi soḷasa mahābhayāni nāma kathitāni.

Diṭṭhicatukke timbarukadiṭṭhi (saṃ. ni. 2.18) nāma kathitā. Tattha **sayamkataṃ sukhadukkha**nti vedanaṃ attato samanupassato vedanāya eva vedanā katāti uppannā diṭṭhi. Evañca sati tassā vedanāya pubbepi atthitā āpajjatīti ayaṃ sassatadiṭṭhi nāma hoti. **Saccato thetatoti** saccato thirato. **Paraṃkata**nti paccuppannavedanato aññaṃ vedanākāraṇaṃ vedanattānaṃ samanupassato ‘aññāya vedanāya ayaṃ vedanā katā’ti uppannā diṭṭhi. Evaṃ sati purimāya kāraṇavedanāya ucchedo āpajjatīti ayaṃ ucchedadiṭṭhi nāma hoti. **Sayamkatañca paraṃkatañcā**tī yathāvutteneva atthena ‘upaḍḍhaṃ sayamkataṃ, upaḍḍhaṃ parena kata’nti gaṇhato uppannā diṭṭhi – ayaṃ sassatucchedadiṭṭhi nāma. Catutthā akāraṇā eva sukhadukkhaṃ hotīti gaṇhato uppannā diṭṭhi. Evaṃ sati ayaṃ ahetukadiṭṭhi nāma. Sesamettha heṭṭhā vuttanayattā uttānatthamevāti.

Catukkaniddesavaṇṇanā niṭṭhitā.

### (5.) Pañcakaniddesavaṇṇanā

**940.** Pañcakaniddese yasmā yesaṃ sakkāyadiṭṭhiādīni appahīnāni, te bhavaggepi nibbatte etāni ākaḍḍhitvā kāmabhaveyeva pātentī, tasmā **orambhāgiyāni samyojanānī**tī vuttāni. Iti etāni pañca gacchantāṃ na vārentī, gataṃ pana ānenti. Rūparāgādīnīpi pañca gacchantāṃ na vārentī, āgantūṃ pana na denti. Rāgādayo pañca lagganaṭṭhena **saṅgā**, anupaviṭṭhaṭṭhena pana **sallā**tī vuttā.

**941.** **Cetokhilā**tī cittassa thaddhabhāvā kacavarabhāvā khāṇukabhāvā. **Satthari kaṅkhatī**tī satthu sarīre vā guṇe vā kaṅkhati. Sarīre kaṅkhamāno ‘dvattiṃsavaralakkhaṇapaṭimaṇḍitaṃ nāma sarīraṃ atthi nu kho natthī’ti kaṅkhati. Guṇe kaṅkhamāno ‘atīṭānāgatapaccuppannajananasamattaṃ sabbaññūtaññaṃ atthi nu kho natthī’ti kaṅkhati. **Vicikicchā**tīti vicinanto kicchati, dukkhaṃ āpajjati, vinicchetuṃ na sakkoti. **Nādhimuccatī**tī ‘evameta’nti adhimokkhaṃ na paṭilabhati. **Na sampasīdatī**tī guṇesu otarivā nibbicikicchabhāvena pasīdituṃ anāvilo bhavituṃ na sakkoti.

**Dhammeti** pariyattidhamme ca paṭivedhadhamme ca. Pariyattidhamme kaṅkhamāno ‘tepiṭakaṃ buddhavacanaṃ caturāsītīdhammakhandhasassānīti vadanti, atthi nu kho etaṃ natthī’ti kaṅkhati. Paṭivedhadhamme kaṅkhamāno ‘vipassanānissando maggo nāma, magganissando phalaṃ nāma, sabbasaṅkhārapaṭinissaggo nibbānaṃ nāmāti vadanti, taṃ atthi nu kho natthīti kaṅkhati’.

**Saṅghe kaṅkhatī**tī ‘ujuppaṭipannotiādīnaṃ padānaṃ vasena evarūpaṃ paṭipadaṃ paṭipannā cattāro maggaṭṭhā cattāro phalaṭṭhāti aṭṭhannaṃ puggalānaṃ samūhābhūto saṅgho nāma atthi nu kho natthī’ti kaṅkhati. Sikkhāya kaṅkhamāno ‘adhīsīlasikkhā nāma adhicitasikkhā nāma adhipañña sikkhā nāmāti vadanti, sā atthi nu kho natthī’ti kaṅkhati.

**Cetasovinibandhā**tī cittaṃ bandhitvā muṭṭhiyaṃ katvā viya gaṇhantīti cetasovinibandhā. **Kāmeti** vatthukāmepe kilesakāmepe. **Kāyeti** attano kāye. **Rūpeti** bahiddhā rūpe. **Yāvadatthanti** yattakaṃ icchati tattakaṃ.

**Udarāvadehakanti** udarapūraṃ. Tañhi udaraṃ avadehanato udarāvadehakanti vuccati. **Seyyasukhanti** mañcapīṭhasukhaṃ utusukhaṃ vā. **Passasukhanti** yathā samparivattakaṃ sayantassa dakkhiṇapassavāmapassānaṃ sukhaṃ hoti, evaṃ uppannasukhaṃ. **Middhasukhanti** niddāsukhaṃ. **Anuyuttoti** yuttapayutto viharati. **Pañidhāyāti** pathhayitvā. **Silenāti**tiādīsu **silanti** catupārisuddhisīlaṃ. **Vatanti** vatasamādānaṃ. **Tapoti** tapacaraṇaṃ. **Brahmacariyanti** methunavirati. **Devo vā bhavissāmīti** mahesakkhadevo vā bhavissāmī. **Devaññataro vāti** appesakkhadevesu vā aññataro. Kusaladhamme āvaranti nivārentīti **nīvaraṇāni**.

**Mātā jīvītā voropitā hotīti** manusseneva sakajanikā manussamātā jīvītā voropitā hoti. **Pitāpi** manussapitāva. **Arahāpi** manussaarahāva. **Duṭṭhena cittenāti** vadhakacittena.

**Saññīti** saññāsamaṅgī. **Arogoti** nicco. **Ittheke abhivadantīti** itthaṃ eke abhivadanti, evameke abhivadantīti attho. Ettāvātā soḷasa saññītvādā kathitā. **Asaññīti** saññāviraḥito. Iminā padena aṭṭha asaññītvādā kathitā. Tatiyapadena aṭṭha nevasaññīnāsaññītvādā kathitā. **Sato vā pana sattassāti** athavā pana vijjamañasseva sattassa. **Ucchedanti** upacchedaṃ. **Vināsanti** adassanaṃ. **Vibhavanti** bhāvavigamaṃ. Sabbānetāni aññamaññavevacanāneva. Tattha dve janā ucchedadiṭṭhiṃ gaṇhanti – lābhī ca alābhī ca. Tattha lābhī arahato dibbena cakkhunā cutiṃ disvā upapattiṃ apassanto, yo vā cutimattameva daṭṭhuṃ sakkoti na upapātaṃ, so ucchedadiṭṭhiṃ gaṇhāti. Alābhī ‘ko paralokaṃ jānāti’ ti kāmasukhagiddhatāya vā ‘yathā rukkhatō paṇṇāni patitāni na puna viruhanti, evaṃ satta’ tiādīnā vitakkena vā ucchedaṃ gaṇhāti. Idha pana taṇhādiṭṭhīnaṃ vasena tathā ca aññāthā ca vikappetvāva uppannā satta ucchedavādā kathitā. Tesañhi idaṃ saṅgahavacanaṃ. **Diṭṭhadhammanibbānaṃ vā paneketi** ettha **diṭṭhadhammoti** paccakkhadhammo vuccati. Tattha tattha paṭiladdhattabhāvassetaṃ adhivacanaṃ. Diṭṭhadhamme nibbānaṃ **diṭṭhadhammanibbānaṃ**; imasmiṃyeva attabhāve dukkhā vūpasammanti attho. Idaṃ pañcannaṃ diṭṭhadhammanibbānavādānaṃ saṅgahavacanaṃ.

**942. Verāti** veracetanā. **Byasanāti** vināsā. **Akkhantiyāti** anadhivāsānāya. **Appiyoti** dassanasavanapaṭikūlatāya na piyāyitabbo. Cintetumpi paṭikūlattā mano etasmiṃ na appetīti **amanāpo**. **Verabahuloti** bahuvero. **Vajjabahuloti** bahudoso.

**Ājivakabhayanti** ājīvaṃ jīvitavuttiṃ paṭicca uppannaṃ bhayaṃ. Taṃ agārikassapi hoti anagārikassapi. Tattha agārikena tāva ājīvahetu bahuṃ akusalaṃ kataṃ hoti. Athassa maraṇasamaye niraye upaṭṭhahante bhayaṃ uppajjati. Anagārikenāpi bahu anesanā katā hoti. Athassa maraṇakāle niraye upaṭṭhahante bhayaṃ uppajjati. Idaṃ ājivakabhayaṃ nāma. **Asilokabhayanti** garahabhayaṃ **parisasārajjabhayanti** katapāpassa puggalassa sannipatitaṃ parisāṃ upasaṅkamantassa sārājjasāṅkhātāṃ bhayaṃ uppajjati. Idaṃ parisasārajjabhayaṃ nāma. Itaradvayaṃ pākāṭameva.

**943. Diṭṭhadhammanibbānavāresu pañcahi kāmaguṇehīti** manāpiyarūpādīhi pañcahi kāmakoṭṭhāsehi bandhanehi vā. **Samappitoti** suṭṭhu appito allīno hutvā. **Samaṅgībhūtoti** samannāgato. **Paricāretīti** tesu kāmaguṇesu yathāsukhaṃ indriyāni cāreti sañcāreti ito cito ca upaneti; atha vā pana laḷati ramati kīḷatīti. Ettha ca duvidhā kāmaguṇā – mānussakā ceva dibbā ca. Mānussakā mandhātukāmaguṇasadisā daṭṭhabbā; dibbā paranimitavasavattidevarājassa kāmaguṇasadisāti. Evarūpe kāme upagatañhi te paramadiṭṭhadhammanibbānappatto hotīti vadanti. Tattha **paramadiṭṭhadhammanibbānanti** paramaṃ diṭṭhadhammanibbānaṃ, uttamanti attho.

Dutiyavāre hutvā abhāvattṭhena **aniccā**; paṭipīḷanaṭṭhena **dukkhā**; pakatijhanaṭṭhena **vipariṇāmadhammāti** veditabbā. **Tesaṃ vipariṇāmaññāthābhāvāti** tesaṃ kāmānaṃ vipariṇāmasaṅkhātā aññāthābhāvā. ‘Yampi me ahosi tampi me natthī’ ti vuttanayena uppajjanti **sokaparidevadukkhadomanassupāyāsā**. Tattha antonijjhāyanalakkhaṇo **soko**; tannissitalālapalakkhaṇo **paridevo**; kāyapaṭipīḷanalakkhaṇaṃ **dukkhaṃ**; manovighātalakkhaṇaṃ **domanassaṃ**; vighātalakkhaṇo **upāyāso**.

**Vitakkīti** abhiniropanavasena pavatto **vitakko**. **Vicāritanti** anumajjanavasena pavatto vicāro. **Etena etanti** etena vitakkena ca vicārena ca etaṃ paṭhamajjhānaṃ oḷārikaṃ sakaṇṭakaṃ viya khāyati.

**Pitigatanti** pītimeva. **Cetaso uppilāvitanti** cittassa uppilabhāvakaraṇaṃ. **Cetaso ābhogoti** jhānā vuṭṭhāya tasmīṃ sukhe punappunaṃ cittassa ābhogo manasikāroti. Sesāṃ sabbattha uttānatthamevāti.

Pañcakaniddesavaṇṇanā niṭṭhitā.

## (6.) Chakkaniddesavaṇṇanā

**944.** Chakkaniddese yasmā kuddho vā kodhavasena, sandiṭṭhiparāmāsī vā sandiṭṭhiparāmāsītāya kalahaṃ viggahaṃ vivādaṃ āpajjati, tasmā kodhādayo ‘vivādamūlānī’ti vuttā.

Chandarāganiddese kāmagehasitattā **chandarāgā gehassitā dhammā**ti saṅgahato vatvā puna pabhedato dassetuṃ **manāpiyesu rūpesū**tiādi vuttaṃ. Tattha **manāpiyesū**ti manavaḍḍhanakesu iṭṭhesu. Virodhā eva **virodhavatthūni. Amanāpiyesū**ti anīṭṭhesu.

**945.** Agāvesu **agāravoti** gāravavirahito. **Appatissoti** appatissayo anīcavutti. Ettha pana yo bhikkhu satthari dharamāne tīsu kālesu upaṭṭhānaṃ na yāti, satthari anupāhane caṅkamante saupāhano caṅkamati, nīce caṅkame caṅkamante ucce caṅkame caṅkamati, heṭṭhā vasante upari vasati, satthudassanaṭṭhāne ubho aṃse pārupati, chattaṃ dhāreti, upāhanaṃ dhāreti, nhāyati, uccāraṃ vā passāvaṃ vā karoti, parinibbute vā pana cetiyaṃ vandituṃ na gacchati, cetiyassa paññāyanaṭṭhāne satthudassanaṭṭhāne vuttaṃ sabbaṃ karoti – ayaṃ **satthari agāravo** nāma. Yo pana dhammasavane saṅghuṭṭhe sakkaccaṃ na gacchati, sakkaccaṃ dhammaṃ na suṇāti, samullapanto nisīdati, na sakkaccaṃ gaṇhāti, na sakkaccaṃ vāceti – ‘ayaṃ **dhamme agāravo** nāma. Yo pana therena bhikkhunā anajjhīṭṭho dhammaṃ deseti, pañhaṃ katheti, vuḍḍhe bhikkhū ghaṭṭento gacchati, tiṭṭhati, nisīdati, dussapallatthikaṃ vā hatthapallatthikaṃ vā karoti, saṅghamaṃ ubho aṃse pārupati, chattupāhanaṃ dhāreti – ayaṃ **saṅhe agāravo** nāma. Ekabhikkhusmimpi hi agārove kate saṅhe agāravo katova hoti. Tisso sikkhā pana apūrayamānova **sikkhāya agāravo** nāma. Appamādalakkhaṇaṃ ananubrūhayamāno **appamāde agāravo** nāma. Duvidhaṃ paṭisanthāraṃ akaronto **paṭisanthāre agāravo** nāma.

**Parihāniyā dhammā**ti parihānakaṛā dhammā. **Kammārāmatā**ti navakamme vā cīvaravicāraṇādīsu vā kammesu abhirati yuttapayuttatā. **Bhassārāmatā**ti tiracchānakathāvasena bhasse yuttapayuttatā. **Niddārāmatā**ti niddāya yuttapayuttatā. **Saṅgaṇikārāmatā**ti saṅgaṇikāya yuttapayuttatā. **Samsaggārāmatā**ti savanasamsagge, dassanasamsagge, samullāpasamsagge, paribhogasamsagge, kāyasamsaggeti pañcavidhe samsagge yuttapayuttatā. **Papañcārāmatā**ti taṇhāmānadiṭṭhipapañcesu yuttapayuttatā.

**946. Somanassupavicārādīsu** somanassena saddhiṃ upavicarantīti **somanassupavicārā. Cakkhunā rūpaṃ disvā**ti cakkhuvīññānena rūpaṃ passivā. **Somanassatṭhāniyanti** somanassassa ārammaṇavasena kāraṇabhūtaṃ. **Upavicarantī** tattha vicārappavattanena upavicarati. Vitakko pana taṃsampayutto vāti iminā nayena tīsupi chakkesu attho vedītabbo.

**947. Gehasitānī**ti kāmaguṇanissitāni. **Somanassānī**ti cetasikasukkhāni. **Domanassānī**ti cetasikadukkhāni. **Upekkhā**ti aññānasampayuttā upekkhā vedanā, aññānupekkhātipi etāsamyeva nāmaṃ.

**948. Atthi me attāti** vāti sabbapadesu vā-saddo vikappattho; evaṃ vā diṭṭhi uppajjati vuttaṃ hoti. **Atthi me attāti** cettha sassatadiṭṭhi sabbakālesu attano atthitaṃ gaṇhāti. **Saccato thetatoti** bhūtato ca thirato ca; idaṃ saccanti suṭṭhu daḷhabhāvenāti vuttaṃ hoti. **Natthi me attāti** ayaṃ pana ucchedadiṭṭhi, sato sattassa tattha tattha vibhavaggahaṇato. Atha vā purimāpi tīsu kālesu atthīti gahaṇato sassatadiṭṭhi, paccuppannameva atthīti gaṇhantī ucchedadiṭṭhi. Pacchimāpi atītānāgatesu natthīti gahaṇato ‘bhasmantā āhutiyo’ti gahitadiṭṭhikānaṃ viya ucchedadiṭṭhi, atīteyeva natthīti gaṇhantī adhiccasamuppannikasseva sassatadiṭṭhi. **Attanā vā attānaṃ sañjānāmī**ti saññākkhandhasīsenā khandhe attāti gahetvā saññāya avasesakkhandhe sañjānanato ‘iminā attanā imaṃ attānaṃ sañjānāmī’ti evaṃ hoti. **Attanā vā anattānanti** saññākkhandhaṃyeva attāti gahetvā itare cattāro khandhe anattāti gahetvā saññāya tesam jānanato evaṃ hoti. **Anattānā vā attānanti** saññākkhandhaṃ anattāti itare ca cattāro khandhe attāti gahetvā saññāya tesam jānanato evaṃ hoti. Sabbāpi sassatucchedadiṭṭhiyova.

**Vado vedeyyoti** ādayo pana sassatadiṭṭhiyā eva abhinivesākārā. Tattha vadatīti **vado**; vacīkamassa kārakoti vuttaṃ hoti. Vedayatīti **vedeyyo**; jānāti anubhavati cāti vuttaṃ hoti. Idāni yaṃ so vedeti taṃ dassetuṃ **tatra tatra dīgharattaṃ kalyāṇapāpakānanti**ādi vuttaṃ. Tattha **tatra tatrā**ti tesu tesu yonigatiṭṭhitinivāsānikāyesu ārammaṇesu vā. **Dīgharattanti** cirarattaṃ. **Paccanubhotī**ti paṭisaṃvedayatī. **Na so jāto nāhosī**ti so attā ajātidhammato na jāto nāma; sadā vijjānāno yevāti attho. Teneva atīte nāhosi, anāgatepi na bhavissati. Yo hi jāto so ahosi, yo ca jāyissati so bhavissatīti. Athavā ‘na so jāto nāhosī’ti so sadā vijjānāntā atītepi na jāto nāhosi, anāgatepi na jāto na bhavissati. **Niccoti** uppādavayarahito. **Dhuvoti** thiro sārabhūto. **Sassatoti** sabbakālīko. **Avipariṇāmadhammoti** attano pakatibhāvaṃ avijānanadhammo kakaṇṭako viya nānappakārattaṃ nāpajjati. Evamayaṃ sabbāsavadiṭṭhi (ma. ni. 1.17 ādayo) nāma kathitā. Sesam sabbattha uttānatthamevāti.

Chakkaniddesavaṇṇanā.

### (7.) Sattakaniddesavaṇṇanā

**949.** Sattakaniddese thāmagataṭṭhena appahīnaṭṭhena ca anusentīti **anusayā**. Vaṭṭasmim satte saṃyojenti ghaṭentīti **saṃyojanāni**. Samudācāravasena pariyuṭṭhahantīti **pariyuṭṭhānāni**. Kāmarāgo va pariyuṭṭhānaṃ **kāmarāgapariyuṭṭhānaṃ**. Sesesupi e seva nayo.

**950.** Asataṃ dhammā, lāmakatṭhena vā asantā dhammāti **asaddhammā**. Rāgādīhi dosehi duṭṭhāni caritānīti **duccaritāni**. Tena tenākārena maññantīti **mānā**.

**951.** Diṭṭhiniddese **rūpīti** rūpavā. **Cātumahābhūtikoti** cātumahābhūtamayo. Mātāpitūnaṃ etanti mātāpettikaṃ. Kintaṃ? Sukkasonitaṃ. Mātāpettike sambhūto jātoti **mātāpettikasambhavo**. Idha rūpakāyasīsenā manussattabhāvaṃ attāti vadati. Duttiyo taṃ paṭikkhipitvā dibbattabhāvaṃ vadati. **Dibboti** devaloke sambhūto. **Kāmāvacaroti** chakāmāvacaradevaparīyāpanno. Kabaḷikāraṃ bhakkhayaṭṭi **kabaḷikārabhakkho**. **Manomayoti** jhānāmanena nibbato. **Sabbaṅgapaccaṅgīti** sabbaṅgapaccaṅgayutto. **Ahīndriyoti** paripuṇṇindriyo; yāni brahmaloke atthi tesam vasena, itaresaṅca saṅghānavasenetam vuttaṃ. **Ākāsānañcāyanūpagoti** ākāsānañcāyanabhāvaṃ upagato. Itaresupi e seva nayo. Sesam sabbattha uttānatthamevāti.

Sattakaniddesavaṇṇanā.

### (8.) Aṭṭhakaniddesavaṇṇanā

**952.** Aṭṭhakaniddese kilesāyeva **kilesavatthūni**. **Kusīvatthūnīti** kusītassa alasassa vatthūni, paṭiṭṭhā, kosajjakāraṇānīti attho. **Kammaṃ kātabbaṃ hotīti** cīvaravicāraṇādikammaṃ kātabbaṃ hoti. **Na vīriyaṃ ārabhatīti** duvidhampi vīriyaṃ nārabhati. **Appattassāti** jhānavipassanāmaggaḥaladhammassa appattassa pattiya. **Anadhigatassāti** tas seva anadhigatassa adhigamatthāya. **Asacchikatassāti** tas seva asacchikatassa sacchikarāṇatthāya. **Idaṃ paṭhamanti** ‘idaṃ handāhaṃ nipajjāmi’ ti evaṃ osīdanaṃ paṭhamam kusīvatthū. Iminā nayena sabbattha attho veditabbo.

**Māsācītaṃ maññeti** ettha pana **māsācītaṃ** nāma tintamāso; yathā tintamāso garuko hoti, evaṃ garukoti adhippāyo. **Gilānā vuṭṭhito hotīti** gilāno hutvā pacchā vuṭṭhito hoti.

**954.** Aṭṭhasu lokadhammesūti ettha lokassa dhammāti **lokadhammā**. Etehi vimutto nāma natthi, buddhānampi honti eva. Tasmā ‘lokadhammā’ ti vuccanti. **Paṭighātoti** paṭihaññānākāro. **Lābhe sārāgoti** ‘ahaṃ lābhaṃ labhāmi’ ti evaṃ gehasitasomanassavasena uppanno sārāgo; so cittaṃ paṭihanati. **Alābhe paṭivirodhoti** ‘ahaṃ lābhaṃ na labhāmi’ ti domanassavasena uppannavirodho; soṇi cittaṃ paṭihanati. Tasmā ‘paṭighāto’ ti vutto. **Yasādīsipi** ‘ahaṃ mahāparivāro, ahaṃ appāparivāro, ahaṃ pasamsappatto, ahaṃ garahappatto, ahaṃ sukhappatto, ahaṃ dukkhappatto’ ti evametesaṃ uppatti veditabbā. **Anariyavohārāti** anariyānaṃ vohārā.

**957.** Purisadosāti purisānaṃ dosā. **Na sarāmīti** ‘mayā etassa kammassa kataṭṭhānaṃ na sarāmi na sallakkhemī’ ti evaṃ assatibhāvena nibbeṭheti moceti. **Codakamyeva paṭippharatīti** paṭiviruddho hutvā pharati, paṭibhāṇitabhāvena tiṭṭhati. **Kiṃ nu kho tuyhanti** ‘tuyhaṃ bālassa abyattassa bhaṇitena nāma kiṃ’ yo tvam neva vatthunā āpattim, na codanaṃ jānāsī’ ti dīpeti; ‘tvam pi nāma evaṃ kiñci ajānanto bhaṇitabbaṃ maññissasī’ ti ajjhottharati. **Paccāropetīti** ‘tvam pi khosī’ tiādīni vadanto paṭiāropeti. **Paṭikarohīti** desanāgāminim desehi, vuṭṭhānagāminito vuṭṭhāhi tato suddhante paṭiṭṭhito aññaṃ codessasī’ ti dīpeti.

**Aññenāññaṃ paṭicaratīti** aññaena kāraṇena vacanena vā aññaṃ kāraṇaṃ vacanaṃ vā paṭicchādeti. ‘Āpattim āpannosī’ ti vutto ‘ko āpanno? Kiṃ āpanno? Kathaṃ āpanno? Kismim āpanno? Kaṃ bhaṇatha? Kiṃ bhaṇathā’ ti vadati. ‘Evarūpaṃ kiñci tayā diṭṭha’ nti vutte ‘na suṇāmi’ ti soṭam vā upaneti. **Bahiddhā kathaṃ apanāmetīti** ‘itthannāmaṃ āpattim āpannosī’ ti puṭṭho ‘pāṭaliputtaṃ gatomhī’ ti vatvā puna ‘tava pāṭaliputtagamaṇaṃ na pucchāmā’ ti vutte ‘tato rājagahaṃ gatomhī’ ti ‘rājagahaṃ vā yāhi, brāhmaṇagehaṃ vā; āpattim āpannosī’ ti? ‘Tattha me sūkaramaṃsaṃ laddha’ ntiādīni vadanto kathaṃ bahiddhā vikkhipati. **Kopanti** kupitabhāvaṃ. **Dosanti** duṭṭhabhāvaṃ. Ubhayampetaṃ kodhasseva nāmaṃ. **Appaccayanti** asantuṭṭhākāraṃ; domanassassetam nāmaṃ. **Pātukarotīti** dasseti pakāseti. **Bāhāvikkhepakam bhaṇatīti** bāhā vikkhipitvā alajjivacanaṃ vadati. **Vihesetīti** vihētheti bādhati. **Anādiyitvāti** cittikārena aggahetvā avajānitvā; anādarō hutvāti attho.

**Atibāḷhanti** atidaḷhaṃ atippamānaṃ. **Mayi byāvaṭāti** mayi byāpāraṃ āpannā. **Hināyāvattitvāti** hīnassa gihibhāvassa atthāya āvattitvā; gihī hutvāti attho. **Attamanā hothāti** tuṭṭhacittā hotha, ‘mayā labhitabbaṃ labhatha, mayā vasitabbaṭṭhāne vasatha, phāsuvihāro vo mayā kato’ ti adhippāyena vadati.

958. Asaññīti pavatto vādo asaññīvādo; so tesam atthīti **asaññīvādā**. **Rūpī attā**tiādīsu lābhino kasiṇarūpaṃ **attā**ti gahetvā **rūpī**ti diṭṭhi uppajjati; alābhino takkamatteneva, ājīvakanāṃ viya. Lābhinoeva ca pana arūpasamāpattinimittam attāti gahetvā **arūpī**ti diṭṭhi uppajjati; alābhino takkamatteneva, nigaṇṭhānaṃ viya. Asaññībhāve panettha ekanteneva kāraṇaṃ na pariyesitabbaṃ. Diṭṭhigatiko hi ummattako viya yaṃ vā taṃ vā gaṇhāti. **Rūpī ca arūpī cāti** rūpārūpamissakagāhavasena vuttaṃ. Ayaṃ diṭṭhi rūpāvacarārūpāvacarasamāpattilābhino pi takkikassāpi uppajjati. **Neva rūpī nārūpī**ti pana ekantato takkikadiṭṭhiyeva. **Antavā**ti parittakasiṇaṃ attato gaṇhantassa diṭṭhi. **Anantavā**ti appamāṇakasiṇaṃ. **Antavā ca anantavā cāti** uddhamadho sapariyantaṃ tiriyaṃ apariyantaṃ kasiṇaṃ attāti gahetvā uppannadiṭṭhi. **Nevantavā nānantavā**ti takkikadiṭṭhiyeva. Sesam sabbattha uttānatthamevāti.

Aṭṭhakaniddesavaṇṇanā.

### (9.) Navakaniddesavaṇṇanā

960. Navakaniddese **nava āghātavattḥūnī**ti sattesu uppattivaseneva kathitāni. Purisānaṃ malānīti **purisamalāni**. **Navavidhā**ti navakoṭṭhāsā navappabhedā vā.

963. **Taṇhaṃ paṭicca**ti taṇhaṃ nissāya. **Pariyesanā**ti rūpādiārammaṇapariyesanā. Sā hi taṇhāya sati hoti. **Lābhoti** rūpādiārammaṇapaṭilābho. So hi pariyesanāya sati hoti. **Vinicchayo** pana ñānataṇhādiṭṭhivittakavasena catubbidho. Tattha “sukhavinicchayaṃ jaññā, sukhavinicchayaṃ ñatvā ajjhattaṃ sukhamanuyuñjeyyā”ti (ma. ni. 3.323) ayaṃ **ñānavinicchayo**. “Vinicchayoti dve vinicchayā – taṇhāvinicchayo ca diṭṭhivinicchayo cā”ti (mahāni. 102) evaṃ āgatāni aṭṭhasatataṇhāvicarītāni **taṇhāvinicchayo**. Dvāsatti diṭṭhiyo **diṭṭhivinicchayo**. “Chando kho, devānaminda, vitakkanidāno”ti (dī. ni. 2.358) imasmiṃ pana sutte idha vinicchayoti vutto vittakoyeva āgato. Lābhaṃ labhitvā hi iṭṭhāniṭṭhaṃ sundarāsundarañca vittakeneva vinicchīnāti – ‘ettakaṃ me rūpārammaṇatthāya bhavissati, ettakaṃ saddādiārammaṇatthāya, ettakaṃ mayhaṃ bhavissati, ettakaṃ parassa, ettakaṃ paribhuñjissāmi, ettakaṃ nidahissāmi’ti. Tena vuttaṃ “lābhaṃ paṭicca vinicchayo”ti.

**Chandarāgoti** evaṃ akusalavittakkena vittakke vattusmiṃ dubbalarāgo ca balavarāgo ca uppajjati. Idañhi idha **chandoti** dubbalarāgassādhivacanaṃ. **Ajjhosānanti** ahaṃ mamanti balavasanniṭṭhānaṃ. **Pariggahoti** taṇhādiṭṭhivasena pariggahakaraṇaṃ. **Macchariyanti** parehi sādharmaṇabhāvassa asahanatā. Tenevassa porāṇā evaṃ vacanatthaṃ vadanti – “idaṃ acchariyaṃ mayhameva hotu, mā aññassa acchariyaṃ hotūti pavattattā macchariyanti vuccatī”ti. **Ārakkhoti** dvārapidahanamañjusagopanādivasena suṭṭhu rakkhaṇaṃ. Adhikarotīti adhikaraṇaṃ; kāraṇassetam nāmaṃ. **Ārakkhādhikaraṇanti** bhāvanapumsakaṃ; ārakkhahetūti attho. Daṇḍādānādīsu paranisedhanatthaṃ daṇḍassa ādānaṃ **daṇḍādānaṃ**. Ekatodhārādino satthassa ādānaṃ **satthādānaṃ**. **Kalahoti** kāyakahopi vācākahopi. Purimo purimo virodho **viggaho**, pacchimo pacchimo **vivādo**. **Tuvaṃ tuvanti** agāravavacanaṃ, tvaṃ tvanti attho.

964. **Iñjitānī**ti iñjanāni calanāni. **Asmīti iñjitametanti**ādīhi sabbapadehi mānova kathito. Ahanti pavattopi hi māno iñjitameva, **ayamahanti** pavattopi, **nevasaññīnāsaññī bhavissanti** pavattopi. Sesanavakehipi mānova kathito. Māno hi iñjanato **iñjitaṃ**, maññanato **maññitaṃ**, phandanato **phanditaṃ**, papañcanato **papañcitaṃ**. Tehi tehi kāraṇehi saṅkhatattā **saṅkhatanti** ca vuccatī. Sesam sabbattha uttānatthamevāti.

Navakaniddesavaṇṇanā.

### (10.) Dasakaniddesavaṇṇanā

966. Dasakaniddese kilesā eva **kilesavattḥūni**. **Āghātavattḥūni** panettha “anattaṃ me acarī”tiādīnaṃ vasena avikopetabbe khāṇukaṇṭakādīmhipi aṭṭhāne uppannāghātena saddhiṃ vuttāni.

970. Micchattesu **micchāñānanti** pāpakiriyāsu upāyacintāvasena pāpaṃ katvā ‘sukataṃ mayā’ti paccavekkhaṇākārena uppanno moho. **Micchāvimuttī**ti avimuttasseva sato vimuttasaññitā. Sesam sabbattha uttānatthamevāti.

Dasakaniddesavaṇṇanā.

### Taṇhāvicaritaniddesavaṇṇanā

973. Taṇhāvicaritaniddese **taṇhāvicaritānī** taṇhāsamudācārā taṇhāpavattiyo. **Ajjhattikassa upādāyāti** ajjhattikaṃ khandhapañcakaṃ upādāya. Idañhi upayogathe sāmivacanaṃ. **Asmīti hotīti** yadetaṃ ajjhattaṃ khandhapañcakaṃ upādāya taṇhāmānadiṭṭhivasena samūhagāhato ‘asmī’ti hoti, tasmim satīti attho. **Itthasmīti hotīti**ādīsu pana evaṃ samūhato ‘aha’nti gahaṇe sati tato anupanidhāya ca upanidhāya cāti dvidhā gahaṇaṃ hoti. Tattha **anupanidhāyāti** aññaṃ ākāraṃ anupagamma sakabhāvameva āramaṇaṃ katvā ‘itthasmī’ti hoti; khattiyādīsu ‘idaṃpakāro aha’nti evaṃ taṇhāmānadiṭṭhivasena hotīti attho. Idaṃ tāva anupanidhāya gahaṇaṃ. **Upanidhāya gahaṇaṃ** pana duvidhaṃ hoti – samato ca asamato ca. Taṃ dassetuṃ **evasmīti ca aññathāsmīti** ca vuttaṃ. Tattha **evasmīti** idaṃ samato upanidhāya gahaṇaṃ; yathā ayaṃ khattiyō, yathā ayaṃ brāhmaṇo, evaṃ ahampīti attho. **Aññathāsmīti** idaṃ pana asamato gahaṇaṃ; yathāyaṃ khattiyō, yathāyaṃ brāhmaṇo, tato aññathā ahaṃ hīno vā adhiko vāti attho. Imāni tāva paccuppannavasena cattāri taṇhāvicaritāni. **Bhavissanti**ādīni pana cattāri anāgatavasena vuttāni. Sesāṃ purimacatukka vuttanayeneva attho vedītabbo. **Asmīti** sassato asmi. **Sātasmīti** asassato asmi. Asasmīti satasmīti vā pāṭho. Tattha atthīti asaṃ; niccasetam adhivacanaṃ. Sīdatīti sataṃ; aniccasetam adhivacanaṃ. Iti imāni dve sassatucchedavasena vuttānīti vedītabbāni. Ito parāni **siyanti**ādīni cattāri saṃsayaparivittakavasena vuttāni. Tāni purimacatukka vuttanayeneva atthato vedītabbāni. **Apāhaṃ siyanti**ādīni pana cattāri “api nāmāhaṃ bhaveyya”nti evaṃ patthanākappanavasena vuttāni. Tāni purimacatukka vuttanayeneva vedītabbāni. Evametesu –

Dve diṭṭhisīsā cattāro, suddhasīsā sīsamūlakā;  
Tayo tayoti etāni, aṭṭhārasa vibhāvaye.

Etesu hi sassatucchedavasena vuttā dve **diṭṭhisīsā** nāma. Asmīti, bhavissanti, siyanti, apāhaṃ siyanti ete cattāro **suddhasīsā**eva. Itthasmīti ādayo tayo tayoti dvādasa **sīsamūlakā** nāmāti. Evamete dve diṭṭhisīsā, cattāro suddhasīsā, dvādasa sīsamūlakāti aṭṭhārasa taṇhāvicaritadhammā vedītabbā.

974. Idāni paṭipāṭiyāva te dhamme bhājetvā dassetuṃ **kathaṅca asmīti hotīti**ādī āradhaṃ. Tattha **kañci dhammaṃ anavakāriṃ karitvāti** rūpavedanādīsu kañci ekadhammampi avinibbhogaṃ katvā, ekekato aggahetvā, samūhatova gahetvāti attho. **Asmīti chandaṃ paṭilabhatīti** pañcakkhandhe niravasesato gahetvā ‘aha’nti taṇhaṃ paṭilabhati. **Mānadiṭṭhisūpi** eseva nayo. Tattha kiñcāpi ayaṃ taṇhāvicaritaniddeso, mānadiṭṭhiyo pana na vinā taṇhāya, tasmā tadekaṭṭhavasena idha vuttā. Taṇhāsīsena vā papañcattayampi uddiṭṭhaṃ. Taṃ uddesānurūpeneva niddisītuṃ mānadiṭṭhiyo gahitā. Taṇhāpapañcaṃ vā dassento teneva saddhiṃ sesapapañcepi dassetuṃ evamāha.

**Tasmim sati imāni papañcitānīti** tasmim “asmīti chandaṃ paṭilabhatī”tiādīnā nayena vutte papañcattaye sati puna imāni “itthasmīti vā”tiādīni papañcitāni hotīti attho.

**Khattiyosmīti**ādīsu abhisekasenāmaccādinā ‘khattiyō ahaṃ’, mantajjhena porohiccādinā ‘brāhmaṇo ahaṃ’, kasigorakkhādinā ‘vesso ahaṃ’, asitabyābhaṅgitāya ‘suddo ahaṃ’, gihībyañjanena ‘gahaṭṭho aha’nti iminā nayena attho vedītabbo. **Evaṃ itthasmīti hotīti** evaṃ khattiyādīsu khattiyādiṭṭhikāraṃ attani uppādayitvā ‘itthampakāro aha’nti hoti.

**Yathā so khattiyoti**ādīsu ‘yathā so abhisekasenāmaccādinā khattiyō, tathā ‘ahampi khattiyō’ti iminā nayena attho vedītabbo. Dutīyanaye ‘yathā so abhisekasenāmaccādinā khattiyō, nāhaṃ tathā khattiyō; ahaṃ pana tato hīno vā seṭṭho vā’ti iminā nayena attho vedītabbo. **Bhavissanti**ādīniddesādīsūpi eseva nayo.

975. Evaṃ ajjhattikassa upādāya taṇhāvicaritāni bhājetvā idāni bāhirassa upādāya taṇhāvicaritāni bhājetuṃ **tattha katamānīti**ādīmāha. Tattha **bāhirassa upādāyāti** bāhiraṃ khandhapañcakaṃ upādāya. Idampi hi upayogathe sāmivacanaṃ. **Imināti** iminā rūpena vā...pe... viññāṇena vā. Avasesaṃ pana uddesavāre tāva vuttanayeneva vedītabbaṃ.

976. Niddesavāre pana **avakāriṃ karitvāti** vinibbhogaṃ katvā. **Iminā asmīti chandaṃ paṭilabhatīti**ādīsu iminā rūpena vā...pe... viññāṇena vāti evaṃ pañcakkhandhe ekadesato gahetvā iminā ‘aha’nti chandādīni paṭilabhatīti evamattho vedītabbo.

**Iminā khattiyosmīti**ādīsu ‘iminā chāttena vā khaggena vā abhisekasenāmaccādinā vā khattiyō aha’nti evaṃ purimanayeneva attho vedītabbo. **Imināti** padamattameva hettha viseso.

**Yathā so khattiyoti**ādīsūpi **imināti** vuttapadameva viseso. Tasmā tassa vasena yathā khattiyō, evaṃ ahampi iminā khaggena vā chāttena vā abhisekasenāmaccādinā vā khattiyoti evaṃ yojetvā sabbapadesu attho vedītabbo. **Iminā niccosmīti** pañcakkhandhe anavakāriṃ katvā rūpādīsu ekameva dhammaṃ ‘aha’nti gahetvā ‘iminā khaggena vā chāttena vā ahaṃ nicco dhuvo’ti maññati. Uccchedadiṭṭhiyampi eseva nayo. Sesāṃ sabbattha vuttanayeneva



veditabbaṃ.

**Iti evarūpāni atītāni chattimsāti** ekekassa puggalassa atīte chattimsa. **Anāgatāni chattimsāti** ekekasseva anāgate chattimsa. **Paccuppanāni chattimsāti** ekekassa vā puggalassa yathālābhavasena bahunaṃ vā paccuppanne chattimsa. Sabbasattānaṃ pana ekaṃseneva atīte chattimsa, anāgate chattimsa, paccuppanne chattimsāti veditabbāni. Anantā hi asadisatāṇhāmānadiṭṭhibhedā sattā. **Aṭṭhataṇhāvicaritasatam hotīti** ettha pana aṭṭhasatasāṅkhātāṃ taṇhāvicaritaṃ hotīti evamattho daṭṭhabbo. Sesam sabbattha uttānatthamevāti.

Taṇhāvicaritaniddesavaṇṇanā.

### Diṭṭhigataniddesavaṇṇanā

977. Diṭṭhigataniddese **brahmajāle veyyākaraṇeti** brahmajālanāmake veyyākaraṇe, dīghanikāyassa paṭhamasuttante. **Vuttāni bhagavatāti** sathārā sayam āhacca bhāsītāni. **Cattāro sassatavādāti** dīsu “te ca bhonto samaṇabrāhmaṇā kimāgamma kimārabbha sassatavādā sassatam attānañca lokañca paññāpentī catūhi vatthūhī” tiādīnā (dī. nī. 1.29-30) brahmajāle vuttanayeneva pabhedo ca attho ca veditabboti.

Sammohavinodaniyā vibhaṅgaṭṭhakathāya

Khuddakavatthuvibhaṅgavaṇṇanā niṭṭhitā.

## 18. Dhammahadayavibhaṅgo

### 1. Sabbasaṅgāhikavāraṇṇanā

978. Idāni tadanantare dhammahadayavibhaṅge pāḷiparicchedo tāva evaṃ veditabbo – ettha hi āditova khandhādīnaṃ dvādasannaṃ koṭṭhāsānaṃ vasena sabbasaṅgāhikavāro nāma vutto. Dutiyo tesamyeva dhammānaṃ kāmādhātūādīsu uppattānuppattidassanavāro nāma. Tatiyo tattheva pariyāpannāpariyāpannadassanavāro nāma. Catuttho tīsu bhūmīsu uppattikkhaṇe vijjānānāvijjānādhamaḍassanavāro nāma. Pañcama tesam dhammānaṃ bhūmantaravasena dassanavāro nāma. Chaṭṭho gatīsu uppādakakammaāyuppamānadassanavāro nāma. Sattamo abhiññeyyādivāro nāma. Aṭṭhamo sārammaṇānārammaṇavāro nāma. Navamo tesam khandhādīdhammānaṃ diṭṭhasutādivasena saṅgahetvā dassanavāro nāma. Dasamo kusalattikādivasena saṅgahetvā dassanavāro nāma.

979. Evaṃ dasahi vārehi paricchinnāya pāḷiyā paṭhame tāva sabbasaṅgāhikavāre “avīcīto yāva bhavaggaṃ etthantare kati khandhā” ti pucchite “ekoti vā...pe... cattāroti vā chāti vā avatvā pañcāti vattum samattho aññō natthī” ti attano ñāṇabalaṃ dīpento **pañcakkhandhāti** pucchānurūpaṃ vissajjanaṃ āha. Yathāpuccham vissajjanaññi sabbāññubhāyākaraṇaṃ nāmāti vuccati. **Dvādasāyatanānīti** dīsupi eseva nayo. **Rūpakkkhandhādīnaṃ** pabhedo khandhavibhaṅgādīsu vuttanayeneva veditabbo.

### 2. Uppattānuppattivāraṇṇanā

991. Dutiyaavāre ye dhammā kāmabhave kāmādhātusambhūtānañca sattānaṃ uppajjanti – kāmādhātuyaṃ pariyāpannā vā apariyāpannā vā – te sabbe saṅgahetvā **kāmādhātuyā pañcakkhandhāti** dī vuttaṃ. **Rūpadhātū**ādīsupi eseva nayo. Yasmā pana rūpadhātupariyāpannānaṃ sattānaṃ ghāṇāyatanādīnaṃ abhāvena gandhāyatanādīni āyatanādīkiccaṃ na karontī, tasmā **rūpadhātuyā cha āyatanāni, nava dhātuyoti** dī vuttaṃ. Yasmā ca okāsavasena vā sattuppattivasena vā apariyāpannadhātu nāma natthi, tasmā apariyāpannadhātuyāti avatvā yaṃ yaṃ apariyāpannaṃ tam tadeva dassetuṃ **apariyāpanne kati khandhāti** dī vuttaṃ.

### 3. Pariyāpannāpariyāpannavāraṇṇanā

999. Tatiyaavāre **kāmādhātupariyāpannāti** kāmādhātubhajanaṭṭhena pariyāpannā; taṃmissitā tadantogadhā kāmādhātutveva saṅkhaṃ gatāti attho. Sesapadesupi eseva nayo. **Pariyāpannāti** bhavavasena okāsavasena ca paricchinnā. **Apariyāpannāti** tathā aparicchinnā.

### 4. Dhammadassanavāraṇṇanā

1007. Catutthavāre **ekādasāyatanānīti** saddāyatanavajjāni. Tañhi ekantena paṭisandhiyaṃ nuppajjati. Iminā

nayena sabbattha attho veditabbo. Sattake “devānaṃ asurāna”nti gativasena avatvā avisesena **gabbhaseyyakānanti** vuttaṃ. Tasmā yattha yattha gabbhaseyyakā sambhavanti tattha tattha tesam sattāyatanāni veditabbāni. Tathā dhātuyo. Sesametha uttānatthameva. Pañcamavāre yaṃ vattabbaṃ taṃ dhammasaṅgahaṭṭhakathāyaṃ vuttameva.

## 6. Uppādakakammaāyuppamāṇavāraṇṇanā

### (1.) Uppādakakammaṃ

**1021.** Chaṭṭhavāre pañcahi kāmaguṇehi nānappakārehi vā iddhivisesehi dibbantīti **devā**. **Sammutidevāti** ‘devo, devī’ti evaṃ lokasammutiyā devā. **Upapattidevāti** devaloke uppannattā upapattiyā devā. **Visuddhidevāti** sabbesaṃ devānaṃ pūjārahā sabbakilesavisuddhiyā devā. **Rājānoti** muddhābhisittakhattiyā. **Deviyoti** tesam mahesiyo. **Kumārāti** abhisittarājūnaṃ abhisittadeviyā kucchismiṃ uppannakumārā.

**Uposathakammaṃ katvāti** cātuddasādīsu aṭṭhaṅgasamannāgataṃ uposathaṃ upavasitvā. Idāni yasmā parittadānādīpuññakammaṃ manussasobhagayatāya paccayo, mattaso kataṃ manussasobhagayatāya adhimattaṃ, adhimattabhāvepi nānappakārabhedato nānappakārassa khattiyamahāsālādibhāvassa paccayo, tasmā tassa vasena upapattibhedam dassento **appekacce gahapatimahāsālānanti**ādīmāha. Tattha mahāsāro etesanti mahāsārā; ra-kārassa pana la-kāraṃ katvā mahāsālāti vuttaṃ. Gahapatiyova mahāsālā, gahapatīsu vā mahāsālāti **gahapatimahāsālā**. Sesesupi eseva nayo. Tattha yassa gehe pacchimaṅgalaṃ cattālīsakoṭṭidhanaṃ nidhānagataṃ hoti, kahāpaṇānaṅga pañca ambaṇāni divasavaḷaṅgo nikkhamati – ayaṃ **gahapatimahāsālo** nāma. Yassa pana gehe pacchimaṅgalaṃ asītikoṭṭidhanaṃ nidhānagataṃ hoti, kahāpaṇānaṅga dasambaṇāni divasavaḷaṅgo nikkhamati – ayaṃ **brāhmaṇamahāsālo** nāma. Yassa pana gehe pacchimaṅgalaṃ koṭṭisatadhanaṃ nidhānagataṃ hoti, kahāpaṇānaṅga vīsati ambaṇāni divasavaḷaṅgo nikkhamati – ayaṃ **khattiyamahāsālo** nāma.

**Sahabyatanti** sahabhāvaṃ; sabhāgā hutvā nibbantantīti attho. **Cātumahārājikānanti**ādīsu cātumahārājikā nāma sinerupabbatassa vemajjhe honti. Tesu pabbataṭṭhakāpi atthi, ākāsaṭṭhāpi; tesam paramparā cakkavāḷapabbataṃ pattā. Khiddāpadosikā, manopadosikā, sītavalāhakā, uṅhavalāhakā, candimā devaputto, sūriyo devaputtoti ete sabbepi cātumahārājikadevalokaṭṭhakā eva.

Tettiṃsa janā tattha upapannāti **tāvatiṃsā**. Apica tāvatiṃsāti tesam devānaṃ nāmamevāti vuttaṃ. Tepi atthi pabbataṭṭhakā, atthi ākāsaṭṭhakā. Tesam paramparā cakkavāḷapabbataṃ pattā. Tathā yāmādīnaṃ. Ekadevalokepi hi devānaṃ paramparā cakkavāḷapabbataṃ appattā nāma natthi. Tattha dibbaṃ sukhaṃ yātā payātā sampattāti **yāmā**. Tuṭṭhā pahaṭṭhāti **tusitā**. Pakatīpaṭṭiyattārammaṇato atirekena ramitukāmakāle yathārucite bhoge nimminivā ramanīti **nimmānaratī**. Cittācāraṃ ṅatvā parehi nimmitesu bhogesu vasaṃ vattentīti **paranimmitavasavattī**.

### (2.) Āyuppamāṇaṃ

**1022. Appaṃ vā bhīyyoti** dutiyaṃ vassasataṃ appatvā vīsāya vā tiṃsāya vā cattālīsāya vā paññāsāya vā saṭṭhiyā vā vassehi adhikampi vassasatanti attho. Sabbampi hetam dutiyaṃ vassasataṃ appattattā appanti vuttaṃ.

**1024.** Brahmaṇapārisajjādīsu mahābrahmānaṃ pārisajjā paricārikāti **brahmaṇapārisajjā**. Tesam purohitabhāve ṭhitāti **brahmaṇapurohitā**. Vaṇṇavantatāya ceva dīghāyukatāya ca mahanto brahmāti mahābrahmā, tesam **mahābrahmānaṃ**. Ime tayopi janā paṭhamajjhānabhūmiyaṃ ekatale vasanti; āyuantaraṃ pana nesaṃ nānā.

**1025.** Parittā ābhā etesanti **parittābhā**. Appamāṇā ābhā etesanti **appamāṇābhā**. Daṇḍadīpikāya acci viya etesaṃ sarīrato ābhā chijjivā chijjivā patantī viya sarati visaratīti **ābhassarā**. Imepi tayo janā dutiyajjhānabhūmiyaṃ ekatale vasanti; āyuantaraṃ pana nesaṃ nānā.

**1026.** Parittā subhā etesanti **parittasubhā**. Appamāṇā subhā etesanti **appamāṇasubhā**. Subhena okiṇṇā vikiṇṇā, subhena sarīrappabhāvaṇṇena ekagghānā, suvaṇṇamaṅgalaṃ ṭhapitasampajjalitakaṇṇanapīṇḍasassirīkāti **subhakiṇṇā**. Imepi tayo janā tatiyajjhānabhūmiyaṃ ekatale vasanti; āyuantaraṃ pana nesaṃ nānā.

**1027. Ārammaṇānānattatāti** ārammaṇassa nānattabhāvo. **Manasikāranānattatādīsipi** eseva nayo. Ettha ekassa pathavīkasiṇaṃ ārammaṇaṃ hoti...pe... ekassa odātakasiṇanti idaṃ ārammaṇānattaṃ. Eko pathavīkasiṇaṃ manasi karoti...pe... eko odātakasiṇanti idaṃ manasikāranānattaṃ. Ekassa pathavīkasiṇe chando hoti...pe... ekassa odātakasiṇeti idaṃ **chandanānattaṃ**. Eko pathavīkasiṇe patthanaṃ karoti...pe... eko odātakasiṇeti idaṃ

**paṇidhinānattam.** Eko pathavīkasiṇavasena adhimuccati...pe... eko odātakasiṇavasenāti idaṃ  
**adhimokkhanānattam.** Eko pathavīkasiṇavasena cittaṃ abhinīharati...pe... eko odātakasiṇavasenāti idaṃ  
**abhinīhāranānattam.** Ekassa pathavīkasiṇaparicchindanakapaññā hoti...pe... ekassa  
 odātakasiṇaparicchindanakapaññāti idaṃ **paññānānattam.** Tattha ārammaṇamanasikārā pubbabhāgena kathitā.  
 Chandapaṇidhiadhimokkhābhinihārā appanāyapi vattanti upacārepi. Paññā pana lokiyalokuttaramissakā kathitā.

**Asaññasattānanti** saññāvirahitānaṃ sattānaṃ. Ekacce hi tittḥāyatane pabbajitvā ‘cittaṃ nissāya  
 rajjanadussanamuyhanāni nāma hontī’ ti citte dosaṃ disvā ‘acittakabhāvo nāma sobhano,  
 diṭṭhadhammanibbānameta’nti saññāvirāgaṃ janetvā tatrūpaṃ pañcamāṃ samāpattiṃ bhāvetvā tattha nibbattanti.  
 Tesāṃ upapattikkhaṇe eko rūpakkhandhoyeva nibbattati. Ṭhatvā nibbato ṭhitako eva hoti, nisīditvā nibbato  
 nisinnakova nipajjitvā nibbato nipannova. Cittakammarūpakasadisā hutvā pañca kappasatāni tiṭṭhanti. Tesāṃ  
 pariyoṣāne so rūpakāyo antaradhāyati, kāmāvacarasaññā uppajjati; tena idha saññūppādena te devā tamhā kāyā cutāti  
 paññāyanti.

Vipulā phalā etesanti **vehapphalā.** Attano sampattiyā na hāyanti na vihāyantīti **avihā.** Na kañci sattaṃ tappantīti  
**atappā.** Sundarā dassanā abhirūpā pāsādikāti **sudassā.** Suṭṭha passanti, sundarametesāṃ vā dassananti **sudassī.**  
 Sabbehi eva guṇehi ca bhavasampattiyā ca jeṭṭhā, natthettha kaniṭṭhāti **akaniṭṭhā.**

**1028.** Ākāsānañcāyatanaṃ upagatāti **ākāsānañcāyanūpagā.** Itaresupi eseva nayo. Iti cha kāmāvacarā, nava  
 brahmalokā, pañca suddhāvāsā, cattāro arūpā asaññāsattavehapphalehi saddhiṃ chabbīsati devalokā; manussalokena  
 saddhiṃ sattavīsati.

Tattha sammāsambuddhena manussānaṃ devānañca āyūṃ paricchindamānena catūsū apāyesu bhummadevesu ca  
 āyū paricchinnaṃ taṃ kasmāti? Niraye tāva kammameva pamāṇaṃ. Yāva kammaṃ na khīyati, na tāva cavanti. Tathā  
 sesaapāyesu. Bhummadevānampi kammameva pamāṇaṃ. Tattha nibbattā hi keci sattāhamattaṃ tiṭṭhanti, keci  
 addhamāsaṃ, keci māsaṃ, kappāṃ tiṭṭhamānāpi atthiyeva.

Tattha manussesu gihibhāve ṭhitāyeva sotāpannāpi honti, sakadāgāmiphalaṃ anāgāmiphalaṃ  
 arahattaphalaṃ pāpuṇanti. Tesu sotāpannādayo yāvajīvaṃ tiṭṭhanti. Khīṇāsavā pana parinibbāyanti vā pabbajanti vā.  
 Kasmā? Arahattaṃ nāma seṭṭhaguṇo, gihilingaṃ hīnaṃ, taṃ hīnatāya uttamaṃ guṇaṃ dhāretuṃ na sakkoti. Tasmā te  
 parinibbātukāmā vā pabbajitukāmā vā honti.

Bhummadevā pana arahattaṃ patvāpi yāvajīvaṃ tiṭṭhanti. Chasu kāmāvacaradevesu sotāpannasakadāgāmīno  
 yāvajīvaṃ tiṭṭhanti; anāgāmīnā rūpabhavaṃ gantuṃ vaṭṭati, khīṇāsavena parinibbātuṃ. Kasmā? Nilīyanokāsassa  
 abhāvā. Rūpāvacarārūpāvacaresu sabbehi yāvajīvaṃ tiṭṭhanti. Tattha rūpāvacare nibbattā sotāpannasakadāgāmīno na  
 puna idhāgacchanti, tattheva parinibbāyanti. Ete hi jhānaanāgāmīno nāma.

Aṭṭhasamāpattilābhīnaṃ pana kiṃ niyameti? Paṇaṇajjhānaṃ. Yadevassa paṇaṇaṃ hoti, tena uppajjati. Sabbesu  
 pana paṇaṇesu kiṃ niyameti? Patthanā. Yattha upapattiṃ pattheti tattheva upapajjati. Patthanāya asati kiṃ niyameti?  
 Maraṇasamāyā samāpannā samāpatti. Maraṇasamāyā samāpannā natthi, kiṃ niyameti?  
 Nevasaññānāsaññāyatanaṃ samāpatti. Ekaṃsena hi so nevasaññānāsaññāyatane upapajjati. Navasu brahmalokesu  
 nibbattaariyasāvakaṇaṃ tatrūpapattiṃ hoti uparūpapattiṃ na heṭṭhūpapatti. Puthujjanānaṃ pana tatrūpapattiṃ hoti  
 uparūpapattiṃ heṭṭhūpapattiṃ. Pañcasu suddhāvāsasu catūsū ca arūpesu ariyasāvakaṇaṃ tatrūpapattiṃ hoti  
 uparūpapattiṃ. Paṭhamajjhānabhūmiyaṃ nibbato anāgāmī nava brahmaloke sodhetvā matthake ṭhito parinibbāti.  
 Vehapphalā, akaniṭṭhā, nevasaññānāsaññāyatanaṃ ime tayo devalokā **seṭṭhabhavā** nāma. Imesu tīsu ṭhānesu  
 nibbattaanāgāmīno neva uddhaṃ gacchanti, na adho, tattha tattheva parinibbāyantīti. Idamettha pakiṇṇakaṃ.

## 7. Abhiññeyyādivāraṇaṇā

**1030.** Sattamavāre salakkhaṇapariggāhikāya abhiññāya vasena **abhiññeyyatā** veditabbā.  
 Nātatīraṇapahānapariññānaṃ vasena **pariññeyyatā.** Sā ca **rūpakkhandho abhiññeyyo pariññeyyo na**  
**pahātābboti**ādīsu nātatīraṇapariññāvaseneva veditabbā. **Samudayasaccaṃ abhiññeyyaṃ pariññeyyaṃ**  
**pahātābanti**ādīsu pahānapariññāvasena.

Aṭṭhamavāre rūpādiārammaṇānaṃ cakkhuvīññānādīnaṃ vasena sārammaṇānārammaṇatā veditabbā. Navamavāro  
 uttānatthoyeva. Dasamavārepi yaṃ vattabbaṃ siyā taṃ sabbaṃ tattha tattha pañhāpucchakavāre vuttamevāti.

Sammohavinodaniyā vibhaṅgaṭṭhakathāya

Dhammahadayavibhaṅgavaṇṇanā niṭṭhitā.

### Nigamanakathā

Ettāvatā ca –

Abhidhammaṃ desento, dhammagaru dhammagāravayuttānaṃ;  
Devānaṃ devapure, devagaṇasahasaparivāro.

Dutiyaṃ adutiyaपुरiso, yaṃ āha **vibhaṅgapakaraṇaṃ** nātho;  
Aṭṭhārasahi vibhaṅgehi, maṇḍitamaṇḍapeyyagūṇo.

Atthappakāsanatthaṃ, tassāhaṃ yācito ṭhitaguṇena;  
Yatinā adandhagatinā, subuddhinā buddhaghosena.

Yaṃ ārabhiṃ racayituṃ, aṭṭhakathaṃ sunipuṇesu atthesu;  
Sammohavinodanato, sammohavinodaniṃ nāma.

Porāṇaṭṭhakathānaṃ, sāraṃ ādāya sā ayaṃ niṭṭhaṃ;  
Pattā anantarāyena, pāḷiyā bhāṇavārehi.

Cattālīsāya yathā, ekena ca evameva sabbehi;  
Niṭṭhaṃ vajantu vimalā, manorathā sabbasattānaṃ.

Saddhammassa ṭhitatthaṃ, yañca imaṃ racayaṭā mayā puññaṃ;  
Pattaṃ tena samattaṃ, pāpuṇatu sadevako loko.

Suciraṃ tiṭṭhatu dhammo, dhammābhirato sadā bhavatu loko;  
Niccaṃ khemasubhikkhādi-sampadā janapadā hontūti.

Paramavisuddhasaddhābuddhivīriyapaṭimaṇḍitena sīlacārajjavamaddavādiguṇasamudayasamuditena sakasamayasamayantaragahanajjhogāhaṇasamatthena paññāveyyattiyasamannāgatena tipīṭakapariyattippabhede sātṭhakathe satthusāsane appaṭihataññāpabbhāvena mahāveyyākaraṇena karaṇasampattijānitasukhaviniggaṭamadhurodāravacanalāvaṇṇayuttana yuttamuttavādinā vādīvarena mahākavinā pabhinnapaṭisambhidāparivāre chaḷabhiññāpaṭisambhidādiṭṭhapaṭisambhedaguṇapaṭimaṇḍite uttarimanussadhamme suppaṭiṭṭhitabuddhīnaṃ theravaṃsappadīpānaṃ therānaṃ mahāvihāravāsīnaṃ vaṃsālaṅkārahūtena vipulavisuddhabuddhinā **buddhaghosoti** garūhi gahitanāmadheyyena therena katā ayaṃ **sammohavinodanī** nāma vibhaṅgaṭṭhakathā.

Tāva tiṭṭhatu lokasmiṃ, lokanītharaṇesinaṃ;  
Dassenti kulaputtānaṃ, nayaṃ paññāvisuddhiyā.

Yāva buddhoti nāmampi, suddhacittassa tādino;  
Lokamhi lokaṇṭhassa, pavattati mahesinoti.

Sammohavinodanī nāma vibhaṅga-aṭṭhakathā niṭṭhitā.